


Juziñamui Ñuera
Uai



New Testament in Huitoto, Minica

Juziñamui Ñuera Uai

New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 25 Nov 2022 from source files dated 29 Jan 2022
740f11a2-2e26-57f5-a3a7-5deb2d20bd24

Contents

SAN MATEO	1
SAN MARCOS	65
SAN LUCAS	104
SAN JUAN	170
LOS HECHOS	214
ROMANOS	271
1 CORINTIOS	301
2 CORINTIOS	328
GALATAS	346
EFESIOS	356
FILIPENSES	366
COLOSENSES	373
1 TESALONICENSES	380
2 TESALONICENSES	385
1 TIMOTEO	389
2 TIMOTEO	397
TITO	403
FILEMÓN	407
HEBREOS	409
SANTIAGO	435
1 PEDRO	441
2 PEDRO	450
1 JUAN	455
2 JUAN	461
3 JUAN	462
JUDAS	463
APOCALIPSIS	466

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

*Jesucristo nánoramaci
(Lc 3.23-38)*

¹ Benomo cuela mámeciai Juzíñamui Jitó Jesucristo nánoramaci. Jesucristo jaiái illaíma David náiraimona comuídímie. Daje izói afémie David nánoramie Abraham náiraimona comuídímie.

² Afe Abraham Isaac moo, íemo jiái Isaac Jacob moo. Iemo Jacob Judá ie ámatiairi íaioi moo. ³ Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴ Iemo Aram Aminadab moo. Iemo jiái Aminadab Naasón moo. Iemo Naasón Salmón moo. ⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isai moo. ⁶ Iemo Isai illaíma David moo. Iemo illaíma David, Urías tilla mei Urías ai ote. Iemo David íaillinoi jitó Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo. ⁸ Iemo Asa Josofat moo. Iemo Josofat Joram moo. Iemo Joram Uzías moo. ⁹ Iemo Uzías Jotam moo. Iemo Jotam Acáz moo. Iemo Acáz Ezequías moo. ¹⁰ Iemo Ezequías Manasés moo. Iemo Manasés Amón moo. Iemo Amón Josías moo. ¹¹ Iemo Josías Jeconías naa ie ámatiairi moo. Aféruillaído Israel náirai Babilonia éniemo lláviano uigáiaioi.

¹² Afe mei Jeconías Salatiel moo. Iemo Salatiel Zorobabel moo. ¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo. ¹⁶ Iemo Jacob José moo. Afe José, María ini. Aféngomona comuide Jesús. Afémie jiáici Cristo.

¹⁷ Be daí Abrahamona Davidmo itígima catorce méidígimaiaí. Daje izói David illágimamona Israel náirai lláviano Babilonia éniemo uillágimamo catorce méidígimaiaí. Iemo jiái afénomona catorce jiáigima Cristo comuillanomo.

*Jesucristo comuillafue
(Lc 2.1-7)*

¹⁸ Jesucristo jocoina bie izói joide. Ie ei María ja jicánogango Josemo iníreilla. Nai José diga inena llezica, María Juzíñamui Ñuera Joreño riínodo, ja úruereacade. ¹⁹ Ie ini José ñue jaícina itímie, mei íadi uáfodo comini eróicana Mariana oni dotáacañede. Mei jiáifodo báinino buna onóñeno aféngona oni fiéacade. ²⁰ Bíemo comécilla llezica, ie ínia anado ángel daínámie, Juzíñamui abi ímie íemo cíocaide. Iena daide:

—José, David izie ímie, meáiruñeno o iri. María o aiza o oíri, mei afengo jocolle jitó Juzíñamui Ñuera Joreño comuideza. ²¹ Afengo jitó jócoite; ie mei Jesuna ie mámecí jítaitio. Afémie daí mámecireite, mei ie comínina íaioi fiénidífuemona jílloteza, —daide.

²² Nana bie íficaide, jaiái Juzíñamui uai jino llóraíma daínana ñue ícoimo fúitallena. Afe uai llóraíma bie izói daide:

²³ Nai inínde jitaingo úruereacade; íemona jitó cómuite.

Afémie mámece Emanuel daiille.
Afece daiiacade, Juzíñamui cai diga ite.

²⁴ José nicárillamona cazíllano Juzíñamui abi ímie íemo ocuilla izóí finode. Maríana ie ai izóí ote. ²⁵ Mei íadi María jító jócuano, afe íaillinoi ua ini izóí íñédiaillinoi. Jócuano Jesuna ie mámece jítade.

2

Magos dainámace ucúduaido ráfuena baitádino Jesuna méiñuabitiaioi

¹ Jesús Belén jófuemo jococa. Afe Belén Judea éniemo ite. Aféruillaído Herodes aféniemo illáimana ite. Iemo dáamace jítoma billáfene imace Jerusalemo dúcídiaoioi. Afémace ucúduaido ráfuena baitádino. ² Dúciillano jicánotiaoioi:

—¿Ninomo ite jococa Judíuaí illaíma? Mei jítoma billáfenemo ie illano onótate ucúduna ciódicaíza. Afémie cáimadollena benomo biticaí, —daiídiaoioi.

³ Bífuena Herodes fídiamona, afémie comeci llícide. Daje izóí jíái nana Jerusalén comini áfemo comeci llícioidiaoioi. ⁴ Iemona Herodes nana lletáriraini illaini, íemo ocuica uailai llófuetino diga dáanomó jírillano jicánote. ¿Mei nie jófuemo afe Cristo jéicille? ⁵ Jira íena daiídiaoioi:

—Afémie Belén jófuemo jéicille, mei jiaí Juzíñamui uai llóraini bie izóí dáideza:

⁶ Belén jofue Judá éniemo ite.

Afe éniemo ite jamánomoide jófuemona afe Belén dinó dúeñeite; mei afénomo cue nairai Israel úiñoite illaíma cómuíteza, —daií daiídiaoioi.

⁷ Afe mei Herodes ucúduaido ráfuena baitádinona báinino uáidote. Uáiduano íaioímo jicánote: “¿Níie monado afe ucúduna ciódiomoi?” ⁸ Íaioi llua méifomo, Belemo íaioína orede. Oriano íaioína daide:

—Afénomo omoi jai. Jaillano afézana ñue jaícina omoi jicánori. Afeza omoi báiaí, cuemo lluaíbiri, mei afézana cáimaduaiacadicue, —daide.

⁹ Afe illaíma daií íaioína daina mei, ucúduaido ráfuena baitádino jáidiaoioi. Ie mei jítoma billa dibénemona íaioi ciona ucudu, meine abido íaioína ífóicaide. Ífóicaillano afe úrue illánomo mózizaide. ¹⁰ Baitádino afe ucudu mózizaillana cióillano, iere cáimacaidiaoioi. ¹¹ Iemo afeco eromo jaillano, afézana ie ei María diga cióidiaoioi. Iemona afézamo cañici ana dújuillano, íena cáimadotiaoioi. Afe mei íaioi atica raa túiñuano, afézamo fecáidiaoioi. Ua oro, íemo uguci, íemo “mirra” daina ráifide ziórede raa, afézamo fecáidiaoioi. ¹² Afe méifomo, Juzíñamui nicárillado íaioímo llote; Herodes illánomo íaioi jáiñeillena íaioína daide. Afemona oni jíaié iodo íaioi éniemo jáidiaoioi.

Jesús moo íaillinoi Egíptomó bótaja

¹³ Ucúduaido baitádino meine jailla méifomo, Juzíñamui abi ímie (ángel dainámie) nicai anado Josemo ciocaide. Ciocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Afénomo cue daiille dinó omoi iri. Mei Herodes bie úrue fállena jénoíteza, —daide.

¹⁴ Mei jira José náidacaillano, úrue naa ie éioiri naio Egíptomó botáidiaoioi. ¹⁵ Afénomo ua Herodes tílle dinó itíaoioi. Bie izóí íficaide, Juzíñamui uai llóraíma jiaí daina uai ñue ícoímo fuitállena. Afe uai be ñie: “Egíptomona cue jító uáidotícue.”

Herodes nana úruiaína fazítate

16 Iemo Herodes ucúduaido baitádino afémie jifánodoiana fidáillano, afémie jamánomo ríicaide. Iemona nana Belemo ite mena fimona fuitade úruiaina fazítate. Afe jofue áinodo ite úruiaina daje izói fazítate. Naui ucúduaido baitádino úrue jocóinana Heródesmo llua izói, mena fimona fuitade úruiaina fazítate. 17 Bie izói jaiái Juzíñamui uai llóraima Jeremías lloga uai fuite. Be níuui:

18 Rama jófuego zúurede uai cácaite; cáillicailli eia uai cácaite.

Nairái uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiai cómuitatino eia jaca buna fíranide, mei afengo úruiai fazílliaioiza, daí Jeremías daide.

19 Mei afe Herodes tílla méifodo Juzíñamui abi ímie nicai anado batí Egíptommo Josemo cíocaide. Cíocaillano íena daide:

20 —¡Náidacai! Náidacaillano úrue naa ie éioiri abido Israel éniemo omoi jairi, mei naui baie fáiacadino nana ja tíidiaioi, —daide.

21 Afemona José afe úrue naa ie éioiri abido Israel éniemo jáidiaioi.

22 Mei íadi Arquelao ie moo Herodes ifomo illáimana íllana fidáillano, José afe Judea éniemo jáillana jacíruite. Iemo Juzíñamui nicai anado aféniemo llúamona, afémie afénomo jáíñeno Galilea éniemo jaide. 23 Afe Galiléamo dúcia méifodo, Nazaret jófuego fíébizaide. Bifue bie izói joide, jaiái Juzíñamui uai llóraima daina uai ñue ícoimo fuitállena. Be níuui: “Jesús Nazaret ímie daírena.”

3

Juan Bautista táizicimo rafue jino llote

(Mr 1.1-8; Lc 3.1-9, 15-17; Jn 1.19-28)

1 Aféruído Juan Bautista Judea éniemo ite táizicimo lletámaizabite.

2 Daide:

—Omoi comeci ífuiái mai méidori, mei monamo ite Juzíñamui illáimana illirui ja íanori íteza, —daide.

3 Bie Juan jaiái Juzíñamui uai llóraima Isaias llogámie. Afémie jica ia bie izói Juaado cuete:

Ficire úritimie uai táizicimo cácaide.

Afémie daide: “Juzíñamui bille io ñue fínua izói, omoi comeci ñue omoi finori.

Aféniemo io jáicina dénuu izói,

Omoi comeci íáfuiái omoi féitari”, —daide.

4 Aféruíllaido Juan jítaoigaroi camello itíraiaí níinaroi. Ie círaigí ife rille igoí finoina. Afémie jaca fíuai rífirede. Daje izói cíiji jírofirede. 5 Jerusalén comíni afémie úrillamo cacáreizaíbitiaioi, daje izói nana Judea énie imaci, íemo jíái Jordán imani abi comíni ie úrillamo cacáreizaíbitiaioi. 6 Iaióimo ite fíenidífuiaí jino íaioi llua méifomo afe Juan Jordamo íaioina báutizade.

7 Mei íadi fariséuaímona, jíái saducéuaímona aillo comíni Juan diné ie báutizajanomo bitiaioi. Afémaci bíllana Juan cíoillano, íaioina daide:

—¡Títade jaióniaímona comuídino izóidíomoi! Ja ánozide duere zefuúllifuemona omoi botállena ¿bu omoi llua? 8 Omoi comeci ífue méidoiacanana ñúefuedo uáfodo jino ácatari. 9 Dani ómoímona “Abrahámona comuídinodicaí cai íllamona Juzíñamui íena iticaí,” afe izói daíñeno iri,

mei táinoza. Mei bie nofíciaina, Juzíñamui jitáia di Abraham comínina comuítaredeza, daí ómoína daidícue. ¹⁰ Fiénide amena tiéllena jata jicaida jóonia izói, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tíéfírega zena izóidiomoi.) ¹¹ Uáfúena bimaci comeci ifue íaioi méidua jira, jáinoido íaioína báutizadícue. Mei jáífodo cue méifodo bíitímie, comínina Ñuera Joreño úicaitaite. Daje izói iraimo raa ñue zia izói afémie comínina íainino ñue finoite. Afémie iere cue baimo ríinorede, cue bie jamáimiedícueza afémiena dama ñue jacíruiredícue. ¹² Afe cue méifodo bíitímie arroz bíájidímie izói ja ie llocofe llíicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruite, mei jáífodo fiénidícuai izóidinona jaca dúíñeite iraimo jóbaite, —dínori Juan úrite.

Jesús báutizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizallena. ¹⁴ Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Ñibái mei cue dinena bitio? —daide.

¹⁵ Jira Jesús íena daide:

—Dama daítadeza, birui cue daina izói fino, mei nana Juzíñamui jítaina izói finóredícozo. Afe coco finolle cócomo ñue jóbide, —daide.

Iemona Juan ja fairíote. ¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raire túijicaide. Afe dáaruido Jesús Ñuera Joreño fíiciri ana billa izói bíllana cíode. Afémiemo ráinazaibite. ¹⁷ Mei íemona monámoma daa úrilla uai cácacaide. Afe úrilla daide:

—Bie iere cue izíruiga Jitó. Afémiemo jamánomo íóbioidícue, —daide.

4

Taife Jesús facátate

(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fieni facátallena.

² Afénomo Jesús cuarenta dígarui güíñeno ite. Mona naio diga afénomo güíñeno ite. Afe mei afémie iere jamánomo jufínaite. ³ Ie jufínaila llezica, Taife Jesús facátallena ánozide. Iena daide:

—Ua Juzíñamui Jitona o íadi, mai bie nofíciái paana mei fino, —daide.

⁴ Jira Jesús uai ote:

—Jaiái Juzíñamui Cuegáuai daide: “Fia güíllede come ínide, mei jáífodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófúemo uite. Afénomo ite gairíraco emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómoma ana batí mai ticai, mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

Iaioi ónoido ona mozíñoitiaioi, o éiba nofíciaino íziñeillena, —daide.

⁷ Jira Jesús uai ote:

—Jaiái Juzíñamui Cuegáuai nane daide: “O ocuide Juzíñamui mai facátañeno,” —daide.

⁸ Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebiredifuiari. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íitícue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairena. Dama afémie ocuífregamiéna o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímiái Jesuna cánuaibite.

Jesús Galilea éniemo como fueñe tájizaide

(Mr 1.14-15; Lc 4.14-15)

¹² Jesús Juan Bautista llavéinana fidíllano, oni Galilea éniemo jaide.

¹³ Mei íadi Nazaremo fiébiñeno, Capernaum jófueño jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiái Juzíñamui uai llóraima Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daina énie.

¹⁶ Aféniaimo ite comini jítinomo itino izói Juzíñamuina onóñediaioi.

Mei íadi ja birui afémaci como aillo egáiñotena ciódino izói, Juzíñamuina uáfodo onódiaioi.

Iemo jíái afe tíide izói Juzíñamuina ónoñedino jae egáiñogaiaioi, Juzíñamui ziiñona illífuena íaioi maiñóllena.

¹⁷ Afe mei Jesús jino cominimo ie llófuelle uai fueñe tainede. Daide:

—Omoi comeci ífuiái méidori, mei monamo ite Juzíñamui illáimana illirui ánozideza, —daide.

Jesús cuatro dígamie facóñredino uáidote

(Mr 1.16-20; Lc 5.1-11)

¹⁸ Jesús Galilea jorai fuédado macádemo, mena ama íaillinoína baite. Dáamie mámece Simón, afémie jíáifodo mameína Pedro. Jáie baigámie mámece Andrés. Afe íaillinoi facóraini. Afe llezica llóiji jóraimo dotádiaillinoi. ¹⁹ Iemo Jesús íaillinoína daide:

—Mai cuedo bi, comini llófuellena íaioi jénoitimiéna ómicoína jóneitícue, —daide.

²⁰ Íaillinoi llóiji fiénocaillano afémiedo jáidiaillinoi.

²¹ Nane afe báifenemo Jesús mena jíáie ama íaillinoína cíozaide. Afe íaillinoi Zebedeo jító Santiago Juan diga. Afe íaillinoi áillue nocaemo ie moo diga íaioi llóiji ñue finódiaioi. Jesús íaillinoi uáidote. ²² Afe llezica, áillue nocaemo íaillinoi moo fiénocaillano, Jesudo jáidiaillinoi.

Jesús nágagobiaimo aillo comini llófuete

(Lc 6.17-19)

²³ Afe mei Jesús Galilea éniemo nágafenedo jaide. Nana Juzíñamui uai llófueraicuaimo llófuérite. Afémie Juzíñamui illáimana illirui ñúefuedo jino llócaide. Daje llezica nana jíáifodorie irárede comini jíllotate. ²⁴ Nana Siria éniemo Jesús finoca ñúefuiái jalleide. Iemona Jesumo jíáiforiéde

dúicuaímo duere zefuídino atídíaiói. Iemo jáíforie izi cácadino, íemo fiénide jóriai uícaigamací, íemo chémemo raamo jíridino, íemo tízitaitino, nana bie izóidino Jesumo atídíaiói. Iemo nana afémacina Jesús jíllotate. ²⁵ Iemona díga jáínuaímona bitíaiói Jesudo jáillena. Galilea éniemona bitíaiói, íemo Decapolís jófuaímona bitíaiói, íemo Jerusalén naa Judea éniemona bitíaiói. Daje izói imani Jordán ruicáfellemona Jesudo bitíaiói.

5

Caifónedumona Jesús lloga are uai

¹ Jesús afe aillo iedo jáidinona cíoillano, caifónedumo ráinazaide. Iemona ie llófuegamaci afémie abido ofídíaiói. ² Afe mei Jesús bie izói como íaióina llófuete:

Caímare íóbidino (Lc 6.20-23)

³ “Comeci dímena dúeredicai” daífiredino íóbidíaiói, mei monamo ite Juzíñamui illáimana illarui afémacímimo dúideza.

⁴ Comécina zúuredino caímare itíaiói, mei Juzíñamui íaiói fíraíteza.

⁵ Comécina mánaidino caímare íóbidíaiói, mei Juzíñamui jica ía íaióiena mameca énie máíñoítaióiiza.

⁶ Júbiena méinegamíe iere güácana izói, Juzíñamui comeci jítaina izói iere íacadino caímare íóbidíaiói, mei Juzíñamui afe íaiói íacanana izói íaiói illena afémacina cánoíteza.

⁷ Jáímacímimo dúecaífredino caímare íóbidíaiói, mei Juzíñamui íaióimimo dúecaíteza.

⁸ Comécina íainidino caímare íóbidíaiói, mei Juzíñamuina cíoitíaióiiza.

⁹ Ícírafuena oni orédino caímare íóbidíaiói, mei Juzíñamui afémacina “Cue jítoídíomoi” dáíteza.

¹⁰ Juzíñamui jítaina íaiói fínuari duere zefuídino caímare íóbidíaiói, mei monamo ite Juzíñamui illáimana illarui íaióimimo dúideza.

¹¹ Comíni omoi báíñua, omoi duere íaiói fínua caímare íóbidíomoi. Daje izói cue ícoínia taino uailíai ómoímimo íaiói nitáadi caímare íóbidíomoi.

¹² Afena náfueñeno íóbicana caímare omoi iri, mei monamo ite áillue ebíredífue jíridoítíomoiiza. Mei jaíai nai omoi íñena llezica ite Juzíñamui uai llóraíni daí duere finóllena racácaíaiói.

Sal ñue fínua izói, afe izói comíni ñue finódinona itíomoi; daje izói bíníe egáíñotínodíomoi

(Mr 9.50; Lc 14.34-35)

¹³ Omoi, sal izói, bíníe comíni ñue finódinona itíomoi. Mei íadi sal íe ríino íñenia güíllena caímáretañede. Afe ríinonide sal ¿mínícado meine ríiretade? Jaca meine ríiretaninamona jaca ráííñede. Comíni zaízíllena macáranomo dotárega.

¹⁴ Omoi finoca ñúefuiai fínuamona, bíníe comíni ñue íllena egáíñote raa izóidíomoi. Iemona caifónedumo ite uáfori cíocaide jofue jaca retáidonina izói itíomoi. ¹⁵ Uneca mechera nogo eromo retáidollena unéñediomoi. Mei jáífodo caífo uáfori cíoidinomo uneda ráinafiredíomoi, jofo eromo itínomo ñue egáíñollena. ¹⁶ Afe izói ómoímimo Juzíñamui comuítaga omoi finófirega ñúefuiai jino comíni eróicana finócana omoi uiri. Daí omoi ñue

finócafuiaina ñue íaioi cíoillesa. Uáfori íaioimo cíotari, monamo ite omoí Moomo ñúefuiaí íaioi jóonellena.

Jesús Moisés ocuica uai dibénedo llófuete

¹⁷ “Moisés ocuica uai cáitajaíbite,” daií cuemo omoí comécíñeno iri. Daje izóí jaiai Juzíñamui uai llóraima llófuia féitajaibiñedicue. Jaca afe uaillai féitajaibiñedicue, mei jiáifodo afe uaillai ñue ícoimo fúitaíbiticue. ¹⁸ Uáfueña ómoína dáititcue, mona naa énie diga nai fúíñeille dino bie ocuica uáillaimona daa uai oni ónide. Nana áfemo lloga ífcaitifuiái nai zuiñena llezica, afe uaillai jaca íite. ¹⁹ Ie jira afe ocuica uáillaimona daa uai iere duere íadi dáamie náfueñenia, monamo ite Juzíñamui illáimana illáruimo afémie jamáimiena jáite. Daje izóí afémie náfueñena izóí jiáimacina “Cai náfueñeilli” daiíadi, iere jamáimiena jáite. Mei jiáifodo aféuaillai náfuetinona íemo jiáimaci afe uaina náfuetadinona, “Bi-maci Juzíñamui illáimana illáruimo jamánomoidinona,” daíille. ²⁰ Mei birui ómoína dáititcue: Juzíñamui jitáinana ñue ícoimo fuitállena, ocuica uai llófuetino, fariséuai diga iere áfena nícidotiaioi. Mei íadi íaioi nícidoga baimo omoí fínoñenia, monamo ite Juzíñamui illáimana illáruimo dúciñeitiomoi.

Jesús comini icírilla dibénedo llófuete

(Lc 12.57-59)

²¹ Omoí jaiáidigimaci dáinana cacádiomoi. Afe daína be ñie: “Jiáimana titáñeno iri, mei jiáima titádimie jicánuano duere finolle.” ²² Mei íadi afe emódomo nane dáititcue. Ninó dáamie ie aino come diga icírria, afémie áferi jicánuano duere finolle. Daje izóí ie ámana íaire daidímie Jamánomo Ríillaini afémiemo jicánuano duere finolle. Iemo jiái ie ámana “O abina onóñedimiedio,” daiíadi afémie áferi jaca ninomo dúíñede iraimo orérede.

²³ Iemona Juzíñamuimo o úriacana llezica, daje izóí afémiemo fia fecácaga raa o izájiacana llezica, o aino come diga o icírillamo o uibíoicaíadi, ²⁴ afe o izájiacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fínua méifomo, o izájiacaga raana fecáredio. Ja Juzíñamuimo úriredio. ²⁵ Iemo jiáífueomo omoí cacai. Íaifue omo mamédimie diga raire o úrizairi, afe íaifue záilleza. Jicánoracomo nai ona uíñena llezica, mai jino io anamo ñue ómicoi záitari, jicánoraimamo o ie úiñeilleza. Daií o fínoñenia, afe jicánoraíma fiénidino llaitáfiredinomo ona izájite. Iemo afémaci ona llavéracomo íbaitiaioi. ²⁶ Uafue ona dáititcue, o llavétatímie jicaca úcube ie jícaja dieze o íbañenia, afécomona jaca jino bíñeíto, —daidicue.

Jesús comini finoca jiruifue dibénedo llófuete

²⁷ Jaiai daínauai cacádiomoiiza. Afe be ñie uai. Jiáie ringo diga jiruídoñeno o iri. ²⁸ Mei íadi ómoína daidicue: Omoímona dáamie ringomo eróicana fieni comeci facáadi, afémie jae afengo diga ie comécido jiruifue finode.

²⁹ Mei o ciona raamo o éroillamona fiénidífueomo ona baiítaia afemo eróíñeno o iri. Ua, o uíji nabeji o fitajamona o eróinino o illa izóí, afe izóí o fiéniruite raamo eróíñeno o iri. Afe uíji júbene o fitañenia izóí, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi íñena izóí, nana o abi táinocaille baimo iere ñuera.

³⁰ Daje izói o finóacanafuiai fiénidifuego ona baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiéniruitate ráfuiaina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abimona daa onoi iñenia izói, nana o abi táinocaille baimo iere ñue ite.

Come ai dótafirena dibénedo Jesús llófuete

(Mt 19.9; Mr 10.11-12; Lc 16.18)

³¹ Daje izói jáie jaiai daina uai bie izói joid: “Ñinó daa come ie ai dotáadi, afe bie ringona benómona óñeiticue dainabe aféngomo írena.”

³² Mei íadi birui ómoina daidicue: Dáamie ie ai dotáadi, afémie aféngona jiruítetaite. Mei íadi daa ráfuedo dotárede. Afefue be ñie: Afengo inírede ia jáie iima diga íadi afengo dotárede. Daje izói dotácango aina otímie afe úamona afémie afengo diga jiruífue finode, mei Juzíñamui eróicana, afengo nai fueñeidimie ai.

Jesús táinona uafue daiíllena Juzíñamui mámeçi llínuado llófuete

³³ Daje izói omoi jaiáidigimamona cacádiomoi. Afe be ñie uai: “Juzíñamui eróicana ie mámeçi o llínuano o dáinana ñue ícoimo záitari.”

³⁴ Mei íadi birui ómoina daidicue: Uafue daiíllena jaca mona mámeçi llínonidiomoi. Mona Moo Juzíñamui illánoza, áfede iere uafue daiíñeno iri. ³⁵ Daje izói énie íbogido uafue daiíñeno iri, mei aféñiena Juzíñamuimo jaináideza; fia ie idaí jóonera izóideza. Daje izói o llógana uafue daiíllena Jerusalén mámeçi llínoñeno iri, mei afe jofue Nahíllaimamo, ua Juzíñamuimo dúideza. ³⁶ Daje izói dama o ífócido uafue daiíñeno iri, mei o ífótirai úzetiraina méidonidiomoi, daje izói jítitiraina orénidiomoi. ³⁷ Iemona jáie uaina nabáiñeno “Jíí fínoitícue” daiíri. Mei jáífodo “Jíí fínoíñeiticue” daiírena. Uafue daiíllena bie izói o daina baimo jáie uaina o nabáiadi afe uai Taifémone bite.

Jiáimamo iba úado Jesús llófuete

(Lc 6.29-30)

³⁸ Daje izói jáie jaiai nanómone dáinana cacádiomoi. Afe daina be ñie uai: “Dáamie jiáimie ui fitáadi afe ibana afémie ui fitárega. Daje izói dáamie jiáimie izido ditáadi afe ibana afémie izido ditárega.” ³⁹ Mei íadi birui ómoina daidicue: Dáamie fiéni omoi finóadi, ibana afémiemo riire úriñeno o iri. Mei jáífodo dáamie o uieco putáadi daje llezica enéfene putari éna o daiíri. ⁴⁰ Dáamie taino omo jítajano, o caifóferoi bairóadi, afe llezica o jinófenemo jítároi caifóferoi diga naga afémiemo o fecari. ⁴¹ Daje izói dáamie mei policia izóidimie méere raana daa kilómetro riífuedo o abítaiadi, afe baimo mena kilómetros icíriñeno o uiri. ⁴² Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daiíadi, afémiemona oni jíjicaiñeno o iri.

Cai icíriillamacina izíruiredicai

(Lc 6.27-28, 32-36)

⁴³ Daje izói jaiai nanómone daina uaina cacádiomoi. Afe be ñie uai: “Omo caimare úrifrenamiena izíruiri, íemo o icíriillamiena éoiri.”

⁴⁴ Mei íadi birui ómoina daidicue: Omoi icíriillamiena omoi izíruiri. Omoi faidódimiena caimare íemo omoi finori. Omoína éoidinona ñue omoi finori. Omoi báíñotino, íemo jáíí ómoína fiéni finócadino diga afémaci éna Juzíñamuimo omoi jicari. ⁴⁵ Daií omoi íllemona monamo

ite omoi Moo Juzíñamui jitótiaina jáitiomoi. Mei afémie ñúemaci ie jitómana egáñotadeza, daje izói jíáie fiénidimaci íena egáñotadeza. Iemo, comécina jaícina jóidinomo afémie nocina bíitate, daje izói comécina jaícina jóíñedino íena nocina bíitate. ⁴⁶ Mei dani ómoína izíruitinona omoi izíruiadi, ¿áfemona minica jírídoitiomoi? Jaca jírídoñeitiomoi. Omoi jámairuiga gobierno raiñoca úcube llínofiredino da afémaci izíruitinona izíruitiaioi. Afémaci baímo izíruiarediomoi. ⁴⁷ Dama omoi ámatiai caimare omoi uáidoiadi, ¿ñiie ñúefue finódiomoi? Juzíñamuina onóñedino bie izói illa. Afémaci baímo nana comini caimare uáidorediomoi. ⁴⁸ Monamo ite omoi Moo Juzíñamui íaíafuenide comécina figomíena illa izói, afe izói omoi iri.

6

Jesús cai finófirega ñúefuiai dibénedo llófuete

¹ Jesús nai úrite; daide: Omoi finófirega ñúefuiai comini eróicana afémaci ómoimo cáimacaillena omoi finóñeno iri. Daií omoi finóadi monamo ite omoi Moo Juzíñamui ómoína minicana jírídotañeite. ² Ie jira dúeredino o cánua llezica nana comini lloñeno, uái daií omoi canori. Jino omoi macáraomo, daje izói Juzíñamui uai llófueriraco eromo diga táinona abi ínotino bífirediaioi. Afémaci comeci figóñedimaci illa llezica jino finócafuiaimona ñúemacina eróidiaioi. Iaioi finua izói finóñeno omoi iri. Afémaci daií finofirediaioi jíáimaci íaioido ñue úrillena. Mei uafue ómoína dáititue: Comini íaioido caimare úrillado, íaioi jírídoacaga raana jae íaioi jírídoga. ³ Mei jíáífodo dúeredinomo daa raa o fecalle llezica o izíruiiga aino cómemo lloñeno uái daií o fecari. ⁴ O finófirega ñúefue báiinino o finori. Iemona o Moo Juzíñamui o báiinino finoca raana cíoitiza. Afemona óiena mameca raana o jírídotaitiza.

Jesús Juzíñamuimo úrillado llófuete
(Lc 11.2-4)

⁵ Juzíñamuimo omoi úrilla llezica, abi diné ñue cíoidimaci finua izói finóñeno omoi iri. Afémaci Juzíñamui uai lloraco eromo caífo naidáillano ficírede uaido Juzíñamuimo úrilla izói finódiaioi. Iemo jofue cígimo ite aillo comini ofíranomo daje izói finófirediaioi, comini íaioína cíoillena. Uáfuenta ómoína dáititue, afe bie comini íaioido ñue úrillado, íaioi jírídoacaga raana jae jírídotiaioi. ⁶ Mei jíáífodo Juzíñamuimo o úrilla llezica, o jofó eromo jaillano o naze íbairi; íemo afénomo o diga ite Moo Juzíñamuimo o úriri. Afemona o Moo Juzíñamui o báiinino úrilla uaina cacáillano, óiena mameca raana o jírídotaita.

⁷ Juzíñamuimo o úrilla llezica, Juzíñamuina onóñedino finua izói, taino uaillai diga icaiño lloñeno o iri. Afémaci bie izói comécidiaioi: “Are cue úrillado Juzíñamui nibai cuemo cacáreite,” daídíaioi. ⁸ Afémaci izói íñeno o iri, mei nai o jítaille raa o jicáñena llezica o Moo Juzíñamui uícodo onódeza. ⁹ Ie jira bie izói afémiemo omoi úrifíreiri:

Cai Moo Juzíñamui, monamo itio; o mámeçido ñúefue nitácaza.

¹⁰ O illáimana illírui raire bíiteza.

Dinomo monamo o comeci jítáillafue íaioi finua izói, afe izói bie éniemo finótaíbiteza.

¹¹ Cai nágarui jitaíga gülleniai, birui caimo fecari.

12 Cai finoca fiénidifue iba caimo oñeno iri, mei afe izói jiáimaci fiени caimo finódiaioi íadi, afémacimo ibana oñédicaí.

13 Íaifuemo cai baiñellena caina uññori. Iemo afe llezica nana fiénidifuiamona caina jíllotari. Mei bínie comini jaca o illáimana illa anamo itíaioi.

Afémaci illáimaillena ríino jaca omo ite.

Daje izói jamánomo ñue ébifue jaca omo ite.

Ja daiítadeza.

14 Mei uafue, ómoimo fiени finódino finoca fiénidifuena omoí féitaia, afe izói monamo ite o Moo o finoca fiénidifuena féitaite. 15 Mei íadi aféfuiaí omoí féitañenia, omoí Moo omoí fiénidifuiaina féitañeite.

Jesús comini fimairilla dibénedo llófuete

16 Iemo nane Jesús daide: Dama Juziñamuimo izire omoí comeci facállena güíllena güiñeno omoí fimairilla llezica, omoí uiécona zuure finóñeno omoí iri. Jínofene ñue cíoina mei íadi comécina íáiredino daí finódiaioi. Íaioi fimairilla llezica abina iere zuure finódiaioi, comini íaioina cíoilano “Baie fimairitino,” íaioi daíllena. Uafue ona dáitícue, afe izoide comini íaioina dáinado íaioi jirídoacaga raana jae jirídotiaioi. 17 Mei jiáifodo güiñeno o fimairilla llezica o uiéco ñue jocori; o ifo ñue júiri, 18 ona comini “Baie fimairitimie” dáiiñeillena. Iemona o diga ite báinidena cíófirede Juziñamui, áfena dama cioille, íemona afémie áfena ona jirídotaitaite.

Monamo cai jirídollena ofítaredícaí

(Lc 12.33-34)

19 Iemo nane Jesús daide: Biniemo aillo ráaniaina ofitañeno o iri, mei biniemo diga raa ícuai güífiregaza, íemo jiáie raana ráataifiredeza, íemo jiái merírifiredino merífiredeza. 20 Mei jiáifodo Moo Juziñamui jítainana o finófireiri; caífo monamo ie illánomo ñúefuiaí o ofítari, mei afénomo ite raana ícuai güiñédeza, íemo jiái afeno raa zabiñede, íemo afénomo merírifiredino merínidiaioi. 21 Mei uáfueza, o gaiga raa ofítajanomo dáanomo daje izói o comeci íiteza.

Cai illafue ñue egáiñote raa

(Lc 11.34-36)

22 Ñúefuemo o comécilla omo ñue egáiñote raa izoide. Jira bobaie egáioinamona o uído cíónana o íóbitaja izói, afe izói ñúefuiaí o jítaígana o comeci ífuena caimare itátaite. 23 Mei íadi ñúefuemo o comécíñenia, fiénidifuedo mácaja izói itio. Nana o comeci ífue zuure íteza. Mei Juziñamui omo jóonega ñuera comécido dama fiénidifuemo o comécia níi jamánomo jíitífono o illa izoide. ¡Níi jamánomo jíitirena!

Juziñamuimo cai jainaina llezica úcubemo jaináinidícaí

(Lc 16.13)

24 Daje llezica mena ocuídímie anamo buna ínide, mei ménamiède anamo o íadi dáamie éoitio, íemo jiáimie izíruitio. Daje izói dáamiemo ñue táijítio, mei íadi jiáimiena jamairuitio. Afe izói Juziñamuina abí o náamataja llezica úcubemo abina náamatandio.

Juziñamui ie úruiaina jáidinona ñue úiñote

(Lc 12.22-31)

25 Jira ómoina dáitícue, nágarui omoí jitaiga güille naa jiroille diga áfemo comeci faiñeno omoí iri. Daje izói daa o jítalle ínícuiromo comeci faiñeno

omoi iri. Cai ñue illafue güille baïmo ráifide. Daje izói cai caana abi iniroi baïmo ráifide. ²⁶ Mai monamo feede ófocuzaimo omoi coméciiri. Afémaci güilleniaina riñédiaioi. Daje izói lliziena jofo oñédiaioi, iemo jiái güille ñue finóranomo ofitañediaioi. Mei íadi monamo ite omoi Moo afémacina ecáfiredede. Omoi bie ófocuzai baïmo iere ráifina. ²⁷ Omoi mona, comeci iere fáiamona ¿mei bu ie zairilla caïfomo medio metro zairírena? Buna jaca daíí ñide. Dama Juzíñamui ona dinori o zairitaja. Afe izói o güillena ócuite, jira áfemo comeci faíñeno omoi iri.

²⁸ Iemo jiái ¿nibái mei inícuïromo iere comeci fáifirediomoï? Jazícimo ite záfiamo omoi coméciiri. Raamo táijñediaioi, daje izói iníroina niñédiaioi. Mei íadi iere ebire cíoidiaioi. ²⁹ Iemona ómoïna dáitícue jaiái illaïma Salomón iere ráarede íadi, bie záfia ebírena izói, ebírediroina jítáñede. ³⁰ Mei Juzíñamui ráitiamomo ebire cíoitaiadi, afémie ómoïmo jeruíñeno iníroina jítate, mei afe ráitíai íanori ebire eróideza. Iemo afe jíairuido ja jobáicaza.

³¹ Iemona nana jiáïe raamo comeci faíñeno omoi iri. “Cai güille iñédeza, ¿minica güítica?” daíñeno omoi iri. Daje izói jiái “¿Minica jíroítica?” daíñeno omoi iri. Iemo jiái, “Iníroinidicaïza, ¿minica jítaítica?” daíñeno omoi iri. ³² Mei uafue, biniemo ite Juzíñamuïmo ñnoñede comini bífuïaimo iere comécidíai; mei íadi omoi Moo monamo ite. Afémie bie izoïde raana omoi jítáïllana onode. Jira ómoïmo iñede raamo comeci fáinidíomoi.

³³ Mei íemona Juzíñamui illáïmana illáruïmo duïde raamo raïre uícodo járitafireiri. Daje izói jiáïe ie ocuïcafue raïre uícodo omo finofireiri. Afe mei nana bie omoi jitaïga raana óitíomoi. ³⁴ Uïre jiti cómuitifuemo comeci faíñeno omoi iri, mei uïre aferui dama ie comeci uille ráfueniaï átiite. Nágaruïllaido comuïde comeci faille ráfuiái ja figo báiteza, baïmo nabáinide.

7

Jiáïma jánana fiëni úriñeno o iri
(Lc 6.37-38, 41-42)

¹ Juzíñamui ómoïmo izire jícanoñeïllena, mai jiáïma jánana fiëni úriñeno o iri. ² Mei jiáïma jánana riïre o úrilla izói, afe izói Juzíñamui riïre ómoïmo jícanoite. Jiáïmamo raana fácano omoi feca izói, afe izói afémie ómoïmo fácano fécaite. ³ ¿Mei ñïe izói o ama uïmo ite jéenide ráaruaina cíodio, mei íadi afe dáaruïdo dama o uïmo jéerie rarúnguai íllana náfueñedio? (Afena dáïacade: Aillo fiënidífue omo illa llezica, ¿ñïe izói due jiza oni nibéfodo baïdímie jánana úriredí? Urinidí.) ⁴ Iemo afe jéerie rarúnguai dama o uïmo íadi o ámana ¿ñïe izói daíredí: “O uïmo ite jéenide ráaruai cuena otátari”? Daíinidí. ⁵ ¡Abi ñïe ñue cíoïde comécina íáïredímedí! Fueñe dama o uïmo ite jéerie rarúnguai oíri. Afe o ua mei, afe o ama uïmo ite jéenide ráaruaina jino óredioza.

⁶ Juzíñamui ñue finoca raa, Juzíñamuïna íairuitínomo fecáñeno iri; fecadíomoiniadi áfena jámaruïllano afémaci ómoïna tíbítaitiaioi. Daje izói perla izoïde ráífidífuiai meróniaï izoïde íaífuiaïredínomo lloñeno iri; llotíomoiniadi meróniaï ríirífirena izói bimaci ómoïna uáitaíbitiaioi. Afe izoïde ñúefuiai fiëni íacadínomo llónide.

Juzíñamuïmo cai jicalle bie izói jóïde
(Lc 11.9-13; 6.31)

7 Mai omoi jicari, íemona Juzíñamui ómoimo fécaite. Mai omoi jenori; báitiomoiza. Nazémona caimare omoi uáidori; ómoimo tuizáibiteza. 8 Mei jicádimie llínoteza. Daje izói jenódimie báiteza; íemo jíái nazémona caimare uáidotimiemo túigaza.

9 Mei ómoimona dáamie ie jitó pan jícaja llezica ¿meita nofícina írede? ¡Jaca ínide! 10 Iemo afémie chamu jícaja llezica ¿meita jaiona írede? ¡Inide! 11 Mei fiénidinodicaí íadi, ñuera raa cai úruiaimo fécajana onódicaí. Mei íadi afe baimo monamo ite omoi Moo, afémiemo jicádinomo jamánomo ñuera raa fécajana onode.

12 Mei íemona omoi jitailla jíáimaci íaioi ómoimo finua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiai Juzíñamui uai lloraini cuega uai afe izói jóideza.

Rillírede monamo duide io rafue

(Lc 13.24)

13 Mei afe rillírede monamo duide iodo omoi jai. Niné táinocaitainomo jóide io iere áilloo. Daje izói áfeo boilla jamánomo áillue. Afeodo aillo comini jailla. 14 Mei jíáifodo zúñona cai cáaillinomo jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizílede onórede

(Lc 6.43-44)

15 Diga comini “Juzíñamui dibénedo úriticaí” daidíaiioi, íadi taino llotíaiioi. Afe izoide comínimona abí omoi rairuiri. Afe bimaci ebire jiféidino izói ómoimo bitíaiioi. Uáfueza, illáinide ovéjaiai izói ómoimo bitíaiioi, mei íadi comeci dine illáirede jánallari izóidino. 16 Afémaci finócafuiaido íaioina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliai óñegaza. 17 Mei daíi nana ñuera amena ñue llizide. Daje izói nana fiénide amena fiénidijiaina llizide. 18 Ñuera aménamo fiénide ráajiai llizínide. Daje izói fiénide aménamo ñuera ráajiai llizínide. 19 Nana ñuera ráajiaina llizíñede amena tíano iraimo jobaica. 20 Bie izói baie ómoimo bitínona íaioi finócaigafuedo uáfodo ónoitiomoi.

Nana comini monamo ite Juzíñamui illáimana illíruimo jáiñeitiaioi

(Lc 13.25-27)

21 Nana cuena “Ocuíraima” daííiredino monamo ite Juzíñamui illáimana illánomo jofo jáiñeite. Dani monamo ite cue Moo comeci jítaillana finódino jofo jáirena. 22 Aféruillaimo dúcia llezica, diga comini cuena dáíitiaioi, “Ocuíraima, Ocuíraima, o mámecido úrifiredicaí. Daje izói o mámecido fiénide jóriaina jino orédicaí. Daje izói o mámecido cíorainina raana uaido comúiticaí.” 23 Mei íadi afémacina dáíitcúe: “Jaca ómoina onóñedicue. Diga íaífuiai comúíomoiiza, cúemona oni ii,” dáíitcúe.

Ménade jofo nillino rafue

(Lc 6.47-49; Mr 1.22)

24 Mei afe bie izói joide. Cuena cacádimie íemo cue ocuícana finódimie jofo nillana baitádimie izoide. Afémie maírídinomo ie jofo nite. 25 Raire noci bíide, íemo ille riire renaide, íemo riirede jairifo afécomo jáiñode; mei íadi afeco jáiñóñede, mei maíríde éniemo nígaza. 26 Mei jíáifodo cuena cacádimie mei íadi cue ocuícana finóñedimie jofo nillana figo baitáñedimie

izoide. Afémie ídiaidinomo ie jofo nite. ²⁷ Afe mei riire noci biide, íemo ille riire renaide, íemo riírede jairifo jaiñode. Iemona afécona jainode. Nana ana baiíllano due fiébiñeno niné táinocaide. Jesús dinori úrite.

²⁸ Jesús úrilla méifomo, nana comini ie llófuemarillari caimare fáigacaidiaioi, ²⁹ mei riínoredimie izói íaioina llófujeteza. Jaiái ocuica uai llófuefiredino riínonide llófuia izói afémie llófueñede.

8

Jesús chíinaitimie jíllotate

(Mr 1.40-45; Lc 5.12-16)

¹ Jesús caifónedumona ana billa llezica, diga comini afémiedo jáidiaioi. ² Iemo irárede chíinaitimie Jesumo áinozide. Afémie Jesús anamo dújuillano daide:

—Ocuíraima, o jítaiadi bie duícona cúemona oréredio. Cúemona oreri, —daide.

³ Iemona Jesús ie ónoído afémiena jétano daide:

—Jii, ona jíllotaiacadicue. Benómona ja íainitioza, —daide.

Daií daína llezica ie iráretade chiie jacáibicaide. ⁴ Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daiítate raa afénomo mai o fecari. Afemona nana comini o chiie ja jacáillana ónoítiaioi, —daide.

Romano illaíma ocuífregamiena Jesús jíllotate

(Lc 7.1-10)

⁵ Capernaum jófuemo Jesús jailla llezica, Romano illaíma Jesumo bil-lano izire jícade:

⁶ —Ocuíraima, cue ócuífrega jítócome iere irárede. Batí jofomo bíide. Afémie tízieri iere jamánomo izi cácade, —daide.

⁷ Jira Jesús íena daide:

—O jofomo jaillano afémiena jíllotaiticue, —daide.

⁸ Jira illaíma Jesús uai ote:

—Ocuíraima, cue jofomo o jáillena, cue iere jamáimiedicue. Jicana o uaido o ocuiri, afémie jílloillega. ⁹ Mei dama cue jíáillaíma uai anamo iticue. Daje izói cue anamo cue úiñoga fuiríraini ite. Dáamiena “Bi” cue daiía, afémie bírede. Jáimiena “Jai” cue daiía afémie jaide. Daje izói cue ocuífregamiena “Bie fino” cue daiía, afémie áfena finode, —daide.

¹⁰ Jesús áfena cacáillano, caimare fáigacaillano afémiedo jáidinona daide:

—Uáfueña ómoína daidicue: Nana Israel náiraímo bie izói ínote come jaca baiñédicue. ¹¹ Omoína daidicue, nágafenaiimona aillo oni jícanemaci bíítiaioi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaioi. ¹² Mei íadi fueñe jáiredino, jino jítinomo dotálliaioi. Afénomo afémaci iere éenaicana murímurítiaioi, —daide.

¹³ Iemona afe illáimana daide:

—Mai o jofomo jai. O ínuaze íteza, —daide.

Daií daína llezica afe irárede jítócome jíllode.

Jesús Pedro jífaiño jíllotate

(Mr 1.29-31; Lc 4.38-39)

¹⁴ Afe mei Jesús Pedro jofomo jaide. Afénomo Pedro jifaiño abi cuarillari irare bíinana cíóizaide. ¹⁵ Iemo Jesús afengo onoi llínua llezica ie abi cuarilla llícaide. Afemona afengo náidacaillano afémaci jitailla bai atide.

Jesús aillo iráredinuiái jílloate
(Mr 1.32-34; Lc 4.40-41)

¹⁶ Aferui jitoma jímaicaidemo diga fiénide jóríai ogano Jesumo atídíai. Iemona daade uaido afe fiénide jóríai jino orede. Daje izói nane nana duícotaidinuiái afémie jílloate. ¹⁷ Nana bie izói zúide, jaiaí uai lloraima Isaías lloga uai fuitállena. Be afe uai: “Cai íraníai afémie uite. Daje izói cai duícuai afémie oni orede.” Daií Isaías llote.

Jesudo jáiacadino bie izói íredíai
(Lc 9.57-62)

Afe mei jorai fuédamo illa llezica, ¹⁸ diga comini Jesús abido nágafene gairíllana cíoillano, afémie “Mai jorai ruicáfenemo cai jai,” daide. ¹⁹ Iemo ocuica uai llófueraima Jesumo billano daide:

—Llófueraima, nana o jáiacana diné odo jáiacadícue, —daide.

²⁰ Jira Jesús ie uai ote:

—Nana jazici rílleníai uái ífireillino ite. Daje izói caifodo féedinuiái uái íaiói ráiillino ite. Mei íadi Nanoide íima Jitódícuéza, dáanori uái cue illino íñede, —daide.

²¹ Iemo jíaié ie llófuegamacimona dáamie íena daide:

—Odo jáiacadícue, mei íadi fueñe cue ore cue moo tílle dinó cue ílleza, íemo íena ráiacadícue; afe méifomo odo jáíticue, —daide.

²² Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitimie afémaci ráilleza. O cuedo bi, —daide.

Jesús jairifo naa jorai bagua diga llícaitate
(Mr 4.35-41; Lc 8.22-25)

²³ Ie mei Jesús naa ie llófuegamaci diga áillue nocaedo jáidíai. ²⁴ Afe mei jorai ruicáfenemo jáidíaiómo, daa jamánomo rírede jairifo náidacailla. Afe jairífomona jorai bagua afecae acónillaina íbáiácade izoide. Mei íadi afe llezica Jesús inide. ²⁵ Iemona ie llófuegamaci ie cazítatíai. Cazítajano íena daidíai:

—¡Ocuíraíma, cai jíllo! ¡Ja buízaidícaíza! —daidíai.

²⁶ Jira afémie uai ote:

—¿Níbái mei iere jacínaitíomoi? ¡Omói nai figo íñoñediomoi! —daide.

Iemona afémie náidacaillano jairifo naa jorai diga lletade. Daií ie daina llezica jorai bagóñeno uái ite. ²⁷ Iemona afécaemo ítímiíai caimare fáigacaidíai. Fáigacaillano daidíai:

—Bie mei, ¿níie come? ¡Bímie daina uaina jairifo naa jorai diga ínote! —daidíai.

Gerasa éniemo ite fiénide jóríai úicaiga íaillinoi rafue
(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena íima raíáfuaímona Jesús diné bite. Afe íaillinoi fiénide jóríai úicaiga. Afe íaillinoi jamánomo jacire illáírede. Afedo jóide iodo buna jáinide. ²⁹ Jesús afe íaillinoi lleta llezica caillíoidíaiillinoi:

—Jesús, Juzíñamui Jitódioza. ¿Ñibái mei cócomo jíricaidio? ¿Nai aferui dúciñedemo benó coco duere finuaibitio? —daidíañillinoi.

³⁰ Afe llezica afe áinori tóica meróniai güitíai. ³¹ Jira afe fiénide jórjai Jesumo izire jicádai:

—Bie come íañillinoimona jino cai o oréadi, táinomo oréñeno baie meróniaimo cai oreri, —daidíai.

³² Jira Jesús íaioina daide:

—Mai afénomo omoi jai, —daide.

Afe fiénide jórjai afe íañillinoimona jino billano meróniaimo jaide. Afe mei afe meróniai jorai arimo ite íconido jabida jóraimo cocídai. Afénomo coróbaizidai.

³³ Iemona afe meróniai úiñotino jacinaillano botádai. Jófuemo dúciñillano nana aféfuiai llotíai. Daje izói fiénide jórjai úicaiga íañillinoimo finócafue llotíai. ³⁴ Iemona nana afe jofue comini Jesús illánomo jáidai. Afémiena cíoillano, afe íai éniemona oni jáillena izire jicádai.

9

Jesús tízitaitimie jillotate

(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide. ² Afénomo tízitaitimie Jesumo atídai, naa ie bírallu diga. Afémaci ínuana Jesús cíoillano, iráredimiena daide:

—Cue izíruiгамie, mai caimare ii, mei omo ite fiénidifuijai jae dógaza, —daide.

³ Jira ocuica uai llófuetinomona dáarie comeci anado daidíai: “Bímie baie jáimie fiénidifuijai dóina dánado Juzíñamuina iciritade.” ⁴ Jesús afémaci comécido dánana onóillano daide:

—¿Ñibái mei fiéni omoi comeci facádio? ⁵ Mei daí daina ménade uáimona ¿ñie uai iere llotánina? Afe ménade uai be ñie: O fiénidifue muiñócaza. Iemo jáie uai bie izói daina: Náidacaillano, maca. (Iraie uai jamánomo llotáirede, mei omoi eróicana íficaideza.) ⁶ Ie jira Nanoide íma Jitódicueza, bíniemo cue illa llezica, cominimo ite fiénidifue cue muiñolle ríino jino ómoimo cíotaiticue, —daide.

Afemona afe tízitaitimiena Jesús daide:

—Mai náidacai, náidacaillano o bírallu llínnota o jofomo jai, —daide.

⁷ Afemona tízitaitimie náidacaillano, ie jofomo jaide. ⁸ Nana comini áfena cíoillano iere jacinaítai. Afemona Juzíñamuimo ñúefuena nitádai: “Mei Juzíñamui áillue ríino bie cómemo fecádeza,” daidíai.

Jesús Mateo uáidote

(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena ciode. Afémie gobierno íbataga úcube llínoraíma. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jáíruido Jesús naa ie llófuegamaciri jofu eromo íai güilla llezica, aillo jáie úcube llínofiredino naa jáie fiénidino dánomo güitíai. ¹¹ Mei íadi Fariséuai áfena cíoillano afémie llófueganomo jicánotíai:

—¿Níbái mei omoí llófuetimie úcube llínofiredino diga naa fiénidinori güite? —jicánotiaioi.

¹² Afena Jesús cacáillano, íaioina daide:

—Íociredino iránidino daje izói manóriraimana jítaiñediaioi, mei jiáifodo iráredino manóriraimana jitailla. ¹³ Bie jaiái Juzíñamui Cuegáuai dáinana omoí onóizairi. Afe be ñíuái: “Conímana omoí duéruillena daje izói cuena omoí duéruillena jítáidicue. Mei íadi omoí fatá cuemo fia fecaca rílleníai jítáíñedicue,” daide. Ie jira daní ñúemacina abí mamédinona uáiduabiñedicue, mei jiáifodo fiénidino íaioi comeci ifue méidollena biticue, —daide Jesús.

*Íaioi fímairillena Jesumo jicánotiaioi
(Mr 2.18-22; Lc 5.33-39)*

¹⁴ Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿níbái fímairitagacai, mei íadi o llófuegamaci fímairiñediaioi? —daídaioi.

¹⁵ Jira Jesús uai ote:

—¿Airena rafue llezica áfemo uáidogano, meita zúurenari güíndiaioi? Daíí ñédeza; ringo otímie íaioi cígimo illa llezica caimare güítíaoi. Mei íadi ringo otímie íaioimona báiruabíllirui dúciite. Aféruído comeci zúurenari güíñeítiaioi. Ringo otímie izói birui cuedo jáicadino cígiri itícueza, —daide.

¹⁶ Jesús nane jiáie onótatífue llote:

—Jaca ñinomo dáamie tífoñegaraimona jaitada jácaie inícuíromo nitáñediaioi. Daíí nitáadi afe cómoroi jácaroína fiéni finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide. ¹⁷ Daje izói comue vino jácara igorai finoína icíru izoide raamo totánide. Dámie daíí totáadi afe comue vino afe jácara icíruna eroide raana cúataite. Afemona afe icíru naa vino diga táinomo fáifite. Iemona comue vino comue igorai finoína icíruna eróidemo jónefírega. Iemona afe naga ñue éenoga. (Afe bie dáinado Jesús ie comue llófueinafue, íemo íaioi jaiái llófuegafue dáanomo ñinonide, dáanomo náfuenide, íaioimo llófuete.)

*Jairo jiza íemo jiáingo Jesús iníroi jétaibitíngo Jesús jíllotate
(Mr 5.21-43; Lc 8.40-56)*

¹⁸ Jesús bífuiaído úrilla llezica, judío illaíma Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jílloillega, —daide.

¹⁹ Afe jira, Jesús náidacaillano afémie diné jaide naa ie llófuegamaciri.

²⁰ Afémie iodo jailla llezica, jiáie iráredíngo afémieimo bite. Afengo afe irárenamona doce diga fimona dícotaitaite. Jesús comíni cígido rillire jailla llezica, afengo Jesús jinófene dinena ie iníroi fueda jétaibite. ²¹ Mei afengo comécido daide: “Daa ie iníroi cue jetáadi jíllotícue,” daide. ²² Iemona Jesús meine abído gírecaillano aféngona cíoillano daide:

—Ízíruigango, caimare o iri. O íinuamona ja jíllodioza, —daide.

Daíí dáina llezica afengo jíllode. Afemona afengo ja íocirede.

23 Jesús illaíma jofomo dúcia llezica, aillo comini come tíllari cáillcailli éediaioi. Afe llezica jáímaci toticai zuure fúudiaioi. 24 Jesús áfena cíoillano daide:

—Benómona oni omoi jai. Afeza tíñedeza fia inide, —daide.

Afémie dáinari comini íemo zadáidiaioi. 25 Mei íadi Jesús afémacina jino orede. Oriano jofo jaide. Jofo jaillano afe tídingo ónoído llínote. Llínua llezica afengo caifo náidacaide. 26 Iemona Jesús finócafue nana afe éniemo itígobiaido jica jalleide.

Jesús mena uínidimie jíllotate

27 Afénomona Jesús jáidemo, mena uínidimie ie ódana caillícana bite. Daidíaiillinoi:

—Davidmona comuidimie Juziñamui oreca Mesía ímie, mai cócomo dúecai, —daidíaiillinoi.

28 Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jicácafueña finóredicueza ¿meita ínotiomicoi? —daide. Jira afe íaillinoi daide:

—Ocuíraíma, jii ínoticoco, —daidíaiillinoi.

29 Iemona Jesús íaillinoi ui jetánota daide:

—Ómicoi ínua dieze, ómicoímo cómuiteza, —daide.

30 Daií ie dáina llezica, íaillinoi ui ñue cíoide. Afe mei Jesús íaillinoína riire daide: “Bie ómicoímo cue finócafue bummo lloñeno ómicoi iri,” daide.

31 Afena afémie rairuide íadi, afe íaillinoi jino billano, nana afénomo Jesús ui mánuana llócadaiillinoi.

Jesús uáinidimie jíllotate

32 Afe mei Jesús afénomona jáidemo, fiénide joríaí úcaiga uáinidimie, Jesumo atídiaioi. 33 Iemona Jesús afe fiénide joríaí jino orede. Afemona uáinidimie ja úrite. Aferi comini caimare fáigacaillano daidíaiioi:

—Bie izóidifueña jaca Israel nairai cígimo cíóñedicaí, —daidíaiioi.

34 Mei íadi fariséuai daidíaiioi:

—Jesús dama fiénide joríaí illaíma ríinodo afe úcaigamie fiénide joríaína jino orede, —daidíaiioi.

Jesús comínimo dúecaide

35 Afe mei Jesús nana aféniemo ite jófuiáimo naa onífedo itícuaído llófuiaide. Afénuiaímo ite Juziñamui uai llófueriracuaido llófuete. Afémie Juziñamui illáimana illarui ñuera rafue llocana uite. Iemo nana jáíforiedemo izi cácade iráredinona jíllotate. 36 Meita nana daií itínona cíoillano, afémacimo Jesús dúecaide, mei úiñoñegano izóidiaioi. Ie jira oni ráide ovéjaíai izóidiaioiza. Afémaci duere finócaíaiioi, daje izói duere zefuide buna ráiruñegano izói itíaiioi. 37 Afemona Jesús ie llófuegamacina daide:

—Uáfueza, jacáfáimo ite raa ailla llezica jofo óitino íñena izói, birui Juziñamui illáimana illánomo jofo órega comini aillo ite. Mei íadi afémaci jofo óitino figo íñede. (Afe jofo óitino jáímacimo ñúefue llóitino.) 38 Ie jira jacafai Naama izóidimiemo jáíe ñúefue llóitimacina omoi jicari, afémaci afémie oréllena.

10

Jesús doce dígamie ie oni oréllino nizede
(Mr 3.13-19; Lc 6.12-16)

¹ Afe mei Jesús doce dígade ie llófuegamaci uáidote. Uáiduano fiénide jóríai comínimona oni orelle ríino íaioimo fecade. Daje izói nana jíáiforiede duico ogano jíllotalle ríino afémacimo fecade.

² Be afe doce dígadimaci oni oréllino mámeciai: Nánoramie Simón, dáamiena Pedro daína, íemo ie ama Andrés, íemo Zebedeo jíto íaillinoi Santiago Juan diga, ³ íemo Felipe, íemo Bartolomé, íemo Tomás, íemo gobierno íbátaga úcube llínoramia Mateo, íemo Alfeo jíto Santiago, íemo Lebeo dáamie mámecei Tadeo, ⁴ íemo íere Járídotimacimo jaináidimie Simón, íemo uire Jesús fécaitimie Judas Iscariote.

Jesús ie llófuegamaci jíáigobiaimo llófuellena orede
(Mr 6.7-13; Lc 9.1-6)

⁵ Jesús bie doce dígamiena ie oréacana llezica íaioi táijille izói llote. Daide:

—Judíoñedino éniemo omoi jáiñeno iri. Daje izói Samaria éniemo ite jófuiamo jáiñeno iri. ⁶ Mei jíáifodo Israel náiraimo ovejai féiraila izói féiraitinomo omoi jairi. ⁷ Monamo ite Juzíñamui illáimana illirui ánozillana llocana omoi uiri. ⁸ Íraredinuiái omoi jíllotairi. Tíidinuiái meine abido omoi cáatari. Daje izói íáire chúnaitimíaina ñue omoi finori. Daje izói comínimo ite fiénide jóríai jino oreri. Bie izói omoi táijille ríinona raiñóñeno ómoimo fecádicue, íemona áfedo jíáimacina raiñóñeno omoi canori.

⁹ Jabe omoi jaille llezica úcubena uiñeno iri. ¹⁰ Omoi cirítico uiñeno iri. Jaca daa o abímo jídíroi diga jairi. Daje izói ídaí icona uiñeno iri, íemo jíái macara jigüida uiñeno iri. Mei jíáimacina omoi cánua jira, áfemo táijiraima jaca raiñóñeno écafiregaza.

¹¹ Omoi jáillinomo ite comíni jófuemo omoi dúcia llezica, ñue íinofiregamie illano omoi jeno. Afénomo nai oni omoi jáiñeille díno uái omoi iri. ¹² Jofo jaillano, afémaci ñue daí uáidori. “Caimare uái omoi iri,” afémacina daíri. ¹³ Afe jofo comíni caimare omoi llínoiadi, omoi afémaci ie ñue mameca uai afémacimo fiébiteza. Mei íadi omoi daína uaina afémaci náfueñenia, afémacimo omoi mameca ñue uai abido ómoimo bíiteza. ¹⁴ Mei íadi afémaci ómoína llínoacañenia, daje izói omoi llógamo cacáreaañenia, afe jofómona, daje izói afe jófueмона oni omoi jai. Omoi jailla llezica omoi éibamo ite íaie afémacimo teténocairi. Afedo íaioi comécimo ite íaifue nai íaioimo íllana ónoítiaioi. ¹⁵ Mei ua ómoína dáitícue, íraícaíño ríire jícanolliruiamo dúcina llezica, bie ómoína ruífruite comíni, Sodoma Gomorra diga jofue comíni duere zefuilla baimo, íere duere finólliaioi.

Cristo ícoinia duere cai zefuillíue

¹⁶ Omoi cacai. Ovejai illáirede jazici jíco cígímo ória izói ómoína orédicue. Jaio abí rairuilla onona izói abí omoi onoiri. Mei íadi afe llezica fiéciri illáienina izói omoi iri. ¹⁷ Ñue abí omoi rairuiri, mei comíni jabóidíllainimo ómoína fécaítiaioiza. Juzíñamui uai lloraco eromo omoi fáitíiaioiza. ¹⁸ Íemo rííllainimo, daje izói jamánomo ocuídíllainimo cue ícoinia ómoína uitíiaioiza. Íemo afe omoi íaioi úlledo afe illáinimo

cuedo úritiomoi. Daje izói afe judíoñedinomo cuedo úritiomoi. ¹⁹ Mei íadi illáicomínimo omoi íaioi uille llezica, “¿Ñie izói úriticai?” dáinamo começi faiñeno iri; daje izói “¿Ñie uaillaí llóiticaí?” daíñeno iri. Mei omoi úrille llezica, Juzíñamui ómoína úritaiteza. ²⁰ Afe llezica dani omoi começi izói úriñeitiomoi. Moo Juzíñamui Ñuera Joreño ómoïdo úrilla.

²¹ Afe llezica comíni dani íaioi nahí ámana Crístimoi ñnotimíena illa jira, jáímacimo íena fállena fécaítiaioi. Daje izói móotiai dani íaioi Crístimoi ñnote jítótiai fállena fécaítiaioi. Iemo jáí jítótiai dani íaioi móotiaido éoicana eróitiaoí, íemo íaioína titátaitiaoí. ²² Nana comíni cue ícoína ómoïdo éoicana eróitiaoí. Mei íadi fuillínomo fáicanocaiñeno ñue ñnoicaitimíe dama jilloite. ²³ Daa jofue comíni omoi duere finóadi, jáíe jófue omoi jairi. Mei ua ómoína dáitícue, nana Israel jófuiado nai omoi jáíñenia uícodo raire dúcítícueza; mei Nanoide fima Jitó Crístimoi.

²⁴ Llófuegamacimona llófuetimíe baímo jamánomoidimíe íñede. Daje izói ocuífíregamíe ie ocuídímíe baímo ocuínide. ²⁵ Llófuegamíe ie llófuetimíe illa izói írede. Daje izói ocuífíregamíe ie ocuídímíe illa izói írede. Jofo naama izóidícueza, Beelzebú daina Taife mámeçi cuemo íaioi jítáadi, jofo ero úruiaí mámeçina dájena jítaitiaoí. Iemo afe úruiaína cue baímo fieni úritiaoíza.

*¿Ñimíena jacíruiñeicaí?
(Lc 12.2-7)*

²⁶ Ie jira comínina jacíruiñeno iri. Mei nana báinino daina uaillaí jino uáfodo cíozite. Daje izói nana báinino itífuiaína jino uáfodo onuille. ²⁷ Birui jítífomo úrilla izói báinino ómoïmo cue llógana, uire uáfodo monari comínimo omoi lloiri. Daje izói ómoína báinino cue daina uai, comíni dáanomo uáidota ficire lloiri. ²⁸ Omoi íeizi titáitínona jacíruiñeno iri; mei omoi joréñona titánidiaioíza. Mei jáífo boode iraimo cai íeizi naa cai joreño duere finótaitimíena omoi jacírui.

²⁹ Onódiomoíza mena duera ófocuizai duera úcubedo íbárega. Mei daí íaioi ráíñeide íadi, afémacimona omoi Moo Juzíñamui daíñenia dácuíño tíde izói ana báíñeite. ³⁰ Mei uafue, omoi ífócimo ífótiraíai illa dígatiraí facádoga. ³¹ Mei daítadeza jacíruiñeno omoi iri. Omoi, aillo ófocuíñuai baímo ráífidiomoi.

*Comíni eróicana Jesuna jíeruitíno
(Lc 12.8-9)*

³² Comíni eróicana nana cuena jíeruitínona monamo ite cue Moo eróicana jíeruitícue. ³³ Mei íadi comíni eróicana cuena jáanotínona, afe izói monamo ite cue Moo uíecori afémacina jáanoitícue.

*Comíni conímána ruífíruitatallena bitícue
(Lc 12.51-53; 14.26-27)*

³⁴ Comíni dájena uái illí fue bíníemo lluíbitícueza daíñeno iri. Mei jáífodo dájena uái illí fue lluíbíñeno, fuirilla izoide lluíbitícue. ³⁵ Cuemo ñnuamona dáamíe ie moo dinena íena ruífíruicaite. Afe daí cue bíllamona dájena uái íñeitiaillinoi. Daje izói ei cuemo ñnua jira afengo jiza dinena ruífíruibicaite. Afe daí cue bíllamona dájena uái íñeitiainguai, íemo jáí cuemo ñnuamona mio ie jifaiño dinena ruífíruibicaite. Afe daí cue

bíllamona dájena uái íñeitiainguai. ³⁶ Iemona illa dígamie dama ie jofo ero comini dinena éoigamiēna mámeitiaioi.

³⁷ Ninó daa come ie moo, ie eina cue baimo izíruiā, afémie cuemo dúinide. Daje izói ninó daa come ie jítōna, nibai ie jízana cue baimo ie izíruiā, afémie cuemo dúinide. ³⁸ Iemo jiái, comini dama afémie titácanamo náfuiano cuedo jáiacañedimie afémie cuemo dúinide. ³⁹ Ie jira ie cáanano rairuíacadimie áfēna táinomo fáifitaite. Mei jáífodo cue ícoīnia ie cáanano táinomo fáifitimie afe fáifidēna baimo ziiño illinona máíñoite.

Jirídua izóidifuiāi

(Mr 9.41)

⁴⁰ Iemo Jesús nai úrillano daide: Omoīna caimare uáidotino, daje izói cuena caimare uáidote. Iemo cuena caimare uáidotino daje izói cuena orédimiēna caimare uáidote. ⁴¹ Juzíñamui uai jino llóraima Juzíñamui dibéndo bíllado afémie caimare uáidotimie, dájeze afémie jirídua izói jirídoite. Daje izói ñuēmiēna caimare uáidotimie afe jiáimie ñue íllado, afémie jirídua izói jirídoite. ⁴² Daje izói ninó daa come cue llófuegamacimona jabóidimiēmo daa due jiza mánaide jáinoīna jirótaadi, afémie cuedo jailla jira, afe jirótatimie uáfueña íeīēna mameca raana jirídoite, —dinori Jesús ie oréllimacimo llófuete.

11

Juan Bautista orécano

(Lc 7.18-35)

¹ Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniēmo ite jófuiaimo jaide, afénomo ite comini llófuellēna.

² Aféruído Juan Bautista llavéracomo illa llezica afémie Jesús finócafuiāina fidide. Ie jira iedo jáidinomona dáarie Jesumo jicánuaitate.

³ Jesumo dúciillano jicánotiaioi:

—¿Meita o biite Cristo dainámiedio? ¿Nibai nai jiáie bíitimie úíñoredicaí? —daidíaiōi.

⁴ Jira Jesús afémacina daide:

—Omoī ciona, omoī cacana izói Juaamo omoī lluájiri. ⁵ Bífuiāi afémiēmo lluájiri: Uínidino ñue ciódiaioi, macañédino macádíaiōi, íáire chíñaitino íaioi chíñemona ñue jacáitagaiaioi. Iemo jefona cacáñédino ñue cacádíaiōi, íemo dáarie tíidino meine abido cáadinona jáidiaioi. Daje izói dúredino jíllona uaina llogáiaioi. ⁶ Cuemo íñoñeilli uaina baiñédimie ióbite.

⁷ Juan orécano meine abido jailla méifomo, Jesús Juaado cominimo úrite; daide:

—Mei táizicimo ¿minícana cióizaidiōmoī? Nibai dáamie ie daīna uaina méidofiredimiēna cióizafirediōmoī. ⁸ Afe izóidimiēna omoī cíozaiñēnia, ¿mei nie izóidēna cióizaidiōmoī? ¿Meita nibai ñue cíoide ráifide iniroi jítáoidimie cióizaidiōmoī? Onódiōmoīza ráifide ñúecuīroi jítáoifiredino jaca illaīni jofomo ífirediaioi. ⁹ Mei íraīnomo ¿minícana cióizaidiōmoī? ¿Nibai Juzíñamui uai jino llóraimāna cióizaidiōmoī? Jii. Uáfueza. Juzíñamui uai llóraima baimo jamánomoidimiēna cióizaidiōmoī. ¹⁰ Juan baie Cuegáuai dainámie. Jaiaí úcodo nai cue biñēna llezica, aféuaimo Juzíñamui, afémie dibéndo cuena daide:

O bille io ñue finóllena izói, comini íaiói comécido ñue omo jíeruillena, cue lluájitimie o uícodo orédicue.

11 Uáfena ómoína dáitícue, nana comínimona ite Juzíñamui uai llórainimona Juan Bautista baimo jamánomoidimiena iñede. Mei jíáifodo Juzíñamui illáimana illánomona jabóidimie Juan baimo jamánomoide.

12 Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juzíñamui illáimana illánomo iere izire jofo jáiacadiaíoi. Afe ríifuedo afénomo jofo jáiacadino bie izói comécidiaíoi: “Afe illánona anáfenuano jofo jáitícaí,” daíí comeci facádiaíoi. 13 Nana Juan uícodo ite Juzíñamui uai llóraini naa Moisés lloga ocuica uai diga Juzíñamui illáimana illáruído úritiaíoi. Íaíoi úrilla méifodo Juan bite. 14 Iemo jíáífue ómoimo llóitícue. Omoi íinoiacaniadi, bífuena ínorediomoí. Naui lloga bíite Elías be námie Juan; mei Juan Elías dainámiena bíteza. 15 Maí cacáreacadino, omoi cacai.

16 Iemo Jesús nai úrillano daide: Biruúllaido itínona, ¿ñie izói íaíoína mámeitícue? 17 Jofue cigi íbírímo jífánote úrue izóidiaíoi. Afémaci conímamo ebírede rúado caimátaiacadiaíoi, mei íadi áfena fairíoñediaíoi. Daje izói conímama zúurede rúado fíraacadiaíoi, mei íadi daje izói áfemo cacáreacañediaíoi. 18 Afe bie izói ómoimo ite. Mei Juan Bautista billa llezica afémie fímarillano figo güñede, daje izói ríiji jiróñede. Ie jira “Fiénide joríaí úcaigamiedio” íena daidíomoí. 19 Afe mei cue, afe Nanoide íma Jitó dainámiedicue biticue. Billano, jíámaci izói güitícue, íemo jiródicue. Afemona nane bie izói cuena daidíomoí: “Bímie iere güilláredimie, jéerie jírofredimie. Fiéndino nabáidimie. Daje izói gobierno íbátaga úcube llínoraini nabáífredimie.” Daíí cuedo úritíomoí. Comini Juzíñamui orécanona bie izói fiendi daidiaíoi íadi, Juzíñamui baitácafue dama íe finócafuiaido jino cíozite, —dinori Jesús daide.

*Jófuiaimona dáarie Jesús uaina cacáreacañediaíoi
(Lc 10.13-15)*

20 Iemona Jesús jíáíe jófuiaí comini íaíoi ínoñena jira fueñe lletade. Mei afémie uaido daina comuide cíorainina ráamona nabene afémaci cígímo finódeza. Mei íadi afeno comini íaíoi comeci ífuena nai méidoñediaíoi. Afémie daide:

21 —¡Corazín jofue comini níi dúerena! ¡Daje izói Betsaida jofue comini níi duere zefuilla! Mei íaíoi cígíri cue finoca cíorainina raa, áfena Tiro comini daje izói Sidón comini cígímo naui finódicuenia, níbai raíre jaiaí uícodo íaíoi comeci ífuena méidotiaíoi. Uafue íaíoi comeci ífuena méiduamona, ja diga fimona jaide. Afe llezica zúunaia jífáírega jíitíroi jítaacadiaíoi. Daje izói aféruimo íaíoi zúunailla jino ácatallena jízefo ífomo jutáacadiaíoi. 22 Mei jíáífodo ómoína dáitícue, íraícaíño raíre jícánollíruimo Tiro Sidón diga duere finóbina baimo Corazín íemo Betsaida comini duere finólliaíoi, —daíí daide.

23 Iemo Capernaum jofue comini Jesús lletade. Afémaci díbénedo daide:

—¿Meita íaíoi ínoga jofue monamo úirede? ¿Daíí comeci facádiaíoi, ero ua? Mei jíáífodo íaíoína daidícue, tíidino illánomo ana dotaca izói níne tánocaitalliaíoi. Mei íaíoi cígímo cue finoca cíorainina raa naui Sodoma jófue mo finódicuenia, afe jofue nai biruimo nia ite. 24 Mei íadi jíáífodo

Capernaum comínina dáititue, íraicaiño riire jicánolliruimo Sodoma comíni baímo jicánolliaíoi, —aquíe izói Jesús íaíoiina lletade.

Cuomo billano omoi ocózinairi
(Lc 10.21-22)

²⁵ Aféruillaído Jesús daide:

—Mona Ocuíraíma Moo Juzíñamui, omo ñúefue jóneititue, mei Juzíñamui dibénedo onóigafuiai úrue izoide, comécina níífuenide jamai comínimo jino cíotatioza; mei íadi bínie ráfuena baitádinomona aféfuiai o retáidoga. ²⁶ Jii, Moo, mei o daí jítáidoza.

²⁷ Jesús nai úrioides: Cue Moo, nana uafue onóigafuiai ja cuemo llotio. Moo Juzíñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódicueza, dama ona ñue onódicue. Iemo jíai daje izói o Jitó onótaacagano ñue ona ónoitiaíoi.

²⁸ Iemo comínina daide: Omoi ñúefuiai finóacanamona zefuínaitino cue diné omoi bi; íemo jíai fiénidifue ábiana méeruitino daje izói cue diné omoi bi. Omoína ocózinaitaiticueza. ²⁹ Mai cue diga táijifirena izói ñúefuíaína finóllena omoi onoiri; mei omoi diga táijifiredicueza. Afe dájena táijinana cúemona omoi onoiri. Mei comécina járidoñedicueza. Daje izói comécina mánaidicueza. Afemona omoi comeci uái ocózinailinona báitio moíza. ³⁰ Omoi diga cue táijinana féinide. Daje izói ómoímo cue ocuillafue jaca ómoína zéfuitañeite, —dinori úrite Jesús.

12

Jesús llófuegamaci ocózinallarumo trigo ímoíai dícoiano otá güitíaíoi
(Mr 2.23-28; Lc 6.1-5)

¹ Aféruído Jesús naa ie llófuegamaciri ocózinallaruido trigo ritino jacafai cígido macade. Afe llezica ie llófuegamaci iere jufínaillano, trigo ímoíai otá güitíaíoi. ² Afena fariséuai cíoillano Jesuna daidíaíoi:

—Ero, o llófuegamaci ocózinallarumo rairuírede táijinamo táijidiaíoi.

³ Mei íadi Jesús íaíoiina daide:

—¿Omoi ico jaíai illaíma David finócafue cúegana facádoñediomoi? Afémie naa ie nabáñiairi iere jufínaitiaíoi. ⁴ Afe llezica Juzíñamui gairíracomo jofo jaillano rairuica panes otá güitíaíoi. Mei íadi afe páaniai afémiemona rairuírede, daje izói ie nabáñiaimona rairuírede. Afe pan dama lletáriraini güirede. ⁵ ¿Mei nane jíaie Moisés ocuica uai cúegana facádoñediomoi? Afénomo daína: Juzíñamui gairíracomo táijide lletáriraini, ocózinallarumo ocózinaiñediaíoi, mei daí íaíoi illa fiénidifueñede. ⁶ Mei ómoína dáititue, birui benomo afe gairíraco baímo jamánomoidímie ite. ⁷ Bie jíaie Juzíñamui Cuegáuai llógana nai onóñediomoi. Afe be níuui: “Fatá fia fecaca rille baímo cuena izíruillena jítáidicue.” Búuina omoi onóadi níífueña finóñedinona “Duere cai finótali” dáíñeitiomoi. ⁸ Mei uáfueza, ocózinallarui Nanoide íma Jitó Cristo daínámie ocuilla uai anamo ite.

Onoína llirídímie rafue
(Mr 3.1-6; Lc 6.6-11)

⁹ Afe mei Jesús afénomona jaide. Jaillano Juzíñamui uai llorácomo jofo jaide. ¹⁰ Afeco eromo ónoína llirídímie ite. Afe comíni Jesumo fiénidifue jítállena jenódiaíoi. Iemona afémiena jicánodoidiaíoi:

—¿Meita iráredímie ocózinallarumo jíllotarede? —daidíaíoi.

11 Jira Jesús afémaci uai ote:

—Omoimona daa cómemo oveja íadi, afe oveja ocózinaillarumo ifomo baiíadi ¿meita caifo óñega? 12 Mei uafue, daa come oveja baimo jamánomo ráifide. Afemona ñúefue ínuana ocózinaillarumo rairuíñega.

13 Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera. 14 Iemona fariséuai jino jaillano, Jesús fállena mamérizaidiaioi.

Jaiái uai llóraima Jesudo daína uai como zuilla

15 Aféfuena Jesús fidíillano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate. 16 Afe llezica afémie íaioina llotátañede: “Cue bie izói íllana bumo lloñeno iri,” íaioina daide. 17 Bie izói zuide jaiái uai llóraima Isaías lloga uai ñue ícoimo fuitállena. Afe uai be ñue:

18 Bímie nizada cue oga ocuífregamie.

Afémiena iere izíruiticue, íemo afémieri iere íobidicue.

Cue Ñuera Joréñona afémie úcaítaiticue.

Afémie cue mameca jaícina jóidífuiaína náiraímo jino llóite.

19 Afémie ráifuedo llóñeite.

Daje izói cáillicailli úríñeite.

Iemo jíái jofue cigi macáraodo ie uaina cácaiñeille.

20 Comécina náinidinona ruifíruiñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo ínote comini afémie fáicanocaiñeite. Fáicanocaiñeno ñue íaioina ínotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

21 Iemona nana náiraiaí afémiemo ocúritiaioi.

Taife ríino Jesumo illa afémiemo jítdiaioi

(Mr 3.19-30; Lc 11.14-23; 12.10)

22 Afe mei únidímie Jesús diné atídiaioi. Afémie fiénide jóriai uícaiga úrinidímie. Afémiena Jesús jíllotate. Iemona afémie ja ciode, daje izói ñue úrite. 23 Ie jira nana comini áferi caimare fáigacaillano daidíaioi:

—¿Meita afe be nímie jaiái illaíma Davidmona comuítagamie? — daidíaioi.

24 Fariséuai áfena cacáillano daidíaioi:

—Bímie fiénide jóriai illaíma Belzebú daínámie ríinodo afémacina jino oréfiredo, —daidíaioi.

25 Jesús daí íaioi comécido dáinana onóillano íaioina daide:

—Ninó daje náiraína ite comini conima diga fuiríadi, afe náiraí ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíái daaco ero comini eneno ráidoiziadi, afémaci are íñeite. 26 Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaioi. Mei íemona afémie ocuille ríino íñeite. 27 Omoi cuena: “Belzbumo ite ríinodo fiénide jóriai jino oréido,” daidíomoi. Afe omoi daína uáfuedenia, jíáfue ómoimo jícanoíticue. ¿Mei bu ómoído jáidino fiénide jóriai jino orelle ríino iga? Ie jira dani afémaci ñue onóñeno taino omoi llua jino cíotatiaioi. 28 Mei

jiáifodo Juzíñamui Ñuera Joréñodo afe fiénide jóriaina jino orédicue. Iemo bifue bie izói daiíacana: Juzíñamui illáimana illarui ja ómoimo dúcide.

²⁹ Mei uáfueza, riiredimiena fueñe o máñenia, ¿niie izói dáamie ie jofomo jaillano ie jofo ero ráaiena bairóredio? Bairónidio. Nano fueñe afémie máirede. Ie mei ie ráaiena bairórede. (Afe daií Cristo Taifena jaca anáfenorede.)

³⁰ Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jiáimaci cuena inotañedeza.

³¹ Ie jira ómoína dáitícue, naga come ie finoca fiénidifue, Juzíñamui jicáadi dórede; daje izói nana ie úrilla fiénidifue dórede. Mei íadi ninó dáamie Juzíñamui Ñuera Joréñona íaire dáiiadi, afe uai jaca dónide. ³² Iemo jiái ninó dáamie Nanoide Íima Jitó Crístona íaire dáiiadi, afe afémiemo ie lloia dórede. Mei íadi Juzíñamui Ñuera Joreño jánana fieni úritimie afe ie úrilla íaifue birui dónide. Daje izói uire jaca ninomo dónide.

Naga amena ie llizíllajido onórena izói, daje izói naga come ie úrilla fuiaido ónorede

(Lc 6.43-45)

³³ Ñuera aménamona ñuera ráajina llizide. Daje izói fiénide amena jaca fieni llizide. Mei uáfueza naga amena ie llizíllado ónorede. ³⁴ Jaio izóidinodiomoí. Ja fiénidinodiomoíza ¿niie izói ñue úrrediomoi? Mei uáfueza, cai fue cai comécimo jebuide raado úrite. ³⁵ Ñuera come ñúefuedo úrite, mei ie comécimo ñúefue íllaza. Daje izói fiénidimie fieni úrite, mei ie comécimo fiénidifue íllaza. ³⁶ Iemo nane ómoína dáitícue, íraicaiño Juzíñamui caimo riire jicánolliruimo, nana ráiruiñega fieni cai úrilla uai, daje izói abi cai rairuiñena úrilla uai diga, jáanoñeno “ji” daiíredicai. ³⁷ Mei uafue, o úrilla dieze Juzíñamui omo izire jicánoiteza. Jiáimiena “O náifuenidimiedio” dáite; ie mei jiáimiena “Dama o ícoínia daií itio,” dáite.

Fiénide comini ciórainina raa finóllena Jesumo jicádaiioi

(Mr 8.12; Lc 11.29-32)

³⁸ Afe mei fariséuaimona dáamierie Jesuna daidíaioi, daje izói Ocuica Uai llófuefiredino diga:

—Llófueraima, ciórainina raa o finuana cióacadicai, —daidíaioi.

³⁹ Jira Jesús afémaci uai ote:

—Bigima fiénidino botade jiruiredingo izoide ja Juzíñamuina zóofetiaioi. Iemo ciórainina raa cuemo jicádaiioi. Mei íadi nauí Juzíñamui uai llóraima Jonás onótagafue baímo jiáifuena llóñeilliaioi. ⁴⁰ Mei Jonás daaruíamani íemo daámani naio afe áillue chamu eromo illa izói, afe izói Nanoide Íima Jitó Cristo énie anamo daaruíamani íite, daje izói daámani naio. ⁴¹ Jaiai Nínive jófueimo ite comini bigima comínimo riire jicánolliruimo bimácimo fiénidifue jítaitiaioi. Mei Nínivemo ite comini Jonás Juzíñamui uai íaioimo llua llezica íaioi comeci ífuenta méidotiaioíza. Mei íadi birui benomo Jonás baímo jamánomoidimie íte. ⁴² Daje izói sur dibénemo jica íte nairai illango, bigima comínimo riire jicánolliruimo, bimácimo fiénidifue jítaitie, mei afengo jica énie fuédamona Salomón comeci onóigafueimo cacáreizaibiteza. Mei íadi birui benomo Salomón baímo jamánomo baitádimie illa.

Jino oreca fiénide jóriai meine dáamiemo bite

(Lc 11.24-26)

⁴³ Jesús nai llícañeno úrite: Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade: ⁴⁴ “Meine abido cue billa cómemo jáitícue,” daide. Afe jóriai meine afe cómemo bítemo, jofo taico izoide baizáibite. Daje izói rafode ñue finócaco izói baizáibite. ⁴⁵ Iemona afémie siete diga jamánomo afémie baimo fiénide jóriai uájide. Afémaci nana afe cómemo jofo jáidiaioi. Afemona afe come nauí ie fiénina baimo biruí jamánomo fiénide. Afémiemo illa izói, afe izói ómoimo íficaite, mei bigima fiénidigimaza.

Jesús ei naa ie ámatiairi

(Mr 3.31-35; Lc 8.19-21)

⁴⁶ Jesús nai comínimo úritemo, ie ei naa ie ámatiairi dúcide. Afémaci jofo jinófecomo itíaiói. Afémie diga úriacadiaioi. ⁴⁷ Afe llezica dáamie Jesuna daide:

—O ei, o ámatiairi jino benomo itíaiói. Afémaci o diga úriacadiaioi, — daide.

⁴⁸ Mei íadi Jesús afe lluíabitimiena daide:

—¿Mei bu cue eina? Daje izói ¿mei bu cue ámatiaina? —daide.

⁴⁹ Daí daínamona afémie llófuegamacina fuedo uidánote. Uidánuno daide:

—Bimaci cue eina, daje izói bimaci cue ámatiaina. ⁵⁰ Mei ninó dáamie monamo ite cue Moo comeci jitaila izói finódimie bie come cue ámana, daje izói cue miríngona, daje izói cue eina, —daí Jesús afémacina daide.

13

Afémaci onótate ríjifredimie rafue

(Mr 4.1-9; Lc 8.4-8)

¹ Afe monado Jesús jofómoma jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráizaide. Afe llezica nana comini fuédamo fiébidiaioi. ³ Mei áfemona diga ráfuaiaina afémaci llófuete. Afémaci onoiga izóidedo afémie íaiói llófuete. Daide:

—Jacáfaimo rífredimie rizájilla. ⁴ Ricana ie uilla llezica, afe júdaica íjiaimona dáarie iomo baiide. Baiilla mei ófocuíñuai güizáibitiaioi. ⁵ Ie mei jáíjiaí énie figo iñena noficiaimo baiide. Aféjiaí raire zicode, mei afe énie líiaideza. ⁶ Iemo jáinaonideza jítoma egáíñuamona, zafénaillano tíidiaioi. ⁷ Ie mei nane jáíjiaí éegiaí cígiri cocídino. Afe éegiaí mónaillamona aféjiaí íracotaillano tíidiaioi. ⁸ Mei íadi jáíjiaí ñuera éniemo baiide. Aféjiaí ñue ailla. Dáaride cien diga llizíllajiaí comúitate. Jáíri sesenta diga llizíllajiaí comúitate. Iemo jáírímo treinta dígaí comuide. ⁹ Bíemo cacáiacadino mai cacai.

Nibái mei bie comini onoiga izóidedo úrilla, Jesús jino llote

(Mr 4.10-12; Lc 8.9-10)

¹⁰ Iemona ie llófuegamaci billano Jesumo jicánotiaioi:

—¿Nibái mei comínimo íaiói onoiga izóidedo úritio? —daidiaioi.

¹¹ Jira Jesús uai ote:

—Monamo Juzíñamui illáimana illiruí uáfodo óñoñega ráfuaiaina, afémie ómoína onótate. Mei íadi baie comini áfeniaina ónotanidiaioi. ¹² Mei ua,

Juziñamuina iere onóacadimiemo ie báitaja baimo jiáiena írede. Iemona afémiemo aillo íte. Mei íadi Juziñamui dibénedo onóacañedimiemona íemo íte due jiza onónana bairórede. ¹³ Ie jira afémacimo íaiói onoiga izóidedo úritícue. Mei afémaci ñúefuena ciódiaíoi, mei íadi nai cíoiñedino izói itiaíozza. Daje izói cacádiaíoi, mei íadi nai cacáñedino izói itiaíoi. ¹⁴ Mei afemona Juziñamui uai llórainma Isaías afémacina jicana daina uai ñue ícoimo fuilla. Be níuiai:

Omoi uáfodo cácaitiomoi mei íadi afe dáinana ónoñeitiomoi.

¹⁵ Mei bimaci comeci ríredinona abido jaide.

Daje izói afémaci figo cacáacañediaíoi.

Afémaci ui ibaica izói íte. Daí itiaíoi íaiói uído cíoiñeillena, íemo jiái íaiói jefodo cácañeillena; daje izói íaiói comécido ñúefuiai ónoñeillena.

Iemona íaiói cue jíllotallena abido cuemo bínidiaíoi, daí Isaías daide.

¹⁶ Mei íadi dani omói uído omói ciónamona, daje izói dani omói jefodo omói cacánamona ióbidinodiomoi. ¹⁷ Uáfuenta ómoína dáitícue, diga Juziñamui uai llóraini bie omói ciónana cióacadiaíoi, naa aillo jiáie ñue comíniri. Mei íadi afena cióñediaíoi. Daje izói bie omói cacánana cacáacadiaíoi, mei íadi cacáñediaíoi.

Jesús ríjifiredimie rigájiái rafue ñue jino llote

(Mr 4.13-20; Lc 8.11-15)

¹⁸ Jira bíemo omói cacáreiri. Rífiredimie rafue bie izói jino daide. ¹⁹ Monamo íte Juziñamui illáimana illarui uaina dámie cacáadi, mei íadi afémie afena ínoñeniadi, afémie comeci afe bie io izoide. Ji, afe rigájiái iomo baídino izoide. Afe izói comécido jabo íe onoiga ñuera uaina Taife báiruabite. ²⁰ Afe rigájiái ní afe noficiaí emódomo cocídino jana, ñúefuina raire cacáillano caimare otino coméciaí. ²¹ Mei íadi afémaci raire zicode raa riire jaináñena izói, Juziñamuimo afémaci figo jaináñenamona are íñediaíoi. Mei íadi ñuera uai ícoinia jacire facátafuiai, íemo duere finóllena rácafuiai afémacimo comuíadi, ñúefuena fáicanocaitiaíoi. ²² Afe éegiaí illano jana Juziñamui ñúefuena cacádiaíoi ía, bínie ráaniaimo comécina fáífredino. Iere ráanaiacana afémacina jífuede. Nana aféfuiai Juziñamui ñúefuena íracotailla izói ínotañede. Iemona afe uai afémiemo ñue áide izói íñede. ²³ Mei íadi afe rigájiái ní afe ñuera éniemo baídino jana bie izói íte. Bimaci Juziñamui ñúefuena cacáillano afe uaina jeire otiaíoi, mei afena ñue onódiaíozza. Uamona iere aite rigájiái izói afémaci aillo ñúefuiai finófrediaíoi. Afémacimona dáarie jamánomo aillo ñúefue finódiaíoi, íemo jiáimaci aillo ñúefue finódiaíoi. Íemo nane jiáie íia jabo aillo ñúefue finódiaíoi.

Riga trigo cígimo fiénide raróciaí zícua rafue

²⁴ Íemo nane Jesús bie íaiói onoiga izóidífue llote:

—Monamo íte Juziñamui illáimana illarui bie izoide. Dámie ñuera íjiaí íe jacáfaimo rite. (Aféruillaido comíni diga ráaniaí daane riñeno énenorie ritiaíoi.) Bímie íe jacáfaimo jiáiena jaicuíñeno daa trigo rite. ²⁵ Mei íadi naama ínia mei íe diga ícítimie trigo cígimo fiénide raróciaí rizábite. Rillano oni jaide. ²⁶ Afe trigo móonaillamona ímoiaí comuilla llezica riga fiénide raróciaí cíozite. ²⁷ Afemona táijitafiregano jacafai náamamo llujáide: “Ocuíraima, o ritátaga cai ríganíai níbai ñuera. Mei afe cígimo

fiénide ráitíai ¿ninómona comuide?” ²⁸ Jira afeíai naama daide: “Níbai ninó cue diga icíritimie bie rizáibiga.” Mei jira afe tájitaíregamací íena daide: “¿Afe fiénide ráitíai cai áiruailleza meita airótatio?” ²⁹ Mei afémie íaioina daide: “Dama íteza, aiñóñeno iri, mei afe fiénide ráitíai aiñódiomoinia naa trigo diga aiñódiomoiza. ³⁰ Dama trigo diga daane móonaiteza, aiñóñegania ñuera. Afe mei jofo ollíruimo, cue tájitaíregano óreiticue fueñe afe fiénide ráitíai óllena. Afe uano afe ráitíai jobaílle eneno icútuaina maitátaiticue. Afe mei cue trígona éenoracomo éenotaiticue.”

Mostaza daina riga raa íjiaí rafue

(Mr 4.30-32; Lc 13.18-19)

³¹ Iemo nane Jesús bie jíáie onótaitífue llote:

—Monamo ite Juzíñamui illáimana illarui mostaza daina riga raa íjiaí izoide. Dáamie afe íjiaí ie jacáfaimo rite. ³² Uáfueza, afe íjiaí nana jíáie rííregajiaí jofomo jéenide. Mei íadi móonailla llezica nana juzítófiaí caifomo are zairide. Afe llezica caifo amena dínorí aillo zairide. Afemona áfena ícairuaimo feede ófocuíñuai jillaína nizáibitiaíoi, — daide. (Afe izóí Juzíñamuimo íñotino dúemací íadi, jamánomo aíllomacína jébuioicaitiaíoi.)

Levadura daina pan fáitara rafue

(Lc 13.20-21)

³³ Iemo nane Jesús bie jíáie onoiga izóidífue llote:

—Monamo ite Juzíñamui illáimana illarui pan aillo fáitate levadura izoide. Daa ringo daámani julleco harínana oruítajano, áfemo due jiza levadúrana tamede. Iemona nana afe iféllana mullétano oni aillo fáitate, — daide. (Afe izóí diga jíáimací Jesumo íñuamona, Juzíñamuimo jaináidino aillo jébuitiaíoi.)

Jaiái daináuai fuitállena Jesús íaíoi onoiga izóidífuaíido comínimo úrite

(Mr 4.33-34)

³⁴ Nana bífuiaí Jesús íaíoi onoiga izóidífuaíido comínimo llote. Onótaitífue afémie llóñenia comínina níie izóí daíñede. ³⁵ Jaiái Juzíñamui uai llóraíma daina uai ñue ícoímo fuitállena, afémie daíí llófuete. Afe be níuui: Onótatífuaíido jino úriticue.

Juzíñamui énie fínua llezícama figo ónoñegafuaíi jino llóiticue.

Trigo cígimo comuide fiénide ráitíai ífue Jesús jino llote

³⁶ Afe mei Jesús nana comíni jino fíiano jofo eromo jaide. Afécomo Jesús llófuegamací afémiemo jícanuaíbitiaíoi:

—Jacáfaimo comuide fiénide ráitíai rafue caímo jino ñue llóiri, — daídíaíoi.

³⁷ Jira Jesús íaioina daide:

—Afe ñuera íjiaí ritímie jana Nanoide íma Jitó Cristo. ³⁸ Afe jacafai jana bie énie. Afe ñuera rigájiaí jana Juzíñamui illáimana illáruimo jaináidino. Afe fiénide ráitíai jana Taífemo jaináidino. ³⁹ Afe fiénide ráitíai rizáibitimie dama Taífe. Afe llizíllajiaí jofo otá éenua jana énie fuillírui. Iemo afe llizíllajiaí jofo otino jana Juzíñamui abí imací. ⁴⁰ Ie mei afe fiénide ráitíai jobáíllena oni eneno jóonia izóí, afe izóí énie fuillírui fiénidinomo zúite. ⁴¹ Aféruimo Nanoide íma Jitó Cristo ie abí imací óreite, jíáimana fiénidífue

finótatino eneno óllena, naa fiénidifue finódinori. ⁴² Afémacina iraimo dótaite. Afénomo iere éenaitiaioi; iere izi cácaillamona murímuritiaioi. ⁴³ Ie mei Juzíñamui jitailla izói finódino íaioi Moo illáimana illíruimo jitoma uieco meáire egáíñua izói íaioi maiñoca Juzíñamui ebiredifueña jino cíotaitiaioi. Omoí cacáacania, cacai.

Retáidoga ráifide raa jino onótaitifue

⁴⁴ Monamo ite Juzíñamui illáimaitagamacina íacadino bie izói fínoitiaioi. Enie anamo ónonino retáidoga ráifide raa jénua izói fínoitiaioi. Níie monado daa come afe retáidoga ráifide raa baite. Bailla mei, abído dáanomo áfena retáidote. Afe mei jofomo ióbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daina iere ráifide zírjji jino onótaitifue

⁴⁵ Nane daje izói monamo ite Juzíñamui illáimaitagamacina íacadino perla jenoda fécafiredimie izói fínoitiaioi. Afémie jicado jenode. ⁴⁶ Iere ráifide perla daa ie baía, nana íemo ite ráaniai fécajano, ie ciona ráifidíji íbajide.

Chamu ora llóji onótaitifue

⁴⁷ Daje izói nane monamo ite Juzíñamui illáimana illarui, jóraimo dótafirega chamu ora llóji izoide. Afe llóji nana jíáiforiede chámuna ote. ⁴⁸ Afe llóji oruilla llezica, facódino oni fuédamo jainácana uite. Afénomo raináillano, ñuera chamu diga nizédiaioi. Fiénidino oni dótano ñuera chamu íaioi cirígaimo iráidiaioi. ⁴⁹ Afe izói énie fuillíruimo comínimo íite. Juzíñamui abi imaci billano ñúemaci fiénidimacimona oni eneno ofítaite. ⁵⁰ Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie diga

⁵¹ Afe mei Jesús íaioina jicánote:

—¿Meita omoí nana bífuiaína onódiomoí? —daide.

Jira afémaci daidiaioi:

—Jii, Ocuíraima onódicai, —daidiaioi.

⁵² Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illirui dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jíáiruideo jácara raa mei íadi nai ñuera raa, jino úana onode. Afe izói afe ñue llófuefiredimie nana ie onógafuiaimona cue cómfue naa jaiái lloga jácafue diga jino llúana onode, —daide.

Jesús Nazaret jófuego jaide

(Mr 6.1-6; Lc 4.16-30)

⁵³ Jesús nana bie jino ñue onótatífuiaí llua méífomo dama ie éniemo jaide. ⁵⁴ Dúciizaillano afénomo ite Juzíñamui uai llorácomo llófujete. Aferi comíni caimare fáigacaidiaioi. Daidiaioi:

—Bímie ¿ninómona diga ráfuiaína onode? Bie cíorainina raa ¿níie izói finode? ⁵⁵ Bímie baie rabícaimó tájijifredimie jító. Ie ei María. Daje izói afémie ámatiaí Santiago, José, Simón, Judas benomo cairi ite. ⁵⁶ Daje izói

ie miríngotiai cai cígimo itíai. ¿Mei ninómona nana bifuena onode? — daidíai. ⁵⁷ Imona afémie llógamo náfuecañediai. Mei jira Jesús íaioina daide:

—Nana jiáimaciai Juzíñamui uai llórainmana jíeruitai, mei íadi dama ie comuillano comini íena jámairuitai, daje izói naa ie jofe ero comíniri, — daide.

⁵⁸ Ie jira afénomo cíorainina raana aillo finóñede, mei afémaci afémiemo íinoñediaoiza.

14

Juan Bautista tilla

(Mr 6.14-29; Lc 9.7-9)

¹ Aféruillaido Galilea énie ocuídillaíma Herodes, Jesús jalléinana fidide.

² Fidiano ie diga itínona daide:

—Bímie tíllamona meine abido cáadímie Juan Bautista. Imona afémiemo cíorainina raa finolle ríino ite, —daide.

³ Mei jaiái nano Herodes Juana maitá llavéracomo uitátate. Mei nauí Herodes ie ama Felipe ai Herodías dainango aina ote. Ua mei, Juan Heródesna riire lletádeza. Ie lleta jira íena llavétate. ⁴ Juan daina uai be níie:

—O bie ringo o ai izói uícainidio, —daide.

⁵ Daií daina jira Herodes Juana fáiacade. Mei íadi comínina jacíruite, mei “Afe Juan Juzíñamui dibénedo úrifiredeza,” daidíai. ⁶ Afe méifodo, Herodes ie jocóinamona jiáie fimona fuilláruimo dúcide. Aféruído ie cumpleaños rafue fínua llezica, irázillena llogano eróicana Herodías jiza bai zaizáijide. Afengo záillana Herodes iere ebíruite. ⁷ Afena iere gáinamona Herodes riírede uaido daide:

—Ninó o jíacacanana rairuíñeno íredicue, —daide.

⁸ Imona afengo ei uícodo llua izói Heródena daide:

—Juan Bautista ífoci plátomo jóoneta cuemo ati, —daide.

⁹ Aferi ocuídillaíma Herodes zúucaide. Mei íadi uícodo riírede uaido dainana nana irázillena llogano cacádiai. Jira jiáifodo méidoñeno nano fueñe ie daina izói ocuide. ¹⁰ Imona llavéracomo llaveca Juan ífócina jaitátate. ¹¹ Afe mei jáitano plátomo jóoniano aféngomo izájidiai. Afe méifodo afengo afe ífócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raiájidiaí. Afe mei Jesumo lluájidiaí.

Jesús cinco mil comini ecade

(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiamona ie illánomo arido jáidiaí.

¹⁴ Iemo Jesús afe nocáemona ari jailla llezica, diga comini ofillana ciode. Cíoillano íaiomo dúecaide. Afémiemo atica iráredinuiaina jíllotate. ¹⁵ Ja nauízaiilla llezica ie llófuegamaci afémiena daiízaíbitiaí:

—Ja nauide. Benomo buna íñede. Nana comínina mai jófueмо oreri, afe áinori ite dúegobiaimo íaioi güille íaioi íbajillena, —daidíai.

¹⁶ Jira Jesús afémacina daide:

—Afémaci nai jáinidiaí. Afémaci dani omoi eca, —daide.

¹⁷ Jira afémaci uai otíai:

—Cinco diga páaniai, íemo mena chamu afe baímo jíáiena caímo íñede, —daídíai.

¹⁸ Jira Jesús íaióina daide:

—Mai áfena cuemo ati, —daide.

¹⁹ Afe mei nana comínina daide: “Ráitíai emódomo ana omoi ráii,” daide. Afe llezica Jesús cinco diga páaniai mena chamu diga llínota, monamo érocaillano Juzíñamuina “Figora” daide. Daií daina méifodo Jesús afe pan ditada ie llófuegamacimo ite, afémaci nana comínimo fecállena.

²⁰ Afe güillano nana comini ñue jeíredíai. Iaiói güilla mei, güiga állana ie llófuegamaci doce cirígai oruítatíai. ²¹ Afe güitino cinco mil diga íñíai. Iemo afe baímo ringóníai naa úruiairi fácadoñega.

Jesús jainoi emódodo macade

(Mr 6.45-52; Jn 6.16-21)

²² Afe mei Jesús ie llófuegamacina daide: “Mai ífódino ruica enéferaimo nocaedo omoi jairi. Afe llezica bie comini ráinoitícueza,” daide. ²³ Comini ráinua mei Jesús caifónedumo dama Juzíñamuimo úrizaide. Nauízaiilla llezica Jesús afénomo dama ite. ²⁴ Afe llezica íaiói jailla nocáe bai dáaferaimo ite. Mei íadi jorai bagua meine íaióina ñuitáñuitade. Afe llezica jairifo meine íaióina fúuoide. ²⁵ Como monáioicaidemo Jesús jainoi emódodo afémaci diné macácana jaide. ²⁶ Afe jainoi emódodo jáillana cíoillano, caillíoidíai. “Janaba billa,” daínano iere jacínaitíai.

²⁷ Mei íadi Jesús íaióina daide:

—Cueza, jacínaiñeno omoi iri. Abí omoi mame, —daide.

²⁸ Jira Pedro afémíena daide:

—Ocuíraíma, mei ónia, o illánomo mai jainoi emódodo cue mácata, —daide.

²⁹ Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide. ³⁰ Mei íadi jairifo riire jáiñua cacáillano abi jácidote. Afe llezica afémíe ja anábaicade. Anábaioicailla llezica afémíe caillide:

—¡Ocuíraíma, íñédícueza, cue llino! —daide.

³¹ Daií daina llezica, Jesús ónoído llínota daide:

—¡Nii o due íñua! ¿Níbái mei o íñogafuena fácanocaidio? —daide.

³² Nocaemo caífo íaillinoi jailla llezica, afe jairifo llícaide. ³³ Iemona afécaemo itino, Jesús anamo dújuillano íena daide:

—Uáfuaena, Juzíñamui Jitódioza, —daídíai.

Jesús Genesaret éniemo ite iráredino jíllotate

(Mr 6.53-56)

³⁴ Jorai ruica jáitajano Genesaret éniemo dúcídíai. (Afe énie jíáifodo mameina Galilea.) ³⁵ Iemo afeno comini ñue afémíena onónamona, nana afénomo itígobíaimo conímana fidítatíai. Afemona afénomo ite iráredínuaína Jesumo atídíai. ³⁶ Daa afémíe inícuero fueda jetánollena izire jicádíai. Iemona nana ie inícuero fueda jetádino jíllodiai.

15

Cómena íaire finode raa

(Mr 7.1-23)

¹ Afe mei dáarie Jerusalémona bite fariséuai naa ocuica uai llófuere dinori Jesumo jicánuaibitiaioi:

² —¿Nibái mei o llófuegamaci cai uzútiái daina uaina oni caitáfire diaioi? Mei afémaci fiénidifue múiñua jana, nai güiñena llezica onoi jócuana finóñediaoiza, —daidiaioi.

³ Mei afe ibana Jesús íaioimo jicánote:

—¿Mei nibái omoi Juzíñamui riire ocuica uai oni caitáfire diomoi dani omoi jaiái daina uaimo náfuellena? ⁴ Mei Juzíñamui caina daide: “O moo o ei diga caimare omoi uícairi. Dámie ie moona ie ei diga íaire dáia, afémie tíiteza,” daide. ⁵ Mei jiáifodo daiífire diomoi. Dámie ie moona ie ei diga bie izói daiírena dáifire diomoi: “Moo, ona canónidicue, mei nana cuemo ite raa Juzíñamuimo fecállena cue mamécaza.” ⁶ Iemo ninó dáamie daií dáiiadi, ie moo ie ei diga canolle afémiemo dúiñede, daií daiífire diomoi. Daií omoi dáinamona Juzíñamui ocuica uai jámairuitadiomoi, dani omoi jaiái daina uáillaímo náfuellena. ⁷ ¡Comeci diné ráatailla mei, abina ñue cíoidinodiomoi! Jaiái Juzíñamui uai llóraíma Isaías ie cuegánicomo omoi dibénedo uáfodo úrite. Be afe uai:

⁸ Bie comini fia fuedo cuemo ñúefue mamédiaioi, mei íadi íaioi comecei diné íairedeza, cuemo jaináñede.

⁹ Diga ebírede ráfuiaido cuemo caimátaidiaioi íadi, afe caimátailla ráifiñede, mei afémaci jiáimaci llófuia jamai come ocuica uáillaiza.

Isaías Juzíñamui daináuai bie izói cuete.

¹⁰ Afe mei comini uáidota Jesús íaioina daide:

—Cacáillano ñue omoi onoiri. ¹¹ Come fuedo jofo jaide raa afémiena íairetañede. Mei jiáifodo come fuémona bite uai, afémiena íairetate, —daide.

¹² Afe jira ie llófuegamaci Jesuna daiízaibitiaioi:

—¿Meita onódioza, o daina uáillaína cacáillano fariséuai icírtitiaioi? —daidiaioi.

¹³ Mei íadi Jesús jiáifodo uai ote:

—Naga Juzíñamuimo uáfueña jaináñedimie monamo ite cue Moo riñega raa izóidiaioi. Afémaci come gáñega riga raa naa jánaori aiñólle izói tánocaitalliaioi. ¹⁴ Afe baie fariséuai dama daiítadiaoiza; áfemo lloñeno. Mei afémaci uínidino izóidino. Iemo afe llezica jiáie uínidino ifódiaioi. Uínidimie jiáie uínidimie ifóadi, nágaillinoi dáafomo báitillaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jicánote:

—¿Omoi jiái nai onóñediomoi? ¹⁷ ¿Onóñediomoiza, fuedo jofo jaide raa jébe goimo jaide; afe mei abímona jino faíga? ¹⁸ Mei íadi come fuémona jino bite uallaí ana comécimona comuide. Afe bie uallaí dama afémiena íairuitade. ¹⁹ Mei diga íaifuiaí come comécimona comuide. Fieni comecei fácafuaí comuide. Daje izói daje comécimona jiáíma fáiacanafuaí comuide. Iemo jiáíma ai diga íacanafue come comécimona comuide, naa jiáie iere jiruírenafuaíari. Iemo jiái merírilla fuiaí come comécimona comuide. Daje izói táinoma úrilla uallaí, naa jiáimana íaire daináuallaíri come comécimona comuide. ²⁰ Afe bífuiaí cómena iere íáiruitanona orede. Mei íadi fiénidifue múiñua jana onoi jócuana finóñeno dáamie güiadi, áfena cómena íaifueredimiena oréñede, —daide.

*Jicánemaci ringo Jesuna ñnote**(Mr 7.24-30)*

²¹ Afénomona Jesús oni jiáie éniemo jaide. Afénomo Tiro jofue Sidón jofue diga ite. ²² Afénomo Canaán énie ingo Jesús diné caillícana bite:

—Cai ocuífiredede jaiái illaíma David comuítagamie, cuemo dúecai. Cue jiza fiénide jóriái uicaigaza, iere duere zefuide, —daide.

²³ Mei íadi Jesús aféngona ñiie izói daiíñede. Mei jira ie llófuegamaci íemo izire jicaíbitiaíoi:

—Mai ie uai fáirio, mei cai méifodo duere caillícana bíteza, —daídaíoi.

²⁴ Jira Jesús daide:

—Juzíñamui dani Israel náiraímona oni féiraite ovejai izóidino mamedada cuena orede, mei afémaci Juzíñamui lloga uaillai jeire oñédiaíoiiza, —daide.

²⁵ Mei íadi afengo Jesús diné billano afémie anamo dújude. Dújuillano afémiemo jicade:

—¡Ocuíraíma, mai cue cano! —daide.

²⁶ Jira Jesús aféngona daide:

—Uruiaí izoide Judíuai ónoímona pan bairoda jicóniaí izoide jicánemacimo illa fiénide, —daide.

²⁷ Mei afengo jaca nai daide:

—Cai Ocuíraíma, jii uáfueza, mei íadi jicóniaí naama güígamona ana baiide íruaina güífrediaíoi, —daide.

²⁸ Mei jira Jesús aféngona daide:

—O ico iere ínotioza. Cuemo o jícaze, daí íteza, —daide.

Daí daina llezica afengo jiza jíllode.

Jesús aillo iráredinuaí jíllotate

²⁹ Afénomona Jesús oni jaillano Galilea jorai fuédado jaide. Afe mei caifónedu ícoímo ráiizaide. ³⁰ Iemo afémie illánomo aillo comini gairilla. Afe jáidino diga jáíforie iráredino uitiaíoi. Afémiemo ídainidino atídiaíoi, íemo uínidinuaí, íemo uáinidino, íemo ónoínidinuaí, íemo diga jiáie iráredino afémiemo atídiaíoi. Dieze átiano Jesús anamo jónetiaíoi. Iemona afémie nana afémacina jíllotate. ³¹ Afe afémie fínuari comini camare fáigacaidiaíoi, mei eróidiaíoiimo uáinidino úritiaíoiiza. Iemo ónoínidino ñue jíllodiaíoiiza. Iemo ídainidino ñue macádiaíoiiza. Iemo uínidino ñue ciódiaíoiiza. Iemona Israel nairaí Juzíñamuimo ñúefue nitádiaíoi.

*Jesús cuatro mil dígade comini ecade**(Mr 8.1-10)*

³² Afe llezica Jesús ie llófuegamaci uáiduano daide:

—Bie cominimo dúecaidicue. Ja daruíamani benó cue diga itiaíoiiza. Iemo íaíoi güíllena ja íñede. Afémacina íaíoi jofomo ecáñeno oréacañedicue, ío anamo íaíoi zafénaiza daíi, —daide.

³³ Iemo ie llófuegamaci íena daídaíoi:

—Mei benomo comini jofue íñedeza, bie aillo comini ecállena ¿ninómona óiticaí? —daídaíoi.

³⁴ Jira Jesús afémacimo jicánote:

—¿Omoímo niga páaniaí ite? —daide.

Jira afémaci daídaíoi:

—Siete diga pan ite íemo due chámuna ite, —daidíaioi.

³⁵ Afe mei nana comínina: “Ana omoi ráii,” daide. ³⁶ Daií daina méifomo siete dígade panes naa chamu diga llínnota, Juziñamuina “Iere figura” daide. Afe mei ditada, ie llófuegamacimo ite, afémaci nana comínido fecállena. ³⁷ Afena nana güitíaioi. Íaioi güilla mei nana ñue jeírediaioi. Afe mei íaioi güiga állana siete diga cirigai oruítatiaioi. ³⁸ Afe güitino cuatro mil dígadimaci. Afe baimo ringóniai naa úruiairi fácadoñega. ³⁹ Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

16

Fariséuai naa saducéuai diga ciórainina raa finóllena jicádíaioi
(Mr 8.11-13; Lc 12.54-56)

¹ Fariséuai naa saducéuai diga Jesumo eróizaidiaioi. Iemo afémie fienui facátallena monámona comuide ciórainina raana finótaacadiaioi.

² Mei íadi afe llezica afémie jíáfodo uai ote:

—Nauíacana llezica mona jíairenia uire jiti ñue mónaite daiífirediomoí.

³ Iemo jítiramo dibénemo mona jíaire nairíadi, bie mona fiénite, daiífirediomoí. ¡Comeci íairena mei, jino abi diné ñue cíoidinodiomoí! Uire jítiramo ñue mona monaille llote raana ñue onódiomoí. Mei íadi birui omoi cígimo cue finoca onótatífuiaina onóñediomoí. ⁴ Biruido ite ínoñede fiénidino ciórainina raana finóllena jicáfirediaioi. Mei íadi nauí Juziñamui uai llóraima Jonásmo zúidífue íaioi onótatífue. Afefue baimo jíáífueña llóñeilliaioi, —daide.

Daií daina mei, afémacina fáicanocaillano Jesús oni jíáinomo jaide.

Fariséuai taino llófirenafue levadura daina pan aillo fáitate raa izoide
(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uíñédiaioi.

⁶ Afe mei Jesús íaioina daide:

—Ero, fariséuai naa saducéuaimo ite levadura daina pan aillo fáitate raa izóidemoná abi omoi rairuiri, —daide.

⁷ Mei jira llófuegamaci dani conímana daidíaioi:

—Ñibai pan cai atíñena jira afémie daií daide, —daidíaioi.

⁸ Jesús áfena comécido onóillano daide:

—¿Ñibái mei páanidicai daidíomoí? ¡Omoi ico nai figo ínoñediomoí!

⁹ ¿Nauí cinco páaniai ditada cinco mil comini cue écamo jaca uíbicaíñediomoí? ¿Nai áfena ñue onóñediomoí? Aféruido fiébidinona ¿niga cirigai oruítatiomoí? ¹⁰ Iemo daje izói siete dígade páaniai cuatro mil comínimo cue feca mei ¿niga cirigai fiébidinona iráidiomoí? ¿Afemo jíái daje izói uíbicaíñediomoí? ¹¹ ¿Minícamo jizídiomoí levadúrado cue úrillana nai onóñena? Nauí fariséuai, naa saducéuaimo ite levadúramona abi omoi rairuiri cue daina uaina jamai paando úriñedicue; jíáífue lloticue.

¹² Afemona ie llófuegamaci ie dáinana ñue onódiaioi. Pan aillo fáitate levadúramona abi rairuillana lloñédeza. Mei jíáífodo fariséuai naa saducéuai jino lloga taino llófuiaimona abi rairuíredeza.

Pedro Jesús Crístona jino jáicina llote
(Mr 8.27-30; Lc 9.18-21)

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide Hima Jitódicueza. Afe dibéneña ¿niie izói comini daidíaiói? —daide.

¹⁴ Jira afémaci daidíaiói:

—Dáamierie “Bie Juan Bautista” daidíaiói, jáímaci “Bie Elías” daidíaiói, íemo nai jáímaci “Nibai Jeremías, nibai jáíie Juzíñamui uai llóraíma,” —daidíaiói.

¹⁵ Mei jira Jesús daide:

—Omoi ¿mei niie izói cuena daidíomoi? —daide.

¹⁶ Jira Simón Pedro uai ote:

—Juzíñamui nizeca Cristo dainámiedio. Daje izói caade Juzíñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llónegaza. Mei jáífodo monamo ite cue Moo Juzíñamui omo lloga. ¹⁸ Ona Pédrodio dáititue. Mei jae cuena o daina uai rírede oni dotánide nofici izóideza. Iemona afe bie rírede nofici izoide uáitanide dáinamo cuemo ínotinona comúititue. Iemona titáfírede ríino cuemo ínotinona anáfenoñeite. ¹⁹ Iemo jáíi monamo ite Juzíñamui illáimana illano naze zuitáfírena llave izoide raa omo íititue. Iemona bíníemo o rairuícafueña, daje izói monamo ráiruíteza. Afe izói bíníemo o ráiruíñegafueña monamo ráiruíñelle, —dinori Jesús daide.

²⁰ Afe mei Jesús ie llófuegamacina Crístona ie íllana bummo jino llotátañede.

Jesús ie tílle lloste

(Mr 8.31-9.1; Lc 9.22-27)

²¹ Aféruimona Jesús Jerusalemo ie jáizaillena ie llófuegamacimo jino uáfodo lloste. Iaioina daide: “Jerusalemo cue dúcille mei ocuífírede éicomini, naa lletáriraini illáiniri, íemo jáíi ocuica uai llófuefiredinori nana iere cuena duere fínoitíaiói. Omoímo llotícueza cuena titáitíaiói, mei íadi daruíamani íllemona meine abido cáadimíena íititue,” daide. ²² Afe jira Pedro Jesús bai uillano íena lletade. Daide:

—Ocuíraíma cacai, Juzíñamui afe izói gáíñede. ¡Aféfuíai jaca omo zúíñeíteza! —daide.

²³ Mei jira Jesús oni gírecaillano afémíena daide:

—Satanás uícaigaoza. Cúemona oni jai; cue llótáidotíozá. Juzíñamui comeci faca izói o comécina facáñedio. Jamai come comeci faca izói o comécina facádio, —daide.

²⁴ Afe jira Jesús ie llófuegamacina daide:

—Nínó dáamie cuedo jáiacania dama ie comeci jítáillana féítarede. Féítano cuedo jáirede. Afémie cuedo jailla ícoínia tíidena, afémie áfena izire ónide. ²⁵ Mei nínó dáamie ie cáananona rairuíacadímie áfena táinommo fáíftaíte. Mei jáífodo cue ícoínia ie cáananona táinommo fáíftimie afe fáífidena abido máíñoite, jaca nínomo zúíñoña ie íllena. ²⁶ Mei daa come nana bíníe ráaniai aillo nóamataadi, íemo afe llezica dama ie comeci afémie táinocaitaíadi, nana ie maíñoica ráaniai afémíena jíllotañeite. Mei daa come ie comécina ¿nieze íbárede? ²⁷ Mei uáfueza, Nanoide Hima Jitódicueza. Cue Moomo ite ebíredínuaíi naa ie abí ímáciri uire bítitue. Iemona illa dígamie íaiói finócaza fécaítitue. ²⁸ Uáfueña ómoina dáititue, benó cue diga ítínomona dáarie nai tííñeítíaióimo illáimana cue bíllana cíoitíaiói, —daide.

17

*Jesús abi jiáifo méidoficaide
(Mr 9.2-13; Lc 9.28-36)*

¹ Seis dígarui jailla mei, Jesús Pedro, Santiago, Juan diga uite. Dígamie dani eneno iere caifónedumo uite. ² Afénomo íaioi eróicana ie abi jiáifo méidoficaide. Ie uieco jitoma izói queníficaide. Daje llezica ie incuiro jamánomo úzereficaide. Luz egáñua izói úzere. ³ Afe llezica, Moisés, Elías, Jesús diga úrillana ciódiaioi. ⁴ Jira Pedro Jesuna daide:

—Cai Ocuíraima, nii cai benó caimare cai illa. O jitáidi daámani jofóchupi benó cai nilli; daa óochupi, jiáie Moisés ie, íemo jiáie Elías ichupi, —daí daide.

⁵ Daí Pedro úrioina llezica, iere quenírede mona ero uíllie, íaioi ferínocaide. Afe uílliemona da uai cácaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

⁶ Afe uaina cacáillano ie llófuegamaci éniemo fueco diné bíjicaidiaioi. Afémaci iere jacínaitiaioi. ⁷ Afe méifomo Jesús íaioina jetánota daide:

—Jacíruiño caifo omoi náidacai, —daide.

⁸ Afemona érocaidiaioimo, ja buna cióñena. Dama Jesús ciódiaioi.

⁹ Afe íduaimona fei íaioi billa llezica, Jesús afémaci ocuide:

—Bie omoi ciona rafue bummo lloñoeno iri. Nanoide Hima Jitódicueza, tíillamona nai meine abido cue cáañeille dinó lloñoeno omoi iri, —daide.

¹⁰ Iemona ie llófuegamaci Jesumo jicánotiaioi:

—¿Nibái mei ocuilla uai llófueraini Elías raire uícodo bírena, daíírediaioi? —jicánotiaioi.

¹¹ Jira Jesús uai ote:

—Uáfuena Elías fueñe bille. Billano naga ráaniaina ñue fínoite. ¹² Mei íadi: “Elías ja bite” ómoina daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide Hima Jitódicueza, afe izói cuena duere zefuítaitiaioi, —daide.

¹³ Iemona ie llófuegamaci, Jesús Juan Bautístado íaioimo úrite, comécido daidiaioi.

*Jesús fiénide jóriai uícaiga jitócomena jíllotate
(Mr 9.14-29; Lc 9.37-43)*

¹⁴ Idumona ana comini illánomo bitíaoimo, dámie Jesús anamo dújuzaibite. Dújuzaibillano daide:

¹⁵ —Cai Ocuíraima, mai cue jitomo dúceai. Fiénide jóriai íena naillítáfirede. Aferi afémie iere duere zefuide. Afémie diga ícaño iraimo baíífirede; jiáiruido illemo baíífirede. ¹⁶ Benomo o llófuegamacimo cue atica, mei íadi afémaci afémiena jíllotanidiaioi, —daide.

¹⁷ Jira Jesús uai ote:

—¡Aiii! ¡Níiena jamánomo ínofinidiomoi! Níefuena jámairuitiomoi. Omoi ñue cue rairuillena, ¿ñie dinó omoi cígimo íredicue? Afe jitócome cuemo ati, —daide.

¹⁸ Atia mei, Jesús afémiemo ite fiénide jóriai izire rairuide. Rairuillano jino orede. Afe daí daina llezica, afe jitócome jíllobicaide.

¹⁹ Afe mei Jesús llófuegamaci bai eneno Jesús diga úrite; jicánotiaioi:

—¿Mei nibái cai afe fiénide jóriai orénidicai? —daidiaioi.

²⁰ Jira Jesús íaioina daide:

—Omoi nai figo ñnoñediomoiza, afe fiénide jóríai nai jino orénidiomoiza. Uáfueña ómoína dáitícue, ua due omoi ñnoiadi iere juáredifueña finórediomoí. Omoi ñnogafue mostaza iji jamánomo dúena izoide íadi, áfede iere juáredifueña finoitíomoí. Bie áillue caifóneduna “Oni jai” o daííadi, afedu oni jiáinomo jáite. Uáfueña omoi ñnoiadi, jánaideza finónide raa ómoímo íñeite. ²¹ Mei íadi bie izoide fiénide jóríai dama cai güíllena güíñeno fímaírrillado íemo jiái Juzíñamuimo cai úrillado jino orérede.

Jesús nane ie tülle dáanomo jino llote

(Mr 9.30-32; Lc 9.43-45)

²² Galilea éniédo íaíoi macácailla llezica, Jesús ie llófuegamacimo ie tállifueña íaíoiimo llote; daíde:

—Nanoide fíma Jitódicueza, nairai duere finóllena uillícue. ²³ Afe mei cuena títaitíai. Mei íadi daruíamani íllamona meine abído cáadimíena íitícue, —daíde. Aféfuena cacáíllano iere zúucaídaíoi.

Juzíñamuimo gairíracomo dúide úcube Jesús íbade

²⁴ Jesús naa ie llófuegamaciri Capernaum jófuemo dúcidíai. Dúcina llezica, Juzíñamuimo gairíracomo dúide úcube jicáfiredino Pédro mo jicánuaidíai:

—¿Omoi llófueraima afe raiñoca úcubena íbaiñete? —jicánotíai.

²⁵ Jira Pedro:

—Jí, íbaite, —daíde. Afe mei Pedro jofo jailla llezica, Jesús fueñe Pédro na daíde:

—Simón, ¿ómona ñíe izóí cíoi? Bíníe ílláini ¿ñíe comínímo úcube jicáfiredíai? ¿Meita dani ie comínímo? ¿Mei jiáífo do jicánemacimo? ¿Ñíe comínímo? —daíde.

²⁶ Jira Pedro:

—Jicánemacimo, —daíde.

Iemo Jesús íena daíde:

—Íe jira dani ie comíní íbánidíai. Iemona afe aillí omo íaíoi jicaca raiñoca úcube íbánidícue, ¿ero ua? Jí, íbánidícue. ²⁷ Mei íadi bu cai íciñeíllena, áfena íbaitícue. Íe jira jóraimo jaíllano fácuai. Fueñe ríáíbite chamu o oírí. Otá íe fue eromo daa úcubetuni báitíoi. Afe úcubetuni cócomo jicaca úcube záítaiteza. Afétuni uano afémacimo o íbarí, —daíde.

18

¿Ñíe come iere jamánomoina?

(Mr 9.33-37; Lc 9.46-48)

¹ Aféruído íe llófuegamaci dáanomo gairíllano Jesumo jicánotíai:

—Monamo íte Juzíñamui ílláimana ílláruimo ¿ñíe come iere jamánomoina? —daídíai.

² Afemona Jesús daa jíiza uáíduano íaíoi cígiri naídánete. ³ Daíí ñiano daíde:

—Uáfueña ómoína daídícue, omoi íllafue jamai comécina mánaírede úrue ílla izóí méíoredíomoí. Afe izóí omoi íñenia jaca monamo íte Juzíñamui ílláimana íllánomo jofo jáíñeítíomoí. ⁴ Mei íadi bie úrue izoide dama íe abí jacíre maméñedímíe monamo íte Juzíñamui ílláimana ílláruimo jamánomoidímíe. Iemo daje izóí bie nífuenide úrue ílláfueña

dama ie illáfuena méidotimie, afémie jamánomoina. ⁵ Daa come cue mámeçido bie izoide dúeza llínoiadi afémie ja dáaruído cuena llínote.

*Fiénidifuemo come baiílla iere jacírede
(Mr 9.42-48; Lc 17.1-2)*

⁶ Níie come daa bie izoide cuemo ínote dúeza fiénidifuemo baiítaiadi, afémie jamánomo duere finórede. Monáillaji iere afóredinomo ie cimoimo áillue nofici cuinada dotalle baimo ñuera. ⁷ Jiáie comínina fiéni finótaoicaidino jñi dúerena! Oni nibéfodo fiénidifuemo baiítifuiái jaca ífrede; mei íadi afémie afémaci fiénidifuemo baiíta ícoinia afémie jñi dúerena!

⁸ Iemona, o finócafuedo oni nibéfodo fiénidifuemo o baiíadi, dama o onoi jáitaja izói, afefue fínuana fáicanocairi. Daje izói ninó o jáillado fiénidifuemo o baiíadi, dama o idai jáitaja izói, afénomo jáillana fáicanocairi. Mei júbene onoi diga daje izói júbene idai diga izói o illana zúñona illínomo o jáiadi iere ñuera, mei íadi nágafezi diga, comini duere finólliraimo o baiíadi iere figóñede. ⁹ Daje izói minícamo o eróillamona fiénidifuemo o baiíadi, dama o uíji cuerónota oni jica dota izói, áfeniaimo eróillana fáicanocairi. Mei júbene uina fiidimie zúñona illínomo o jáiadi jamánomo ñuera. Mei íadi mena uí diga comini duere finólliraimo o dotábiadi iere figóñede.

*Oveja oni féiraila izoide rafue
(Lc 15.3-7)*

¹⁰ Bie úruiaimona daaza jámairuíñeno omoi iri. Mei ómoína daidícueza, afémacimo uíñote Juzíñamui abi imaci, monamo ite cue Moo uíécomo jaca ífrediaioiza. ¹¹ Mei Nanoide fima Jitódicueza, oni nibéfodo féiraitino jíllotaibiticue.

¹² Omoimona ¿níie izói comeci facádiomoi? Daa cómemo cien diga ovéjaiai ia, íemo afémacimona daa oveja féiraiadi, afémie afe noventa y nueve diga ovéjaiai ie cirínoracomo fiénocaité, afe féiraite oveja jénuaillena. ¹³ Afe féiraite oveja bailla llezica, áferi afémie jamánomo íóbide. Ua nana jiáie noventa y nueve diga féiraiñede ovéjaiai baimo, afe baiga féiraitimieri jamánomo íóbide. ¹⁴ Afe izói monamo ite Moo Juzíñamui bie dúezaiaimona jaca daa féiraitaacañede.

*Cai ámatiaimona dámie omo fiéni íadi, afémiena caimare uáidorediomoi
(Lc 17.3)*

¹⁵ O ama omo fiéni úriadi, uái daí jaillano dama afémiemo úrizairi; afémie fiéni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio. ¹⁶ Mei íadi afémie áfena náfueñeniadi o uai nábitena mena come júriri. Afe mei afémiemo úrizairi, mei afémiemo nana nitácafuiai mena come nibai daámani come uai nabáifirenado záitarede. ¹⁷ Mei íadi afémie afémacimo cácareacañenia, Juzíñamuina ínote aillo daánomo gairídinomo lloiri. Iemo afémie afémacina nai náfueñenia mai afémie Juzíñamuimo íñoñedimiena omoi mameri. Daje izói gobierno raiñoca úcube íairede jicáfiredinona omoi jámairuia izói afémiena omoi jámairuigamiena mameri.

¹⁸ Uáfueña ómoína dáuiticue, biniemo nana omoi féitañega jiáimaci fiénidifuemo, daje izói monamo féitañega. Iemo jiáifodo biniemo omoi féitaga jiáimaci fiénidifuemo, afe izói monamo féitaga.

¹⁹ Nane dáanomo ómoína dáitícue, ómoimona ménamie bie éniemo dájena mameda Juzíñamui jicáadi, monamo ite cue Moo ómicoi jica izóí finoiteza. ²⁰ Mei mena come, nibai daámani come cue mámedido dáanomo gairíadi, afénomo afémaci cigímo itícue, —daide.

²¹ Iemo Pedro Jesumo jicánote:

—Cai Ocuíraima, cue ama cuemo fieni ítena ¿nígacaiño caimare íena uáidoredicue? ¿Meita siete dígacaiño caimare íena uáidoredicue? —daide.

²² Jira Jesús uai ote:

—Siete dígacaiño daiñedicue. Mei jiáifodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caimare uáidoiacañede táijitafiregamie izoide rafue

²³ Jesús nai úrioicaide; daide:

—Ie jira monamo ite Juzíñamui illáimana illirui bíniemo ite illaima finócafue izoide. Aféllaíma nana ie táijitafiregano íemo íbáacaga raana záitaiacade. ²⁴ Afe záitalle táinia mei daa táijitafiregamie illáimamo atídiái. Afémiemo jamánomo aillo íballe ite. ²⁵ Mei íadi afémie úcubenide. Ie jira ie ocuídímie daide: “Mai bímie, ie ai naa ie úruiai riire ocuífirellinona feca, cuemo dúide ie íbárega raa záitalleza,” —daide.

²⁶ Iemona afe táijitafiregamie ie ocuífiredímie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaitícue,” daide. ²⁷ Iemo afe ocuídímie afémiemo dúecaide. Dúecaillano afémie íbárega raa íbátañede. Afe llezica ja afémiena rairuíño macátate. ²⁸ Mei íadi afe táijitafiregamie oni jailla llezica, jiáie afémie izóí táijitafiregamie baizájide. Afe táijitafiregamiemo fueñeidímiemo íballena due ite. Ie jira ie cimoi líinota íena títaite izóí finode. Afe llezica daide: “Mai cuemo íbárega raa íba,” daide. ²⁹ Iemona ie llaitádimie anamo dújullano íemo izire jicade: “Cuemo raire járitaño. Fíaicana nana omo íbaitícue,” daide.

³⁰ Mei íadi afémie áfena náfueño llavéracomo íena llavétate, ie íbárega íbañelle dino. ³¹ Jiáie táijitagano áfena cíoillano, iere zúucaidiai. Iemona nana afe llezica íficaillafuena íai. ³² Iemona ocuídímie nanóidímiema jírítate. Jírillano íena daide: “Iere fieni táijitafiregamiedio. Mei izire cuemo jicádioza, nana cuemo o íbárega raana dinó fáicanocaidicue. ³³ Omo cue dúecailla izóí, daje izóí o nabaimo dúcairedio,” daide. ³⁴ Afe jira afe ocuídímie iere ríicaide. Ríicaillano ie nabaimo dúcaíñedímiema riire duere finótate, nana ie íbárega íbañelle dino.

³⁵ Bie izóí dáinado Jesús ie úrillana záitate. Daide:

—Illa dígamie comécido ñue ie ámana uáidoñenia monamo ite cue Moo afe izóí ómoína duere finoite, —daide.

19

*Iima ie ai dótajado Jesús lletade
(Mr 10.1-12)*

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Díga comini Jesudo jailla, íemo afénomo aillo íraredinuiana jílloate.

³ Afe mei fariséuaimona dámerie Jesús zanóllena facátaibitiaioi. Afémiemo jicánotiaioi:

—¿Meita daa come ie áina fia come comeci dánamona dotárede? Afe izoide ¿meita rairuírede? —daidiaioi.

⁴ Jira Jesús uai ote:

—¿Jaiái Juzíñamui Cuegáuaina facádoñediomoi? Afénicomu bie izói llote. Fueñe comini comuítatimie ringo iima diga finode. ⁵ Nane dáanomodaide: “Bie izóidemonadaámie ie moo ie ei diga fáicanocaite, afe ie ai diga dájena íaillinoi íllena. Iemona afe íaillinoi daade come izói íite.” ⁶ Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afébena aféngomo íllano, afémie aféngona dotárede, —daide.

⁸ Jira Jesús íaioina daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómona daíí mámeñega. ⁹ Cue ómoína dáitícue, daa come ai jiruíreñeniadi dotáadi, jíáie ringo óiadi afémie fiénide jiruífue finode. Daje izói oni dotácango otímie jiruífue finode, —daide.

¹⁰ Iemona ie llófuegamaci íena daidiaioi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baímo ñuera? —daidiaioi.

¹¹ Jira Jesús íaioina daide:

—Nana comini bífuena ónonidiaioi. Dama Juzíñamui onótallino bífuena ónoite. ¹² Híñiaimona dámerie áina ónidiaioi. Dáarie fiéni jocóinamona áina ónidiaioi. Jáímiaí comínimona finócari áina ónidiaioi. Iemo jíámiaí Juzíñamui illáimana uai llócaillena jaca áina oñédiaioi. Bie uai jeire óredimie jeire óiteza, —dinori Jesús úrite.

Jesús úruiaí ñue íllena finode

(Mr 10.13-16; Lc 18.15-17)

¹³ Afe mei úruiaí Jesumo atídiaioi, ie onoi afézaimo bítano afémie Juzíñamui afémacido úrillena. Mei íadi ie llófuegamaci úruiaí atídino rairuide. ¹⁴ Mei jíáifodo Jesús daide:

—Dama úruiaí cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiaí izóidiaioi, —daide.

¹⁵ Jesús afe úruiaimo onoi bítano íaioina ézicite. Eziciano oni jíáigobemo jaide.

Ráarede jítócome Jesús diga úrilla

(Mr 10.17-31; Lc 18.18-30)

¹⁶ Iemo jíáiruideo daa jítócome Jesumo úrizabite. Dúciillano íemo jicánote:

—Ñuera Llófueraíma, zíñona cue illino cue maiñóllena ¿nie ñúefue fínoitícue? —daide.

¹⁷ Jesús íena daide:

—¿Níbái mei cuena ñúemiedio daidio? Dama Juzíñamui ñuena. Abi diné jíáie ñúemiena íñede. Mei jíáifodo zíñona illínoma o jáiacania, Juzíñamui cai ocuilla uai jeire o oíri, —daide.

¹⁸ Jira afe jítócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreñeno iri. Meríriñeno iri. Jiáie cómemo taino lloñeno iri. ¹⁹ O moo o ei diga caimare jacírui. O abina o izíruilla izói, o jiáie cómena o izírui, —daide.

²⁰ Jira afe jitócome íena daide:

—Nana bífuiaina jízananomona jeire oticue. ¿Afe baimo nifue nai cuemo fiébilla? —daide.

²¹ Jira Jesús íena daide:

—Nífuenino comécina jaícina jóidimie o íacania, mai jaillano omo ite ráaniai o fecari. Fécano afe iba úcube dúredinodo fecari. Afemona monamo ite ziiñona ráifide raa óiena íiteza. Afe nana o fecalle mei, mai cuedo bi, —daide.

²² Mei íadi afe jitócome Jesús daí dáiñana cacáillano abido zuure jaide, mei afémie iere ráaredeza.

²³ Iemona Jesús íe llófuegamacina daide:

—Uáfuenta ómoina dáititue, iere aillo ráaredimie mei íadi íe ráaniaina cue baimo afémie izíruiadi, iere féirede Juzíñamui illáimana illíruiamo jáillena. ²⁴ Nane dánomo dáititue, caméllona mameide áillue rille eedo uífodo enéfemo jailla juánide, mei jíáfodo aillo ráaredimie Juzíñamui illáimana illíruiamo jaille iere juárede, mei íe ráaniai cue baimo afémie izíruieteza, —daide.

²⁵ Íe llófuegamaci áfena cacáillano iere fáigacaidiaíoi. Iemo dani jofu conímaíamo jícanotiaíoi:

—Íemona ¿níimie jíllorede? —daídiaíoi.

²⁶ Jesús íaíoiemo eróicana daide:

—Comínimona bie izóidifue finónide, mei íadi Juzíñamuiemona nana finórede.

²⁷ Iemona Pedro íena daide:

—Cai Ocuíraíma, caímo ite raana nana fiénocaillano odo ja jáidicai. Iemona mei ¿minica máíñoiticaí? —daide.

²⁸ Jesús íaíoiemona daide:

—Uáfuenta dáititue, uire jíáiruido naga ráfuiái cómofuiaina jáite. Aféruimo Nanoide íima Jitódicueza ebírede illaíma ráíiranomo ráititue. Afe llezica omoi cue diga jáicana jira, doce dígade illaíma ráíiranomo ráitíomoi. Afénamona doce dígade Israel náiraiái ñue jaícina jícanoitíomoi. ²⁹ Iemo cue ícoínia naga jofona fiénocaidimie, daje izói ámatiai naa íe móotiaíri fiénocaidimie, daje izói naa úruiaíri fiénocaidimie, íemo jíai íe illano zófenocaidimie, afémaci cien dígacaiño íbálliaíoi. Daje llezica afémaci ziiñona illíñona máíñoitiaíoi. ³⁰ Mei íadi birui aillo uícoficaidino aféruimo óodaficaite. Daje izói birui aillo óodaficaidino uícoficaitiaíoi.

20

Jiricoremo oreca tájiraini izoide rafue

¹ Monamo ite Juzíñamui illáimana illírui jíricore naama finoca izoide. Afémie jítiramo raíre íe tájiramaci jénuaide, íe jíricue óllena. ² Afémie íe tájiramaci íbállena afémacimo jaícina llote: “Daarui tájina íba díeze úcube illa dígamíemo íbaititue,” daide. Daí dainano íe jacáfaimo tájillena

orede. ³ Afe mei jitoma nuévemo ítemo oni gairíranomo jiáie táijitino jénuaide. Afe gairíranomo dáarie táijiñeno itino baite. ⁴ Iaiolina daide: “Mai batí cue jacáfaimo táijizairi. Nauife dibénemo ómoimo ñue íbaiticue,” daide. Iemo afémaci dinomo táijizaidiaioi. ⁵ Afe jacafai naama jitoma jaíciri ítemo meine nane jiáie táijitino jénuaide. Daje izói nane nauife dibénemo jénuaide. ⁶ Iemo nane ja nauízaidemo ocuúdimie gairíranomo jiáie táijitino jénuaide. Dinomo jiáie táijiñedino baizájide. Iaiolina daide: “¿Nibái mei omoi nágarui táijiñeno benó ífirediomo?” daide. ⁷ Jira afémaci íena daidíai: “Mei bu caina táijitañede,” daidíai. Iemona afémie íaiolina daide: “Omoi daje izói cue jacáfaimo táijizairi. Iemona ómoimo dúide dieze ñue íbaiticue,” daide. ⁸ Ja nauídemo, jacafai naama táijitagano úiñotimiena daide: “Mai táijidino dáanomo uáiduano iba. Iirainomo jáidino fueñe ibari, íemo nano fueñe jáidino méifodo ibari,” daide. ⁹ Iemona nauízaiacademo jáidino dúcidiaioi. Afémacimona illa dígamie ñue íai: táijina iba llínotiaioi. Daa denario daina úcube illa dígamie llínotiaioi. ¹⁰ Afe mei nano fueñe táijizaidino ducina llezica, “Jiáimaci baimo aillo úcubena llínoticai,” dai comécido facadíai. Mei íadi nana illa dígamie dájerize daarui táijina iba dieze úcube llínotiaioi. ¹¹ Ucube llínua llezica, ocuúdimiemo rícaidiaioi. ¹² Iena daidíai: “Bie írainomo dúcidino daa hora táijidiaioi. Mei íadi daa cai o íbaze íaiolina íbáido. Cai náamonaze uziredemo táijidicai,” daidíai. ¹³ Mei íadi afe ocuúdimie íaiolina daide: “Omoi cacai. Omoimo fieni iñédicue. Fueñe cai úrilla llezica ¿ómoimo dáaruina táijina iba dieze úcube íbaiticue daiñédicue? Ji, daidicue. ¿Afe llezica áfena jíeruiñediomo? Uáfueza, jíeruitiomo. ¹⁴ O táijina iba llínua, mai jai. Bie írainomo dúcidinona daa o cue íbaze íbáacadicue. ¹⁵ ¿Meita cue úcube cue dotáacana dieze dotánidicue? ¿Meita jiáimie cue dúcaillano aillo cue fécarí úradoidio?” dinori ocuúdimie úrite. ¹⁶ Afe izói fueñeidino ódaficaitiaioi, íemo jiái óodaidino uícoficaitiaioi. Mei uafue, jíirigano aillo ite, mei íadi nizécano dúemaci, —dinori Jesús daide.

*Jesús nane dáanomo ie tílle llote
(Mr 10.32-34; Lc 18.31-34)*

¹⁷ Jerusalén iodo Jesús jailla llezica, doce dígade ie llófuegamaci bai eneno uillano daide:

¹⁸ —Birui omoi ciona izói Jerusalem jáidicai. Daje izói Nanoide Hima Jitódicueza onódiomo. Afénomo lletáiraini illaima, naa ocuica uai llófueraini cue titállena mámeitiaioi. ¹⁹ Mámiano onínemacimo cuena fécaitiaioi, cue íai: jífánodoillena. Daje izói ráziaido cuena fáitiaioi. Afe mei cuena cruzmo córaitiaioi. Mei íadi daruiámami illemona meine abido cáadimiena jáiticue, —daide.

*Santiago Juan diga íaillinoi ei Jesús diné daa rafue jícanuabite
(Mr 10.35-45)*

²⁰ Afe mei Santiago Juan diga íaillinoi ei Jesuna daiízaibite. “Mai cuemo dúcairi,” daide. Bíailinoi moo Zebedeo. Afengo naa afe íaillinoiri Jesús anamo dújuzaitiaioi. ²¹ Jira afémie aféngona jícanote:

—¿Minica óiacadio? —daide.

Jira afengo daide:

—Ílláimana o illíruimo dúcille llezica, cue jitó íaillinoimona dáamie o nabézimo rainari, íemo jiáimie o jarífezimo rainari, —daide.

²² Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuilla izói zefuirediomicoi? Cue duere íaioi finolle izói ¿meita ocuirediomicoi? —daide.

Jira afe íaillinoi: —Jii, —daide.

²³ Iemona íaillinoina daide:

—Iere uáfueza. Duere cue zefuilla izói duere zéfuitiomicoi. Daje izói cue duere íaioi finua izói afe izói duere finólliomicoi. Mei íadi cue nabezi, cue jarifezimo ómicoi ráinaille cue daíñidicue. Dama cue Moo uícodo mamécamié ráirena, —daide.

²⁴ Jáie diez dígade ie llófuegamaci afe jicánuana cacáillano, afe íaillinoimo ríicaidiaioi. ²⁵ Iemona Jesús dáanomo nana íaioi uáiduano daide:

—Onódiomoiza náiraiai illaini íaioi úiñoganona ocuíoifrediaioi. Iemo íaioimona iere ocuídillaini afémacimo ite ríinodo iere jacire ocufirediaioi. ²⁶ Mei íadi omoi cigiri daií íñeite. Mei jáífodo ómoimona jamánomoidimiena íacadimie, omoi anamo tájidimie izói írede. ²⁷ Daje izói ómoimona uícofiacadimie omoi riire ocuícamié izói írede. ²⁸ Afe izói Nanoide Hima Jitó omoi cigimo ite. Mei jii, jáímaci cuena canóllena biñédicue, mei jáífodo nana comini cánuaibiticue. Uafue aillo comini íaioimo ite fiénidifuiái oni dóllena tízaibiticue, —dinori Jesús úrite.

Jesús mena uínidimie jíllotate

(Mr 10.46-52; Lc 18.35-43)

²⁹ Jesús naa ie llófuegamaciri Jericó jófueмона jino jailla llezica, diga comini afémiedo jáidiaioi. ³⁰ Jáidiaioimo afe io abimo mena uínidimie ráidiaillinoi. Ja Jesús afe íaillinoi abido jáizaillana cacádiaillinoi; cacáillano riire daidiaillinoi:

—Ocuíraima, jaiai illaíma Davidmona comuítagamié mai cócomo dúecai, —daidiaillinoi.

³¹ Jira comini íaillinoina rairuíaiaioi. Afe íaillinoina, “Uriñeno, llíicai,” daidiaioi. Mei íadi afe íaillinoi llíicaiñeno jamánomo caillíoidiaillinoi:

—Ocuíraima, jaiai illaíma Davidmona comuítagamié, mai cócomo dúecai, —daidiaillinoi.

³² Jira Jesús mózide. Mózillano afe íaillinoi jírillano jicánote:

—¿Ñie izói jitáidiomicoi afe izói ómicoi cue finóllena? —daide.

³³ Jira afe íaillinoi uai ote:

—Ocuíraima, cíacadicoco, —daidiaillinoi.

³⁴ Jira Jesús afe íaillinoimo dúecaillano, íaillinoi ui jetade. Jeta llezica ñue cíodiaillinoi. Afe mei Jesúoiri jáidiaillinoi.

21

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

¹ Ja Jerusalemo ánozidiaioimo, Betfagé duera jófueмо dúcidiaioi. Afe jofue Olivo daína idu áinori ite. Afénomona Jesús ie llófuegamacimona ménamié orede. ² Oriano íaillinoina daide:

—Baie ómicoi uícodo ite duera jófueмо ómicoi jai. Afénomо cuinaca búrrana cíoitomicoi, naa ie úrua diga. Afe zuitada cuemo atiri. ³ Afénomо comini jáífodo dáíadi, “Cai Ocuíraima jitáillano jicácaza; bie búrrana raire abido omo óreite,” daíri, —Jesús daide.

4 Bífuiái íficaide jaiái Juzíñamui uai llóraini cuega uai ñue ícoimo fuitállena. Afe uai daide:

5 Jerusalema mameide jofue comínina daiíri:

“Ero, o illaíma comécina mánaidimie izóí billa.

Burra emódomo ráicabite.

Afe méerede raa abífirede burra úrue emódodo bite,” —daide.

6 Afe mei ie llófuega íaillinoi jaillano Jesús íaillinoi ocuilla izóí finódiailinoi. 7 Afe burra naa ie úrue atídiailinoi. Atiano íaíoi inícuirona afe búrrana jobédaíoi. Afe mei Jesús afe emódomo ráinazaide. 8 Afe llezica aillo comini Jesús jáillao inícuirona jobédaíoi. Jáímaci rafóruai jáitajano íemo jobédaíoi. 9 Dáarie Jesús úicodo jáidiaíoi; jáímaci óodana jáidiaíoi. Nana daje izóí riire úritiaíoi:

—Jaiái illaíma Davidmona comútagamiemo ñúefue mai cai daiilli. Juzíñamui mámecido bitímie caimare íteza. Juzíñamuimo ebíredí fue cai mamelli, —daidiaíoi.

10 Jesús Jerusalemo jofo jailla llezica afe jofue comini díga rafue júfidotiaíoi. Díga comini afémie dibénedo jicánotiaíoi:

—¿Bie bu? —daiízitiaíoi.

11 Jira jáímaci daidiaíoi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraíma, —daidiaíoi.

Jesús Juzíñamuimo gairíraco ráfua izóí ñue finode

(Mr 11.15-19; Lc 19.45-48; Jn 2.13-22)

12 Afe mei Jesús Juzíñamuimo gairíracomo jofo jaillano, afeco eromo ite ráaniai fecádino naa íbárioidinori jino jiude. Afénomo ite úcube méidofiredino táijinabani Jesús oni cáicoide. Daje izóí fíicirillaí fecádino íaíoi ráíracuai Jesús oni cáicoide. 13 Afémacina daide:

—Juzíñamui Cuegáuai daide: “Cue jofo daa cuemo úrifireracona íte.” Mei íadi bicono merírifiredino jofo izóí finódiomoi, —daide.

14 Afe Juzíñamuimo gairíracomo Jesús illa llezica dáarie únidimíai, naa ídainidino Jesumo bitíaíoi. Afémie afémacina jíllotate. 15 Mei íadi lletáriraini illaini, naa ocuica uai llófuetinori Jesús uaido dánamona comúdena cíoilano ríicaidiaíoi. Daje izóí afe gairíraco eromo ite úruiaí Juzíñamuimo caimátailla uai cacáillano bimaci iere ríicaidiaíoi. Mei afe úruiaí daidiaíoi: “Jaiái illaíma Davidmona comútagamie iere ebíredeza,” daidiaíoiza. 16 Jira bimaci ríicailano Jesuna daidiaíoi:

—¿Baie úruiaí úrillana cacáñedio? —daidiaíoi.

Jira Jesús íaíoi uai ote:

—Cacádícue. ¿Bie rafue úrilla cúeina uaina facádoñediomoi? Afe jaiái David daína uai Juzíñamuina bie izóí daide:

Uruiaí ebire ñúefuena óiena jae rotátatio, —afe

daií Jesús íaíomimo llote.

17 Afe mei ie jicánotinona fáicanocaillano Jesús oni Jerusalémona Beta-nia jófueмо íniaide.

Jesús llizíñede higuera daína amena faidode

(Mr 11.12-14, 20-26)

18 Afe jítiramo Jesús meine Jerusalemo bítemo iere júfinaite. 19 Afe io abiri higuera daína aménana ciode. Jesús afénomo ánozide, afena llizilla

riéllena. Mei íadi llizíllajiaina iñédeza, daa ie íbiaina ciode. Mei jira Jesús afe higuérana daide:

—Jaca benómona llíziñeítio, —daide.

Daií daina llezica afe higuera dúide. ²⁰ Ie llófuegamaci áfena cíoilano fáigacaidiaíoi. Iemo Jesumo jicánotiaíoi:

—¿Nie izói ite bie higuera amena raíre dúilla? —daidíaíoi.

²¹ Jesús íaíoi uai ote:

—Uáfueña ómoína daidícue, ua o íinoiadi daa bie aménamo cue fínua izói finórediomoi, íemo jíái afe baímo aillo finórediomoi. Bie caifóneduna “Caífo áijicaillano oni monáillaimo báízai” o dáíadi, afe bie caifónedu o uai jeire uano, oni dínomo baízai. ²² Juzíñamuimo omoi úrilla llezica, ua o ínoia nana omoi jicácana ñue llínoitíomoi, —daide.

Illáicomini Jesús ocufírena ríino jicánotiaíoi

(Mr 11.27-33; Lc 20.1-8)

²³ Afe mei Jesús Juzíñamuimo gairácomo jofo jaide. Jaillano afénomo llófuemarite. Afe llezica lletáiraini illaini naa judíuai eicomíniri Jesumo jicánuaidiaíoi:

—¿Nie ríinodo o raana finófiredio? ¿Afe ríino bu mei omo fecaca? —daidíaíoi.

²⁴ Jira Jesús íaíoi uai ote:

—Cuemo omoi jicánua izói, ómoimo daafue jicánocícue. Cue jicánolle uai ñue omoi óiadi, bie raa cue fínua ríino ómoimo llóitícue. ²⁵ Mei Juan ¿bu comíni báutizallena ocuica? ¿Meita Juzíñamui ocuica? ¿Mei níbai comíni ocuica? —daide.

Mei íadi uai oñeno, áfena daní conímamo júfidotiaíoi; daidíaíoi:

—Juzíñamui ocuica caí daíadi, Jesús caina dáíite: “¿Níbaí mei afémiena íinoñediomoi?” ²⁶ Mei jíáfodo, comíni ocuica, caí daíadi, comínina jacíruitica; mei nana comíni “Juan Juzíñamui díbenedo úrifírede” daidíaíoiza.

²⁷ Iemona bie izói Jesuna daidíaíoi:

—O jicánoga jaca onóñedicaí, —daidíaíoi.

Jira Jesús íaíoina daide:

—Daje izói bie raa cue fínua ríino ómoimo llóñeítícue, —daide.

Mena jító íaillinoi illa izoide rafue

²⁸ Daií daina mei, Jesús íaíoina daide:

—Bíena ¿nie izói daidíomoi? Daa iima mena jítorede. Íaillinoi moo dámienna daide: “Cue jító, maí cue jíricore illánomo táijizairi,” daide. ²⁹ Afe jító uai ote: “Jáíacañedícue.” Mei íadi afe mei ie comeci jíáfodo fácano, afénomo táijizaide. ³⁰ Afe mei afe moo jíáie jítomo úrizaide. Daje izói íena daide. Iemo bie jíáito íena daide: “Jíi, táijizaitícue.” Mei íadi afémie táijizáñede. ³¹ Meita bie ménailinoimona ¿ñie jító ie moo jítánana fínua? —daide.

Jira íena daidíaíoi:

—Nanóidímie, —daidíaíoi.

Jira Jesús íaíoina daide:

—Uáfueña dáitícue, gobierno jicátáfírega úcube llínotino, naa íimamo jiruífírede ringónairi naa jíáie afe izoide fiénidino Juzíñamui illáimana illánomo raíre omoi uícodo jáítiaíoi. ³² Mei nauí Juan Bautista ñue omoi

íllena llófuiaibite, mei íadi áfena íñoñediomoi. Mei jiáifodo afe úcubelíinoraini naa jiruíredingotiairi ie dáinana ínotiaioi. Mei íadi omoi baimaci comeci ifue méiduana ciódiomoi íadi, afémiemo ínollena omoi comeci itífuiaina méidoñediomoi, —daide.

*Fiénide táijnamací izoide rafue
(Mr 12.1-12; Lc 20.9-19)*

³³ Mai bie jiáie ráfuemo omoi cácarei. Jacafai naama jírícojiaí éroide úvaiaí rillino finode. Fínuano afeno nágafene cirínote. Cirínuano afe úvaiaí zaizíllico finode. Afe llezica caifo jica tígicaco nite nana afe rigániaimo ñue rairuállena.

Afe mei afémie afécaie ie úíñotimacimo fecade, ie biñena dino. Afe dígamona íemo íbádiaioi. Daií fécano afémie jiáie éniemo jaide. ³⁴ Afe mei úvaiaí llizille llezica, ie ocuífregano orede, náamamo dúide díbene jicállena. ³⁵ Mei íadi afe táijidino jacafai naama orécano llaitádiaioi. Lláitano dáamiena rázido fatíaioi. Jiámiena titádiaioi, íemo jiámiena nófiema níjidiaioi. ³⁶ Ie mei jacafai naama nane jiáie ocuífregano orede. Nano fueñe ória baímo orede. Mei íadi aféno mo táijidino daje izói nane nana afémacina fiéni finódiaioi.

³⁷ Íirainomo afe jacafai naama ie jító orede. “Afémiena níbai caimare náfueitiaioi,” daide. ³⁸ Mei íadi naama jító bíllana cíoillano afe táijidino conímama daidíaioi: “Bímie bie énie úire máíñoitimie. Mai cai falli. Afe mei bie énie dani cáieiteza,” daidíaioi. ³⁹ Afe mei afe jító llaitádiaioi. Lláitano jacafai baímo uillano íena titádiaioi.

⁴⁰ Mei jira Jesús jicánote:

—Afe jacafai naama billa llezica, aféno mo táijidinona ¿nie izói níbaite? —daide.

⁴¹ Jira íena daidíaioi:

—Afémie afe táijitatinomo dúecaiñeno íaioina títaite. Afe mei jiáie ñue táijidinomo ie énie nano íanori fécaite, mei náamamo dúina díeze llizíllají raire afémiemo izájífireitiaioiza, —daidíaioi.

⁴² Jira Jesús daide:

—¿Cue díbéno do Juzíñamui Cuegáuaina jaca facádoñediomoi? Aféuai bie izói daide:

Jofó níraini jámairuillano oni fádoica jíaíllirai ja ñuera jíaíllirai izóidena jaide. (Bie daííacade comíni jámairuillano ruífruigamie ja ñuera jica jalleide illáimana jaide.)

Bie cai Moo Juzíñamui finoca.

Afefue iere caímo ebire cacaide.

⁴³ Mei íadi ómoína dáíticue, Juzíñamui illáimana ómoimona oni bairolle. Afe mei Juzíñamuimo dúide díbene ízaífredinomo ie illáimana fécaite. ⁴⁴ Iemo afe nofici dáinámie mo éicitaitimie níne tibérotaité. Iemo afe nofici jiámie mo baíadi jízefo izói afémiena fínoite, —daide.

⁴⁵ Lletáriraini illaini naa fariséuairi Jesús afe izoide ráfuiaí llúana cacáíllano daidíaioi, “Afémie íco caido úrite,” daidíaioi. ⁴⁶ Iemona afe Jesúsna llaitáacadiaioi, mei íadi comínina jacíruillano llaitáñediaioi. Mei nana comíni, “Jesús Juzíñamui díbéno do úrite,” daidíaioiza.

22

Airena llezica finoca ráfuemo mameca uai

¹ Jesús nane dáanomo úrizaide. Afémie jíáifuemo mameca uaido úrizaide. Íaíoina daide:

² —Monamo ite Juzíñamui illáimana illirui bie izoide. Illaíma ie jitó áirena llezica rafue fínua izoide. ³ Ie ocuífregano orede, nauí uícodo llogano járillena. Mei íadi afe uáidogano bíacañediaíoi. ⁴ Ie jira afémie jíáie ocuífregano dáanomo orede. Uáidoganona bie izói daiíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfuemo mai nana omoi biri.” ⁵ Mei íadi áfemo irázillena llogano náfueñediaíoi. Afémacimona dáamie ie jacáfaimo jáizaide. Jáíimie ie ráaie oni fécajide. ⁶ Jáíimaci illaíma oreca járízaidino llaitádiaíoi. Lláitano íaíoina duere finoda titádiaíoi. ⁷ Jira afe illaíma iere ríicaide. Ríicaillano ie úíñote fuíríaini orede, ie orécano fatino titállena; afe llezica afémaci jofue jobáillena. ⁸ Afe mei nane jíáie ie ocuífreganona daide: “Airenafue nana ñue finoca. Mei íadi fueñe uáidogano fieni itúaioiza bínidiaíoi. ⁹ Iemona jofue cígido macáraomo omoi jai. Afénomo nana o cíoillimacina irázizaíbiri o daiíri,” daide. ¹⁰ Iemona afe ocuífregano jino macáraomo jáidiaíoi. Jaillano nana íaíoi cíonamacina: “Íráizizaíbiri,” daidiaíoi. Fiénidino naa ñúemaciri nana dáanomo íaíoina gairítate. Afemona irázizillico ja comínina oruide.

¹¹ Afe mei afe illaíma ie járiganona onóillena jofu jaide. Íaíoi mo eroilla llezica daa áirena ráfuemo jíatáfregaroi jítaíoiñedimiena cíode. ¹² Jira íena daide: “O áirena ráfuemo jíatáfregaroina jítañeno ¿o nie izói jofu bitio?” daide. Mei íadi afémie uai ollíuai íñede. ¹³ Ie jira illaíma güirábanimo tájigidinona daide: “Bímie riire omoi maiíri; maiáno afémie jino jíitífono dotari. Afénomo afémie duere éheiteza, daje izói izírenari murímuriteza,” daií afe illaíma ocuide. ¹⁴ Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

*Gobierno ibátaga úcube rafue
(Mr 12.13-17; Lc 20.20-26)*

¹⁵ Iemona fariséuai Jesús úrilla uai féitaiacadiaíoi. Féitajano fiénidifue afémiemo jóoneacadiaíoi. Afe izói finóllena dáanomo maméritiaíoi. ¹⁶ Iemona afémacimo jaináidino, daje izói naa Heródesmo jaináidinori Jesuna daíllena orédiaíoi:

—Llófueraíma, onódicaiza ua rafue daiífiredio. Daje izói Juzíñamui diné cai jáillio uáfueña llófufiredio. Afe llezica comini daináuaimo náfuefinidio. Iemo jino cíoidifuiaina comínimo riire jicánoñedio. ¹⁷ Ie jira o comeci dainafue jino caimo lloiri: ¿Romano jamánomoidillaíma íbátaga úcube íbádicainia ñuera? ¿Níbai fiénide? —daidiaíoi.

¹⁸ Mei íadi Jesús afémaci facátamarillana onode. Jira íaíoina daide:

—Comeci íairena mei abina ñue cíoidinodiomoi. ¿Níbai mei cuena jíitaiacadiomoi? ¹⁹ Afe íbátafirega úcubetuni cuemo ácata, —daide.

Iemona daa denario daina úcubetuni atidiaíoi. ²⁰ Afena cíoillano Jesús íaíoi mo jícanote:

—Afétunimo ¿bu uíeco jana illa? Iemo afétunimo ¿nie come mámece cúeina? —daide.

²¹ Ie uai otíaíoi:

—Romano jamánomoidillaíma mámece illa, —daidiaíoi.

Jira Jesús íaíoina daide:

—Jamánomoidillaímamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

²² Afena afémaci cacáillano iere fáigacaidiaíoi. Iena zóofiano oni jáidiaíoi.

Tiide comini meine abido cáaillena jicánotiaíoi

(Mr 12.18-27; Lc 20.27-40)

²³ Aféruido saducéuaimona dáarie Jesumo úrizaidiaíoi. Saducéuai: “Tíidino meine abido cáaiñeite,” daiífirediaíoi. Afe daií Jesumo jicánuaíbitiaíoi:

²⁴ —Llófueraíma, Moisés caimo cuetá fiécabemo daide: “Daa come tíia, afémie ama ie fecíngona órede, afémie úruiaí ie tiide ama méifomo comuillena.” ²⁵ Mei nauí cai cígimo siete diga ámaredímiaína ite.

Nanóidímie áireillano nai úruenidemo tiide. Tíillano ie méifoide ama afe fecingo ote. ²⁶ Iemo daje izói afémieri íficaide. Afe mei nane jáímie daango ote. Afémiemo daje izói íficaide. Daií fiébiñeno nana fuitiaíoi.

²⁷ Afémaci nana tíilla méifomo afengo nane tiide. ²⁸ Iemona tíidino meine abido cáailiruimo, mei siete dígamie daango óteza, ¿afengo nie iima aina mámeite? —daidiaíoi.

²⁹ Jira Jesús íaíoi uai ote:

—Juzíñamui Cuegáuai naa afémiemo ite ríinori omoi onóñenamona fieni úritiomoí. ³⁰ Tíidino meine abido cáailano áinitiaíoi. Daje izói jáínomo íaíoi jíznaiáí iníreitañeitiaíoi. Mei jáífodo monamo ite Juzíñamui abi imaci ízoitiaíoi. ³¹ Mei íadi tíidino meine abido caana dibénedo ¿afe Juzíñamui ómoímo Cuegáuaina facadoñediomoí? Afémie bie izói daide: ³² “Dáaruído Abraham Juzíñamuidícue, naa Isaac, Jacob diga,” mei afémaci Juzíñamui illánomo cáadiaíoi za. Mei uáfueza, Juzíñamui tíidino íeñede mei jáífodo cáadino ie, —daide.

³³ Daií Jesús dáinana cacáillano comini ie llófuemarillari fáigacaidiaíoi.

Iere jamánomo ínorega caimo ocuina uai

(Mr 12.28-34)

³⁴ Fariséuai Jesús saducéuai llíicaitajana cacáillano, dáanomo gairídiaíoi.

³⁵ Afémacimona daa ocuica uai llófueraíma Jesús facátaiacade. Jira íemo jicánote:

³⁶ —Llófueraíma, nana ocuica uáillaímona ¿núuaina jamánomoina? —daide.

³⁷ Jira Jesús daide:

—“O Juzíñamui nana o comécido izíruiri, naa o joréñori, íemo o ifoci úrillado.” ³⁸ Aquíe uai nana ocuica uáillaímona jamánomoina. Afe uai raire uícodo ínorede. ³⁹ Afe méifoide uai daje izoide. Aféuai daide: “Dama o abina o izíruilla izói, afe izói o jáie cómena izíruiri.” ⁴⁰ Bie ménade ocuilla uai nana Moisés ocuilla uailaí jillaci. Daje izói Juzíñamui uai jino llóraíni llócaiga uai bíemona comuide, —daide.

¿Mei bu jitó Cristo?

(Mr 12.35-37; Lc 20.41-44)

⁴¹ Afe fariséuai nai dáanomo itíaióimo, ⁴² Jesús íaíoi mo jicánote:

—¿Cristomo nie izói comécido daidíomoi? Afémie nano ie comuítatímie ¿mei bu? —daide.

Jira íena daidiaíoi:

—Afémie Davidmona comuítagamie, —daidiaíoi.

43 Iemona Jesús íaioina daide:

—Mei ¿nie izóí David, Juzíñamui Ñuera Joreño llúado afémie jitona “Cue Ocuíraima” daírede? David daí daína uai cúeina:

44 Monamo ite cai Moo Juzíñamui cue Ocuíraimana daide:

“Bené cue nabézimo o ráiri, o éoigamací cue anáfenolle dino.”

45 Mei David afémiena “Cue Ocuíraima” dáiiadi, ¿nie izóí Cristo David-mona comuídimiena maméirede? —daide.

46 Daí daína uai buna ónide. Iemo aféruimona jíáie facátalle jícanua uai maméñediaioi.

23

*Jesús fariséuaimo naa ocuica uai llófuetinori íaioi fiénidífue llote
(Mr 12.38-40; Lc 11.37-54; 20.45-47)*

1 Afe jira Jesús nana comínina naa ie llófuegamaciri daide:

2 —Ocuica uai llófuefiredino naa fariséuairi Moisés ocuica uai jino llóllena mamécaiaioi. 3 Afemona afémaci llógana jeire omoi oíri. Daje izóí nana afémaci ómoina dánana náfuere. Mei íadi afémaci illa izóí iñeno iri. Mei comínimo íaioi úrilla izóí iñediaoiza. 4 Afémaci comínina iere riire ocuide. Afe íaioi ocuica uaina comíni finónide. Mei íadi dani afémaci afe ocuica uaina due jiza jetáacañediaioi. 5 Ñúemaci daíllena nana íaioi finócafuiái comíni eróicana taino finófirediaioi. Daje izóí ñúemaci daíllena Juzíñamui uai cúeina ozócimo jítajana gáidiaioi. Afe izóí afe uai jíaimaci ie ónoimo maítá úcaillena gáidiaioi. Iemo jíái íaioi jítafirega áreori fuemo ite ebire cíoiillena jíáimaci baimo finórifirediaioi. 6 Iemo ráfuemo íaioi güizájiadi afémaci ñuera ráiillinuai jenófirediaioi. Daje izóí Juzíñamui uai llorácomo íaioi jíaiadi illaini ráiiranuai jenódiaioi. 7 Afe izóí jino jofue cígimo ite macáraodo íaioi jáiadi, comíni caimare íaioi uáiduana gáidiaioi. Daje izóí “Cai Llófueraimadio” dánana gáidiaioi.

8 Mei íadi “Cai Llófueraimadio” daí daítañeno iri. Mei nana omoi ámatiaí; íemo jíái omoi Llófueraima jaca daade; afémie Cristo. 9 Afe izóí bie éniemo buna cue Móodio daíñeno iri. Mei omoi Moo dáadeza. Afémie monamo ite. 10 Daje izóí jíáimacina “O cai Illáimadio” daítañeno iri. Mei o Ocuídime dáadeza. Afémie Cristo. 11 Omoimona jamánomoidimiena jíáimana canófiredimie. 12 Mei uáfueza, jamánomo abí jacire mamédime jamámiena jáite. Mei jíáifodo abí íinoñeno jiba cómedicue daídime jamánomoidimiena jáite.

13 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nii omoi dúerena! Mei comíni jofo jáiñeillena, monamo ite Juzíñamui illáimana illano nazena íbáifirediomoí. Mei diga Juzíñamui ñue ocuícáfuiái llvano, aféfuaiaina abido náfueñediomoiza, dani o illafue ñue jáicína jóiñena jira. O lloga iodo uáfueña jáiñedioza. Afe llezica afénomo jofo omoi jáiacañediomoí. Daje izóí afénomo jofo jáiacadino rairuidiomoí.

14 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nii omoi dúerena! Fecíngotiai jofóniai bairófirediomoí. Afe llezica ñúemaci daíllena comíni eróicana Juzíñamuimo are úrifirediomoí. Ie jira omoi jíáimaci duere zefuille baimo duere finólliomoí.

15 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nii omoi dúerena! Nágagobiaido jáidiomoí daa come omoi íinoga uai dibénemo omoi itátallena. Itata mei, afe come omoi baimo

fiénidimiena orédiomoi. Iemona omoi afémieoiri, comini duere finolle iraimo ziiñona duere zefuillena mamécaomoi.

¹⁶ Uina cíoiñede io ifódino izóidiomoi, jñii omoi dúerena! Comínina bie izói daiífirediomoi: “Daa come iere uafue daiíllena, Juzíñamui ico mámecei llínoiadi afefue ráañede. Mei íadi afémie afécomo nitaca oro mámecei llínoiadi ie daina uai jeire órede,” daiídiomoi. ¹⁷ ¡Abina onóñede uínidino izóidiomoi! ¿Ñiie mei jamánomoina? ¿Meita afe jamai oro? Ieñedeza. Mei afe oro Juzíñamui ico jóniamona ñuera raana jáideza. ¹⁸ Nane jáífue daiífirediomoi: “Daa come iere uafue daiíllena, altar daina Juzíñamui íena rille fecárabani mámecei llínoiadi afefue ráañede. Mei íadi afémie afénomo fecaca raa mámecei llínoiadi ie daina uai jeire órede,” daiídiomoi. ¹⁹ ¡Abina onóñede uínidino izóidiomoi! ¿Ñiie mei jamánomoina? ¿Meita afe fecaca rille? Ieñede. Afe Juzíñamui fecárabani afénomo fecaca raana ñue finode. ²⁰ Mei jii, Juzíñamui íena rille fecárabani mámecei llínotimie daa afe ibani llínoñede, mei jáífodo nana afébanimo fecaca raana llínote. ²¹ Daje izói Juzíñamui gairíraco mámecei llínotimie daa afe gairíraco llínoñede, mei jáífodo afeco ite Juzíñamui mámecei llínote. ²² Nane daje izói iere uafue daiíllena mona mámecei llínotimie, Juzíñamui illáimana ráirano mámecei llínote. Daií llínua llezica Juzíñamui mámecei llínote, mei afe Juzíñamui afénomo ráiideza.

²³ Ocuica uai llófuetino naa fariséuairi, comécina nai íairena mei abina ñue cíoidiomoi, jñii omoi dúerena! Nana omoi ríganiamona jamánomo jéenide rábiaina Juzíñamui íena oni jónefirediomoi. Menta daina jéenide rábiai, naa anis daina dúebiai diga, íemo jái comino daina rábiai facádota oni eneno jónetiomoi. Mei íadi ocuica uáimona jamánomo jitáiredifuiaina náfueñediomoi. Afe jitáirediuaí be ñiie: come comecei jáicina jóoinana, íemo jáíimaci dúecaifirena, íemo Juzíñamui inofirena. Nai afe jáífuiiai omoi zóofeñena llezica, afe bífuiiai raíre fueñe jeire órediomoi. ²⁴ Táino omoi llúamona uina cíoiñedino io ifódino izóidiomoi. Ráañede uáillaimo iere izire nícidofirediomoi, mei íadi jamánomoide ñuera uaimo náfueñediomoi.

²⁵ Ocuica uai llófuetino naa fariséuairi comécina nai íairena mei abina ñue cíoidiomoi, jñii omoi dúerena! Mei jiróraco naa plato diga jinófene ñue jocódiomoi, mei íadi afe ero dinena íairede. Daje izói comini cíoicana abi ñue finódiomoi, mei íadi omoi comecei dine merírilla, naa jáie comini raa báiruamona ógana oruide. ²⁶ Uina cíoiñede fariseo ímie: Mai jiróraco naa plato diga ero jócuia izói omoi illafue ñue méidori. Iemona omoi comecei ñúefuiaina oruíbicaite. Afemona afe jiróraco jinófene íainina izói, afe izói omoi jinófene íainiteza.

²⁷ Ocuica uai llófuetino naa fariséuairi, comécina nai íairena mei abina ñue cíoidiomoi, jñii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero dine tíidino ícuruaina oruide, nana jáífoide íairedinuiiai diga. ²⁸ Omoi comecei dine afe izóidiomoi. Comini eróicana jinófenena ñue cíoidinodiomoi. Mei íadi comecei dine jáíimacina fieni jífuefirenana oruide, íemo jáie fiénide uáillaina oruide.

²⁹ Ocuica uai llófuetino naa fariséuairi, comécina nai íairena mei abina ñue cíoidiomoi, jñii omoi dúerena! Mei jaiiai Juzíñamui uai jino llóraini

raiafo ebire finófirediomoi. Daje izói jaiái ñue itino emódomo jónega noñibicína ebire finódiomoi. ³⁰ Daií finuano daiífirediomoi: “Cai jáiaigima illáruillaído itácinia, afe Juzíñamui uai jino llórainina fatátañedicaí,” daiífirediomoi. ³¹ Daií dáinado afe Juzíñamui uai jino llóraini fatino erófene igímadicaí daidíomoi, —daide. Jira Jesús afémaci diga icírillano bie izói daina:

³² —jOmoi jáiaigima taineca fiénidifue ñue ícoimo omoi fuitari! —daide.

³³ Jesús nai afémacimo úrite:

—jaióniai izóidiomoi! jOmoi nairai titade jaizai izoide! ¿Mei ñie izói duere finóbille iráimona jíllóitiomoi? ³⁴ Afe jira Juzíñamui uai llóraini, íemo iere baitáдино naa llófuefiredinori ómoimo óreiticue. Mei íadi afémacimona dámerie titaitiomoi. Daje izói jíaimacina córaitiomoi. Iemo jíaimacina Juzíñamui uai lloraco eromo rázido fáitiomoi. Iemo jíaimacina naga jófuiaido rácaitiomoi. ³⁵ Daií omoi íllamona nana jaiái ñuemaci titáfirena ícoiniadi ómoimo daií íficaite. Uáfueza, jaiái Abel fáinamona benomo Berequías jitó Zacarías omoi faja llezica, nana afémaci ícoinia duere zéfuitiomoi. Juzíñamuimo gairíraco íemo Juzíñamuimo rille fecárabani dáafenedo afe Zacaríana fatíomoi. ³⁶ Uáfueña ómoína dáititcue, nana bie fagano ícoinia birui itino duere zéfuitiaioi.

Jerusalén jófuerei Jesús eede

(Lc 13.34-35)

³⁷ Jerusalén comínimo dúecaidicue. Juzíñamui uai llórainina fáfirediaioi. Daje izói Juzíñamui orécanona nófierna níjidiaioi. Diga icaíño átava ie úruiai íáicona bícua izói íaioina ríidoiacadicue. Mei íadi íaioi cue ríiduana gáñediaioi. ³⁸ Cacaí, Juzíñamui ómoína zóofeiteza. ³⁹ Mei ómoína daidicue, meine abido cuena cíoñeitiomoi. “Juzíñamui mámecido bitímie ñue finóbilleza,” omoi daílle dino cuena cíoñeitiomoi, —dinó Jesús úrite.

24

Juzíñamuimo gairíraco júdaizille Jesús llote

(Mr 13.1-2; Lc 21.5-6)

¹ Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaiioi.

² Mei íadi Jesús íaioi uai ote:

—¿Bie nana cíodiomoi? Uáfueña ómoimo llóititcue. Bie niroca nófie daa fiébiño nana niné jújicaite. Afeno jofue nana niné táinocaite, —daide.

Enie fúiacana cai onuille rafue

(Mr 13.3-23; Lc 21.7-24; 17.22-24)

³ Iemona Olivo daina ídumo jáidiaioi. Afénomo Jesús ráinana mei ie llófuegamaci báinino íemo jícanotiaioi:

—O daina jofue niné táinocaillifue, ¿ñiruído daií zúite? Afena cai llone. O meine bíllena cai onótaita raa, ¿nie izói eroide? Daje izói énie fúillena ¿nie izói onótitaí? —daidíaiioi.

⁴ Jira Jesús íaioina daide:

—Comini omoi jífueiza abí rairuiri. ⁵ Mei diga comini cue mámecido billano “Cristodicue” dáititiaioi. Afémaci aillo comínina jífueitiaioi.

⁶ Aillo jobáirillana fidiitiomoi. Dáarie áinori cácaitiomoi, íemo jíáiena jica cácaitiomoi. Mei íadi áferi jacínaiño omoi iri, mei daií íficairedeza. Mei

íadi énie fuillíruíñede. ⁷ Mei jii daa nairai jíáie nairai diga fúirite. Iemo daa énie jíáie énie comini diga jobáiritiaioi. Afe llezica aillo náiraiáí júbietaitiaioi, íemo aillo dúicuai íite, íemo ñuizaingo diga ígobiaina ñúite. ⁸ Comini duere zefuilllemona nana bífuiaí como tainéinafue.

⁹ Afe llezica ómoína duere finóllena fécaitiaioi. Duere finoda ómoína títaitiaioi. Cue ícoinia nana comini ómoína éoitiaioi. ¹⁰ Aféruillaído aillo comini Juzíñamuimo iinuana féitaitiaioi. Dani conímana éoitiaioi. Daje izói conímana fállena fécaitiaioi. ¹¹ Afe llezica taino llotino iere íite. Afémaci: “Cai bie Juzíñamui dibénedo úriticai,” dáititiaioi. Afémaci aillo comínina jífuecana uite. ¹² Aféruimo diga fiénidífuiaí comuillamona, aillo comini conímana ízíruillana féitaitiaioi. ¹³ Mei íadi fuitállinomo ñue nífuenino íitimie jíllóite. ¹⁴ Iemo afe bie Juzíñamui illáimana illano ñuera rafue nágaboiáido llóititiaioi, nana náiraiáí áfena onóillena. Afe mei énie fuillíruimo dúciite.

¹⁵ Jaiáí Juzíñamui uai jino llóraíma Daniel, íirairuimo biite íaire finuaíbitimiedo úrite. Afe bíitimie diga ráaniaína tánocaitaite. Afe fienni finuaíbitimie Juzíñamui gairíraco eromo ite rairuírede ñúenomo jáillana o cíoadi, jica botáredíomoi. Bíuai facádotimie afe uaina ñue onoiri. Onóillano abí rairuiri. ¹⁶ Afemona Judea éniemo itino oni caifóneduaimo botárede. ¹⁷ Daje izói daa come ie jofó caifóebanimo íadi, ie jofó eromo ite raana jofó jaillano bairóñeno afénomona bótaiteza. ¹⁸ Daje izói jacáfaimo íitimie abido ie jofomo ite inícuiruaína uáibiñeite. ¹⁹ Aféruillaído namócingotiaína, jnií dúerena! Daje izói monoi jirode úrue lláidingotiaína, jnií dúerena! ²⁰ Nocíruillaído jino o bótañeillena, Juzíñamuimo jicari. Daje izói ocózinaillaruimo o bótañeillena o jicari. ²¹ Mei aféruimo iere aillo duere zefuillífuiaí íiteza. Énie comuillanomona bené afe izóidena íñede. Iemo jíái afe méifomo afe izói íñeite. ²² Mei jii, aféruillaí Juzíñamui due mozíñoñedenia buna jíllóñena. Mei íadi ie nízécanona izíruillano, aféruillaína afémie nano íanori mozíñoite.

²³ Iemona dáamie ómoína: “Be Cristo,” daííadi, daje izói: “Cristo batí ite,” daííadi afémiemo íñoñeno omoi iri. ²⁴ Mei Crístona abí mamede jífueridino bíiteza. Daje izói afémaci: “Cai bie Juzíñamui dibénedo úriticai,” dáititiaioi. Afémaci uaido dánamona áillue comúidena fínoitiaioi, naa fáigacaitade ráaniaíri. Afedo comínina jífueiacadiaioi. Dama Juzíñamui nízécanona jífuefillena facátaitiaioi, mei íadi jífuetañeitiaioi. ²⁵ Ja nana bífuiaí uícodo ómoímo llotícueza. ²⁶ Ie jira: “Ero bai batí táizicímo Cristo ite,” afémaci daííadi afénomo jáíñeno omoi iri. Daje izói: “Ero, bico eromo Cristo ite,” daííadi afémiemo íñoñeno omoi iri. ²⁷ Mei ameo fuiri llairilla llezica jica afáífene ícoímo cíocailla izói, afe izói cue billíruí jica cíocaizaíbite; Nanoide íima Jitódicueza. ²⁸ Iemo inóniaí gairízaíírenamona rille rifáillanona ñue omoi onona izói, afe izói abido cue cíocaillemona raíre ómoína duere finóllena uáfueña ónoitiomoi.

Nanoide íima Jitó Cristo billíruí nie izoite
(Mr 13.24-37; Lc 21.25-33; 17.26-30, 34-36)

²⁹ Afe duere zefuillíruí záailla méifomo, jítoma dúite. Daje izói fuíi égaíñoñeite, íemo jíái ucúduai monámona ana cócítiaioi. Afe llezica nana monamo itínuiaí riire mozíode ráaniaí níráírcaite. ³⁰ Afe mei Nanoide íima Jitó Cristo bille jana monamo cíocaite. Afena cíóillano nana énie

nairai éenaitiaioi. Nanoide Hima Jitó Cristo ana bíllana cíoitiaioi. Afémie mona ero uílliedo bite, naa íemo ite ríino naa ebíredino diga. ³¹ Afe mei ie abí imaci óreite, afémaci ríire bainada fúullemona nana Juzíñamui eneno nizécano nágafeniaimona dáanomo jírrillena. Iemona jica énie fuédaiamona, íemo énie enéfeniaimona bíitiaioi.

³² Higuera daina aménamo mamécafuena omoi onoiri. Ie onócairo como fueñe zícua llezica, ja fimona ánozide, daidíomoi. Daje izóí afe amena rábiai jino firuilla llezica, ja fimona ánozide daiífrediomoi. ³³ Afe izóí jitoma dúilla, íemo afémonado nana jíaie zuide raa omoi cíoiadi, íirairui ánozillana ónoitiomoi. “Ja dúciacade,” daiírediomoi. ³⁴ Uáfueña ómoímo lloticue, bigíma nai tíñeille llezica nana bie raa jino zúite. ³⁵ Mona énie diga fuite, mei íadi cue uailalai jaca fúíñeite. Cue lloga raa nana zúite.

³⁶ Mei íadi cue billirui ónoñega. Daje izóí cue bille hora buna onóñena. Juzíñamui abí imaci onóñediaioi. Daje izóí Juzíñamui Jitó áfena onóñede. Dama Moo Juzíñamui ónoiga.

³⁷ Noé íllágimamo comíni fienu illa izóí, afe izóí Nanoide Hima Jitó billíruimo comíni daií íitiaioi. ³⁸ Aféruillaído aillo noci nai bíññena uícodo, comíni Noé llogáuaimo náfueñeno daa güilla llotíaioi. Güillano jírófrediaioi. Afe llezica íaioi fienu illafue meídoñeno, áireoidiaioi, íemo íaioi jíznai ínírreitaoidiaioi. Jaca daií ítiaioi abina Noé áíllue nocáe eromo jaide. ³⁹ Íaioi duere zefuíllemo due jiza comécíñediaioímo áíllue noci íaioímo bíide; áferi coróbaizidiaioi. Nanoide Hima Jitó billirui afe izóí íite. ⁴⁰ Aféruimo mena íima jacáfaimo illa llezica, afe íaíllinoimona dáamie Juzíñamuimo ínotímie caífo monamo uille, ie mei jíámie fiébricaite. ⁴¹ Daje izóí mena ríngo trigo lláia llezica, daango caífo uíga, jíáíngo fiébricaite.

⁴² Caade izóí abí omoi onoiri, mei cai Ocuíraíma billirui ónoñegaza. ⁴³ Mei íadi bífueña onódiomoíza; jofo naama merírizaíbitímie bíllana onóadi, afémie ie jofo rairuíllano íníñeno cáate. Daií afémie merírizaíbitímie ie jofona tuiñotañeite ie raa meríllena. ⁴⁴ Ie jira jica ía abí ñue omoi finori. Mei due jiza comeci fácañeítíomoi, Nanoide Hima Jitó bíteza.

*Ínofírede ocuífíregamie naa ínofíndímie diga
(Lc 12.41-48)*

⁴⁵ Ínofírede ocuífíregamíemo omoi comécíiri. Afémie ñúefue baitádimie. Ie ocuídimie nana jofo ero comínina uíñotaite. Güille hóramo dúcia llezica afémie afémacina écaite. ⁴⁶ Naga ie naama ocuícana ñue finófredímie afémie billíruimo caímare íte, mei ie ocuica ñue fínuana cíozabíteza. ⁴⁷ Uáfueña ómoína daííticue. Afemona jofo naama nana íe jofo eromo íte ráanaína afémíena uíñotaite. ⁴⁸ Mei íadi ocuífíregamie fiénídimíena jáíadi, íemo afe llezica: “Cue ocuídimie are bíñeite,” comécido daííadi, afe ocuífíregamie jaca ínofínide. ⁴⁹ Daií daina mei afémie jíaie ócuífíregano duere fínoite. Afe llezica afémie jífáídino diga güízájite. ⁵⁰ Iemo íe ocuídimie billíruimo afémie comécíñeítíemo, íe naama dúciite. Daje izóí ocuífíregamie ónoñega hóramo dúciite. ⁵¹ Dúciíllano afémíena jamánomo duere fínoite. Afe mei comeci díneí naí íáirena mei abina ñue cíoidino íere duere zefuilla izóí, afe izóí afémíena duere zefuítáite. Afemona afémie íere éite. Eíano ízírenari murímurite, —dínoí Jesús úrite.

25

Diez dígade jitáingomo mamécafue

¹ Jesús nane jiáifue llote:

—Monamo ite Juzíñamui illáimana illirui diez dígade jitaingo izoide. Aféngotiai iníreille ráfue mo jáidiaioi. Jailla llezica íaioi mechéraiaí uítiaioi. Ringo otímie íaioi uáidollena afénomo jáidiaioi. ² Afénguaímona cinco dígango finóbiñeno ebena jaide. Iemo jiáie cinco dígango ñue finóbillano jáidiaioi. ³ Afe finóbiñeno ebena jáidingotiai íaioi mechéraiaí fuilla mei méidolle íjina uíñédiaioi. ⁴ Mei jiáifodo afe ñue finóbidingotiai íaioi méidolle íjina botéllado uítiaioi jiáí íaioi mechéraiaíri. ⁵ Mei afe ringo otímie are biñenamona, nana jitáingotiai ja iníacadiaioi. Iemona ua iníaidiaioi. ⁶ Afe mei dáaferui llezica riire uáidua uai cácacaide: “Ringo otímie ja bíteza. Raíre afémie omoí uáiduaíri,” daide. ⁷ Afemona nana afe jitáingotiai náidacaillano íaioi mechéraiaí unédiaioi. ⁸ Afe llezica afe cinco díga finóbiñeno ebena bitínguai, jiáie cinco díga ñue finóbidingotiaína daide: “Cai mechéraiaí ja bóoñedeza. Omoímo ite eneno atica íjimoná cai ine,” daidiaioi. ⁹ Mei íadi afe ñue finóbidingotiai finóbiñedingotiaína daide: “Omoímo fecánidicaí. Mei ómoímo fecádicaína caímo fiébiñede. Afe izoí ómoímo fiébiñede. Batí fecáiracomo daní jénuaidiomoína ñuera.” Jira aféngotiai jáidiaioi. ¹⁰ Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie díga áirena ráfue mo jofo jáidiaioi. Afe mei afémie naze íbaide. ¹¹ Íbailla mei aceite íbajidingotiai dúcidiaioi. Dúciillano daidiaioi: “Ocuíraíma, naze caímo tuiño,” daidiaioi. ¹² Mei íadi afémie jofona uai ote: “Uáfueña ómoína onóñedicue,” daide. ¹³ Iemo Jesús nai úrillano daide: Nanoide íma Jitó Cristo billirui ónonideza, iníñeno abí omoí rairuiri. Ie bille mona ónonideza. Daje izoí ie dúciille hora buna ónoñega, —daide.

Talenta daina ráifide úcubemo mamécafue

¹⁴ Jesús nane jiáifue llote:

—Monamo ite Juzíñamui illáimana illarui bie izoide. Daa ocuífiredimie oni jiáíogobemo jáiacana llezica, ie ócuífiregano uáidota íemo ite úcube afémacína uíñotade.

¹⁵ Ocuídímie afémacimona daa cómemo cinco mil úcubetuni fecade. Iemo jiáímiemo mena mil dígatuni fecade. Iemo nane jiáímiemo daa milna fecade. Afémacimona illa dígamie ie ífoci onona díeze fecade. Daíí fécajano oni jiáie éniemo jaide. ¹⁶ Cinco mil dígatuni igámie, afe úcubena afémie níciduamona, afe baímo cinco mil áfemo baí nabaide. ¹⁷ Daje izoí mena mil dígatuni igámie afe baímo jiáie mena mil áfemo baí nabaide. ¹⁸ Mei íadi daa milna igámie ie ocuídímie úcube oni énie ífomo retáidote.

¹⁹ Afe mei, are íllamona afe ocuídímie ocuífiregamiaí diné meine bite. Billano íaioi uíñoga úcube onóillena afémacímo jícanote. ²⁰ Cinco milna igámie fueñe billa. Billano afe baímo ie nabaíca jiáie cinco mil ie ocuídímie izáíbite. Izájillano daide: “Cue Ocuídímie, o cuemo íga cinco milna baímo jiáie cinco milna nabáidicueza. Be o diez mil dígatuni,” daide. ²¹ Jira ie ocuídímie íena daide: “Cue ocuícana íere ínofiredio. Cue ñuera ocuícamedio. Due omo cue fecácana ñue ínotio. Afemona afe baímo jiáiena ona uíñotaiticue. Cue illáimana illánomo maí

caimare coco jai,” daide. ²² Afe mei nane mena milna iga ocuífíregamie dúcide. Afémie daide: “Cue Ocuídímie, mena milna cue itio. Afe bai nane jiáie mena milna nabáidícue. Be o cuatro mil dígatuni,” daide. ²³ Jira ie ocuídímie íena daide: “Cue ocuícana iere ínofiredio. Cue ñuera ocuícamiedio. Due omo cue fecácana ñue ínotio. Afemona afe baimo jiáiena ona úíñotaitícue. Cue illáimana illánomo mai caimare coco jai,” daide. ²⁴ Mei íadi afe mei, daa mil dígatuni iga ocuífíregamie dúcillano ie ocuídímiena daide: “Cue Ocuídímie, o iere ríimienana onódicueza. O rííneganomona jaca ófiredio. Daje izói trigo tuiránomo táijiñeno afénomona trigo ófiredio. ²⁵ Ie jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be ñue,” daide. ²⁶ Iemona ocuídímie íena daide: “Fíénide ocuífíregamiedio. Daje izói ráiraierede ocuífíregamiedio. Cue ríirenana onódio ia, ¿níbái mei bie izói itio? Cue rííneganomona cue ófírenana onódio. Daje izói trigo tuiránomo táijiñeno, afénomona cue ófírenana onódio. ²⁷ Afemona cue úcube jóneranomona fecáredio. Iemo meine cue bíllemo afe úcubena naa jiáie baimo nabáicatuni díga llínoredícue,” daide. ²⁸ Iemona ocuídímie afénomona itínona daide: “Bímiemo ite mil dígatuni otá, afe diez mil dígatuni ofítatímiemo ine. ²⁹ Igámie nane baimo írega. Afemona afémiemo baimo aillo íte. Mei íadi íñegamiemo due íemo ite meine bairórega. ³⁰ Iemo bie ráííñede ocuífíregamie jino jíñifomo dota. Afénomona éehteiza. Afe llezica izírenari murímuriteza,” daide. Daí daide Jesús.

Nana náiraiáimo izire jicánollirui

³¹ Jesús nai úroide: Mei Nanoide íima Jitó Crístodícueza, illáimana ana cue bille llezica, nana cue abi imáiciai díga bíítícue. Billano ebire finoca illaíma ráíiranomona ráíizaíbitícue. ³² Nana nairai comíni cue uícomo gairítalliaíoi. Afe íaíoi bille llezica, ovejai úíñoraíma chívuaimona ovéjaíaina oni eneno nízia izói, afe izói Nahí Illáimana cue íllemona nana náiraiaina oni enénorie jóneitícue. ³³ Cue nabézimo ovejai izóidíno jóneitícue. Iemo chívuai izóidíno cue jarífezimo jóneitícue. ³⁴ Afe mei cue nabézimo itínona dáíítícue: “Cue Moo ñue finócamaci, mai omoi bi. Juzíñamui énie comúitaja llezica ómoiena mameca illáimana illánomo jofo jai. ³⁵ Mei cue jufíruilla llezica, cuena ecádio. Daje izói cue jiróacana llezica cuena jirótatio. Iemo jiái jífocínino cue mácaja llezica cuena jofo inítatíomoi. ³⁶ Iemo cue inícuironina llezica cue itíomoi. Daje izói cue dúicotaila llezica cuena uáídotíomoi. Daje izói llavéracomo cue illa llezica, cuena méíñuaíbitíomoi,” daide. ³⁷ Iemona cue nabézimo ite nífuenidíno cuena dáíítiaíoi: “Cai Ocuíraíma, ¿mei níruí o jufíruillana cíóillano ona ecádicai? Daje izói ¿mei níruído o jiróacana llezica ona jirótaticai? ³⁸ Iemo jiái, ¿mei níruído o jífocínino o mácaja llezica ona inítaticai? Iemo jiái ¿níruído o inícuironina llezica o itícaí? ³⁹ Iemo jiáie ¿níruído o dúicotaila llezica o méíñuaídicai? Daje izói llavéracomo o illa llezica ¿níruído o méíñuaídicai?” daííiaíoi. ⁴⁰ Jira Illaíma cue íllamona uai óítícue: “Uáfúena ona dáíítícue, nana afe bie comécina mánaide cue ámatiaímo omoi finócafuíai, aféfuíai ja cuemo finódiomoi,” dáíítícue.

⁴¹ Afe mei cue Illáimana cue ráíirano ie jarífezimo itínona dáíítícue: “Cúemona oni omoi jai. Omoi fíeni faidócanodíomoi. Comíni zííñona

duere finolle iraimo omoi jai. Afe irai Taife, nana ie abi imaci diga iena finoca. ⁴² Mei cue jufiruilla llezica cuena ecãñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofo inítañediomoi. Cue inícuiro iñena llezica cuena iñediomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. ⁴⁴ Jira afémaci cuena dáititaiói: “Cai Ocuíraima, mei niiruí o jufiruillana ciódicai, daje izói o jiróacana, íemo jífocinino o macácana, íemo o inícuiro iñenana, íemo o irárenana, íemo llavéracomo o íllana, ¿mei niirufido daíí o íllana ciódicai ía, ona canóñedicai?” dáititaiói. ⁴⁵ Iemona afe llezica íaioina dáititue: “Uáfueña ómoína dáititue, bie comécina mánaide cuemo jaináidinomona dáamiemo omoi finoñegafuina, aféfuina ja cuemo finoñediomoi,” dáititue. ⁴⁶ Afe mei afémaci ziiñona duere finolle iraimo jáitaiói. Iemo Juziñamui jóonega comécina níifuenidino, caimare ziiñona cáallinomo jáitaiói, —dinori Jesús úrite.

26

Jesús llaitállena maméritiaíoi

(Mr 14.1-2; Lc 22.1-2; Jn 11.45-53)

¹ Jesús nana bífuiai llua méifodo, ie llófuegamacina daide:

² —Onódiomoiza benómona ménarui íllamona pascua rafue íiteza. Aféruido Nanoide íima Jitó Cristodicueza cruzmo coráíllena cuena fécaítaiói, —daide.

³ Afe llezica lletáriraini íllaini, daje izói ocuica uai llófueraini, naa judíuai eicomíniri dáanomo gairírdiaíoi. Lletáriraini caifóidíllaíma Caifás ñúeco íbírimo gairírdiaíoi. ⁴ Afénomo Jesús jífuiano llaitállena maméritiaíoi. Afe llezica afémie titállena maméritiaíoi. ⁵ Mei íadi afémaci daídíaíoi:

—Nana comíni áferi fáíllifaíllinaíeíllena, rafue ana iena lláitañeíticai, —daídíaíoi.

Ringo zióredijina Jesús ífo jillaide

(Mr 14.3-9; Jn 12.1-8)

⁶ Jesús Betania jófueño íte. Afémie, chíinaitimíena maméidimíe Simón jofomo íte. ⁷ Afe llezica, afénomo daa ringo alabastro daina nofici finoína ícítirudo ziórediji uite. Afeji íere ráifide. Jesús güirábanimo ráina llezica, afengo afe ziórede cáirediji Jesús ífomo totade. ⁸ Ie llófuegamaci áfena cióíllano rícaidíaíoi. Dani conímana daídíaíoi:

—¿Ñibái mei áfeji táinomo fáífitaga? ⁹ Afeji aillo úcube óllena fecárede. Afedo oga úcube, dúeredinomo írede, —daídíaíoi.

¹⁰ Jesús daíí íaíoi úrillana cacáíllano íaioína daide:

—¿Ñibái mei bie ringo jífánodoídiomoi? Bie ringo cuemo finoca raa íere ñuera. ¹¹ Omoi cígimo dúeredino jaca ífírede, mei íadi omoi cígimo are íñeíticue. ¹² Bie ringo cue abimo totaca ziórede cáiredijina, cue raíllinomo dúide. Afedo afengo ñue cuena finode. ¹³ Uáfueña ómoína dáititue, náganomo bie éniemo bie jíllóille uai jino llóíadi, bie ringo cuemo finócana jino llóítaióiza, afémaci aféngomo úíbicaííreíllena, —daide.

Judas Jesuna íe éoidinomo fecade

(Mr 14.10-11; Lc 22.3-6)

¹⁴ Afe mei doce dígade llófuegamacimona Judas Iscariote lletáriraini illáimamo úrizaide. ¹⁵ Afémacina daide:

—Jesús omoimo cue fecálleza, ¿nieze cuemo íbaitiomoí? —daide.

Jira “cuatro fiui táijina iba dieze, omo íbaiticaí” daínano, treinta diga ráifide úcubetunillai afémiemo fecádiaioi. ¹⁶ Iemo áfemona afe Judas Jesús íaioimo ñue fecállino jenode.

Jesús páscuamo íraicaiño güillafue

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Afe rafue nanóidiruimo fáitañega pan güífirediaioi. Afe llezica Jesús llófuegamaci billano jicánotiaioi:

—¿Pascua rafue llezica güillena, uícodo ñinomo cai fínuaillé? —daidiaioi.

¹⁸ Afémie íaioina daide:

—Batí jófuego jaillano, cue daínámie jofomo jai. Afémiena daiíri: “Cai Llófueraima ona daide: Cúeiena mamécaruimo ja dúciizaideza. Pascua rafue güífrenana o jofomo cue llófuegamaciri güíticue,” —daide.

¹⁹ Iemona ie llófuegamaci ie ocuilla izói pascua ráfuego güillena fínuaidiaioi.

²⁰ Ja nauilla llezica, Jesús ie doce dígade llófuegamaciri afénomo güizájidiaioi. ²¹ Afénomo íaioi güilla llezica Jesús daide:

—Uáfueña dáitícueza, ómoimona dáamie cuena fécaite, —daide.

²² Iemona afémaci iere zúucaidiaioi. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? —daidiaioi.

²³ Jesús íaioi uai ote:

—Birui cue diga daje plátomona güitímie, ñí cue fécaitimie. ²⁴ Nanoide fima Jitó Crístodicue; jaijai Juzíñamui Cuegáuaimo lloga ideo jáitícue. Mei íadi cue fecádimie ñí dúerena! Afémie nanómona jaca jéiciñegania figura, —daide.

²⁵ Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jí, o. O cue fecalle.

²⁶ Ie güilla llezica, Jesús pan llínota, Juzíñamuina “Iere figura” daide. Daina mei díxada, ie llófuegamacimo fecade. Fécajano daide:

—Bie güi. Bie cue abiza, —daide.

²⁷ Afe mei jiróraco llínota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoí jirori. ²⁸ Mei bie cue díeza. Cue die, dájemo Juzíñamui llínoga comue uai uáfueña daítate. Aillo comini íaifue muiñóllena cue die totalle. ²⁹ Mei íadi dánomo bie uva íjina meine jiroñeitícue. Cue Moo illáimana illirui nai dúciñeille dino aféjina jiroñeitícue. Afe bille llezica cómojina omoí diga jíroitícue, —daide.

Pedro Jesús jáanollena Jesús uícodo llote

(Mr 14.26-31; Lc 22.31-34; Jn 13.36-38)

³⁰ Juzíñamuimo íaioi rua fuilla mei, jino Olivo daina ídumo jáidiaioi.

³¹ Afénomo Jesús íaioina daide:

—Bie ñaio cueri méaicaillano nana omoí cuena fieitiomoí. Mei jaijai Juzíñamui Cuegáuaimo omoí dibénedo bie izói daide: “Ovejai úíñoraima

cue fáitícue, íemona afe ovéjaiaí rainólliaioí,” daíde. ³² Jesús nai úrite: Meí íadí meine abído cue cáaille meí omoí uícodo Galiléamo jáitícue, —daíde.

³³ Jira Pedro uai ote:

—Nana comíni ona fáicanocaitiaioí ía, cue ona fáicanocaiñeítícue, —daíde.

³⁴ Jira Jesús afémiena daíde:

—Uáfueña ona dáitícueza. Bie naio átava nai úriñenia, daámáni dígcáiño cuena jáanoítioza, —daíde.

³⁵ Pedro íena daíde:

—O díga cue tíllena íere jítárede ía, ona jáanoñeítícue, —daíde.

Afe llezica nana llófuegamaci Pedro daína izóí daídíaioí.

Getsemanímo Jesús Juzíñamuimo úrite

(Mr 14.32-42; Lc 22.39-46)

³⁶ Afe meí Jesús naa íe llófuegamaciri Getsemaní mámeciredinomo dúcide. Afénomo íaioina daíde:

—Bai batí Juzíñamuimo cue úrizaiilla llezica benomo omoí ráíiri, —daíde.

³⁷ Daí daína meí Pedro, naa Zebedeo jító íaíllinoíri Jesús bai uite. Afe llezica Jesús íere zúucaide. Zúucailla llezica comécimo duere zefuilla izóí cácaide. ³⁸ Iemona íaioina daíde:

—Cue começi íere zúurede. Afe zuufue cuena titade izóí finode. Benó omoí fiébiri. Iníñeno cue omoí úíñori, —daíde.

³⁹ Daí daína meí afe baimo íanori jaide. Afénomo éniemo fueco dine bíjicaillano Juzíñamuimo úrite; daíde:

—Cue Moo, o finórenia bie duere finóllinomona cue jíllotari. Meí íadí cue começi jítaina izóí finóñeno iri. O começi jítaina izóí finori, —daíde.

⁴⁰ Afe meí daámáni íe llófuegamaci illánomo meine bite. Inídiaioina cíozaibite. Iemo Pédróna daíde:

—¿Nano íanori omoí cue díga iníñeno cáadino izóí inídiomoi?

⁴¹ Fiénidífueño omoí báíñelleza, iníñeno abí omoí rairuiri. Daje izóí Juzíñamuimo comécido omoí úriri. Uáfueña omoí joreño jíredeza, meí íadí omoí abí náinide, —daíde.

⁴² Afe meí nane Jesús Juzíñamuimo úrizaide. Bie izóí daíde:

—Cue Moo, bie duere cue íaioí facátallemona cue o jíllotareñenia o começi jítaina izóí fino, —daíde.

⁴³ Afe meí nane meine bite. Bítemo íe llófuegamaci inídena cíozaibite, meí íaioí uimo iníe íere íllaza. ⁴⁴ Iemona nane afémacina fiénocaiillano bai Juzíñamuimo úrizaide. Ja daámáni dígcáiño úrizaide. Íe meí nane daje uaido úrite. ⁴⁵ Afe meí nane íe llófuegamaci illánomo jaide. Afémacina daíde:

—¿Nai inídiomoi? ¿Nai ocózinaidiomoi? ¡Cacai! Nanoide fíma Jítódicueza, ja cuena fiénidinomo fecalle hóramo dúcidez. ⁴⁶ Omoí náidacai; jáiticaíza. Cue fécaítimie ja dúcidez, —daíde.

Jesús ja llaitada uitíaioí

(Mr 14.43-50; Lc 22.47-53; Jn 18.2-11)

⁴⁷ Daí Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comíni díga bite. Lloéfaillai naa bigíniari atídiaioí. Afémaci lletáriraini illaini orécaiaioí. Daje izóí judíuai éicomíni orécaiaioí. ⁴⁸ Fécaítimie Judas Jesús íaioí onóillena llaitalle uai uícodo íaioímo llote:

—Ñimie cacai ñitaiticueza; afémie llaitada omoi uiri, —daide.

⁴⁹ Afemona Jesumo ánozillano daide:

—Llófueraíma, caimare itio, —daide.

Afe emódomo Jesuna ñitade. ⁵⁰ Jira Jesús ie uai ote:

—Cue nabai, ¿minícamo bitio? —daide.

Daí daina mei, comini billano Jesús llaitádiaioi. Llaitada llavéllena uitáiaioi. ⁵¹ Afe llezica Jesús nabáñiaimona dáamie ie lloefai otá, lletáriraini illaíma ocuífirgamie jefo cotade. ⁵² Jira Jesús íena daide:

—Jadí o lloefai oni joone. Mei nana lloéfaido fuirídino, afe lloéfaido títiaioi. ⁵³ ¿Onóñedioza cue Móomona doce dígazie ríiduaibitina jicáredicue? Daí jicádicuena afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaioinia, ¿nie izói Juzíñamui Cuegáuai daina ñue ícoimo zúite? Aféuai bie íficaidífuiaí ie zuílle llote, —daide.

⁵⁵ Afe mei Jesús comínina daide:

—¿Ñibái mei merírifiredimie izói cue llaitaibitio? Mei lloéfaillairi íemo bigíniairi cuemo bitio moíza. Nágaruillaído Juzíñamuimo gairíracomo ráicana ómoína llófuefiredicue. Afénomo jaca cuena llaitáñedio moí.

⁵⁶ Mei íadi nana bie íficaide, jaiái Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

Jesús jamánomoidillaini úcomo uitáiaioi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Afe Jesús llaitada oni uitino Caifás úcomo uitáiaioi. Afémie lletáriraini caifóidillaíma. Afénomo ocuica uai llófuefiredino naa eicomíniri dánomo ofidiaioi. ⁵⁸ Mei íadi afe llezica Pedro Jesús uilla óodana caifóidillaíma jofo ibírimo jaide. Afénomo dúcillano jofo jaide. Jaillano afeco úñotino díga ráiide. Afémie dinomo ráiide Jesús llaitaja ñue ícoimo fúillana cíoillena.

⁵⁹ Lletáriraini naa eicomíniri, íemo nana jamánomoidillainiri Jesumo fieni jóonellí fue jenódiaioi. Uafue jóonellí fue íaioi báñenia “Tánofue nítaiticai,” daí diaioi, “áfedo afémie cai titátalleza.” Afe llezica aillo comini billano taino uailai afémiemo jóonetiaioi. ⁶⁰ Mei íadi afémiemo íaioi jóonellena baiñediaioi. Afe mei írainomo ménamie taino llófiredino íaillinoi dúcide. ⁶¹ Afe íaillinoi daide:

—Baie Jesús bie izói daífiredi: “Juzíñamuimo gairíracona júdairedicue. Afe mei daaruíamani íllamona meine caífo níredicue,” —daí diaillinoi.

⁶² Jira lletáriraini caifóidillaíma náidacaillano Jesuna daide:

—¿Ñibái mei uai oñedio? Bie omo íaioi jóonegafue ¿nie izoide? —daide.

⁶³ Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámedido o úritadícueza, uri. Uáfuena daíllena riire o ocuídícue. O, Juzíñamui Jitó Crístona o illa caímo lloiri, —daide.

⁶⁴ Jira Jesús daide:

—Jii, o daina izói ñimiedicue. Nane ómoína dáitícue, Nanoide íima Jitó Crístodícueza, ríinorede Juzíñamui nabézimo cue ráiillana cíoitio moí. Afe llezica mona uílliedo ana monámona cue bíllana cíoitio moí, —daí daide.

⁶⁵ Afena cacáillano lletáriraini caifóidillaíma jamánomo ríicaide. Daí ríicaillana ácatallena ie jítáoi garoi cuatade. Afe mei daide:

—Bie iima ie daina uáillaído Juziñamuina íaire úrite. ¿Nibái mei nai jíáie uai nábito jítáidicai? Omoi dani ie fiénide dáinana cacádomoi.
⁶⁶ ¿Minica afémiemo dúina? —daide.

Jira afémaci daidíaioi:

—Dama ie ícoinia tíirede, —daidíaioi.

⁶⁷ Afe mei ie uiécona tuádiaioi. Rázido íena fatíaioi. Jáimaci ie uiéco púcoidiaioi. ⁶⁸ Daí ñiano íena daidíaioi:

—Mei Crístodioza, ¿níimie o faja? Jino llone, —daidíaioi.

Pedro Jesús onode íadi jáanote

(Mr 14.66-72; Lc 22.56-62; Jn 18.15-18, 25-27)

⁶⁹ Afe llezica Pedro jinófeco ibírimo ráide. Afénomo ie illa llezica ocuífirgango afémiemo billano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini eróicana afémiena jáanote; daide:

—O dáinana onóñedicue. ¿Minica llotio? —daide.

⁷¹ Afe mei Pedro jofo nazemo jáidemo jáingo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredio, —daide.

⁷² Afengo daí daina llezica, Pedro nane íena jáanote. Ríirede uaido daide:

—Afe ímana jaca onóñedicue, —daide.

⁷³ Afe mei íanori íllamona afénomo itino Pédro mo áinozillano daidíaioi:

—Uáfueza, afémaci ímiedio, mei dama o úrillado onódicaiza, —daidíaioi.

⁷⁴ Afe jira Pedro uafue daíllena Juziñamui mámece líínota riire daide:

—Afe báimiena jaca onóñedicue, —daide.

Daí ie daina llezica ítava úrite. ⁷⁵ Afemona Pedro Jesús uícodo íena dáinamo úbicaide. Afe be níuai: “Atava nai úriñena llezica, daámami dígacaiño cuena jáanoitioza.” Afemo úbicaillano Pedro jino iere zuure écana jaide.

27

Pilátomo Jesús izájidiaioi

(Mr 15.1; Lc 23.1-2; Jn 18.28-32)

¹ Mona monáizailla llezica, nana lletáriraini illaini, naa judíuai eicomíniri, dáanomo gairíllano Jesús titállena nana daje izói maméritiaioi.

² Afe mei Jesús maíano, afe énie úíñote illaíma Poncio Pilátomo izájidiaioi.

Judas tíillafue

³ Judas, Jesús fecádimie, Jesuna íaioi coráiaillana cíoillano comece ifue méidote. Iemona treinta diga úcubetuni meine lletáriraini illáinimo izájide, ocuide eicomínimo diga. ⁴ Izájillano daide:

—Iere fiénidifue finódicue; nífuenidimie titállena fecádicueza, —daide.

Jira afémaci uai otíaioi:

—¿Afeue caimo mei nibái? Dama ófue, —daidíaioi.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daí afémie tíide.

⁶ Lletáriraini illaini, afe jutaca úcube iráiano daidíaioi:

—Juziñamuimo fia iga úcube jóoneracomo bie úcube jóonenidicai, mei come titaja úcubeza, —daidíaioi.

7 Afe mei afémaci afe úcubedo énie ibállena dájena comécíidíaiói. Iaiói ibaca énie mámecei Nógora Orano. Afébiri ibádiaíoi jicánemaci tíadi afénomo ráillena. 8 Afe jira nai biruimo afébiri Diébirina daífírena. 9 Daíí íaiói fínuamona jaiái uai llóraíma Jeremías lloga uai ñue ícoímo fuite. Be níuái: “Israel nairai cue íaiói fécaja úcube abido llínotíaiói. 10 Llínuano Nógora Orano ibádiaíoi. Daíí Juzíñamui cue ocuide.”

Jesús Pilato uícomo jónetíaiói

(Mr 15.2-5; Lc 23.3-5; Jn 18.33-38)

11 Afe mei énie úíñotílláíma uícomo Jesús uítíaiói. Afénomo afémie Jesumo jicánote:

—¿O meita judíuái illáíma? —daíde.

Jira Jesús daíde:

—O dáina izói nímmíedicue, —daíde.

12 Iemo lletáriraini illaini naa ocuide eicomíniri Jesumo fiénide uailái jónonia llezica, afémie jaca uai oñede. 13 Jira Pilato íena daíde:

—¿Aquíe omo íaiói jónegafuíai cacáñedio? —daíde.

14 Mei íadi Jesús jaca afe llezica uai oñede. Iemona uai ie oñénari énie úíñotílláíma fáigacaíde. Ie daíille uai onóñede.

Jesús titállena mameca

(Mr 15.6-20; Lc 23.13-25; Jn 18.38-19.16)

15 Aféruillaído afe rafue ana, llaveca fiénidinomona dáamie Pilato zuitáfírede. Afémie comíni uaido zuitácamié. 16 Mei afénomo íte mámeceina jica jalleide fiénide maigámie. Afémie mámecei Barrabás. 17 Illáicomíni dáanomó gairilla llezica Pilato afémacimo jicánote:

—Bíaiillínoimona ¿nímmíe ómoímo jino zúitaitícue? ¿Barrabás, mei níbai Cristo dáina Jesús? —daíde.

18 Mei Pilato, comíni úradoíllamona Cristo íaiói fécajana ñue onode.

19 Pilato, riire jicánofíredímie ráíiranomó ráíina llezica, Pilato aí uai orede. Afe be níuái: “Afe jadímie nífuenidímieza afémiemo jíricaiñeno íri. Mei ja naió afémiena cue nícaírilla llezica íere duere zefuídícue,” daíde.

20 Mei íadi lletáriraini illaini naa ocuide eicomíniri, nana jíáie comíni Pilátóna daíílluái riire llotíaiói. Barrabás zuitállena Pilátomó jicátatíaiói. Daje llezica Jesús titállena jicátatíaiói. 21 Afe énie úíñotílláíma nane dáanomó jicánote:

—Bíaiillínoimona ¿nímmíena cue zuitátatíomói? —daíde.

Jira: —Barrabás zúita, —daídíaiói.

22 Iemo Pilato íaióimo jicánote:

—Iemona bie Crístóna mámeceíredímie Jesús ¿nie izói níbaítícue? —daíde.

Jira nana uai otíaiói:

—¡Cruzmo coraí! —daídíaiói.

23 Iemona Pilato íaióina daíde:

—¿Níbaí mei? ¿Nie fiénidífue afémie finode? —daíde.

Mei íadi comíni dáanomó riire daídíaiói:

—Cruzmo coraí, —daídíaiói.

24 Pilato íe uaina íaiói íñoñenana cíode. Daje izói nana comíni aféfuíairi jamánomó cáilliana cacade. Ie jírarí “Onói cue jocólleza jainói atí” daíde. Jócua llezica daíde:

—Afe bie nífuenidímie tílle cuemo jííñede. Dani ómoífueza, —daíde.

25 Iemona nana comini uai otíai:oi:

—Afémie tulle caimo jíte, daje izói cai úruiaimo, —daidiaioi.

26 Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

27 Afe mei énie úiñotillaima fuiríraini áillue gairíracomo Jesús uitíai:oi. Afénomo nana jáie fuirírainiai afémie onífenedo gairídiaioi. 28 Afe mei ie iníroi dúíñuano, illaima jitáfirega jáicuiro afémiemo jitádiaioi. 29 Afe llezica ifo icuífoi eegi nínacuifoina afémiemo jitádiaioi. Iemo jái illaima llíifirega bigina éna llínotadiaioi. Daií ñiano afémie anamo dújudiaioi. Dújuillano jifánodoiano éna daidiaioi:

—Judíuai Illaima are íitioza, —daidiaioi.

30 Afe llezica afémaci ie túallaitiaioi. Afe dáanomo ie llíiga bigi báiruano, ie ifoci púcoidiaioi. 31 Daií ie íai:oi jifánodoia mei, afémiemo íai:oi jitaca jáicuiro dúíñuano, dama ie iníroina jitádiaioi. Afe mei afémie coráiaidiaioi.

Jesús cruzmo coráidiaioi

(Mr 15.21-32; Lc 23.26-43; Jn 19.17-27)

32 Jofue jinomo íai:oi coráiailla llezica, Cirene énie ímie baitíai:oi. Bailano Jesús uiga cruzna rocátatiaioi. 33 Daií Gólgata mámeciredinomo dúcidiaioi. Gólgata daina “come ifócorai illano.” 34 Afénomo eríredena jáicuica vínona Jesús jirótatiaioi. Mei íadi Jesús áfena due fácano, jirócañede.

35 Jesús ja íai:oi coraia méifodo, fuiríraini Jesús iníroi illa dígamie íai:oi máíñuana onoíllena, onótaraji dotádiaioi. Daií jaiai uai llóraini lloga uai ñue ícoimo fuite. Afe be níuai: “Onótaraji dotajano, cue iníroi conímaiaimo fecádiaioi.” 36 Afe mei afémiedo éroíllena afénomo ráiiediaioi. 37 Ie ifo acónimo cuegábici netádiaioi. Afébicimo nífue ícoinia duere finoca daina cúeina. Afébicimo cuega bie izói daide: “Bie Jesús, Judíuai illaima.”

38 Afe llezica afénomo mena merírifiredimie coráidiaioi. Dáamie Jesús nabézimo coráidiaioi. Jáímie ie jarífezimo coráidiaioi. 39 Afe llezica áfeodo jaide comini Jesuna íaire úritiaioi. Uaido iere riire éna táigoidiaioi. 40 Daií fiendi ie táigoiano éna daidiaioi:

—Juzíñamuimo gairíraco júdaiano daaruíamani ille mei meine níticue daífiredioza; mai, o abi jíllota. Daje izói Juzíñamui Jitona o íadi, jadie cruzmona ana bi, —daidiaioi.

41 Daje izói lletáriraini illaini, íemo ocuica uai llófuetino, íemo fariséuai naa ocuífiredede eicomíniri éna áifeduardo conímana daidiaioi:

42 —Diga jáímaciaina afémie jíllotafiredede, mei íadi dama ie abina jíllotanide. “Uafue Israel Illaima o ia, jadie crúzmona ana bii, áfemona omo cai ínnolleza,” éna daidiaioi. 43 Nai ie áifeduardo éna úritiaioi:

—Mei afémie Juzíñamuimo ínoteza, mai mei birui Juzíñamui ie jíllota, Juzíñamui ie jíllotaicania. Afémie caina “Juzíñamui Jitódicue” daide, —daidiaioi.

44 Daje izói ie diga coraica merírifiredede íaillinoi éna íaire úritiaillinoi.

Jesús tíilla

(Mr 15.33-41; Lc 23.44-49; Jn 19.28-30)

45 Afe llezica nániena jítireficaide. Jitoma jáiciri íllamona batí ana ítemo jítireficaide. 46 Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daiácana: “Cue Juzíñamui, ¿nibái mei cue zóofetio?”

⁴⁷ Afénomo itinomona dáarie áfena cacáillano daidíaiói:

—Bímie jaiai Juzíñamui uai llórama Elías jírre, —daidíaiói.

⁴⁸ Daií daina llezica afémacimona dáamie aizida esponja daina fíillicide raa uájide. Erírede vínomo riáitano Jesús jiróllena caifo rázido ñuitádiaíói.
⁴⁹ Mei íadi jíaimaci daidíaiói:

—Dama íteza. Jetáñeno, Elías ie jíllotaibiadi, cai cíoilleza, —daidíaiói.

⁵⁰ Afe mei Jesús dáanomo riire caillide. Daií cáillia méifodo ja tíide.
⁵¹ Ie tílla llezica Juzíñamui gairíaco eromo fetácaroi caifona ana eróicana atóroido oni cúajicaide. Afe llezica énie dokaide, íemo jíái jéerie noficiai bócoizite. ⁵² Iemo daje llezica, comíni raíáfuai túicoizite. Afe llezica aillo tíide Juzíñamui mo ínotinuiaíi meine abído cáadimacina jáidiaíói. ⁵³ Afe bimaci íaiói raíáfuaímona jino bitíaiói. Iemo Jesús abído caana mei, ñuera Jerusalén jófuego jáidiaíói. Afénomo aillo comíni bie como meine abído cáadimacina cíodiaíói.

⁵⁴ Iemona fuíríraini illaíma naa afémie diga Jesús úíñotinori, énie do-cailla, naa jíáie comuídfuíaína cíoillano, iere jacínaitiaíói. Jacínaillano daidíaiói:

—Uáfueza bie Juzíñamui Jitó, —daidíaiói.

⁵⁵ Afénomo diga ringóniaíi jicana eróiediaíói. Aféngotiaíi Galiléamona Jesudo jáidiaíói. Aféngotiaíi Jesuna canófirediaíói. ⁵⁶ Aféngotiaíi cígimo, Magdalena énie ingo María ite. Iemo jíáie María, Santiago José íaillinoí ei ite. Iemo jíái Zebedeo ai ite. Afengo mena jítorede.

Jesús raitíaiói

(Mr 15.42-47; Lc 23.50-56; Jn 19.38-42)

⁵⁷ Ja nauilla llezica Arimatea énie ímie José bite. Afémie ráaredímie, íemo jíái afémie Jesudo jáicaífirede. ⁵⁸ Afe jira Pilátomo Jesús abi jícajide. Iemona Pilato Josemo afémiena ite. ⁵⁹ Iemo José Jesús abi ana uano ñuera áilloroina junide. ⁶⁰ Juníllano dama ie comue raiafomo jóonete. Afe raiafo nofícimo finoca. Raia mei áillue nofícina naze íbáillano jaide. ⁶¹ Afénomo Magdalena énie ingo María naa jíáie María diga raiafo uícori ráidiaínguai.

Jesús raíáfo uíñoitinona jóonetiaíói

⁶² Afe jíáíruido, ocózinaíllaruimo jitaica raa fínua mei, lletáriraini illaini, naa fariséuairi Pilátomo úrizaidiaíói: ⁶³ —Ocuídímie, afe taino llórama Jesús dáinamo úbicaidicaí. Afémie caana llezica, “Daruíamani ille mei, tíllanomona meine abído cáaiticue,” daíífirede. ⁶⁴ Ie jira afe raiafo daruíamani fídi riire o finori, ie llófuegamaci ie abi naio mériaíbiñelleza. Mériano comínina “Ja Cristo tíide meine abído caade,” daítiaíói. Ie llófuegamaci daií finóadi, íaiói íirainomo lloga tánofue, fueñe lloga tánofuíaíi baimo fiénite, —daií daidíaiói.

⁶⁵ Jira Pilato daide:

—Batí omoi úíñote fuíríraini ite. Afémacido afe raiafo omoi onona izóí riire omoi finori, —daide.

⁶⁶ Iemona raíáfomo jaillano, afénona riire finódiaíói. Afe mei afe raiafo emodo íbailla nofícimo túíñoñeíllena jana finódiaíói. Afe mei jóoneoide fuíríraini afénomo fíiano oni jáidiaíói.

28

Jesús tñillanomona meine abido cáadimiena jaide
(Mr 16.1-8; Lc 24.1-12; Jn 20.1-10)

¹ Ocózinaillarui jáiruido, semana fueñediruimo mona monáiacana llezica, Magdalena énie ingo María, jáie María diga raiáfo méiñuaidiainguai. ² Afe llezica énie riire docáiricaide. Juzíñamui abí ímie ángel dainámie monámona ana billa énie níraídua. Afémie Jesús raiáfomo dúcillano afe ibailla nofici oni tuiñode. Tuiñuano afébicimo ráiide. ³ Afémie abí mona borilla izói quenire cioide. Iemo afémie iniroi jaiilici izói iere úzere. ⁴ Afémiena cíollano, jónete fuiríraini iere jacínaitiaíoi. Cuidíridiaíoi. Afe llezica tñidino izói jáidiaíoi. ⁵ Afe mei Juzíñamui abí ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitiomoi. ⁶ Afémie ja benó iñede. Omoína ie daina izói, ja meine abido caade. Ie íaíoi raiano eróizaíbi. ⁷ Afe mei ie llófuegamacimo omoi llujáiri. Bie izói lloiri: “Ja afémie tñide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíoitomoi.” Be ómoimo cue llóiacagafue, —daíí daide.

⁸ Iemona ringóniai afe raiáfomona raire abido jáidiaíoi. Aféngotiai iere ióbicaidiaíoi íadi, nai jacíruioidimaci.

⁹ Iodo íaíoi jailla llezica Jesús íaíoiimo cíocaide. Cíocaillano íaíoiina uáidote. Aféngotiai íemo ánozillano íemo cáimadotiaíoi. Ie idai meníñotiaíoi. ¹⁰ Jira íaíoiina daide:

—Omoi jacíruiñeno. Cue ámatiaimo llujáiri, Galiléamo raire íaíoi jáilleza. Dinomo cuena cíoitiaíoi, —daide.

Raiáfona úiñotaga fuiríraini llogafue

¹¹ Ringóniai jailla llezica, raiáfo jónete fuirírainimona dáarie jófuemo jáidiaíoi. Afénomo dúcillano lletáiraini illáinimo nana íaíoi cíonana llotiaíoi. ¹² Aféllaini ocuide eicomínimo ñue íaíoi onóillena llujáidiaíoi. Ie jira aillo úcubena afe fuirírainimo itíaíoi. ¹³ Illano íaíoiina daide:

—Bie izói omoi daíiri: “Naio cai ínia llezica ie llófuegamaci mériano ie abina uitíaíoi.” ¹⁴ Iemo énie úiñotillaíma aféfuena fidíadi, omoi ñue íllena dani cai afémiemo úrizaiticai. Afemona afémie ómoína duere íñoñeite, —daíí daidiaíoi.

¹⁵ Iemona afe fuiríraini úcube llíñotiaíoi. Llíñota íaíoiina daina izói finuaidiaíoi. Iemona judíuai nai biruimo Jesús meine abido cáanana uáitadiaíoi; uáitano bie izói daíírediaíoi.

Jesús ie orécamacimo jóonega uai
(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaíoi. Uícodo Jesús íaíoiimo lloga ídumo jáidiaíoi. ¹⁷ Afénomo Jesuna íaíoi cíollano, afémiemo cáimadotiaíoi. Mei íadi dáamierie nai figo íñoñede. ¹⁸ Jira Jesús afémacimo ánozillano daide:

—Nana monamo ite ocuilla ríino, naa éniemo ite ríino diga ja cuemo fecaca. ¹⁹ Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaíoiina báutzari. ²⁰ Nana omoi

cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi diga ífíreíticueza. Jaca omoi diga ítícuemo énie fuillíruimo dúciite. Daítadeza; ja nñe.

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

Juan Bautista táizicimo llúaibite

(Mt 3.1-12; Lc 3.1-9, 15-17; Jn 1.19-28)

¹ Juzíñamui Jitó Jesucristo lloga ñuefue bie izói tainede.

² Jaiai uícodo Juzíñamui uai jino llóraima Isaías cuete:

Mai cacai, o uíécodo cue rafue llotímie orédicue, o jáille io ñue ifóllena.

³ Táizicimo caillidimie uai ñue cacaide; daide:

Mai omoi Ocuíraima jaille io ñue finori; ie macalle io jaícina tuiñori, — daide.

⁴ Afe izói báutizaraima Juan táizicimo cíocaizaibite. Dinomo comini jitáirede báutizaillena afémie ñue llúaibite. Iaioina daide:

—Omoi comeci ifue ñuefueña méidorediomoí. Ie mei báutizarediomoí. Iemona Juzíñamui omoi comeci fiénidifuiái dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaíoi comécimo ite fiénidifuiái uáfodo jino llotíaíoi. Daíí íaíoi llua méifomo imani Jordámo Juan báutizagaíoi.

⁶ Juan jitaca iniroi camello itíraíai finoina. Ie ciraigi llaitáinafe igorai finoina. Fíuaí rite; jazici ie cáiji jirófiredo. ⁷ Comínimo llócaillano daide:

—Fui cue méifodo bíitímie, iere cue baímo riire ocuífireitimie. Iemona ie ídaí ico igai zuitánidicue, mei jofófene jamáimiedicueza. ⁸ Jae jáinoído ómoína báutizadicue, ñuera iodo omoi jáiacana jino llóllena; mei íadí afe bíitímie Ñuera Joréñodo ómoína uícaítaite, ñuera iodo éicitaiñeno ñue omoi jáillena, —daíí daide Juan.

Jesús báutizainafue

(Mt 3.13-17; Lc 3.21-22)

⁹ Aféruillaido Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade.

¹⁰ Jáinoimona jino billa llezica Jesús mona túijicaillana ciode. Daje llezica Ñuera Joreño fíiciri izói Jesumo ana bíllana Jesús ciode. ¹¹ Afe llezica monámona uai cácaíde; daide:

—O iere cue izíruiga Jitódio. Ori iere caímare iticue, —daide.

Taífe Jesús facátate

(Mt 4.1-11; Lc 4.1-13)

¹² Afe méifodo raíre Ñuera Joreño Jesuna táizicimo orede. ¹³ Dinomo tóíñega rílleniaí cígimo Jesús cuarenta dígarui ite. Afénomo Satanás (Taífe jáíífoodo mámeciredimie) Jesús facátate. Aféruillaido Juzíñamui abi imaci ángeles daínámaci Jesús cánuaíbitiaíoi.

Jesús Galiléamo llófuíafue táiniaide

(Mt 4.12-17; Lc 4.14-15)

¹⁴ Ie mei illaima Herodes Báutizaraima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide. ¹⁵ Jesús bie izói daide:

—Ja aféruimo dúcide. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoi ínuano, omoi comeci ífuiái méidori afémacimo dájena omoi jaináíllena, —daide.

Jesús cuatro dígamie facóramaci uáidote
(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama Andrés diga. Facóraima íaillinoi. Llóiji jóraimo dotáfirediaillinoi. ¹⁷ Jesús íaillinoína daide:

—Mai cuedo ómicoi bi. Chámuniaí ómicoi jenófirena izóí, afe izóí comini jenórainina ómicoína jóneiticue, —daide. ¹⁸ Raire íemona íaillinoi llóiji fíianona, afémiedo jáidiaillinoi. ¹⁹ Ie mei Jesús bai jabo jaillano Zebedeo jító, Santiágoni ciode, ie ama Juan diga. Iaiói llóiji cúaidino, nocáe ero ráiicana niródiaillinoi. ²⁰ Jesús íaillinoi jíríte. Iaillinoi moo Zebedeo nocaemo fiénocaillano ie canóramaci diga, Jesudo jáidiaillinoi.

Capernaumo fiénide jóriaredimie Jesús jíllotaga
(Lc 4.31-37)

²¹ Ja Capernaumo dúcidiaíoi. Ie mei ocózinai llaruimo Jesús Juzíñamui uai llófueracomo jofo llófuiáide. ²² Afémie llogáfueri fáigacaidiaíoi. Ua níbai ríimie izóí ñue llófullofuede. Ocuícafue llófueraini afe daí llófueñediaíoi. ²³ Afe llezica Juzíñamui uai llófueracomo fiénidena jóriaredimie ite. ²⁴ Afémie ja Jesumo caillide; daide:

—Nazaret ímie, Jesús, ¿nífue cócomo illa? ¿Cai fatátabitio? Ona onódicue. Juzíñamui íaifuenidimiedio; afémie rafue ñue lluaíbitimiedio, —daide.

²⁵ Iemo Jesús fiénide jóriaimo riire úrite; daide:

—¡Llícaí! Bímie fáicanocaillano oni jai, —daide.

²⁶ Iemo fiénide jóriai afémiena izire docáitate. Ie mei jamánomo caillídemo afémiemona oni jaide. ²⁷ Ie jira nana nairai jacínaitiaíoi. Jira conímamo jicánotiaíoi:

—¿Bie minica? ¿Minica bie como llófueinafue? Bie Jesumo riire ocuíllafue ite, fiénide jóriai oréllena. Afe fiénide jóriai afémiena ínofirediaíoi, —daidíaíoi.

²⁸ Ie jira Jesús mámece nana Galilea énie fuédado raire jica jalleide.

Jesús Simón Pedro jifaiño jíllotate
(Mt 8.14-15; Lc 4.38-39)

²⁹ Juzíñamui uai llófueracomona jino billano, Jesús, Simón ie ama Andrés íaillinoi icomo jaide, Santiago, Juan diga. ³⁰ Dinomo Simón jifaiño abi cuaríllamona iníranomo bíide. Afengo irárenana Jesumo llotíaíoi. ³¹ Iemona aféngomo áinozillano, Jesús afengo onoi llánota, íena caifo naidánete. Afe llezica afengo abi cuarilla aféngomona llícaide. Daje llezica jarire íaíoi jitailla güille afengo bai íaíoimo atide.

Jesús aillo iráredino jíllotate
(Mt 8.16-17; Lc 4.40-41)

³² Aféruído, jítoma ana zójicaidemo, ja nauíoicailla llezica, nana afénomo ite iráredino, fiénidena jóriaredino diga, Jesumo atidiaíoi. ³³ Nana dino jofue nairai afeco naze fue ibírímo gairízitiaíoi. ³⁴ Jesús aillo íaíoimo ite diga ie duico jíllotate. Afe llezica aillo fiénide jóriai Jesús jino comínimona

orede, mei íadi Jesús afe jóríai úriñeillena íaioimona rairuide, mei afémiena onódiaioiza.

Jesús Galiléamo llujáide

(Lc 4.42-44)

³⁵ Ja monáioicaidemo, nai jítireoidemo, Jesús cazíllano jino jófuemona oni tii daidínomo jaide, dinomo Juzíñamuimo úrillena. ³⁶ Afe mei Simón ie nabáiñiairi Jesús jénuaidiaioi. ³⁷ Baillánona iena daidíaioi:

—Nana o jenódiaioi, —daidíaioi.

³⁸ Iemo Jesús íaioina daide:

—Ainori itícuaímo mai cai jai, dinomo daje izói ñúefue cai llujáillena; mei afe jira jino bitícueza, —daide.

³⁹ Daí Jesús nana Galiléado macade. Naga illánuaímo Juzíñamui uai llófueriracomo llócaide. Afe llezica comínimona fiénide jóríai jino orede.

Chínaite izóidimie Jesús jllotate

(Mt 8.1-4; Lc 5.12-16)

⁴⁰ Jesumo chínaite izóidimie áinozide. Ana dújuano daide:

—Cue o jllotaiacaniadi cuena jllotaredio, —daide.

⁴¹ Ie jira Jesús afémie dúecaide. Jira ónoído jétano daide:

—Jii, ona jllotaiacadícue. Mai o abi jácaiteza, —daide.

⁴² Daí dáinamona afe duico iráredimiemona cíobicaíñena. Jae ñúemie.

⁴³ Iemo Jesús afémie orede. Daje llezica riire ocuállano daide:

⁴⁴ —¡Cacai! Bumo lloñeno iri. Dama lletáriraima sacerdote daínámiemo jaillano, o abi ácatari. Dáaruído Moisés jaiai ocuica abi duaíue ráana, mai afémie izájiri. Iemona comíni o abi jllotana fídiitiaioi, —daide.

⁴⁵ Mei íadi afémie jaillano nana comínimo afe ie jllonafue llujáide. Iemo aillo comíni Jesumo izire gairíoidiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobaiimona bizájidiaioi afémiena cíoillena.

2

Jesús tízitaitimie jllotate

(Mt 9.1-8; Lc 5.17-26)

¹ Ie méifodo nano nígarui íllamona Jesús meine abido Capernaumo jaide. Afémie jofomo íllana ja fídídiaioi. ² Iemo aillo nairai ie jofomo gairírdiaioi. Jofo comínina oruállamona iere rillírede; ja naze fuemo íaioi íllino íñede. Iaioímo Juzíñamui úrillafue Jesús jino llote. ³ Iemo cuatro dígamie tízitaitimie atídiaioi. ⁴ Iere comíni íllaza, Jesús íllánomo dúcinide. Ie jira jofo emódomo caífo jaillano, Jesús ílla llezícamo jofo emodo íbáicano cúcoidiaioi. Cúcoianona aféfodo tízitaitimie ana agúínetiaioi, naa afémie bírallu díga. ⁵ Afémaci comeci ínuana cíoillano, Jesús tízitaitimiena daide:

—Jító, o fiénidífue jae ñue dófide, —daide.

⁶ Dáarie ocuícáfue llófueraini, dinomo ráiidino, íaioi comeci facáoidiaioi: ⁷ “¿Níbái mei bímie daí úrite? Juzíñamuina fiéni úrite. Dama Juzíñamui fiénidífueña dua. Abi díne bu Juzíñamui izói fiénidífueña doñena.” ⁸ Mei íadi dama Jesús ie comécido afémaci comeci úrillafueña onode. Jira daide:

—¿Níbái mei omoí comeci daí facádomoi? ⁹ ¿Ñie iere júanina iráredimiéna daííllena: “O fiénidífue dófite,” níbai jíáfodo dáina: “Náidacai,

o bíira llínnota ui, mai maca”? ¿Ñie iere júanina? ¹⁰ Ie jira jiáifuena ómoimo fidítaiticue. Biniemo comini fiénidifuiaína oni muiñolle rino cuemo ite. Nanoide fima Jitódicueza, —daide. Iemo úzitaitimiena juare daináfueña daide:

¹¹ —Ona daidicue: Caifo náidacai. O bírallu llínnota mai o jofomo jairi, —daide.

¹² Ja iráredimie raire náidacaillano ie bírallu llínnote. Llínvano dinómona jino jaide. Ie jáillana nana comini ciódiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daiítadifuena ciórainidicai, Juzíñamui o iere jamánomoidimiedio. Mai Juzíñamuimo cai ióbilli, —daidíaioi.

Jesús Leví uáidote

(Mt 9.9-13; Lc 5.27-32)

¹³ Ie mei Jesús meine abido jorai fuédamo jaide. Nana comini íemo áinozidiaioimo, afémie íaioína llófuete. ¹⁴ Jesús mácajilla llezica, Levína ciode. Leví Alfeo jitó. Afémie gobierno íbátaga úcube llínoranomo ráiide afe úcube llínollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

¹⁵ Afe méifomo Jesús Leví jofomo güizájide. Dinomo aillo jiáie gobierno íbátaga úcube llínoraímaci Jesús dánomo güirábanimo ráiiediaioi naa fiénidimaciri. Mei iere áillomaci afe izóidino afémiedo jáidino. Afe dánomo Jesús llófuegamaci ráiidiaioi. ¹⁶ Mei íadi dáarie ocuícáfue llófueraini fariséuai diga, Jesús nana afe fiénidimaci diga naa íáiruiga íbátaga úcube llínoraímaciri dánomo güüllana ciódiaioi. Iemona Jesús llófuegamacina daidíaioi:

—¿Ñibái mei omoi llófueraíma afe íáiruiga íbátaga úcube llínoraímaci diga güífiredede, jirófirede? Daje izói, ¿ñibái mei jiáie fiénidino diga güífiredede? —daidíaioi.

¹⁷ Aféfuena Jesús cacáillanona duera ráfuedo íaioína daide, nie ícoinia mei íáiruigamací diga ie güífirenana íaioi onóillena. Be ñífue:

—Íranidimaci manóriraimana jitáíñediaioi; daní duícotaidino da manóriraimana jítaina. Mei ññemacimo cue uáiduaibiñedicue. Fiénidino uáiduaibiticue afémaci jíllollena, —daide.

Daa mona güüllena fímairillena Jesumo jicánotiaioi

(Mt 9.14-17; Lc 5.33-39)

¹⁸ Jiáiruideo Bántizaraima Juaado jáidino fariséuaido jáidino diga nana güiñeno fímairitiaioi. Aféruimo dámierie Jesumo jicánuaibitiaioi:

—¿Ñibái mei Juaado jáidino fariséuaido jáidino diga nana güiñeno fímairitiaioi, mei íadi o llófuegamaci fímairiñediaioi? —daidíaioi.

¹⁹ Jesús uai uano ráfueño mámiano íaioi llófuete, afémiedo jáidino finócana jiáímaci féinino onótallena. Daide:

—Airenafueño uáidogamací ringo otímie íaioimo illa llezica ¿meita fímairirediaioi? ¿Ñibái fímairinidiaioi? Ringo otímie íaioimo illa llezica jaca fímainidiaioi. ²⁰ Mei íadi ringo otímie íaioimona bairóbicailliruimo dúciite; aféruimo uáfueña fímairitiaioi.

²¹ Iemo daje izói ñue onótallena jiáie ráfueño mámiano íaioi llófuete; daide:

—Buna jaiáicuiro inícuero cúaidinomo comue jofo gájjicaiñede iniroi nitácapu dájemo jofo jillíñede, mei comue gájjicaiñede nitácapu afe jaiáicuirona onífenedo nane ráataitade. Iemona cúaidino jae iere aillóite. ²² Daje izói comue vino jácara igorai ie finoína botéllamo jóonenide. Jácara botéllamo comue vino jóoneadi, afétella bójjicaide. Iemo nana vino táinomo tójicaide. Daje izói afe igorai finoína botella bójjicaillano meine finónide. Ie jira comue vino comue igorai finoína botéllamo jóonerede, —daide.

Jesús llófuegamaci ocózinaillaruimo trigo llizíllaticiai tícoidiaioi
(Mt 12.1-8; Lc 6.1-5)

²³ Daa mona ocózinaillaruimo Jesús ríganiai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiai ja tícoiaidiaioi. ²⁴ Iemo fariséuai íena daidiaioi:

—¡Erocai! ¿Nibái mei o llófuegamaci rairuírede jetádiaioi? Afena ocózinaillaruimo rairuírede, —daidiaioi.

²⁵⁻²⁶ Mei íadi afémie íaioina daide:

—¿Jaca nibai David finócana facadoñediomoi? Afémie naa ie nabáíñairi güille íñena llezica, júbietaillano Juzíñamui jofomo jaide. Ua Abiatar lletáriraini illáimana illáruido, David jofo jaide. Afe jofo eromo Juzíñamuimo eneno mameca rairuírede panes ite. Dani Juzíñamui lletáriraini áfena güirena; jáíamacimona afe rairuírede. Afe panes David uánona güite; ie mei ie nabáíñaimo fecade.

²⁷ Iemo nane Jesús íaioina daide:

—Íima ocózinaillarui íena fínoñega, mei íadi ocózinaillarui íima íena mameca. ²⁸ Jira Nanoide íima Jitona cue íllamona, ocózinaillarui na ocúiredicue. Aferui Náamadícue, —daide.

3

Jesús ónoína llirídímie jíllotae
(Mt 12.9-14; Lc 6.6-11)

¹ Jesús dáanomo Juzíñamui uai llófueriracomo jofo jaide. Afénomo ónoína llirídímie ite. ² Afénomo itínomona Jesumo iere eróioidiaioi, ocózinaillaruimo Jesús bímierna jíllotajana onóillena, áfedo Jesumo fiénidífue jítállena. ³ Ie jira ónoína llirídímiena Jesús daide:

—Náidacai; jofo bené cígimo bi, —daide.

⁴ Dáanomo jáíamacimo jicánote:

—¿Minícana ocózinaillaruimo ómoiri finóredicue? ¿Nibai fiénidífue fínoitícue, nibai ñúefue fínoitícue? ¿Nibai omoi jíllotaitícue, nibai omoi títaítícue? —daide Jesús.

Mei íadi afémaci ja uai oñediaioi. ⁵ Jira Jesús íaioiri ríicaide. Daje izói zuure íaioimo eroide, mei íaioi onóiacañena jira. Iemo afe ímana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. ⁶ Afe mei fariséuai, naa Herodes imaci diga jino jaillano, Jesús fallífue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci diga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuenta, afémie finócafuaiina, fidíllano aillo Judea énie imaci bite, Jerusalen imaci diga. Daje izói Idumea énie imaci bite; Jordán imani ruicáfelle imaci bite; Tiro, Sidón

diga áinori itímaci bite. Nana dáanomo bitíai; Jesús eróizaitíai. ⁹ Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena. ¹⁰ Mei iere aillo nairai jíllotate. Iemona nana jíáie iráredino rillire afémiemo gairídiai, ie jetánollena. ¹¹ Iemo afénoimo itínomona dáarie fiéni jóriairediai. Afémiéna cíóillanona, afémié uíécomo ana dújudiai. Dújuillano caillíocaidiai:

—O Juzíñamui Jitódio, —daide.

¹² Mei íadi Jesús fiénide jóriaina izire rairuide; daide:

—Juzíñamui Jitona cue íllana daíñeno iri, —daide.

*Jesús doce dígamie nizede, oni íai; óriano afémaci ie ñúefue llujíllena
(Mt 10.1-4; Lc 6.12-16)*

¹³ Ie mei Jesús ídumo caifo jaide. Dinomo jaillano Jesús comeci óiacagamie dígamie nizede. Afémiemo bitíai. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íai;ina ote ie abimo íllena, ie uai llóitinaonona jáillena. ¹⁵ Dáanomo ríinona igáiai; iráredino jíllotallena, íemo jíái fiénide jóriai jino oréllena.

¹⁶ Afe nizécamací doce dígamie. Afémaci mámeceai: Simón, nímiemo Jesús jíáie mámeceina jitaca, Pedro; ¹⁷ ie mei Zebedeo jító íaillino; Santiago ie ama Juan diga. Afe íaillinoimo Jesús jíáie mámecei jitade, Boanerges. Afe mámecei daína: Iocimie íaillino. ¹⁸ Ie emódomo jíáie nizécamací mámeceai: Andrés, Felipe, Bartolomé, Mateo, Tomás, Alfeo jító Jacobo, Tadeo, íemo iere Járídotimacimo jaináidimie Simón, ¹⁹ ie mei Judas Iscariote. Afémié méifodo Jesús ie éoidinomo fécaitimie.

*Fiénide jóriai ríino Jesumo ite táinona daíñrediai;
(Mt 12.22-32; Lc 11.14-23; 12.10)*

Afe méifomo Jesús ie llófuegamaci diga jofomo jofo jaide. ²⁰ Nane dáanomo aillo nairai gairízitíai. Iemona Cristo ie nizécano diga ja güínidiai. ²¹ Afefue fidíllano ie onoiga nabáñiai bitíai; ie oni uíllena, mei afémié uáiritaide daidíai.

²² Daje llezica Jerusalémona bite ocuífue llófueraini, bie izói íeri úritíai; daidíai:

—Bímie Beelzebumo jaináidimie. Afe Beelzebú fiénide jóriai illaíma, (jíái; ie mámecei Taife). Afe Beelzebú ríinodo fiénide jóriai afémié jino jíude, —daidíai.

²³ Ie jira Jesús íai; jíirite. Jírilla mei, onoiga ráfuiaí íai;oimo llote:

—¿Ñie izói afe Taifedo Taife jíúrede? jíiúnide! ²⁴ Daa nairai énenorie jíáziena oni bójicaillano are íñeitiai, mei nágazie conima diga fuiríñrediaíza. ²⁵ Daje izói eneno dani jofóredino íai; bójicaíadi, are íñeitiai. ²⁶ Mei jira Taife dama ie diga fuiríadi, íemona dama ie bójicaíadi, afémié are íñeite. Ua áfedo fúbicaite.

²⁷ Máirimie jofomo, buna jofo jáinide, ie ráaie bairóllena. Dama afémié máia méifomo jofo jaillano bairórega.

²⁸ Uáfuena ómoimo lloticue. Comíni fiénidífuiaí nana dórede, daje izói nana íai; fue borefue diga dórede. ²⁹ Mei íadi Juzíñamui Ñuera Joréñoimo fiéni úritimie ie fiénidífuiaí jaca ua oni dónide. Dama ie ícoínia jaca íemo jíite, —daide.

³⁰ Daí daide, mei afémié fiénidena jóriarede daidíai.

Jesús ei ie ámatiai diga Jesuna uáiduaibitiaioi

(Mt 12.46-50; Lc 8.19-21)

³¹ Iemo Jesús ei ie ámatiai diga dúcidiaioi, mei íadi jino fiébidiaioi. Dinómona jofo gairídinona daidíaioi:

—Mai ie jírízai, —daidíaioi. ³² Jesús abido ráiiedino íena daidíaioi:

—O ei, o ámatiai diga jino ite. O jénuaiibitiaioi, —daidíaioi.

³³ Mei afémie daide:

—¿Buoí cue eina? ¿Buoí cue ámatiaina? —daide. ³⁴ Afe mei ie abido ráiiedinomo eróillano daide:

—Be mei cue éitiai. Be mei cue ámatiai. ³⁵ Mei Juzíñamui ocuífafuena jeire otínona bie cue ama, bie cue miringo, bie cue ei, —daide.

4

Rjiraíma ie ifue

(Mt 13.1-9; Lc 8.4-8)

¹ Meine dáanomo jorai fuédamo Jesús llófuete. Ie illánomo aillo nairai gairídiaioi. Jamánomo aillo comini illa jira, Jesús jóraimo ite nocaemo ráiizaide. Nana comini guamáemo fiébicaidiaioi. ² Iemo diga ráfuiyai íaioimo llófuete. Ua íaioi onóigafuiaido llote. Ie llogáuai daide:

³ —Bíemo cácarei: Rjiraíma rjizaide. ⁴ Ricana jailla llezica dáarie rillájiai iodo cocide. Iemo ófocuizai áfena güizáibitiaioi. ⁵ Jiáie rillájiai noficiaimo énie inénanomo cocide. Afe rigájiai raire zocade, mei afe énie figo inédeza. ⁶ Mei íadi jitoma billa llezica uzídiaioi. Jáinao inénamona dúidiaioi. ⁷ Jiáie rillájiai éegiai cígimo cocide. Afe éegiai zoca anamo itábicaidiaioi. Meita jaca llizíñediaioi. ⁸ Mei íadi jiáie rillájiai ñuera éniemo baíide. Zocádiaioi; ie mei ñue comuídiaioi. Mei ñue llizídiaioi. Daji rígamona zocano aillo llizide; jiájiai afe baimo llizide; jiájiai ie baimo ua aillo jamánomo llizide.

⁹ Ie mei íaioina daide:

—Omoimona cacáacadino cacai, —daide.

Afémie nibai íaioi onóigafuiyai cígido llófufirede

(Mt 13.10-17; Lc 8.9-10)

¹⁰ Afe mei Jesús dama fiébilla llezica, afémie ánnori itino ie doce llófuegamaci diga íemo jicánotiaioi:

—Bie onóigafue ¿nie izóí daííacade? —daidíaioi. ¹¹ Jira íaioina daide:

—Juzíñamui ie uáfodo onóñega illáimana illirui rafue ómoimo llóiacade. Afedo ja lllóioi. Mei íadi jino ite íemo jaináíñedino jaca íaioi onóigafuiaido llogáiaioi. ¹² Daíí cue llófuegaiaioi, íaioi cióillano nai uina cióñedimaci izóí íaioi fiébicaillena. Afe izóí cácaitiaioi íadi ónoñeitiaioi. Daíí llófuegaiaioi íaioi comeci ifue méidoñeillena; íemo jiáí íaioi comeci fiénidifuiyai dóficaiñeillena.

Jesús afe rjiraíma onóigafue ja ua jino llote

(Mt 13.18-23; Lc 8.11-15)

¹³ Dáanomo Jesús jicánote:

—¿Omoi bie onóigafue onóñediomoí? ¿Nie izóí daíí mei jiáiena ónoitioi? ¹⁴ Afe riraíma Juzíñamui ñuefue lloraíma izóidimie. ¹⁵ Dáarie comini afe iodo cocide rigájiai izóidiaioi. Afémaci afe cue llogáfueemo cacáreidiaioi. Mei íadi áfena cacáillanona, Taífe íaioi comécimo lloga ráfueña raire báruaíbite. ¹⁶ Jiáie comini afe noficiaimo énie inénanomo cocide rigájiai izóidiaioi. Afe cue lloga uaina cacáillano raire caimare

llínotiaioi. ¹⁷ Mei íadi figo jáinaonide rigájiai izóidiaioiza, dama íanori íllado ñue ítiaioi. Afe mei lloga uai ícoinia facátafuiai bíadi, nibai duere íaioi zefuíadi, íaioi ínoñenamona íaioimo lloga uaina raire meine abído zóofetiaioi. ¹⁸ Jiáie comini afe éegiai cígiri cocide rigájiai izóidiaioi. Lloga uaina cacádiaioi, ¹⁹ mei íadi bie éniemo ite raamo comécíillano aféfuiaimo iere jarítaitiaioi. Bínie raa íaioina jífuete. Iemona jamánomo aillo ráaniaina óiacadiaioi. Nana bie jofo comeci óiacaigafue íaioimo lloga uaina niné féitate. Ja mei féitagaza; ja ie comécímo llizilla izóí íñede. ²⁰ Mei íadi dámierie lloga uaina cacáillano áfena ñue jeire otíaioi. Afémaci ñuera éniemo cocide rigájiai izóidiaioi. Afe izóí íaioi íllamona, ñúefuiaina ñue aite izóí ínódiaioi. Afémacimona dáarie afe daji rigamona zocano aillo llizilla izóidiaioi. Iaioimona jíámaci afe baimo llizilla izóidiaioi. Jíámaci afe ie baimo aillo jamánomo llizilla izóidiaioi.

Mechera iedo cai onóigafue

(Lc 8.16-18)

²¹ Jesús nai úrite; íaioina daide:

—¿Nogo anamo jóonellena mechera meita atica? ¡Atíñega! ¿Daje izóí inírabani anamo rainállena mechera atícaza? ¡Atíñega! Naga mechera caifo jica raináfírega, ñue egáíñollena. ²² Mei ja nana báinino ite raa jino uáfodo cíocaitade. Daje izóí nana jáanoga rafue ñue onóigafuena jáite. ²³ Omoimona cacáacadino cácarei.

²⁴ Afe emódomo íaioina daide:

—Omoí cacánafuena ñue omoí onoiri. Naga raa omoí faca izóí, afe izóí Juzíñamui íbana ómoimo fácaiteza. Ie mei afe baimo afémie jamánomo aillo ómoimo íite, mei ñue cacádiomoiza. ²⁵ Mei íeredímiemo jíáiena ille; mei íadi íénidímiemona, íemo due ite raa meine bairolle.

Eniemo rigaji zócajamo mameca rafue

²⁶ Nane dáanomo daide Jesús:

—Juzíñamui illáimana illirui bie izoide. Daa íima éniemo rigájiai júdaia izoide. ²⁷ Rillano afémie abina íniaide. Ie mei cazide. Naio mona diga jaide. Afe llezica rigájiai zocade; zócano ñue zairide, mei íadi nie izóí comuídeza afémie onóñede. ²⁸ Mei ñuera éniemo rigájiai énie zocátaga. Nano fueñe ie ina jino billa, ie mei llizíllachecoí comuide, ie mei afe llizíllachecoí íjiaina oruide. ²⁹ Ja ie jeia llezica, riraíma afe llizíllajiaina uájide. Mei afe jofo uáruimo ja dúcidez.

Mostaza llizíllaji iedo onoiga rafue

(Mt 13.31-32; Lc 13.18-19)

³⁰ Jesús nane daide:

—Juzíñamui illáimana illarui, ¿nié izoide? ¿Ñie onóigafuedo daje izóí fácaíticai? ³¹ Juzíñamui illáimana illarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide. ³² Mei íadi rigamona, nana raróciai ie baimo áillo nana jaide. Ie ícairuai áarie. Iemona féedino ófocuizai ie ícairuaimo ráinazaidiaioi. Afe jánamo uái ráíiediaioi, —daí Jesús daide.

Jesús jaca onoiga ráfuiaimo mámano llófuefírede

(Mt 13.34-35)

³³ Daí Jesús ie jino llóiacagafuiai aillo bie izóí onóigafuiaido jóonecana uite. Iaioi onóíllinomo daí llócaide. ³⁴ Onóigafue llóñeniadi, afémacina

llófueñede. Mei íadi Jesús ie llófuegamaci diga oni eneno dani íaioi illa llezica nana áfena jino íaioimo llote.

Jesús jairifo naa jorai bagua diga llícaitate

(Mt 8.23-27; Lc 8.22-25)

³⁵ Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

³⁶ Ie mei comini fíiano, Jesús uitíaioi. Afémie illácaedo jáidiaioi. Daje llezica jáícaeiado afémiedo jáidiaioi. ³⁷ Iemo iere riírede jairifo náidacaide. Iemona jorai bagua nocáe eromo cocide. Uafue, nocáe jáinoína oruíbicaide. ³⁸ Afe llezica Jesús moífecaemo ifo jobéracadamo bíicana inide. Afémie cazítajano íena daidíaioi:

—¡Llófueraima! ¿O caina ráiruiñedio? ¡Buízaidicai! —daidíaioi.

³⁹ Iemo Jesús náidacaillano jairifo lletade. Llétajano jóraina daide:

—¡Llíicai! ¡Uái ii! —daide. Iemona jairifo llícaide. Nana ñue jáfuericaide. ⁴⁰ Ie mei ie llófuegamacina daide:

—¿Ñibái mei iere jacíruitíomoi? ¿Ñibai nai Juzíñamuimo íinoñediomoi? —daide.

⁴¹ Iadi jairifo ie llícaitari iere jacínaitiaioi. Dani conímamo úritiaioi:

—¿Bie ñímie? ¡Jairifo jorai diga, afémie uaina jeire ote! —daidíaioi.

Gerasa éniemo fiénidena jóriairedimie Jesús jllotata

(Mt 8.28-34; Lc 8.26-39)

5

¹ Jae jorai ruicáfellemo ite Gadara éniemo dúcíaioi. ² Jesús nocáemona jino jáidemo, raiáfuai illánomo ífirede fiénidena jóriairedimie Jesumo bite.

³ Afémie raiáfuai illánomo ífirede. Aféruillaído afémie jaca buna llójeodo cuinánide. ⁴ Diga ícaño llójeodo idai onoi diga íena cuinádiaioi, mei íadi afémie afe llójeona titada jaca jéenino titúbite. Jaca buna afémiena anáfenonide. ⁵ Mona naio diga afémie afénomo macáfirede. Iduaido caillícana jaide naa raiáfuaído. Daje llezica nofíciado ie abi bofécade.

⁶ Iadi Jesuna jicana ciode; cíoillano, aizícana bite. Billano Jesús anamo afémie ie caiñícido ana dújude. ⁷ Jesumo riire lléjecaide:

—¿Ñibái cuemo jíricaidio? O Jesús dio; jamánomo caifoide Juzíñamui Jitódio. Juzíñamui mámecido omo jicádicue duere cue zéfuiñellena, —daide. ⁸ Daií lléjecaide, mei nano fueñe Jesús íena dáideza:

—¡Fiénide jóriai, bie ímamona oni jai! —daide. ⁹ Jesús íemo jicánote:

—¿O mei búdio? —daide. Uai ote:

—Cue mámeçi Aillo Dáanomo Íraicano, mei áillomacidicaiza, —daide.

¹⁰ Iemo fiénide jóriai Jesumo izire jicade, afe éniemona jica íaioína oni óreiñellena. ¹¹ Afe íduai ánomo aillo tóica meróniai gúífirede. ¹² Ie jira fiénide jóriai Jesumo jicade:

—Afe meróniimo cai oreri, dinomo cai ílleza, —daidíaioi.

¹³ Ie mei Jesús fairíote. Iemo fiénide jóriai ímamona jino meróniimo jáidiaioi. Mena mil tóiníai ite. Nana afe tóiníai jorai ígodado aizida cocídiaioi. Iemona jóraimo coróbaitiaioi.

¹⁴ Ie jira meróniai úíñoraímaci jacínailano botádiaioi. Afe rafue íaioi jófuego llujáidiaioi naa jínoidimaci diga. Ie jira afe finócafueño comini eróizaibitiaioi. ¹⁵ Jesús illánomo dúciillano nauí fiénidena jóriairedimiena

ciódiaioi. Mei íadi ja birui afémie ñue uái ráiide. Ja inícuirona jitáoi. Ja ñue abina onode. Nana comini jacíruiitiaioi. ¹⁶ Ie mei ciódino nauí fiénidena jóriairedimiemo finócafueña llujidiaioi. Daje izói meróniaimo finócafue llotíaioi. ¹⁷ Ie mei Jesumo izire jicajidiaioi íaioi éniemona afémie oni jáillena.

¹⁸ Jesús meine nocáe eromo jailla llezica, nauí fiénidena jóriaina ogámie Jesús diga illena izire jicade. ¹⁹ Mei íadi Jesús fairioñede. Afémiena daide:

—Mai o jofomo jai. O cominimo nana omo cue finócafue o llujiri. O Ocuíraimadicueza. Omo cue dúecaillafue llujiri, —daide Jesús.

²⁰ Ie jira afémie jaillano nana Jesús afémiemo finócafue llujide. Uafue nana Decápolis éniemo llujide. Nana comini aféfuerei fáigacaidiaioi.

Jairo jiza jllotafue

(Mt 9.18-26; Lc 8.40-56)

²¹ Jesús meine jorai ruícafenemo nocaedo jáidemo, aillo comini Jesús illánomo gairízaibitiaioi. Afémie dino jorai fuédamo fiévide. ²² Iemo Juziñamui uai llófuerraco illáinimona dámie dúvide. Afémie mámecei Jairo. Jesuna cióillano ie ídaimo bíjicaide. ²³ Daje llezica izire jicade:

—Cue jiza tíiacade. O onoi cue jízamo bitaibi, ie jilloilleza, ie tíñelleza, —daide.

²⁴ Iemona Jesús afémie diga jaide. Ie llezica aillo comini afémiedo rillire jáidiaioi. ²⁵ Afémaci cigimo daa ringo iráredingo ite. Doce diga fimona dícotaita. ²⁶ Aillo manórirainimona duere zéfuide. Afe manórirainimo afengo úcube nana fuite. Iadi jaca ñnoñede, mei íadi jamánomo irárede. Ua iere ana jaide. ²⁷ Nauí jáíimaci Jesudo úrillafueña cacáillano, afe ringo óodana comini cigido Jesumo áinozide. Iemo afémie inícuero jetánuaide. ²⁸ Afe uícori afengo comeci anado daide; “Ie inícuero cue jetáadi jilloitícue,” daide. ²⁹ Ie mei inícuero jetaa llezica afengo die tótaja llícaide. Afe llezica ie irárena jlluumona afengo abi ñue cacaide. ³⁰ Ie mei Jesús onóbicaide. Uafue, ie ríinodo da come jllotaga afémie raire fidide. Ie jira comini cigido jino éroicaillano jicánote:

—¿Mei bu cue inícuero jetaa? —daide. ³¹ Iemo ie llófuegamaci afémiena daide:

—¿Aillo comini rillire finuana cióñedio? ¿Ñibái mei bu o inícuero jetaa jicánotio? —daidíaioi.

³² Mei íadi Jesús nágafene erórifide afémie inícuero jetádingona cióillena. ³³ Ie mei afengo jágeri cuidírite. Aféngomo finócafueña onóillano, Jesús uíécomo ana bíjicaizaibite. Afengo rafue nana afémiemo uáfuena jino llote. ³⁴ Jira Jesús daide:

—Eicango, o comécido ñue ínotio, jira jillodio. Mai jai. Jaillano uái o iri. O irárenamona ja jillodioza, —daide.

³⁵ Jesús nai úritemo, dáarie comini illaíma Jairo jofómoma bitíaioi. Dúengo moomo llujíbitiaioi:

—O jiza ja tíide. ¿Ñibái mei are llófueraíma ifoci daidódio? —daidíaioi.

³⁶ Mei íadi Jesús íaioi uai jeire oñeno, llófuerraco illaíma Jáirona daide:

—Jacíruiñeno iri. Dama o comécido íinori, —daide.

³⁷ Iemo Jesús nana comini íedo jáíñellena rairuide. Dama Pedro, Santiago, ie ama Juan diga uite. ³⁸ Llófuerraco illaíma jofomo dúciillano, Jesús

aillo comini faillíñainana cacade; nana cáillicaiilli éenailana cacade. ³⁹ Jofo jaillano Jesús daide:

—¿Nibái mei iere faillíñaidiomoi? ¿Nibái mei iere éediomoi? Afeza tíñedeza; fia inide, —daide.

⁴⁰ Iemona afémieri tadáidiaoí. Ie mei Jesús nana íaíoi jino orede. Dama jiza moo, afengo ei, íedo bitímaci díga jofo uite. Jiza illácomo jofo jáidiaoí.

⁴¹ Jiza onoi llíinuano daide:

—Talita, cumi—. Aféuai dobáicana llote: “Jiza, ona daídícue, náidacai.”

⁴² Daí dáinamona afengo raire náidacaide. Náidacaillano macade; mei afengo doce díga fimona iteza. Aferi comini iere fágacaidiaoí. ⁴³ Mei íadí Jesús:

—Afe fue bumo lloñeno iri, —daide. Daí ocuide. Afe llezica afe ringoza ecállena íaíoína ocuide.

6

Jesús Nazaremo jailla

(Mt 13.53-58; Lc 4.16-30)

¹ Dínómona Jesús ie éniemo jaide. Ie llófuegamaci íedo jáidiaoí. ² Ocózinaiillarui mo dúcillanona Juzíñamui uai llófueriracomo llófuaide. Aillo comini íena cacáreidiaoí. Iemona íena jacíruicana fágacaidiaoí. Daídiaoí:

—¿Nínómona bímie nana bie ráfuiái onode? ¿Mínica bie onónafue íemo ite? ¿Nie izóí afémie bie aillo uaido dáinamona comuítaga raa comuítarede? ³ Mei bímie afe aménado táijiraima, ¿ero ua? Afémie María jitoza onódicai, ¿ero ua? Daje izóí afémie ámatíai Santiago, José, Judas, Simón dígadeza onódicai. Iemo ie miríngotíai nai cai cígimo íllana onódicai, —daídiaoí.

Iemona afémaci Jesús uaina náfueacañediaíoi. ⁴ Iemo Jesús íaíoína daide:

—Nana jíáie comini, Juzíñamui uai jino llóraimana ñue jíeruitiaíoi. Mei íadí afe llóraima énie imaci, íezie imaci díga, figo íena jíeruiñediaíoi. Daje izóí ie jofo imaci íena jíeruiñediaíoi, —daide.

⁵ Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredínomo ie onoi bítanona jíllotate. ⁶ Mei íadí nabémaci íñoñenari afémie fágacaide. Ie mei Jesús áinori ite jófuedo llófuecana uite.

Jesús ie doce dígamie oni jíáinomo óriano llotátate

(Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íaíoi orede. Afe llezica Jesús afe íaíoímo ie ríino iga, fiénide joríaí jino oréllena.

⁸ Ie llófuegamacina ocuide:

—Omoi jaille iodo ráíñuai jíáie mínicana uiñeno iri. Daa omoi jígüida díga jairi. Tura uiñeno iri. Pan úcube díga uiñeno iri. ⁹ Omoi ídaí ico jíitada jairi. Mena caifófecuiro uiñeno iri, dama o jítaíoigacuiro uiri, —daide.

¹⁰ Iemo nane íaíoína daide:

—Nícomo o jáiadi, dínó o fiébiri; ua afe éniemona jíáinomo o jáiacana llezica dínó o fiébiri. ¹¹ Jáíacomo omoi jáiadi, ómoína íaíoi llíñoñeniadi, afénomona jairi. Daje izóí o uai cacáacañenomona jairi. Jaillano, o ídaí ico ite eníchoma jino íaíoímo teténori, daí íaíoi finócafue mo o jíeruiñenana jino llóitio. Uáfueña omoi llotícue: Uire duere finóbíllirui mo

dúcia llezica, ómoina llínoñedino jamánomo duere finóbitiaioi. Mei íadi Sodoma comini Gomorra comini diga figo duere finóbiñeitiaioi, —daide.

¹² Iemo ie llófuegamaci jino jáidiaioi. Jaillano comini llotíaioi:

—Mai omoi comeci ifue meidori, —daidiaioi. ¹³ Daje llezica aillo fiénide joriai jino orédiaioi. Iráredinomo cáredijina due jónetiaioi; iemona jillodiaioi.

Juan Bautista tíllafue

(Mt 14.1-12; Lc 9.7-9)

¹⁴ Illaíma Herodes aféfuiaína como fidide. Mei nana comini Jesús jalléinana onódiaioiza. Dáarie daidiaioi:

—Juan Bautista tíide íadi meine abido cáadimiena jaide. Iemona bie riino afémiemo ite, —daidiaioi.

¹⁵ Jiáimaci daidiaioi:

—Bie Juzíñamui uai llóraíma Elías, —daidiaioi.

Nane jiáimaci daidiaioi:

—Jaiái Juzíñamui uai jino llóraini izoide bímie jiáie Juzíñamui uai llóraíma, —daidiaioi.

¹⁶ Herodes áfena cacáillano daide:

—Bímie ifona cue jaitátagamie Juan. Ja birui tíllanomonona meine abido caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoinia Herodes Juan jae llavétate. Afe llezica íena llavéracomo maitátate. ¹⁸ Mei nauí Juan Heródemo llógaza:

—O ofaiño o aina ónidio; áfena rairuírede, —daide.

¹⁹ Ie jira Herodías Juamo éoicana eroide. Iena fáiacade, íadi íena fánide. ²⁰ Herodes afémie comécina jaícina ñue jóidimienana onode; iere ñüemienana onode. Ñüefuedo íena jaciruite. Ie jira afengo íena fienu finótañede. Herodes Juan llogafue nai figo onóñede, íadi caimare íemo cacáreide. ²¹ Mei íadi Herodías jiáifuemo uíbicaide. Herodes jocóinamona jiáie fimona fuilláruimo dúcide. Jira aféruido Herodes cumpleaños rafue finode. Nana ie illaíni, jabóllaíni, Galilea ocúraíni diga afénomo gairídiaioi, mei Herodes uáidogaiáioiza. ²² Dinomo Herodías jiza jofo jaillano zaite. Afengo záillari Herodes íóbide; daje izói nana ie diga güizáibitino íóbidiaioi. Iemona illaíma Herodes aféngona daide:

—O jicáacaiga raa cuemo jica. Omo íitícué, —daide.

²³ Riírede uaido nana afengo jicalle raa ie fecállena íaioi uiécomo llote: “Nana cuemo jainaide éniemona júbene o jitailla dieze omo llóitícué,” daide. ²⁴ Afengo jaillano ie eina daide:

—¿Minica jícaítícué? —daide.

Afengo daide:

—Mai, Juan Bautista ifoci jíca, —daide.

²⁵ Afe ringoza jarire illaíma illánomo jofo jaide; íena daide:

—Raire plato eromo Juan Bautista ifoci jóneta cuemo ine, —daide.

²⁶ Iemona illaíma iere zúureficaide. Mei ja riírede uaido llógaza afengo jíacána afémie jáanoiacañede. Daje llezica nana ie uáidogamaci cacádiaioi. Ie jira jáanoiacañede. ²⁷ Ie jira afe llezica ie abi úiñoraíma raire llavérracomu orede, Juan ifoci atíllena. ²⁸ Afe abi úiñoraíma llavérracomu jaillano, Juan ifoci jáitano plátomu jóneta atide. Afémie aféngomu izáibite. Iemo ie eimo afengo izájide.

29 Juaado jáidino, fidíillano, ie abi uájidiaioi, ráillena.

Jesús cinco mil dígade iññiai ecade
(Mt 14.13-21; Lc 9.10-17; Jn 6.1-14)

30 Afe mei Jesús naui oni jino orécamaci meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi. 31 Iemona Jesús íaioina daide:

—Mai bi, oni báinino cai ocózinailli, —daide.

Aillo comini dúcioidiaioi, jáioidiaioi; ie jira Jesús ie imaci díga, güíndiaioi. 32 Ie mei Jesús ie imaci díga nocaedo oni eneno tñ daidínomo jáidiaioi. 33 Mei íadi aillo nairai íaioi jáillana ciode. Jesuna onóillano nana jófuemona batínomo aizícana jáidiaioi. Uafue, Jesús ie imaci díga uícomo dúcidiaioi. 34 Jesús dúcia mei nocáemona jino jaillano aillo comínina ciode. Cióillano afémacimo dúcecaide. Iaioina izíruite nibai úiñoraimanide ovéjaiai izói itíaioi. Ie jira díga ráfuaiana íaioimo llote. 35 Ja nauídemo ie llófuegamaci afémiena daiízaibitiaioi:

—Ja nauízaide. Afe benomo comini jofona íñede. 36 Mai comini oni ore áinori itícuaimo jáie jofue díga, dinomo íaioi güille íbajillena. Mei íaioi güíllena benomo íñeídeza, —daiidiaioi.

37 Jira Jesús uai ote:

—Mai omoi íaioi eca, —daide.

Afémiena daiidiaioi:

—¿Cai meita jaillano íbáredicai, doscientos dígabe fidi pan bimaci ecállena? —daiidiaioi.

38 Jira Jesús daide:

—¿Níga pan ómoimo ite? Eroizai, —daide.

Afe fidíillano daiidiaioi:

—Jubécuiro díga panes ite, mena chamu díga, —daiidiaioi.

39 Ie jira mócorede raitíremo Jesús comini énenorie dázierie raizítate.

40 Iemona cincuenta íemo jái cien dígamíerie raizídaitiaioi. 41 Iemona Jesús afe jubeba panes mena chamu díga llínote. Líinuano caifo monamo érocaillano:

—Iere figura, —daide. Daií dainano afe pan ditade. Dítajano ie llófuegamacimo fecade. Llófuegamaci ja comínimo oni fecádiaioi. Daje izói mena chamu nana comínido fecádiaioi. 42 Nana comini güitíaioi. Ua ñue jeírediaioi. 43 Güilla mei panes chamu díga fiébidinona doce dígagai cirígai oruítatiaioi. 44 Afe Jesús fecaca panes güitímaci cinco mil dígamiiai.

Jesús jainoi emódodo macade
(Mt 14.22-27; Jn 6.16-21)

45 Raire méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daií ñeta llezica mei Jesús nana comini díga rainode. 46 Iaioi ráinua méifodo Jesús idu emódomo Juzíñamuimo úrizaide. 47 Ja naiomo nocáe jorai cígimo ite. Jesús dama éniemo fiébicaide. 48 Jesús íaioi taino jáiana ciode. Taino jaitíaioi, mei jairifo meine íaioi fúuoideza. Iemo ja monáizaidemo Jesús íaioimo áinozide. Jainoi emódodo macade. Áinozide, íadi jicado fíiaide izói macade. 49 Ie jainoi emódodo mácajana íaioi cióillano comececi jacíruioicana

facádiaioi: “¡Nibái janaba!” daidíaiioi. Jira caillíoidiaioi. ⁵⁰ Nana áfena cíóillano iere jacínaitiaioi. Mei íadi Jesús raire íaioimo úrite; daide:

—¡Abi omoi mame! ¡Cueza! ¡Jacíruiño omoi iri! —daide.

⁵¹ Íaioimo itícaemo jofo jaide. Jofo jáidemo jairifo llícaide. Iemo jacíruiocana áferi iere fáigacaidiaioi. ⁵² Ua afe daí fáigacaidiaioi, mei afe duera pan fia uáimona jamánomo aillo comútatena comécido onóñediaioiza; íaioi comeci nai ríirena jira.

Genesaret éniemo ite iráredino Jesús jílloata
(Mt 14.34-36)

⁵³ Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi. ⁵⁴ Nocáemona jino jailla llezica, afénomo ite comini raire Jesuna onódiaioi. ⁵⁵ Iemona afémaci nana afe éniemo raire aizícana lluájidiaioi. Iemona Jesús illánona fidíillano, afe dinomo iráredimaci duera inírabanido atídiaioi. ⁵⁶ Nágagobiaido ie jáiacana izóí afe jofue cígimo ite ocózínairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoído ie jáiadi, daje izóí iráredino iomo jónetiaioi. Afe llezica Jesús inícuero fueda íaioi jetánollena daa bie dáarie izire íemo jicádiaioi. Nana áfena jetánotino jíllobicaidiaioi.

7

¿Mínica caina iaire finode?
(Mt 15.1-20)

¹ Iemo fariséuai Jesumo áinozidiaioi, dáarie ocuícáfue llófueraini diga. Afe llófueraini Jerusalémoma bitíaiioi. ² Nana bimaci Jesús llófuegamacimona dámerie cíódiaioi. Afe llófuegamaci onoi jocóñeno güitíaiioi, fariséuai afémacina daí daide, mei bimaci onoi jócua ocuica níciduafuemo dúcítaiñediaioiza. Afe ícoínia íaioi jánana úritiaioi. ³ Daí daidíaiioi mei fariséuai nana judíuai diga íaioi jaiáigima uai nai uícadiaioiza. Aféfuai daide, comini nai bie izóí íaioi onoi diga icaiño jócoñenia güínidiaioi. ⁴ Daje izóí güille fecáracomona meine billano, onoi jócua ocuica níciduafue nai fuitáñenia güínidiaioi. Nai aillo ite afémaci jíáie uícaigafuiai. Uafue, íaioi jiróracuai diga icaiño jocófirediaioi. Daje izóí íaioi icírui, cadéruai, jamánomo diga ícaíño jocódiaioi íaioi inírabanillai diga. ⁵ Iemona fariséuai, ocuícáfue llófueraini diga Jesumo jicánotiaioi:

—¿Nibái mei o llófuegamaci cai jaiáigima daináfuiái uícaíñediaioi? Daí onoi íáirededo güitíaiioi, —daidíaiioi.

⁶ Jesús uai ote:

—Juzíñamui uai lloraima Isaías ñue llote. Nana omoi abina ñúemaci, íadi comécina íáirediomoí. Ie cuia llezica ómoímo llote:

Bie comini fuedo ñúefue cuemo jítádiaioi.

Mei íadi íaioi comeci cuemo jaináñede.

⁷ Cue ñúefuedo úrillena cuemo gairífrediaioi, mei íadi íaioi úrillafue ráíñede.

Íaioi llófuega Juzíñamui daináuai, fia jamai comini ocuícáfuiái.

Juzíñamui uáñede, daí íaioi daina íadi, daide.

⁸ Mei Juzíñamui ocuícáfue féitatiomoí, fia comini daináfuiái jeire omoi óllena. Aféfuai daide: icírui jocóllena, jiróracuai jocóllena, aillo jíáie afe izóidífuiai omoi finóllena.

⁹ Iemo afe emódomo bie izói zanoda íaioina daide:

—Juzíñamui ocuícawai iere ebire oni eneno omoi fáicanocaiga, dani omoi daináfuiái uícaillena. ¹⁰ Mei Moisés daide: “Ñue jacíruiocina o moo canori, o ei diga. Ie ei ie moo diga fiénina úritimie uáfuenta titáredeza,” daide. ¹¹ Mei íadi jíáfodo daidíomoi:

—Dámie ie moo íaillinona bie daírede, “Ona canónidicue, mei nana cuemo ite ráaie jae ‘Corbán’ itíaióiza”. (Afe uai dobáicana daina Juzíñamui íena mamécaza.) ¹² Damie daí daíadi, ja mei ie ei ie moo diga canónide náfuetiomoi. ¹³ Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúfuenta jámairuitiomoi. Aillo afe izóidífuiái finófirediomoi.

¹⁴ Nane dáanomo Jesús comini jírite; jíirillano íaioina daide:

—Nana omoi cácarei, comeci onoiri. ¹⁵ Nana güillemo comécina íárenafue íñede. Mei íadi comécimona jino bitífue come comeci íáiretate. ¹⁶ Omoimona cacáreiacadino cacai, —daide.

¹⁷ Jesús comini fiáno jofomo jaide. Dinomo ie llófuegamaci afe onóigafuedo íemo jicánotíai. ¹⁸⁻¹⁹ Iemo íaioina daide:

—¿Daí jaca ónoñeitiomoi? Nana jinona güiga raa comécimo jáíñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuenta fidíñediomoi?

Afedo Jesús daíacade nana güille ñuera. ²⁰ Nane daide:

—Íima comécimona jino bitífue dama afémiena íáiruitade. ²¹ Mei afémie erómona, ua ie comécimona jino fiéni uibíllafue bite; íemo jiruírenafue bite, naa jíáie jiruífuiái diga; íemo jíáima méniáfue bite, ²² meríillafue diga; íemo jíáima raa bairóacanafue bite, jíáie fiénidífuiái diga; ie mei jíáima jífuiáfue bite, nana íáiredífuiái diga. Iemo úradoillafue bite, naa táinona úrillafue diga. Iemo táinona abí ínuafue bite, naa abina onóñenafue diga. ²³ Nana bie figóñedífuiái come erómona bite; billano cómena íaire finode.

*Jíáizie ingo Jesumo ínote
(Mt 15.21-28)*

²⁴ Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide. ²⁵ Iemo fiénidena jóriairedíngo ei, ie íllana raire fidíde. Billano Jesús anamo dújude. ²⁶ Afengo judío ingóñede; jíáizie ingo. Afengo énie mámecei Sirofenicia. Afengo jízamo ite fiénide jóriai óllena Jesumo jicade. ²⁷ Mei íadi Jesús daide:

—Juzíñamui úruiai raire nano fueñe güilleza. Juzíñamui úruiai güille bairoda tóica jico izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiai güillamona, ana cocdíjiaí, güirábani anamo ite jicótiruai güífiredíai, —daide.

²⁹ Ie mei Jesús daide:

—Ua llotio. Iemona ja jáiredio, o jízamo ite fiénide jóriai jae oni jáideza, —daide.

³⁰ Afengo jofomo dúcina llezica, iníramo bíide jízana cide. Fiénide jóriai ja ua aféngomona ñue oni jaide.

Jefona cacáñede gogódimie Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuiái dinedo jaide. Aféniedo jaillano, meine abído Galilea jóraimo dúcide. ³² Afénomo jefona cacáiñede uaina jino figo baiíñedimie Jesumo atídíaiói. Iemo izire jicádíaiói Jesús afémiemo onói bitállena. ³³ Ie jira Jesús náiraímona oni báinino íena uite. Dinomo Jesús dama íe onocái jefona cacáiñedimie jefomo dutade. Ie mei Jesús dama íe onócaímo tuánvano afe úriñedimie íife jetánote. ³⁴ Afe mei Jesús monamo érocaíllanona comeci zúurenmona zegóricaide. Zegóricailano íena daide:

—¡Efata! —daide. Afe uai jino dobáiñvano daína: tújicai.

³⁵ Afe llezica jefona cacáiñedimie jefo tújicaide; íe íife ñue jíllode. Iemona afémie ja ñue úrite. ³⁶ Iemona Jesús íaióina rairuide:

—Jíáimacimo lloñeno iri, —daide. Jesús afe daí dígcacíño íaióina rairuide. Mei íadi Jesús íere rairuide íadi, áfena náfueñeno aféfuena baimo jino llócaídaíói. ³⁷ Iemo nana comini íere jamánomo fáigacaidíaiói. Daidíaiói:

—Nana ñue finode. Afémie jefona cacáiñedimie cacáitate; uaina jino figo baiíñedimiena ñue úritade, —daídíaiói.

8

Jesús cuatro mil diga comini ecade

(Mt 15.32-39)

¹ Aféruíllaido aillo comini meine dáanomo gairídíaiói. Íaiói güille íñede. Ie jira Jesús íe llófuegamaci jírita, íaióina daide:

² —Bie náirairi dúecaidícue. Ja daruíamani benó cue diga itíaiói. Íaiói güille jae íñede. ³ Güíñeno íaiói jofomo orédicuenia, iodo báicena jáitíaiói. Dáarie jicana bitíaióiza, —daide Jesús.

⁴ Ie llófuegamaci uai otíaiói:

—Benó bu íñénaoza ¿minícana íaiói ecáredicai?

⁵ Jesús íaióimo jicánote:

—¿Níga panes ómoímo ite? —daide.

Jira afémaci daídíaiói:

—Siete panes caímo ite, —daídíaiói.

⁶ Ie jira nana comini ana éniemo ráiitate. Iemo Jesús afe siete panes llíinuano, Juzíñamuina “Figora” daide. Daina mei, afe panes ditade. Daí ñeta, íe llófuegamacimo ite. Afe mei llófuegamaci comínido oni fecádíaiói.

⁷ Afémacimo due jiza chamu ite. Jesús Juzíñamuina “Figora” daínano afe chamu fecátate. ⁸ Nana güitíaiói. Iemona ñue jeíredíaiói. Ie mei güíllamona fiébidino siete diga cirigai iráidíaiói. ⁹ Afe güítino cuatro milmo ánoziacade. Afe mei Jesús nana íaiói rainode. ¹⁰ Ráinua mei afémie raire íe llófuegamaci diga nocaemo jofo jaide. Iemo Dalmanuta éniemo jaide.

Fariséuai uai dáinamona comuide onótate raa jicádíaiói

(Mt 16.1-4; Lc 12.54-56)

¹¹ Iemona fariséuai Jesumo júfiduáibitíaiói. Ie facátaiacaidíaiói. Iemona: “Monámona uaido comuide onótate raa caímo ácatari,” daídíaiói. ¹² Iemo Jesús comeci zúurenmona izire zegóricailano daide:

—¿Níbái mei bie nairai uáimona comuide onótate raa jicádíaiói? Uáfuenta ómoímo llotícue, jaca onótate raana bu ómoímo fínoñeite, —daide.

13 Jira Jesús íaiói fíiano meine nocaemo jaide. Iemo jorai enéfénemo jaide.

Fariséuaimo ite pan aillo fáitate raa izóidifuedo Jesús lloite
(Mt 16.5-12)

14 Jesús ie llófuegamaci diga íaiói jailla llezica, íaiói ráiñuai féitatiaíói. Dinó nocaemo fia daa pan íaióimo ite. 15 Iemo Jesús íaiói ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abí omoi rairuiri, —daide.

16 Iemo llófuegamaci dani conímamo llotíaíói:

—Ñibai cai pan iñena jírari, Jesús caina daíi riire daide, —daidíaíói.

17 Jesús dani íaiói úrillana onóillano daide:

—¿Ñibái mei, “caimo pan iñede” dani jofo conímamo daiífiredi omoi? ¿Nai fidíñedi omoi? ¿Nai omoi comécimo déiñede? ¿Omoi comeci nai iere riírede? 18 ¿Omoi uído cióñedi omoi? ¿Omoi jefodo cacáñedi omoi? ¿Nai cue finócafueña onóñedi omoi? 19 Naui cinco mil íñiaíai dígamiedemo afe cinco panes cue fecácamo, ¿niga cirigai fiébidinona iráidi omoi? —daide.

Iemo daidíaíói:

—Doce dígagai cirigai, —daidíaíói.

20 Jesús nane daide:

—Daje izói cuatro mil íñiaíai dígamiedemo afe siete panes cue fecácamo, ¿niga oruide cirigai iráidi omoi? —daide.

Iemo daidíaíói:

—Siete dígagai cirigai, —daidíaíói.

21 Iemo íaióina daide:

—¿Nai omoi comécimo jaca déiñede? —daide.

Betsaida jófue mo ite uina cióñedimie Jesús jíllotate

22 Ja Betsaida jófue mo dúcidiaíói. Iemo uina cióñedimie Jesumo comini atídíaíói. Iena jetánollena izire jicádiaíói. 23 Uina cióñedimie ónoido llínota, jofue jinomo Jesús ie uite. Iemo fue fáicido ie uimo bitade. Afe llezica afémiemo onói bitade. Afe mei iemo jicánote:

—¿Ja baca o ui cioide? —daide.

24 Jira uina cióñedimie érocaillano daide:

—Jii, comini mácana ciódicue, mei íadi uáfodo íaióina cióñedicue. Afémaci aménaíai izói cióidiaíói, —daide.

25 Ie jira Jesús nane dáanomo ie uimo ie onói jóonete. Afe mei afémi riire eroide. Iemo ie ui ja jíllode; ja afémi naga raana uáfodo ñue ciode.

26 Ie mei Jesús ie jofomo ie orede. Iena daide:

—Jófue mo jáiñeno iri. Afénomo ite comínimo, buna lloñeno iri, —daide.

Pedro Jesús Crístona maméinafue jino ñue lloite
(Mt 16.13-20; Lc 9.18-21)

27 Afe mei Jesús ie llófuegamaci diga, Cesarea Filipino éniemo jaide. Afénomo ite jéenide jófuaíai dinedo jáidiaíói. Afe iodo íaiói jáillanomo, Jesús ie llófuegamacimo jicánote:

—Comini cuena ¿nie izói daidíaíói? —daide.

28 Afémaci uai otíaíói:

—Dámierie Juan Bautístadio daide. Jáimíiaíai Elíasdio daidíaíói. Ie jáimíiaíai jáíie uai lloráimadio daidíaíói, —daíi uai otíaíói.

29 Iemo íaióina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bumo llóñeillena.

Jesús ie tíillifue fíditate

(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaioimo lloste. Lluano daide:

—Nanoide íima Jitódicueza íadi iere duere zefuítallícue. Eicomini cuena ruifruítiaioi. Daje izói lletáriraini illaini, ocuícáfue llófueraíni díga cuena ruifruítiaioi. Omoina daidícue, afémaci cuena méineítiaioi. Mei íadi daruíámani íllamona tíllanomona meine abido caífo náidacaitícue. ³² Afefue íaioimo ñue jino lloste. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro llétano daide:

—¡Mai cúemona oni jai! Satanás izóidímiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomo nane Jesús ie llófuegamaci jíríte, nana jíáie comini díga. Íaioina daide:

—Cuedo jáiacadímie mai dama ie comeci jítaina féitari. Féitano cuedo biri. Daí cuedo bíllamona níbai afémie tíadi áfemo comeci fáinide; cuedo bírede. ³⁵ Jaca ninomo íllena, dama ie abi rairuíacadímie dinó jaca raire llícaite. Mei íadi cue ícoínia abi rairuíacañedímie meine jílluano llícaíñeite; daje izói, cue lloga ñúfue ícoínia abi rairuíacañedímie zííñona íite. ³⁶ Mei jíáfodo nana éniemo ite raa cai óiadi, mei íadi afe llezica cai zííñona illícue níne féiadi, ¿nieze canócacai? ¡Canóñegacai! ³⁷ ¿Nieze íbárede da come ie zííñona illafue abido óllena? Íbánide. ³⁸ Mei jíi, dáamie cuena meáíruiadi, abido afémiena meáíruitícue. Daje izói bie mínícana ínoñede fiénidímaci uíecomo cue lloga uaina meáíruitímie, íena meáíruitícue. Mei Nanoide íima Jitódicueza. Uire cue Moo aillo ñue máriedo bíitícue. Nana ie ñuera abi ímaci díga bíitícue. Aféruimo bie éniemo ite cuena meáíruitinona, daje izói íaioina meáíruitícue.

9

¹ Nane Jesús íaioina daide:

—Uáfueña ómoimo llotícue. Benomo itímacimona dáarie nai íaioi tííñenia Juzíñamui aillo ie rínodo ie illáimana íllana cíoitiaioi, —daide.

Jesús abi jíáfodo méidoficaide

(Mt 17.1-13; Lc 9.28-36)

² Seis dígarui íllamona, Jesús Pedro, Santiago, Juan díga uite. Dani dígamie eneno caifónedumo afémie uite. Ja dinomo íaioi eróicana afémie abi jíáfodo méidoficaide. ³ Ie ínícuro quénicuirona jaide, ua iere úzerede jaíllici izói. Bie éniemo finódino íniroina afe izói úzeretanidiaioi. ⁴ Afe llezica Elías, Moisés díga Jesumo úrillana cíodiaioi. ⁵ Jira Pedro Jesuna daide:

—Llófueraíma, níi cai benomo ñue illa. Daámami jofóchupi ómoiena cai finolli, daa óchupi, jíáie Moisés íchupi, jíáie Elías íchupi, —daide.

⁶ Afe dáanomo ie llófuegamaci iere jacínaifcaidiaioi; jacínaillano Pedro nie izói dáinana onóñenano daí daide. ⁷ Afe llezica íaioimo mona uíllie

ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

⁸ Afe llezica, nágafene erórioidiaioi íadi íaioi diga buna cióñena, dama Jesús.

⁹ Idumona ana bitíaiioimo Jesús afe íaioimo ciónafue jíaimacimo llúana rairuide. Íaioina daide:

—Nanoide íima Jitódicue. Uire cue tíllinomona meine abido cáadimiena cue illíruimo afe omoí ciónafuena llóreitiomoi, —daide. ¹⁰ Ie jira aféfuemo dani comécidiaioi. Mei íadi afémie tíllinomona abido cáadimiena illífuena jicánofirediaioi:

—¿Minícana íite? —conímana dani daidíaioi.

¹¹ Ie mei Jesumo jicánotiaioi:

—¿Níbái mei ocuícufue llófueraini daiífirediaioi, caína illáimaite Mesías dainámie uícodo Elías raire biite? —jicánotiaioi.

¹² Afémie uai ote:

—Iere uafue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide íima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. ¹³ Mei íadi ómoína daidicue, Elías ja bite. Dani afémaci óiacana izói afémiemo finódiaioi. Mei Cuegáuai uícodo daina izói, afe izói ja afémiemo zuide, —daide.

*Jesús fiénidena jóríairede dúemie jíllotate
(Mt 17.14-21; Lc 9.37-43)*

¹⁴ Ie mei ja jíaie llófuegamaci illánomo Jesús daámani caifónedumo uigámaci diga meine bitíaiioi. Billano aillo comini íaioimo gairíllana ciódiaioi. Ocuica uai llófueraini dáanomo ite. Afe llezica afémaci Jesús llófuegamacimo júfidotiaioi. ¹⁵ Ie mei Jesuna cióillano iere fáigacaidiaioi. Afémiemo aizícana uáiduaidiaioi. ¹⁶ Ie jira Jesús ie llófuegamacimo jicánote:

—¿Minica afe ocuica uai llófuerainimo júfidotiomoí? —daide.

¹⁷ Afénomo itímacimona daa uai ote:

—Llófueraima, benó omo cue jitó atídicue. Fiénide jóríai afémie uáinino finode. ¹⁸ Náganomo ie jáiadi afe jóríai ie uánona ana dotáfiredo. Ja dínomo fuedo mulléfirede; afe llezica ízie mutúricaide. Iemona ie abí iere naillíbicaide. O llófuegamacimo fiénide jóríai jino óllena jicádicue, íadi afémaci óndiaioi, —daide.

¹⁹ Jira Jesús uai ote:

—¡Aiii, Juzíñamuimo ñnoñedimaci! ¿Nie dínó ómoiri íiticue? ¿Nie dínó ómoína mozióiticue? Bené dúemie atí, —daide.

²⁰ Jira atídiaioi. Afe jóríai Jesuna cióillano, afe dúemie abí meine cuidítate. Cúdiamona afémie éniemo baide. Dínomo jabíoicaide. Fuedo mulléuide. ²¹ Jira Jesús ie moomo jicánote:

—¿Ja nié dño daií íite? —daide.

Jira moo daide:

—Jaca ie dúenamona. ²² Diga ícaño fiénide jóríai afémie iraimo dotáfiredo. Daje izói illemo dotade ie titállena. Minícana cairi o finórenia, mai cairi fino. Cairi dúecari. Cai cano, —daide.

²³ Jesús íena daide:

—¿Ñibái mei “O finóreniadi cai cano” cuena daidío? Daií daiíño iri, mei Juzíñamuimo ínotimiemo naga raa finóredeza, —daide.

²⁴ Ie jira afe úrue moo caillíoicaide:

—¡ínoticue! Cue cano jamánomo cue ínolleza, —daide.

²⁵ Jesús aillo comini ofíllana cióillano, fiénide jóríai riire lletade. Daide:

—Uáinitade jóríai, cacáitañede jóríai, o jino jáillena ja ocuídícueza, ¡jai! ¡Bie úrue fáinocai! Meine abído íena oñeno iri, —daide. ²⁶ Iemona jóríai caillide; cáilliano dúemie meine nane riire cuidítate. Cuidítajano oni jaide, íadi afe dúemiena tíide izóí finode. Jira aillo comini:

—Ja tíide, —daidíai. ²⁷ Mei íadi Jesús ónoído líinota caifo dúemiena naidánete. Iemona afémie ñue jílloa náidacaide.

²⁸ Ie mei Jesús daa jofomo jofo jaide. Afe mei ie llófuegamaci eneno íemo jicánotiaíoi:

—¿Ñibái mei fiénide jóríaina ónidícaí? —daidíai.

²⁹ Jira Jesús daide:

—Bie izóí jóríai dama Juzíñamuimo úrillado, íemo fímaírrillado jino orérede, —daide.

Jesús ie tíillí fue meine fídítate

(Mt 17.22-23; Lc 9.43-45)

³⁰ Afémona íai. Jai llano Galilea éniado jáidiaíoi. Jesús báinino jáiacade bu ónoñeillena. ³¹ Mei aféruillaído Jesús ie llófuegamacimo llófullofuedeza. Afémiemo zúillí fue íai. Iemo llote. Lluano íai. Iena daide:

—Nanoide íima Jitódícueza íadi uire náiraímo izájillí cueza, cue íai. Iena fállena. Mei íadi daruíámani cue tíillanómoma meine abído cáadímiena íitícue, —daide. ³² Mei íadi afémaci ie daínana onóñediaíoi. Daje izóí íemo jicánuana jacíruitiaíoi.

¿Bu íere jamánomo áillomiena?

(Mt 18.1-5; Lc 9.46-48)

³³ Iemo afémaci Capernaumo dúcídiaíoi. Jofomo íai. Iena illa llezica, Jesús íai. Iemo jicánote:

—¿Mínícafue íomo júfidotí. Iemo? —daide.

³⁴ Mei íadi jaca uaina oñediaíoi. Mei jae íodo júfidotiaíoi, ¿bu cáimona jamánomo áillomiena illa? ³⁵ Ie jira Jesús ana ráinaíllano, ie doce díga llófuegamaci jírite; daide:

—Dámie raíre uíécodo áillomiena jáiacaniadi, nano fueñe íere jamáimiena írede; daje izóí nana comini canóraímana írede, —daide.

³⁶ Iemona Jesús daa úrue líinuano íai. Iena cígímo jónete. Ie mei ie ónoído íena líirínuano comínina daide:

³⁷ —Bie úrue cue mámecido líinotímie dájena cuena líinote. Daje izóí cuena líinotímie dama cue líinoñede, mei íadi cue orédímiena cue abído líinote, —daide.

Caina éoñedímie cai díbenemo íte

(Mt 10.42; Lc 9.49-50)

³⁸ Iemo Juan Jesuna daide:

—Llófueraíma, dámie cíodícaí o mámecido fiénide jóríai jino orede. Mei íadi caído jáíñena jira íena raíruídícaí.

³⁹ Mei Jesús daide:

—Rairuñeno iri. Mei daií cue mámeçido ciórainina raa finódimie ñüemie. Daií finódimie afe finua méifomo raire cuedo fieni úrinide. ⁴⁰ Mei caina eoñedimie ua cai dibéfodo itímie. ⁴¹ Jiáie come cue mámeçido omoi jirótaadi, mei Crístomo omoi jainaina jira, afe jirótatimie uáfuenta ie jiríddolle raa llíinoite, —daide.

Fiénidifuego baiñlena iere jacírede

(Mt 18.6-9; Lc 17.1-2)

⁴² Jiáie come, bie cuena ínnote dúemie fiénidifuego baiñtaiadi, afe come fiénide. Baiñtatimie mona figura, cimoimo áillue noñcina cúinano monáillaimo dotárede. ⁴³ Dama o onoi fiénidifuego o baiñtaiadi, afe o jaitari. Júbezi onoi diga ziiño ñue illafue Juziñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaadi, iere figóñede. Afénomo ite irai dúitanide. ⁴⁴ Afénomo ite aigíroiái tíñediaioi; afe aigíroi, afeno itímacina ziiñona duere finoitiaioi. Afe irai jaca dúíñede. ⁴⁵ Daje izói o idai fiénidifuego o baiñtaiadi, áfena jaita. Júbene ídainide o illa llezica ziiño ñue illafue Juziñamuimona o maiñóadi, jamánomo ñuera. Mei jiáifodo iraimo o dotábicaadi ñue mena ídairedimie o íadi, iere figóñede. Afénomo ite irai dúitanide. ⁴⁶ Afénomo ite aigíroiái tíñediaioi; afe aigíroi, afeno itímacina ziiñona duere finoitiaioi. Afe irai jaca dúíñeiteza. ⁴⁷ Daje izói o uiji ona íaidaitadi, mai afeji cuerónori. Ua júbene fiidimie Juziñamui illáimana illánomo o jáiadi, jamánomo ñuera. Mei íadi nágaillinoi ujjiredimie o illa llezica, iraimo o dotábicaadi iere figóñede. ⁴⁸ Afénomo ite aigíroiái tíñeitiaioi; afe aigíroi afeno itímacina ziiñona duere finoitiaioi. Afe irai jaca dúíñede.

⁴⁹ Mei nana fia fecaca Juziñamui íóbitalle jobaica rílleniaimo salna jónefirediaioi, afe fecaca rille ñue íllena. Daje izói nana raamo cai jírinafuiaido ñue íredicaí. Aféfuiaí irai come uzilla izirena izói caina izi cácataite, Juziñamui anamo ñue cai íllena. ⁵⁰ Sal ñuera; mei íadi afe sal ie cáimana féiadi, ¿miníçado afe sal meine abido cáimacaitarede? Mai dani conímaiaina caimátaillafue dibénemo omoi iri. Afe llezica comeci caimare uái illáfuego dani conímaiaina ífireiri.

10

Jesús, naga come ie aina oni dóтана rairuide

(Mt 19.1-12; Lc 16.18)

¹ Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido gairízaíbitiaioi. Iemona Jesús ie ífirena izói íaioina llófuede. ² Iemo fariséuaimona dáarie Jesuna fieni facátaíbitiaioi. Jesumo jicánotiaioi:

—¿Mei nibai dáamie ie aina oni dótajana rairuírede, nibai ráiruiñega? —daidíaioi.

³ Iemona Jesús uai ote:

—¿Ñie izói Moisés ómoína ocuide? —daide.

⁴ Jira íena daidíaioi:

—Moisés llote, dáamie ie aina oni dotáacanamoná, afémie dinena aféngona “jae ai oni dotaina rabe” cúere. Ie mei daií oni dotárede, —daidíaioi.

⁵ Iemo Jesús íaioina daide:

—Moisés afe uaina ómoimo llote, mei omoi começi ifue iere riíredeza. ⁶ Mei íadi nano fueñe, Juzíñamui nana ráaniaina comuítaja llezica, “afémie iima ringo diga íaillinoína comuítate.” ⁷ “Te jira naga iima, ie ai úamona, ie moo ei diga fiénocailano, oni dáanomo íitiailinoi. ⁸ Daí ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza. ⁹ Te jira Juzíñamui dáanomo jónegaiaillinoi, comini oni dotánide, —dinori Jesús daide.

¹⁰ Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiai. ¹¹ Jesús íaioína daide:

—Afe ai oni dotádimie jáie ai óllena, dotaca ringo dibénemo afémie jiruifue finode. ¹² Daje izói ini oni dotádingo jáímie mo iníreillena, afengo jiruifue finode.

Jesús úruiai ñue íllena finode
(Mt 19.13-15; Lc 18.15-17)

¹³ Te mei Jesumo úruiai atídiao, íaioimo ie onoi bitállena. Mei íadi llófuegamaci atídinona rairuide, íaioi átíñeillena. ¹⁴ Jesús áfena cióllano ríicaide; jira íaioína daide:

—Rairuíño iri. Fáinocai úruiai cuemo bílleza. Íaioína llótaidoño iri. Juzíñamui jaináidino ua afe bie úruiai izói itiaioiza. ¹⁵ Uáfuena ómoína daidicue, Juzíñamui illáimana íllana jíeruiredicai. Uruiai áfena jíeruilla izói jíeruiredicai. Mei íadi nana afe izói jíeruinedinona Juzíñamui ie caimare illínomo jofó óreñeite.

¹⁶ Iemo úruiaína llirínuano, ie onoi íaioimo bitano íaioína ñue finode.

Ráarede jitócome Jesús diga úrizaibite
(Mt 19.16-30; Lc 18.18-30)

¹⁷ Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izói íiticue zíñoña cue illino cue óllena? —daide.

¹⁸ Jira Jesús daide:

—¿Ñibái mei cuena fígomie daidío? Ímamona buna fígomiena iñede. Dama Juzíñamui fígomie. ¹⁹ Ocuícafuiaína onódio:

“Jíáima ai diga iñoño iri;

come fañoño iri;

meríríñoño iri;

bumo taino lloñoño iri;

jíáima jífueñoño iri;

o moo, o ei diga ñue cacáreiri,” —Jesús daide.

²⁰ Afémie uai ote:

—Llófueraima, nana aféfuiaína cue jitócomenamona jeire ófiredicue.

²¹ Jesús afémiemo éroicaillano íena izíruite; daide:

—O dafue nai jeire oñedio. Mai nana omo ite raa fécajiri. Fécajano afe iba dúeredimacimo ine. Iemona jamánomo jirídolle izoide raa monamo omo iite. Daí o finolle mei, cuedo bii. Mei cuedo o bíllamona o tíadi, áfena náfueñoño benó biri. Coco jai, —daide.

²² Mei íadi áfena cacáillano, afe iima zúucaide. Ua zuure oni jaide, aillo ie ráaniai illa jira. ²³ Te mei Jesús abido comínimo éroicaillano, ie llófuegamacina daide:

—¡Nñí féirena ráaredimie Juzíñamui illáimana illáruimo jofo jáillena! — daide.

²⁴ Jira llófuegamaci aféuairi iere fáigacaidiaioi. Jesús meine nane daide: —¡Uruiai, nñí féirena úcubena ínotino Juzíñamui illáimana illáruimo jofo jáillena! ²⁵ Camello eedo uífodo jailla jamánomo juánide, mei íadi ráaredimie Juzíñamui illáimana illáruimo jailla iere juárede, —daide.

²⁶ Afena cacáillano, jacínaificaidiaioi. Dani conímamo jicánotiaioi:

—¿Mei bu jílloille? —daidíaioi.

²⁷ Jesús íaioimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana íñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidicai o diga cai jáillena, — daide.

²⁹⁻³⁰ Jira Jesús uai ote:

—Uáfueña ómoína dáitícue, naga come cue ícoínia íemo cue lloga jíllonafue ícoínia diga, ie jofo, ie ámatiai, ie mirínguai, ie moo, ie ei, ie jítótiai, ie jacáfaiai dieze afémie fiénocaiadi, uáfueña meine llínoite. Ja bie éniemo cien dígacaíño afe baímo jofue, ámatiai, mirínguai, éitiai, jítótiai, jacáfaiai llínoite. Uafue, dieze llínoite duere zefuúllafue diga íadi. Ie mei monamo zíñona illino llínoite. ³¹ Aillo biruúllaido nánoraimaci uire ódaidímacina jáitiaioi. Daje izóí aillo biruúllaido ódaidímaci uire nánoraimacina jáitiaioi, —daide.

Dáanomo Jesús ie tíllifue lloté

(Mt 20.17-19; Lc 18.31-34)

³² Ja Jerusalén iodo jáizaidiaioi. Jesús ie llófuegamaci uícodo jaide. Comeci iere facábicaidiaioi. Jáíe íedo jáidino jacíruioicana afémiedo jáidiaioi. Jira Jesús doce diga llófuegamaci eneno uáidote. Ianori íllamona íemo finóllifueña abído íaioimo lloté. ³³ Daide:

—Mai omoi cacai. Nanoide íima Jitódicueza. Jerusalemo jáizaidicai. Mei íadi dínomo lletáriraini illáiniaimo izájillicue. Daje llezica ocuica uai llófuerainimo izájillicue. Iemo afémaci cue titállena ócuitiaioi. Onínemacimo cuena izájitiaioi. ³⁴ Cueri jifánodoítiaioi. Cuena tícoítiaioi. Cue túallaitiaioi. Cue títaítiaioi. Mei íadi daruíamani íllamona tíllanomona meine abído cáadimíena íitícue, —daide.

Santiago Juan diga uire úcoinafue Jesumo jicádíaillinoi

(Mt 20.20-28)

³⁵ Afe mei Zebedeo jító íaillinoi Santiago Juan diga, Jesumo jícajidiaillinoi; daidíaillinoi:

—Llófueraima, coco jicalle jítaigafueña cócomo lloiri, —daidíaillinoi.

³⁶ Iemona Jesús íaillinoína daide:

—¿Mínica mei ómicoimo cue finóllena jítáidíomícoi? —daide.

³⁷ Iemo íena daidíaillinoi:

—Uire o ebírede illáimana illíruido, cócomona dáamie o nabézimo, jáímie o jarífezimo cócona o ráinatari, —daidíaillinoi.

³⁸ Iemona Jesús íaillinoína daide:

—Daií jicádiomicoi íadi abina onóñediomicoi. Cue duere zéfuillifue izói, ua erírede jirolle júrua izói, ¿zéfuirediomicoi? Daje izói cue izire tíizaillifue izói, ¿tíizairediomicoi? —daide.

³⁹ Iemo uai otíaiillinoi:

—¡Je mei! Afena ocuiredicoco, —daidíaiillinoi.

Jira Jesús íaillinoína daide:

—Uáfueña dáitícue, cue duere zefuillifue izói, duere zéfuitiomicoi. Cue izire tíille izói, tíitiomicoi. ⁴⁰ Mei íadi cue nabéfenemo, cue jarífenemo ómicoi ráinallena, cúemona llónide. Afe ráinallino dama Juzíñamui maméinamacimo dúide, —daide.

⁴¹ Jiáie diez diga llófuegamaci afefue cacáillano, Santiago Juan dígamo icírítiaioi. ⁴² Iemo Jesús íaioina júrillano, íaioina daide:

—Onódiomoiza, náiraiaimo illáimaifiredino riire ocuídillaini dani jáidiaioi, comínina náamatallena. Aféllaini cígiri ite ríimaci, íaioi ríinona izire comínimo cácatatiaioi. ⁴³ Mei íadi omoi cígiri afe daií íñeitiomoi. Mei jiáifodo omoi dibénemo illáimana íacadimie, omoi canófredimiena jáirede. ⁴⁴ Daje izói ómoimona ocuíacadimiena íacadimie, nana jiáimaci anamo íaioi táijitagamienna írede. ⁴⁵ Mei jii, Juzíñamui oreca Nanoide íima Jitódicueza. Mei íadi jiáimaci cuena canóllena biñédicue. Mei jiáifodo nana comínina cánuaiibitícue. Uafue áillomaci íaioi fiénidifueмона zuitalle izói, íaioina cue jílloallena tíizaibitícue, —dinori Jesús llote.

Jesús uínidimie Bartimeo jílloate

(Mt 20.29-34; Lc 18.35-43)

⁴⁶ Jae Jericomo dúcidiaioi. Afe jófueмона Jesús jino jáidemo ie llófuegamaci diga, naa aillo comíniri, uínidimie io fueмо ráiide. Afémie Tímeo jító, Bartimeo. Dino afémie úcube jicáfiredo. ⁴⁷ Nazaret ímie Jesús ánozillano fidíillano, uínidimie júrioicaide:

—¡Jesús, jaiaí illaíma David Jitó, cuemo dúecai! —daide.

⁴⁸ Aillo comíni íena rairuídíaioi ie llícaillena; íadi jaca nai jamánomo júrioide:

—¡David Jitó, cuemo dúecai! —daide.

⁴⁹ Je jira Jesús uái náidaillano daide:

—Afémie uaido, —daide.

Jira uínidimie uáiduano íena daidíaioi:

—Abi mame. Náidacai. O uáidoteza, —daidíaioi.

⁵⁰ Jira ie emódodiroi duíñuano íere raíre náidacaillano Jesumo bite. ⁵¹ Jira Jesús íemo jicánote:

—¿Mínica omo cue finóllena jítáidío? —daide.

Jira uínidimie uai ote:

—Llófueraíma, cue úreacadícue, cue eróillena, —daide.

⁵² Jesús íena daide:

—Mai o jairi. O ínuamona jae jílloñoza, —daide.

Afe llezica uínidimie cíode. Iemona Jesús jáillado afémie jaide.

11

Jesús illáimana Jerusalemo jofo jaide

(Mt 21.1-11; Lc 19.28-40; Jn 12.12-19)

¹ Jerusalemo áinozillamona, Jesús mena llófuega íaillinoi uícomo orede. Jae Betfagé jofue, íemo jíái Betania jofue diga áinomo itíaiói. Dáanori Olivo daina ídumo itíaiói. Íaillinoi óriano daide:

² —Uícomo íte duera jófueмо ómicoi jai. Omicoi dúcille llezica cuinaca duera búrrona cíotiomicoi. Nai áfedo buna ráilñena. Zúitajano cuemo ati. ³ Bu ómicoimo jícanoíadi ¿ñibái ómicoi zuitaca? íena dáitio: “Ocuíraíma Jesús jitailla jira. Ie mei raíre meine omo atille,” —daide.

⁴ Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi. ⁵ Dáamie dino itínomona íaillinoína daide:

—¿Mínica ñetiomicoi? ¿Ñibái burro zuitádiomicoi? —daide.

⁶ Jira uai otíaiillinoi Jesús íaillinoína daina izói. Ie jira:

—Jii, mai ui, —daídiaíoi.

⁷ Iemona búrrona Jesumo izájidiaillinoi. Izájillano íaiói inícuirona burro emodo jobédiaíoi. Ie mei dínomo Jesús caífo ránade. ⁸ Aillo comini íaiói iníroi iomo jobédiaíoi. Jáímaci íbiaírede amena rábaíllai otá iomo jóonetiaíoi. ⁹ Uícoídímaci ódaídímaci diga jírioiacidaíoi:

—¡Ebírede! ¡Juzíñamui mámedido bitímie caimáreficairi! ¹⁰ ¡Como íacade illáimana illino caimare comuiri! ¡Ua cai jaiáigima comuídímie David illáimana illino ñue móonairi! ¡Juzíñamui ebírede rafue daíri! —daídiaíoi.

¹¹ Ja daí Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

Jesús llizíñede higuera daina amena faidode

(Mt 21.18-19)

¹² Afe jíáíruido Betániamona jino abído billano, Jesús jufíruite. ¹³ Macádiaíoiimo ñue íbiaírede higuera aménana Jesús jícana cíode. Iemona dínomo jaide afénamona ñibái ie llizíllajiaína óllena. Mei íadi Jesús dúcillano, hígojiaína baíñede. Afe amena táinona íia íbiaírede, mei aféruimo hígonino nai dúciñedeza. ¹⁴ Iemo Jesús afe aménana fáiduano daide:

—Jaca benómona buna bie amena llizíñenamona ie llizíllajiaína ríeñeiteza, —daide.

Daí ie dáinana ie llófuegamaci cacádiaíoi.

Juzíñamui gairíraco Jesús duano ñue finode

(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidiaíoi. Juzíñamui gairíracomo Jesús jofo jaillánona, dínomo ráaie fecáдино íbároidíno diga jino júuaide. Ucube méidoraini ibani Jesús caitade, fíicirillai fecáдино ráíranaíai diga. ¹⁶ Afe gairíracomo buna mínícana úiñellena afémie rairuide. ¹⁷ Íaiói llófuete:

—Juzíñamui Cuegáuai daide: “Cue jofo ua nana náiraímo Juzíñamuimo úrille illácona mameide,” mei íadi merítitino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafueña fidídiaíoi. Iemona afémie fállena jenódiaíoi. Iena jacíruitiaíoi, afémie llófueinafueri nana nairai íere fáigacaideza. ¹⁹ Ja nauízaidemo Jesús afe jófueмона jino jaide, naa ie llófuegamaciri.

Naui ciona higuera amena jae zaférede dúraína jaide

(Mt 21.20-22)

²⁰ Afe jiáiruido, jítiramo meine abido Jerusalemo íaioi billano, nau ciona higúerana abido ciódiaioi, mei íadi birui afe amena nana ie jáinauairi zaférede duiraina ja jaide. ²¹ Iemo Pedro comeci uibicaillano, Jesuna daide: —¡Llófueraima, eró! O faidoca higúerana ja duiraina zaféreficaide, — daide.

²² Jesús íaioimo uai ote:

—Juzíñamuimo mai omoi ínofireiri. ²³ Uáfueña ómoína dáititue, dáamie jizíñeno nana ie comécido ínuamona, bie caifóneduna ocuícana daíadi, “Benómona oni ii; jóraimo dotábicairei,” afe ie dánana ua zúite; afémie jeire ua llezica, afefue daí afémiemo íficaite. ²⁴ Ie jira ómoína dáititue, Juzíñamuimo omoi úrillano jicaca raa, ja nibai o llínoga, áfena mai o ínofireiri. Iemona afe jicaca raa óitiomoi. ²⁵ Nágaruido Juzíñamuimo o úriadi, jiámiena o éoiadi, mai íemo o comécimo ite íaifue féitari. Daí o finori, monamo ite omoi Moo Juzíñamui ómoimo ite íaifuiadi dóllena. ²⁶ Iadi o abi ímie iba omoi óiadi, monamo ite omoi Moo Juzíñamui, ómoimo ite íaifuiaina dóñeite.

Jesumo ocuille uai ite

(Mt 21.23-27; Lc 20.1-8)

²⁷ Iemo Jerusalemo abido bitiaioi. Jesús gairíracomo maca llezica, lletáriraini illaini íemo ánozidiaioi. Afe llezica ocuica uai llófuetino afémiemo gairídiaioi, éicomini diga. ²⁸ Nana íemo jicánotiaioi:

—¿Bífuiai ínuana, bu o ocuilla? ¿Bu ríinodo bie raa finódio? —daí daidíai.

²⁹ Jesús íaioi uai ote:

—Omoimo daa rafue jicánoitue. Cuemo uafue omoi llóadi, bífuiai cue finoca ríino ómoimo llóitue. ³⁰ ¿Bu mei ocuica báutizallena Juan? ¿Juzíñamui nibai ocuica, nibai comini? Mai fáirio, —daide Jesús. ³¹ Ie mei afémaci dani júfidotiaioi; daidíai:

—Juzíñamui ocuica cai daíadi, Jesús caina fairíoite: “Iemona ¿nibái mei íemo ínoñediomoi?” ³² Mei íadi comini ocuica, daínidicai, —daidíai.

Comínina jacíruillano daí úritiaioi. Ja onódiaioiza, nana comini Juamo ñue comécidiaioi: “Ua Juzíñamui uaido Juan úrite,” daidíai.

³³ Iemona Jesuna daidíai:

—Onóñedicai, —daidíai.

Ie mei Jesús íaioina daide:

—Nie ríinodo bie raa finódicue, daje izói ómoimo llóñeiticue, —daide.

12

Comini fáfirede tájidino jiáifuena caina onótate

(Mt 21.33-46; Lc 20.9-19)

¹ Iemona Jesús íaioi onógafuiaido íaioimo úrizaide; íaioina daide:

—Nauí dáamie jíriconai izoide raa rizájide. (Afe jírícue izoide raa rínano viñédona mameina.) Afémie afe rillano ie abi cirínora finode. Ie mei afe jíricono eroide úvaii zaizíracó finode, afe llizilla iji íaioi óllena. Nane are caifo jacafai cigi úíñoraco afémie nite, afe rigano ñue úíñollena.

‘Ie mei afe énie naama dáarie tájitagano ie rigano fecade, áfena íaioi úíñollena. Afémie daí fécano oni jica jiáie éniemo jaide. ² Jíriconino llezica, ritímie ie ocuícámie afe tájitagamacimo orede, íeiena mameide llizíllajiai

díeze óllena. ³ Mei íadi afe uáibitimiéna llaitádiaioi; lláitano íaioi faga. Daií ñeta ria íemo fecáñeno oni íena oré diaioi. ⁴ Ie jira afe naama nane jiáie ocuícamié orede. Mei íadi afe orécamiéna nóñiedo níjidiaioi. Níjiano ie ifona íaioi bofeca. Iemo fiéni íena úritiaioi. ⁵ Daje izóí nane jiáimie orede. Afémie íaioi titaca tíide. Afe mei diga icaíño aillo jiáie ocuícamiái dínomo oréide. Afe orécamacimona dámié rie fia faga; jiáimaci tícoizitiaioi.

⁶ Nai dáamie naama dibénemo ite. Daa afe naama jitona fiébite; iere ie izíruigamie. Iiraicaíño ie jitó orede. Comeci facade: “Afémaci ñue íemo coméicillano íena ñue ínoitiaioi; ie daina uaina jeire óitiaioi,” daide.

⁷ Mei íadi táijitagano daií afémaci úritiaioi: “Bímie níbai ie moo feci raa máíñoitimie. Mai ie cai faa, ie mei cai náamatallena.” ⁸ Ie jira íaioi llaitaca; íaioi titaca tíide. Ie mei ie abi raiñeno afénomona oni dotaca.

⁹ Ie mei Jesús jicánote:

—¿Ñie izóí bie énie naama afe fiénidínona fínoite? Billano afe táijitaganona títaite. Ie mei afe jíricore izóidíno jiáie úíñoraímacimo fécaite.

¹⁰ ¿Jaiái Cuegáuaina nai facádoñediomoi? Afe uai bie izóí daide:

Jofo níraíni oni fádoíca nóñie, ja ñuera jíálliraina jaide.

¹¹ Bie cai Ocuíraíma finoca.

Iere jamánomo ebire caímo cíoide.

Dinori Jesús úrite.

¹² Iemona Jesuna llaitáacadiaioi, llavéllena. Mei ja onódiaioiza, Jesús bie onóigafuedo íaioina uáitate. Mei íadi comínina jacíruillano, Jesús jetáñeno íena fiédiaioi. Fíiano oni jiáínomo jáidiaioi.

Gobierno íbátaga úcube cai íbállena Jesús llote

(Mt 22.15-22; Lc 20.20-26)

¹³ Afe mei fariseo illáicomíni afémacimona dáarie Jesumo oré diaioi. Daje izóí Heródemo jaináidínomona oré diaioi, Jesuna úritallena, afe ie uaído taino íeri nitállena. ¹⁴ Bimaci billano íena daídíaioi:

—Llófueraíma, onódicaiza jiáimaci ie lloga uai ínoñeno, o jaca uáfuena úrifiredio. Comíni jínofene ciona izóí riire jicánoñedio. Mei jiáífodo Juzíñamui lloga cai ñue illafue jífueñeno jino llófuetio. ¿Mei iere riiredillaíma ocuica úcube íemo fecáredicai, níbai fecánidicai? ¿Afe cai fecállifue figora, níbai figóñede? —daídíaioi.

¹⁵ Mei íadi Jesús íaioi uáfodo úriñenafuena onode. Ie jira íaioina daide:

—¿Níbaí mei cue jánari táinona úritiomoi, cue llaitállena? Daa úcubetuni cuemo ati, cue eróillena, —daide.

¹⁶ Afétuni atí diaioi. Afe eróillano Jesús íaioímo jicánote:

—Bie uíéco jana, ¿bu ie? Benomo cuega mámecei ¿bu ie? —daide.

Afémaci fairíotiaioi:

—Riiredillaíma ie, —daídíaioi.

¹⁷ Iemo Jesús íaioina daide:

—Ríillaíma ie raa íemo abido ine. Daje izóí Juzíñamui ie raa íemo abido ine, —daide.

Afémacina ie dáinari iere comeci jiáíffocaidiaioi.

Tíidino meine abido cáadena íllena jicánotiaioi

(Mt 22.23-33; Lc 20.27-40)

¹⁸ Ie mei saduceo imaci dáarie Jesumo úrizaidiaioi. Bimaci tíidino meine abido cáaillena lloñédiaioi. Ie jira bie taino lloga rafue Jesumo jicánotiaioi. Nai jicánoñenia fueñe daidíaioi:

¹⁹ —Llófueraíma, Moisés jaiáimona caimo cuegáuai daide: Daa íma áiredímie ie úrue nai íñena llezica tíadi, ie ama afe ofaiño óite. Aféngomona daa jitó comuírede ie ama tíidímie íena. Daií daina mei jicánotiaioi:

²⁰ ‘Mei nauí siete dígade ámatiai cai cígimo ite. Nanóidímie áirede. Afémie jitónino tíide. ²¹ Nanóidímie emodo ímie ie ama fecingo ote. Daje izói jitónino tíide. Daje izói nanóidiaillinoi emodo ímie afe fecingo uano jitónino tíide. ²² Nana afe siete dígamíai nanóidímie fecingo otíaioi. Afémacimona daa jitona comuíñede. Afe ícoimo afe fecingo tíide. ²³ Ie jira meine abido cáailiruimo ¿bumo afengo dúide? Mei siete dígamie daango otíaioiza, —daidíaioi.

²⁴ Mei jira Jesús fairíote:

—Omoi onóñeno fieni comeci facádotíomoi, mei Juzíñamui Cuegáuaina onóñediomoiza. Daje izói ie ríinona onóñediomoiza. ²⁵ Mei tíidino meine abido cáaille llezica aina óñeitíai. Afe izói íaiói jízaniaina iníretatañeitíai, mei monamo ite Juzíñamui abi imáciai izóitiaioiza. ²⁶ Mei íadi tíidino meine abido cáailífue dibénedo llogáfueña ¿nai facádoñediomoi? Afefue Moisés cuegánicomoi ite. Aféruimo Juzíñamui Moísemo boode raroci cígido úrite. Bie izói íena daide: “Dáanomoi Abraham ínoga Juzíñamuidícue, Isaac, Jacob diga, mei biruí afémaci cue illánomoi cue diga cáadiaioiza,” daií Juzíñamui daide. ²⁷ Iemo Jesús nai daiíoi: Mei ua íñédino Juzíñamuiñedeza; mei íadi jíáifodo cáadimaci ie Juzíñamui. Daií bífueña omoi baitáñenia iere féiraitíomoi, —Jesús ja dínomoi daide.

*Iere jamánomoi íñorede caimo ocuica uai
(Mt 22.34-40)*

²⁸ Afe dáaruido ocuica uai llófueraínimona dáamie Jesumo dúicide. Jesumo gairídino nana Jesús diga úrilla uaina afémie cacade. Daje izói Jesús ñue íaiói uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomoi íñorena? —daide.

²⁹ Jesús ie uai ote:

—Nana ocuica uáimona bie iere íñorede nánora uai: “Israel, mai omoi cácarei. Cai Ocuíraíma Juzíñamui jaca daade. ³⁰ Mei jira nana o comécido o Ocuíraíma Juzíñamuina izírui. Daje izói o comécimo ite joreño diga izírui. Daje izói nana o ífo úrilla uaido íena izírui. Daje izói nana omoi ite ríinodo íena izírui.” Be ñie nánora ocuica uai. ³¹ Afe méifoide ocuica uai daje izói jóide. Afe uai daide: “Dama o abi o izírui ína izói, afe izói o aino ímiena mai izírui.” Jíáie ocuica uai izoide bie baimo íñede, —daide.

³² Iemona Ocuica uai llófueraíma daide:

—¡Ie mei! Llófueraíma, ñue daidí. O daina uafue. Uáfueña Juzíñamui daade. Afémie baimo jíáimiena íñede. ³³ Daje izói afémiena nana cai comécido izírui ñueña. Ie llezica nana cai ífoci úrilla uaido íena izírui ñueña. Ie llezica nana cai comécimo itífuiaido íena izírui ñueña. Ie llezica nana caimo ite ríinodo íena izírui ñueña. Daje izói cai abi ímiena dani cai abi izírui izói, afe izói íena izírui jítáirede. Bie izói cai

izíruilla, aillo ráifide. Ua, nana fatá Juzíñamuimo fia fecaca rílleniai baimo ráifide, nana Juzíñamui íobitallena jobaica rílleniai dîga, —daide.

³⁴ Iemona baitádimie izóí afémie ie fairíua uaina cacáillano, Jesús íena daide:

—Juzíñamuimo dúillena ímiena íanori itio, —daide.

Afe mei jacíruillano buna jíáfúena Jesumo jicáñoñediaioi.

¿Bu jító Cristo? Jesús dama jicánote

(Mt 22.41-46; Lc 20.41-44)

³⁵ Jesús gairíracomo llófullofúena llezica, comínimo jicánote:

—Onódiomoiza ocuica uai llófueraíni “Cristo David jító” daiífirediaioi.

¿Nie izóí daiírede? ³⁶ Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenollíruimo,” daií David daide.

³⁷ David Crístona “cue Ocuíraíma” daiíadi, ¿nie izóí afe llezica Cristo ie jítóna írede? —daide Jesús. (David emodo imácimona Cristo cómuide.)

Aféruído aillo comini, caimare Jesús úrilla cacáreizaíbitiaioi.

Ocuica uai llófueraíni fieni illafue Jesús jino comínimo llote

(Mt 23.1-36; Lc 11.37-54; 20.45-47)

³⁸ Jesús llófullofúena llezica íaioina daide:

—Ocuica uai llófueraínimona abí omoi rairuirí. Afémaci árrera ñuera íncuíro jítano comini uíecomo mácafírenana gáidiaioi. Afe llezica íaioi anamo comini fecáracuaimo ñue jacíruioicana íaioi uáiduana gáidiaioi. (Daje izóí comini íaioi daináuai jíeruillena gáidiaioi.) ³⁹ Afémaci Juzíñamui uai llófueraicomo ite ñuera ráíiranona raire jíáimaci uíecodo jenófirediaioi. Afe izóí comini íráiziracomo íráiziadi, afémaci íere ñuera ráíirano uíecodo maiñófirediaioi. ⁴⁰ Afémaci fecínguai jofue naa íaioi raari bairófirediaioi; mei íadi comínimo jíáfodo afémiai cíoillena, are Juzíñamuimo úrioidiaioi, comini éroilla llezica. Afémaci íere jamánomo duere finócamacina jáitiaioi, —daide Jesús.

Dúerede fecingo fecaca úcube jamánomo ñuera

(Lc 21.1-4)

⁴¹ Iemo Jesús Juzíñamuimo gairíracomo ráíicana eroide. Ucube dotáranu uícomo ráiide. Comini afénomo úcube dótajillamo eroide. Íere ráaredino aillo úcubena dotádiaioi. ⁴² Bie llezica fecingo dúeredíngo mena úcubetuni dótábite. Bituni íainguai ‘cobre’ íe; íere due ráifide centavo izoide. ⁴³ Ie mei Jesús íe llófuegamaci jíirillano íaioina daide:

—Uáfúena ómoimo llotícue. Bie dúerede fecingo úcube jóoneracojimo dotaca úcube, íere jamánomo jíáimaci afénomo dotaca úcube baimo jaide. ⁴⁴ Nana jíáimaci úcube fiévide államona dotádiaioi, mei íadi afengo dúeredíngo íadi, nana aféngomo ite úcube íe iga. Afengo güille óllena úcubena nana afengo ja dotaca, —Jesús daide.

13

Gairíraco uire júdaillena Jesús íe llófuegamacimo llote

(Mt 24.1-2; Lc 21.5-6)

¹ Jesús gairíracomona jino billa llezica, íe llófuegamacimona dáamie íena daide:

—Llófueraíma, ¡bie iere ñuera nófiemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófue mo ñue omoi eroi. Benomo daje emódomo nófiena fiebiñeite. Nana oni júdaille, —daide.

Iirairui uícodo úitífuiai

(Mt 24.3-28; Lc 21.7-24; 17.22-24)

³ Afe mei Olívona mameide ídumo jáidiaioi. Gairíracó uieco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

⁴ —Nana bífuiai o daína júdaille zuíllaruina onóiacadicaí. Mai caimo llone. Nana bífuiai fúiacana ¿nie izói caina onótaite? —daidiaioi.

⁵ Jesús uai ote:

—Bu omoi jífueñeillena, ñue abí omoi rairuiri. ⁶ Aillo cue mámecido imaci abí jítanó bíitiaioi. “Cristodicue” daínano bíitiaioi. Afémaci aillo comínina jífueitiaioi.

⁷ Mei íadi aillo ánorí ite fuiríllafuena, íemo jica ite fuiríllafue diga omoi fidíadi, omoi jacínaiñoeno iri, mei afe daí íredeza. Mei íadi nai íirairuíñedeza. ⁸ Mei aféruimo daa nairai jíai náiraímo fuirízaita. Afe llezica dáazie jíáziemo jobáirizaita. Aféruillaído diga illánomo énie riire dócaite. Dáaruído aillo júbie diga éniiaído iite. Be aféfuiai comini duere zefuille táinia raa.

⁹ Mei jira abí ñue omoi rairuiri, mei riire ocuídímaci gairíllanomo omoi uítiaioiza; Juzíñamui uai llófuerracomo ómoína fáziitiaioi. Cue ícoínia ríillaini uícomo ómoína óreitiaoí, jamánomo ríiredíllaini diga. Afe daí cue dibénedo íaioímo úritiomoi. ¹⁰ Mei íirairui nai dúciñena llezica, cai jíllonafue uai nana náiraímo jino llóredeza. ¹¹ Ríiredíllainímo omoi oreille llezica, omoi úrillífue mo raíre uícomo comécido facáñeno omoi iri. Daje izói omoi comécíillífue mo raíre uícomo uibíñoñoeno iri. Aféruimo Juzíñamui omoi ífomo úrilla izói, mai omoi daíri, mei dani omoi úriñeítíomoi; omoi comécimona Juzíñamui íe Ñuera Joreño úrite. ¹² Afe llezica dáamie nahí íe ámamo fiénidífue nítano jíámiena íe fatátaite. Daje izói móotiai nahí íe jítótiaina fiénidífuedo izájitaitiaoí, íaioí titállena. Afe íbana íaioí jítótiái, nahí íe móotíaimo fiénidífue nítano íaioí fáite titállena. ¹³ Cue ícoínia, nana comini ómoína éoillano íere íáruitiaoí. Mei íadi íirairuimo jáicina Juzíñamuimo íere féitañeno ínotímie jíllobicaite.

¹⁴ ¡aiái Juzíñamui uai jino llóraíma Daniel daa íere íáruiga raa dibénedo cuete. Afe íáruitaita raa nabene jofue júdaítaite. Afe fiénidífue na oruide raa Juzíñamuimo gairíracomo íte jeruícacomo jóonia llezica, Judea éniemo ítino, árrera íduaimo botárediaioí. (Bibe facádimie mai ñue onoiri.)

¹⁵ Aféruimo o jofo jinófene ídamo omoi íadi, jofo eromo íte ráaniaína omoi uájiñoeno iri; raíre botari. ¹⁶ Jacáfaimo táijidímie abído jofomo bíñeno iri, íe ínícuiruai óllena. ¹⁷ Aféruimo íte ringóniaí namóciredino íere duere zéfuitiaoí, aizinidiaioiza. Daje izói monoi jirode duera úrue lláidíngotiai duere zéfuitiaoí. ¹⁸ Íe jira Juzíñamuimo omoi jícarí, “Nóci illáruillaído caina botátañeno iri.” ¹⁹ Bie izói duere zefuúllaruina jaca jaiai ífnide. Ua, Juzíñamui bíníe fínuamona benomo afe izóidena íñede. Aféruillaí méfímo afe izói íñeite. ²⁰ Juzíñamui afe zúuredíruí are jóoneadi buna jíllóñeille. Mei

Íadi afémie nizécanona izíruillano íanori afe zúurediruina afémie jóoneite. Are íñeite.

²¹ Te mona aféruimo dámie ómoína daííadi: “¡Erocái, benomo ite Cristo!” áemo íñoñoeno iri. Daje izói jíáimie daííadi: “Eroi, batínomo ite Cristo,” áfena íñoñoeno iri. ²² Mei uafue, aféruído aillo jífueritino bíítiaioi. “Cristodicue” daíítiaioi. Daje izói “Juzíñamui dibénedo úriticái” daínano comínina jífueítiaioi. Afémaci cíórainina ráaniai fínoítiaioi, jíáie jacíredifuíai diga, comíni jífuellena. Uafue, daje izói dama Juzíñamui nizécanona jífueacadiaioi, afémaci daíí jífuetareniadi. ²³ Mei íadi mai ñue omoi comeci facáoiri; mei nana bífuaiaina jae úicodo ómoímo llotícueza.

Monámona bite Nanoide Fima Jitó, Cristo meine bíllena Jesús llote
(Mt 24.29-35, 42-44; Lc 21.25-36)

²⁴ Te mei aféruillaído, zúurediruillai méífomo, jítoma duíbicaite. Fíui égaiñoñeite. ²⁵ Monamo ite úcuai cócítiaioi. Afe llezica mona eromo ite ríino mozídino, mairíñoeno jaillano dócaítiaioi. ²⁶ Iemo nauí monámona bite Nanoide Fima Jitó Cristo meine abído cíocaite. Uíllie cígído bíite; aillo ríino diga. Jamánomo ebírenafuedo bíite. ²⁷ Afe mei ie abi imácina óreite, nana ie nizécamaci nana mona fuédamona gairítallena. Ua jamánomo jica ite ígobíai imácimona nizécano nana dáanomo atille. Daje izói énie fueda imácimona nizécano nana dáanomo atílliaioi.

Nai ie llófuegamacímo llófuiano, íaioína daide: ²⁸ Mai bie higuera amena rafue omoi onoiri. Afe higuera íbíaí firuilla llezica fimona áinozillana onódiomoiza. ²⁹ Daje izói nana bie zúurediruillai zuíllana omoi cíóíadi, írírui áinozillana onóítioi. Jae íere íanori ite. ³⁰ Uáfúena ómoína daííticue, afe illáruido itino comíni nai tííñenia, nana bifue zúíte. ³¹ Nana mona énie diga fúíte, mei íadi cue daína uai jaca ninomo méidonide. Cue llua izói zúíte.

³² Mei íadi afe illíruina buna onóñena. Daje izói Juzíñamui abi imaci onóñediaioi. Ua afe izói Juzíñamui Jitó aféruina onóñede. Dama caí Moo Juzíñamui onoiğa.

³³ Te jira, aferuí dúcinana onóñediomoiza, mai ñue figo abina omoi onoiri. Afe llezica mai ñue omoi uíñori. Daje izói Juzíñamuimo úrifireiri. ³⁴ Cue meine billífue dámie jica jailla izoide. Afémie nai jáíñenia íemo táijidinona ie jofo úíñotade. Illa dígamie dáarie táijillena igáiaioi. Iemo naze uíñoraíma jóoniano, íena ríire ocuie, jofo uíñollena. ³⁵ Afe izói mai omoi abi onóicana uíñori, mei jofo naama billírui óñoñegaza. Níbaí nauíoilla llezica bíite, níbaí dááferuimo, óñoñega. Níbaí atava úrilla llezica, níbaí jíítiramo afémie bíite; óñoñega. ³⁶ Mai abi omoi onoiri, afémie raíre bíadi, omoi iníllena ie cíóñeíllena. ³⁷ Omoína cue daína izói nana comínina daídícue:

—Cue bíllemo abi omoi onoiri, —daide Jesús.

14

Comíni Jesús llaitállena maméritiaioi
(Mt 26.1-5; Lc 22.1-2; Jn 11.45-53)

¹ Nai ménarui ite pascua ráfúemo. Afe rafue llezica afénomo ite comíni íaioi pan fáitara jóoneñoeno güífirediaioi, mei aféruillai fáitañega

pan güífirénafue. Lletáriraini illaini ocuícáfue llóraini diga Jesús jífuído llaitállena jenódiaioi, ie titállena. ²Iadi daidíaioi:

—Íraizie ana íena llaitánide; áfemo comini ficire júfidoñeilleza, — daidíaioi.

Ringó zióredijido Jesús ifona jillaide

(Mt 26.6-13; Jn 12.1-8)

³Jesús Betániamo ite. Simón jofomo ite. Afe Simón chíinaitimiena mameide. Güirácomo íaioi ráina llezica, daa ringo jamánomo ráifide ziórediji Jesumo jilláizabite. Afe ziórediji duera alabastro daina nofici finoina icítirumo ite. Afe ziórediji mámece nardo. Afeji jíáiena fáñega. Afengo afe icítiru llaillano, Jesús ifomo áfeji totade. ⁴Afénoimo itínomona dámerie áferi ríicaidiaioi. Dani conímána riire daidíaioi:

—¿Níbái mei bie ziórediji táinomo dotade? ⁵Afeji trescientos romano úcubetuni baímo fecárede, duéredimacina canóllena, —daidíaioi. Aféngomo ríicailano íáiruitiaioi.

⁶Mei íemo Jesús daide:

—Mai aféngona fáicanocai. ¿Níbái mei aféngona áfedodíomoi? Bie cuemo afengo finócafue ñuera. ⁷Mei jii, duéredino jaca omoi cígimo íitiaioi. Omoi jítáiadi afémacina canóredíomoi. Mei íadi cue omoi cígimo are íñeíticue. ⁸Afengo ñue cuemo finórede raa cuemo fínuaibite. Jáímacei cue raíájñenia cue abímo zióredijina afengo cuemo jónoniaibite. ⁹Uáfuena ómoína dáitícue, náganomo bie éniemo comini jíllóille uai jino llóyadi, bie ringo cuemo finócafue jino llóitiaioiza, áfemona aféngomo uíbicaífiréillena.

Judas Jesús íena éoidimacimo izájide

(Mt 26.14-16; Lc 22.3-6)

¹⁰Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹Afe illaini Judas dáinana cacáillano, íóbidiaioi. Afe jira íena daidíaioi: “Jesús caímo o atíadi, úcubena omo íbaiticai.” Iemona Judas nie izóí Jesús íaioimo fecállena jenode.

Jesús íraifuena güillafue

(Mt 26.17-29; Lc 22.7-23; Jn 13.21-30; 1 Co 11.23-26)

¹²Fáitañega pan rafue nanóidruimo oveja jiza fáfirediaioi, pascua ráfuemo ríllena. Aféruimo jae dúcide. Aféruído Jesús llófuegamaci íemo jícanotiaioi:

—¿Nínoimo pascua rafue úcodo cai fínuaillena óiacadio, afénoimo pascua ráfuemo mameide güille cai güíllena? —daidíaioi.

¹³Ie jira ie llófuegamacimona ménailinoi óriano daide:

—Jófuemo jai. Dínoimo jainoi icírudo útimiena báitíomícoi. Iedo jairi. ¹⁴Afémie jofo jáillanomo, afeco náamana daíri: “Llófueraíma daide, ¿Nínoimo ite cue güíllino cue llófuegamaci diga? Dínoimo pascua rafue llezica güíticai daide.” ¹⁵Jira afécona ómícoímo ácatajite, áiloco. Caifóidícomo íite. Ja fuífide. Dínoimo cáiena finori, —daide.

¹⁶Jira llófuega íaillinoi oni jaillano jófuemo dúcidiaillinoi. Dúciillano úcodo Jesús íaillinoína daina izóí baizájidiaillinoi. Pascua rafue ja finódiaillinoi. ¹⁷Nauzáilla llezica, Jesús doce diga ie llófuegamaciri dúcidiaioi. ¹⁸Güirábanimo güítiaioimo Jesús íaioína daide:

—Uáfuenta ómoína dáitícue, daa ómoimona, cue diga güitínomona cuena fécaite, —daide.

¹⁹ Jira afémaci zúucaidiaioi. Afe llezica dáamierie Jesumo jicánotiaioi:

—¿Nibai cue? —daide.

Jiáimie daje izói daide:

—¿Nibai cue? —daide.

²⁰ Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona. ²¹ Nanoide ima Jitódicueza Cuegáuai lloga iodo jáidicue; ua cue tíllinomo jáidicue. Mei íadi cue fecádimie, ¡nii iere dúerena! Afe ima jócoñegana baímo ñue jaide, íadi jae comuide, —daide.

²² Güitíaioimo, Jesús pan llínota daide:

—Iere figura, —daide. Daina mei ditade. Ditada íaioimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llínote. Afécuri vínona oruítaga. Ie mei:

—Iere figura, —dainano íaioimo ite. Nana afécurimona áfeji jiródiaioi. ²⁴ Iemo daide:

—Bie cue die; áfedo comue dájemo llínoga uai uáfuenta daíllena. Aillo nairai jíllollena cue die tóite. ²⁵ Uáfuenta ómoína daidicue, ja biruímona afe uva rao llizilla iji jiroñeiticue. Ua nágaruillaído Juzíñamui illáimana illirui nai biñena llezica jiroñeiticue. Aféruimo comóicana áfeji nane meine dáanomo jiroitícue, —daide.

Pedro Jesuna jáanuana Jesús uícodo llole

(Mt 26.30-35; Lc 22.31-34; Jn 13.36-38)

²⁶ Juzíñamui rua íaioi rua mei, jino Olivo dainádumo jáidiaioi. ²⁷ Iemo Jesús daide:

—Bie naio, iomo come éicitaila izói, méaicailamona nana omoi cuena zófeitíomoi. Cuegáuai daide: “Ovejai úiñoraímana fáitícue; fállemona ovejai oni ráijicaitiaioi.” ²⁸ Mei íadi cáadimiena meine abido cue ille méifodo, omoi uiécomo Galiléamo jáitícue, —daide.

²⁹ Jira Pedro daide:

—Nana ona fáicanocaitiaioimo, jaca o fáicanocaiñeiticue, —daide.

³⁰ Iemo Jesús uai ote:

—Uáfuenta dáitícue, bie naio atava ménacaiño nai úriñeniadi daciñoámani cuena jáanoitío, —daide.

³¹ Mei íadi afémie iere afe íeñede úricana daide:

—O diga cue tíllena jitáiadi, nai ona jáanoñeiticue, —daide.

Nana daje izói daidiaioi.

Jesús Getsemanimo Juzíñamuimo úrizaide

(Mt 26.36-46; Lc 22.39-46)

³² Iemo güirácomona jino billano Getsemaní ibírímo dúcidiaioi. Dinomo Jesús ie llófuegamacina daide:

—Baí bené Juzíñamuimo cue úrizaila llezica, benó omoi ráiiri, —daide.

³³ Iemo Pedro, Santiago, Juan diga uite. Jesús ja zuure cácaide; afémie aillo jaci cácade. ³⁴ Jira daide:

—Cue joreño iere zúureficaide; afe zuufue tílla izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo baife jaide. Dinomo éniemo bíjicaillano Juziñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide. ³⁶ Nai Juziñamuimo úroicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jíáifodo o oíacana izói finori, —daide.

³⁷ Iemo daámani llófuegamaci diné jaide. Inídiaioimo dúcide. Pédrona daide:

—Simón, ¿ja o inídió? ¿Jaca due jiza abí onóicana uíñonidíó? ³⁸ Abí omoi uíñori. Juziñamuimo úriri, fiénidífueo omoi báíñeillena. Uáfuea o joreño iere jíerede, mei íadi o abi náinide, —daide.

³⁹ Iemona dáanomo nane, Juziñamuimo úrizaide. Daje uáillaina daide.

⁴⁰ Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cóizaibite, mei íaioi újí ínie íbáicza. Íaioi uai ollino íñede. ⁴¹ Ja dacaiñoámani Juziñamuimo úrillano bite. Billano íaioina daide:

—¿Mei nai birui inídiómoi? ¿Nai ocózinaidiómoi? Jae mai. Nanoide fima Jitódicueza, mei íadi fiénidímacimo cue itábicaillaruimo ja dúcide.

⁴² Náidacai. Mai cai jai. Cue fecádimie ja bite.

Jesús llaítádiaioi

(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémie doce dígadímacimona. Afémieoiri aillo comini bitíaiói. Lloefai bigíniai díga bitíaiói. Lletáriraini illáinimona bitíaiói. Dáarie bie comini ocuicafue llófuerainimona écomini díga bitíaiói. ⁴⁴ Fecádimie Judas bimácimo ónoitara nauí lloga. Daide:

—Cue ñitállimie náimieite. Ie llaítari. Ñue maiano, ui, —daide.

⁴⁵ Iemo Judas billano, Jesumo ánozillano uáidote:

—¡Llófueraima! ¡Llófueraima!

Daí dainano ñitade. ⁴⁶ Iemo Jesús llaítada, maiano, bitino íena uitíaiói. ⁴⁷ Afe llezica dinomo itínomona dáamie lloefai otá daa bitímie jefo ñetade. Afe jefona ñetácámie lletáriraini illaima jaiénici. ⁴⁸ Iemo Jesús comínina daide:

—¿Meita meríriraímadícue izói lloéfaillari bigíniai díga cuena lláitaibitíómoi maiano cue uíllena? ⁴⁹ Nágarui ómoiri Juziñamuimo gairíracomo llófuecana itícue; íadi jaca cuena llaítáñediómoi. Mei íadi bifue íficaide Cuegáuailai fuitállena, —daide. ⁵⁰ Iemona nana llófuegamaci íena fáicanocaillano botádiaioi.

Da Jesudo jáicaide jítócome botade

⁵¹ Mei íadi da jítócome dama áillue iniroi jítada nai Jesús ódana jáicaide. Ie mei bitino íena llaítádiaioi. ⁵² Mei íadi afémie jarire duíñuano aferoi íaioimo fainóicaide. Daí ñeta emuíroma jarire botade.

Jesús jicánodoillinomo uiga

(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidíllaimamo Jesús uitíaiói. Afe llezica nana lletáriraini illaini, íemo écomini, íemo ocuica uai llófueraini díga, dáanomo gairídiaioi. ⁵⁴ Pedro, afe jamánomoidíllaima jofó abí íbírimo, ódana jicado jaide. Dinomo llaízíriraini díga ráiide; irai fueo agaide abí

uzíreillena. ⁵⁵ Nana lletáriraini illaini jamánomo ocuídímaci diga Jesumo fieni íaioi facátallena uai nabáidino jenódiaioi, áfedo íena titállena. Mei íadi áfena baiñédiaioi. ⁵⁶ Aillo íemo taino llotíaioi. Iadi íaioi táinofuiai jaícina jóobiñede. ⁵⁷ Iemo dáarie caifo náidacaillano, afémiemo taino fiénidífue nitádiaioi. Daidíaioi:

⁵⁸ —Afémie dánana cacádicaí: “Bie comini finoca gairíraco júdaiticue, íemo daruíamani íllemona jíai gairíraco comini finóñegaco abido níiticue,” daide, —daidíaioi.

⁵⁹ Mei íadi nane íaioi lloga uai nabáillaífuiai jaícina jóobiñede. ⁶⁰ Iemo lletáriraini illaíma íaioi cígimona jino náidacaillano Jesumo jícanote:

—¿O uai óñeitio? ¿Minica bie omo nitádiaioi? —daide.

⁶¹ Mei íadi daa uai oñede. Iemona lletáriraini illaíma nane dáanomo jícanote:

—¿O Crístodio? ¿Afe cai ñúefuena nitaca Juzíñamui Jitódioza? —daide.

⁶² Jira Jesús daide:

—Jii, ie mei. Nanoide íma Jitódicue. Uire uáfueña cuena cíoitíomoi. Ua rírede Juzíñamui nabézimo dínomo cue ráinaillana cíoitíomoi. Aféruillaído mona ero úilliedo cue bíllana cíoitíomoi, —daide.

⁶³ Lletáriraini illaíma jamánomo ríicaillano icírillamona ie iniroi cúatajano daide:

—¿Nibái mei jíaie uai nabáiraíma jíitaiticaí? ⁶⁴ Ja Jesús ie uáillaído Juzíñamui dibénemo fieni úrillana cacádíomoi. ¿Omoi, nie izói íena daidíomoi? —daide.

Iemona nana íena titállena daidíaioi. ⁶⁵ Iemo dámierie afémiemo túallaítiaioi. Afe llezica ie uíeco iníroina íbáillano, íena fatíaioi. Fájano daidíaioi:

—¡Mai bai! ¿Bu o faja? —daidíaioi.

Iemo llaitáidino ie uíeco túcoidiaioi.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

⁶⁶ Pedro ana jofó íbírímo ite. Iemo daa lletáriraini illaíma canóraingo afénomo dúcide. ⁶⁷ Pedro irai fue agáillana cíoillano, afengo afémiemo ríire eroide. Iemona daide:

—O daje izói Nazarena ímie Jesús diga macáfíredio, —daide.

⁶⁸ Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo ítava úrite.

⁶⁹ Iemona canóriraingo íena nane cíoillano afénomo itínona daide:

—Afe iima Jesudo jáidímacimona, —daide.

⁷⁰ Mei íadi Pedro meine jáanote. Ja baído afénomo itino Pédróna nane daidíaioi:

—Uáfueña. O Jesús imaci íedio. Galilea ímiedio. O úrilla afémaci úrilla izói jóoide, —daidíaioi.

⁷¹ Ie jira Pedro: “Uáfueña cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámecido ríire mámiano daide:

—Afe omoi úrillamiena onóñedicue, —daide.

⁷² Daií daina llezica atava dáanomo nane úrite. Iemona Jesús íena daináfueño Pedro uíbicaide. Nano uícomo íena daide Jesús: “Atava

ménacaiño nai úriñenia dacaiñoámani cuena jáanoitio.” Afemo comeci fácajano éeiaide.

15

Jesús onínellaiima Pilátomo uitíaiói

(Mt 27.1-2, 11-14; Lc 23.1-5; Jn 18.28-38)

¹ Afe jítiramo lletáriraini illaini íemo eicomíniri gairízaidiaíoi, ocuica uai llófueraini diga; ie emódomo naa jáie jamánomoidillainiri. Gairillano Jesumo íaiói finóllifueri daní úritiaíoi. Maiga Jesús Pilátomo izájidiaíoi.

² Jira Pilato jicánote:

—¿O meita judío illáimadió? —daide.

Iemo Jesús uai ote:

—¡E mei! Dai jaca o daina izói, —daide.

³ Iemo lletáriraini illaini aillo fiénidifuiái afémiemo nitade. ⁴ Jira Pilato dáanomo jicánuano daide:

—¿O uai oñédio? ¡Cacai! Diga fiéniduiái omo nitádiaíoi, —daide.

⁵ Mei íadi Jesús uaina oñede. Afémié uai oñenamona Pilato fáigacaide.

Jesús ie tiállena uáfodo maméritiaíoi

(Mt 27.15-31; Lc 23.13-25; Jn 18.38-19.16)

⁶ Afe rafue ana naga fimónado comínimona llogámie llaitácamiéna Pilato zuitáfirede. ⁷ Come fatímie Barrabás jae llavéracomo ite, jáie come fatímaci diga. Nano jáíruido illaíma dotátaruimo comini fatúaíoi. ⁸ Ja birui comini Pilátomo jicáibitiaíoi. Billano Pilato íaióimo finófirena izói ie finóllena jicádiaíoi. ⁹ Pilato uai ote:

—¿Judúuai Illaíma ómoímo cue zuitállena jítáidiómoí? —daide.

¹⁰ Pilato ja lletáriraini illaini Jesús úradoillafuedo fécajana fidide. ¹¹ Mei íadi lletáriraini illaini nana comini jeire otímaci. Iaiói úamona iere caillídimaci. Iaióina llófuetiaíoi;

—Jesús ífomo mai Barrabás caímo zuitállena izire omoí jicari, —daidiaíoi.

¹² Jira Pilato jicánote:

—¿Nie izói oíacadiómoí omoí mamécamié Judío Illaíma cue finóllena? —daide.

¹³ Iemo caillíoicana uai otíaíoi:

—¡Cruzmo íena corai! —daidiaíoi.

¹⁴ Jira Pilato daide:

—¿Nibái mei? ¿Afémié nie fiénidifue finode? —daide.

Nane dáanomo baímo caillíoicana daidiaíoi:

—¡Cruzmo íena corai! —daidiaíoi.

¹⁵ Iemona Pilato nairai uíécomo ñue íacanamona, Barrabás zuitada orede. Iemo Jesús zechétajano llazíritinomo izájide íena coráillena.

¹⁶ Ie mei afe onínellaiima áillico jofó ibírímo íena uitíaiói. Aféno mo nana fuíríraini gairítatiaíoi. ¹⁷ Iemo ñue jáiarede ínčiuíro, illaíma íena, afémiemo jítádiaíoi. Aferoi uállaiima jítáfiregaroi. Afe llezica ífo icuífoi eegi nínacuifoína íemo jítádiaíoi. ¹⁸ Jítajano janónaioicana riire íena uáidotiaíoi; daidiaíoi:

—¡Figo o iri, Judúuai Illaíma! —daidiaíoi.

¹⁹ Iemo rázido diga icaiño ie ífo butíaíoi. Ie túallaitiaíoi. Afémiemo caiñici ana dújullano jifánodoicana íena ebíruitiaíoi. ²⁰ Daií ie íaiói áfedua

meífodo, afe illaíma jítácaroi íemona duiñódiaioi. Dúíñuano dama íecuirona ie jítádiaioi. Ie mei afénomona jino íaioi uiga íena coráiaillena.

Jesús coráina

(Mt 27.32-44; Lc 23.26-43; Jn 19.17-27)

²¹ Jesuna coráiaidiaioimo Cirene ímie Simón jinona jófuego bite. Afémie Alejandro Rufo íaillinoi moo. Bítemo Jesús coráiaillibicina rocátatiaioi.

²² Iemo Jesús Gólgota maméidinomo uitáioi. Afe Gólgota jiáimaci uaido ífócorai Illánona mameide. ²³ Afénomono vino erírediji diga jóonegana Jesús jirótatiaioi. Mei íadi áfena afémie jiróñede. ²⁴ Afe mei ja Jesuna coráidiaioi. Iemo fuiríraini onótaraji dotádiaioi, Jesús inícuuro íaioi máíñuana onóillena. Iemona dájerize illa dígamie ie inícuuro uite.

²⁵ Jae jítoma caifo illa llezica Jesús coráidiaioi. ²⁶ Jesús coráigabicimo jiáie uai llotibicina netádiaioi. Afébicimo nie íaifue ie fínua jira coraica, daí íaioi cuega. Bibícimo cuetiaioi: “Bímie Judíuai Illaíma.” ²⁷ Afémie diga mena meríriraíma íaillinoi coráidiaioi, dámie ie nabénemo, jiáimie ie jarífenemo. ²⁸ Jaiaí Cuegáuai daí fúbicaide. Aféuai daide: “Afémie fiénidimacimo jaináitaga.”

²⁹ Afe íodo jáidino Jesumo fienu íritiaioi. Fuena iere riire íena zanódiaioi. Daidíaioi:

—Mai, cacai. O Juziñamui gairíraco ana júdaítimiedioza. Daje izói daruíamani íllado abido afeco níitimiedioza. ³⁰ ¡Mai dama o abi jíllotal ¡Crúzmona ana bi! —daidíaioi.

³¹ Daí daje izói lletáriraini illaíni, ocuica uai llófueraini diga, Jesuna janónaitiaioi. Dani conímana daidíaioi:

—Afémie jiáimaci jíllotate, íadi afémie dama ie abina jíllotanide. ³² Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfueña ínoiticaí, —daidíaioi.

Daje izói afémie diga coráicaiaillinoi fienu Jesumo úritiaioi.

Jesús tílla

(Mt 27.45-56; Lc 23.44-49; Jn 19.28-30)

³³ Jaíciri illa llezica nana énie jítireficaide. Dahoraamani fidi monáíñede.

³⁴ Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáíñuana daide: ¡Cue Moo Juziñamui, Cue Moo Juziñamui! ¿Nibái cue zóofetio? —daide.

³⁵ Dámierie afénomono itínomona áfena cacáillano daide:

—Cacarei, afémie Juziñamui uai jino llóraíma Elías jírrite, —daidíaioi.

³⁶ Iemona afémacimona dámie aizida fiillicide raa uájide. Erírede vínona riáitano, áfena ragúizi ícoimo jóonete, áfede Jesús jirótallena. Daí ñeta, íemo ñuitade. Afe llezica jiáimaci íena daide:

—Ína jabe. Mai cai éroi, neca afémie Elías ana ólleza, —daide.

³⁷ Ie mei Jesús riire caillida tíide. ³⁸ Afe llezica Juziñamui gairíracomo zebica jédaciede iniroi, dáfenedo caifófenemona ana cuájicaide.

³⁹ Jesús anamo romano jabóidillaíma uíeco díbénemo naidaide. Ie cáilliana caçade. Ie tílla izóidena çide. Çíuano daide:

—Uafue, bie íma Juziñamui Jító, —daide.

⁴⁰ Dáanomo dáarie ringóniaí jicana eróiediaioi. Íaioi cígimo ite Magdalena jofue ingo María, íemo Salomé, íemo jiáie María. Afengo Santiago

José ei. Afe Santiago jofófene ímiena mameide. ⁴¹ Bie ringóniaí Jesudo jáicadino. Naui Galiléamo ie illa llezica, afémaci íena canódiaíoi. Mei íadi bimaci baimo aillo jáíngotiaína, Galilea ingóniaí afémiedo Jerusalemo bitíaíoi.

Jesús abi raiáfomo jóoniaidiaíoi
(Mt 27.57-61; Lc 23.50-56; Jn 19.38-42)

⁴² Ja nauízai. Mei aferuí ocózinaillarui uícodirui íllaza, comini íaíoi jítaille raa finófirediaíoi. ⁴³ Jira José Pilátomo Jesús abi jáicajide. Afe bie José Arimatea jofue ímie. Afémie caifóidillaímaíaimo iere jáináideza, ie mámece jica jalleide. Afémie Juzíñamui illáimana illíruina ñue uíñote. Afémie abi mámano jáicaiñeno Pilato illánomo jaide. Dinomo Pilátomona Jesús abi jicade. ⁴⁴ Pilato ja ie raire tíllari fáigacaide. Jira jabóidillaíma uáidote íemo jicánollena meita uafue daíllena. ⁴⁵ Jabóidillaíma “Jii” dánamona Pilato fairíote Jesús abi José uíllena. ⁴⁶ Jira José iere ñuera iníroi íbade. Iemo Jesús abi ana uáno, aféroido junide. Iemona idu ana nofíci ero raigácomo ite raiáfomo íena jóoniaide. Jóoniano raigaco áillue nofícina íbaide. ⁴⁷ Magdalena ingo María, José ei María díga, afe raiánona cíodiainguai.

16

Jesús tíidemona meine abído cáadimiena jaide
(Mt 28.1-10; Lc 24.1-12; Jn 20.1-10)

¹ Ocózinaillarui méífomo Magdalena énie ingo María, Santiago ei María, Salomé díga zíoji íbádiaíoi, Jesús abi recuíllena. ² Jira semana nanóidirui jítiramo raiáfomo jáidiaíoi. Afe llezica jítoma ja cíode. ³ Iemo ringóniaí dúciillano conímana daídíaíoi:

—¿Bu mei raiáfo uíeco íbaina nofíci caíri oni ñuitalle? mei afeci iere áillueza, —daídíaíoi.

⁴ Mei íadi érocaillano raiáfo uíeco íbaina áillue nofíci oni jóoniana cíodiaíoi. ⁵ Iemo raiáfo íco eromo íaíoi jáillanomo jítócome nabézimo ráinana cíodiaíoi. Afémie árecuiro úzerói jítáoide. Ieri iere jacínaitiaíoi. ⁶ Jira ringóniaína daide:

—Omoi jacínaiñeno iri. Omoi Jesús, Nazaret ímie naui coráicame jenódiomoi. Mei íadi ja tíidemona meine abído cáadimiena jaide. Benomo íñede. Afémie íaíoi jóoniano omoi eroi. ⁷ Ie mei Pédro mo naa jáíe llófuegamaciri llujáiri. Afe bifue daíri: “Omoi uícomo Galiléamo jaide. Dinomo ie daína izóí íena cíoitíomoi,” —daide.

⁸ Jira ringóniaí raiáfomona botádiaíoi. Fáigacaillano cuidíritiaíoi. Iere íaíoi jacíruillamona bumó lloñédiaíoi.

Magdalena énie ingo Maríamo Jesús cíocailla
(Jn 20.11-18)

⁹ Semana nanóidirui monáiacana llezica, Jesús meine abído cáadimiena jaide. Afe mei fueñe Magdalena énie ingo Maríamo afémie cíocaide. Naui afémie aféngomona siete díga fiénide jóriaí oni orede. ¹⁰ Iena ciona mei, aféngo Jesús díga naui jáicadinomo llujáide; afémaci nai zuure éenaitiaíoi. ¹¹ Afe Jesús meine caade íllana María íaíoi mo llote, mei íadi aféfuena

cacáillano, áfena nai íñoñediaioi. Daje izói afengo “Iena ciódicue” daina uaina íñoñediaioi.

Jesús llófuegamacimona ménailinoimo afémie cíocailla

(Lc 24.13-35)

¹² Bie mei, Jesús llófuegamacimona ménailinoi jofue onimo mácajidiaillinoi. Mácajilla llezica Jesús jiáfodo íaillinomo cíocaide. ¹³ Afe íaillinoi jiáie llófuegamacimo abido lluájidiaillinoi, mei íadi daje izói íaillinoina íñoñediaioi.

Jesús ie uai oni llólleña orécamacimo ie uai jóonenocai

(Mt 28.16-20; Lc 24.36-49; Jn 20.19-23)

¹⁴ Afe jiáiruido once diga llófuegamaci íaioi güiránomo ráidiaioimo Jesús cíocaide. Íaioi comeci riirena jira, íaioina lletade. Dáanomomo íaioi íñoñena jira, íaioina lletade, mei afe íena ciódino íaioimo llógana íñoñediaioiza. ¹⁵ Ie mei íaioina daide:

—Mai nágagobiaido bie jílluille uai nana comínimo jino omoí lluájiri.

¹⁶ Afe uaina íñoitímie íemo báutizagamie jíllobicaite. Mei íadi afe uaina íñoñeitímie jíllóñeno duere finócamiena jáite. ¹⁷ Cuemo íñoitino bie onótarafuiai finoitiaioi, afe lloga uai uafue daiíllena. Cue mámecido fiénide jóriaredímie ite fiénide jóriai oni óreitíaoi. Uícodo óñoñega jiáie uáillaído úritíaoi. ¹⁸ Daje izói titade jaio íaioi llaitada íaioina ainíadi, tíiñeitiaioi. Jucúrediji íaioi jiróadi, iránitañeite. Afe emódomo, iráredímacimo íaioi onoi bitáadi, afe iráredino jílloitíaoi.

Jesús monamo jailla

(Lc 24.50-53)

¹⁹ Afémacimo úrilla mei, cai Ocuíraima Jesús fiaicana caifo monamo uiga. Iemo Juzíñamui nabézimo ráinazaide. ²⁰ Ie mei ie llófuegamaci nágagobiaimo comíni jíllona uai llocana uitíaoi. Afe dáamie, cai Ocuíraima, íaioina canode. Afe llezica afémie íaioi lloga uaina cíofinina íaioi finócafuiáido uáfuena daiítate; daje izói diga onótatífuiaído uáfuena daiítate. Jae níie.

JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

Rafue uiécodo llogáuai

¹ Cue ama izóidimie Teófilomo cueticue. Diga comini caimo comuide ráfuiái ñue jaícina cúellena facádiaioi. ² Afe comuídifuiaí táiniamona, áfena ciódino caimo lua izói, cuetíaioi. Afeniaína ciódino ñuefuiái jino llóllena canódiaioi. ³ Afe izói nana bífuiaina ñue jicánofiredicue. Uáfueza, bífuiái táiniana iere jicánofiredicue. Ie jira omo cueticue. Iemona bífuiái jaícina omo cue cúellena cuedo ñue jaide, mei ñuefuiairedimie Teófilodioza. ⁴ Bífuiái omo cúeiacadicue, afémaci omo llogafue uáfueza o onóillena.

Juzíñamui abi ímie Juan Bautista jocoille lloste

⁵ Herodes Judea éniemo illáimana illa llezica, afénomo Zacaríasna mámearedimie ite. Afémie Juzíñamuimo comini dibénedo úriraima. Afe Zacarías jaiái ímie Aarón jitó, Abías iziémo dúidimie. Ie ai mámecei Elisabet. Afengo daje izói Aarón iziémona comuídingo. Afe Aarón nánora Juzíñamuimo úriraima. ⁶ Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jitánidiaioi. ⁷ Mei íadi úruenidiaillinoi, mei Elisabet úrueninide. Iemo jíái jae iere jionaitiaillinoi.

⁸ Iemo daarui Abías izié táijnaruillaimo dúcina llezica, Zacarías Juzíñamuimo úriraimana illena afémiemo dúcide. ⁹ Iemo afémaci finofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairúredinomo jofo jaide, afénomo uguci uillítallena. ¹⁰ Afémie uillítaa llezica, nana comini jinófenemo Juzíñamuimo úritiaioi. ¹¹ Iemo Juzíñamui abi ímie, ángel daínámie Zacaríasmo cíocaide. Afémie uillítarano nabéfenemo cíocaide. ¹² Juzíñamui abi ímie cíoillano Zacarías iere jacinaillano ie finócaigana onóñede. ¹³ Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jicafirenana afémie cacádeza. O ai Elisabet jitóreite. Afémie mámecei Juaana o jítalle. ¹⁴ O ióbitio, daje izói aillo comini o úrue jocólleri ióbitimaciza, ¹⁵ mei o jitó Juzíñamui uíecomo iere uai ínotimiena mámeiteza. O jitó comini jifáitaraji vino diga jaca jíroñeite. Afémie nai jócoñenia Juzíñamui Ñuera Joreño úicaite. ¹⁶ Afémie Israel náiraímona diga comini comecei ífuiái méidotaité, afémaci ócuifirede Juzíñamui uaimo meine ñue íaioi jíeruillena. ¹⁷ Bie Juan Ocuíraíma Cristo uíecodo biite. Afémie jaiái Juzíñamui uai lloraima Elías coméifirena izói coméiite. Daje izói Elías riire ocuilla izói riire ócuite, ie uaido móotíai íaioi úruiaí diga caimare íaioi itátallena. Daje izói uaina náfueñedino afémie afe uaina jeire otátate. Bie izói afémie comini ñúemacina íaioi fínoite, Ocuíraíma Jesús ñue llínollena.

¹⁸ Juzíñamui abi ímie úrilla llícailla mei Zacarías jicánote:

—¿Ñie izói bífuenta uáfuenta onóredicue? mei ja iere jionaiticue, cue ai diga.

¹⁹ Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamedicue omo úrillena, bie ñúefuiai omo llóllena. ²⁰ Mei íadi birui omo cue dáinana o ñnoñenamona uáinitio. Benómona úriñeítio o jító jocóllinomo. Bie Juzíñamui mamécaruimo zúite.

²¹ Afe llezica comini jino itíaiói; Zacarías úiñotíaiói. Afémie are jino gairíracomona biñena jira jacínaioidiaíói. ²² Iemo Zacarías jino bítemo ja úrinide. Afemona afémie gairíraco eromo rairuícanomo nicáirilla izóí nibai cide daidíaiói. Afémie onoi níraídua izóí afémacimo úrite, mei afémie úrinideza.

²³ Juzíñamui gairíracomo Zacarías táijinaruillaí fúillamona, ie jofomo jaide. ²⁴ Bie mei ie ai Elisabet ja úruereacade. Afengo jofómona cinco diga fiui uáfori jino cióñede. Afengo comécido daide: ²⁵ “Juzíñamui ja bie izóí cuena úrueretade, íemona comini cuena jámairuíñeítiaíói,” daide.

Juzíñamui abi ímie Jesús jocoille llote

²⁶ Ja seis diga fiui Juan comuíllamona, Juzíñamui ie abi ímie Gabriel, Galilea éniemo ite Nazaret mámecirede jófuemo orede, daa ringo méiñollena. ²⁷ Afengo nai inínde jitaingo. Ie mámece María. Afengo ja jicánogango Josemo inírellena. Afe José illaíma David iziemona comuídimie. ²⁸ Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodio! Ocuifirede Juzíñamui o diga ite. Nana ringóniaí baímo Juzíñamui caímare omo eroide, —daide.

²⁹ Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Níbái cuena daí uáidote?” ³⁰ Ie jira Juzíñamui abi ímie íena daide:

—María, jacíruiñeno, mei Juzíñamui caímare omo eroide. ³¹ Benómona úruereítio, íemona o jító jócoítio. Afémie mámece Jesuna jítaitio. ³² Afémie ñúefuena iere jálleite. Afémie caífo monamo ite Juzíñamui Jitóite. Naui Juzíñamui bínie jaiáidígima David illáimana ória izóí, bie Jesuna Juzíñamui illáimana óreite, ³³ jaca ninomo Israel náiraímo illáimana íllena. Ie illáimana íllana jaca ninomo fúíñeíte, —daide.

³⁴ Ie jira María Juzíñamui abi ímiemo jicánote:

—¿Nie izóí bie mei ite, mei cue íima diga íñédicueza? —daide.

³⁵ Juzíñamui abi ímie uai ote:

—Juzíñamui Ñuera Joreño omo itábicaite. Iemo caífo monamo ite Juzíñamui ie rínodo ona ráiruite. Ie jira o jocolle jító jaca Juzíñamui mamécamiéna ite. Iemona comini íena Juzíñamui Jitó dáítiaíói.

³⁶ Iemo jíái o onógango Elisabet úruereíte, jamánomo ei ringo íadi. Ie jira úruenitíngo íaiói daínango íadi, seis diga fiui íllamona ja úruereacade. ³⁷ Juzíñamui mona jaca finónide raana íñede, —daide.

³⁸ Ie jira María daide:

—Juzíñamui ócuifiregangodicue. Mai mei Juzíñamui cuena ie daína izóí cuemo fínoíteza, —daide.

Afemona Juzíñamui abi ímie oni jaide.

María ie onógango Elisabet uáiduaide

³⁹ Aféruíllaido María Judea íduai cígiri ite jófuemo raire jaide. ⁴⁰ Dúciillano Zacarías jofomo jaide. Daí ñeta Elisabet uáidote. ⁴¹ Elisabet daí uáidua cacáillano eromo ite úrue níraíracaide. Afe llezica afengo Juzíñamui Ñuera Joreñodo úicaitaga. ⁴² Ie jira iere ficírede uaido úrite:

—Nana jáíngotíai baímo Juzíñamui iere caimare omo eroide, ñúefue omo finóllena. Daje izóí o jítomo iere caimare eroide. ⁴³ Iere jamáingodicue, mei íadí cue Ocuíraíma ei cue eróizaíbite. ⁴⁴ Mei ua, o cue uáidua cacáillano cue eromo ite jító iere ióbillano niráricaide. ⁴⁵ Juzíñamui ona daina o ínuado iere ióbinangodio, mei Juzíñamui ona daina ñue zúíteza.

⁴⁶ Ie jira María daide:

—Cue joréñodo cai Ocuíraímamo ñúefue lloticue.

⁴⁷ Cue Jíllotaráima Juzíñamuimo cue comeci ióbicaide.

⁴⁸ Mei Juzíñamui ie dúerede ocuícaingona uibíoicaideza.

Biruúmona nana uire íite comíni “Iere Juzíñamui ióbitagangodio” cuena daíítiaíoi.

⁴⁹ Mei jamánomo ríinorede Juzíñamui iere ñúefuiai cuemo finódeza.

Afémie mámece ñúefuíaído jacíruieregaci.

⁵⁰ Nana íena ñue jacíruiínona afémie jaca dúecaite.

⁵¹ Finónide ráfuíai afémie finode.

Fiénidena abí íínotínona afémie jae anáfenode.

⁵² Ríllainína jamáimacína Juzíñamui finode.

Mei jáíáfodo comécina mánaídino illáinína orede.

⁵³ Jufíruitínona afémie ñúefuíaído imaci jeírítade.

Mei jáíáfodo ráaredínona fla duere imácina orede.

⁵⁴ Ie ócuífiregamaci Israel nairai afémie canode.

Iaíoina duéruíllena féitañede.

⁵⁵ Naui cai móotíaina daina izóí jaca duéruífireite.

Ua, Abrahana ie daina izóí, íemo ie náiraina daina izóí afémie jaca caína duéruíte.

Bie izóí María úrilla fuite.

⁵⁶ María daámani díga fiui Elisabet díga ite. Afe mei meine ie jofomo jaide.

Juan Bautista jocóinafue

⁵⁷ Afe mei Elisabet úrue jocólliruímo dúcínamo, jító jocode. ⁵⁸ Juzíñamui ñue aféngomo érocaillano fidíillano, afengo abí imaci naa onógamacíri afengo uáiduaídiaíoi. ⁵⁹ Ocho dígarui íllamona, judíuai fínofirena izóí, gairíracomo jáidiaíoi úrue bacano ícoí quetállena. Afe llezica ie moo mámece Zacaríasna jítáacadiaíoi. ⁶⁰ Mei íadí ie ei daide:

—Ieñeite. Afémie mámece Juaana jítalle, —daide.

⁶¹ Aféngona daídíaíoi:

—¿Ñibái mei? O comínimo afe bie mámece íñede, —daídíaíoi.

⁶² Ie jira onoi níraíduado úrue moomo jicánotiaíoi, ñie izóí mámece jóoneacade. ⁶³ Ie jira afémie daa cuerábici jicade áfemo cúellena. Líínuano cuete: “Ie mámece Juan.” Aferi nana comíni jacínaitiaíoi. ⁶⁴ Afe cuia llezica Zacarías meine nane úrrede. Jira raire Juzíñamuimo ñúefuiai llote. ⁶⁵ Bíeri nana abí imaci jacínaíoidiaíoi. Iemo nana Judea íduai éniemo bifue llócadiaíoi. ⁶⁶ Nana áfena fidídino áfemo iere comécíidiaíoi. Dani íaíoi nabáítiaí jicánotiaíoi.

—¿Bie úrue minícamíena jáite? Mei uafue, Juzíñamui afémíemo iere caimare eróideza, —daídíaíoi.

Zacarías ñue llocana daíinafue

67 Iemo ie moo Zacarías Juziñamui Ñuera Joreño úicaillamona úrite; Juziñamui íemo lloga uaido afémie daide:

68 Israel nairai cai ócuifirede Juziñamuimo ñúefue nitárede, mei afémie caimo éroizaibiteza.

Ja ie comínidicai, íemo afémie ja cai jíllotaibiteza.

69 Jaiai ie ocuífiregamie David izíemona, daa ríinorede cai Jíllotaraima caimo orede.

70 Jaiai ñúefuiairede ie uai llórainido uícodo ie daina izói afémie cai Jíllotaraimana orede.

71 Afémie cai fairíconimona caina jíllotaite. Daje izói cai éoidimacimona cai jíllotaite.

72 Cai nánoramacina duéruite, afe izói ie íaioina ñúefuiairede daina uai féitañede.

73 Jaiai cai uzuma Abrahamana uícodo daina uai Juziñamui uáfuenta daina. Afe uai bie izói daide:

74 Juziñamui cai fairíconimona caina báiroite, jacíruíñeno ie ócuifiregamacina cai maméillena,

75 Iemo jái ñúefuiaido ie jaicínaidimacina cai íllena, íemo daje izói nana cai illáruillaído afémiemo ñue cai jaínáillena.

76 Ie mei cue duera jitó, caifo monamo ite Juziñamui uai llórainmana o mámeitiaíoi, mei Ocuíraima uícodo jáitioza, ñuera uai llocana uíllena, comini íemo ínollena.

77 Daje izói afémie bíllado ie comini íaífuiaí féitallena fidítaitio. Afémaci fiénidífuiaí féitalledo afémaci jíllotiaíoi.

78 Mei ua, cai Juziñamui caina izíruillano caimo dúecaide.

Dúecaillano cáimaci jíáimaci íemo ínollirui caimo ite.

79 Afedo tíiacade jítinodo macádino Juziñamuina onóitiaíoi.

Daje izói comeci uái illáfuaímo joide io afémie cai ífoite.

Benomo Zacarías úrilla fuite.

80 Iemo afe úrue móonaicana jaide. Afe llezica joreño dibénedo onóicana jaide. Comini íñénanomo ífirede. Israel náiraímo abí ie onónanomo afémie dínomo fiébide.

2

Jesús jocóinafue

(Mt 1.18-25)

¹ Aféruillaído énie jamánomoidillaíma Augusto nana comini mámeciaí cuiájillena ocuide. ² Siria éniemo Cirenio illáimana illa llezica, bie nánora mámeciaí cuiájillena ocuica. ³ Naga come ie móotiaí illánomo ie mámeceí cuiájirediaíoi. ⁴ Ie jira José Galilea éniemo ite Nazaret jófueмона jaide Judea éniemo. Afémie David izíemona comuídeza, David jocóinanomo Belemo jaide. ⁵ Móotiaí illánomo José María díga mámecina cuiájidiaillinoi. Afengo jae jícanogango Josemo ínreillena, íemo ja úruereacade. ⁶ Iemo Belemo íaillinoi illa llezica afengo úrue jocólliruiimo dúcide. ⁷ Dínomo afengo nánora jitó llíide. Jócua mei ínroido ferínote. Iemo juráreto ecáranomo rallai jóbiano ie bitade, mei afe íaillinoímo comini dúcíranomo illino íñédeza.

Juziñamui abi imaci ovejai úíñoraímacímo cíocaide

⁸ Belén jofue onimo dáarie ovéjaiai úiñoraini naiona íaiói ovéjaiai úiñofirediaíoi. ⁹ Uái daí itíaióimo raire Juziñamui abí ímie ángel dainámie íaióimo cíocaide. Afe llezica Juziñamui quenírie íaiói ábiedo egáíñozide. Aferi iere jacínaitiaíoi. ¹⁰ Mei íadi Juziñamui abí ímie íaióina daide:

—Jacíruiñoeno iri, mei ñuera rafue ómoimo llúaíbiticueza. Bie ráfueri nana comíni iere íóbitiaíoi. ¹¹ Birui jaiiai illaíma David jófueo omói Jíllotaráima jae jococa. Afémie caí Ocuíraíma Cristo. ¹² Afémiena omói onóillena afe úrue iníroido ferínoga, íemo juráreto ecáranomo bitaca báitiómoí, —daide.

¹³ Afe llezica Juziñamui abí ímiemo aillo jíáie mona imaci ofíoide. Afémaci Juziñamuimo aillo ñúefuiaí llotíaíoi:

¹⁴ —Caífoide Juziñamuimo ite ebírenafuiaí omói lloiri.

Afe dáaruido afémie caímare eróinamacímo comécina uái illafue íteza, —daídaíoi.

¹⁵ Iemona, Juziñamui abí imaci abido monamo jailla mei, ovéjaiai úiñoraini daní conímana daííztiaíoi:

—Maí mei Belemo caí jai; bie Juziñamui caímo lloga ie jocóinafue maí caí méíñuai, —daídaíoi.

¹⁶ Jira jarire jáidiaíoi. María José díga cíódiaíoi. Iemo jíái juráreto ecáranomo bitaca úruena cíódiaíoi. ¹⁷ Afena cíóillano, Juziñamui abí imaci afe úrue ífuenta íaióimo llúana jino llotíaíoi. ¹⁸ Nana afefue cacádino afe dáinari iere caímare fágacaidiaíoi. ¹⁹ Mei íadi María nana aféfuiaí comécimo jóniano afemo uíbioicaide. ²⁰ Iemo ovéjaiai úiñoraini dímena meine abido jaide. Jailla llezica nana íaiói cacana, íemo íaiói cíonado Juziñamuimo ñúefue llotíaíoi. Iemo daje izói ebírenafue Juziñamuimo nitádiaíoi. Mei nana íaióimo daina izói íteza.

Dúemie Jesús Juziñamui gairíracomo ácataga

²¹ Jócua mona ocho dígarui íllamona, dúemie bacano ícoí quetátatiaíoi. Afe llezica Jesuna ie mámece jítdiaíllinoí, mei afeci nano María nai úruenina llezica Juziñamui abí ímie aféngomo llóteza.

²² Iemo díga irui íllamona, Moisés ocuica uai llua izói, María abí íainina daíllena níciúafue fúillamo, úruena Jerusalemo uitíaíllinoí. Afénomo ite Juziñamui gairíracomo úruena Juziñamui íena íllena acátajidiaíllinoí. ²³ Daí finódiaíllinoí Juziñamui ocuica uaimo daíí cúeina jira. Afe uai daide: “Nana nánora jococa iiza Juziñamui íena mamérede.” ²⁴ Jira jáidiaíllinoí Juziñamui daina fecalle raa fecállena. “Mena úcugí, níbai mena fíiciri fatá Juziñamuimo omói fecari,” aféuai daíí daide.

²⁵ Aféruillaído Jerusalemo Simeóna mámece redímie illa. Afémie iere ñúemie; Juziñamuimo íñofirede. Israel nairai fairíconimona bairolle úíñote. Simeón Juziñamui Ñuera Joréñodo úicaígamie. ²⁶ Afe Ñuera Joreño, Simeón nai tííñenia Juziñamui orelle Crístona cíóite, daíí ie fidíate. ²⁷ Ie jira Jesús móotiai íaíllinoí, gairíracomo Jesuna uilla uícodo, Juziñamui Ñuera Joreño afe Simeón gairíracomo jáíllena ífode. Iemona José María díga, jaiiai ocuica fínofirena izói Jesuna íaíllinoí fínuai bílla llezica, Simeón Jesús ie ónoímo llínote. ²⁸ Simeón íena llíñua llezica Juziñamuimo ñúefue llocana daide:

²⁹ —Juziñamui, maí birui caímare tíiredicue, mei o ocuífíregamiedicue, o cuena daina izói nana ñue fuitádio.

30 Dama cue uído cai Jíllotaramana ciódicue.

31 Afémie jae nana comini eróicana o jóonegamie.

32 Afémie judíuainédino ñúefuiaina onótaitimie.

Iemo jiái afémie o comini Israelmo ñúefuiaina nítaite,
—daí daide Simeón.

33 Jira José María diga Simeón úruena daí ie dáinari fáigacaidiaillinoi.
34 Ie jira Simeón uáillaído íaioina cáimacaitade. Iemo Mariana, Jesús eina daide:

—Eroi, bie úrue Juzíñamui mamécámie. Diga Israel comini íena ruifruillamona táinoficaitiaioi. Iemo jiái aillo comini íemo ínuamona ñúemacina jáitiaioi. Afémie onótate raa ízoite, íemo aillo comini íena íairuitiaioi. 35 Afedo illa dígamie ie comeci ifue onuille. Mei íadi ómona bie nana, jáirede lloefai izoide, dango o comeci izire fínoite, —daí Simeón daide.

36 Afénori daa ringo illa. Afengo Juzíñamuimona ie oga uai llófuefirede. Afengo mámece Ana; Fanuel jiza. Iemo jiái Aser náiraimona comuídingo. Afengo iere éirogi. Afengo jítáingona illa llezica inírede. Afengo siete diga fimona afémie diga ite. Afe mei afengo fecíngona jaide. 37 Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífirede, mei afénomo mona naio diga Juzíñamui ocuífirgangona ite. Afengo iere Juzíñamuimo úrífiredede, íemo jiái iere fímairite Juzíñamui íóbitallena. 38 Simeón Jesudo úrilla llezica afengo afénomo bite. Iemo írue dibéfodo Juzíñamuina “Figora” daína mei, afengo nana Jerusalemo íte jíllollena uíñotinomo úrite. Dúemie Jesús ñúefuiaina afengo íaioimo llote.

Nazaremo meine jáillafue

39 Iemona, nana Juzíñamui ocuica uaila íaioi fuita mei meine Galilea éniemo jáidiaioi. Afénomo dani íaioi jofue Nazaremo fiébizaide. 40 Afénomo afe úrue iere íocire móonaite, íemo jiái ráfuena baitádimiena móonaite. Afe llezica Juzíñamui afézamo caimare eroide.

Juzíñamui gairíracomo úrue Jesús finócafue

41 Jesús moo íaillinoi naga fimónaiaído Jerusalemo pascua ráfuemo jáífirede. 42 Jesús doce diga fimona fuita mei, íaioi finófirena izói afe ráfuemo nana jáidiaioi. 43 Afe rafue záillamona, jofomo meine íaioi jailla llezica, afe úrue Jesús Jerusalemo fiébicaide. Afeza fiébicaillana ie ei, José diga onóñediaillinoi. 44 Nibai cai onóigamací diga bite, daídíaillinoi. Daa mona daí íodo comécídiaillinoi. Mei íadi íaillinoi onóigamací cígido jenódiaillinoimo 45 afézana cióñediaillinoi. Jira meine Jerusalemo íemo jénuaidiaillinoi.

46 Afe mei daruíamani íllamona Juzíñamui gairíraco eromo afézana baitíaillinoi. Ocuica uai llófuetino cígimo ráidena baizájidiaillinoi. Afeza afémaci úrillamo cacáreide. Afe llezica afeza afémacimo jicánofiredede. 47 Nana afeza íaioi uailaí úana cacáidino fáigacaidiaioi; daje izói ie ráfuena baitari. 48 Ie moo íaillinoi íena cíozaiilla llezica íaillinoína jacínaitade. Ie ei íena daide:

—Cue jító ¿nibái cócori bifue finódio? Cue o moo diga iere coco comécina lícitatío, ona iere zuure jenódicocoza, —daide.

49 Mei jira Jesús íaillinoi uai ote:

—¿Mei nibái cue jenódiomicoi? Cue Moo llogáfue mo cue jarítaiticue; ¿áfena onóñediomicoi? —daide.

⁵⁰ Mei íadi afe íaillinoína afeza dáinana onóñediaillinoi.

⁵¹ Afe mei afeza ie moo íaillinoi diga abido Nazaremo jaide. Iemo íaillinoi ocuállana jeire ófirede. Ie ei nana bífuiai comécimo jóonete. ⁵² Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíniri afémiemo jíruitiaioi.

3

Juan Bautista táizicimo rafue jino llote

(Mt 3.1-12; Mr 1.1-8; Jn 1.19-28)

¹ Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. ² Afe llezica Jerusalemo jamánomoide lletáirairama íaillinoi Anás Caifás diga. Aféruillaído Juzíñamui Zacarías jító Juaamo táizicimo úrite. ³ Iemona Jordán abi comíni illágobiaído Juan llócaide. Afémacina bie izói daícade: Omoi comeci ífuiai méidori; áfemona omoi fiénidífuiai dólleza. Iemona omoi báutizatari. ⁴ Jaiai uai lloráima Isaías úcodo cuega uai izói bífuiai íficaide. Be afe uai: Ficire úritimie uai táizicimo cácaide. Afémiemo daide: “Juzíñamui bille io ñue fínua izói omoi comeci ñue fino.

Afémiemo io jaícina dénuu izói, omoi comeci íaífuiai féitari.

⁵ Nana ana jica ite ítaicoíai ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica íñede io, daje llezica jóbite.

⁶ Iemona nana nairai Juzíñamui caimo orelle jíloillífuemo comécidiaioi.”

⁷ Comíni Juan dine íaioi báutizailla llezica, afémiemo íaioína daide:

—¿Titade jaíóniaimona comuídino izóidiomoi! Ja áinozide duere zefuállífuemona omoi botállena, ¿bu omoi llua? ⁸ Omoi comeci ífue méidoiacanana ñúfuedo uáfodo jino ácatari. Dani ómoimona táinona “Abrahámona comuídinodicaí” daíñeno iri. Mei bie nofíciaimona Juzíñamui jítáidi, Abraham comínina comútaredeza, daí ómoína daidicue. ⁹ Fiénide amena tiéllena jata jicaída jóonia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

¹⁰ Jira comíni afémiemo jícanotiaioi:

—¿Mei bie ñie izói íredicaí? —daidíaioi.

¹¹ Jira Juan uai ote:

—Mena caifóferoiredimie, caifófenidimiemo daa írede. Iemo gülleredimie güllenedimiemo güllena fecárede, —daide.

¹² Afénomo dáarie gobierno íbátaga úcube llínoraini báutizaillena Juaamo jícaíbitiaioi. Afémiemo jícanotiaioi:

—Llófueráima, ¿mei bie cai ñie izói ííticaí? —daidíaioi.

¹³ Jira Juan íaioína daide:

—Ocuica uai dáina baimo dama raíñóñeno iri, —daide.

¹⁴ Iemo dáarie “soldado” dáina nairai úíñotino Juaamo jícanuaíbitiaioi:

—¿Mei bie cai ñie izói ííticaí? —daidíaioi.

Jira Juan íaiói uai ote:

—Jácidota, jiáimamona minícana bairóñeno iri. Daje izói jácidoñeno jiáimamo ie finoñegafue táinona íaióimo jitáñeno iri. Nano omoi táijina iba dieze uái omoi iri, —daide.

¹⁵ Nana comini Juaamo coméci idiaíoi. “Nibai bímie Crístona,” comécido daidíaiói. ¹⁶ Mei íadi Juan nana afémacina daide: Mei uáfueza, cue jáinoina omoi báutizadicue.

—Mei jiáimie ja bite. Afémie Juzíñamui Ñuera Joreñodo ómoína úcaite. Daje izói iraimo raa ñue zia izói, afémie ómoína íainino ñue fínoite. Afémie cue baímo ríinorede. Cue bie jamáimiedicueza, afémienna dama jacíruiredicue. ¹⁷ Jabe bíitimie arroz bíaidimie izói ja ie llocofe llícabite. Afémie arroz bíamona ícuai oni eneno ua izói, ñuemacimona fiénidinona oni eneno óite. Ñuemacina ie illánomo ñue éenoite. Mei jiáifodo fiénidicuai izóidino zíñona dúñeite iraimo jóbaite, —daide Juan.

¹⁸ Afe bíemona naa aillo jiáie llófuiado Juan ñuefuiái jino comínimo llote. ¹⁹ Afe emódomo Juan illaíma Heródesna riire lletade, mei ie ama Felipe ai Herodías ie aina ua jira. Daje llezica ie finoca fiénidifuiái Juan íena lletade. ²⁰ Mei íadi Juan llétajana ínoñeno afe baímo jiáie íaifuena nabaide: Herodes Juan llavéracomo ibaide.

Jesús báutizaga

(Mt 3.13-17; Mr 1.9-11)

²¹ Afe uícodo, Juan nana comini báutizaja llezica, Jesús jiái báutizaga. Afe Jesús báutizaja llezica afémie Juzíñamuimo úrite. Urilla llezica mona tújjicaide. ²² Afemona Ñuera Joreño fíiciri baizáibilla izói, afémiemo comini cíoicana baizáibite. Afe llezica monámoma daa úrilla cácaicaide. Afe úrilla daide:

—Cue izíruiga Jitódio. Ori iere íobioidicue, —daide.

Jesucristo uzútiai

(Mr 1.1-17)

²³ Ja Jesús treinta fimona íllamona Jesús comínina canóllena ie táijina como tainede. Comini coméciilla izói Jesús José jitó.

Iemo afe José Elí jitó.

²⁴ Iemo daje izói Elí Matat jitó.

Iemo afe Matat Leví jitó.

Iemo afe Leví Melqui jitó.

Iemo afe Melqui Jana jitó.

Iemo afe Jana José jitó.

²⁵ Iemo afe José Matatías jitó.

Iemo afe Matatías Amos jitó.

Iemo afe Amos Nahum jitó.

Iemo afe Nahum Esli jitó.

Iemo afe Esli Nagai jitó.

²⁶ Iemo afe Nagai Maat jitó.

Iemo afe Maat Matatías jitó.

Iemo afe Matatías Semei jitó.

Iemo afe Semei Josec jitó.

Iemo afe Josec Judá jitó.

²⁷ Iemo afe Judá Joanán jitó.

Iemo afe Joanán Resa jító.
Iemo afe Resa Zorobabel jító.
Iemo afe Zorobabel Salatiel jító.
Iemo afe Salatiel Neri jító.
28 Iemo afe Neri Melqui jító.
Iemo afe Melqui Adi jító.
Iemo afe Adi Cosam jító.
Iemo afe Cosam Elmadam jító.
Iemo afe Elmadam Er jító.
29 Iemo afe Er Josué jító.
Iemo afe Josué Eliezer jító.
Iemo afe Eliezer Jorim jító.
Iemo afe Jorim Matat jító.
30 Iemo afe Matat Leví jító.
Iemo afe Leví Simeón jító.
Iemo afe Simeón Judá jító.
Iemo afe Judá José jító.
Iemo afe José Jonam jító.
Iemo afe Jonam Eliaquim jító.
31 Iemo afe Eliaquim Melea jító.
Iemo afe Melea Mena jító.
Iemo afe Mena Matata jító.
Iemo afe Matata Natán jító.
32 Iemo afe Natán David jító.
Iemo afe David Isaí jító.
Iemo afe Isaí Obed jító.
Iemo afe Obed Booz jító.
Iemo afe Booz Sala jító.
Iemo afe Sala Naasón jító.
33 Iemo afe Naasón Aminadab jító.
Iemo afe Aminadab Admin jító.
Iemo afe Admin Arni jító.
Iemo afe Arni Esrom jító.
Iemo afe Esrom Fares jító.
Iemo afe Fares Judá jító.
34 Iemo afe Judá Jacob jító.
Iemo afe Jacob Isaac jító.
Iemo afe Isaac Abraham jító.
Iemo afe Abraham Taré jító.
Iemo afe Taré Nacor jító.
35 Iemo afe Nacor Serug jító.
Iemo afe Serug Ragau jító.
Iemo afe Ragau Peleg jító.
Iemo afe Peleg Heber jító.
Iemo afe Heber Sala jító.
36 Iemo afe Sala Cainán jító.
Iemo afe Cainán Arfaxad jító.
Iemo afe Arfaxad Sem jító.
Iemo afe Sem Noé jító.
Iemo afe Noé Lamec jító.

³⁷ Iemo afe Lamec Matusalén jitó.
 Iemo afe Matusalén Enoc jitó.
 Iemo afe Enoc Jared jitó.
 Iemo afe Jared Mahalaleel jitó.
 Iemo afe Mahalaleel Cainán jitó.
³⁸ Iemo afe Cainán Enós jitó.
 Iemo afe Enós Set jitó.
 Iemo afe Set Adán jitó.
 Iemo afe Adán Juzíñamui jitó;
 ua, Juzíñamui nano finócamie.

4

Taife Jesús facátate
(Mt 4.1-11; Mr 1.12-13)

¹ Jesús diga Ñuera Joreño uaido íllamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dinomo Taife íena fieni facátate. Aféruillaido Jesús jaca due jiza güíñede. Afe mei iere jamánomo jufínaite. ³ Mei jira Taife íena daide:

—Ua Juzíñamui Jitona o íadi, bie nofíciái güíllena fino, —daide.

⁴ Jira Jesús uai ote:

—Juzíñamui Cuegáuai daide: “Fia güíllado come ínide, mei jiáifodo nana Juzíñamui lloga uaido írede,” —daide.

⁵ Afe mei Taife caifónedumo ie uite. Dinómona nana éniemo ite náiraiái dáaruído íena ácatate. ⁶ Iemo Taife íena daide:

—Nana bie náiraiái riino naa ie ebíredinuiári omo ííticue. Mei nana bie cúeieza. Iemona cue fecáacana dieze jiáimamo íredicueza. ⁷ Cue anamo o dújuillano cuemo o caimátaia nana bie óieiteza.

⁸ Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamui caimátairena. Dama afémie ocuífíregamiena o iri,” —daide.

⁹ Nane afe mei Taife Jerusalén jófuemo Jesús uite. Afénomo ite gairíracó emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticai, ¹⁰ mei Juzíñamui Cuegáuai bie izóí dáideza:
 Juzíñamui ie abi imácina ona uíñotaite.

¹¹ Iaiói ónoído ona mozíñoitiaíoi, o eiba nofíciáimo íziñeillena.

¹² Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

¹³ Ja Taife Jesuna jiáie facátaja raana baiñenamona nano íanori afémiemona fáicanocaillano oni jaide.

Jesús Galilea éniemo fueñe táijizaide
(Mr 4.12-17; Mt 1.14-15)

¹⁴ Jesús Galilea éniemo abído bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaíoi. ¹⁵ Nágagobiaimo ite Juzíñamui uai llorácuaido Jesús llófuecaide. Iemona nana comini ñúefuiaí afémiemo mamédiaíoi.

Jesús Nazaremo mácajide

(Mt 13.53-58; Mr 6.1-6)

16 Mei íemo Jesús ie móonaila Nazaret jófue mo abido mácajide. Iemo ocózinaillarui mo Juzíñamui uai llorácomo ie fínofirena izói, jofu jaide. Jaillano Juzíñamui Cuegáuai facádollena caifo naidaide. 17 Iemona jaiái uai llóraima Isaías Cuegáuai illabe Jesumo itiaíoi. Afémie afénico túíñuano afe bie uai illano baite. Afe be níuái:

18 “Cai ocuide Juzíñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jíllotallena ocuícacue.

Daje izói llavécanona zuitalle uai llóllena orécacue.

Iemo jíái uina cíoiñedino uina cíoitallena orécacue.

Iemo duere finócanona zuitállena orécacue.

19 Daje izói Juzíñamui caimo jamánomo caimare érocaillirui llóllena orécacue.”

20 Iemona Jesús afénico íbáillano, Juzíñamui uai lloraco ero canófredimie mo abido ite. Afe mei Jesús ana ráinade. Iemo nana afe llorácomo itino Jesumo riire eróiediaíoi. 21 Iemona Jesús íaíoi na daide:

—Ja birui omoi eróicana bie Cuegáuai ñue ícoimo fuite, —daide.

22 Nana Jesudo ñue úritiaíoi. Afémie íaíoi mo lloga ebírede uáillairi caimare fáigacaidiaíoi. Mei jira jícanotiaíoi:

—¿Mei bie afe José jítoíñede? —daídíaíoi.

23 Jira Jesús íaíoi na daide:

—Uáfueza bie omoi daíífirena uai cuemo mámeitiomoi: “jíráredinona manóricadimie, fueñe dama o abina jíllota!” (Comini Jesús Juzíñamui oreca ua Crístona íaíoi daííñenamona, Jesús bie izói daide. Mei afémie fia José jíto íadi, jíáimana jíllotanideza.) Daje izói nibai cuena dáíitiomoi: “Nauí cai cacana Capernaumo ebire o finócafue mai birui dama bie o jófue mo finori.”

24 Iemo Jesús ie úrillana mozíñoñeno nai jíái uai llote:

—Mei uáfueña ómoína daídícue, naga uai jino llóraima dama ie comini cígiri jaca figo íñoñega. 25 Omoimo jino uáfodo llóitícue, nauí Elías illáruillaído Israel nairai cígimo diga fecíngotiai ite. Aféruillaído daámani fimona átuedo noci bííñede. Afemona afeno nairai jamánomo júbietaidiaíoi.

26 Mei íadi Elías Israelmo ite aillo fecíngotiaimona daíngo mamedada óreñega. Mei jíáifodo jica Sarepta jófue mo ite fecíngo mamedada Elías oreca daíngo canóllena. Afe Sarepta jofue Sidón jofue áinori ite. 27 Daje izói uai llóraima Eliseo illáruillaído Israel náiraímo aillo chíñaitinuaíai ite. Mei íadi afemacimona dáamie jaca jíllotañega. Mei jíáifodo jica Siria éñie imie Naamán jíllotaina, —daide.

28 Afe uaina cacáillano nana llorácomo itino afe Jesumo iere ríicaidiaíoi.

29 Náidacaillano afe jófue mo jino ie jíúdiaíoi. Afe mei afe jofue idu ícoimo íena uitiaíoi, afénomona ana ie dotállena. 30 Mei íadi Jesús afedu ícoimona gírecaillano íaíoi cígido abido jaide.

Fiénide jóriai úicaigamie Jesús jíllotate

(Mr 1.21-28)

31 Afe mei Jesús Galilea éñie mo ite Capernaum jófue mo jaide. Afénomona ocózinaillarui mo nane como comini llófuaide. 32 Riire ocuilla uaido ie íaíoi llófuiari caimare fáigacaidiaíoi.

³³ Afe Juziñamui uai llófuerao eromo fiénide jóriai úicaigamie ite. Afémie Jesuna cióillanona riire caillide:

³⁴ —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitabitio? Ona ónodicue Juziñamui ñúefuiaido jacíruiregamiedio, —daide.

³⁵ Jira Jesús fiénide jóriai uai ote:

—¡Uriñeno! ¡Bímie fáicanocai! —daide.

Mei áfemona afe ímana fiénide jóriai comini eróicana ana éniemo dotade. Daií finuano afe jóriai afe ímana ízitañeno oni jáidiaioi. ³⁶ Aferi nana jacínaillano jofo conímaiaina daidiaioi:

—¡Bímie uailai nái mei riinorena! Afe bímie riirede uaido fiénide jóriaina orede. Iemo afémaci áfemona jáidiaioi, —daidiaioi.

³⁷ Afe énie comini nágagobiaido Jesudo úritiaioi.

Jesús Simón Pedro jifaiño jíllotate

(Mt 8.14-15; Mr 1.29-31)

³⁸ Afe mei Jesús Juziñamui uai llófueraomona jino billano, Simón jofomo jaide. Aféno Simón jifaiño ie abi cuarillari iere irárede. Jira afengo jíllotalena Jesumo izire jicádiaioi. ³⁹ Iemo Jesús aféngomo ana áinozillano ie onoi llánote. Afe lezica ie abi cuarilla llácaide. Iemona afengo jíllobicaide. Daií daina lezica afengo náidacaillano afémaci jitaica raa bai atide.

Jesús diga iráredino jíllotate

(Mt 8.16-17; Mr 1.32-34)

⁴⁰ Ja jitoma jímaicaidemo, diga jíáiforiede duico ogánuiaina Jesumo atidiaioi. Afémacimona illa dígamie Jesús ie onoi bitade. Bítajamona afémaci jíllozitiaioi. ⁴¹ Iaiói atica iráredinuiaimona diga fiénide jóriai jino jaide. Jaillano afémaci riire caillíoidiaioi:

—O Juziñamui Jitódio, —daidiaioi. Mei íadi, como úrizaidiaioimo Jesús íaioina úritañede. Mei afémaci afémie Crístona íllana onódiaioiza.

Jesús Galilea éniemo uai jino llote

(Mr 1.35-39)

⁴² Afe jítiramo Jesús jofue baimo buna iñénanomo jaide. Mei íadi comini íena jenódiaioi; ie illánona baizájidiaioi. Afémaci afémiena iere jeruídiaioi oni jíáinomo afémie jáiñeillena. ⁴³ Jira Jesús íaioina daide:

—Jíáie jófuiamo Juziñamui illáimana illíruimo ja ánozideza áfena llujíredicue, mei afe jira orécacueza, —daide.

⁴⁴ Afemona daií Jesús Galilea éniemo ite Juziñamui uai llorácomo llófuecana uite.

5

Jesús uaido dáinamona jamánomo aillo chamuniai oga

(Mt 4.18-22; Mr 1.16-20)

¹ Afe mei jíáiruideo Jesús Genesaret jorai fuédamo ite. (Afe jorai jíáifodo mameina Galilea.) Aféno me ie illa lezica diga comíniai aféno dúcina. Afémiena jamánomo rillíretadiaioi, mei afémaci Juziñamui uáillaime iere cacácadiaioiza. ² Afe jorai fueda áinori mena nocáe táicaena Jesús ciede. Mei afécaemona facóraini oni jaillano íaioi chamu ora llóji jocódiaioiza. ³ Iemona Jesús Simón icaemo jaide. Afécaemo jáillano íena daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófuete. ⁴ Ie llófuia fúillamo, Simona daide:

—Bie nocáe bai batí afóredinomo ui. Afénomo chamu ólleza omoi llójji dota, —daide.

⁵ Jira Simón uai ote:

—Llófueraima, jae naio náamonana facódicaiza, íadi jaca daa oñédicai. Mei íadi o daina izói mei o ocuícaza llójji dótaiticue, —daide.

⁶ Daií dotádemo, jamánomo aillo chámuniaí júdeza, llójjina cuatáacade.

⁷ Afe jira oni jáícaemo ite íaiói nabáitiaí ónoído jírítiaíoi, ie íaiói cánuaiBILLENA. Jira afémaci cánuaiBITIAÍOI. Afe íaiói jítaga chámuniaí íaiói ménacae áillocamo orúttatiaíoi. Jamánomo oruillamona afe ménacae buíacade. ⁸ Afena Simón cíoilano Jesús ana dújullano daide:

—Cue Ocuíraima, cúemona oni ii. Cue bie fiénidifue finódimedicueza, —daide.

⁹ Mei ua, afe aillo chamu jíllari Simón naa ie nabáñiaíri jacínaitiaíoi.

¹⁰ Iemo jáí Zebedeo jitó íaillinoí Santiago Juan díga, Simón nabai daje izói jacínaitiaíoi. Mei íadi Jesús nane Simona daide:

—Jacíruiño. Benómoma chamu fácuá izói comínina jénoitioza, cuemo íaiói íinollena, —daide.

¹¹ Iemona afe ménacae oni fuédamo zítajano, dinomo nana fíiano Jesudo jáidiaíoi.

Jesús chíinaitimie jíllotate

(Mt 8.1-4; Mr 1.40-45)

¹² Iemo jáíruido, Jesús jófuemo illa llezica chíinaitimie Jesumo dúcide. Jesuna cíoilano ana dújuillano uíeco dinena ana éniemo bíjicaide. Daií ñiano Jesumo izire jícade:

—Cue Ocuíraima o jítaíadi bie duícóna cúemona oréredio. Cúemona oreri, —daide.

¹³ Iemona Jesús ie ónoído jétano daide:

—Jii, ona jíllotaiacadícue. Benómoma ja íainitioza, —daide.

Daií daina llezica ie irárena chiie jacáibicaide. ¹⁴ Afemona Jesús afémiena “Bie bumó lloñoeno iri” daide. Afe emódomo nane daide:

—Mai lletáriraimamo o abí ácatari. Afe llezica Moisés ocuica o abí ja íainide daítate raa, mai fecari. Afemona nana comini o chiie ja jacáillana ónoitiaíoi, —daide.

¹⁵ Jesús izire íena rairuide íadi Jesús mámece jamánomo bai jíca jalléicaide. Iemona aillo comini ie uaimo cacáreizaíbitiaíoi. Daje izói íaióimo ite duícómoma ie jíllotallena aillo bitiaíoi. ¹⁶ Mei íadi Jesús bai comini íñénanomo jaide, afénomo ie Moo Juzíñamuimo úrillena.

Jesús tízitaitimie jíllotate

(Mt 9.1-8; Mr 2.1-12)

¹⁷ Nane afe jáíruido Jesús llófuemaritemo, fariséuaimona dáarie afénomo ráiiede. Afe llezica oni jícana bite ocuica uai llófueraíni dáanomo ite. Dáarie Galilea ígobiaimona bitiaíoi. Daje izói jáímace Judea éniemona, íemo Jerusalén dinena jáí bitiaíoi. Aféruimo Juzíñamui ríino aillo iráredino jílluamona jino ácataga. ¹⁸ Afe dáaruido díga ímie tízitaitimie naa ie bíiralludo atídiaíoi. Jofo Jesús uícomo ie uíacadiaíoi. ¹⁹ Mei íadi iere

comínina oruúdeza jofu íaioi jáillino iñede. Ie jira caifo jofu emódomo uitíai. Uillano afeno tuiñódiaioi. Afeno túiñuano afe iráredimie naa ie bírallu diga ana comini cigimo Jesús uícomo agúínetiaioi. ²⁰ Jesús ñue íaioi ínuana cioillano, iráredimiena daide:

—Mii, nana o fiénidifuiái ja muiñócaza, —daide.

²¹ Iemona ocuica uai llófueraíni naa fariséuairi, como comeci anado daidíai.:

—¿Mei bie bu? baie jáímie fiénidifuiái dóficailla dánado Juzíñamuina icíritaja. Jaca bu comini fiénidifue muiñóñena; dama Juzíñamui fiénidifueña múiñua, —daidíai.:

²² Mei íadi Jesús comeci íaioi fácajana onóillano daide:

—¿Ñibái mei bie izói comeci facádiomoi? ²³ Mei daí daina ménade uáimona ¿nie uai iere llotáinina? Afe ménade uai be nie: O fiénidifue muiñócaza. Iemo jáíe uai bie izói joide: Mai náidacaillano maca. Iiraie uai jamánomo llotáirede, mei omoi eróicana íteza.

²⁴ Mei jira, Nanoide íima Jitódicueza bíniemo cue illa llezica comínimo ite fiénidifue cue muiñolle riño jino ómoimo cíotaiticue, —daide.

Mei jira Jesús tízitaitimiena daide:

—Ona dáíticue náidacai; náidacaillano o bírallu llínota o jofomo jai, —daide.

²⁵ Daí daina llezica, afe tízitaitimie comini eróicana caifo náidacaide. Náidacaillano, ie bírallu llínota, Juzíñamuimo caimátaicana ie jofomo jaide. ²⁶ Aferi nana comini caimare fáigacaidiaioi, íemo Juzíñamuimo caimátaidiaioi. Afe mei jacíruioicana daide:

—Ñi birui cai iere ebíredifuiaina ciona, —daidíai.:

Jesús Leví járite

(Mt 9.9-13; Mr 2.13-17)

²⁷ Nane bie méifomo Jesús jofue cigido mácaja llezica, gobierno íbátaga úcbe llínoraímamo riire eroicaide. Afémie mámecei Leví. Afe úcbe íbafirenanomo afémie ráide. Jesús íena daide:

—Mai cuedo bi, —daide.

²⁸ Iemona Leví náidacaillano nana ie táijina fáicanocaillano Jesudo jaide.

²⁹ Afe mei Leví áillue rafue ie jofomo Jesús íena finode. Afe Leví izoide aillo úcbe llínoraíni naa jáímaciri güirábanimo ráiizaíbitiaioi. ³⁰ Mei íadi fariséuai naa ocuica uai llófuetinori Jesús llófuegamacimo como meine fiéni úritiaioi. Iaioina daide:

—¿Ñibái mei baie úcbe llínofirede fiénidinori güítíomoi? —daidíai.:

³¹ Jira Jesús íaioi uai ote:

—Íociredimie mánuamo dúíñede. Iráredino manórena. ³² Dani ñuemacina abi mamédonona uáiduaíbiñedicue, mei jáíifodo fiénidifuiairedino comeci ífue méiduaíbiticue, —daide.

Iaioi ímairillena Jesumo jícanotiaioi

(Mt 9.14-17; Mr 2.18-22)

³³ Iemona afémaci Jesumo jícanotiaioi:

—¿Ñibái mei Juan dibénedo jáidino, íemo jáí fariséodo jáidino, diga ícaíño riire ímaífirediaioi? Iaioi ímairilla llezica Juzíñamuimo jamánomo

jicáñrediaioi. Mei jiáifodo o llófuegamaci jaca güñfirediaioi, jiróñfirediaioi. ¿Ñibái mei daíñ itíaioi?

³⁴ Jira Jesús íaioi uai ote:

—Mai cuena omoi daíñ: ¿Airena rafue llezica áfemo uáidogano meita zúurenari güñidiaioi? Daíñañede; ringo otímie íaioi cígimo illa llezica caimare güitíaioi. ³⁵ Mei íadi ringo otímie íaioimona báiruabilliriuimo dúciite. Aféruido comeci zúurenari güññeitiaioi. Ringo otímie izói birui cuedo jáicaidino cígiri itícueza.

³⁶ Ie emódomo jiáie onótate rafue llote:

—Jaca ñino dáamie comue iníroimona jáitano, jácaroimo nitáñede. Daíñ nitáadi cómoroina fienei cóitate. Iemo jiái jácaroimo nitaca cómoroi figo cóiñede. ³⁷ Iemo nane jiáifue llote. Daje izói comue vino jácara igorai finoína íciru izoide raamo totánide. Dáamie daíñ totáadi afe comue vino afe jácara íciru eroide raana cuatade. Afemona afe íciru naa vino diga táinomo fáifite. ³⁸ Iemona comue vino comue igorai finoína íciruna eróidemo jónerede. Iemona afe naga ñue éenoga. ³⁹ Daje izói jácara vino jiróñinomona, buna cómojina jicáñena. Mei afémie “Jácapi jamánomo caimárena,” dáideza. (Afe bie dánado Jesús ie comue llófueinafue íemo íaioi jaiái llófuegafue dáanomo íñonide íaioimo llote.)

6

Jesús llófuegamaci ocózinaillarui trigo ímoiaí dícoiano otá güitíaioi (Mt 12.1-8; Mr 2.23-28)

¹ Daa ocózinaillaruido Jesús naa ie llófuegamaci jacáfaiaí cígido íaioi maca llezica, ie llófuegamaci trigo ímoiaí dícoiano otíaioi. Uano íaioi ónoido lléguano aféjiaina güitíaioi. ² Mei jira fariséuaimona dáamierie jicánotiaioi: —¿Ñibái mei ocózinaillarui rairuícamo táijidiomoi? —daidíaioi.

³ Jira Jesús íaioi uai ote:

—¿Omoi jaiái illaíma David finócafue cúeinana facádoñediomoi? Afémie naa ie nabáññairi juffñaitiaioi. ⁴ Afe llezica Juzíñamui jofomo jofo jaillano rairuica páñiaí ote. Uano güite. Afe mei afémiedo jáidinomo fecade. Mei íadi afe pan dani lletáriraini güiga. Abi dine jamai comini güñide.

⁵ Nane dáanomo íaioína daide:

—Nanoide fima Jitódicueza, ocózinaillarui, cue ocuille ráino ite, —daide.

Onoína jofo naillídímie rafue (Mt 12.9-14; Mr 3.1-6)

⁶ Nane jiáie ocózinaillarui Jesús Juzíñamui uai llorácomo jofo jaide. Jaillano llófuete. Afécomo onoi nabézina jofo naillídímie ite. ⁷ Afe llezica ocuica uai llófuetino naa fariséuairi Jesumo bánino éroiediaioi, ocózinaillaruido afe ónoína jofo naillídímie jillotajana cóillena. Afémie jillotaiaí áfedo fiénidífue íemo jítaiticaí, comeci anado daidíaioi. ⁸ Mei íadi Jesús íaioi comeci fácajana onode; jira ónoína jofo naillídímiena daide:

—Náidacaillano bai cai cígimo bí, —daide.

Iemona afémie náidacaillano bai náidazaide. ⁹ Afe mei Jesús jiáimacina daide:

—Omoimo dafue jicánoitícue. ¿Ocózinaillarui ñie táijina rairuínina? ¿Cai finoca fiénidífue, mei ñibai cai finoca ñúefue? ¿Cómene jillotaiticaí, mei ñibai méineiticaí? —daide.

¹⁰ Iemona Jesús nana ie onífenedo gairide comínimo eroide. Afemaci ie uai ofena jira, ónoina jofo naillídimiēna daide:

—O onoi jino zuita, —daide.

Jira afēmie zuitade. Zuitádemo ñue jílode. ¹¹ Mei íadi áfemona afe jíáimaci jamánomo rícaidiaioi. Dani jofo conímamo jícanotiaioi, ¿Mei ñie izói baie Jesús uáitaredicai?

Jesús doce diga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juzíñamui mo úrizaide. Afénomo afēmie Juzíñamui úritemo monaide. ¹³ Ja monáidemo nana ie llófuegamaci jírite. Jírillano afēmacimona doce dígamie nizede. “Oni oréllino” íaioina mamede. ¹⁴ Afe be ñimaci: Simón, afēmie jíáie mámece jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jíto Santiago, íemo Iere Járídotimacimo jaináidimie Simón, ¹⁶ íemo Santiago ama Judas, íemo uire Jesús fécaitimie Judas Iscariote.

Jesús aillo nairaí llófuete

(Mt 4.23-25)

¹⁷ Jesús caifónedumona naa afémaciri ana bitíaiioi. Billano ñúenomo nano íanori naidáiediaioi. Afénomo aillo jícanemaci Judea éniemona bitino gairírdiaioi. Daje llezica Jerusalémona, íemo jíái Tiro, Sidón diga jica itíniemona bitíaiioi. Bimaci nana Jesús úrillamo cacáreizaibitiaioi. Daje izói afémaci íaioimo ite dúicomona Jesús jíllotalena bitíaiioi. ¹⁸ Daje izói fiénide joríaí ucaigano jíllotagaiaioi. ¹⁹ Afe llezica nana comini Jesuna jetáacadiaioi, mei afēmie íemo ite ríinodo nana íaioina jíllotateza.

Cáimafue zuufue diga

(Mt 5.1-12)

²⁰ Iemona Jesús ie llófuegamacimo érocaillano íaioina daide:

—“Comeci dinena dúeredicai,” dáíifiredino omoi íadi, dúerede íadi íóbidiomoi; mei ómoimo Juzíñamui illáimana illano dúideza.

²¹ Júbiena méinegamie iere güicana izói, Juzíñamui comece jítaina izói iere íacadino omoi íadi, caimare íóbidiomoi, mei Juzíñamui afe omoi íacana izói omoi íllena ómoina cánoiteza.

Birui duere éediomoi íadi caimare itíomoi, mei uire zádaitiomoi.

²² Nanoide hima Jítódicueza cue ícoinia comini ómoina éoina llezica caimare ítiomoi.

Daje izói cue ícoinia ómoina jino íaioi jíuadi íóbítomoi. Iemo jíái cue ícoinia ómoina íaire íaioi daííadi, daje izói o mámece íairede raa izói íaioi jámairua, íóbítomoi. ²³ Aféruído iere omoi íóbíocairi. Jamánomo caimare omoi iri, monamo áillue omoi jíridolle raa íteza. Mei afe izói bimaci nánoidigima Juzíñamui uai llórainina iere duere finódiaioi.

²⁴ Mei jíáfodo omoi ráanaitino ñi dúerena, mei omoi caimátailla raana jae otíomoi za.

²⁵ Daje izói omoi jeírede izói itino ñi dúerena, mei uire iere jufíruitíomoi za.

Afe izói birui ómoimona zadáidino ñi dúerena, mei uire dúerenari éeítomoi za.

²⁶ Daje izói nana comini ómoído ñue íaiói úrilla llezica, ñii omoi dúerena. Mei afe izói afémaci jaiáigima taino uai llórainimo caimare úritiaioiza.

Caína éoidinona izíruiredicai
(Mt 5.38-48; 7.12)

²⁷ Mei íadi cue úrillamo cacáreidiomoína dáitucue: Omoi bacáuai imaci izói dino, ñii omoi diga iciritinona mai omoi izírui. Daje izói omoi éoidinona mai ñue omoi finori. ²⁸ Omoi faidódinona mai omoi cáimadori. Daje izói ómoína fienu finóacadino, ñue íaiói illeza, mai Juzíñamuimo omoi jicari. ²⁹ Daa come o uíeco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi baíróadi, daje llezica o caifóferoina mai o uitátari. ³⁰ Ninó dáamie raana omo jicáadi mai afémiemo jeruíñeno o fecari. Omona bairoca raana abido jicánoñeno o iri. ³¹ Jira jiáimacimo uícodo bie izói finórediomoi. Jiáima omo finólleña o óiacana dieze, áfeze afémiemo mai o finori.

³² Daa ómoína izíruintinona omoi izírui, ¿Mei ñie ñúefue finódiomoi? Mei fiénidino afe izói finuaza. ³³ Daje izói daa omoi ñue finódino ñue omoi finóadi, ¿néemei omoi finoca ñúefue? Mei fiénide comini afe izói finuaza. ³⁴ Afe izói daa “meine abido cue méidolle cue comécillamiemo” o fecáadi, ¿néemei o finoca ñúefue? Mei afe izói, fiénidino jiáie fiénidinomo méidollena fecádiaioiza. ³⁵ Mei íadi ómoína éoidinona izíruirediomoi. Abido méidollemo comécíñeno, fia fecárediomoi, afémacimo ñue finólleña. Afe izói omoi illemona áillue ñúefuiai máñioitiomoi. Afe llezica caifoide Juzíñamui jítótiaina jáitiomoi. Mei afémie daje izói jeruíñidimie. Figura daiñididino, daje izói fiénidinomo afémie jeruíñeno dájerize fecade. ³⁶ Omoi Moo cominimo dúecaifiredeza, afe dieze jiáimacimo mai omoi dúecaifireiri.

Jiáima jánana fienu úriñeno iri
(Mt 7.1-5)

³⁷ Jiáima jánana mai fienu úriñeno omoi iri, áfemona Juzíñamui riire ómoimo jicánoiza. Mai jiáimana duere finótañeno omoi iri, afe izói Juzíñamui duere omoi fínoiza. Jiáima ómoimo finoca fiénidifue mai omoi féitari, afe izói Juzíñamui omoi fiénidifue féitaiteza. ³⁸ Jiáimamo mai omoi ífireiri, íemona Juzíñamui ómoimo ífireiteza. Afémie raa omoi ofitara cirígaimo iere ñue fácajano afégaimo jóoneite. Afémie afégaina ñue riire jilloiciteza. Iemo jiáí afégaina caifo jica ebena óruitaita. Afémie afegai jamánomo oruítajamona ana abido cóciite. Jiáimamo cai facáfirena izói Juzíñamui caimo fácaite.

³⁹ Jesús bie onótatífue afémacimo llote:

¿Meita uínidimie jiáie uínidimie iodo ifórede? Nibai afe íaillinoi jáidiaillinoína ¿meita dáafomo báitíiaillinoi? ⁴⁰ Llófuegamacimona dáamie ie llófuetimie baímo onóñede. Mei íadi ie llófueina fuilla mei ie llófuetimie illa izói iite.

⁴¹ ¿Mei ñie izói o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfueñedio? (Afena daiácade: Aillo fiénidifue omo illa llezica; ¿ñie izói due jiza oni nibéfodo baíidimie jánana úiredio? Urinidio.) ⁴² Mei o uimo ite jéerie rarúnguaina o náfueñenia, ¿ñie izói o ámana “o uimo ite jéenide ráaruaina cue otata,” dáitio? Daiñidio. ¿Comeci dine íairena mei jínofene ñue cóidimiedio! Fueñe o uimo ite áillue rarúnguai mai o oíri; afe mei o ama uimo ite jéenide ráaruai óllena ñue cóitioza.

*Nana amena ie lliziedo ónorede
(Mt 7.17-20; 12.34-35)*

⁴³ Ñuera amena fiénide ráajaiina llizínide. Daje izói fiénide amena ñuera ráajaiina llizínide. ⁴⁴ Mei naga amena ie llizíllajido onoiga. Jaca jíurede monáigimona jíficollina jofo óñenaza. Daje izói “zarza” daina íanoride raróciimona jíricue jofo óñega. ⁴⁵ Ñuera come ñúefuedo úrite, mei ie comécimo ñúefue íllaza. Daje izói fiénidimie fiéni úrite, mei ie comécimo fiénidifue íllaza. Mei uáfueza o comécimo aillo jebuide raa o fuedo úrillaza.

*Mena jofo nillino rafue
(Mt 7.24-27)*

⁴⁶ Cue dainana íñoñediomoi ia çnibái mei, “cai Ocuíraima, cai Ocuíraima” daidíomoi? ⁴⁷ Cuemo cacárezaibitímie, íemo cue daina finófredimie illa izói ómoimo llóiticue. ⁴⁸ Afémie jofo nállana baitádimie izoide. Afe ñue nífredimie fueñe ana jica jáálliraina raite; ana mairídinomo jóonete. Afe mei ille renaila llezica afécomo jainoi riire dúcide. Mei íadi afe jofona jainóñede, mei afeco mozióidillirai mairídinomo jóideza. ⁴⁹ Mei jááfodo, cuemo cacárezaibitímie mei íadi cue dainana finóñedimie, bie jááfo jofo nitímie izoide. Bímie riire llíiñede éniemo jofo nite. Afe mei ille renaila llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

7

*Romano illaíma ocuífregamie Jesús jíllotate
(Mt 8.5-13)*

¹ Jesús comínimo úrilla fuilla mei Capernaumo jaide. ² Afénomo daa romano illaíma ite. Afémie ie ocuífregamiena iere izíruite, mei íadi afe ocuífregamie iere irárede, tíllanomo dúcide. ³ Afe illaíma comíni Jesudo úrilla cacáíllana, judíuaimona ocuífrede éicomíni orede, Jesumo izire jícallena, ie ocuífregamie jíllotaiBILLENA. ⁴ Afémaci Jesumo dúciillano iere izire jícadiaioi:

—Baie illaíma iere canórede, ⁵ mei afémie cai náiraimo caimare coméçifrede. Daa afémie cai Juzíñamui uai lloraco nitátate, —daidíaioi.

⁶ Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigamíai Jesumo orede. Illaíma daina izói Jesuna daidíaioi:

—Ocuíraima, ona áfedeocañedicue. Cue jofomo o bíllena dúiñede, mei jamáimiedicue. ⁷ Ie jira dama omo úrizabiñedicue. Jicana o uaido o daiíri, áfemona cue ocuífregamie jílloteza. ⁸ Mei cue jáíe illaíma uai anamo iticue. Afe izói cue úiñoaga fuiriraini cue uai anamo ite. Afémacimona dáamiena “Mai jai” cue daiíadi, afémie jaide. Iemo jáámiena “Bi” cue daiíadi, afémie bite. Cue ocuífregamiena “Bíemo o táijiri” cue daiíadi, afémie áfena finode, —daide.

⁹ Jesús áfena cacáíllano, afémie dáinari caimare fáigacaide. Iemo Jesús afémiedo jáidinomo érocaillano daide:

—Uáfueña ómoína dáitícue: Nana Israel náiraimo bie izói ínote come jaca baiñedicue, —daide.

¹⁰ Afe orécano meine jofomo jáidiaioimo, afe irárede ocuífregamie ja jíllodena cíozaidiaioi.

Jesús daa fecingo jíto tílla abido cáadimiena jaitate

11 Bie méifomo Jesús Naína daina jófuemo jaide. Ie llófuegamaci naa aillo jíáimaciri iedo jáidiaioi. 12 Afe jófuemo ja ánozidiaioimo, Jesús tíidimie íaioi raiájillana ciode. Afe tíidimie ie éimona daade jító. Afe llezica afengo jae fecingo. Aféruido afe jofue comínimona aillo aféngona nabáidiaioi. 13 Ocuíraima Jesús aféngona cíoillano íemo dúcecaide. Dúcecaillano daide:

—Mai éeñeno, —daide.

14 Afe llezica Jesús “ataúd” daina tíidimie illácojimo ánozillano afécoji jetade. Jira afécoji uitino moziñotiaioi. Iemona Jesús tíidimiena daide:

—Jítócome, mai náidacai ona daidicue, —daide.

15 Mei daíi daina llezica, afe tíidimie raináicaillano úrite. Afe mei Jesús ie eina daide, “Be, o jító; mai ómicoi jai; uái ómicoi iri,” daide. 16 Nana comini áfena cíoillano jacínaitiaioi. Juzíñamuimo aillo ñúefue jóoniano daidíaioi:

—Birui cai cigiri jamánomoide uai llóraima cíocailla, —daidíaioi.

Nane jíáifodo daidíaioi:

—Juzíñamui ie nairai cánuaibilla, —daidíaioi.

17 Iemona afe bie Jesús finócafue jica jalleide; ua nana Judea éniemo naa afe onífenemo itígobaiado jalleide.

Juan Bautista orécano

(Mt 11.2-19)

18 Juan nana afe Jesús finócano fidide, mei íedo jáidino afémiemo llógaza. 19 Mei íemona afémacimona ménamie uáidota Jesús dine orede. Oriano, bie meita ua bite Cristo dánnana ónoillena jicánotade. Daje izói, meita nibai nai jíáie bíitímie uíñoiticaí, afémie daíi jicánotade. 20 Afemona Juan orécano Jesumo dúciillano íena daidíaioi:

—O meita ua bite Cristo dainámiedio áfena ñue onóillena Juan cai jicánotade. Daje izói meita nibai nai jíáie bíitímie uíñoiticaí dánnana ónoillena cai jicánotade, —daidíaillinoi.

21 Afe íaillinoi dúcina llezica, Jesús diga comini íaioi íraniaimona jíllotate; daje izói dáaruído íaioi ote duícuaimona jíllotate. Daje izói fiénide jóriai úicaigamacina jíllotate. Iemo jíái diga uínidinuiaí uina cíoitate. 22 Afe llezica Jesús íaillinoína daide:

—Ómicoi cíonafue, naa ómicoi cacánafue diga mai Juaamo llujáiri. Bie izói afémiemo llujáiri: Uínidino ui ja cíoide, íemo macáñedino ja macádeza, íemo chíinaitino ja ñúemacina jaide, íemo jefona cacáñedino ja ñue cacádiaioi, íemo dáarie tíidino meine abido cáadiaioi, íemo dúredinomo jíllona uai llógaza. Nana bífuiaí mai afémiemo llujáiri. 23 Cuemo íinoñeilliuaina baiñédimie íóbite.

24 Juan orécano meine abido jailla mei, Jesús Juaado comínimo úrite; daide:

—¿Mei táizicimo minícana cíozaidiomoí? Nibai dáamie ie daina uaina méidofiredimiena cíozaidiomoí. 25 Afe izóidena omoí cíozaiñenia, ¿mei minícana cíozaidiomoí? ¿Meita nibai ñue cíoide ráifide iniroi jítaoidimiena cíozaidiomoí? Onódiomoíza, ñúecuairoi jítaoifredino illaini jofomo ífirediaioi naa dani íaioi comeci jítaina izói itínori. 26 Mei íirainomo, ¿minícana cíozaidiomoí? ¿Nibai Juzíñamui uai jino llóraimana cíozaidiomoí? Jii, ua, Juzíñamui uai llóraima baimo jamánomoidimiena

cióizaidíomoi. ²⁷ Juan baie Cuegáuai dainámie. Jaiai úicodo nai cue biñena llezica, afe uaimo Juzíñamui afémie dibenedo cuena daide:

O bille io ñue finóllena izói, comini íaíoi comécido ñue omo jiéruillena cue lluájitimie o uícodo óreiticue.

²⁸ Nana cominimona ite Juzíñamui uai llórainimona Juan Bautista baimo jamánomoidimiena iñede. Mei jáífodo, Juzíñamui illáimana illánomona jabóidimie Juan baimo jamánomoide.

²⁹ Afena cacáillano, Juan báutizaga gobierno ibátaga úcube llíinoraini, naa jáie báutizaiganori, “Juzíñamui ñíifuenidena finódimie,” daidíaioi.

³⁰ Mei jáífodo Juan báutizañega fariséuai naa báutizañega ocuica uai llófuotinori Juzíñamui íaíoiena mameca ñúefuiai jámairuillano táinomo fáifitatioi. ³¹ Iemo Ocuíraima Jesús daide:

—Bie monado itínona ¿ñie izói íaíoina mámeiticue? ¿Mei ñie izói cíotiaíoi? ³² Jofue cigi ibírímo jífanote úrue izóidiaíoi. Afémaci conímamo ebírede rúado caimátaiacadiaíoi, mei íadi afena fairíoñediaíoi. Daje izói conímama zúurede rúado fíraacadiaíoi, mei íadi daje izói afemo cacáreacañediaíoi. Afémaci jaca caimátaitanidiaíoi. ³³ Afe bie izói ómoimo ite. Mei Juan Bautista billa llezica afémie fímairillano güilleniai figo güíñede, daje izói vínona jiróñede. Iemona “fiénide jóríai uícaigamiedio” íena daidíomoi. ³⁴ Afe mei cue, afe Nanoide Íima Jitó dainámiedicue biticue. Billano, jáímaci izói güiticue, íemo jiródicue. Afemona bie izói nane cuena daidíomoi: “Bímie iere güilláredimie; jéerie jirófredimie. Fiénidifuiaredino nabáidimie; daje izói gobierno ibátaga úcube llíinoraini nabáifiredimie,” cuena dáifirediomoi. ³⁵ Comini Juzíñamui orécanona fiéni daidíaioi íadi, Juzíñamui baitaca rafue jiéruitínodo jino comínimo ñue cíotaga.

Fariseo Simón jofomo Jesús güizájide

³⁶ Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. ³⁷ Afe llezica, afe jófuego ite fiénide ringo, fariseo Simón Jesús güizaibillana fidíillano afécomo bite. Afengo “alabastro” daina nofici finoina duera iciru atide. Aferu ziore cáiredijina oruide. ³⁸ Eebicaillano Jesús idai abímo ráinazaide. Afe llezica ie uí jémedo Jesús idai jocode. Afe mei ie ífótidote. Duano ñitade; ñítajano ie uiga ziore cáiredijina afémie ídaimo totade. ³⁹ Afe Jesús güillena uáidote fariseo, afengo finócafuena cíoillano, comécido daide: “Bímie ua uai llórainimonia, bie ringo fiéninana ónoite. Afémie abina ñibai aféngona jétatañeite. Mei afengo fiénidíngo íllaza afémie aféngomona abí ráiruite,” daíí começi facade. ⁴⁰ Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraíma, mei daíni, —daide.

⁴¹ Jira Jesús daide:

—Mena come uícomo íaillinoimo iga úcube daje izói meine fecádimieimo írediaillinoi. Dáamie quinientos dieze meine írede, íemo jáímie cincuenta dieze meine írede. ⁴² Mei íadi nágaillinoi afe úcube fecádimieimo íaillinoi méidolle iñena jira, afe fecádimie afe íaillinoi abído írede úcubena féitate.

Mei birui cuena daini, mei bíáillinoimona ¿níimie fecádimiena jamánomo izíruiarena? —daide.

⁴³ Jira Simón uai ote:

—Cúemona, jamánomo aillo illano féitagamie aillo izíruiilla, —daide.

Jira Jesús íena daide:

—Ñue onódio, —daide.

⁴⁴ Afe mei, Jesús ringomo érocaillano Simona daide:

—¿Bingona ciódio? O jofomo cue billa llezica, cue ídaina jocóñedio, mei jiáfodo bie ringo ie ui jémedo cue ídaina jocode. Jócuano ie ífótiido zafénaitade. ⁴⁵ Iemo o jofomo biticue íadi cuena ñítáñedio, mei íadi afengo jofo cue billa llezica cue ídai ñítajana jaca fáicanocaiñede. ⁴⁶ Daje izóí o jofomo cue dúcina mei cue ifomo cáiredijina totáñedio, mei jiáfodo afengo ziore cáiredijina cue ídaimo totade. ⁴⁷ Ie jira ona daidicue, bie ringo aillo cuena izíruiillamona, afengo finoca aillo fiénidífue dónana ácatate. Mei jiáfodo jabo cuena izíruiimie iemo ite íaífue jabo dogá.

⁴⁸ Mei afe mei Jesús aféngona daide:

—O finoca fiénidífue jae dófideza, —daide.

⁴⁹ Afénomo afémie diga ráiide daane güíllena uáidogano daní conímana daidíaiói:

—Mei bie ¿níie come; comínimo ite fiénidífuiaina dóteza? —daidíaiói.

⁵⁰ Afe mei Jesús afe ringona daide:

—Mei daingo o íñuado jae jíllodio; mai uái daíí o jairi, —daide.

8

Jesús canófiredingoniai

¹ Bie méifodo, Jesús diga jófuiaido macácaide, naa due illánuiari. Afénuiaido Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaiói. ² Afe dáaruido dáarie duícuaimona ie jillotaga ringóniai afémiedo jáidiaiói. Iemo jiái dáarie íaiói uícaide fiénide jóríaimona jillotaga ringóniai iedo jáidiaiói. Afémacimona Magdalena énie ingo Maríana mámeciredingo ite. Aféngomona siete dígade fiénide jóríai nauí jino oreca. ³ Iemo jiáie canódingo Cuza ai Juana. Afe Cuza illaíma Herodes jabóidillaíma. Iemo jiáingo Susana. Iemo jiái aillo jiáie ringóniai, íaióimo ite ráaniaína Jesús canódingotíai.

Ríjifiredimie rafue

(Mt 13.1-9; Mr 4.1-9)

⁴ Afe jófuiaimona aillo comíni Jesuna cióillena bitíaiói. Aillo comíni dánomo ofilla llezica, íaiói onógafuedo Jesús jiáífue íaióimo llófuete. Íaióina daide:

⁵ —Ríjifiredimie ie rillíji rizájide. Rizájilla llezica, ie rigájiaimona dáarie iomo baiide. Afe iomo baídíjiai zaizíbide; jiáíjiai ófocuizai güiga. ⁶ Jiáie rigájiai nofíciái emódomo baiide. Aféjiai zícua llezica jainoi íñénari dúizite. ⁷ Ie mei jiáíjiai éegiai cígímo baiide. Afe éegiai jéerie zícua mona aféjiaína írataitano titade. ⁸ Mei íadi jiáie rigájiai ñuera éniemo baiide. Ñue zícua mei, jamánomo aite. Dáajidemoná cien dígají llizide.

Bie izóí úrillano, Jesús ficire daide:

—Cacáacadimie cacai, —daide.

Cacáacaiñedino jánaillena Jesús comini onóigado úrite

(Mt 13.10-17; Mr 4.10-12)

⁹ Iemona ie llófuegamaci afémiemo jicánotiaioi:

—Afe llogafue ¿niie izóí daiíacade? —daidíaioi.

¹⁰ Jira afémié íaioina daide:

—Juzíñamui ie illáimana illa rafue ónonidifuiái ómoína onótate. Mei íadi jáíamaciemo afémaci jánaillena comini onóigado úriticue. Iemona uina cíoiñedino izóí íitiaioi. Daje izóí afe uai afémaci cacana llezica, onóñedino izóí íitiaioi.

Ríjifiredimie rafue Jesús jino uáfodo lloste

(Mt 13.18-23; Mr 4.13-20)

¹¹ Ríjifiredimiedo lloga rafue bie izóí daiíacade: Afe rigájiai daina Juzíñamui lloga ñuera uai. ¹² Afe iomo baiídijiai daina ñuera uaina cacáдино. Mei íadi cacana mei, Taife billano afe ñuera uaina comini íaioi comécimona féitate. Afémaci jílloneillena, Taife afémaci afe uaina ínotañede. ¹³ Afe noficiaimo baiídijiai daina jáíifodo jóide ñuera uaina cacáдино. Afe uaina cacáillano caimare otíaioi. Mei íadi afémaci raire zicode raa riire jaináñena izóí, Juzíñamuimo afémaci figo jaináñenamona are inédiaioi. Nano íanori ínotiaioi. Mei íadi izire íaioi facátalliruimo dúcina llezica ñúefuena fáicanocaitiaioi. ¹⁴ Iemo afe éegiai cigimo baiídijiai daina, jáíie ñuera uai cacáдино. Mei íadi cacana llezica dani íaioi comeci jitaina diné jáiacadiaioi. Iemona afémaci comeci oni jáíinomo uilláfuiado, nocáe builla izóí féiraitiaioi. Daje izóí iere íaioi ráareiacanado, íemo jáíi bíniemo ite caimare cai itátafuiado anáfenogaiáioi izóidiaioi. Iemona figo llizíñede itíaioi. ¹⁵ Mei jáíifodo afe ñuera éniemo baiídijiai daina ñuera uaina cacáreacadino. Afémaci ñuera comécido cacáillano afe uaina ñue náfuetaioi. Iemona áfena fáicanocaiñeno ñue aite izóí jáidiaioi.

Boode mechera jánaide izóidifue

(Mr 4.21-25)

¹⁶ Buna boode mechera retáidoñede. Daje izóí buna boode mechera bíira anamo raináñede. Mei íadi jáíifodo boode mechera caifo uáfori cíoidinomo raináñirega, jofo jáidino ñue cíoiñena. ¹⁷ Mei uáfueza, nana retáidoga ráaniai uáfori jino cíotaibile. Daje izóí nana bánínde ráfuiái jino uáfori llócailleza.

¹⁸ Aquíe izóideza ñue omoi cacáreiri: Iere Juzíñamuina onócadimiemo ie báitaja baimo jamánomo írede, mei íadi Juzíñamui dibénedo figo onócañedimie, due ie onógafue féitale.

Jesús ei naa ie ámatiairi

(Mt 12.46-50; Mr 3.31-35)

¹⁹ Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, afémiemo áinozinidiaioi. ²⁰ Jira dáamie Jesumo llujáide:

—O ei, naa o ámatiairi jino benó itíaioi. O diga úriacadiaioi, —daide.

²¹ Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaina, —daide.

Jesús jorai bagua naa jairifo diga llícaitate

(Mt 8.23-27; Mr 4.35-41)

²² Afe mei jiáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³ Ruica íaioi jáitaja llezica, Jesús inide. Afe llezica riírede jairifo jóraimo ónonino raire bite. Riire jáiñuamona afe nocáe buíacade. Afécaena jacire anábaitacade. ²⁴ Mei jira Jesús cazítatiaioi. Cazítajano íena daidíiaioi:

—Llófueraíma, Llófueraíma, ¡ja buízaidicai! —daidíiaioi.

Iemona Jesús náidacaillano jairifo naa jorai bagua diga llícaitate. Afemona nana llícaide; níñfuenino jorai uái ite.

²⁵ Afe mei Jesús ie llófuegamacina daide:

—¿Ico nai Juzíñamuimo íinoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie níe cómeita? Afémie jairífona ocuide, daje izói jáinoina ocuide. Iemo afémie uaina ínotiaioi, —daidíiaioi.

*Gerasa éniemo ite fiénide jóriai uícaigamie
(Mt 8.28-34; Mr 5.1-20)*

²⁶ Jailla ícoimo Gerasa éniemo dúcidiaioi. Afémie Galilea énie ruícaferaimo ite. ²⁷ Como ari aféniemo jáidiaioimo, afe jófueмона dáamie Jesús diné bite. Ja diga fimónaiaí afémie fiénide jóriai uícaiga. Afémie inícuero jaca jitáñede. Daje jofomo uái íñede, mei jiáifodo raíáfuaína jofórede. ²⁸ Jesuna cíoillano afémie anamo dújuzaibite. Dújuzaibillano ficire daide:

—Caifoide Juzíñamui Jitó Jesús, ¿níbái mei cuemo jíricaidio? Duere cue o fínoñeillena izire jicádicue, —daide.

²⁹ Afémie bie izói daide, mei Jesús afémiemo ite fiénide jóriai jino oréllena ocuícaza. Diga ícaíño afémiena fiénide jóriai riire uícade. Afe llezica comíni afémie onoi idai diga llojéodo máífirediaioi. Jiáimaci fiéni fínoñeillena izire íena rairuídiaioi. Mei íadi afémie afe maia llójejina titáfírede, ie mei afe ie uícaide fiénide jóriai afémiena táizicimo botátafírede. ³⁰ Jira Jesús afémiemo jicánote:

—¿O mámecí bu? —daide.

Jira afémie uai ote:

—Legiona mámeciredicue, —daide. Afe “Legiona” daína uai, aillo comíni, daífacana.

Afémie bie izói daide mei aillo fiénide jóriaiaí íena uícaideza. ³¹ Afe bie fiénide jóriaiaí Jesumo izire jicádiaioi duere finótalle íbáirafoemo afémaci óreiñellena. ³² Mei afe llezica afénomo ite íconido aillo meróniaí güícaidiaioiza, fiénide jóriai afe meróniaimo jáillena Jesumo izire jicádiaioi. Iemona Jesús áfena faíríote. ³³ Iemona afe fiénide jóriaiaí ímamona jino billano meróniaimo jáidiaioi. Afe mei afe meróniaí árera íconido jabícana jóraimo cocízitiaioi. Dinomo coróbaitiaioi.

³⁴ Meróniaí úiñotino áfena cíoillano jacínaitiaioi. Aferi jacínailano botádiaioi. Iemona jófueмо llujáidiaioi; daje izói oni fuédamo itícuaímo llotiaioi. ³⁵ Iemona jofue comíni afe comuídfueмо acárizaidiaioi. Jesús illánomo íaioi dúcina llezica fiénide jóriaína jino orécamié Jesús anari uái ráiinana cíozaidiaioi. Afe íima ja iniroi jitáoide; daje izói ie abína ñue

onode. Afena cióillano iere jacíruitiaioi. ³⁶ Afena ciódino nauí fiénide jóríai uícaigamie jíllotaja oni jíáinomo llúájidiaioi. ³⁷ Mei bíemona nana afe Gerasa énie comini, afénomona Jesús oni jíáinomo jáillena izire jícadiaioi, mei áfena iere jacíruitiaioiza. Iemona Jesús ana áillocaemo jáizaide, ruica abido jáillena. ³⁸ Afe llezica afe fiénide jóríaina jino orécámie Jesús diga jáillena izire jícade. Mei íadi Jesús áfena fairioñede; afémiena afénomo fiébitade. Iena daide:

³⁹—Mai meine o jofomo jai. Jaillano nana Juzíñamui omo finócafuiaina jino lloiri, —daide.

Iemona afémie jaillano, nana jofue comínimo Juzíñamui íemo finócafuiaí jino llúájide.

Jairo jiza íemo jíáingo Jesús inícuíro jétaibitingo Jesús jíllotate
(Mt 9.18-26; Mr 5.21-43)

⁴⁰ Jesús meine jorai ruicáfenemona dúcina llezica, comini afémiena iere caimare líinotiaioi. Mei nana afémie mo o cuíridiaioiza. ⁴¹ Afe llezica Jáirona mámeceíredímie dúcide. Afémie Juzíñamui uai lloraco illaíma. Afémie Jesús anamo fueco díne ana bíjicaide. Bíjicaillamo izire daide, ⁴² “Cue jofomo biri; mei daade cue jiza tízaidéza,” daide. Afengo ja doce fimona ite. Iemona Jesús afémiedo jaide. Jailla llezica diga comini íedo jaide; iere rillire jáidiaioi.

⁴³ Afémaci cígimo iráredíngo ite. Afengo doce fimona díe dícotaiillari irárede. Nana aféngomo ite úcube manófiredínomo fuite; mei íadi afémaci aféngona jíllotanidiaioi. ⁴⁴ Afe ringo jinófene díne Jesús billano íe inícuíro fueda jetánote. Íe jetánua llezica afengo díe líícaide.

⁴⁵ Iemona Jesús jícanote:

—¿Mei bu cue inícuíro jetánoga? —daide.

Iemo nana comini jáanuano “Ona bu jetáñena,” daidíaioi. Jira Pedro naa íe nabáñiairi daide:

—Llófueraíma, nana comini rillírenari o ñuitádiaioi. ¿Ñibái mei, “Bu cue jeta,” daidío?

⁴⁶ Mei íadi Jesús daide:

—Ja onódicueza daa come cuena jetade. Mei cue ríino afe come jíllotajana onódicue, —daide.

⁴⁷ Afe jétaibitingo ja íe báillana onóillano cuídírícana Jesús anamo dújuzaíbite. Iemona afengo jino nana comini eróicana jáanoñeno íe inícuíro jetáacana rafue llote. Iemo jíái afémie inícuíro jeta llezica íe jíllona llote. ⁴⁸ Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

⁴⁹ Jesús nai úrioidemo, daa come Jairo jofómoma Jesús díne bite. Afe Jairo Juzíñamui uai lloraco illaíma. Afe llúáíbitímie Jáirona daide:

—O jiza ja tíideza. Mai Llófueraímana úridoñeno iri, —daide.

⁵⁰ Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloteza, —daide.

⁵¹ Afe jofomo íaioi dúcina llezica, nana comini afe jofu eromo afémie oréñede. Afe jiza moo, ei diga, íemo jíái: Pedro, Santiago, Juan diga jofu

uite. ⁵² Nana comini afengo tíllari fícirerie éenaitiaioi. Mei íadi Jesús íaioina daide:

—Omoi ééñeno. Afengo tíñedeza, fia inide, —daide.

⁵³ Daií afémie dánari zadáidiaioi, mei afengo tíllana onódiaioiza.

⁵⁴ Iemona Jesús afengo onoi líinota fícire daide:

—Jitaingo, mai náidacai, —daide.

⁵⁵ Afemona afengo meine abido caade. Iemo afe daina llezica caifo náidacaide. Afe mei Jesús, “Mai afengo ecari” daide. ⁵⁶ Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bumo llotatañede.

9

Jesús doce dígade ie llófuegamacina oni orede

(Mt 10.5-15; Mr 6.7-13)

¹ Jesús doce dígade ie llófuegamacina dáanomo gairítate. Gairítanona afémiemo ite riino íaioimo fecade, nana jíáforiede fiénide joríaí jino oréllena. Daje izói nana iráredino jíllotallena riino afémacimo fecade.

² Iemo Juzíñamui illáimana illarui rafue íaioina oni llujítate. Daje izói iráredinona jíllotate. ³ Íaioina daide:

—Omoi jaille llezica minícana uíñeno, fia omoi jairi. Macara jigüida uíñeno iri, daje izói ciríticoi, íemo güllena, íemo úcube uíñeno iri. Mena caifóferoi uíñeno, daa uiri. ⁴ Ninó daa jofomo omoi dúcia, afécomo uái iri, afénomona oni omoi jáíñeille dino. ⁵ Níie jofue comini ómoína líinoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo illana onótaitioi.

⁶ Afemona ja oni nana dúgobiaido jáidiaioi. Jaillano ñuera jíllona uai llocana uitíai. Daje izói iráredinona jíllotacana uitíai.

Juan Bautista tilla rafue

(Mt 14.1-12; Mr 6.14-29)

⁷ Ocuídillaíma Herodes nana Jesús finócafuiaina fidide. Iemona Herodes comeci uibílluai íñede, mei dáarie “Juan tíde meine abido cáadimiena jaide,” daidiaioi. ⁸ Jáímaci, “Juzíñamui uai llóraíma Elías meine cíocaizaibilla,” daidiaioi. Iemo jíámaci, “Jaiái ninomo tíde jíaie Juzíñamui uai llóraíma meine abido cáadimiena jailla,” —daií llotíai.

⁹ Mei jira Herodes daide:

—Nauí cue Juan ifoci jaitátaticue. Iemona ¿mei bie níimie? Afémiedo díga ráfuiái cacáfredicue, —daide.

Afe llezica Herodes iere Jesuna cíacade.

Jesús cinco mil comini ecade

(Mt 14.13-21; Mr 6.30-44; Jn 6.1-14)

¹⁰ Ie orécano abido dúcina mei, nana íaioi finócafuiái Jesumo llotíai. Afe mei Jesús afémacina oni eneno Betsaida jofue ánomo uite. ¹¹ Mei íadi áfena fidíillano comini afénomono jáidiaioi. Afénomono Jesús caimare afémaci líinote. Juzíñamui illáimana illarui rafue íaioimo llote. Daje izói afénomono iráredinona jíllotate.

¹² Iemo ja nauzáilla llezica, doce dígamie orécano Jesumo billano daidiaioi:

—Mai, comini íaiói ocózinaillena oni ore, áinori ite jófuiaido güille íaiói jenólleza. Mei benomo cai illánomo güille iñédeza, —daidíaiói.

¹³ Mei jiáifodo Jesús íaióina daide:

—Afémaci omoi eca, —daide.

Jira ie uai otíaiói:

—Benomo caimo cinco pániai íemo mena chamu ite. Afe baimo iñédeza. ¿Meita nana bie comini ecállena íbajiredica? —daidíaiói.

¹⁴ Mei afénomo cinco mil comini gairídiaioiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

¹⁵ Daií finua méifodo nana ana raizídaitiaíói. ¹⁶ Afe llezica Jesús cinco dígade pániai, íemo mena chamu llínote. Llínuano monamo eróillanona Juzíñamuina afe güílleri “Tere figura,” daide. Daií daina méifodo, afe ditada, ie llófuegamacimo fecade, afémaci comínimo fecállena. ¹⁷ Iemona nana áferi ñue jeírediaíói. Afe mei llófuegamaci güígamona fiébidino doce cirigai oruíatíaiói.

Pedro Jesús Crístona uáfodo jino llote

(Mt 16.13-19; Mr 8.27-29)

¹⁸ Afe mei jiáiruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini ñíe izói cuena daidíaiói?

¹⁹ Jira uai otíaiói:

—Dáamierie “Bie Juan Bautista,” daidíaiói, jiáimaci “Bie Elías” daidíaiói, íemo nai jiáimaci “Jaiái Juzíñamui uai lloraima meine abido cáaila” daidíaiói.

²⁰ Jira Jesús jicánote:

¿Omoi ñíe izói cuena daidíomoi?

Jira Pedro daide:

—Juzíñamui nizeca Cristo dainámiedio, —daide.

Jesús ie tülle rafue jino llote

(Mt 16.20-28; Mr 8.30-9.1)

²¹ Iemo afe Pedro llógana afémie jiáie comínimo iere rairuillano ie llófuegamacina áfena bumó llotátáñede. ²² Iaióina daide:

—Nanoide íima Jitó Crístodícueza, iere duere finóllícue. Ocuide éinamací cuena ruifíruitiaíói. Daje izói lletáriraini illaini cuena ruifíruitiaíói, íemo jiái ocuica uai llófuefiredino cuena íáiruitiaíói. Cuena títaitiaíói, mei íadi daaruíamani íllemona meine abido cáaitícue, —daide.

²³ Afe méifodo nana afémacina daide:

—Ñinó dáamie cuedo jáiacania dama ie comeci jítáillana féitarede. Féitano cuedo jáirede. Afémie cuedo jailla ícoinia tíidena afémie áfena izire ónide.

²⁴ Mei ie caana rairuíacadimie áfena táinomo fáifitaite. Mei jiáifodo cue ícoinia ie caana táinomo fáifitimie afe fáifidena baimo ziiño illínona máíñoite. ²⁵ Mei daa come nana bíníe ráaniai aillo náamataadi, mei íadi afe llezica dama ie comeci afémie táinocaitaiadi, nana ie maíñoa ráaniai afémiena jillotañeite. ²⁶ Ninó daa come cuena meáiruia, daje izói cue uaina meáiruia, afe íbana uire illáimana ana cue billíruimo afémiena meáruitícue. Nanoide íima Jitódícueza, aféruimo Moo Juzíñamui ebírededo bíitícue naa nífuenide Juzíñamui abi imáciri. ²⁷ Uáfueña ómoina dáitícue:

Birui benó itínomona, dáarie nai íaioi tíñena llezica Juziñamui illáimana illarui cíoitiaioi, —daide.

Jesús abi jáífodo méidoficailla
(Mt 17.1-8; Mr 9.2-8)

²⁸ Daií daina mei ocho dígarui jailla mei, Jesús Juziñamuimo úrilla caifónedumo jaide. Afémie Pedro, Santiago, Juan dígamie uite. ²⁹ Nai Juziñamuimo Jesús úrioína llezica, afémie uíeco jáífodo méidoficaide. Daje llezica ie inícuero jamánomo úzere quenire jaide. ³⁰ Afe llezica mena come ie abimo cíocaide. Afe íaillinoi afémie diga úrite. Afe bíaillinoi Moisés Elías diga. ³¹ Daje llezica ñue ebire quenire cíoide raa afe íaillinoína onífenedo féricaide. Afe íaillinoi Jesús Jerusalem duere ze-fuállano tíillifuedo úritiaioi. ³² Afe llezica Pedro naa ie nabáñiairi iere ínie méinegaaioi ía, ocuúdiaioi. Afémaci Jesumo ite ebire cíoidena cíodiaioi; daje izói afémie diga itíiaillinoína cíodiaioi. ³³ Afe íaillinoi Jesúmona oni jáioicailla llezica, Pedro daide:

—Llófueraíma, ¡ñi benomo caimare cai illa! Mai daámani jofóchupina cai ñi. Daaco óie, jáico Moisés ie, íemo jáico Elías ie, —daide.

Mei íadi Pedro ie daíacana ónoñede. Jira comeci facáñeno ebena daí daide. ³⁴ Nai ie úrioína llezica, mona ero uíllie íaioína ferínocaide. Mona ero uíllie eromo íaioi íficailla llezica iere jacínaitiaioi. ³⁵ Afe llezica afe uílliemonaa daa uaina cacádiaioi:

—Bie iere cue izíruiga Jitoza, afémiemo omoi cacáreiri, —daide.

³⁶ Daií daina méifodo Jesumo érocadiaoímo, ja dama ite. Afe mei afémaci afe íaioi cíónana bumoo lloñédiaioi.

Jesús fiénide jóríai uícaiga jítócome jíllotate
(Mt 17.14-21; Mr 9.14-29)

³⁷ Afe jáíruido afe ídumona ana íaioi billa llezica, aillo comini ío anamo Jesús úíñotiaioi. ³⁸ Iemonaa comínimona dáamie ficire lléjecaide:

—Llófueraíma, dúecaillano daade cue jítomo érocaí. ³⁹ Fiénide jóríai riire íena uícade. Afe jóríai íena caillítacaide, afémiena nano íanori titáfiredé. Afe llezica ie fuémóna müllecaí bífiredé. Iena duere finode; afémiena fáicanocañede. ⁴⁰ O llófuegamacimo afe jóríai jino oréllena izire jicádicue, mei íadi orénidiaioi, —daide.

⁴¹ Jira Jesús uai ote:

—¡Ñi jamánomo ínofinidiomoi! Iemo daje izói ñúefuena iere uáitáfirediomoi. ¿Ñie dinó omoi cígímo íredicue omoi cue ríidollena? O jító benomo ati, —daide.

⁴² Mei íadi afe jítócome Jesumo ánozilla llezica, fiénide jóríai afémie ana éniemo dotade. Afe llezica afe jítócome íanori titade. Mei íadi Jesús afe fiénide jóríana riire dainano oni orede. Afemona Jesús afe jítócome jíllotate. Iemonaa jíllotano ie moomo abído ite. ⁴³ Iemonaa nana comini Juziñamuimo ite áillue ríinori caimare fáigacaidiaioi.

Jesús ie tílle rafue meine nane llote
(Mt 17.22-23; Mr 9.30-32)

Nana comini Jesús finócari caimare fáigacailla llezica, afémie íe llófuegamacina daide:

⁴⁴ Biemo ñue omoi cácarei. Afena omoi féitañeno iri. Nanoide íima jítódicueza, duere cue íaioi finóllena comínimo fécajillicue, —daide.

45 Mei íadi ie llófuegamaci afe ie dáinana ñue onóñediaioi. Mei afe-fue afémacimona rairuica. Iemo afe llezica afefue afémiemo jicánuana jacírutiaioi.

*¿Mei ñie come jamánomoina?
(Mt 18.1-5; Mr 9.33-37)*

46 Afe méifomo ie llofúegamaci daní jofo eróicana conímana “cáimona nímie iere jamánomoina” daína júfidotiaioi. 47 Mei íadi Jesús íaioi começi úrillana onode. Iemona daa úrue uáidota ie abimo naidánete. 48 Daií naidániano afémacina daide:

—Bie úrue cue mámecido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juzíñamui eróicana iere jamánomoidimie, —daide Jesús.

*Caina uáitañedimie cai dibénemo ite
(Mr 9.38-40)*

49 Ie jira Juan Jesuna daide:

—Llófueraíma nauí o mámecido fiénide jóríai orédimiena ciódicai. Afémie cai diga macáñena jira afémiena rairuídicai, —daide.

50 Mei jira Jesús íena daide:

—Afe izóí finódimie rairuífeno iri. Mei caina uáitañedimie cai dibénemo íteza, —daide.

Jesús Sanatiago Juan diga lletade

51 Jesús monamo jáiacanarui áinozilla llezica, afémie Jerusalemo jáillena riire mamérite. 52 Daií mamérillano uícodo raire uai llóitino orede. Afémaci Samaria éniemo ite duera jófue mo jáidiaioi íaioi dúcillico raire báillena. 53 Mei íadi afeno ítimaci Jesús naa uícodo orécanori Jerusalén diné íaioi jáiacana jira, íaioina llínoocañediaioi. 54 Ie llofúegamacimona Santiago, Juan diga áfena cióillano Jesuna daide:

—Ocuíraíma, jiaíai uai llóraíma Elías fínua izóí, bimaci fúilleza monámana iraina cai júriredicai ¿meita jitáidío? —daide.

55 Iemona Jesús íaillinoímo éroillano llétajano daide:

—Omicoi jainaina joreñona onóñediomicoi. 56 Mei uafue, Nanoide íima Jitódicueza comíni niné táinocaitallena biñédicue, mei jíáfodo comínina jílloaíbiticue, —daide.

Iemona oni jíáigobiaímo jáidiaioi.

*Jesudo jáiacadino bie izóí írediaioi
(Mt 8.19-22)*

57 Iodo íaioi jailla llezica dáamie Jesuna daide:

—Ocuíraíma, o jáiacana diné o diga jáiacadicue, —daide.

58 Jira Jesús afémiena daide:

—Nana jazici rílleníai uái ífireillino ite. Daje izóí caifodo féedinuiai uái íaioi ráiillino ite. Mei íadi Nanoide íima Jitódicueza dáanori uái cue illino íñede, —daide.

59 Jesús jíáimiena daide:

—Mai cuedo bi, —daide.

Mei íadi afémie daide:

—Fueñe cue moo tílla ráiaíticueza cue ore, —daide.

60 Jira Jesús ie uai ote:

—Juzíñamuina jíeruñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illírui llujáiri, —daide.

⁶¹ Afe mei jíámie Jesuna daide:

—Ocuíraima, odo bíacadicue, mei íadi fueñe cue jofu ero comini jáillena facáuaiticueza cue ore, —daide.

⁶² Jira Jesús íena daide:

—Daa come ie táijina ja táinia mei, jíainomo comeci fácaja fiénide. Ie jira bie izóidimie Juzíñamui illáimana illíruijimo táijillena ráifiñede, —daide.

10

Jesús setenta dígamie ñúefue llujáillena orede

¹ Bie méifodo, Ocuíraima Jesús nane setenta dígamie nizede. Níziano ménamierie ie uícodo orede. Nana ie jáiacanagobaiimo íaioina orede. ² Íaioina daide:

—Uáfueza, jacáfaimo ite raa ailla llezica jofu óitino iñena izói, birui Juzíñamui illáimana illíruijimo jofu órede comini aillo ite. Mei íadi afémaci jofu óitino figo iñede. (Afe jofu óitino jíáimacimo ñúefue llóitino.) Ie jira cai Ocuíraimamo, jacafai Naama izóidimie jíaie ñúefue llóitimacina omoi jicari, afémacina afémie oréllena. ³ Jira omoi jai. Jaillano bie uaimo omoi comeciiri: illáirede jazici jicóniai cigimo ovejai jiza ória izói, ómoína orédicue. ⁴ Omoi jailla llezica cirítico uiñeno iri, daje izói úcubena uiñeno iri. O eiba icona uiñeno iri. Io anamo jíámaci díga are naidáicana úhuriñeno iri. ⁵ Ninó daa jofomo jofu o jáiadi afeco comínina fueñe bie izói omoi daíiri: “Caimare uái illífue bie jofomo íteza.” ⁶ Afécomo comécina caimare uái itino ia, afe uai afémaci íaioieite. Mei íadi afe izoide comini afénomo iñenia, omoi daíi uáidua uai abido ómoimo bíiteza. ⁷ Oni omoi jáiñeille dinó dáacomo uái iri. Omoi íaioi ecálleze güítomoiiza. Omoi jirótalleze jirori. Mei jíáimacina omoi cánua jira, nana áfemo tájiraíma ie táijinado íbáredeza. Ie jira naga jófuedo güicaiñeno iri. ⁸ Ninó jófuego omoi dúcia caimare omoi íaioi llínoia, güíllena omoi íaioi ecaa afe omoi güiri. ⁹ Daje izói afénomo íraredínuiaína omoi jillotari. Afe llezica afémacina daíiri, “Juzíñamui illáimana illarui ómoimo ja ánozideza,” daíiri. ¹⁰ Mei íadi jíáie jófuego omoi dúcia afeno comini ómoína llínoiacañeniadi, jino jofue cigimo ite macáraodo jairi. Jaillano daíiri: ¹¹ “Cai eíbamo aífide omoi jofue íaie ómoimo teténoiticaí. Daíi finódicaí, fiéni caimo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo ánozideza.” ¹² Omoína dáitícue, íraicaiño izire jicánollruimo bie jofue comini Sodoma comini duere finóbina baimo duere finólliaioi.

Náfueñide jófuaí comini (Mt 11.20-24)

¹³ ¡Corazín jofue comini, ñi dúerena! ¡Daje izói Betsaida jofue comini ñi dúerena! Mei íaioi cigiri cue finoca cíorainina raa, áfena Tiro jofue comini naa Sidón jofue comini cigimo nauí finódicuenia nibai jáiai uícodo íaioi comeci ífuenta méidotiaioi. Uafue íaioi comeci ífuenta méiduamona ja díga fimona jailla. Afe llezica zúunaia jítáfírega jítiroi jítáacadiaioi. Daje izói aféruimo íaioi zúunailla jino ácatallena jizefo ífomo jutáacadiaioi. ¹⁴ Mei íadi íraicaiño izire jicánollruimo Tiro Sidón díga duere finóbina

baïmo Corazín íemo Betsaida comini duere finólliaioi. ¹⁵ Daje izói Jesús Capernaum jofue comini lletade; íaioi dibénedo daide: ¿Meita íaioi ínoga jofue monamo úrede? ¿Daí comeci facádiaioi, ero ua? Mei jíáfodo íaioina dáitícue, tíđino illánomo ana dotaca izói niné táinocaitalliaioi.

¹⁶ Iemo ie setenta nizécamacina daide:

—Omoína cacáreidimie cuemo cacáreide. Iemo jíái ómoína ruifíruitimie cuena ruifíruite. Daje izói cuena ruifíruitimie cue ana orédimiena ruifíruite, —daide.

Oreca setenta dígadino abido dáanomo dúcina

¹⁷ Naui oreca setenta dígadino meine abido caïmare dúcidiaioi. Jesuna daídíaioi:

—Ocuíraïma, nana cai llógamo cacáreidiaioi, ua daje izói fiénide jóriaï o mámedido daïna uaimo cacáreidiaioi, —daídíaioi.

¹⁸ Jira Jesús daide:

—Jii, Satanás monamona ameo izói baïllana ciódicue. ¹⁹ Daje izói jaióniaï naa acáduai ómoína izi cácatañelle ríino naui ómoïmo cue iga. Daï nana cai bacáuai izóidimie Taiïe ríinona izi cácañeno anáfenodiïmoï. ²⁰ Mei íadi fiénide jóriaï jino ória ríino ómoïmo íllado figo comécíñeno iri. Mei jíáfodo omoï mámediaï monamo cúeinari omoï ióbiri, —daide.

Dama Jesús cáimacailla

(Mt 11.25-27; 13.16-17)

²¹ Afe llezica, Ñuera Joreño Jesuna ióbitade. Ióbicaillano Jesús daide:

—Cue Moo, mona énie diga Ocuíraïmadio, omo ñúefue mámeitícue, mei ráfueña baitádinomona o dibénedo retáidoga onóigafuiaï onótañedio. Mei jíáfodo comécina níifuenide úrue izoide jamai comínimo aféfuiaïna jino cíotatio. Jii, Moo, mei o daï jítaidioza, —daide.

²² Jesús nai úroide: “Cue Moo, nana ráaniaï cuemo fecádio. Moo Juzíñamui, o Jitódicue, mei íadi buna uáfodo cuena ñue ónoñena. O cue Móodioza, dama o ñue cuena onona. Daje izói buna uáfodo ona ñue ónoñena. Cue, o Jitódicueza, dama cue ñue ona onona. Iemo jíái daje izói o Jitó onótaacagano ñue ona ónoitiaioi, —daide.

²³ Iemona ie llófuegamacimo érocaillano, daní íaioina daide:

—Omoï ciona raana cionamona jnií ióbirediïmoï! ²⁴ Mei ómoína daídícue, diga Juzíñamui uai llóraïni naa illáïmaïari omoï ciona raana cíócadiaioi mei íadi jaca cíóñediaioi. Daje izói omoï cacana uai cacácadiaioi, mei íadi jaca cacáñediaioi, —daide.

Samaria ímie rafue

²⁵ Afe mei ocuica uai llófuefiredimie Jesumo úrizaide, afémie facátallena. Afémiemo jicánote:

—Llófueraiïma; ziiñona cue íllena ¿niie izói íredícue? —daide.

²⁶ Jira Jesús uai ote:

—Ocuica uaimo ¿mei niie uai cúeina? Afena ¿niie izói facádotio? —daide.

²⁷ Jira ocuica uai llófuefiredimie uai ote:

—Afe uai bie izói daide: Nana o comécido o Ocuide Juzíñamuina izíruiri. Daje izói nana o joréñodo, íemo nana o máiriedo, íemo nana o ifoci úrillado íena izíruiri. Afe llezica dama o abina o izíruilla izói afe izói o aïno cómena izíruiri, —daide.

²⁸ Mei jira Jesús daide:

—Ñue fairíotio. Bie izói o finóadi nia are cáaitio, —daide.

²⁹ Mei íadi Ocuica Uai llófuefiredimie ie facátalle uai baiñenamona, ñue jicánotimie daiñllena jáie uai Jesumo jicánote:

—¿Ñiie come cue abi ímiena jóoneiticue? —daide.

³⁰ Jira Jesús uai ote:

—Dáamie Jerusalémona oni Jericomo jaide. Ie jailla llezica merírifiredino afémie fatúaiói. Fájano ie ráaniai bairódiaíói naa inícuiruaimo. Afémiena iere íztatiaíói; jabo ie títano íena fiénocaidiaíói.

³¹ Afe méifodo lletáriraima ónonino daje llezica afe iodo jaide. Mei íadi fagámiena cíoilano onido jaide. ³² Afe mei Leví nairai ímie afénomo dúcide. Daje izói afémiemo fia érocaillano onido jaide. ³³ Afe méifodo Samaria ímie daje iodo jaide. Fagámiena cíoilano afémiemo zúucaillano iere dúcecaide.

³⁴ Mei íemona fagámiemo billano, cáirediji naa vino diga ie boáfiai manode. Afe mei afe boáfiai maite. Maia méifomo dama ie búrromo caifo rainada dúciracomo uite. Uillano afécomo afémiena uíñote. ³⁵ Afe jáíruido, afe Samaria ímie ja jáizailla llezica, mena úcube uano afeco naama ibade. Ibajano daide: “Bie iráredimie ñue o uíñori. Bímiemo omo cue iga úcube baímo o dotáadi, uire meine cue bia omoi cue íbálleza,” daide.

³⁶ Mei íemona birui cuemo llone: Bie daámanidemona ¿ñímie ñue finoca bie merírifiredino fagámie aino come finófírena izói? —daide Jesús.

³⁷ Jira ocuica uai llófuefiredimie daide:

—Mei afémiemo dúceaidimie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

Jesús Marta María íainguai jofomo dúcide

³⁸ Jesús iodo jaillano duera jófuemo dúcide. Afénomo ite Marta daínango ie jofomo Jesuna caimare llíñote. ³⁹ Marta ebuño María Jesús anamo ráizaíbite ie daínana ñue cáaillena. ⁴⁰ Mei íadi Marta diga jetáacaganiamo comeci lícibite. Iemona Jesumo billano daide:

—Ocuíraíma, cue ebuño nana táijina cuemo fiénocaide, ¿aferi comeciñedio? Cue dine ore, afengo cue cánuaiñilleza, —daide.

⁴¹ Mei jáíafodo Jesús afengo uai ote:

—Marta, iere o jetáacaga raamo o comeci lícítaitio. Afe táijnamo iere duere zefuídio. ⁴² Mei íadi daa jitáirede raana nai omo íñede. Ie mei María afe baímo ñuera raa jae nizede. Afengo nizeda oga raa bu báiroñeite, —daide.

11

Juzíñamuimo cai úrifíreillena Jesús llote

(Mt 6.9-15; 7.7-11)

¹ Afe mei jáíruido Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrillena cai llofue, —daide.

² Jira Jesús íaíoina daide:

—Juzíñamuimo omoi úria bie izói daíri:

Cai Moo Juzíñamui, monamo itio; o mámeçido ñúefue nitácaza.

O illáimana illirui raire bíteza.

Dinomo monamo o comeci jitáillafue íaiói fínua izói, afe izói bie éniemo finótaibiteza.

³ Cai nágariu jitailla gülleniai, birui caimo fecari.

⁴ Cai finoca fiénidifue iba caimo oñeno iri, mei afe izói jiáimaci fieni caimo finódiaíoi íadi, afémacimo ibana oñédicai.

Iaifue mo cai báiiñellena caína úiñori.

Iemo afe llezica nana fiénidifuiamona caína jíllotari.

⁵ Iemo nane Jesús daide:

—Bie fia cue daille ráfue mo omoi coméiiri. Omoimona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, ⁶ mei cue onóigamie ailli cue jofomo dúcidez. Mei íadi afémie cue ecállena iñede,” daide. ⁷ Ie jira nibai jofona bie izói uai óredio. “Cue úrue diga inídicueza, cuena áifedoñeno iri. Naze ibáicaza, o jicaca raa omo fecállena jino bínidicue.” ⁸ Mei íadi ómoína dáititue, afe jícaibitímie o nabaina jira fécaíñeítio, mei íadi afémie are ona áifedoñellena nana ie jitaica ráaniaina jeruíñeno fécaítio. ⁹ Afe jira ómoína dáititue: Juziñamui jicari, afémie fécaíteza. Jenori, báitioza. Nazémona jíiriri, íemona afémie tuizáibiteza. ¹⁰ Mei uáfueza, jicádimie jaca líinote; jenódimie jaca baite; nazémona uáidotímie mo naze tuiñoca.

¹¹ Omoimona úrueredímie ie jitó güllena jícaadi ¿meita noñcina iga? Jaca íniga. Daje izói chamu jícaadi, ¿meita jaiona iga? Iniga. ¹² Iemo jíai jígi jícaadi ¿meita acáidona iga? Iniga. ¹³ Mei fiénidíomoi íadi, ñuera ráaniaina omoi úruiaimo fécajana onódíomoi. Mei íadi afe baimo monamo ite omoi Moo afémie Ñuera Joréñona jícaítinomo fécaite, —daide.

*Fiénide jóriai ríino Jesumo illa afémiemo jitádiaíoi
(Mt 12.22-30; Mr 3.20-27)*

¹⁴ Afe mei Jesús uáinidímie mo ite fiénide jóriai jino orede. Afe jáillamona afe uáinidímie ja ñue úrite. Aferi comíni caimare fáigacaidiaíoi. ¹⁵ Mei íadi dáarie daidíaíoi:

—Bímie Beelzebú daina fiénide jóriai illaíma ríinodo, afe fiénide jóriaina jino orede, —daidíaíoi.

¹⁶ Jiáimaci ie facátallena, “Monámona uai dánamona comuide cíorainina raa fino,” daidíaíoi. ¹⁷ Mei íadi Jesús afémaci comeci úrillana onóillano daide:

—Ninó daje náiraina ite comíni bozietaillano conima diga fuiríadi, afe náirai niné táinocaite. Daje izói daaco ero comíni bozietaia, afémaci daje izói are iñeno niné táinocaitiaíoi. ¹⁸ Afe izói, mei Satanás dama íemo jaináidinona, dani abina uáitaiadi, ¿mei ñie izói ie ócuifirena ríino are ite? Bie ómoimo llóititue, mei cuena “Fiénide jóriaina Beelzebú ríinodo jino orédio,” daidíomoi. ¹⁹ Mei íadi daítadena, jíaiuaina ómoimo jícanotitue, Omoido jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi lua jino cíotatiaíoi. ²⁰ Mei jíáfodo uáfueza, Juziñamui ríinodo fiénide jóriaina jino oréfiredicue. Iemo bifue bie izói ómoína dáiacade: Juziñamui illáimana illirui ja ómoimo dúcide.

²¹ Mei daa maíríde cómemo ie ñue fuirira raa ia, ie jofona ñue úiñofírede. Afedo ie uíñuamona buna ie raana bairónide. ²² Mei afémie baimo ríiredímie bíadi, nibai íena anáfenoite. Anáfenuano ie ínoga abi ríidua raana báiroite. Afe mei afe báiruaibitímie nana íemo ite ráaniaina úite.

23 Cuena ruifruitimie cuena uáitate. Daje izói cue diga dájena táijñedimie, cue ráaie oni jutádimie izoide, mei afémie jiáimaci cuemo ñnotañedeza, —daide Jesús.

Jino oreca fiénide jóriai meine dáamiemo bite
(Mt 12.43-45)

24 Jesús nai llíicaiñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáitícue,” daide. 25 Afe jóriai meine afe cómemo bítemo, ñue rafoda finócaco izói baizáibite. 26 Iemona afémie baimo siete diga jamánomo fiénide jóriai uájide. Afémaci nana afe cómemo jofo jaillano itíaiói. Afemona afe come nauti ie fiénina baimo birui jamánomo fiénide, —daide.

Uáfueña ióbidino

27 Mei Jesús nai bífuiáido úrioina llezica, comínimona daa ringo ficire Jesudo úrite:

—O jocódingo ñi caimare érocaillangona. Daje izói o comuitatingo ñi caimare ióbillangona, —daide.

28 Mei jira Jesús jiáifodo daide:

—Juziñamui llógamo cacáfiredino, daje izói áfena ñue ñnotino o dainango baimo jamánomo caimare itíaiói, —daide.

Fiénide comini ciórainina raa finóllena Jesumo jicádaiái
(Mt 12.38-42; Mr 8.12)

29 Comini Jesús onífenedo ofídaiái. Jesús íaioina daide:

—Biruimo ite comini iere fiénidino. Afémaci ciórainina raana finóllena jicáfiredaiái, mei íadi nauí Juziñamui uai llóraima Jonás onótágafue baimo jiáifueña llóñeillaiái. 30 Mei Nínive jófueimo ite comínimo Jonás Juziñamui orécamierna áioi onóillena afémie jóonega raa izóidimie. Afémie illa izói, biruúllaido ite comínimo Nanoide Hima Jitó Cristo afe bie comini onóillena jóonellimiená íite. 31 Iirairuimo bigímaiaí izire jicánolle llezica sur dibénemo jica ite nairai illaingo bigímaiaímo fiénidifuiái nítaite. Mei afengo jica énie fuédamona Salomón comeci onóigafueimo cacáreizaibiteza. Mei íadi birui benomo Salomón baimo baitádimie illa. 32 Daje izói bigímaiaímo íirairuimo izire jicánolle llezica, Nínivemo ite comini bimácimo fiénidifuiái nítaite. Mei Nínivemo ite comini Jonás Juziñamui uai íaioimo llua llezica, íaioi comeci itífuena méidotiaí. Mei íadi birui benomo Jonás baimo jamánomoidimie ite.

Cai illafue ñue egáiñote raa
(Mt 5.15; 6.22-23)

33 Uneca mechera bu báinino jóoneñede. Daje izói cajón anamo buna mechera retáidoñena. Mei jiáifodo uneda caifo jica rainaca, jofo eromo jáitino ñue cíoillena. 34 Ñúfueimo o comécilla omo ñue egáiñote raa izoide. Jira mechera egáioinamona o uído ciónana o ióbitaja izói, afe izói ñúfuiái o jítaigana o comeci ífueña caimare itátaite. Iemona ñúfueimo o comécillado nana o illafue jaícina ñue joide. Mei íadi ñúfueimo o comécíñeniadi, jítifodo mácaja izói itio; nana o comeci ífue zuure íteza. 35 Mei jira omo ite mechera egáioina izoide raa, dúide izói meídoñellena ñue rairuiri. 36 Mei

nágarui ññuefuiamo féitañeno o comécia, mechera egáñuamo uáfori cíoina izói, nana o illáfuena ññue uáfodo cíoitio, —dinori Jesús úrite.

Fariséuai daje izói ocuica uai llófuetinori imaci fénidifue Jesús jino llote (Mt 23.1-36; Mr 12.38-40; Lc 20.45-47)

³⁷ Jesús ie úrilla llícaillamona daa fariseo ímie ie diga güizájillena Jesumo llote. Jesús jofo jaillano güiránomo ráinazaide. ³⁸ Afémie afémaci finofirena izói finóñede, mei afémie íaifue múñua joreño onoi jócua, finóñeno güíteza. Aferi afe Jesús uitímie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ññue jocódiomoi, mei íadi jofo erófenena jocóñediomoi. Afe izói nana omoi jinófenena ññue rairuídíomoi, mei íadi jofo comeci dinena, merírillado omoi oga raa ite; daje izói fiendi omoi íllado omoi oga raa ite. ⁴⁰ ¡Comécina úriñedinodiomoi! ¿Onóñediomoiza comini jinófene finódimie, íemo íaioi ero diné comeci finódimie dáamie? ⁴¹ Ññuefuiam comécido omoi onónamona ómoimo ite raana jeruñeno dúeredinomo fia fecari. Afemona nana ráaniai ja ómoimo íainino íitiaioi.

⁴² Fariséuai, ¡nñi omoi dúerena! Omoi riga ráamona diez dígademonaa daa Juzíñamuimo dúide raana afémiemo ññue fecáfiredíomoi. Omoimo ite “menta” daína rarócimona afémiemo fecáfiredíomoi. Daje izói “ruda” daína rarócimona daa fecáfiredíomoi. Iemo jíái omoi porótooduaimona due Juzíñamui íena máme-firedíomoi. Mei íadi comécina jaícina jóidífuemo naa Juzíñamuina izírullana náfueñediomoi. Aquíe izói írediomoi. Afe llezica omoi jíáie finócaigafuena féitañeno finori.

⁴³ Fariséuai, ¡nñi omoi dúerena! Juzíñamui uai lloraco eromo jamánomo ññue ráiraniaina jicáfiredíomoi. Daje izói jofue cígido macáraodo omoi jáia, comini jacírede illaíma uáidua izói omoi íaioi uáidollena iere gáidíomoi.

⁴⁴ Ocuica uai llófue-firedíno naa fariséuairi, ¡nñi omoi dúerena! Jínofene díne ññue cíoina mei jofona comeci díne ráataitíomoi. Cíóñena énie anamo tídíno ráigano izóidíomoi. Comini afe acónido ónonino macádiaioi.

⁴⁵ Iemona ocuica uai llófue-firedínomona dáamie afe uai ote:

—Llófueraíma, jadíe izói o daína nane caina ráicaitade, —daide.

⁴⁶ Jira Jesús daide:

—Ocuica uai llófuetino, daje izói ¡nñi jamánomo omoi dúerena! Mei ocuínide méere de raa izoide jíámamo jaca llonódacafiredíomoiiza. Aféfuiaína buna ocuínide. Afe omoi ríire ocuicanona canófinidíomoi.

⁴⁷ ¡Nñi omoi dúerena! Mei jaiái omoi nánoragima faga Juzíñamui uai llóraini raiafo izoide tídimie jóoniacona ébirerie finódiomoiza. ⁴⁸ Daií omoi fínuado jaiái afémaci finócafuena jíeruitíomoi. Mei afémaci afe uai llóraini titádiaioi, íemo birui afémaci raiafo izoide jóoniacona meine abido nitátatiomoi.

⁴⁹ Ie jira Juzíñamui nana ráfuiái onóillano, bie izói daide: “Afémacimo cue uai llórainina óreitícue. Daje izói jíáie cue nizécano íaioimo óreitícue. Afémacimona dáarie titaitiaioi. Jíáimacina duere finóllena rácaitiaioi,” daide. ⁵⁰ Mei uáfueza, birui itínomo, nana jaiái faga uai llóraini íbana óite. Uafue, énie fínuamona biruimo nana tídíno íbana óite. ⁵¹ Faga Abel ígímamona Zacarías tíllaruimo íbana óite. Afe Zacaríasna Juzíñamui

gairíraco eromo ite altar áinori fatíai. Jira ómoína dáitícue, biruimo itínomo Juzíñamui afe titácano ibana óite.

⁵² Ocuica uai llófuetino, ¡nii omoi dúerena! Mei nauí Juzíñamui ómoimo fecaca ie ñue báitaja uai ie illáimana illánomo jofo omoi jáillena, áfena ñue náfueñediomoiza. Iemo afe llezica onóiacadinomona áfena rairuídiomoiza, —dinori Jesús úrite.

⁵³ Jesús bie izói íaioína daina llezica, ocuica uai llófuetino naa fariséuairi afémiemo jamánomo ríicaidiaioi. Iemona diga jicánoiacaga uáillaído afémiena áfededoiaioi. ⁵⁴ Irebai izóidena afémie óllena jifánodoidiaioi. Daí finódiaioi, ie daina uáillaído fiénidifuiái afémiemo nitállena.

12

Comécina íairena mei jinófenena ñue cíoidino Jesús lletade

¹ Afe dáaruido diga náiraiái dáanomo iere gairírdiaioi. Gairíllamona conímaiaína zaizídiaioi. Iemo Jesús ie llófuegamacina nano fueñe daide:

—Fariséuaimona diga comíni comécina íairena mei abina ñue cíoidino ite. Afémaci daí íllamona abí omoi rairuiri, mei afe íaioimo ite íaifue pan fáitara “levadura” izóideza. Due jiza jóonega ia, nana afe erona maíñode.

² Nana báinino daina uai jino uáfodo cíozite. Daje izói nana báinino retáidoga raa uáfomo báifite. ³ Mei íemona, nana jítifomo omoi báinino úrilla uaillaí jino úzefomo cacaille. Daje izói jofo eromo báinino omoi daina uai comíni dáanomo uáidota afémaci cacáicana ficire llole.

¿Ñue cómena jacíruiredicai?

(Mt 10.28-31)

⁴ Omoi cue nabáíñiaidiomoi, jira bie izói ómoína dáitícue. Fia abi íeizi titáfiredede comínina jacíruiñeno iri. Afe mei afémaci ómoimo íaioi finolle jíaífueña iñede. ⁵ Mei jíaífodo omoi jacíruillimie llóitícue. Abi íeizi títaja méifomo boode jóraimo comeci dotáfiredimiena omoi jacíruiiri.

⁶ Onódiomoiza, cinco diga ófocuíño mena úcubetunido íbárede. Mei íadi afémacimona Juzíñamui dáamiena féitañede. ⁷ Iemo jíai ómoimo ite ífótirai illa dígatirai facádoga. Daítateza jacíruiñeno iri. Mei omoi, aillo ófocuízai baimo ráifidiomoiza.

Comíni eróicana Jesuna jíeruitino

(Mt 10.32-33; 12.32; 10.19-20)

⁸ Omoína dáitícue: Nanoide fima Jitódícueza, comíni eróicana nana cuena jíeruitinona afe izói Juzíñamui abi imaci eróicana jíeruitícue. ⁹ Iemo daje izói comíni eróicana cuena jáanoitinona, afe izói Juzíñamui abi imaci eróicana jáanoitícue.

¹⁰ Iemo nane jíaífue, ninó daa come Nanoide fima Jitona íaire dáia, afémie daina íaifue dórede. Mei íadi ninó dáamie Ñuera Joreñona íaire dáia, afe jaca dónide.

¹¹ Iemo ninó jíáiruido Juzíñamui uai llorácomo afémaci omoi uíadi áfemo comeci lícítaiñeno iri. Daje izói izire jicánofiredinomo, naa ocuídillaini diga, afémacimo omoi íaioi uia, omoi daífacana uaimo comeci lícítaiñeno iri. ¹² Mei omoi úriacanamo dúcille llezica, Juzíñamui Ñuera Joreño omoi daíillifueña ómoimo llóiteza, —daide.

Comíni ráarena jacírede

13 Comínimona dáamie Jesuna daide:

—Llófueraíma, cócomo fiévide feci ráamona, cuemo dúina dieze cue ama cuemo ílleza, o lloiri, —daide.

14 Jira Jesús afémiena daide:

—Ebe, omoi cígimo izire jicánofireitimiena, daje izói fécafireitimiena ¿bu cue jóonia? Jóoneñegacue, —daide.

15 Jesús nane dáanomo daide:

—Nana úradoillafuiaiimona caade come izói, abí omoi rairuiri. Mei come ñue illafue, aillo ráarenamona óñega.

16 Afe mei bie jino onótate raafue llote:

—Nauí iere ráaredimie ite. Afémie jacáfaiai iere áillamona jofo olle llízie iere ite. 17 Afemona iere ráaredimie comeci facade: “¿Mei ñie izói íitícue? Afe áillue llízie éenollino íñede.”

18 Nane dáanomo comeci facade: “Cue finóllemo ja uíbicaidícue. Cuemo ite éenoracuai júdaiano jamánomo áillocuaina nitátaitícue. Afécuaimo nana jofo cue olle llíziena éenoitícue. Daje izói nana cuemo ite raana afécuaimo jóoneitícue. 19 Afe mei dama cue abina dáaitícue, ‘Ja aillo raa jofo ofítaticue; áfedo diga fimona cáaitícue. Nágari táijiñeno fia güítícue. Iemona fia uái íitícue. Aillo vino jiruano, áferi caimare ífireitícue.’” daide. 20 Mei íadi Juzíñamui íena daide: “Comécina onóñedimedio. Fui naio tíitio. Afe mei o ofítaga ráaniai ¿bu náamatalle?” daide. 21 Mei dama ie abi íena aillo raana ofítaitimie daí íteza, mei daí afémie ofítaja llezica, Juzíñamui jítainamo comécíñede. Comécíñeno, afémie Juzíñamui eróicana iere dúeredimiena jaide, —Jesús daide.

Juzíñamui ie úruiaina ñue rairuide

(Mt 6.25-34)

22 Afe méifomo Jesús ie llófuegamacina daide:

—Jira ómoína dáaitícue, omoi güíacaga güíllemo comeci omoi llícitaiñeno iri. Daje izói omoi jítáacaga inícuíromo comeci llícitaiñeno iri. 23 Cai ñue illafue cai güille baímo ráifide. Iemo jíai cai abi cai inícuíro baímo ráifide. 24 Mai “cuervo” daina cháafona eróidemo comécíiri. Afémaci jaca riñediaíoi; daje izói llizillaniai jofo onédiaíoi. Daje izói afémaci güille éenoraco íñede, naa íaioi ofítaranori. Mei íadi Juzíñamui afémacina ecade. Ie mei omoi afe ofocuizai baímo jamánomo ráifidiomoi. 25 Omoimona, comeci iere llíciamona, ¿mei bu ie zairilla dinori baímo mediio metro zairírena? 26 Mei duera raana finónidiomoi ía, ¿ñibái mei jíaié raa finuamo iere comécíidiomoi?

27 Raroci záfia zeríllamo omoi comécíiri. Afémaci táijiñediaíoi; daje izói raana niñediaíoi. Mei íadi jíáfodo ómoína dáaitícue, jaiái illaíma Salomón ñue cíoide raana jamánomo ráarede íadi, bie záfia ebírena izói, ebíredíroina jítáñede. 28 Mei Juzíñamui daí raroci ebire cíotaiadi, afémie jeruíñeno ómoína iníroina jítáite, jabo innotinodiomoi íadi. 29 Afe jira benómona o güíacaga raa, o jirolle diga zuure jenóñeno iri; daa afemo comeci llícitaiñeno iri. 30 Mei bínie comíni daa afe izóidemo jarítaiadiaíoi. Mei íadi omoi Móorediomoi. Afe omoi Moo Juzíñamui nana afe ráaniaina omoi jítáillana onódeza. 31 Iemona Juzíñamui illáimana illáruimo dúide raamo raíre afemo omoi comécíoi. Iemo afémie nana bie raana ómoímo fécaiteza.

*Monamo cai jirídollena ofítaredicai**(Mt 6.19-21)*

³² Cue izíruiga ovejai izóidiomoiiza, jacíruiñeno iri. Dúemacidiomoi íadi, o Moo ie illaímána illano ómोजना мамéacade. ³³ Omoimo ite raa fecari. Fécajano raana jitáidinomo ine. Daií omoi finóadi, Moo Juzíñamui comeci jítainana fñoitomoi. Iemona monamo ie illánomo ñúefuiaí ofítaitiomoi. Daje izóí jaca ninomo fúíñeite ñúefuiaí ómोजना monamo ómoimo íite. Afénomo merírifiredimie jaca jáinide. Daje izóí afénomo ícuai güíñeite. ³⁴ Mei uáfueza, omoi ofítaga raa illánomo, afénomo jíái o comeci íite.

Nágarui ñue finóbiredicai

³⁵ Benómona jaca nágarui ñue omoi finóbifireiri. Nauíllamona comini mechera unéfírena izóí, abí omoi rairuiri. ³⁶ Jofo naama ocuífíregano, áirena ráfueмона meine ie dúciacana uícomo íaioí afémiemo ocuírina izóí, afe izóí cue billíruimo omoi ocuíriri. Afémaci ñue ocuírídiaioí, afe jofo naama nazémона uáidoia raire íemo túíñuaibillena. ³⁷ Afe izoide ocuífíregano jaca iníñeno íaioí naama bíllemo ñue ocuírídiaioí. Daií íaioí illa afémie cíoizaibilla llezica, afémaci ja ñue íaioí finóbillari íóbicaídiaioí. Uáfueña ómoína dáitícue: Afe íaioí naama afémacina güiránomo ráinaite. Raina mei dama afémie íaioí güíllena bai ráiziite. ³⁸ Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocuírídiaioí. Iemona afémaci íóbicaítiaioí. ³⁹ Iemo jíáífue dibénedo bie izóí omoi onoiri: jofo naama merírizaíbitimie bille monana onóia, afémie iníñeno ocuíríte. Iemona jofo naama merírizaíbitinona ie jofona tuíñotañeite, ie raa íaioí mériñeillena. ⁴⁰ Afe izóí ñue omoi mamériri, mei Nanoide Hima Jitó comini comécíñeilliruimo ónonino déizaíbite, —daide Jesús.

*Raire íñofírede ocuífíregamie, íemo jíái íñofínide ocuífíregamie**(Mt 24.45-51)*⁴¹ Mei jira Pedro Jesumo jícanote:

—Ocuíraíma, bífueña, ¿ñie comínimo llotio? ¿Dani caímo, nibai nana comini íena llotio? —daide.

⁴² Jira Ocuíraíma daide:

—Mei daa jofo naama ie ocuífírega jabóidíllaíma eneno mamede. Jofo naama jíca jáiacana uícomo, ie jofo ero raana afe jabóidíllaímamo llonódacaide. Afe llezica nana jofo ero táíjídino ecállena afémiemo jóonenocaide. Daií jóonega jabóidíllaíma jaca nágarui ñue íñofíregamiena írede. Daje izóí afémie ñue onódimiena írede. ⁴³ Afe izóidimie nana íemo llonódacaíga raa nágarui ñue finóírede. Ie jira jofo naama meine bille llezica, daií ie íllana cíoizaíbite. Iemona afe jabóidíllaíma íere cáimacaite, mei nana ie ocuica raana ñue ícoímo fuitádeza. ⁴⁴ Uáfueña ómoína daidícue, jofo naama afe íñofírega ocuífíregamíemo nana íemo ite raa, llonódacaite. ⁴⁵ Mei jíáífodo, afe jabóidíllaíma jofo naama are bíñeite daínano, jíáie jofo eromo táíjídínona duere finóadi, afe jabóidíllaíma íere cacafínidimiena jaide. Mei afe llezica afémie jofo ero táíjítatíngó fienu finódeza. Iemo aillo güíteza, aillo jíródeza. Jírua mei jífátateza. ⁴⁶ Daií ie illa llezica, afémie due jiza comécíñeítemo jofo naama dénuaiíbite. Onóñeilliruimo dúciite.

Dúciillano afe jabóidillaimana jofo naama jamánomo duere fínoite. Nana jiáie ñnofinidino duere zefuilla izóí, afémie íena duere finótaite.

⁴⁷ Ninó daa ocuífiregamie ie naama comeci jitailla táijinana onode íadi, áfemo jaca ñue finóbiñede, daje izóí áfemo cacáreacañede, afe ocuífiregamie duere finoda iere izi cácatalle.

⁴⁸ Mei jiáie ocuífiregamie ie naama jitaillana onóñede íadi, dama fieni ia, afémie jabo izi cácatalle. Bie jiáie uaimo omoi cácarei. Aillo igámie mona aillo jicaitiaioi. Daje izóí ñue ñnogamiemo diga ñúefue jóonefirediaioi. Ie jira afe aillo jóonefiregamie mona aillo ócuitiaioi.

Comini énenorie ráinuaibiticue
(Mt 10.34-36)

⁴⁹ Cue bie éniemo irai izóí bónuai biticue. Aferai raire bóollena iere oíacadicue. ⁵⁰ Ja bautismo izoide, izi cácanafuedo facátallie. Afénomo nai dúciñedemo raire uícomo aferui dúciñenari duere zéfui firedicue. ⁵¹ ¿Ñibai bíniemo caimare dájena uái illifue atídió, cuena daidíomoi? Omoína daíitue, afe izóí biñédicueza; comini énenorie ráinuaibiticue. ⁵² Mei benómona dácomo ite cinco digadimie cue ícoinia eneno ráidoizitiaioi. Afémacimona daámani cuemo ñnoitiaioi; íemo jadie enéfenemo ménade ñnoñedimaci ráidoizillanona conima diga fúiritiaioi. ⁵³ Cuemo ñnuamona da jitó ie moo ñnena ruifíruille. Daje izóí jitó ie moo cuemo ñnua jira dájena uái íñeno íena ruifíruillano éoite. Iemo jiái, ei jiza cuemo ñnuamona ei ñnena ruifíruille. Dájena uái íñeitiainguai. Daje izóí jifaiño cuemo ñnua jira mio ñnena ruifíruille. Afe íbana mio ie jifaiño diga dájena uái íñeitiainguai, —daide Jesús.

Irairuillai dúciacana onótaitaie raa
(Mt 16.1-4; Mr 8.11-13)

⁵⁴ Afe mei nane comínina Jesús daide:

—Fuirina nairíadi “noci bíite” daidíomoi. Afe mei ua bíide. ⁵⁵ Daje izóí ñue mona monáillado “fimona baizájilla” daidíomoi. Iemona jaca fimónana jaide. ⁵⁶ ¡Omoi comécina íáirena mei abina ñue códinodiomoi! Noci bíillana onódiomoi, íemo fimona baizájillana onódiomoi, mei íadi birui omoi cígimo cue finoca onótaitifuaína onóñediomoi.

O diga icíritimie raire manánaitari
(Mt 5.25-26)

⁵⁷ ¿Ñibái mei comeci jaícina jóina izóí, dani conímamo jicánoñediomoi? ⁵⁸ Daa come o llógidoiacania, ríimacimo ómicoi úrizaiilla llezica, nai ómicoi dúciñena llezica io anamo afefue ñue o záitari, riire jicánoraímamo o ie izájiñeillena. Izire jicánoraímamo o ie izájiadi, afe izire jicánoraíma fiénidino llaitáfredinomo o izájite. Iemo afémaci ona llavéracomo íbaitiaioi. ⁵⁹ Uafue ona daíitue o llavétatimie jicaca úcube ie jícaya dieze o íbaiñenia afécomona jaca jino bíñeitio, —Jesús ñnori daide.

13

Cai comeci ifue iere raire méidoredicai

¹ Aféruillaído comínimona dáarie Jesumo Pilato jiáimaci fieni faaja lluaíbitiaioi. Naui Galilea imácimona dáarie Juzíñamui íóbillena faga rille

fécajilla llezica, Pilato afémacina fate. Fáajano íaiói die íaiói fecaca rille die diga Pilato tamede. Daíí ie fínuana jñí íaire cíoina! ² Jira Jesús daide:

—Omoi bie Galilea comínimo ¿ñie izói coméciidiomoi? ¿Meita afémaci jáie Galilea comini baimo fiénidino, jira afémaci raamo jíridiaíoi? ³ Afe izóiñede, ómoína dáitícue. Mei jira omoi comeci ifue omoi méidoñenia, nana daje izói niné táinocaitiomoi. ⁴ Iemo jáifuemo omoi coméciiri. Naui Jerusalemo iere caifo jica caifóidico ite. Afe iere caifóidico, Siloéna mámecirede. Afeco díllamona dieciocho diga comini jíitafidiaíoi. ¿Meita afémaci Jerusalemo ite jáíimaci baimo fiénidino? ¿Meita jira daíí ze-fuídiaíoi? ⁵ Omoína daidícueza, afe izóiñede. Mei jira omoi comeci ifue omoi méidoñenia nana omoi niné táinocaitiomoi, —daide.

Higuera daina llizíñede amena rafue

⁶ Afe mei Jesús bie jáie íaiói onóigafue afémacimo llote:

—Da come higuera daina amena ie jacáfaimo rite. Afe mei afena llizíadi daíí eróizaide. Eróizaidemo jaca llizíñede. ⁷ Ie jira afémie jacafai uíñotimiena daide: “Ero, daámami fimona bie amena llizíadi daíí eróizaibifiredicuemo jaca llizíñede. Llizíñedeza, mai o tieri. Fia cue jacafai llótaidoteza.” ⁸ Jira afe jacafai uíñotimie uai ote: “Naama, bie fimónamo mai nai cai tieñeilli. Afe amena moi ñue fínuano júnaitícue. ⁹ Nibai áfemona llíziteza. Mei íadi áfemona llízíñenia tielle,” —daide.

Jesús ocózinai llaruimo abina ana jíicaidíngona jíllotae

¹⁰ Jáie ocózinai llaruimo Jesús Juzíñamui uai llorácomo llófue. ¹¹ Afe llezica afénomo dieciocho fimónamo abina ana jíicaillari iráredíngona illa. Naui fiénide jóriai aféngona daíí finoca. Afengo caifo jaícina jaca náidacainide. ¹² Jesús aféngona cíoillano ie jíirite. Daide:

—Ringo, o irárenamona ja jíilloitio, —daide.

¹³ Daíí dainano Jesús ie onoi aféngomo bitade. Bitade llezica afengo ñue jaícina náidacai. Afe dáaruido afengo ñúefue Juzíñamuimo llote. ¹⁴ Mei íadi áferi Juzíñamui uai lloraco illaíma ríicaide, ocózinai llaruimo Jesús afengo jíllotaja jira. Afémie comínina daide:

—Seis diga mona táijiredicai, aféruillaido omoi jíilloillena bírediomoi. Mei íadi ocózinai llaruimo omoi abina jíllotaibíñeno iri, —daide.

¹⁵ Jira Jesús ie uai ote:

—Comécina íairena mei abina ñue cíoidinodiomoi. Omoi cuinaca burro, iemo juráreto ocózinai llaruimo ¿meita jainoi ie jíruaillena zuitáñediomoi? ¿Zuitáfirediomoi! ¹⁶ Afe izói bie Abrahámona comuídingo ie irárenamona ¿meita ocózinai llaruimo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daíí daina cacáillano, ie éoidino méaicaidiaíoi. Mei íadi nana comini afe Jesús finoca áillue ñúefuairi íóbidiaíoi.

Mostaza daina raroci jéenide íji rafue

(Mt 13.31-32; Mr 4.30-32)

¹⁸ Iemona Jesús daide:

—Juzíñamui illáimana illáruina omoi ónoillena ¿mei ñie izói jino cíotaitícue? ¿Ñie izói afénona mámeiticue? ¹⁹ Afe illarui mostaza daina raroci jéenide íjiaí izoide. Daa come aféjiaína ie jacáfaimo rite. Afe jéenide

íjiaí ríllamona afe jéejinide zícua caífo amena dínori aillo zairide. Afe ícaíruaimo feede ófocuízai jillaina nitíaiói.

Levadura rafue

(Mt 13.33)

²⁰ Nane Jesús daide:

—¿Ñie izói Juzíñamui illáimana illáruina mámeiticue? ²¹ Afe illáruina “levadura” daína pan aillo fáitate raa izoide. Daa ringo daámani julleco harínana oruítajano áfemo due jiza fáitarana tamede. Iemona nana afe íféllana mulleda oni aillo móonaitade, —daide.

Rillírede naze izoide rafue

(Mt 7.13-14, 21-23)

²² Jesús Jerusalemo jailla lezica, áfemo ite jofue comínina llófuete, naa jéenidigobaiamo. ²³ Afénomo dáamie Jesumo jicánote:

—Ocuíraíma, ¿meita jilloitino dúemaci, ero ua? —daide.

Jira Jesús afémie uai ote:

²⁴ —Juzíñamui illáimana illánomo jofo jáirao rillírede naze izoide. Afe rillírede naze izóidedo jofo omoi jáillena riire omoi mamériri. Mei ómoína dáiticeuza, aillo comíni afénomo jofo jáiacaitiaíói, mei íadi jáinitiaíoíza. ²⁵ Mei jofo naama náidacaillano naze íbaille mei, omoi ja jinófenemo fiébitiomoi. Afe lezica nazémoma jújüritiomoi: “Ocuíraíma, naze caímo tuiño” dáitiomoi. Afe lezica afémie jofona uai óite: “Omoi ninó comínidiomoíza, ómoína onóñedicue,” dáite. ²⁶ Iemona omoi bie izói dáitiomoi: “Cai, o diga güiticaí, daje izói o diga jiródicaí. Cai jofue cigi iomo caína llófufredio,” dáitiomoi. ²⁷ Mei íadi nane afémie uai óite: “Jae ómoína daidicue, ninó comínidiomoíza ómoína onóñedicue. Omoi nana fiénidífue finófrediomoíza cúemona oni jai,” dáite. ²⁸ Iemona afénomo jino éenaitiomoi. Daje izói zúurenamona murímuritiomoi. Mei Juzíñamui illáimana illánomo Abraham, íemo Isaac, íemo Jacob jofo jáillana cíoitioíza, naa Juzíñamui uai jino llórainiri. Mei íadi afe lezica omoi ja jino dotállioíza. ²⁹ Mei uáfueza, nágafenaiomona billano, diga íinotino Juzíñamui illáimana illánomo jofo jáillano güizábitiaíói. ³⁰ Mei afe lezica dámierie óodaficaidino uícoficaitiaíói. Daje izói dáarie uícoficaidino óodaficaitiaíói, —daide Jesús

Jesús Jerusalén comíniri eede

(Mt 23.37-39)

³¹ Aféruído fariséuaimona dámierie dúcillano Jesuna daidíaíói:

—Herodes o fáiacadeza, benómona oni jairi, —daidíaíói.

³² Jira Jesús uai ote:

—Mai afe iere abí ráiruide egaí izoide Herodes omoi lluájiri: “Cacai. Bímonado íemo daje izói uire jiti, fiénide jóríaiaina jino óreiticue. Daje izói íraredínona jíllotaiticue. Iemo baí ie uire áfemo cue táijina fúitaiticeuza,” daíí omoi lluájiri. ³³ Mei íadi birui bie cue bíllaodo nai jáiredicue. Daje izói uire jiti nai jáiredicue, íemo baí ie uire nai jáiredicue. Mei Juzíñamui uai llórainadicueza, Jerusalén jinomo oni jica tíinidicueza, —daide.

³⁴ Iemo Jesús éecana daide: “¡Jerusalén comíni! ¡Ñí íaíói dúeren! Juzíñamui uai llórainina fáfrediaíói. Daje izói Juzíñamui íaíoiimo oreca uai lluájitino nófiéna nájífirediaíói. ¡Diga ícaíño íaíoiína átava ie átavachingo íaico anamo bícua izói, íaíoiína cue anamo bicócadicue! Mei íadi áfena

jiéruñediaioi. ³⁵ Ie jira omoi cacai, uire jiáiruido omoi jofue zóofegacona mámeite. Omoína daidicue, afénomona are cuena cíõñeitiomoi. Mei cuena “Juzíñamui mámecido bitímie caimare ióbidímie” omoi dáíñelle dinó cuena cíõñeitiomoi, —dinori Jesús daide.

14

Abi fáillari duere zefuídímie Jesús jllotote

¹ Ie mei jiáie ocózinaillarui mo Jesús fariséuai illaíma dine güizájide. Afe llezica jiáie fariséuai Jesumo janónaioicana eróidiaioi. ² Afénomo Jesús uíecori daa abina fáillari duere zefuídímie illa. ³ Mei jira Jesús ocuica uai llófuefiredinomo jicánote naa fariséuairi.

—Ocózinaillaruido ¿meita iráredímie jllotarede? ¿Nibai jllotanide? —daide.

⁴ Mei íadi afémaci uai oñeno tíi daí itíaioi. Iemona afe iráredímie bai uáidota jllotote. Jllotajano, “Mai o jairi,” daide. ⁵ Afe mei Jesús fariséuaina daide:

—Omoimona bu ocózinaillarui mo íemo ite burro, nibai juráreto, ifomo baiía ¿meita raire naado óñega? ¡Ocózinaillarui íadi jaca raire caifo ófirediomo! —daide.

⁶ Afemona afe uaina jaca ónidiaioi.

Airena ráfuego uáidoga comini

⁷ Afe güilláfuemo bite lloga comini illáicomini ráaira izóidino ráiillena izire jenódiaioi. Nana uícoficaiacadiaioi. Jesús áfena cíoillano bie izóí íaioina llófuefe:

⁸ —Ninó dáamie áirenafuemo omoi uáidoia, illaíma ráiiranomo ráiñeno iri. Mei o baimo jamánomoidímie nibai dúciiteza. ⁹ Iemona omoi uáidote rafue naama omo lluaíbite. “O ráiirano mai bímiemo fecá,” ona dáite. Afemona íraie ráiiranomo meaire ráiizaitio. ¹⁰ Mei jiáifodo ninó dáamie iráizillena o jíria, bai ícoimo ite ráiiranomo o ráiri. Afe mei o uáidote rafue naama billa llezica, afémie ona dáite: “Cue onóigamie, bai benó ñuera ráiiranomo bi,” dáite. Afe daí nana güiránomo o diga ráiiedino eróicana afe rafue naama ñúefue omo jóoneiteza. ¹¹ Mei jira naga come dama ie abina jamánomoidena fínoitimie, jamáimiena óreite. Daje izóí “Jiba cómedicue” daidímie, jamánomoidimiena jáitaita, —daide.

¹² Afe dáaruído, Jesús ie uáidotimiena daide:

—Güilla rafue o finoa o onóigamaci uáidoñeno iri, naa o ámatiairi. Daje izóí o comini uáidoñeno iri, naa o ánori ite ráanaitimaciri. Mei afe íbana ona uáidoitiaioi. Afe daí íbaja izóí máíñoitio. ¹³ Mei jiáifodo güilla rafue o finoa dúeredino uáidori naa aidáimaciri. Daje izóí júbene ídainidino uáidori naa uina cíõñedinori. ¹⁴ Afemona iere caimare ítíoza. Mei afémaci afe íbana omo finónidiaioi. Mei íadi tíide comécina jaícina jóidino nífuenidino meine abido cáalliruimo o íbaja ízoide raa máíñoitioza.

Aillue güilla ráfuego jiáifuena ñue cai onótaita

¹⁵ Afe güilla ráfuego Jesús diga ráiiedinomona bífuena cacáillano dáamie Jesuna daide:

—Juzíñamui illáimana illíruimo nabáiritímie caimare ite, —daide.

¹⁶ Mei jira Jesús íena daide:

—Daa come áillue güilla rafue finode. Afe ráfue mo gairíllena aillo comini jírítade. ¹⁷ Ja rafue mámiarumo táijina ñue fuilla llezica, ie ocuífregamie ie uáidoganomo llujítate, bie izói daiíllena: “Ja nana raa ñue finócaza, mai omoi biri.” ¹⁸ Mei íadi afe llezica illa dígamie: “Iere cue jétalle íllaza, bínidícue,” daide. Nanóidimie daide: “Como cue ibaca cue jacafai méíñuacacícueza; bínidícueza. Cuena icíñeno iri,” daide. ¹⁹ Iemo jíáimie daide: “Ja cinco díga juráreto naa íaioi nabai díga íbádícueza. Aféretuai fueñe fácajiacacícueza. Bínidícueza, cuena icíñeno iri,” daide. ²⁰ Iemo nane jíáimie daide: “Como fueñe ringo otícueza, bínidícue. Eróíñeno iri.” ²¹ Iemona afe ocuífregamie meine jofomo jaillano ie orédímíemo bie izói íaioi daiízia llujíde. Aferi rafue naama iere ríicaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaimona dúeredino naa aídámaci díga bené atiri. Daje llezica júbene ídainidino naa únidinori benomo atiri,” daide. ²² Afe méífoto íanori íllamona afe ocuífregamie billano daide: “Cue naama, o ocuilla izói ja finódícueza. Mei íadi nai ñue oruíñede. Nai ráíillinona ite,” daide. ²³ Iemona afe naama ocuífregamiena daide: “Mai jofue jinómona joidé íuaido, áillue iodo naa dúeodo o jairi. Aféuaimona cue jofó íaioi oruítaíbilleza raire oreri. ²⁴ Mei uáfueña ómoína daítícue: Cue díga güízábilleña fueñe cue uáidogamoná buna cue finoca güíllena güíñeítiaioi,” daide.

Crístodo cai jaille juárede

²⁵ Aféruillaído díga comini Jesudo jáidiaioi. Afe llezica afémie meine gírecaillano íedo jáidinona daide:

²⁶ —Dáamie cuedo jáiacana llezica, ie móotíaina cue baímo ízíruíadi cue llófuegamiena ínide. Daje izói dáamie ie aina, ie úruíaina, ie ámatíaina, daje izói dama ie abína cue baímo ízíruía, afémie cuedo bínide. ²⁷ Daje izói dáamie cuedo jailla ícoínia ie tílla izire oía afémie cue llófuegamiena ínide. ²⁸ Bífue mo comeci facari: ómoimona dáamie jofó níacana uícodo, fueñe comeci facade. Daií comeci facárede ie ofítaga raa ñue níllana fuite dáinana onóíllena. ²⁹ Dáamie daií comeci fácañenia, jofó jíáíllirai ie naídánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoítiaioi. ³⁰ “Bímie jofó níacade íadi fuitánide,” daítiaioi. ³¹ Daje izói daa íllaima jóbairiacana uícodo fueñe comeci ñue facárede. “¿Meita cuemo ite diez míl fuiríraini, baie cai díga fuirízaíbite veinte míl fuirírainina, níbai anáfenoredícai? ¿Níbai nai anáfenonidícai?” daií comeci raire uícodo facárede. ³² Afémie ñue comeci fácano: “Baie bitino anáfenonidícai” daiíadi, afémie afe fuirízaíbitino nai dúcíñena llezica, manánaíllena llujítinona óreite, icíríñeno dájena íllí fue jícanollena. ³³ Afe izói ómoimona níno dáamie nana íemo ite raana zófeacañenia, cue llófuegamiena jáínide.

Sal íe ríino íñenia jaca ráííñede
(Mt 5.13; Mr 9.50)

³⁴ Sal jaca ñuera, mei íadi íe ríino íñenia jaca jíáie raamo jóonenide. ³⁵ Jacafai éniemo jóonegana canóñede. Daje izói ríga raa junáíllena fíénide. Jaca éenoñeno oni dotárede. Aquíe izóideza cacácadino mai omoi cacai, —daide.

15

Oveja oni féiraila rafue
(Mt 18.10-14)

¹ Afe mei nana gobierno ibátaga úcube llínoraimaci naa fiénidifuiaredinori Jesús úrillamo cacárezaibitiaioi. ² Iemona fariséuai naa ocuica uai llófuefiredino Jesús zanódiaioi; daidíaiioi:

—Bímie fiénidifuiaredinona caimare uáidota afémaciri güite, — daidíaiioi.

³ Afemona Jesús bie onótatifue llote:

⁴—Omoimona dáamie cien diga ovéjaiaia, afe ovéjaiaimona daa féiraia, áfena riire jénoite. Mei uáfueza, afémiemo fiévide noventa y nueve ovéjaiaia fiiano afe daa féiraitena afémie baille dinó riire jénoite. ⁵ Afe mei afe féiraitimie baillano caimare ie fecábemo bítano jofomo uite. ⁶ Jofomo dúcillano ie onóigamacina naa ie aino comíniri dáanomo gairítajano íaioina dáite: “Ja féiraite oveja cue báigaza. Mai cue diga caimare omoi iri.”

⁷ Mei jira ómoina daidícue: “Afe daje izói daa fiénidifuiaredimie ie comeci ifue méiduari monamo itino jamánomo íóbidiaioi. Mei íadi noventa y nueve diga comeci ifue méidonide Juziñamuimona oni nibéfedo jáiñedinori jofófemo íóbidiaioi.

Ucubetuni niné baiilla rafue

⁸ Bie jiáie ñúefuemo omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baille dinó. ⁹ Afétuni ie báillamona ie onóigangotiai naa ie aino imáciri dáanomo íaioi gairítano íaioina daide: “Jae niné baiide úcubetuni ja cue báigaza, mai cue diga caimare omoi iri.” ¹⁰ Nane ómoina dáitícue: “Afe izói fiénidifuiaredimie ie comeci ifue méiduari Juziñamui abi imaci iere íóbidiaioi,” —daidícue.

Moo anámona oni botade jitó rafue

¹¹ Jesús nane jiáifue llote:

—Daa come mena jitórede. ¹² Afe íaillinoimona íiraimie ie moona daide: “O fecalle ráamona cuemo duide dibene cuemo ine,” daide. Iemona afe íaillinoi moo íemo ite ráaniai íaillinoimo fecade. ¹³ Afe méifodo íanori íllamona íiraimie íemo duide ráaniai jiáimamo fecade. Fécajano afe iba úcube llínnota jica jiáie éniemo jaide. Afénomo afémie iere fiene illáfuemo jaillano, nana ie llínoga úcube táinomo dótajide. ¹⁴ Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere juffruite. ¹⁵ Iemona afeno itímiemo táijina jénuaide. Iemona afe énie ímie ie tóica meróniai uñóllena orede. ¹⁶ Afémie iere júbie méiniamona meróniai ecáinamona güíacade, íadi ninó buna ie ecáñena. ¹⁷ Afemona afénomo dama comeci facade: “Cue moo jofomo ñue ecaca táijitagano ¡nii aillo illa! Íaioi jeíillamona fiébifrede. ¡Cue nibai benomo júbieri íitícue!” ¹⁸ Meine cue moo illánomo jáitícue. Dúciillano íena dáitícue: Moo, omo fiénidifue finódícue. Daje izói Juziñamuimo fiénidifue finódícue. ¹⁹ Cuena cue jitó dáiiñeitioza. Fia o táijitagamiéna mai cue mameri, dáitícue,” afémie comeci facade. ²⁰ Daí íe comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jitó dine aizícana jaide. Dúciillano ie jítone iere caimare

llínnote. Llínvano íena ñitade. ²¹ Afe mei jitó ie moona daide: “Moo, Juzíñamui mo finódicue, daje izói omo finódicue. Cuena ñibaí cue jitó dáíñeitioza,” daide. ²² Mei jáífodo afémie moo ie ocuífregamacina daide: “Mai raire jamánomo ñúecuiro jenoda atiri, afémie jitálleza. Daje izói ebírede onocai icuifoí jitari. Daje llezica ie eiba ico jitari. ²³ Afe dáaruido farede juráreto jiza fatá atiri. Afe ritá cai irázilleza. ²⁴ Mei bie cue jitó tílla izóidinomona meine cáadeza. Daje izói ja niné féiraite baitícaiza,” daide. Afemona caimare irázitiaioi.

²⁵ Bie féiraítimie dúcina llezica, ie ama nánoramie jino jacáfaimo ite. Afénomona bítemo, jofo áinomo dúcidemo íaioi irázilla naa íaioi rúanai cacaina. ²⁶ Ie jira jofómona daa tájítafiregamie jitócome uáidota jicánote: ¿Mínica rafue finódiaioi? ²⁷ Afe jitócome íena daide: “O ama dúcina. Afe jira o moo farede juráreto jiza fatátate, mei ie jitó ñue iránino meine dúcina jira,” daide. ²⁸ Mei áfena fidíillano ie ama nánoramie iere ríicaide. Ríicaillano jofo afénomo jáiacañede. Afe jira ie moo afémie diné lluájide. Jofo bíllena caimare íena bífuiaide. ²⁹ Afe llezica ie moona daide: “Onódioza diga fimona o diga ñue tájífiredicue. Jaca o uaina oni caitáfinidicue. Mei íadi jaca ninó daa duera cabrito cuemo fecáñedio, cue nabáíñiari cue irázillena. ³⁰ Mei íadi birui bie o úcube jiruíredingotaimo dotádimie bíllamo afémie íena farede juráreto fatátatio,” daide. ³¹ Jira ie moo afémiena daide: “Cue jitó, o jaca cue diga ífiredio. Cuemo ite raana nana omo dúideza. ³² Mei íadi bie ráfuena cai fínuana ñue jáicina joide, caimare cai íllena, mei o ama tílla izóidinomona meine bíteza. Daje izói ja niné féiraite baitícaiza,” daide.

16

Aillue jofo jabóidillaíma izoide rafue

¹ Jesús nane ie llófuegamacina daide:

—Daa aillo ráaredimie ite. Afémiemo ie tájirainina ocuífired jabóidillaíma ite. Jáímaci afe ráaredimiena lluáibitiaioi: “O jabóidillaíma omo ite ñuera ráaniaína táinomo dotádeza. Afémie figo ocuífede,” daidíaioi. ² Ie jira ráaredimie jabóidillaíma uáiduano daide: “O finócafueña cue cacana ¿ñie izói joide? Omo cue iga cue jofo rafue rábiaí cuemo izáibiri, mei cue jabóidillaímana íñeitioza. Nana omo cue jóonegafue o záitalleza. ³ Iemona afe jabóidillaíma comeci facade: “Cue ocuídime ja oni cue dotádeza ¿ñie izói finoiticue? Mairíñedicueza, jacafai tiédimiena índicue. Comínimo úcube fia jícana meáiruiticue. ⁴ Cue tájina fuille mei jáie comíni cue íaioi llínollena, cue finóllifue ja onódicue.” ⁵ Ie jira nana ie ocuídimiemo íbáredena ítímiaí dámerie dánomo jírillano daide: “O íbáredena cue ocuídimiemo ¿nieze ite?” fuéñeidimiemo jicánote. ⁶ Afémie uai ote: “Cien diga látaniaí cáirediji afémiemo cue íballe ite,” daide. Iemo jabóidillaíma daide: “Benó o íbállibe ite. Mai benó raire ráiillano, cincuéntana llotíbena cúeiri,” daide. ⁷ Afe mei jáíma uáiduano jicánote: “O íbállena ¿nieze ite?” daide. Jira afémie íena daide: “Cien diga costales trigo afémiemo cue íbáredena ite,” daide. Jira jabóidillaíma íena daide: “Benó o íbállibe ite. Cómobemo ochenta diga costales cúeiri,” daide. ⁸ Ocuídime áfena fidíillano, afe íbállibe táinona méidotimiemo iere báitafue nitade.

Iemona ja onóigaza, bínie comini dani íaioi nícidogafuiaina Juzíñamui mo ínotino baímo iere baitádiaioi.

⁹ Bie izóí omoi íllena llóitícue. Bie fiénide énie ráaniaido, mai omoi nabáñiaina maiñori, ráaniai fuilla méifodo ómoína jofó íaioi llínolleza. Mei ómoimo ite ráaniai ñue omoi uíñuado omoi ñue ínofirenana jino comínimo ácatatiomoiza. Afe izóí Juzíñamui omoi ñue ínofirenamona Juzíñamui ie zíñona illánomo ómoína llínoiteza.

¹⁰ Due jiza ite raana ñue úíñotímie daje izóí aillo raa íemo íadi áfena afémie ñue úíñoite. Mei jíáfodo due jiza ite raana figo úíñoñedímie daje izóí aillo raa íemo íadi afémie áfeniai figo úíñoñeite. ¹¹ Ie jira bie fiénide éniemo ite ráaniai figo omoi úíñoñenia, ¿bu mei zíñona ráifide ráaniai ómoimo fecalle? ¹² Daje izóí jíámacimo jainaide raana figo omoi úíñoñenia, ¿bu mei ómoimo dúide raa ómoimo fecalle?

¹³ Dáaruído buna mena ocuídímie mo jaináinide. Iaillínoimo o jaináiaidi dáamiena éoitio, jíámama izírúitio. Daje izóí dáamie ñue ínoitio, jíámama jámairúitio. Mei jira onóigaza: Juzíñamui o náamataja llezica úcubemo abimo náamatanído, —díno Jesús úrite. Daí Jesús úrilla llezica fariséuai ímíiai cacáreidiaioi.

¹⁴ Afe fariséuai úcubena gáidino Jesús úrillana cacáillano uáitano íeri zadáidiaioi. ¹⁵ Mei jira Jesús daide:

—Comini eróicana ñúemacina abi mamédiomoi, mei íadi omoi comeci ífueno Juzíñamui ñue onode. Mei jíi, comini mameca jamánomoidímíiaina Juzíñamui éoide.

Juzíñamui illáimana illarui llua uai naa jaiiai Moisés ocuica uai díga

¹⁶ Jaiáimona Juan Bautista illágimamo, comini Moisés ocuica uaimo dúidiaioi. Daje izóí Juzíñamui uai jino llóraíni llógamo dúidiaioi. Iemo aféruimona bené Juzíñamui illáimana illarui ñuera uai llócaiga. Iemo afénomo jofó íaioi jáillena izire nícidotiaioi.

¹⁷ Mei bínie naa mona díga níné tánocaiadi, illa díga ocuica uaillai táinomo faiñeno ñue ícoimo fuitárede.

Jesús ima ie ai dotajado úrite

(Mt 19.1-12; Mr 10.1-12)

¹⁸ Daa come ie ai dotáadi, íemo dótano jíaie ringo óiaidi, afémie ja jiruífue finode. Daje izóí afe dotácango aína otímie ja jiruífue mo baíide.

Aillo ráaredímie íemo Lázaronna mámeciredímie díga

¹⁹ Daa iere ráaredímie ite. Afémie iere ñúecuírui jirófírede; illaíma jítaoigaroillai jítafírede. Afémie nágarui ñue finóbilla rafue finófírede.

²⁰ Daje llezica afénomo dúeredímie Lázaronna mámeciredímie ite. Afémie abi mállizaina oruide. Ráaredímie naze fuemo ráiizafírede. ²¹ Bie dúeredímie ráaredímie güírabanimona dótafírega güille alla güífírede. Ie ráiina llezica, jícóniai ie mállie miábifírede.

²² Afe mei díga irui íllamona dúeredímie tíide. Afémie Juzíñamui abi imaci monamo ite paraiso daína ñúenomo uiga. Afeno afémie Abraham abimo ite. Afe mei jíai, ráaredímie tíilla raitíaioi. ²³ Ráaredímie comini duere finólliraimo duere zefuilla llezica, caífo érocaide. Erocaide íadi Lázaro Abraham díga ráiinana jícana cíode. ²⁴ Iemona afe ráaredímie caillide: “Cai jaiiai Moo Abraham, cuemo dúecai. Lázaro bené ore, iere due jiza jáinoina cue jírótaibilleza, cue íife manánaitallena. Mei bie iraimo iere

duere zefuídícueza,” daide. ²⁵ Mei íadi Abraham íena daide: “Nauí o illáfue mo começi fáca. Aféruillaído iere ñue itio. Mei íadi aféruído bie Lázaro iere duere ite. Mei jíáfodo biruí afémie benó iere caimare ite. Afe llezica o duere zefuídío. ²⁶ Bie baimo, coco cigiri jíáie iere afóredino ite, jira benó itino jáiacade ia, jáinide. Daje izóí o illánomo itino caifo benó bíacadaíoi ia, bínidiaíoi.”

²⁷ Mei jira ráaredimie íena daide: “Caí jaiai Moo Abraham, Lázaro batí cue moo jofomo o oréllena izire jícadícue. ²⁸ Cue cinco dígade ama benomo bie duere zefuállanomo íaíoi bíñeillena llotátari,” daide. ²⁹ Mei íadi Abraham íena daide: “Afémacimo Moisés naa Juzíñamui uai llóraini díga cúegana ite. Afe uáillaimo náfueitiaíoi za,” daide. ³⁰ Jira afe ráaredimie uai ote: “Caí jaiai Moo Abraham, jíi, mei íadi tíidinomona dáamie íaíoimo llujájadi, íaíoí começi ífueña méidoitiaíoi,” daide. ³¹ Mei íadi Abraham íena daide, “Afémaci Moisés naa Juzíñamui uai llóraini uaina náfueñenia, daje izóí tíidinomona jáidino uaina íñoñeitiaíoi,” daide.

17

Fiénidifue mo come baiilla iere jacírede

(Mt 18.6-7, 21-22; Mr 9.42)

¹ Jesús ie llófuegamacina daide:

—Jaca nágarui comini fiénidifue mo baiítafue íteza. Jíáimana fiénidifue mo baiítatimie jñi dúerena! ² Trigo llaiéra áillue nofícina afémie cimíoimo ícoínota monáillaimo dotácana baimo ñuera; úrue izóí como ínotinomona dáamie fiénidifue mo báítañelleza. ³ Afe izóídemona abí omoí rairuiri.

O ama omo fiénidifue finóadi, afémiena lletari. Afemona afémie illafue ie méidoia, caimare íena uáidori. ⁴ Mei dáaruído afémie siete dígacaiño o fiéni finóadi, íemo siete dígacaiño ona “Ja daíí omo íñeíticue” afémie daíízaibiadi, jaca ninomo íena caimare uáidoitio, —daide.

Juzíñamuimo caí íñua ríñorede

⁵ Jesús orécana íaíoí Ocuíraimana daide:

—Jamánomo caí ínotari, —daide.

⁶ Mei jira afe Ocuíraima íaíoína daide:

—Due uáfueña o íñoiadi rírede raana finóredio. O ínogafue díójina eroide mostaza íjai íeenina izoide íadi, bie sicómoro daína aménana bie izóí daííredio: “Caifo áijicaillano monáillajimo zójozai,” daíídonia afe amena o uaina ínoite.

Tájitafiregamiemo dúidifue

⁷ Omoímona daa cómemo ie tájitagamie íadi, afe tájitagamie jacáfaimona tájijano meine bíadi ¿Meita “Mai ráízaiibi, o écaíticue” daíítio? ⁸ Daíínide. Mei jíáfodo afémiena ñue daíítio: “Mai cue güille finori. Güillano cue jiroille llezica nana cue jitailla raa díga bai atíllena, mamériri. Afe méífomo güillano jíroitioza.” ⁹ ¿Meita nana afémiemo ocuállana ínuana ocuídímie íena “Figora” daíírede? Daííñede. ¹⁰ Afe daje izóí, nana Juzíñamui ómoímo ocuica omoí ínuua fuilla mei, bie izóí daíírediomoi: “Ñue tájiraimacíñedicaí. ‘Tere figomaci’ caina daíínide. Mei dani caimo duide raa finódicaíza. Baimo jíáie finóñedicaí.”

Jesús diez diga chíinaitino jílloata

¹¹ Jesús Jerusalemo jailla llezica, Galilea énie fuédamo ite duera jófuemo dúcida. Afe jofue daje izói Samaria énie fuédamo ite. ¹² Afe jófuemo dúciacana llezica, diez diga chíinaitino jino bai Jesús diné bitíaiói. Mei íadi afémaci Jesúmona bai jica fiébidiaíói. ¹³ Afénomona riire íena daidiaíói:

—Llófueraíma Jesús, caímo dúceai, —daidiaíói.

¹⁴ Jesús afémacina cíoilano daide:

—Batí lletárirainímo omoi abí ácataji, —daide.

Afénomo íaiói jailla llezica íaióimo ite dúcuai jacáibicaide. ¹⁵ Iemo afémacimona dáamie ie abímo ite duico jacáillana cíoilano, Jesús diné abído bite. Billa llezica Juzíñamuímo riire cáimadote. ¹⁶ Jesumo dúciillano afémie ana éniemo fueco diné bíjicaide, Jesuna figura daíllena. Afe bie izói daidímie Samaria ímie. ¹⁷ Jira Jesús daide:

—¿Afe dúcomona jíllotaga diez dígamieñede? ¿Néemei jíáie nueve dígamie? ¹⁸ ¿Meita dama bie jícanemiena Juzíñamuina abído cáimaduabilla? —daide.

¹⁹ Iemona Jesús afe íimana daide:

—Náidacaillano mai jai. O íinuamona o dúcomona ja jíllodioza, —daide.

Juzíñamui illáimana illirui bíllana nie izói ónoíticai

(Mt 24.23-28, 36-41)

²⁰ Fariséuai Jesumo jícanotiaíói, “¿Níirui Juzíñamui illáimana illirui bite?” Afémie uai ote:

—Juzíñamui illáimana billirui jaca cíoñena. ²¹ Afena “Ba nie” daínide. Daje izói “Bai batí ite” daínide. Mei Juzíñamui illáimana illino omoi cígimo ite, —daide.

²² Afe mei ie llófuegamacina daide:

—Uire jíáiruudo daa birui cue illa izóidiruina cíocaitíomoi, mei íadi cíoñeítíomoi. ²³ Jíáimaci ómoína dáitíaiói, “Be nie,” íemo níbai “Batí ite” dáitíaiói. Mei íadi afénomo jáiñeno iri. Daje izói afémacido jáiñeno iri. ²⁴ Mei ameo llairilla mona enéfemona jica jíáinomo cíoina izói, Nanoide íima Jitó billirui afe izói cíocaizaíbite. ²⁵ Mei íadi aferui nai dúciñeille llezica, afémie fueñe jamánomo duere zéfuíte. Daje izói bigímaíai íena ruifíruitíaiói. ²⁶ Noé illágimamo comíni iere fiéni illa izói, afe izói cue billíruímo comíni fiéni íitíaiói. ²⁷ Noé ie finoca áillue nocaemo jáiñena llezica, nana comíni ie lloga uaina náfueñeno ía güíoidiaíói. Güillano jírófirediaíói. Afe llezica íaiói fiéni illafue méidoñeno áireoidiaíói; íemo íaiói jízaníai íníreítaoidiaíói. Jaca daí ítíaiói abína Noé jofu áillue nocaemo jaide. Iemo aillo noci bíide. Jamánomo bíillamona nana afémaci coróbaitíaiói.

²⁸ Iemo Lot illágimamo afe izói ite. Juzíñamuímo comécíñeno güíoidiaíói. Güillano jírófirediaíói; íbajano fécafirediaíói. Jacáfaiaina ritíaiói, íemo jofóniaina níocaidiaíói. ²⁹ Mei íadi afe Lot Sodoma jófuemona jino bítemo, monámona réiciaí noci bíilla izói cocide. Afe llezica iere uzire boode ‘azufre’ dáina raq cócia. Afemona nana tímádimaci. ³⁰ Cue Nanoide íima Jitódicueza, cue cíocaizaíbillirui afe izoíte.

³¹ Aféruímo daa come ie jofu caifófecomu íadi, ie jofu eromu ite ráaniaina jofu jaillano báiruainide, afénomona botádeza. Daje izói dáamie jino jacáfaimo íadi, abído ie jofomo bínide. ³² Lot aímo omoi uíbicaí.

³³ Ie caana rairuíacadimie áfena afémiemona féite, Mei íadi ie cáanana lloñédimiemona afe féiraiño, áfena baímo ziiño illínona máíñoite.

³⁴ Iemo nane ómoína dáitícue, cue dúcille naio, mena come dájena ínia llezica, íaillinoimona dáamie oni uille. Jíáimie fiébicaite. ³⁵ Daje izói mena ringo daane trigo lláia llezica, íanguaimona dango oni uille, jíáingo fiébicaite. ³⁶ Daje izói mena iima jino jacáfaimo táijina llezica, íaillinoimona dáamie oni uille jíáimie fiébicaite, —daide.

³⁷ Daí ie dánana cacáillano, ie llófuegamaci íemo jicánotiaioi:

—Cai Ocuíraima, ¿mei ninomo?

Jira afémie uai ote:

—Inóniaí dáanomo garízaifirenmona, rille rifáillanona ñue onódiomoi. Afe izói fiñi finódino oni íaioi úillemona dani íaioi duere finóllinona uáfueña onóigaza.

18

Daa fecingo comínimo riire jicánoraímamo jícajifirede

¹ Afe mei Jesús ie llófuegamacimo daa rafue mamede, nágaruillai fáicanocaiño Juzíñamuimo íaioi jícafireillena. ² Íaioína daide:

—Jófuemo daa Juzíñamuina náfuefinide comínimo riire jicánoraíma ite. Daje izói jíáimacina lloñede. ³ Afe daje jófuemo daa fecingo ite. Afengo afe jicánoraímamo úrizaibite. “Cue diga ícíríacadimiena mai ñue jaícina jicánori,” daide. ⁴ Diga ícaiño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacíruiñedicuena, daje izói comini uaina náfueñedicuena, ⁵ mei íadi bie fecingo diga ícaiño cuemo zefuire bíbideza, aféngona ríidoitícue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

⁶ Jira Ocuíraíma daide:

—Daí bie fiénide comínimo riire jicánoraíma daide. ⁷ ¿Meita Juzíñamui ie nizécanona, afe ie mona naio diga íemo izire jicádinona ríidoñeite? ¿Raíre íaioína ríidoiteza! ¿Meita “Fui ómoímo llóitícue” íaioína dáite? Dáíñeite. ⁸ Omoina daidícue, afémie juare dibáiño raire íaioína ríidoite. Mei íadi Nanoide Hima Jitódícuéza meine cue bíadi, ¿meita cuemo ínotino íite? ¿Meita íñeite?

Fariseo, íemo gobierno íbátaga úcube llínoraíma izoide rafue

⁹ Jesús nane jíáí fue llote, abi ínuana jíáímaci jámairuitinona ñue llófuellena. Daide:

¹⁰ —Mena iima íaillinoi Juzíñamui jofomo Juzíñamuimo úrizaide. Dáamie fariseo ímie; jíáíma gobierno íbátaga úcube llínoraíma. ¹¹ Fariseo ímie naidáicana bie izói Juzíñamuimo úrite. “Moo Juzíñamui, ona figura daidícue, mei cue bie jíáíe fiénidino izoíñedicuéza. Jaca merírifinidícue, jíáímaci jífuefinidícue, daje izói jiruínidícue. Afe baímo bie gobierno íbátaga úcube llínoraíma izoíñedicue. ¹² Naga semánamo ménacaiño güíño ífiredícue Juzíñamui íóbitallena. Nágarui cue oga úcubemona, Juzíñamuimo dúide raamo afémiemo fecáfiredícue,” daide.

¹³ Mei íadi afe gobierno íbátaga úcube llínoraíma monamo érocáiño oni jica fiébite. Dinó ie illa llezica, iere dúredícue, dainano ie abi

iere zuure finode. Finuano daide: “Aii, Juzíñamui mai cuemo dúecai. Jere fiénidifuiaredimiedicueza!” daide. ¹⁴ Omoina dáitícue, afe úcubellínoraíma Juzíñamui anamo ñue illano jofomo jaide, mei íadi afe fariseo ímie ñue ñnoñega jailla. Mei uáfueza, abí ñnota jamánomoiacadimie anáfecaide. Mei íadi abí ñnoñeno comécina mánaidimie daidímie jamánomoidimiena jailla, —daide.

*Jesús úruiaí ñue íllena finode
(Mt 19.13-15; Mr 10.13-16)*

¹⁵ Afe llezica comini íaioi jézainidino Jesumo atídiaoí, afémacimo onoi bitállena. Mei íadi áfena ie llófuegamaci cíoillano afe atidinona rairuíaioi. ¹⁶ Mei jáífodo Jesús ie llófuegamaci uáiduano daide:

—Afe úruiaí dama cue diné bitáioiza. Afémacina rairuíñoeno iri. Mei Juzíñamui illáimana illíruimo jáitino bie úruiaí izóidiaioi. ¹⁷ Uáfuenta ómoina dáitícue, fia comécina mánaide úrue izóíñedimie Juzíñamui illáimana illíruimo jaca jofó jáíñeite, —daide.

*Ráarede jítócome Jesús diga úrilla
(Mt 19.16-30; Mr 10.17-31)*

¹⁸ Illáicomini mona dáamie Jesumo jicánote:

—Ñuera llófueraima, ziiñoena cue íllena ¿nie izóí íredicue? —daide.

¹⁹ Jesús íena daide:

—¿Ñibái mei cuena “Fígomiedio” daidio? Abí dine jáíe ñuemiena íñede. Dama Juzíñamui ñuena. ²⁰ Cai ocuína uáillaina cacáioza: “Jiruífuenta finóñoeno iri, jáíimana fañoeno iri, meríriñoeno iri, jáímamo taino lloñoeno iri, o moo o ei diga ñue jacíruiiri,” —daide.

²¹ Jira afémie Jesuna daide:

—Búuailaina cue dúemieniadi jaca nai biruido jeire ófiredicue, —daide.

²² Afena cacáillano Jesús daide:

—Mei íadi omo nai daafue fiébide. Nana omo ite ráaniaí fécano, afe iba dúeredinomo íne. Afemona monamo ite ziiñoena ráifide raa óiena íteza. Afe o ráaniaí fecalle mei, mai cuedo bí, —daide.

²³ Mei íadi áfena cacáillano iere zúucaide, mei afémie iere ráaredeza.

²⁴ Jesús ie zúucaillana cíoillano daide:

—Iere ráaredimie mei íadi ie ráaniaína cue baimo afémie izíruiadi, Juzíñamui illáimana illíruimo jofó jáillena ¡ññ juárena! ²⁵ Camello mámeccirede áillue rille eedo uífodo enéfenemo jailla juánide, mei jáífodo iere ráaredimie Juzíñamui illáimana illíruimo jailla iere juárede, —daide.

²⁶ Aféfuenta cacáidino íena daidiaioi:

—Íemona ¿ñímie jílluille? —daidiaioi.

²⁷ Jira Jesús íaioina daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraíma, odo bíllena caímo ite raana fiénocaidicai, —daide.

²⁹ Jira afémie uai ote:

—Uáfuenta ómoina dáitícue, Juzíñamui illáimana illano ícoinia jofó fiénocaitimie, daje izóí ie móotiai naa ie ámatiaíri fiénocaitimie, daje izóí ie ai naa úruiaíri fiénocaitimie ³⁰ nai bíniemo ie illa llezica aillo baimo llínoite. Afe mei monamo ziiñoena illino máíñoite, —daide.

Jesús nane dáanomo ie tíillifue llote

(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaiai Juzíñamui uai llóraini Nanoide íma Jitó cuega uai jino zúilleza. Nanoide íma Jitódicueza.

³² Afeno jicánemacimo cue fécaítiaioi, íemo cuena jifánodoítiaioi, íemo cuena báíñoítiaioi, íemo cuena túallaitiaioi. ³³ Iemo cuena rázido fáitíaoi. Afe mei cuena títaítiaioi. Mei íadi daaruíamani íllemona tíidinomona meine abído cáadimíena ííticue.

³⁴ Afe bífuíaina afémaci jaca onóñediaioi. Daje izói nímiedo úriteza onóñediaioi, mei aféfuíai afémaci baitánide.

Jesús Jericó ímie uínidimie jíllotate

(Mt 20.29-34; Mr 10.46-52)

³⁵ Jesús Jericó jófuego áinozilla llezica daa uínidimie io fuemo ráiide. Afémie fia úcube jicáfírede. ³⁶ Aillo comíniai jáillana cacáillano afémie, “¿Níifue comuilla?” daide. ³⁷ Jira afémíemo llotíaioi, “Nazaret ímie bíedo jailla,” daidíaioi. ³⁸ Jira afémie jíirioicaide:

—Davidmona comuídimie Jesús, Mesía dainámie mai cuemo dúecai, —daide.

³⁹ Uícodo jáidino afémíena “Uriñeno llícaí,” daidíaioi. Mei íadi afémie nai riire caillide:

—Davidmona comuídimie, Mesía ímie mai cuemo dúecai, —daide.

⁴⁰ Iemona Jesús náidade. “Afémie cue diné omoi uaji,” daide. Afémie dúcizaíbilla llezica Jesús jicánote:

⁴¹ ¿Minícana jítaídio, omo cue finólleza?

Jira uínidimie uai ote:

—Ocuíraima, meine uído cíocadicue, —daide.

⁴² Jira Jesús íena daide:

—Mai érocai. O ínua ícoínia ja jíllodio, —daide.

⁴³ Daií daina llezica, uínidimie ñue cíode. Afe mei afémie Juzíñamuimo caimátaicana Jesudo jaide. Daje izói nana afe uínidimie jíllonana cíódino Juzíñamuimo caimátaoidiaioi.

19

Jesús Zaqueo uáiduaide

¹ Afe mei Jesús Jericó jófuego dúcúillano, afe jofue cígido jaide.

² Afénomo daa ráaredimie ite. Afémie mámecei Zaqueo. Afémie gobierno íbátaga úcube llíinoraímaci illaíma. ³ Bie Zaqueo Jesuna cíóiacade ie ónoíllena. Ua Jesuna cíocade mei íadi íena cíónide, aillo comíni íllaza, íemo jíái afémie íere íámieza. ⁴ Ie jira Jesús uícomo aizícaíllano, sicómoro daina aménamo caífo llíode Jesuna cíoíllena. Afe amena Jesús jáíllino áinori ite.

⁵ Jesús áfedo jailla llezica, caífo íemo érocaide. Iena daide:

—Zaqueo, raíre ana bí. Birui o jofomo fíébiticueza, —daide.

⁶ Ie mei Zaqueo raíre ana bíllano Jesuna caímare llíinote. Ua Zaqueo jofomo jáidiaíllinoi. ⁷ Comíni áfena cíoíllano, nana áferi úrizidiaioi. Daidíaioi:

—Jesús fíénidimie jofomo fíébizaide.

⁸ Iemo Zaqueo náidacaíllano Jesuna daide:

—¡Ocuíraima, ero! Cuemo ite ráaniaimona dúeredimacimo átuedo fécaiticue. Daa come jífuiano nau merídicuenia áfena afémiemo meine abido izájiticue. Nane afe emódomo dacaiñoámani afémiemo íiticue, —daide.

⁹ Jira Jesús íena daide:

—Daii o finuamona Juzíñamui lloga jílloñafue birui jeire o úana ja onódicai. Naui féiraitio, mei íadi birui ja jíllogtagao. Ja Abraham comuitagamiedio. ¹⁰ Mei jii, o izoide ja oni baiúzaidino jenoda jílloñabiticue. Nanoide íima Jitódicueza, —daide.

Diez dígade úcubetunimo mameca rafue

¹¹ Jesús bífuiaido úrillana comini cacana llezica, afémie daa rafue íaioimo llote. Mei Jerusalemo afémie áinozioicaidemo, afémaci comécido “Juzíñamui illáimana illírui ja raire dúciacade,” daidíaiioiza. ¹² Jira Jesús íaioina daide:

—Daa íima ñúemacimona comuidimie. Afémie oni jica jíániemo jaide, afémaci illáimana afémie íaioi jóoneacadiaioiza. Afe mei afémie nane abido biite. ¹³ Nai ie jáiñena llezica, ie táijitaganomona diez dígamie uáidote. Uáiduano illa dígamie daa iere ráifide úcubetuni fecade. Feca llezica íaioina daide: “Bie úcubetunido nai cue bíñeille dinó ráaniai oíri. Ua mei, afe fécamo aillo úcubena oni jóoneri,” daide. ¹⁴ Mei íadi dama ie illano comini afémiena éoidiaioi. Eoillano afémie óodana llóitino orédiaioi. Llotíaiioi: “Cai illáimana o illena jítaiñedicai,” daidíaiioi. ¹⁵ Mei íadi afémie illáimana jónega. Jónia mei dama ie éniemo jaide. Dúciillano úcubetunillaina igámiaí bai uáidote. Uáiduano illa dígamie jicánote: “¿Ja nieze úcubena ofítatio?” daide. ¹⁶ Nano jírígamié íena daide: “Ocuíraima, o úcubemona diez diga baimo óiena nabáidicue,” daide. ¹⁷ Ie jira aféllaíma uai ote: “Iere figura. Ñuera ocuífíregamiedio. Omo due cue ígari ñue ínotioza, diez dígade comini jofue illáimana o jóoneiticue,” daide. ¹⁸ Afe mei nane jíamie jíríte. Afémie billano daide: “Ocuíraima, o úcubemona cinco diga baimo óiena nabáidicue,” daide. ¹⁹ Nane daje izói bímiemo uai ote: “O cinco dígade comini jofue lláimana o jóoneiticue,” daide. ²⁰ Afe mei nane jíamie jíríte. Afémie daide: “Ocuíraima, be o úcubetuni. Ñue jacíruiocana cue éenogaza. ²¹ Mei iere ríimiedioza, ona jacíruiticue. O jóoneñegamona jaca ófiredio. Daje izói o ríñeganomona jaca ófiredio,” daide. ²² Afe jira aféllaíma íena daide: “Fíénide cue ocuífíregamiedio. Dama o daína uaido riire omo jicánoiticue. Cue riirenana onódio íadi, ¿níbái mei cue úcube baimo nabáiñedio? Daje izói cue jóoneñegamona cue ófírenana onódio íadi, íemo jíái cue ríñeganomona jaca cue ófírenana onódio íadi, ²³ ¿níbái mei cue úcube jíáie úcube íránomo jóoneñedio, abido cue jofomo cue billa llezica afe úcube íemo afe baimo jíáie úcube diga cue llínollena?” ²⁴ Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. ²⁵ Mei íadi afémaci aféllaímana daide: “Íllaíma ero, bímiemo ja diez dígatuni ite. ¿Níbái mei jíáie úcubena iga?” daide. ²⁶ Jira afe illaíma uai ote: “Mei uáfeza ómoína daíitícue, igámie baimo aillo írede. Mei íadi íñegamie due ite bairórede. ²⁷ Iemo afe baie cue illaíma íllana óiacañedino, mai bai bené ati. Atiano cue eróicana afémaci tita,” daide.

Jesús Jerusalén jófue mo jofo jaide

(Mt 21.1-11; Mr 11.1-11; Jn 12.12-19)

²⁸ Bie izói daina méifodo Jesús nai Jerusalén diné jaide. ²⁹ Ja Betfagé jófue mo, iemo Betania jofue diga, afénomo Jesús dúciacade. Afe jofue Olivo idu áinori ite. Afénomo illa llezica ie llófuegamacimona ménamie orede. Iaillinoina daide:

³⁰ —Batí áinori ite duera jófue mo ómicoi jai. Dúciillano afénomo cuinaca búrrona cíoitíomicoi. Afe búrromo nai buna ráiñena. Zúitano cuemo atiri. ³¹ Daa come ómicoimo jicánoia “Nibái mei uiga” daiíadi, “Cai Ocuíraima jitaíllano jicaca” ómicoi daiíri, —daide.

³² Afe llófuegamaci íaillinoi jaillano nana Jesús íaillinoina daina izói cíozaidiaillinoi. ³³ Afe burro íaillinoi zúitaja llezica burro naama jicánote: —¿Nibái mei búrrona zuitádiomicoi? —daide.

³⁴ Jira afe íaillinoi uai ote:

—Cai Ocuíraima jitailla, —daide.

³⁵ Afe mei ja Jesumo uitíaillinoi. Dúciillano afe burro emodo íaioi iníroina jobédiaioi. Jóbiano afe emódomo Jesús rainádiaioi. ³⁶ Afe búrrodo Jesús jailla llezica, ie jáillao comini íaioi iníroillaina jobédiaioi. ³⁷ Olivo daina idumona ana íaioi jailla llezica, nana afémiedo jaide Juzíñamuimo ínnotino ióbillano caillíoidiaioi. Daje llezica Juzíñamuimo iere caimátadiaioi, mei diga Jesús uaido daina comúdena nauí uícodo cíódiaioiza. ³⁸ Daidíaioi:

—Ocuíraima mámeçido bite illaima caimare iri. Caimare uái illafue monamo iteza. Daje izói Juzíñamuimo ebire ñúefuaína nitáfíreiri, —daidíaioi.

³⁹ Iemo afénomo ite comini cígimo fariseo ímiaína ite. Afémaci Jesuna daidíaioi:

—Llófueraima, odo jáidinona “Uriñeno” o daiíri, —daidíaioi.

⁴⁰ Mei íadi Jesús uai ote:

—Omoína daíitícue, bimaci úriñenia nofíciai riire úrille, —daide.

⁴¹ Afe mei afe Jerusalemo ánozilla llezica, afe jófue na cíoillano Jesús eede. ⁴² Eiano cómemo úrilla izói afe jófue na daide:

—Nífuenino uái o illífuena iere o onótaacadícue. Biruí ñue o illaruí. Mei biruí afefue ómoimona báinino iteza, afefuena onónidiomoi. ⁴³ Mei uáfueza fiénidíruillaí ómoimo biite. Aféruimo omoi éoidimaci omoi illa onido nágafeníai nofíbaníllaina izói ómoína cirínoítiaioi. Afe mei ómoiri riire fúiritiaioi. ⁴⁴ Iemo ana éniemo ona dótaítiaioi. Dótano afe jófue mo ite comíina fáítiaioi. Afe llezica nana afe jofue finoina nofíciai ana dócoítiaioi; mei Juzíñamui ómoína caimare uáiduaíbillaruí onóñedíomoiza, —daide.

Jesús Juzíñamuimo gairítraco ráfua izói ñue fínode

(Mt 21.12-17; Mr 11.15-19; Jn 2.13-22)

⁴⁵ Jerusalemo ie jofo jailla méifomo, Jesús Juzíñamuimo gairítraco mo jofo jáillano afeco eromo ite ráaniai fecádino naa íbároidinori jino jiude. ⁴⁶ Íaioina daide:

—Jaiái Cuegáuaimo daide: “Cue jofo cuemo úrifireillíco.” Mei íadi afécona merírífiredino jofo izói finódiomoi, —daide.

⁴⁷ Nágaruillaí Jesús afécomo llófuefírede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioi fallino

jenódiaioi. ⁴⁸ Mei íadi afémie fállena baiñédiaioi, mei nana comini afémie uai iere cacáreidiaioiza.

20

Illáicomini Jesús ócuiñirena ríino jicánotiaioi
(Mt 21.23-27; Mr 11.27-33)

¹ Afe mei jáíruido Jesús Juziñamuimo gairíracomo comini llófuete. Afe llezica ñuera jíllona uai afémacimo llote. Daií llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi. ² Dúciillano Jesuna daidiaioi:

—Nie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidiaioi.

³ Jira Jesús íaioina daide:

—Cuemo omoi jicánua izói ómoimo daafue jicánoitícue. Nee mei cue uai omoi ólleza. ⁴ Mei Juan ¿bu comini báutizallena ocuica? ¿Meita Juziñamui ocuica? ¿Mei nibai comini ocuica? —daide.

⁵ Mei íadi uai oñeno, áfena dani conímamo júfidotiaioi; daidiaioi:

—¿Nie izói mei dáitícai? “Juziñamui ocuica” cai daiíadi, Jesús cai uai óite, “¿Nibái mei afémiemo ínoñediomoi?” ⁶ Mei jááfodo “Cominimona ocuica” cai daiíadi, nana comini nófiena cai níjítiaioi. Mei afémaci “Juan Juziñamui dibénedo úrifirede” jaca daiífirediaioi.

⁷ Iemona afe illáicomini Jesuna daidiaioi:

—Juan báutizaibillena ocuídímiena onóñedícai, —daidiaioi. ⁸ Afe jira Jesús íaioina daide:

—Daje izói bie ráaniái cue finofirena ríino ómoimo llóñeitícue, —daide.

Fiénide táijidino rafue
(Mt 21.33-44; Mr 12.1-11)

⁹ Afe mei Jesús cominimo úrilla llezica bifue íaioimo llote:

—Daa come jíricuena eroide úvaiaí rillino finode. Afe mei áfemo táijitínomo nano íanori iba llínollena fecade. Fécano oni jáínomo are íllena jaide. ¹⁰ Afe úvaiaí llizilla llezica, ie ocuífíregamie orede, náamamo dúide dibene afénomo táijidinomona jicállena. Mei íadi afémiemo íñeno fájano ie orédiaioi. ¹¹ Ie jira jacafai naama nane jáíie ocuífíregamie orede. Mei íadi nane afémiena icida fatíai. Fájano íñeno fia meine orédiaioi. ¹² Nane afe mei jacafai naama jáíimie orede, mei íadi afe táijidino afémiena bófiano jino orédiaioi.

¹³ Íraínomo jacafai naama daide: “¿Ñie izói fínoitícue? Cue izíruiga jító óreitícue. Afémaci afémiena cíoillano, nibai afémiena caimare jacíruítiaioi,” daide. ¹⁴ Mei íadi táijidino afémiena cíoillano, jofu conímaiaína daidiaioi: “Bímie uire bie énie máíñoitimie. Mai cai fallí. Afe mei bíníe cáiena jáíteza,” daidiaioi. ¹⁵ Afe mei jacafai jinomo uillano íena titádiaioi.

Jira Jesús jicánote:

—Afe jacafai naama bimácina ¿ñie izói fínoite? ¹⁶ Afémie billano afémacimo dúecaíñeno títaite. Afe mei afénie jáíimacimo fécaite, —daide.

Áfena cacáillano daidiaioi:

—¿Afe izói cai ílleza Juziñamui rairuirí! —daidiaioi.

¹⁷ Mei íadi Jesús íaioimo érocaillano daide:

—Iemona, afe Juziñamui Cuegáuaina ¿nie izói llóiacade? Afe uai bie izói daide:

Jofó níraini jámairuillano oni fádoica jáillirai ja nahí jáilliraina jaide.

Bie daina daíacade, comini jámairuillano ruifruigamie ja ñuera jica jalleide illáimana jaide.

¹⁸ Afe jámairuiga nofici maméidimie mo éicitaitimie niné tibérotaitie. Iemo jái afe nofici anamo jítafitino jízefo izói jáitiaoi, —daí Jesús daide.

Gobierno ibátaga úcube rafue

(Mt 21.45-46; 22.15-22; Mr 12.12-17)

¹⁹ Afe llezica lletáiraini illaini naa ocuica uai llófuerañiri Jesuna llaitáacadaioi, mei afémacido bie rafue afémie llúana onódiaioiza. Mei íadi afémaci cominina jacíruiatiao. ²⁰ Ie jira ñuemaci izói macáдино Jesumo báinino orédiaioi. Jesuna comeci féillamona fieni úritallena orécaiaioi. Afe fieni ie úrillana cacáillano afémie romano caifóidillaímamo fécaite. ²¹ Jira afémaci Jesumo bie izói jicánotiao:

—Llófueraima, onódicaiza jaca ñue illifue llófuefiredio. Daje izói jaícina ñue úrifiredio. Iemo jino cíoidifuiado izire jicánoñedio. Mei jíáfodo Juziñamuimo cai jáillido uáfueña úrifiredio. ²² Caimo llone: ¿Romano jamánomoidillaíma ibátaga úcube ibádicainia ñuera? ¿Ñibai fiénide? —daí diaioi.

²³ Mei íadi íaioi ie facátaacanana Jesús onode. Jira íaioina daide:

—¿Ñibái mei jíitaja izói cue finódiomoi? ²⁴ Daa úcubetuni cuemo ácataibi. Afétunimo ite uieco jana ¿bu ie? Iemo afétunimo ¿nie come mámecei cúeina? —daide.

Jira ie uai otíaoi:

—Romano jamánomoidillaíma uieco illa, naa ie mámecei diga, —daí diaioi.

²⁵ Jira Jesús íaioina daide:

—Mei íemona romano jamánomoidillaímamo dúide afémie mo fecari. Iemo daje izói Juziñamuimo dúide Juziñamuimo fecari, —daide.

²⁶ Nana afémaci comini cacáicana daina uáillaído ja Jesuna jaca jíitanidiaioi. Mei jíáfodo ie uai úana cacáillano fáigacaidiaioi. Afe mei íaioi uai ollifue iñédeza úriñediaioi.

Tíide comini meine abido cáaille jicánotiao

(Mt 22.23-33; Mr 12.18-27)

²⁷ Afe mei saduceo ímiái Jesús diné jaide. Afe saduceuai tíidino meine abido cáañeite daífirediaioi. Jira bimaci Jesuna bie izói daí diaioi:

²⁸ —Llófueraima, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiaí ie tíide ama méifomo comuállena. ²⁹ Mei nauí cai cígimo siete diga ámaredimíaina ite. Nanóidimie áireillano nai úruenino tíide. ³⁰ Afe méifoidimie afe fecíngo ote. Ie mei afémie daje izói úruenino tíide. ³¹ Afe mei nane jíáimie daango ote. Uano nai úruenino tíide. Daje izói nana afémie ámatiaí daango uano úruenino tíidiaioi. ³² Iirainomo ja afengo tíilla. ³³ Iemona comini tíillano meine abido cáairuimo, mei siete dígamie afengo óteza, afengo ¿nie íima aína mámeite? —daí diaioi.

³⁴ Ie jira Jesús uai ote:

—Bie éniemo íñíiaí áirediaioi. Daje izói ringóniaí inírediaioi. ³⁵ Mei íadi uire monamo jáitena mamécano, daje izói tíidinomona meine abido

cáaitena mamécano jaca áinitiaioi. Daje izói afénomo íaioi jíztaiaina jíáimamo iníreitañeitiaioi. ³⁶ Mei afénomo buna tñindeza. Iemona afémaci Juzíñamui abi imáciai izóidiaioi. Tíllanomona meine abido cáailledo Juzíñamui jítótaiaina ja mamécaiaioi. ³⁷ Jaiái Moisés illafue cuezánicomo Juzíñamui tíidino meine abido cáailana caina onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuidicue naa Isaac Jacob díga,” mei afémaci Juzíñamui illánomo cáadiaioiza. ³⁸ Mei uáfueza, Juzíñamui tíidino íeñede, mei jíáfodo cáadino ie. Mei uáfueza, Juzíñamui eróicana nana cáadiaioiza, —daide.

³⁹ Iemona ocuica uai llófuerainimona dáarie daidiaioi:

—Llófueraíma, ¡ñue daidio! —daidiaioi.

⁴⁰ Afe baímo Jesús facátalle uaina baiñédiaioi.

Cristo ie nano comúdimie ¿bu?

(Mt 22.41-46; Mr 12.35-37)

⁴¹ Afe mei Jesús íaioina daide:

—¿Ñibái mei Crístona David jító dáifirena? ⁴² Mei afe David Salmos rabénicomo dáideza:

Monamo ite cai Moo Juzíñamui cue Ocuíraimana daide:

“Bené cue nabézimo ráii;

⁴³ ona éoidino cue anáfenolle díno.”

⁴⁴ ¿Mei nie izói Cristo David jító? Mei afe David afémiena ie Ocuífiredimiena mamédeza, —daide.

Jesús ocuica uai llófuefiredinomo fiénidifue nitade

(Mt 23.1-36; Mr 12.38-40; Lc 11.37-54)

⁴⁵ Nana comini cacáicana Jesús ie llófuegamacina daide:

⁴⁶ —Ocuica uai llófuefiredinomona abí omoi rairuiri. Afémaci “jácimacidicai” daíllena árerói jíáfirediaioi. Afémaci gairíranomo jáiadi, iere caimare uáiduana gáidiaioi. Afe izói Juzíñamuimo llófueriracomo ñuera ráirranuai jénofirediaioi. Daje izói iráizillafue fínua llezica jénofirediaioi.

⁴⁷ Daje llezica fecíngotiai jofona báirofirediaioi. Afémaci comini cíocana ñúemacina daíllena, are Juzíñamuimo úrifirediaioi. Afémaci jíáimaci duere finolle baímo duere finólliaioi, —daide.

21

Dúerede fecíngo Juzíñamuimo úcube fecade

(Mr 12.41-44)

¹ Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóoneranomo úcube dótana ciode. ² Afe llezica dúerede fecíngo cobre finoína mena úcubetuni dótajana Jesús ciode. ³ Cíoillano daide:

—Uáfuenta ómoína daíitícue, bie dúerede fecíngo nana jíáimaci baímo dotade. ⁴ Mei nana afémaci íaioimo fiébide úcubemona dotádiaioi. Mei íadi bie fecíngo dúerede íadi nana aféngomo ite güille íballe úcube dotade, —daide.

Jesús Juzíñamuimo gairíraco niné táinocaite, daide

(Mt 24.1-2; Mr 13.1-2)

⁵ Comínimona dáarie Juzíñamuimo gairíraco ero ebire cíoina llotíaioi. Daje izói afécomo ite noficiai finoína ebire cíoina llotíaioi. Afe izói afécomo fia fecaca ebírede ráaniai llotíaioi. Afe jira Jesús daide:

6 —Nana bie omoi ciona ebire eróidinuiaí uire dáaruido niné táinoficaite. Bico ero ñuera noñitofiaí illa dígatofiaí oni eneno júdaízite, —daide.

Enie fúiacana cai onóillena lloga uai

(Mt 24.3-28; Mr 13.3-23)

7 Jira Jesumo jicánotiaíoi:

—Llófueraíma, o lloga bífuiaí ¿nñiruído íite? Bifue zúille uícodo cai onuille raa, ¿nie izóí íite? —daídíaíoi.

8 Jira Jesús daide:

—Omoi jífuefiza abí omoi rairuiri. Mei afe llezica diga “Cue bie Crístodicue” dáitino bíitiaíoi. Afe izóí “Ja birui aferui” dáitiaíoi. Mei íadi afémaci llógamo ñnoñeno iri. 9 Comini jóbairillana omoi cacáiaí aféri jacinaíño iri. Daje izóí jiáie comini íaíoi illaíma uáitano jiáimiena méidoiacanari jacinaíño iri. Mei uícodo daí íredeza, mei íadi íraírui nai dúciñedeza.

10 Iemo Jesús nai úrioicaide:

—Daa nairai jiáie nairai diga fúiritiaíoi. Daje izóí daa zie jiázie diga jóbairitiaíoi. 11 Afe llezica diga ígobiaído énie iere riire docáirite. Daje izóí aillo nairai júbietaitiaíoi, íemo jiái aillo comini dáagoberiedo dúcotaitiaíoi. Aféruído monamo aillo cai jacínaitaite raa cíocaite, naa énie fuille joréñuairi.

12 Mei íadi nana bífuiaí jino déiacana uícodo, fieni finóllena ómoína lláitaitiaíoi. Daje izóí ómoína rácaitiaíoi. Iemo Juzíñamui uai llorácomo ómoína uillano riire jicánodoítiaíoi. Iemo ómoína llavéracomo íbaitiaíoi. Afe llezica cuemo omoi jainaina jira, jamánomoidillaini naa jabóidillaini uícodo ómoína úitiaíoi. 13 Daí omoi íaíoi uilla llezica cuedo afémacimo ñue úritiomoi. 14 Abí omoi riídolle uaimo uícodo omoi comécíillena riire mamériño iri; 15 mei aféruimo afémaci uaillaí omoi olle uaina ómoímo llóitícueza. Afe llezica ómoína ráfuena ñue baitátaitícue. Afemona omoi éoidino ómoína jaca uáitanidiaíoi.

16 Mei íadi aféruimo omoi onóigamací Crístomo omoi ínua jira ómoína duere finóllena jiáimacimo izájitiaíoi. Daje izóí omoi ámatiaí Crístomo omoi ínua jira ómoína fécaitiaíoi, íemo omoi móotiaí dáafuedo ómoína fécaitiaíoi, daje izóí jiái omoi nabáíñaí dáafuedo ómoína fécaitiaíoi. Omoímona dáarie títaítiaíoi. 17 Aféruído nana nairai cue ícainiaí ómoína éoitiaíoi. 18 Mei íadi omoi ífótiraíaimona, daa táinomo báíñeite. 19 Iemo fáicanocáíño omoi ínoiadi, zííñona cáallinona máíñoitíomoi.

20 Jerusalén jofue fuíriraíni nágafene afeno cirínoia, áfena cíoilano, áfede raire táinocaillena ónoitíomoi. 21 Afe jira afe llezica Judea éniemo itínuaí caifóneduaimo botárediaíoi. Daje llezica Jerusalemo itínuaí afénomona oni jica jáirediaíoi. Iemo jacáfaimo itino meine abido afe jófueimo jáinidiaíoi. 22 Mei afe comini duere finólliruimo ja dúcidedeza. Aféruillaído nana jiaí Juzíñamui Cuegáuai ícoimo ñue fuitárede. 23 Afe llezica namócíredíngotiaína ¡Nñi dúreña! Daje izóí monoí jirode úruena llíidíngotiaína ¡Nñi dúreña! Mei aféruillaído afénomo aillo izi cácaitiaíoi. Afe énie comini jamánomo duere finólliaíoi. 24 Afémacimona jiáimací jóbairillanomo tíitiaíoi. Iemo jiáimací nana nairai íllánomo íaíoína llavétaitiaíoi. Juzíñamui mamécaruillaí dieze, jicánemací Jerusalén

anáfenuano júdaitiaioi. Afe mamécaruillai fuille dino afe jófuena fieni fínoitiaioi.

Nanoide Hima Jitó Cristo billirui náie izoite
(Mt 24.29-35, 42-44; Mr 13.24-37)

²⁵ Afe mei jitómamo, fiuimo, naa úcuairi jacírede raa jánaniai cíocaite. Afe llezica náiraii começi faca mamérilla uailai niné féite. Iemo monáillaji ficire báguari jacínaitiaioi. ²⁶ Biniemo comuízaide raamo comécillano iere jacínaitiaioi. Ie jacínaillamona tíidino izói ífcaitiaioi. Mei afe llezica nana monamo itínuii riire mozóide ráaniai niráiricaiteza. ²⁷ Afe mei Nanoide Hima Jitó Crístona cíoitiaioi. Afémie íemo ite riino naa dama íemo ite ebíredifuiari uílliedo ana bite. ²⁸ Bífuii jino zuille llezica, ñue omoi mamériri; íocire omoi érocari. Mei íanori íllamona omoi jíllotallíomoi, —daide.

²⁹ Daje izói nane bie aménamo mamécafue Jesús íaioimo llote:

—Higuera daína aménamo começi omoi facari. Daje izói nana jíáie aménamo omoi comécíiri. ³⁰ Íaioi íbiai firuúllana omoi cíónia, “Ja fimona áinozide” daífiredíomoi. ³¹ Afe izói bífuii zuíllana omoi cíónamona, “Juzíñamui illáimana billirui ja áinozide,” daífiredíomoi.

³² Uáfueña ómoína daíitícue, bigímaiaí naí tííñeille llezica nana bie raa jino zúite. ³³ Mona énie díga fúite, mei íadi cue uailai jaca fúíñeite. Cue lloga raa nana zúite.

³⁴ Omoi começi riírelleza abí omoi rairuri. Mei iere aillo güíacanamona come começi riire jáite, daje izói jífáifrenamona. Daje izói dani omoi abi ífue níciduamona come começi riire jáite. Jira cue billíruimo omoi jacínaiñelleza áfena abí omoi rairuri. ³⁵ Mei rille jíitafirena raa ónonino jíitaja izói, afe izói aferui nana énie comínina jíitáiteza. ³⁶ Jica ía maí ñue omoi finóbiri. Jaca fáicanocaiñeno Juzíñamuimo omoi úrifreiri, afe nana bie zúitífuiamona omoi jíllóillena. Daje izói Nanoide Hima Jitó uícomo meáiruiñeno omoi náidáillena, jaca Juzíñamuimo úrifreillano, jica ía ñue omoi finóbiri, —daide.

³⁷ Jesús monari Juzíñamuimo gairíracomo llófuefirede. Afe mei naio, Olivos daína ídumo íniaífirede. ³⁸ Nana comíni afémie llófuiana cacáreillena nágarui raire jíitiramo bífrediaioi.

22

Jesús llaitállena maméritiaioi

(Mt 26.1-5, 14-16; Mr 14.1-2, 10-11; Jn 11.45-53)

¹ Fáitañeno pan güífirena rafue ja áinozide. Afe rafue jíáífodo mameina pascua rafue. ² Iemo lletáriraini illaini naa ocuica uai llófuetinori Jesús fállena jenódiaioi, mei afe llezica comínina jacíruitiaioiza.

³ Iemo aféruído Taífe Judas Iscariótemo jofo jaide. Afe Judas doce dígade Jesús orécamacimona dáamie. ⁴ Afe bímie lletáriraini illáinimo naa gairíraco ocuídínomo Jesús íaioimo fecállena llujáide. ⁵ Afena cacáillano íóbidaioi. Iemona, “Ucubena o íbaiticaí” daidíaioi. ⁶ Iemona íe íaioi íbaja úcube llínote. Iemo Judas aféruimona comíni figo íñena llezica Jesús íaioimo izájillena jenode.

Cai Ocuíraíma íraicaiño güíllafue

(Mt 26.17-29; Mr 14.12-25; Jn 13.21-30; 1 Co 11.23-26)

7 Ja fáitañega pan güilláruimo dúcide. Afe llezica aféruimo pascua íena ovejai fáñrega. 8 Jira Jesús Pedro, Juan íaillinoína ocuide; daide:

—Mai pascuamo güífrena izói uícomo ómicoi finori, —daide.

9 Jira afémiemo jicánotiaillinoi:

—Afena ¿ninomo fñuaitcoco? ¿Ninomo áfena güíacadio? —daide.

10 Jesús íaillinoína daide:

—Batí jófuego ómicoi jaille llezica, ícírudo jainoi uitímie cíotiomicoi. Afémiedo jairi. Afe mei afémie jofo jáillicomo jofo ómicoi jai. 11 Aféno me jofo náamana ómicoi daíri, “Cai Ocuíraima ona daide: Cue güillico ¿ninomo ite? Afécomo cue llófuegamaciri páscuamo güífrena izói güíticue.”

12 Afe mei afémie caifóidibanimo ite áillocona ácatate. Afeco ero ja ñue finóbide, afécomo cai güille finori, —daide.

13 Iemona afe íaillinoi jaillano, nana Jesús íaillinoína daina cíozaidiaillinoi. Iemona aféno me pascua rafue ana güífrena izói, güille finódiaillinoi.

14 Ja nauízaidemo güizájilla llezica Jesús naa ie oréllinori dáanomo ráizitiaioi. 15 Afe llezica Jesús íaioína daide:

—Nai cue tíñena llezica bie pascua ana güífrena izói omoi diga iere güíacadicue. 16 Mei ómoína dáitícue, bie ie rafue dáanomo meine güíñeitícue. Bie rafue Juzíñamui illáimana illíruimo bíñeille dino güíñeitícue, —daide.

17 Daí daina mei jiróraco llínota Juzíñamuina “Iere figura” daide. Afe mei íaioína daide:

—Bie llínota, conímamo omoi fecari, 18 mei ómoína dáitícue, Juzíñamui illáimana illirui nai dúcífena dino, nane dáanomo uva íjina jaca jíroñeitícue, —daide.

19 Afe mei pan llínota, Juzíñamuina “Iere figura” daide. Daí dainano afe pan dídade. Pan dítano afémacido fecade. Afe llezica daide:

—Bie cue abiza. Tíillinomo fecálicue omoi ñue íllena. Cuemo omoi úbicaífíreillena bie izói omoi finófireiri.

20 Daje izói güilla fuilla mei jiróraco llínota, íaioimo fécajano daide:

—Bie jiróraco eromo ite íji Juzíñamui ómoína mameca cómue uai ómoína onótaite. Afe ie mameca cómue uai, uafue daíllena cue die totálleza, mei cue die omoi ñue íllena totálleza.

21 Mei íadi cue fécaitimie birui benó cue diga güite. 22 Mei jii, Nanoide Hima Jitó Cristodicueza, jaijai uícomo cuemo mameca iodo jáitícue. Mei íadi cue fécaitimie, jñi dúreña! —daide.

23 Afe jira conímama daidíaioi:

—¿Cáimona bu mei ie fecalle? —daidíaioi.

Conímamo jamánomoidimie júfidotiaioi

24 Afe mei dani afémaci cígimona nímie jamánomoidimiena daina júfidotiaioi. 25 Mei íadi Jesús íaioína daide:

—Nairai illaini íaioi anamo itínona riire ocuífrediaioi. Daje izói íaioi ocuídínona, jáimaci “Omoi ñue finódino” daífrediaioi. 26 Mei íadi omoi afe izói íñeno iri. Mei jáífodo omoi cígimo ite jamánomoidimie, afémie jáimaci baimo jamáimiena írede. Daje izói ómoimona ocuífredimie jáimacina canófredimiena írede. 27 Bífuego omoi coméciri. Dáamie güirábanimo güillena ráina llezica, jáimie güille bai atífrede. Afe

íáillinoimona ¿bu mei iere jamánomoina? Mei uáfueza, güirábanimo ráiidimie jamánomoina. Mei íadi cue omoi cígiri ocuífrega táijifiredimie izói iticue.

²⁸ Comini fieni cue facátafirena llezica jaca cue diga ífirediomi. ²⁹ Ie jira cue Moo illáimana illánona cuemo illa izói, afe izói ómoimo íiticue.

³⁰ Afena ómoimo íiticue, cue illáimana illánomo cue diga omoi güillena. Daje izói afe llezica afénomo illaíma ráiiranomo ómoína ráinaiticue, doce dígade Israel náiraimo izire omoi jicánollena, —daide.

Jesús Pedro ie jáanollena uícodo llotte
(Mt 26.31-35; Mr 14.27-31; Jn 13.36-38)

³¹ Ocuíraíma Jesús nane daide:

—Simón cácarei. Taife ona facátaiacade. Comini magai izilla izói ona izíacade. ³² Mei íadi Juzíñamuimo ja jicádicue Juzíñamuimo o ínua féitañeillena. Iemo afe facátainamona abido o bille méifodo, o ámatiaí canori, íaíoi ínogafuena íaíoi fáicanocaiñeillena, —daide.

³³ Iemona Simón Jesuna daide:

—Cue Ocuíraíma, llavéracom o diga cue jáillena ja finóbidicue. Daje izói afénomo o diga cue tállena ja mamériticue, —daide.

³⁴ Jira Jesús íena daide:

—Pedro, birui ona dáititcue, átava nai úriñena llezica daacaiñoámani, cuena jáanoitio, —daide.

Jesús facátalle hora ja ánozide

³⁵ Afe mei Jesús ie llófuegamacimo jicánote:

—Nauí ómoína cue ória llezica, ipécona uiñeno, daje izói úcubena uiñeno, íemo jíái eiba icona uiñeno, ía omoi jairi, daidicue. Aféruimo ¿minica ómoimo nai íñena? —daide.

Jira afémaci daidíaíoi:

—Aféruimo ja nana ñue ite, —daidíaíoi.

³⁶ Iemona Jesús íaíoína daide:

—Mei birui jíáfodo daidicue. Ipécoredimie mai afena ui. Daje izói úcuberedimie úcubena ui. Iemo jíái lloéfainidimie íemo ite iniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo fuitáredeza. Be níuui: “Fiénidimaci cígimo cuena mamédiaíoi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Iemona afémaci daidíaíoi:

—Cai Ocuíraíma, caimo mena lloefai ite, —daidíaíoi.

Afémie uai ote:

—Jadie ja figo baite, —daide.

Jesús Getsemanímo Juzíñamuimo úrite
(Mt 26.36-46; Mr 14.32-42)

³⁹ Afe mei Jesús oni jaide. Ie jáifirena izói Olivos ídumo jaide. Afe llezica ie llófuegamaci afémie diga jáidiaíoi. ⁴⁰ Ie jáillanomo dúcillano daide:

—Fiénidifuemo omoi báíñeilleza Juzíñamuimo úrifireiri, —daide.

⁴¹ Afe mei Jesús comini nofici bai nitáfirena dino afémacimona oni jaide. Afénomo Juzíñamuimo jicállena ana dújude. ⁴² Daide:

—Moo, o comeci jítaíadi, bie duere cue zefuúllifuemona cue jíllotari. Mei íadi cue comeci jítaina izói finóñeno iri, mei jíáfodo o comeci daina izói finori, —daide.

⁴³ Afe llezica Juziñamui abi ímie monámona Jesumo cíocai; afémie Jesuna maírtaibite. ⁴⁴ Iemo Jesús ie comeci jamánomo zúurena llezica, afémie Juziñamuimo iere riire jicade. Afemona iere uzínaila izói ie abi úllie iere jino bite. Afe jino bite úllie ie die izoide. Afeji ana éniemo llocode.

⁴⁵ Juziñamuimo ie jícaja fuilla mei, afémie ie llófuegamaci diné jaide. Inídiaioina cíozaibite, mei zuufue inítagaiaioi. ⁴⁶ Jira íaioina daide:

—¿Nibái mei inídiomoi? Fiénidifueмо omoi báiiñelleza cazíllano Juziñamuimo úrifireiri, —daide.

Jesús llaitada uitíaoi

(Mt 26.47-56; Mr 14.43-50; Jn 18.2-11)

⁴⁷ Jesús nai úrioidemo aillo comini dúcidiaioi. Afe doce dígadynomona Júdasna mámeciredimie bitino ifode. Ainozillano afémie Jesús ñitade.

⁴⁸ Jira Jesús afémiena daide:

—Judas, ¿Nanoide íima Jitó o ñítafuedo fécaibitio? —daide.

⁴⁹ Jesús abimo itino áfena cióillano jicánotiaioi:

—Cai Ocuíraima, ¿bimaci diga lloéfaido fúiriticai? —daide.

⁵⁰ Afe llezica afémacimona dáamie lletáriraini caifóidillaíma ocuífirgamie bofede. Ie jefo nabefo ñetade. ⁵¹ Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamié jefo jetánote. Afena afémie jacáitate. ⁵² Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái meririfiredimedicue izói lloéfaillairi, naa bigíniari cuena lláitaibitioi? ⁵³ Naui nágaruillaído Juziñamuimo gairíracomo omoi cue llófuefirena llezica, jaca cuena jetáñediomoi. Mei íadi birui omoi jitaica raa finóllirui. Naio comini íbaila izói, ja birui Taife bínie náamatade, —daide.

Pedro Jesuna jáanote

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Iemona Jesús llaitada, lletáriraini caifóidillaíma jofomo uitíaoi. Afe llezica Pedro bai jicado jaide. ⁵⁵ Afénomo afeco cigi íbirimo irai bonódiaioi. Aféraimo agáidiaioi. Iemo Pedro afémaci cígimo agáizaide. ⁵⁶ Iemo afénomo ite ocuífirgango irai fuemo Pedro ráiinana ciode. Afe mei afengo daide:

—Bímie jaca Jesús diga ífiredé, —daide.

⁵⁷ Mei íadi Pedro jáanuano daide:

—Afémiena onóñedicue, —daide.

⁵⁸ Afe mei íanori íllamona jíáimie íena cióillano daide:

—O bie afémaci íédió, —daide.

Mei íadi Pedro daide:

—Íeñede; cue bie afémaci ímieñedicue, —daide.

⁵⁹ Afe mei jabo are íllamona da hora fidi jíáimie riire daide:

—Uáfueza. Bímie afémie diga ífiredé mei afémie daje izói Galilea ímieza, —daide.

⁶⁰ Jira Pedro daide:

—O úrillana onóñedicue. ¿Mínica llotio? —daide.

Ja Pedro úrioidemo átava úrite. ⁶¹ Iemona Jesús Pédroмо érocaide. Afe llezica Pedro afémiena daináfuemo uíbicaide. Be níuui: “Atava nai úriñena llezica dacaíñoámani cuena jáanoitio.” ⁶² Afemona Pedro jino jaillano zuure eede.

Jesús jifánodoidiaioi

(Mt 26.67-68; Mr 14.65)

⁶³ Jesús llaitada úiñotino afémiena jifánodoiano razido iena fatíaiioi.
⁶⁴ Daje llezica ie ui ibáillano, ie uieco fátano daidíaiioi:

—¿Bu o faaja? ¡Onóillano jino llone! —daidíaiioi.

⁶⁵ Afe llezica diga jiáifuiaido iena báíñotiaioi.

Dáanomo gairide illáicomini uícomo Jesús uitíaiioi

(Mt 26.59-66; Mr 14.55-64; Jn 18.19-24)

⁶⁶ Ja mona monáidemo judíuai écomini, naa lletáriraini illaini, naa ocuica uai llófuetinori dáanomo gairídiaioi. Afe gairítaga illáicomini “Junta Suprema” dainámaci. Aféonomo Jesús uillano, jicánotiaioi:

⁶⁷ —Caimo llone, ¿o meita Crístodio? —daidíaiioi.

Jira afémie uai ote:

—Afena jii daidícuenia, cuemo iñoñeitiomoi. ⁶⁸ Daje izói jiáifue ómoimo cue jicánoia, ibana uai óñeitiomoi. Afe izói cuena zúitañeitiomoi.

⁶⁹ Mei íadi benómona Nanoide Hima Jitó Cristo jamánomo ríinorede Juziñamui nabézimo ráinaite, —daide.

⁷⁰ Afe mei nane afémiemo jicánotiaioi:

—¿Meita o Juziñamui Jitódio? —daidíaiioi.

Jira Jesús íaiioi uai ote:

—Jii, dani omoi daina izói níimiedicue, —daide.

⁷¹ Iemona afémaci daidíaiioi:

—Ja jiáie uai nábaítinona jitáíñedicaí. Cai bie dama ie fuémona ie fieni úrillana cacádicaí, —daidíaiioi.

23

Pilato uícomo Jesús uitíaiioi

(Mt 27.1-2, 11-14; Mr 15.1-5; Jn 18.28-38)

¹ Iemona nana náidacaillano Jesús Pilátomo uitíaiioi. ² Aféonomo diga fiénidifuiái iemo jóonetiaioi. Daidíaiioi:

—Bímie cai comínimo icírafue comútajana ciódicaí. Iemona comini áferi faillíñaicaidiaioi. Afémie “Romano jamánomoidillaíma íbátaga úcube íbánidicaí,” daide. Afe llezica afémie “Illaima Crístodicue” daiífiredé, —daidíaiioi.

³ Jira Pilato afémiemo jicánote:

—¿Meita o judíuai Illáimana? —daide.

Jira Jesús uai ote:

—O daina izói, jii níimiedicue, —daide.

⁴ Iemona Pilato lletáriraini illáinina, naa comíniri daide:

—Bie cómemo fiénidifuena baiñédicue, —daide.

⁵ Mei íadi dáanomo riire daidíaiioi:

—Nana Judea comínimo ie llófueinafuiaido icírafue íaiioimo comúitate. Fueñe Galilea éniemo daíí finode, iemo biruí cai éniemo nágagobiaido daje izói finode, —daidíaiioi.

Herodes uícomo Jesús uitíaiioi

⁶ Jesús nauí Galiléamo llófueoinafuena Pilato cacáillano, jicánote:

—¿Bie iima Galilea ímie? —daide.

⁷ Comini daíí daidíaiioimo, Heródesmo iena orede, mei afémie Galilea illáimana. Aféruillaido Herodes Jerusalemo ite. ⁸ Herodes Jesuna cióillano

iere ióibicaide. Jaiai ninomo íena cióiacade. Comini Jesudo dáinana Herodes cacáfirede. Iemona Jesús daa ciórainina raa fínuana Herodes cióacade. ⁹ Iemo Herodes diga icaiño diga ráfuiai íemo jicáñcanode. Mei íadi Jesús jaca uaina oñede. ¹⁰ Dáanomo lletáriraini illaini ocúicafue llófuerañiri itíai. Bimaci Jesumo fiénidifuiái riire jónetiaioi. ¹¹ Iemona Herodes ie fuiríraini diga Jesuna ja jámairuitiaioi; iere íena áfedotiaioi. Afe mei ebírede illaíma iníroina íemo jítádiaioi; jítamona daíí afémie jifánodoidiaioi. Afe meífomo Herodes dáanomo Jesuna Pilátomo orede. ¹² Aféruido Pilato Herodes diga daje nabaina mameide. Jaiai úcodo are conímana éoidiaillinoi.

Jesús titállena mamé diaioi

(Mt 27.15-26; Mr 15.6-15; Jn 18.39-19.16)

¹³ Afe jira Pilato lletáriraini illaini, íemo ríimaci naa comini dáanomo gairítano daide:

¹⁴ —Bie omoi lloga comínimo icírafue comuítatimie. Mei íadi omoi cacáicana izire íena jicánoticue. Jicánuamona ie fieni finócafueña baiñédicue. Afena cacádiomoi. Daje izói afémie omoi nitaca fiénidifuiái cióñedicue. ¹⁵ Daje izói Herodes níífuena cióñenano afémie abido cuemo orede. Ja ciódiomoiza, bímie titállena íñede. ¹⁶ Afémiena zechétaiticue. Afe mei afémiena zuitada jino óreiticue, —daide.

¹⁷ Afe rafue ana comini cáimacaitallena, Pilato daa llavécamienna zuitáfirede. ¹⁸ Mei íadi nana comini dájena riire daidíaioi:

—Bie Cristo oni jica titálleza. Barrabás caímo zuitari, —daidíaioi.

¹⁹ Naui afe Barrabás llavéracomo llavé diaioi, mei afémie jofue comini uáitajano jíáie illaíma jóoneacade. Afe llezica afémie jíáimana ie tita ícoínia llavé diaioi. ²⁰ Pilato Jesuna zuitáacade. Iemona dane dáanomo íaioimo úrite. ²¹ Mei íadi afémaci riire daidíaioi:

—¡Cruzmo íe corai! ¡Cruzmo íe corai! —daidíaioi.

²² Ja dacaiñoámani Pilato íaioina daide:

—¿Nibái mei íe titáiticue? ¿Afémie níé fiénidifue finode? Íe cue titalle fiénidifueña íemo baiñédicue. Afémiena zechétaiticue. Afe mei afémiena zuitada jino óreiticue, —daide.

²³ Mei íadi afémaci Jesús coráillena ríirerie jicá diaioi. Jamánomo ríirerie íaioi jicajamona, íaioi jitaica otíaioi. ²⁴ Íaioi jicajana are illa ícoínia Pilato fairíote. ²⁵ Afe jira nana llavécanuíaímona afe nízecca Barrabás Pilato zuitade. Afe Barrabás illaíma uáitano jíáillaíma jóoneacana ícoínia íena llavé diaioi. Afe izói jíáima íe tita ícoínia, llavé diaioi. Mei íadi Pilato afe comini jitailla izói Jesuna fecade.

Jesús cruzmo corá diaioi

(Mt 27.32-44; Mr 15.21-32; Jn 19.17-27)

²⁶ Jesús íaioi coráiailla llezica Cirene énie ímie Simona llaitá diaioi; Jesús uiga cruz íena uitátatiaioi. Afémie jino jacáfaimona jófuemo bite. Jira Jesús rocca cruz Jesús óodana uitátatiaioi.

²⁷ Afe llezica diga comini afémie óodana jáidiaioi. Daje izói diga ringóniaí afémieri zúucaillano éecana jáidiaioi. ²⁸ Mei íadi Jesús aféngotiaímo érocaillano daide:

—Jerusalén ringóniaí, mai cueri ééñeno iri. Mei jíáifodo dani omoi abiri eeri. Daje izói dani omoi úruiaímo eeri. ²⁹ Mei jamánomo zúuredirullaímo

dúciitiaioiza. Aféruimo bie izói dáititiaioi: “Uruena comuítañedingotiai, jñi caimare illa! Daje izói úruenidingotiai, jñi caimare illa! Afe izói úru mónicoa jirótañedingotiai, ñi caimare itíai.” ³⁰ Aféruimo comini caifoneduaina dáititiaioi: “Cai emódomo jaíri,” dáititiaioi. Afe izói duera íduaina dáititiaioi: “Cai retáidori” dáititiaioi. ³¹ Mei birui nífuenidimedicue ia bie izói duere cuena finódiaioi. Iemona jaíruido fiénidino cue duere zefuilla baímo duere finólliaioi, —daide.

³² Afe llezica mena come, comini fáfiredino Jesús diga daane coráillena uitíai. ³³ Calavera maméidinomo dúciillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jaímie ie jarífezimo coráidiaioi. ³⁴ Ie íai coraina llezica Jesús daide:

—Moo, íai fieni finócafue iba oñeno iri; abina onóñediaioi daí ííaza, —daide.

Afe mei fuíriraíni onótaraji dotádiaioi Jesús iniroi áfedo dani íai maíñóllena. ³⁵ Afénomo ite comini acáritiaioi. Afémaci naa nairai imaci illáicomíniri afémie áfeduano daidíai:

—Jaímmana jillotafiredioza, ua o Cristo o íadi, daje izói Juzíñamui nízcamiéna o íadi, daje izói Juzíñamui maí o abi jillota, —daidíai.

³⁶ Daje izói fuíriraíni íena áfedodiaioi. Anozillano rochíredijina, figóñede vino íena jirótataioi. ³⁷ Jirótano daidíai:

—Judíuai Illaíma o íadi o abi jillota, —daidíai.

³⁸ Ie ífo acónimo cuezábici jae jónega. Afébici dazieámani uai cúeina: griego, íemo latín, íemo hebreo diga. Afébicimo daide: “Bímie Judíuai Illaíma.”

³⁹ Coraica fiénide íaillinoimona dáamie Jesús uáitano daide:

—Cristona o íadi, maí o abi jillota coco diga, —daide.

⁴⁰ Mei íadi jaímie ie nabáimie llétajano daide:

—¿Ñibái mei Juzíñamuina o jacíruiñedio? Daje duere finóinafue anamo itíoz. ⁴¹ Coco aillo finócafue ite. Jira dúere finóbídico. Coco finoca fiénidifue iba ua otíai. Mei íadi bie íma fiénidifuenta finóñede. ⁴² Jira uáitañedimie Jesuna daide:

—Jesús, o illáimana illíruimo o dúciadi cuemo uíbicaíri, —daide.

⁴³ Jira Jesús uai ote:

—Uáfuenta ona dáitícue, ja birui cue diga ñue ebíredinomo íitio, —daide.

Jesús tílla

(Mt 27.45-56; Mr 15.33-41; Jn 19.28-30)

⁴⁴ Ja jítoma jaíciri illa llezica nániéna nauíbicaide. Afe nauilla are ite. Ua jítoma arífemona ana ítemo llícaide. ⁴⁵ Afe llezica jítoma ui duide. Jítreficaide. Daje llezica garíracomo fetácaroi caifona ana erócana dáafenedo daingo cúajicaide. ⁴⁶ Afe mei Jesús ficire caillide:

—Moo, cue joreño omo cue ígaza, —daide.

Daí daínano tíide.

⁴⁷ Romano illaíma afe ífcaidifue cióillanona Juzíñamuimo caimátaide. Daide:

—Uáfueza. Bímie jaca nífuenidimie, —daide.

⁴⁸ Daje izói nana afénomo ite comini bie ífcaidifuenta cióillano afénomona íai jófuego jamánomo zuure jáidiaioi. ⁴⁹ Mei íadi nana Jesús onóigamaci aféfuaimo jicana acáritiaioi. Daje izói Galiléamona Jesudo jaide ringóniaí jicana acáritiaioi.

*Jesús raíttaioi**(Mt 27.57-61; Mr 15.42-47; Jn 19.38-42)*

⁵⁰ Judea éniemo ite Arimatea jofue ímie José afénomo ite. Afémie ñue comecei jaícina jóidimie. Afe José judíuai ocuide illáicomínimo jainaide. ⁵¹ Afe bie José Juziñamui illáimana illíruiamo ocuírífiredede. Afe jira afémie jíáie judíuai ocuide illáicomíni finócana jíeruiñede. ⁵² Ie jira afémie Jesús abi Pilátomo jícajide. ⁵³ Afémie Jesús abi crúzmona ana uano áillue iníroina junide. Junilla mei, idu anamo noñicimo finócaojimo afémie Jesús raite. Aféfomo nai buna ráiñena. ⁵⁴ Nana bífuiai viernes ñauife dibénedo zuíde. Jaca uícodo viérnemo ocózinai llaruimo jitaica raana finofirediaioi.

⁵⁵ Afe Galiléamona Jesudo bite ringóniai Jesús ráinano érozaidiaioi. Afe llezica ie abi tíide bíinana ciódiaioi. ⁵⁶ Aféngotiai meine jofomo jaillano, ziórediji, naa abi bíraniairi finódiaioi. Afe mei ocózinai llaruimo ocuica uai daina izóí ocózinaidiaioi.

24*Jesús táillanomona meine cáadimiena jaide**(Mt 28.1-10; Mr 16.1-8; Jn 20.1-10)*

¹ Semana nanódiruido afe ringóniai raire jítiramo Jesús raiafo érozaidiaioi. Iaiói finoca zióredijillai uitiaioi. Iemo jíáie ringóniai íaioina nabáidiaioi. ² Afe ringóniai afénomo dúcidiaioimo, raiafo ibailla noñic nano illa izóí iñede. Oni eneno jónega. ³ Aféfomo jofo jáidiaioi, mei íadi jofo jáidiaioimo cai Ocuíraima Jesús abi cióñediaioi. ⁴ Afemona iere jacínaitiaioi. “¿Ñie izóí íiticaí?” daidiaioi. Dai íaioi daina llezica mena íima aféngotiai áinori naidáinana ciódiaioi. Afe íaillinoi quenírede iniroi jítáiaillinoi. ⁵ Afe íaillinoina cioillano, iere jacínaitiaioi. Jacínai llamona ana éniemo bíjicaidiaioi. Iaiói bíjicailla llezica afe íaillinoi aféngotiaina daide:

—¿Ñibái mei cáadimie tíidino cigido jenódiomoi? ⁶ Afémie ja benó iñede. Ja meine cáadimiena jáideza. Naui Galiléamo ie illa llezica, ómoína ie daina uaimo uíbicairi. ⁷ Afénomo afémie bie izóí ómoína daide: “Nanoide íima Jitó Cristo fiénide comínimo fecalle. Afémiena cruzmo córaitiaioi. Iemo daruíamani íllemona meine abido cáadimiena jáite,” —daidiaillinoi.

⁸ Afemona aféngotiai Jesús íaioina daífirena uaimo uíbicaidiaioi. ⁹ Afe mei raíáfomona meine bitiaioi. Billano nana bífuiai once dígade llófuegamacimo llotiaioi. Daje izóí jáímacimo llotiaioi. ¹⁰ Bífuiai llocana uitíngotiai mámeciai be ñie: Magdalena énie ingo María, íemo Juana, íemo Santiago ei María, naa jíáie ringóniairi. ¹¹ Mei íadi aféngotiai íaioina dáinana uáiritaidino úrilla izóí cacaide. Jira aféngotiai llógana íñoñediaioi.

¹² Iemo Pedro íñoñede íadi, Jesús raíáfomo aizícana jaide. Jofo eromo érocaidemo dama ie juníllaroi dinomo jóidena cioizaide. Afe mei Pedro afénomo ífcaidemo fáigacaillano meine jofomo jaide.

*Emaús jofue iomo Jesús cíocaide**(Mr 16.12-13)*

¹³ Aféruido afémacimona ménamie Emaús jofue iodo jaide. Afe jofue Jerusalémona once kilómetros dínó jino ite. ¹⁴ Afeodo jailla llezica, nana aféruillaído itífuiai júfidocana jáidiaillinoi. ¹⁵ Iaillinoi úrilla llezica Jesús

íallinoimo ánozide. Dúciillano afe íallinoi diga jaide. ¹⁶ Afémiena ciódiailinoi mei íadi afémiena onóñediaillinoi. ¹⁷ Jira Jesús afe íallinoimo jicánote:

—Íodo ómicoi jailla llezica, ¿nífue júfidotiomoicoi? ¿Níbái mei iere zuure itíomicoi? —daide.

¹⁸ Afe íallinoimona, Cleofas mámeciredimie uai ote:

—Nana comini biruúllaido Jerusalemo finócafuiaina fidídiaioi.

Afeno ímiedio íadi ¿meita aféfuaiaina jaca nai fidíñedio? —daide.

¹⁹ Iemona afémie íallinoina daide:

—¿Nífue finódiaioi?

Jira íena daidíailinoi:

—Nazaret ímie, Jesús ñue riire uai llórama aillo ebírede raana uaido finode. Afena Juzíñamui eróicana finode, daje izói nana comini ui cíoicana finode. ²⁰ Mei íadi lletáriraini illaini naa cai ocuúidillaini diga afémiena coráiano titállena fecádiaioi. ²¹ Afe llezica íemo ocuúridicai, ua Israel Nairai anáfenodinomona cai jíllotallena. Ja afefue záillamona ja daruíamani íteza. ²² Ie emódomo cámona ringóniai ja caina jacinaítade. Aféngotiai raíáfomo nai jítiredemo jaillano íaioi cíonana meine caimo lluaíbitiaioi. ²³ Ie abina cíóñediaioi. Mei íadi Juzíñamui abi imaci ángeles dainámacina jae cíódiaioi, daidídiaioi. Afe ángeles ringóniaina daide: “Jesús caade.” ²⁴ Iemona cámona raíáfomo jáidiaioi. Dínomo ringónaii llua izói baitíaioi. Mei íadi Jesuna cíóñediaioi.

²⁵ Jira Jesús daide:

—¡tere féitafirediomo! Nana uai llóraini daináuaina iere rairuíoicana íinotiomo. ²⁶ ¿Uáfueñede Cristo ie ebíredinomo nai jáiñena llezica, afémiemo bie duere finóbillafue jítáirede?

²⁷ Ie mei nana Cuegáuaimo afémiedo dainana ñue jino llote. Moisés cuegánicuaimo ite afémiedo úrilla uai ñue jino llote. Daje izói nana jíáie uai jino llóraini llogánicomo itino jino ñue llote.

²⁸ Jófuemo dúcidiaioimo, Jesús iodo nai jáiacadena éroide. ²⁹ Mei íadi afémiena jeruúdiailinoi. Daidíailinoi:

—Jae nauízaideza, mai benó coco diga fiebi, mei ua jítireoicaideza, —daide.

Jira Jesús jofo jaide íallinoi diga íllena. ³⁰ Jae íaioiri jofo güirábanimo ráiillano pan líinote. Líinuano Juzíñamuina:

—Iere figura, —daide.

Dai dainano dítajano íallinoimo ite. ³¹ Afe llezica íallinoi ui tújicaillamona íena onódiailinoi. Afe mei afémie cíóbcáiñena. ³² Conímána daidíailinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco comeci náicaitade? ¡Afe uáfueza!

³³ Iemo afénomo are íñeno meine Jerusalemo abido jáizaidiailinoi. Dínomo once orécamací naa íaioi nabáiñiari dáanomo gairide baizájidiailinoi. ³⁴ Afénomo itino íallinoina daide:

—Uáfueza cai Ocuúraima ja meine abido caade, Simón Pedro ja íena ciode. ³⁵ Iemo afe íallinoi afémacimo nana iomo íaioi úrillafuena llotiailinoi. Afemona Jesús pan díxada íllamona afémiena íallinoi onónana gairídinomo llotiailinoi.

Jesús ie llófuegamacimo cíozite

(Mt 28.16-20; Mr 16.14-18; Jn 20.19-23)

³⁶ Afe íaillinoi dáinamo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiño, uái omoi iri, —daide.

³⁷ Afémiena cíoillano, “¡Come joreño caimo billa!” daínano iere jacínaitiaioi; cuidíridiaioi. ³⁸ Mei íadi Jesús íaioina daide:

—¿Ñibái mei jacínaitiomoi? ¿Ñibái jízireoicana cue ínotiomoi? ³⁹ Bené cue ónoimo érocái. Daje izóí cue ídaimo eroi. Níimiedicue. Cue abi jeta. Cómedicueza ónoi. Ja cue abina cíódiomoiiza. ¡Mínica joreño ícurunideza; íeizínide! —daide.

⁴⁰ Daí daina llezica ie onoi ie idai diga afémacimo ácatate. ⁴¹ Mei íadi afémaci íóbidiaioi ía, iere uáinificaidiaioi. Te jira afémie uáfúena íllana nai figo ínoñediaioi. Jira Jesús íaioina daide:

—¿Benó ómoimo due güíllena ite? —daide.

⁴² Te jira ruica chamu íemo ítíaioi, naa due ciífo íji diga. ⁴³ Afe líínota íaioi eróicana güíte. ⁴⁴ Afe mei íaioina daide:

—Nana nauí cuemo íficaidífuiai, nauí omoi cígimo cue illa llezica, ómoina cue daina be ñie. Nana cue dibénedo uícodo cuegáuai daina ñue ícoimo fuitárede: Moisés cuegánicomo cue dibénedo úrite; daje izóí jaiái uai jino llóraini cue dibénedo úrite; íemo jíái Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

⁴⁵ Iemona Juzíñamui Cuegáuaimo dáinana Jesús afémacina ñue onótate. ⁴⁶ Íaioina daide:

—Cuegáuaimo daina izóí Cristo jaca tíirede. Daje izóí daruíamani íllamona afémie tíillanomona meine cáadimiena jáirede. ⁴⁷ Daje izóí Jerusalémoma oni nana jíáie náraiaimo comini comeci ífuiai íaioi méidollena cue mámedido llórede. Daje izóí comeci íaioi méiduamona íaioimo ite fiénidí fue múíñua cue mámedido llórede. ⁴⁸ Nana bie cuemo comuídífuiai uai nabáirainídiomoi. ⁴⁹ Te jira cácarei, cue Moo uícodo lloga fecáacaga Ñuera Joreño ómoimo óreitícue. Afe caifona bille ríino omoi nai líínoñeille dino, benó Jerusalén jófúemo omoi iri, —daide.

Jesús ja caífo monamo jaide

(Mr 16.19-20)

⁵⁰ Afe mei Jesús afémacina jofue jinomo uite. Betania áinomo jáidiaioi. Afénomo Jesús onoi caífo ñúitajano íaioi ñue íllena llote. ⁵¹ Daí ie daina llezica afémacimona oni jírecaillano afémie ja caífo monamo uiga.

⁵² Afémiemo íaioi caimátaila mei, abido Jerusalemoma iere íóbicana jáidiaioi.

⁵³ Afemona afémaci Juzíñamuimo gairíracomo ífírediaioi. Afe llezica aillo ñúefuiai Juzíñamuimo nitáfírediaioi. Daíítadeza. Jae ñie.

JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

Juzíñamui Uaina maméidimie ímana íficaide

¹ Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ² Ua nanódiruimo afémie Juzíñamuimo ite. ³ Afémiedo Juzíñamui bínie naa ráaniairi finode. Minícana íñede afémie finóñegana. ⁴ Afémiemo cáallino ite. Afe cáallino nana comini egáiñote. ⁵ Afe egáiñotino jaca jítiredinomo egáiñote; íadi afe jítiredino afe egáiñotinona jaca dúitanide.

⁶ Daa Juzíñamui orécamié biniemo bite. Afémie mámecei Juan. ⁷ Afémie uai nabáiraimana bite egáiñotinodo ñue úrillaena. Daií úrizaibite, afémie daináfuedo nana comini íinollena. ⁸ Juan dama egáiñotimieñede. Fia afémie orécamié egáiñotimie uai nabáiraimana úrizaibite. ⁹ Afe egáiñotimie uáfueña ñue egáiñotimie. Bie egáiñotimie nana caimo egáiñote. Afe egáiñotimie biniemo dúcizaibite.

¹⁰ Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi. ¹¹ Afémie ie éniemo bite, íadi ie comini afémiena llínoñediaioi. ¹² Mei íadi dáarie mei afémiena llínotiaioi; afémiena íinotiaioi. Afe íinotino ríinorediuaína igáiaioi, Juzíñamui úruiaína íaioi jáillena. ¹³ Afe úruiai come móotiai úruiai izói cómuitañega. Come móotiai bie énie comuilla izói, comuítatiaioi. Afémaci íaioi comeci jítainafuedo comuítatiaioi, íadi Juzíñamui úruiai dama Juzíñamuimona comuide.

¹⁴ Afe Uaina maméidimie cai come abi izói dama íficaide. Ie mei cai cígiri nano nié dino ite. Afémie comécimo ñúefuiai illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. ¹⁵ Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uíeco dibénemo jaide, cue íñeniadi íteza, —daide Juan.

¹⁶ Afémie aillo ñuera ráfuiaimona caimo ñue ézicigafuiaina llínoticai. Ua nana fáicanocaiñeno llínoticai. ¹⁷ Juzíñamui caimo ocuícáfue Moisedo oreca, íadi izíruinafue uáfuiái diga Jesucristodo bite. ¹⁸ Buna jaca Juzíñamuina ciónena; mei íadi dama daade ie Jitó, ua Moo comeci áonomo itímie, baie Juzíñamui ífueña cai onótatimie.

Báutizaraima Juan Jesucristodo ñue úrite

(Mt 3.11-12; Mr 1.7-8; Lc 3.15-17)

¹⁹ Jerusalemo ite judíuai, dárie lletáraini Levítaniai diga Juaamo orédiaioi. Daií íaioina orede báimiemo jicánollena, “Búdio” daiíllena.

²⁰ Afémie jáanoñeno llote. Daide:

—Cue Crístoñedicue, —daide.

²¹ Nane dáanomemo jicánotiaioi:

—¿Búdio mei? ¿O Juzíñamui uai llóraima, Elíadio? —daiíiaioi.

Juan: —Íéñedicue, —daide.

Iemo nane jicánotiaioi:

—¿Ñi Juziñamui uai llórama bille dainámiedio? —daidíaioi.

Jira uai ote: —Íéñedicue, —daide.

²² Ie jira íena daidíaioi:

—¿Mei búdio? cai orédinomo fairíogafuena cai uíllena. ¿Mei nie izói caina o abi ífuena dáitio? —daidíaioi.

²³ Juan íaioi uai ote:

—Cue dama jofue iñénanomo caillide uáidimedicue. Bai Juziñamui io jácina zitari, jai ai Juziñamui uai llórama Isaías daina izói, —daide. ²⁴ Juan diga úrizabitino jae Fariséuaimona orécaiaioi.

²⁵ Ie mei Juaamo jicánote:

—Mei Cristoñedio, Elíañedio, Juziñamui uai jino llóramañedio, ¿nibái mei báutizaibifiredio? —daidíaioi.

²⁶ Juan íaioina daide:

—Fia jáinoido báutizadicue. Mei íadi omoi cigímo daa omoi onóñegamie ite. ²⁷ Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimiedicueza, —daide.

²⁸ Nana afe Juaamo jicánollena Betábaramo úritiaioi. Betábaramo énie Jordán imani ruicáfellemo ite. Ja dinomo nauí Juan comini báutizafiredo.

Jesús, Juziñamui Cordero

²⁹ Afe meifo iruido Juan ja Jesúna ciode. Jesús Juaamo ánozide. Ainozidemo Juan daide:

—¡Eroi! Juziñamui Cordero daina ie Ovéjana mamécámie. Ua, afémie nana comini fiénidifue oni dórama. ³⁰ Nauí afémie cue llogámie “Cue óodana daa íima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano ítimieza.” Daií nauí afémiedo úriticue. ³¹ Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóíllena, —daide.

³² Ie emódomo daide Juan:

—Ja Juziñamui Ñuera Joreño, Espíritu Santo, bímiemo monámona ana bíllana ciódicue. Fíicirina eroide. Iemo afémiemo fiébide. ³³ Jaca nanómona onóñedicue nibai bu. Mei íadi jáinoido comini báutizallena daií cuena ocuidímie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoitio. Afémie Ñuera Joreña itátatímie.” Daií cuena daide. ³⁴ Ja íena ciódicue. Ie jira ñue llóramadicue. Uáfueña lloticue. Afémie Juziñamui Jitó, —daide Juan.

Jesús nano fueñe ie llófuegamaci

³⁵ Afe meifo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióíllano, Juan daide:

—Eroi bímie Juziñamui Cordero daina ie Ovéjana mamécámie, —daide.

³⁷ Iemo Juan llófuegamie íaillinoi ie daináfueña cacáíllanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaillana ciode. Iaillinoina daide:

—¿Bu mei jenódiomicoi? —daide. Afe íaillinoi afémiena daide:

—Llófueráima, ¿ninomo itio? —daide.

³⁹ Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jitoma ana ítemo, afémieoiri iruido fiébidiaillinoi. ⁴⁰ Daa afe íaillinoimona

ua Juan llogáfuena cacádinomona, Jesús diné jáidimie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesiana, Juziñamui mámecigamiena jae baiticai. Cristo jiáifodo mamécamie, —daide. ⁴² Ie mei Andrés Jesús illánomo Simona uite. Dúcidemo Jesús íena cióillano daide:

—O Simona, Jonás jitódio. Iadi biruímona Céfana mámeitio. Pedro jiáifodo mameina.

Jesús Felipe uáidote Natanael diga

⁴³ Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

⁴⁴ Afe Felipe Betsaida jofue ímie. Andrés Pedro diga daano imaci. ⁴⁵ Ie mei Felipe dinena Natanael baizájide. Baizájillano daide:

—Moisés ocuica uai ciegánicomo llogámie ja ciódicai. Ua Juziñamui uai jino llóraini llua izói, afe íaioi llogámiena ciódicai. Afémie Jesús, José jitó, Nazaret jofue ímie, —daide Felipe.

⁴⁶ Natanael dinena daide:

—¿Niga ñúefue jadí Nazarémona fídiitio? —daide.

Felipe uai ote:

—Eróizai bi, —daide.

⁴⁷ Jesús Natanael áinozillana cióillano daide:

—Benomo bite nahí israelita ímie; jífuiafue afémiemo iñede, —daide.

⁴⁸ Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

⁴⁹ Iemo Natanael daide:

—Llófueraíma, O Juziñamui Jitódio. Israel Illáimadio, —daide. ⁵⁰ Jesús ie uai ote:

—¿Dama cue dáinana higuera anamo ona ciódicue iedo daí cuena íinotio? —jicánote Jesús. Afe emódomo Jesús íena daide:

—Bie rafue jinomo jiáie áillue ráfuena cióitio, —daide. ⁵¹ Iemo afe emódomo Jesús afémacina daide:

—Uáfueña ómoímo llóiticue. Mona túiñuana cióitiomoi. Iemona Juziñamui abi imaci, ángeles daínamací, cuemo ana bíitiaioi, caifo cúemona jáitiaioi. Mei Nanoide íima Jitódicueza. Afena cióitiomoi, —daide.

2

Galilea éniemo Caná jófuego áirenafue

¹ Daruíamani íllamona, jadí Caná jófuego, Galilea éniemo, áirenamona irázillafue finódino. Jesús ei afénomo ite. ² Jesús naa ie llófuegamaciri ja afe áireina ráfuego uáidogamací. ³ Afe irázillafuego jirórai, vinoi fuilla. Ie ei Jesuna daide:

—Ja vino iñede.

⁴ Jesús uai ote:

—Ei, ¿nibái cuena daí daidío? Cue jíeruillaruiamo nai dúciñede, —daide.

⁵ Mei íadi afengo afénomo ite jirole atírainina daide:

—Mai, nana afémie daina diga fino, —daide.

⁶ Dinomo seis diga icíruai, nofiruai ráiide. Judíuai afe icíruai oruítajano jáimaci ñue oréllena nícidofirediaioi, íaioi abi fiénidifue dóllena. Naga icírumo ochenta o cien litros oruízite. ⁷ Iemo Jesús atírainina daide:

—Jadíe icíruai jáinoina oruítari, —daide.

Iemona fuemo jibéziaioi. ⁸ Iemo Jesús íaioina daide:

—Due uano rafue náamamo uiri, —daide. Daií finódiaioi.

⁹ Iemo afe rafue naama jainoi facádemo, jáinoíñede. Jae vino. Rafue naama onóñedemo icíruai jáinoina oruízite. Dani atídino áfena onona. Afe vino nimánuanona, rafue naama ringo óiacadimie uáidote. ¹⁰ Iena daide:

—Nágamiiai ñúeji nano fueñe atífirediaioi. Ie mei nana uáidogamací aillo jirole mei, jamai vino atífirediaioi. Mei íadi nai biruido ñúeji ja o éenoga, —daide.

¹¹ Afe uino méiduafue ua Jesús nanoide uaido daingo comútaga raa; afefue Galilea éniemo, Caná jófuemo finoca. Bie uaido comútaga raado afémie ie ebírede ríino jino cíotate. Iemona ie llófuegamaci ñue íena ínotiaioi.

¹² Ie meífodo Capernaúmo, Jesús jaide ie ei diga, ie ámatiai diga, ie llófuegamaciri. Dinomo ja bai niga mona itíaioi.

Jesús Juzíñamui gairíracó ñue duafue

(Mt 21.12-13; Mr 11.15-18; Lc 19.45-46)

¹³ Aféruillaido Judíuai pascua rafue ánozide. Iemona Jesús Jerusalem jaide. ¹⁴ Afe dinomo gairíracó eromo juráriai, ovejai, íemo fíicirillai dieze fecáriraimacina Jesús ciode. Dáanomo úcube méidoraini ráidiaioi. ¹⁵ Afena cíoillano Jesús ñécigai móillano jiura finode. Afedo gairíracó erómóna nana fecáriraini íaioi juráriai ovejai diga jino jiude. Daje llezica úcube méidoraini úcubetunillai Jesús ana jutade. Íaioi úcube facádorabani Jesús oni caitade.

¹⁶ Fíiciri fecárainina daide:

—Bie raa benómóna oni ui. ¡Cue Moo jofó fecáriracona mamériñeno iri! —daide.

¹⁷ Ie mei afémie llófuegamaci jaiiai cuegáuai úbicaidiaioi. Afe uai llote: “O jofó cue ríiduamóna cue abi íñeite izoide,” daide.

¹⁸ Iemona Judíuai afémiemo jicánote:

—¿Minícado o ríinóna cai ácatatío? ¿Bie raa o fínuana bu o ocuilla? —daidiaioi.

¹⁹ Jesús íaioi uai ote:

—Cue ríino ómoimo bie izóí ácataticue. Bie gairíracó omoi júdai, ie mei daruíamani íllemona meine nane caífo cue raíñolle, —daide.

²⁰ Jae judíuai Jesuna daidiaioi:

—Cuarenta y seis fimóna niga gairíracoca; ¿íeca daruíamani íllamóna meine abido caífo o ráiñoiti? —daidiaioi.

²¹ Íadi afémie daina uai gairíracó, dama ie abi llote. ²² Iemona Jesús tíidinomóna meine abido cáaillano ie llófuegamaci bie daina uaimo uibóidiaioi. Daje llezica Cuegáuaina ínotiaioi nana Jesús íaioina daina uai diga.

Jesús nana comíni comécina onode

²³ Jesús Jerusalemo illano, pascua rafue llezica, aillo comíni afémiena ñue ínotiaioi. Ua íaioi cíófinina afémie uaido fínuana cíódiaioi. Afena

cióillano afémiēna ĩnotiaioi. ²⁴ Mei íadi Jesús afe comínimo ie abina nai rairuide. Mei nana imaci comécina onódeza. ²⁵ Jiái come afémiemo comini ífuenta llónide. Dama afémie dinena íaioi comeci ífuenta onode.

3

Nicodemo Jesumo úrillafue

¹ Daa Judíuai illaíma mámeći Nicodemo. Afémie fariseo. ² Afe bie Nicodemo naio Jesumo úrizabite. Jesuna daide:

—Llófueraíma, Juzíñamui orécao cai llófuellena onódicai. Juzíñamui cómemo íñeniadi bu bie ríirede cíofinina fínuana ácatanide. Ua o fínua izói buna finónide, —daide. ³ Ie jira Jesús íena daide:

—Uáfuenta dáitícue: meine nane jéiciñegamie jaca Juzíñamui illáimana illánona cíõeite, —daide. ⁴ Jira Nicodemo jicánote:

—¡Jae éicomedicaí! ¿Nie izói meine jocóllicai? ¿Meine nane ei eromo come jáirede, dáanomo abido jéicillena? —daide. ⁵ Ie jira Jesús uai ote:

—Uáfuenta dáitícue: meine nane jáinoína jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. ⁶ Come móomona jéicigamie jaca come. Iadi Juzíñamui Joréñomona jéicigamie jaca joreño. ⁷ Cue ona daínáfueri jacínaiñeno iri. Uáfuenta nágamie comue jéiciafue, ua caifona jéiciafue jaca jitáirede. ⁸ Jairifo náganomo ebena jaiñófirede. Ie jáíñuana cacádio, mei íadi ninena bite, niné jaide, onóñedio. Daje izói nana Juzíñamui Joréñomona jéicigano, afe jairifo izói itíaiioi, —daide.

⁹ Jira meine nane Nicodemo jicánote:

—¿Nie izói bie iite? —daide.

¹⁰ Jesús uai ote:

—¿Níbái mei jicánotio? O iere aillo Israel llófueraímana o íadi ¿bie ráfuenta onóñedio? ¹¹ Uáfuenta dáitícue: cai onóigafuedo úriticai. Cai cíonafuenta féinino lloticai. Mei íadi cai ómoímo llogáfuenta ĩnoñediomoi. ¹² Bie énie raado ómoímo cue úriadi nai ĩnoñeniadi, ¿nie izói cuena ĩnoitio mona ero ráfuedo cue úriadi? ¹³ Buna mona eromo jáíñede. Dama monámona ana bitímie, Nanoide ĩma Jitó, monamo jáirena; mei naui monamo itímieza. Dáamiedicue. ¹⁴ Naui jaiái Moisés jofue íñénazicimo jaio caifo ráíñua izói ua afe izói caifo ráíñobicaíticue. Nanoide ĩma Jitódicueza. ¹⁵ Ua afe cue ráíñua jitáirede nana cuemo ĩnotino fiénidifuego báíñeillena. Mei íadi ĩnotino zííñona lítiaioi.

Juzíñamui nana comínina izíruillafue

¹⁶ Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ĩnotino jaca ninomo féiraiñeillena; mei jiáífodo ñue zííñona íaioi íllena. ¹⁷ Comini fiénidifue iba otátaraímana Juzíñamui ie Jitona oréñede, mei íadi ie Jitona orede afémiedo comini jlllobicaillena.

¹⁸ Juzíñamui Jitomo ñue ĩnotimie duere finóbiñede. ĩnoñedimie jae duere finóbide, Juzíñamui daade Jitomo ĩnoñena jira. ¹⁹ ĩnoñedino jae duere finóbidaioi. Mei ua ñue egáíñotimie ana bie éniemo bítemo, jíñona jamánomo gáidiaioiza, fiénidifue finódinona íaioi illa jira. ²⁰ Nana fiénidifue finórani úzefona éoidiaioi. Jaca úzefomo áinoziñede. Ua íemo áinoziñediaioi íaioi fieni finócafuenta ónoñellena. ²¹ Uáfuego comeci

facáđino úzefomo áinozifiređiaioi. Iaioi finócafue jaca Juziñamui mo cacáđinona íaioi illa izói finóđiaioi. Uzefo íaioi finócafue jaca daí ñue cíoitate, —daide Jesús.

Báutizaraima Juan Jesudo meine úrizabite

²² Ie meífomo Jesús Judea éniemo jaide, ie llófuegamaci diga. Dinó diga irui itiaioi. Dinomo comini báutizadiaioi. ²³ Daje llezica Juan, Enón éniemo báutizade. Enón Salim áinomo ite. Dinomo báutizade, aillo jainoi illa jira. Iemona comini báutizabitiaioi. ²⁴ Bifue finóđiaioi Juan nai llavéracomo úiñenia.

²⁵ Juan llófuegamacimona dáarie judíuaimo úrizaide. Comini íaifue oni dollínodo úritiaioi. ²⁶ Juana daízaibitiaioi:

—Llófueraima, nauti o diga itímie, Jordán ruicáfellemo itímie, caimo o llogámie, ja comini báutizade. Nana comini afémie diné jáidiaioi, —daíđiaioi.

²⁷ Iemo Juan afémacina daide:

—Juziñamui cómemo ifue fécañenia, bumo ráfuena íñeite. ²⁸ Cue nauí uáfuedo dainafue daní cacáđiomoi. “Cristoñedicue” daídicue. Afémie uícodo orécamiedicue. ²⁹ Airenafuemo ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere íóbite. Daje izói biruido cue íóbídicue. ³⁰ Nágarui afémie jamánomo illáimana jáizaide. Ie llezica cue jabómieiticue. Daí jítárede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífuena úrite. Mei íadi monámona bitímie nana cai baimo jamánomoidímie. ³² Afémie cacánafuedo úrite ie cíónafue diga. Iadi afémie dáinana buna íñoñena. ³³ Da come ie dáinana ínoiadi daí Juziñamui mo fairíote. Ua daí Juziñamui uáfueña dainafue uáfuetate. ³⁴ Juziñamui orécamié Juziñamui uáillaído úrite, mei Juziñamui ie Joreño afe orécamiemo facáñeno nana íteza. ³⁵ Moo ie Jitona izíruite. Naga itínuiaina afémiemo fecade. ³⁶ Iemo ie Jitona ínotimiemo fúíñeite illánona íemo ite. Mei íadi Jitona ínoiacañediemiemo afe fúíñéđinona íñeite. Juziñamui afémiena iere duere fínoite.

4

Jesús Samaria ingomo úrite

¹ Fariséuai Jesús Juan baimo aillo comini jáillana fidíđiaioi. Daje izói Jesús Juan baimo báutizafirenana fidíđiaioi. ² Mei íadi Jesús báutizañede; dama ie llófuegamaci báutizaja. ³ Afena Jesús fidíllanona Judéamona meine abído Galilea éniemo jaide.

⁴ Jesús jailla llezica Samaria énie cígido jáirede. ⁵ Ie mei Samaria jófuemo dúcide. Afe jofue mámeđi Sicar. Sicar áinori Jacob feci énie ite. Afe éniema ie jító Josemo maiñótate.

⁶ Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ránade ocózinaillena. Jae jaíciri íacademo. ⁷⁻⁸ Ie llófuegamaci jófuemo güille jae íbajidiaioi. Iemo Samaria ringo dúcide. Jainoi uáibite. Iena Jesús daide:

—Jáinoina cue jírota, —daide. ⁹ Ie jira Samaria ringo Jesuna daide:

—¿Níbái mei jainoi cuemo jicádío? Odi judíodio. Cue Samaria ingódicue, —daide. (Ua jaiái dinómona judíuai samaritanuaimo nabáirirainide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói omo jainoi jicádimiena, o onóadi ua raire cuemo jícaítio; íemona ua cáadijina o íitícue, —daide.

¹¹ Afengo afémiena daide:

—Hima, o jainoi olle raa íñede. Jainoi orano afórede. ¿Ninómona cáadijina cue íitío? ¹² Cai jaiáigimie Jacob bie jainoi orano caimo iga. Benómona afémie jíruaide ie úruiai diga. Ua dájemona afémie tóiníai jíruaide. ¿O iere afémie báimoidio? —daide.

¹³ Jesús uai ote:

—Nana bie jáinoimona jiródimaci nane meine abido jiróacaitiaíoi. ¹⁴ Mei íadi cue jirótagano jaca meine abido jiróacañeítiaíoi. Omo cue ille jainoi ua zíñona íitíji. Nágarui caimare o itátaite. Illánona fúíñeítinona omo ífcaitaite, —daide.

¹⁵ Ie mei ringo afémiena daide:

—Hima, jadíe jáinoina cue ine; ja cue jíroacañeilleza, ua nane meine bie jainoi oránomo cue bíñeilleza, —daide.

¹⁶ Jesús aféngona daide:

—O ini jírizairi ie mei bené bi, —daide.

¹⁷ Ringo uai ote:

—Inínidícue, —daide.

Ie jira Jesús aféngona daide:

—Uáfuenta daídío. Inínidío. ¹⁸ Jae cinco dígacaiño iníreídío; birui o illámie o iníñede, —daide.

¹⁹ Afena cacáillano ringo afémiena daide:

—Hima, Juzíñamui uai llóramiedío ja onódicueza. ²⁰ Cai jáiaimaci Samaritanuai bie ídumo Juzíñamuina ióbitaíaiíoi; ñúefuedo íemo úrizaiíbitiaíoi. Mei íadi o íemo naa judíuairi jáífodo daídíomoi. Jerusalemo cai gairíllano Juzíñamuina cai ióbitallena daídíomoi, —daí afengo daide.

²¹ Jesús uai ote:

—Ringo, cuena ñno. Jáíruimo ja dúciizaide. Aféruimo bídumo biñeno, Juzíñamuina ióbitaitíomoi. Daje izói Jerusalemo jáíñeno, Juzíñamuina ióbitaitíomoi. ²² Omoi ióbitagamiena onóñediomoi. Iadi cai ióbitagamiena onódicai, níbai jíllonafue judíuaimona bíteza. ²³ Jae como cue llogáruimo dúcide. Jae birui aferui. Naga Moo Juzíñamuina uáfuenta ióbitaacadímie afe o joréñodo uáfuenta afémiena ióbitaite. Daí Moo Juzíñamui cai íena ióbitallena jítaide; ua nana afémiena ióbitaacadino daí bíllana Moo jítaide. ²⁴ Juzíñamui ua Joreño. Afémiena ióbitadino íaíoi joréñodo uáfuenta ióbitaitiaíoi, —daide.

²⁵ Iemona afengo íena daide:

—Cue onódicueza Mesías biite. Afe Mesías daína Cristo. Afémie bia nana ñue rafue caimo jino llóite, —daide.

²⁶ Jesús daide:

—Níimiedícue, ori úrilla, —daide.

27 Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jicánoñena áfena. Ua afémiemo afengo jítáillana jicánoñediaioi; “¿Minícafuedo úritiomicoi?” íena daifñediaioi.

28 Ie mei afengo iciru fiénocaillano, jófuemo jaide. Dinomo comínimo llujáide:

29 —Nana cue finócafue jino llotímiemo omoi éroizaibi. ¿Bie afe Crístoñede? —daide. 30 Ie jira jófueмона Jesús illánomo jáidiaioi.

31 Afémaci bitíaiomimo ie llófuegamaci afémiena jicade:

—Llófueraima, due güi, —daidiaioi.

32 Ie jira afémie daide:

—Cuemo ite güllena omoi onóñediomoi, —daide.

33 Ie jira ie llófuegamaci como fueñe conímamo jicánotiaioi:

—¿Jíáie come afémie écaibite? —daidiaioi.

34 Ie jira Jesús afémacina daide:

—Cue orédimie comeci jítaina izói cue finóadi bie cue güllena. Daje izói ie táijina cue fuitáadi, güíticue izoide. 35 Omoi llua: “Nai riga raa ollíruimo cuatro diga fiui ite” daidíomoi. Mei íadi dáititue: Erocai. Ja rigánuemo eroi. Ja jéiaruimo áinozide. 36 Ollema táijidimie iba llínote. Afe oga llízieniai jaca ninomo fiébite; ua fúíñeite illánomo fiébite. Ua ríjiraima óraima diga dáanomo camátaillena daif ite. 37 Omoi jaiiai daína uáfueña llote: “Ríjiraimie dáamie íadi otímie jíáimie.” 38 Jae omoi ríñeganomo ómoina orédicue. Jíáimaci táijidiaioi íemo íaioi táijina caimare ínotiomoi, —daide.

39 Aillo Samaria jofue imaci Jesumo ínotiaioi. Ua uafue ringo llogáuaido Jesuna ínotiaioi. Afengo daináuai, be ñie: “Nana cue finócafueña cuemo llote.” 40 Ie jira Samarítánuai Jesumo billano jicádiaioi:

—Cai diga iri, —daidiaioi. Ie jira Jesús ménarui íaioi diga ite. 41 Afémie dáinana cacáillano aillo jíáimaci ínotiaioi. 42 Ie jira aféngona daidiaioi:

—Nauí dama o dáinado jabo ínoticai, mei íadi birui ja cai dani afémiena cacáillano áfede como ñue ínoticai. Ja onódicai bie ua Cristo, nana nairai jíllotaraimaza, —daidiaioi.

Jesús gobiernomo tájiraima jító jíllotate

43 Ménarui íllamona Jesús Samáriamona jáizaide Galilea énie iodo jáillena. 44 Jae dama Jesús llote:

—Juzíñamui uai jino lloraima dama ie éniemo jaca jámairuiga, —daide.

45 Galiléamo dúcideo afénomo itino íena ñue llínotiaioi. Ua caimare íena llínotiaioi, ñibai pascua ráfueмо Jerusalem nauí Jesús illa llezica jáidiaioi. Iemo aféfuemo nana ie finócafuiaina ciódiaioiza.

46 Ie mei Jesús meine Caná jófueмо, Galilea éniemo jaide. Ua jainoi vínona meíduanomo jaide. Afe llezica Capernaum jófueмо gobierno illaima tájiraima jító iere irárede. 47 Afe tájiraima Jesús Judéamona Galiléamo dúciana fidiano, afémiemo éroizaide. Ua ie jító jíllotaibillena jícajide; mei ja ie jító tízaide. 48 Iemo Jesús íena daide:

—Onótate ráaniai íemo cíofinina finócafuiái diga omoi cíóñeniadi ínoñediomoi, —daide.

49 Iadi gobierno tájiraima Jesuna daide:

—Ocuiraima, raire bi cue jító nai tíñena llezica, —daide.

⁵⁰ Ie mei Jesús íena daide:

—Meine o jofomo jai. O jító jílloiteza, —daide. Afémie Jesús íena daina uaina ínote, jira jaide. ⁵¹ Ie jofomo dúcizaidemo ie jaiénizai jino íemo bitíaiói. Dúciillano daidíaiói:

—O jító jae jílode, —daidíaiói.

⁵² Iemo, —¿Nie hóramo jílode? —íaiói mo jicánote. Jira daidíaiói:

—Nauiri jaíciri illa mei ie abi bóua llícaide, —daidíaiói.

⁵³ Iedo moo bie daje hora Jesús íena daina hora uíbicaide. Ua “O jító jílloite” daina hóramo afeza jílode. Iemona afémie Jesumo ínote, naa ie comini diga.

⁵⁴ Daí Jesús Judéamona Galiléamo billano mena onótate raa finode. Bie jíllofafue ua ie meífodo finoca cíofininafue.

5

Jesús Betzátamo ite títitaitimie jíllofate

¹ Ie meífomo judíuai rafue ite; jira Jesús meine Jerusalemo jaide.

² Afe jófuemo, ovejai naze áinori jainoi ofíllano ite. Afeno hebreo imaci uaido mameca Betzata. Nane dínomo cinco diga gairírano ite. ³ Bie gairira macáranuaimo aillo iráredimaci bíede: uínidimíai, aidáimíai, títitaitimíai diga. Bimaci jainoi bagua úíñotíaiói. ⁴ Daí úíñotíaiói mei dáruinarie Juzíñamui abi ímie ana billano jainoi bagótafiredeza. Bagota mei nanoide come jáinoimo ana jáidimie, ie irárenamona ja jíllobicaifrede.

⁵ Dínomo iráredimie ite. Ua treinta y ocho diga fimona irárede. ⁶ Jesús billano ie bínana cide. Afémie are jaiái ninómona daí dínomo íllana onóíllano, Jesús íena daide:

—¿Jíllobicaiacadio? —daide.

⁷ Iráredimie uai ote:

—Ocuíraima, cue cánoitimie íñede, jainoi bagua meífomo jáinoimo cuena ñuitállena. Nágari cue jáiacana llezica jáimie nano fueñe jáinoimo dúcide, —daide.

⁸ Jesús íena daide:

—Caifo náidacai. O bírallu llíno. Mai maca, —daide. ⁹ Afe llezica afémie jíllobicaide. Iemo ie bírallu llínuano macáicaide. Aferui ocózinailarui.

¹⁰ Jira judíuai jíllofagamiena daide:

—Birui jae ocózinailarui. O bírallu rocánollena omo rairuírede, —daidíaiói.

¹¹ Afémie uai ote:

—Cue jíllofaimie cuena daide: “O bírallu llíno; mai maca,” —daide.

¹² Iemo íena jicánotíaiói:

—¿Bu ona “o bírallu llíno, mai maca” daina? —daidíaiói.

¹³ Mei íadi afémie ie jíllofaimiena onóñede, aillo comini dínomo íllaza. Ua Jesús jae jáideza.

¹⁴ Afe mei Jesús gairíraco eromo íena baizájillano daide:

—Mai eroi. Birui jae jíllofai. Meine fiénidifuenta finóñeno iri, jamánomo figóñede raa omo jiríñeillena, —daide.

¹⁵ Iemo afémie judíuaimo Jesús íena jíllofaimie lluájide. ¹⁶ Ie jira judíuai Jesuna duere finóllena racádiaíói; íena fáiacadiaíói, ocózinailaruimo aféfuíai fínua jírari.

17 Mei Jesús íaioina daide:

—Cue Moo Juzíñamui jaca nanómona biruimo táijide, jira cue nane táijidicue, —daide.

18 Iemona judíuai jamánomo íena fáiacadiaioi; nibai ocózinailarui ocuícáfue afémie jáanote. Ie emódomo afémie Juzíñamui izóidimiena dama finótate, “Juzíñamui cue Moo” ie daina jira.

Juzíñamui Jitó ríino

19 Ie mei Jesús íaioina daide:

—Uáfueña ómoína dáitícue, mei Juzíñamui Jitódicueza, dama cue jítaina izói minícana finónidicue. Dama cue Moo Juzíñamui finócafue cue ciona izói birui finódicue. Nana cue Moo finócafue afe izói nana finófiredicue; ie Jitódicueza. 20 Ua Moo Juzíñamui nana ie finuafue ie Jitomo ácatate, Moo ie Jitó izíruilla jira. Ie emódomo jamánomo áillue finóllifue íemo ácataite, omoi fáigacaillena. 21 Mei Moo Juzíñamui tíidino cáadinona itátateza, ua cáallinona íaioimo ite; daje izói ie Jitó nana afémie oíacaiganomo cáallinona ite. 22 Moo Juzíñamui buna jicánoñede íena duere finótallena, mei íadi nana afe jicánolle ríino ie Jitomo iga. 23 Daíí nana comini Moo ñue jacíruilla izói, afe izói ie Jitona ñue jacíruiítiaioi.

24 Uáfueña ómoína dáitícue: cue uaina cacádimiemo, dáanomo cuena orédimiena ínotimiemo ja ziiño cáatatínona ite. Afémie duere finóbiñeite, tíllanomona ja bai finona jira; jae cáananomo dúcide. 25 Uáfueña ómoína dáitícue: tíidino meine cáallirui áinozioicaide. Aferui birui. Ua tíidino Juzíñamui Jitó úrillana cácaítiaioi; íemona nana áfena náfuefiredino cáaitiaioi. 26 Mei Moo Juzíñamuimo cáatalle ríino íteza, daje izói afe cáatalle ríino ie Jitomo afémie itátate. 27 Dáanomo comini duere finóllena jicánua ríino íemo iga, afémie Nanoide íima Jitona jira. Afe Jitódicue. 28 Afemo fáigacaiñeno iri. Nana tíidino cue úrillana cacáilliruiemo dúciíteza. 29 Aféruído raíáfuaímona jino bíítiaioi. Ñúfue finódimaci meine cáadinona íítiaioi ziiñona íaioi íllena; mei íadi fiénidífue finódimaci meine cáadinona íítiaioi, duere íaioi finóbillena.

Jesús ríino uáfueña daítatífuaí

30 Dama cue comeci izói minícana finónidicue. Moo cue ocuilla izói comini finuafuaí riire jicánoticue. Cue jicánuaíue jaícina ñue joide; cue jítaina izói jicánoñedicueza, mei íadi cue orédimie, cue Moo jítaina izói jicánoticue, afe izói finóllena. 31 Dama cueri uai cue nabáíadi, cue dáinana figo uáfueña daíñede. 32 Mei íadi jíáimie cueri uai nabáiraíma ite. Afémie cueri dainafue ñue uáfueña facátate. Afena onódicue. 33 Juaamo jicánuaídiomoi. Afémie ie uai úana jaca uafue. 34 Mei íadi íimamona cueri uai nabáíllana jicáñedicue. Daa bíena dáitícue omoi jíllobicaillena.

35 Juan egáíñora izóidimie. Afe egáíñora bóocabillamona egáíñofiredo. Ie egáíñuanomo nano íanori íllamona íóbicaidiomoi. 36 Mei íadi jíáie cueri uáfueña facátafue ite. Afefue Juan cueri dainafue baímo ite. Afe uáfueña facátafue cue finócafuaí. Aféfuíai cue Moo cue finóllena ocuícáfuaí daje izói jóoideza. Afe jira afe cue finócafuaí Moo orécacue uáfueña facátate. 37 Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaillana jaca cíóñediomoi. 38 Ie uaillaí omoi ífócimo déíñede, afe Moo orécamienna omoi íñoñena jira. 39 Juzíñamui

Cuegáuailai izire jenoda facádotiomo; dinomo “Zíiñona illino báiticaí” comécimo facáoidiomoza. Uafue, Cuegáuailai cueri ñue úritiaíoi, ⁴⁰ mei íadi cuemo bíacañediomoí afe ómoimo zíiñona íllena.

⁴¹ Comini cuemo nitáacaga jalléinafuaí náfueñedicue. ⁴² Mei íadi ómoína onódicue. Juzíñamuina izíruñediomoí onódicueza. ⁴³ Cue Moo cue ória jira biticue, íadi cuena llínoñediomoí. Jáimie dama ie ória izói bíadi afe íimana ñue llínoitiomoí. ⁴⁴ ¿Omoí nie izói ínotiomoí? Dani ómoimona cáimadua uailai llínofirediomoí; mei íadi daade Juzíñamuimona bitíuai, ie cáimadua uai jenóñediomoí. Jira ínonidiomoí. ⁴⁵ Cue Moo uíecori ómoimo fiénidifue cue nitalle comécido facáoñeno iri. Uáfueña Moisés ómoimo fiénidifue nítaite, nií omoí úiñogamie. ⁴⁶ Moisés daináuai omoí ínoiadi daje izói cuemo ínoitiomoí, mei Moisés cueri ñue cúeteza. ⁴⁷ Mei íadi afémie cuegáuai omoí ínoñeniadi ¿nie izói ómoína cue daináfueña ínoitiomoí? ¡ínoñeitiomoí! —daide.

6

Jesús cinco mil íñiaí ecade

(Mt 14.13-21; Mr 6.30-44; Lc 9.10-17)

¹ Afe meífodo Galilea jorai ruícaferaimo jaide. Afe jorai jáífodo mameina: Tiberias. ² Aillo comini íedo jáidiaíoi, cíofinina ráaniaí ie fínuana íaíoi ciónamona. Ua iráredino jíllotana cíodiaíoi. ³ Ie mei Jesús ídumo ráiizaide ie llófuegamaci díga. ⁴ Ja judíuai rafue páscuaíue áinozide. ⁵ Jesús érocaillano aillo afémie óodana bitínona cíode. Jira Felípena daide:

—¿Ninómona nana bimaci ecállena íbaiticaí? —daide.

⁶ Afe daí jicánote, Felipe uai úana onóillena. Jesús dama ie finóllifue ñue onode. ⁷ Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸ Ie jira jáie llófuegamie Andrés, Simón Pedro ama, Jesuna daide:

⁹ —Benó daa dúemiemo cinco díga panes ite mena chamu díga. (Bie pan cebada finoína.) Mei íadi iere duera; aillo comini íllaza, —daide.

¹⁰ Ie mei Jesús daide:

—Nana íaíoi ráiilleza afémacina omoí daíri, —daide.

Aféno mo aillo raitire ite. Iemo cinco mil íñiaí raizídaitiaíoi.

¹¹ Ie mei Jesús pan llínota Juzíñamuina “fere figora” daide.

Dánamona llófuegamacimo fecade. Afemona llófuegamaci nana ráiiedinodo fecade. Jesús daje izói finode mena chámuna, ua nana ríiacadinodo fecade. ¹² Jae íaíoi jeírilla mei ie llófuegamacina daide:

—Fiébidinuaí nana iráiri, daa báíñelleza, —daide.

¹³ Fiébidinuaí doce díga cirigai iráica. Ua cinco díga panes fiébidinomona díga cirigai oruítaga. ¹⁴ Ie mei comini bie cíofinina raa Jesús fínua ciónamona daidiaíoi:

—Uafue bímie afe jaiái nanómona lloga ana éniemo bíacade uai lloraima, —daidiaíoi.

¹⁵ Mei íadi comini íena ríire lláitano illáimana jóoneacana Jesús fidíbicaide. Fidíllanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

16 Ja nauídemo Jesús llófuegamaci ana jóraimo jáidiaioi. 17 Dúciillano no-caemo jaillano, jorai ruícaferaimo Capernaúmo jaitádiaioi. Jae jítiredemo, mei íadi nai Jesús meine abido biñede. 18 Iemo aillo jairifo daingo náidacaide. Iemona bagua mónaioicaide. 19 Due bai jáidiaioimo Jesús no-caemo ánozillana ciódiaioi. Jainoi emódodo macade. Iemo jacíruitiaioi. 20 Mei jira íaioina daide:

—Cueza, omoi jacíruiñeno, —daide.

21 Iemona caimare nocaemo íena llínotiaioi. Iemona íaioi jáillinomo nitaca izói jarire dúcidiaioi.

Comini Jesús jénua

22 Jáírui meífodo jorai enéferaimo fiébidimaci, llófuegamaci daa ite no-caedo jáillana fidídiaioi. Iadi Jesús afémaciri jáiñede. 23 Mei íadi biruícana jáíie nocáiai Tiberias jófueмона dúcizaide. Ua pan güilla áinori Ocuíraima Jesús “fere figura” dáinamona, ua afénomo dúcizaidiaioi. 24 Daí Jesús dinomo iñénana cióillano ie llófuegamaci diga, afécaiaimo jofo jáidiaioi. Iemona Capernaúmo íena jénuaidiaioi.

Jesús, ziiñona cáaille paana maméidimie

25 Jorai ruícaferaimo dúciillano, Jesús baitíaioi. Baillano íena jicánotiaioi: —Llófueraima ¿niruido benomo dúcidio? —daidiaioi.

26 Jira Jesús daide:

—Uáfueña ómoína dáititue, güillena omoi jeírillamona cuena jénuaibitíomoi. Cue finoca cíofinina raa omoi onónamona cuena jenóñediomoi. 27 Fúifrede güillemo táijíñeno iri. Mei íadi fúíñeite güillemo táijíiri. Afe güille ómoína ziiñona itátaite. Afe bie güille ómoimo íititue mei Nanoide íima Jitódicueza. Mei ua, omoi uáfueña íinogamiéna jae Moo Juzíñamui jóonegacueza.

28 Jira jicánotiaioi:

—¿Minícana fínoiticaí Juzíñamui jitaille raa cai fuitállena? —daidiaioi.

29 Jesús uai ote:

—Juzíñamui orécamiéna omoi íinollena jitárede, —daide.

30 Iemo jicánotiaioi:

—¿Minica onótaite raa caimo ácataredio, afe cióillano ona cai íinollena? ¿Minícafue fínoitio? 31 Cai jaiáidigima zaféredizicimo maná güitíaioi; Juzíñamui Cuegáuai daina izói: “Juzíñamui monámona ana baitaga güilleniaí áfena íaioi güitátate,” —daide.

32 Jesús uai ote:

—Uáfueña dáititue: monámona baiide güilleniaí fecáraima Moiséñede. Mei íadi uáfueña monámona baiide güilleniaí fecáraima cue Moo. 33 Juzíñamui fecaca güilleniaí, monámona ana bitímie. Afémie cáaille paana maméidimie. Afémie énie itímacimo ziiñona cáallinona itátaite, —daide.

34 Iemo íena daidiaioi:

—Ocuíraima, bie güilleniaí nágarui cai ine, —daidiaioi.

35 Jira Jesús daide:

—Cue cáatate güilledicue. Cuemo bitímie jaca júfiruiñeite. Cuemo íinotímie jaca ninomo jóroacañeite.

³⁶ Mei íadi ómoína cue daina izói, cuemo íñoñediomoí nai cuena ciódiomoí íadi. ³⁷ Nana Juzíñamui cuemo fecácamací cuemo bífireitiaioí. Cuemo bífireitína jino dótañeiticue. ³⁸ Uafue, cue comeci jítaina izói finóllena, monámona ana biñédicue, mei íadi cue orédimie comeci jítaina izói ana fínuaibiticue.

³⁹ Cue Moo, ua cue orédimie, nana cuemo igánomona buna oni ninó báíñeillena jítaide. Ua nana afémaci íraíruido cáadinona itátaiticue. ⁴⁰ Cue orédimie nana Juzíñamui Jitona ciódimaci íena ínollena jítaide. Daí íaioí ínuamona zíñona cáaillinona íaioimo íllana cue orédimie daje izói jítaide; ie mei íraíruido cáadinona íaioína itátaiticue, —daide.

⁴¹ Iemona judíuai Jesuri gugúritiaioí. Ua ie daináfueri: “Monámona ana baíde gülleniaina maméidimiedicue” íeri gugúritiaioí. ⁴² Daidíaioí:

—¿Bímie José jító Jesúñede? Ie moona onódicai ie ei diga. ¿Nie izói “Monámona ana bitímiedicue” daírede? —daidíaioí.

⁴³ Jira Jesús íaioína daide:

—Gugúriño. ⁴⁴ Buna cuemo bínide, cue Moo, cue orédimie nai átíñenia. Ie mei íraíruido afémiena cáadimiena itátaiticue. ⁴⁵ Uai lloraini cuegánicuai llote: “Nana afémaci Juzíñamui llófuegamaciza íitiaioí.” Daí nana Moomo cacáдино, afémiemona fibítagamaci cuemo bitíaioí.

⁴⁶ Bie izói cue daina dáarie Moo Juzíñamuina ciona daíacañede. Dama Juzíñamuimona bitímie Moona ciona. ⁴⁷ Uáfueña ómoína daíiticue: cuemo ínotimie mo zíñona cáaillinona ite. ⁴⁸ Cue cáatate gülledicue. ⁴⁹ Omoí jáairagima zaféredizicimo manana güitiaioí, mei íadi nana jae tídimaci. ⁵⁰ Iadi cue daina monámona ana bite gülledicue güitino tíñeitiaioí. ⁵¹ Cue dama afe bie monámona ana bite cáatate gülledicue. Bie güille güitimie zíñona iite. Bie cue ille güille dama cue íeizi. Afena íitícue nana énie imaci cáallena, —daide.

⁵² Iemona judíuai dani íaioíri júfidotiaioí. Daidíaioí:

—¿Nie izói bímie dama ie íeizina caina écaite? —daidíaioí.

⁵³ Jesús íaioína daide:

—Uáfueña ómoína daíiticue: Nanoide Hima Jitódicueza; cue íeizi omoí ríñeniadi, daje izói cue die omoí jiroñeniadi nai omoí cáaillinona íñede, dájena cuemo jaináíñena jira. ⁵⁴ Cue íeizi ritímie mo, daje izói cue die jiródimie mo comeci zíñona cáaillinona ite; ie mei íraíruido afémiena cáadimiena itátaiticue. ⁵⁵ Cue abi uafue güille. Cue die uafue jiróllí. ⁵⁶ Cue íeizi ritímie, jáí cue die jiródimie ja cuemo dájena ite. Daje izói afémiemo dájena iticue. ⁵⁷ Cue caade Moo orécacue, jira afémiedo cáadicue; daje izói cue ritímie cuedo cáate. ⁵⁸ Monámona ana bite güíleri úriticue. Bie güille omoí jáíaidigima güiga maná izóiñede. Nana afémaci tídimaci; mei íadi bie güille güitimie zíñona iite, —daide.

⁵⁹ Jesús Capernaúmo ite Juzíñamui uai llófueriracomo nana bífuiai íaioimo llófuete.

Zíñona cáatate uaillai

⁶⁰ Bie llófuiana cacáillamona, aillo Jesudo jáidimaci daidíaioí:

—Bie afémie daina afe jeire ollíuai iere féirede. ¿Bu afena jeire órena? —daidíaioí.

⁶¹ Iemona Jesús íaioí gugúrillana onóbicaide. Onóillano jicánote:

—¿Aféfuiai ómoína íáiruificaitade? ⁶² Ie mei Nanoide ìma Jitó nano ie illánomo caifo ie jáillana omoi cíoadi, ¿ñie izóí ítiomoi? ⁶³ Cai joreño cai cáatate. Ieizi cáatañede. Omoína cue daináuailai joreño izoide uafue uailai. Cáataitaiói. ⁶⁴ Mei íadi ómoimona dámierie nai ñinoñediaíoi, —daide.

Jesús afe ñinoñedimaci nanómona onode. Afe llezica íena éoidimacimo fécaitimiena onode. ⁶⁵ Ie mei daide:

—Iemona ómoína dáititue, Moo átiñenia buna cuedo bínide, —daide.

⁶⁶ Aféruimona aillo Jesudo jáidino íena fiénocaidiaíoi. Ja íedo macáñediaíoi. ⁶⁷ Ie jira ie doce diga llófuegamacimo jicánote:

—¿Omoi daje izóí jáiacadiomoi? —daide.

⁶⁸ Mei íadi Simón Pedro uai ote:

—Ocuíraima, ¿bumo jáiredicai? Zíñona cáatate uailai omo ite. ⁶⁹ Ja cai ñinoticaiza. Onódicai caade Juzíñamui Jitódioza. Crístodio, —daide.

⁷⁰ Jesús íaioina daide:

—Jae doce dígamie nizédicue; mei íadi omoi cígimona dámie Taiife izoide, —daide.

⁷¹ Afe dainado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademona.

7

Jesús ámatiai íena ñinoñediaíoi

¹ Afe méifodo, Jesús Galilea éniedo macade. Judéamo íacañede, dinomo judúuai ie íaíoi fáiacana jira. ² Ja bizáinillaimo irázillafue áinozide. Afefue judúuai rafue. ³ Ainozillamona ie ámatiai íena daide:

—Benó fiébiñeno. Judéamo o jairi, dinomo ite odo jáidino o finócafuenta cíoillena. ⁴ Dámie nana comini íena íaíoi onóillena jitáíadi, ie raana báinino finóñede. Afe áillofuiái o finóadi nana comini uícomo finori, —daidíaíoi.

⁵ Bie izóí daidíaíoi, mei nai ie ámatiai íena ñinoñediaíoi. ⁶ Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera. ⁷ Enie imaci ómoína éoinide, mei íadi cuena éoidiaíoi, ñibai íaíoi fieni finócafuiái uai nabáiraimadicueza. ⁸ Mai ráfuego omoi jai. Nai jáiñeiticue, cue ñue illíruimo nai dúciñede.

⁹ Daií daina mei Galiléamo fiévide.

Jesús bizáinillai irázillafuemo jaide

¹⁰ Ie ámatiai jailla mei, Jesús daje izóí ráfuego jaide, mei íadi uáfodo jáiñede. Jabo báinino jaide. ¹¹ Judúuai afe rafue ana íena jenódiaíoi. Daidíaíoi:

—¿Ñinomo mei afe iima ite? —daidíaíoi.

¹² Comini cígiedo aillo afémieri úritiaíoi. Dáarie, “Ñúemie,” daidíaíoi. Jáimaci, “Fiénidimie; mei comínina jífujeteza,” daidíaíoi.

¹³ Mei íadi judúuaina jacíruillano buna afémieri uáfodo úriñede.

¹⁴ Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede. ¹⁵ Iemona judúuai fáigacaillano daidíaíoi:

—¿Ñie izóí bie iima diga ráfuiaina onode, afémie nai llófueñegamo? —daidíaíoi.

¹⁶ Jira Jesús uai ote:

—Cue llófuegauai cúeieñede; mei íadi cue orédimie ie. ¹⁷ Dáamie Juziñamui jitailla izói finóacania, afémie cue llófuegauai Juziñamuimona bitúaina ónoite. Afe llezica dama cue jitailla izói llófueñedicuena ónoite. ¹⁸ Dama ie comeci jitailla izói úritimie, comini íemo ñúefuena nitállena úrite. Mei íadi íena orédimie ñuera ráfuena nitáacadimie uáfuena dáite. Afémiemo jífuafuena íñede.

¹⁹ ¿Omoimo ocuica uaillai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izói, ¿ñibái mei cue fáiacadiomoi? —daide.

²⁰ Jira comini uai ote:

—Omo fiénide jóriai illa. ¿Bu o fáiacana? —daidíaioi.

²¹ Jira Jesús daide:

—Daa raa ocózinaillaruiemo cue fínuari nana fáigacadiomoi. ²² Mei íadi úrue bacano icoi quétajana facátafue Moisés ómoimo iga. Jira íiza bacano icoi quetádomoi ocózinaillaruido íadi. (Moisés afefue táineñegaza; jáairagimaci taineca.) ²³ Mei jira Moisés ocuica uaillai nana ñue fuizáillena, íiza bacano icoi omoi quetáadi ocózinaillarui íadi, ¿ñibái riicadiomoi iima abi námiena cue jíllotaia ocózinaillaruiemo? ²⁴ Mai jinófene éroillano comini ifue nitátáñeno. Omoi nitáadi jaícina uáfuena nitari.

Jesús ie comuñllanodo úrite

²⁵ Ie mei Jerusalem dáarie itínomona jicánuaidiaioi:

—¿Bímie íaioi fáiacagamieñede? ²⁶ Mei íadi batínomo comini cígimo úrite íadi buna nie izói daíñena. ¿Uáfuena caifóidimaci bímie Crístoza ínotiaioi? ²⁷ Mei íadi cai, afémie ninómona ie bíllana onódicai. Iadi ibana Cristo bíadi, buna ninómona ie bíllana ónoñeite, —daidíaioi.

²⁸ Afena cacáillano Jesús nai gairíracomo llófuia llezica riire daide:

—¿Cuena onódiomoiza? ¿Ninómona bitícueza onódiomoi? Mei íadi dama cue comeci izói biñédicue, íadi caade cue orédimiemona bitícue. Afémie jaca itímie. Afémiena onóñediomoi. ²⁹ Afémiena onódicue, afémiemona bitícueza, ie orécacueza, —daide.

³⁰ Iemona íena lláviano úiacadiaioi. Mei íadi nai buna íena llaitáñede, nai ie llaitáillruimo dúciñedeza. ³¹ Mei íadi aillo comini íemo ínotiaioi; daidíaioi:

—Cristo bíadi ¿bímie finoca cíofinina onótafuiai baimo fínoite? —daidíaioi.

Fariséuai llazíriraini orede, Jesús lláviano úillena

³² Fariséuai comini Jesuna dánana cacádiaioi. Jira lletáriraini illaini, gairíraco jabóidillaímaiai orede Jesús llaitada úillena. ³³ Jira Jesús uai ote:

—Omoi cígiri dama íanori nié dino íitícue. Ie méfodo cue orédimie diné jáitícue. ³⁴ Cuena jénoitiomoi mei íadi cuena báíñeitiomoi, cue illínomo jáinidiomoiza, —daide.

³⁵ Ie mei judíuai dani íaioimo jicánuaidiaioi:

—¿Bímie ninomo jáite, íena cai báíñeillena? ¿Judíuai júdaicamací griego éniemo afémie jáite, griego imaci llófuellena? ³⁶ Ie dánana, “Cuena jénoitiomoi mei íadi cuena báíñeitiomoi, cue illínomo jáinidiomoiza,” ¿nie izói daide? —daidíaioi.

Jesús, jainoi izói cómena cáatate

³⁷ Rafue írairuimo jamánomoidirui. Aféruído Jesús naidáillanona como aillo uaido úrite:

—Nana jíróacadimie cuemo bi; júruabi. ³⁸ Cuegáuai daina izói, cuena ínotimie ie comécimona áillue imani tua izói aillo ñue cáataitífuiai biite, —daide.

³⁹ Aféfuedo nana afémiena ínotino Ñuera Joreño llínoitiaíoi daide. Ua mei, Ñuera Joreño nai biñede, Jesús ie cáimafue ebíredifue diga nai llínoñena jira.

Comini Jesuna daínafuiai jíáifodorie jóide

⁴⁰ Dáarie comini cígimona aféfuena cacáillano daide:

—Uáfuena bímie uai llóraima, jiaiai ninomo bíacadimie, —daide.

⁴¹ Jíáimaci daidíaiíoi:

—Bie ua Cristo.

Mei íadi jíáimaci daidíaiíoi:

—¿Ñie izói Cristo dino Galilea ímieite? ⁴² Cuegáuai llote: “Jáiaidillaíma David, ie izíe ímieina Cristo iite. Ua Belén ímieina iite, afe jófuemo nauí David íteza,” —daidíaiíoi.

⁴³ Daíí nana comini Jesús ícoínia dázierie bózietaidiaíoi. ⁴⁴ Dámierie Jesús maíáno úiacadiaíoi, mei íadi buna daíí ñeñena.

Caifoide ríuredino Jesuna ínoñediaíoi

⁴⁵ Gairíraco jabóllaini abido fariséuai illánomo, daje izói lletáriraini illaini illánomo bitíaiíoi. Afémaci íaiíomo jícanote:

—¿Ñibái mei íena atíñediíoi? —daide.

⁴⁶ Jira jabóllaini (jíáifodo mameina llavérraini) uai otíaiíoi:

—Jaca ninomo buna afémie úrilla izói úriñede, —daidíaiíoi.

⁴⁷ Jira fariséuai daidíaiíoi:

—¿Oíoi daje izói ja jífuegamacidiíoi? ⁴⁸ ¿Cai illáicomini dáarie íena ja ínotiaíoi fariséuai diga? ¡Jaca ínoñediaíoi! ⁴⁹ Mei íadi bie comini ocuífauiai onóñediaíoi, ja faidócaiaíoi, —daidíaiíoi.

⁵⁰ Nicodemo, naio Jesumo eróizaíbitimie daa fariseo imácimona. Íaíoi na daide:

⁵¹ —Cai ocuífue daina izói buna duere finónidicai, nano fueñe íena cai cácañeniadi, ie finócafue na cai ónoillena, —daide.

⁵² Mei jira uai otíaiíoi:

—¿O jíái daje izói Galilea ímiedioza? Cuegáuai fácado. Dinomo cíoitio buna uai llóraíma Galiléamona biñede, —daidíaiíoi.

Jiruúredingo Jesumo atídiaíoi

⁵³ Mei íemona naga come íaiíoi jofomo jaide.

8

¹ Mei íadi Jesús Olivo daina ídumo jaide. ² Ie jítiramo monáillamona, abido gairíracomo bite. Nana comini íemo ánozidiaíoi. Afémie ráinaillano íaíoi na llófuiaide. ³ Ie mei ocuífue llófueraíni fariséuai diga jiruúredingo Jesumo atídiaíoi. Daíí ñécade afengo baitíaiíoi. Afe gairíracomo itímaci cígimo aféngona jónetiaíoi.

⁴ Jóniano Jesuna daidíaiíoi:

—Llófueraíma, bie ringo afe jiruírenafue finócade baiticai. ⁵ Afe izoide ringona Moisés ocuícáfue cai ocuide noficiaído fállena. ¿O nie izói daídío? —daídíaíoi.

⁶ Daií daídíaíoi Jesús facátallena. Bie facátamona fiénidífue íemo nitáacadaíoi. Iemona Jesús jíjicaillano éniemo onócaído cuete.

⁷ Mei íadi diga icaiño jicánotiaíoi mo Jesús meine jaícina rainade. Ráinaillanona daíde:

—Omoímona dáamie fiénidífue na iñédimie, mai nanoide nofici aféngomo nitari, —daíde.

⁸ Dáanomomo nane jíjicaillano éniemo cuete. ⁹ Mei íadi aféfuena cacáillano, nana íaiíoi comeci úrilla uaido méaicaídaíoi. Méaicaillano oni nana dáarie jáioídaíoi. Ua iere éicomédimie uícodo oni jailla. Nana ja íaiíoi jailla mei, Jesús dama dinó fiébide afe atícango diga. ¹⁰ Iemo Jesús jaícina meine rainade. Afe ringo baimo buna cióñenano aféngona daíde:

—Ringo, ¿ninomo omo fiénidífue jitáđino ite? ¿Buna omo nofícina nitáñena? —daíde.

¹¹ Jira afengo daíde:

—Ocuíraíma, ua buna nitáñede, —daíde.

Mei jira Jesús daíde:

—Cue ona daií nítaiñeíticue. Mai o jairi. Fieni meine abído daií ñeñeno iri, —daíde.

Jesús, bie énie comini egáíñoraíma

¹² Jesús dáanomomo nane comínimo úrite; daíde:

—Cue bínie comini egáíñoraímadícue; cuedo jáitimiemo cáataite egáíñua iite. Jaca nino jítfodo mácañeite, —daíde.

¹³ Ie jira fariséuai íena daídíaíoi:

—Dama o uai nabáídío. Afe uai ráífiñede, —daíde.

¹⁴ Jira Jesús uai ote:

—Cue daina uáfue na ráífide, afe dama cuemo uai nabáídícue íadi. Cue ninómona bitícue, daje izói cue jáillinona onódicueza. Mei íadi ninómona bitícueza onóñediomoi, cue jáillinona diga. ¹⁵ Bie énie facárado jenócana facádiomoi; cue buna jenócana facáñedicue. ¹⁶ Mei íadi cue facáadi, cue facállífue jaícina ñue jóide. Dama facáñedicueza. Moo, cue orédimie diga dáanomomo jenoda facádicoco. ¹⁷ Omoí ocuica cuezáuai daíde: “Mena uai nabáiraíma dáanomomo daiíadi, aféfuena ínoitiomoi.” ¹⁸ Cue dama cueri uai nabáiraímadícue. Cue Moo, cue orédimie jáíe cueri uai nabáiraíma, —daíde.

¹⁹ Jira jicánotiaíoi:

—¿Ninomo mei o Moo ite? —daídíaíoi.

Jira Jesús uai ote:

—Omoí cuena onóñediomoi. Daje izói cue Moona onóñediomoi. Cuena onódiomoi nia, daje izói cue Moona onódiomoi za, —daíde.

²⁰ Gairíracomo llófuia llezica, afe bíuai daíde; ua fia fecaca úcube jóoneraco illánomo dinomo llófuete. Mei íadi buna íena lláviano uiñede, ie llaitáilliruimo nai dúciñena jira.

Cue jáillinomo jáinidiomoi

²¹ Jesús nane dáanomomo íaiíoina daíde:

—Cue jáitícue. Cuena jénoitiomoi, íadi omoí fiénidífue nai doñégamo títitiomoi. Mei jii cue jáillinomo omoí jáinidiomoi za, —daíde.

22 Jira judíuai daní conímána daidíai:

—¿Mei níbaí afémie dama abí títaite, mei “Cue jáillinomo jáinidiomoi?” afémie caina dáideza? —daidíai.

23 Jira Jesús íaioina daide:

—Omoi ana bebeco iédiomoi, mei íadi cue caifófeco ímiedicue. Omoi bie énie iédiomoi, mei íadi cue bie énie ímieñedicue. 24 Ie jira omoi fiénidifue nai doñégamo títiomoi daidicue. Cue daina izói itímiedicuenta omoi íinoñeniadi, omoi fiénidifue nai doñégamo títiomoi, —daide.

25 Jira jicánotiai:

—Mei ¿o búdio? —daidíai.

Jira Jesús uai ote:

—Jaiái nanómona ómoimo lloticue. 26 Cuemo aillo ómoína cue daiíllifuiái ite. Daje izói aillo ómoína cue jenoda facállifuiái ite. Cue orédimie uáfueña daide. Afémiemona cue cacana izói bie énie comínina áfedo daidicue, —daide.

27 Mei íadi Moodo íaioimo Jesús úrillana figo cacáñediai. 28 Jira Jesús íaioina daide:

—Enie acónimo cuena caifo omoi raiñóadi cue daina izói itímiena ónoitiomoi, mei Nanoide fima Jitódicueza. Afe llezica dama cue comeci izói finófinidicueza ónoitiomoi. Dama cue Moo cuemo llogáfuiái daidicue. 29 Cue orédimie jaca cue diga ite. Cue Moo dama cuena fiéñede, afémie ióbitadifuiaina finófredicueza, —daide.

30 Jesús daií dainamona, aillo íena ínotiai.

Juzíñamui jitóniai fiénidifuedo jeruícamací baímo ñue itíai

31 Afemona judíuaimona íena ínotinona Jesús daide:

—Cue ómoína dainana omoi jáicina jeire oíadi, cue llófuegamacina uáfueña jáitiomoi. 32 Ie mei uáfueña ónoitiomoi. Afe uáfuedo jéruíñegamacina ítiomoi, —daide.

33 Afémaci ie uai otíai:

—Abraham iziedicái. Jaca ninomo buna jéruíñegamacidicái. ¿Nie izói, jéruíñegamacina íticái, daidio? —daidíai.

34 Jira Jesús daide:

—Uáfueña ómoína daíticue, nana fiénidifue finódimaci fiénidifuedo jeruícamací. 35 Jeruícamié ie naama izíe diga jaca ínide. Mei íadi naama jitó aféziemo jaca jainaide. 36 Daií mei Juzíñamui Jitó jeruíñenafue ómoimo fecáadi, uáfueña jéruíñelliomoi. 37 Abraham izíe iédiomoiza ja onódicue; mei íadi cuena fáiacadiomoi, ómoína cue daináfueña omoi llínoñena jira. 38 Cue Moo cuemo ácataga raado úriticue. Omoi moo daina izói finófrediomoi, —daide.

39 Jira uai otíai:

—Cai moo Abraham, —daidíai.

Mei íadi Jesús daide:

—Uáfueña Abraham jitóniaina omoi íadi, afémie finua izói finóitiomoi. 40 Mei íadi Moo Juzíñamui cuemo lloga uáfueña ómoína cue daina íadi, nai cuena fáiacadiomoi. Abraham jaca daií finóñede. 41 Omoi moo finua izói finódiomoi, —daide.

Jira afémaci daidíai:

—Jaca jiruírenamona jócoñegacái. Caimo daade moo illa, Juzíñamui, —daidíai.

⁴² Jira mei Jesús daide:

—Juziñamui uáfueña omoi módenia, cuena izíruitiomoi, mei Juziñamui mona cue billa jira. Ua ie jira benó iticue. Dama cue comeci izói biñédicue, mei íadi Juziñamui orécacue. ⁴³ ¿Nibái mei cue dáiñana cacáñediomoi? Cue úrilla uaina cacácañediomoi, jira onóñediomoi. ⁴⁴ Omoi moo Taife. Ie jira afémie iédiomoi. Afémie jítaina izói finócadíomoi. Taife jaca nanómona fáfiredímie. Jaca uáfueño jaináñede. Jaca uafue daiñede. Táinofuiai afémie lloíadi, ie illa izói úrite. Afémie táinofuiai rede, ua táinofuiai moo. ⁴⁵ Mei íadi uafue daidícuemo cuena ñnoñediomoi. ⁴⁶ ¿Omoimona bu cue fiénidífue jino due cíotarede? Uáfueña cue daiñadi ¿nibái mei cuena ñnoñediomoi? ⁴⁷ Juziñamui iédímie Juziñamui uáillana cácafirede. Mei íadi Juziñamui íeñediomoi, ie jira íena cacácañediomoi, —daide.

Cristo Abraham nano jae itímie

⁴⁸ Jira judíuai íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

⁴⁹ Jesús uai ote:

—Cuemo fiénide joreño jaca ñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenóñedicue, íadi jíaimie ite cuemo ñúefuena nitállena. Afémie jenoda facade. ⁵¹ Uáfueña ómoína dáitícue, cue daináfueña jeire otímie jaca ninomo tíñeite, —daide.

⁵² Jira judíuai uai otíaioi:

—Fiénide joríaí omo íllana ja uáfueña onódicaí. Abraham jaiái tíide naa uai llóraini diga, niadi jíáifodo daidío: “Cue dáiñana jeire otímie jaca ninomo tíñeite.” ⁵³ ¿Uáfueña cai moo Abraham baimo jáidio? Afémie tíide. Ua uai llóraini daje izói tíidiaioi. ¿O comécimo bu o íllana facádío? —daidíaioi.

⁵⁴ Jesús dinena íaiomoi uai ote:

—Dama cuemo ñúefuena cue nitáadi, cue ñúefuena minícana ráifiñede. Mei íadi ñúefuena cuemo nitádimie cue Moo. Dáamiena omoi Juziñamui daidíomoi. ⁵⁵ Mei íadi íena onóñediomoi. Cue íena ua onódicue. Afémiena onóñedicue cue daiñadi, omoi izói táinofuiai redimiena íitícue. Mei íadi íena uáfueña onódicue. Ie dáiñana jeire oticue. ⁵⁶ O jaiáidígima Abraham cue illíruina cíocade áfemona íóbillena; áfena cíóillano afémie iere íóbicaide, —daide.

⁵⁷ Jira judíuai Jesuna daidíaioi:

—Nai cincuenta fimona íñedio, ¿Ñie izói “Abraham cuena cíode” daidío? —daidíaioi.

⁵⁸ Jesús uai ote:

—Uáfueña ómoína dáitícue: Abraham nai íñeniadi cue iticue, —daide.

⁵⁹ Iemona noñiciaí llínota Jesumo nitáacadiaioi. Mei íadi afémie retáirillano gairacomona jino jaide. Afémaci cígido jaillano finocaide.

9

Jesús uina cíoiñede jocócamie jíllotate

¹ Afénodo jaillano, Jesús uina cíoiñede jocócamiena cíode. ² Ie llófuegamaci íemo jíacánote:

—Llófueraíma, ¿níbái mei bie iima uina cíoiñede jococa? Níbái ie moo fiénidifuiái ícoínia daíí jococa. Níbái dama ie fiénidifue finua ícoínia daíí jococa. ¿Bífuiaimona ní fue uáfueña? —daídíaioi.

³ Jira Jesús daide:

—Dama ie ícoíniañedeza, jíái ie moo ícoíniañedeza. Mei íadi afémiemo Juzíñamui finóllifue ñue jino ácatallena, daíí íficaide. ⁴ Nai monana llezica cue orédimie tájinafue cue finua jítaíredeza. Ja nauilla llezica buna tájijnide. ⁵ Nai bie éniemo cue illa llezica, énie comini egáñotimiedicueza, —daide.

⁶ Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemono ota, uina cíoiñedimie uimo bitade. ⁷ Ie mei íena daide:

—Siloé jainoi ofillanomo jócuai, —daide. Afe Siloé mámece jino dobáñua dibénedo “Orécanona” mameide.

Iemona uina cíoiñedimie ui jócuaide. Meine bítemo ja cíoide. ⁸ Iemo ie abi comini, daje izói nauí uina ie cíoiñenana cíódino diga daídíaioi:

—¿Bímieñede, ní ráicana úcube jícafiredimieñede?

⁹ Dáarie daídíaioi:

—Jii, níimie.

Jíamaci dinena daide:

—Íeñede, mei íadi afémiena eroide, —daídíaioi.

Mei íadi afémie dinena dama daíí daide:

—Jii, níimiedicue, —daide.

¹⁰ Jira íemo jícanotiaioi:

—¿Nie izói ja cíódio? —daídíaioi.

¹¹ Jira afémie uai ote:

—Afe iima, Jesuna mámece redimie, ídiaidino finuano cue uimo bitade. Bítanona daide: “Siloé jainoi ofillanomo o ui jócuai.” Jócuaidicue. Iemona cue jócuailamona cíódicue, —daide.

¹² Jira íemo jícanotiaioi:

—¿Ninomo afe iima íte? —daídíaioi.

Iaioina daide:

—Íco mei, —daide.

Fariséuai jíllotaga uina cíoiñedimie mo jícanodoidiaioi

¹³ Iemo fariséuaimo nauí uina cíoiñedimiena uitíaioi. ¹⁴ Jesús ídiaidino finuarui, afe ocózinaillarui. Aféruimo Jesús uina cíoiñedimie jíllotate.

¹⁵ Fariséuai afe ímana nie izói afémie ui cíoinafue meine abido jícanotiaioi. Iemo afémie íaioina daide:

—Cue ui ídiaidinona bitade. Jira jócuaidicue. Iemona ja cíódicue, —daide.

¹⁶ Jira fariséuaimona dáarie íena daídíaioi:

—Afe fue finódimie, Juzíñamui ímieñede, ocózinaillaruína íñoñena jira.

Mei íadi jíáimiai daide:

—Afémie fiénidifue finóraima íadi, ¿nie izói bie cíofinina finócafue fínoite? —daídíaioi.

Comini bózietailamona ¹⁷ meine nauí uina cíoiñedimie mo jícanuaidiaioi:

—¿O afémiena nie izói daídio, o ui cíoitatimiena? —daídíaioi.

Jira afémie daide:

—Afémiena uai llóraima daidicue, —daide.

¹⁸ Mei íadi judíuai afe uina cíoiñedimíemo finócafuena ínoiacañediaíoi. Ie ja cionafuena ínoiacañediaíoi. Ie jira jíllotagamie móotiana uáidotiaíoi.
¹⁹ Iemo jícanotiaíoi:

—¿Afe nñ be o jító uina cíoiñede jocócamie ómicoi daina? ¿Nie izóí mei biruí ciodé? —daidíaíoi.

²⁰ Ie móotiai uai ote:

—Onódicaiza bie cai jító; uina cíoiñede jococa. ²¹ Mei íadi nie izóí afémie como ciónana onóñedicaí. Daje izóí bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíaillinoi.

²² Ie móotiai daí úritiaillinoi judíuai jacinaillamona. Judíuai jae nana cominí onótatiaíoi. Daidíaíoi:

—Nágamiíai Jesús ua Cristo dainámiena mámeitimie Juzíñamui uai llófueriracomona jino júiticaí, —daidíaíoi. ²³ Iemona móotiai daidíaíoi, “Afémiemo jícano. Jae eicómeza.”

²⁴ Ie mei judíuai meine nauí uina cíoiñedimíena uáiduano daidíaíoi:

—Juzíñamui uíecomo uáfuena caina daíri. Onódicaiza, bímie fiénidifuiaredimie, —daidíaíoi.

²⁵ Afémie uai ote:

—Afémie nibai figora, nibai fiénidifuiaredimie onóñedicueza. Daa cue onóigafue. Nano fueñe uina cíoiñedimíedicue, mei íadi biruí cíódicue, —daide.

²⁶ Nane dáanomo íemo jícanuaidiaíoi:

—¿Nie izóí ona ñete? ¿Nie izóí o finode o ui cíoilena? —daidíaíoi.

²⁷ Jira uai ote:

—Jae omói lloticue, íadi cuena ínoñediomói. ¿Níbái mei dáanomo omói llóiticue? ¿Omói jíái daje izóí iedo jíiacadiomói? —daide.

²⁸ Báíñuano íena daide:

—O bímiédo jáidío, mei íadi Moisedo jáidicaí. ²⁹ Juzíñamui Moísemo úrillana onódicaí, mei íadi bie Jesús ninómona bite onóñedicaí, —daidíaíoi.

³⁰ Jira afe íima uai ote:

—¡Bífue nñ cácafinina raa! Ie billánona onóñediomói, íadi cuena ñue cíotate. ³¹ Fiénidífue finofiredimacimo Juzíñamui cacáñede ñue onódicaiza. Iemo afémiemo íobicaitadinomo cacáfirede, ie jítaínafue finódimaci diga. ³² Jaca nanómona uina cíoiñede jocócamie jíllotatimie dainana cacáñena. ³³ Bímie Juzíñamuimona biñédeniadi, minícana ñénide, —daide.

³⁴ Jira daidíaíoi:

—O fiénidifuiaimona jocócamiedío. ¿O caina llófuecadío? —daidíaíoi. Ie jira íena jino jíúnotiaíoi.

Joreño dibéfuiaina onóñedimaci

³⁵ Jesús uina cíoiñedimíe jino íaíoi jíúnuana fidide. Ie baillano íena daide:

—¿Juzíñamui Jítomo ínotio?

³⁶ Jira afémie daide:

—Ocuíraíma, cuemo llone bu afémiena íemo cue íinolleza, —daide.

³⁷ Jira Jesús uai ote:

—Ja cíódioza. Níimíedicue, o diga úrilla, —daide.

³⁸ Iemona afémie Jesús anari ana dújuillanona daide:

—Ocuíraima, ínoticue, —daide.

³⁹ Ie méifomo Jesús daide:

—Bie éniemo biticue, jaícina jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

⁴⁰ Ie mei fariséuaimona, Jesús diga itínomona, dáamierie afefue cacáillano íena jicánotiaioi:

—¿Meita cai uina cíoiñedinodicai? —daidiaioi.

⁴¹ Jira Jesús uai ote:

—Omoi uina cíoiñeniadi, omoi fiénidifuiái icoi íiñeite. Mei íadi “Cíodicaí” daidiomoi jira omoi fiénidifuiái icoi ite, mei joreño dibéfuiaina onóñediomoza, —daide.

10

Ovejaí cirínoraco cai onótate

¹ Uáfuenta ómoina dáititue, ovejaí cirínoraco nazedo jáiñedimie ua meríriraíma. Enéfenemo táifodo tícaillano jofo jáidimie ua merírifiredimie.

² Mei íadi nazedo jofo jáidimie ua úiñoraíma. Níimie ie ovéjaína ñue uíñote. ³ Naze tuiñóraíma naze tuiñode afémie jofo jáillena. Ie uaina ovejaí onódiaioi. Ie ovéjaíai íaioi mámeçido jírrite. Daií cirínoracomona jino ófíregaiáioi. ⁴ Nana ie ovejaí jino óinana méifodo, íaioi uícodo ífóicaide. Ovéjaíai ie óodana jáioicaidiaioi mei ie uaina onódiaioíza. ⁵ Mei íadi onóñegamiemo jáioicaíñediaioi. Mei jáifodo afémiemona niné botádiaioi, ónoñegamaci uaina onóñena jira.

⁶ Bie daje izoide ráfuedo Jesús íaioimo llófuete. Mei íadi daií daiíacana uáina onóñediaioi.

Jesús ñue ovéjaíai úiñoraíma

⁷ Iemona Jesús meine dáanomo daiízaiide:

—Uáfuenta ómoina dáititue: Cue bie ovéjaíai jofo jaira nazédicue.

⁸ Nana cue uícomo bitímaci meríriraíni daje izói baíróriraíni. Mei íadi ovéjaíai afémacina náfueñediaioi. ⁹ Cue nazénaza. Cuedo jofo jáidimie jíllobicaite. Afémie cirínoracomona jofo jaide, meine jino bite. Afe jofo jáitimie oveja izóidimiéna iite. Ie güille raana báifirede.

¹⁰ Meríriraíma fia merírizaíbite; fájaíbite, táinocaitajaíbite. Mei íadi cue biticue íaioi cáatallena, ua jamánomo íocire íaioi íllena biticue.

¹¹ Ñue ovéjaíai úiñoraímadicue. Afe ñue ovéjaíai úiñoraíma ovéjaíaimo ie cáallinona itátaite. ¹² Mei íadi fia íbaca úiñoraíma dama úcube líinollena táijide. Jico izoide bíllana afémie cíóillano, ovéjaíai fílanona botade. Afémie botade uáfuenta úiñoraímañena jira; daje izói ovéjaíai íeieñena jira. Iemona jico izoide ovéjaíaina llaitade. Iemona nana jáíe ovéjaíai júdaizitiaioi. ¹³ Bie íima botáfirede, daa fia íballena táijideza. Ovéjaíaina nai lloñede. Íaíoina duéruiñede.

¹⁴⁻¹⁵ Cue bie ñue úiñoraímadicue. Cue Moo cuena onona izói daje izói cue Moona onódicue. Afe izói cue ovéjaíaina onódicue, ie izói afémaci cuena onódiaioi. Cue cáallino ovéjaíaimo íititue. ¹⁶ Jáíe ovéjaíai cuemo ite. Bie cirínoraco íeñede. Cue uaina cacáillanona jeire óitiaioi. Iemona daa cirínoraco íite, daje izói daa úiñoraíma íite.

17 Cue Moo cuena izíruite, cue abi fécaillano meine cue llínua jira.
18 Buna cue abi báiroñeite, mei íadi dama cue começi izói fécaíticue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

19 Judíuai afe uaina cacáillano bócoizitiaíoi. 20 Afémacimona aillo daidíaíoi:

—¿Nibái mei uai jeire otíomoi? Afémiemo fiénide jóríai íllaza, íemo uáiritaide, —daidíaíoi.

21 Mei íadi jiáimaci daidíaíoi:

—Fiénidena jóríairedimie jaca afe izói úrinide, —daidíaíoi. Fiénide joreño uina cíoiñedimie uina cíoitánide.

Judíuai Jesús llínocacañeno íena ruifíruitiaíoi

22 Jae rozíruillarullai. Afe llezica Jerusalemo irázillafue finódiaíoi, gairíracó Juzíñamuimo oni íficaillarui uibíñoicaillena. 23 Jesús Salomón macáranodo gairíracomo macade. 24 Judíuai Jesumo ífoina gairíllano daidíaíoi:

—¿Ñie dinó caina figo onótañeítio? O Crístodio raire uáfodo caimo llone, —daidíaíoi.

25 Jira Jesús uai ote:

—Jae lloticue íadi cuena íñoñediomoi. Cue finócafuiái cue Moo ríinodo finódicue. Afedo ñue jino ácatagacue. 26 Mei íadi cuena íñoñediomoi, cue ovéjaiaíñediomoiza. Afena nauí ómoína daidicue. 27 Cue ovéjaiaí cue uaina onode. Íaioína onódicue, jira cuedo bitíaíoi. 28 Zííñona cáaillno íaioimo fecádicue. Jaca afémacimona dáamie niné báizaiñeite. Buna cúemona íaioimona daa báiroñeite. 29 Afémaci cue Moo cuemo íga. Afémie jamánomoidimie. Nana baimo jáidimie. Buna cue Moo Juzíñamuimona afémacina bairónide. 30 Cue, cue Moo diga dáamiedicoco, —daide.

31 Iemona judíuai meine íena nofíciaina nitáacadiaíoi. 32 Jira Jesús daide:

—Omoi eróicana diga ñúefuiaina cue Moo ríinodo finódicue. ¿Ñifue ícoína nofíciado cue níjitiomoi? —daide.

33 Jira judíuai uai otíaíoi:

—Ñúefuiái o finuamona ona níjiiñeíticai; mei íadi o uáillaido Juzíñamuina báíñotio. Fia ímadio, mei íadi Juzíñamuina o abí maméacadio, —daidíaíoi.

34 Jira Jesús daide:

—Omoi ocuínafuiaimo Juzíñamui daina jae cuela. Be níuai: “Omoi juzíñamuillaídiomoi.” 35 Cuelaúuai dánana jaca jáanonide, onódicaiza. Juzíñamui, ie uallaí llínotimíaina juzíñamuillaína mameide. 36 Juzíñamui jae cuena oni ífcaitajano bie éniemo cuena orede. Ua ie orécamedicue. Jira ¿nie izói daíitio “Juzíñamuina báíñotio” cue daííadi “Juzíñamui Jitódicue”? 37 Cue Moo finoca izói cue finóñenia, maí cuena omoi íñoño. 38 Mei íadi ie finócafue izói cue finóadi, maí aféfuiaína íino, omoi nai cuena íñoñenia. Afemona cue Moo cuemo íllana, jabe ónoítomoi. Daje izói cue, cue Moomo itícueza, ónoítomoi, —daide.

39 Meine maíáno íena uíacadiaíoi, mei íadi Jesús oni fínocade.

40 Ie mei Jesús Jordán ruicáfellemo meine jaide. Dinomo fiévide. Ua nauí Juan báutizanomo ite. 41 Aillo comíni íena eróizaidiaíoi. Daidíaíoi:

—Uáfueña, Juan cíofinina onótalle raa finóñede, mei íadi nana Juan bímeri daínafuiái uáfuiái, —daidíaíoi.

42 Dinomo aillo comini Jesuna inotiaioi.

11

Lázaro tíide meine cáadimiena jaide

¹ Daa iima Lázaro iere irárena. Betania ímie. María ie ebuño Marta diga daje jófuego itiaioi. ² Afe María iráredimie Lázaro miringo. Afe María nauí Jesús ídaimo ziórede cáirediji totade. Tótanona ie ífótiido zafénaitade. ³ Ja birui afe miringo íainguai uai Jesumo orede, Lázaro iere tíiacana jira: lote:

—Ocuíraíma, o nabai Lázaro irárede, —daide.

⁴ Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

⁵ Marta ie ebuño ie íio Lázaro diga Jesús íaioina iere izíruiite; ⁶ mei íadi Lázaro irárenafuena fidíllanona, Jesús raire jáiñede; nai ménarui ie illánomo ite. ⁷ Ie mei ie llófuegamacina daide:

—Meine Judéamo cai jai, —daide.

⁸ Jira llófuegamaci daidíaioi:

—Llófueraíma, nano cómoicana Judíuai dino noficiaido o fáiacadaioi. ¿Nane meine afe diné jáiacadio? —daidíaioi.

⁹ Jira Jesús ie tíillirui nai áinoziñenana onóillano, íaioina onótatiuaído daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáíñuana ciode. ¹⁰ Iadi come naio macáadi éicitaiide; afémiemo egáíñotinona íñédeza.

¹¹ Ie mei Jesús nai úrite; íaioina daide:

—Cai nabai Lázaro inídeza, mei íadi cazítaticue, —daide.

¹² Jira llófuegamaci daidíaioi:

—Ocuíraíma, afémie iníadi ja jíllocaite, —daidíaioi.

¹³ Mei íadi Jesús jíáfodo daíacade, Lázaro tíide. Llófuegamaci comeci facade Jesús dainana fia ínia lote. ¹⁴ Jira Jesús jino uáfodo íaioina daide:

—Lázaro ja tíide. ¹⁵ Íóbidicue afémie tíllanomo íñédicueza. Daíí ómoimona ñuera, omoi íinollena. Mei íadi cai éroizailli, —daide.

¹⁶ Iemo Tomás, Guarámie maméidimie, jáíie llófuegamacina daide:

—Mai cai jai, afémie diga dáanomo cai tíilleza, —daide.

¹⁷ Jesús dúciillano como fidide Lázaro ja cuatro dígarui énie anamo ite. ¹⁸ Betania iere Jerusalén áinori ite, mena kilómetro átuedo izói.

¹⁹ Aillo judíuai jáidimaci Marta María diga uáiduidiaioi, íainguai íio tíillari. Íainguaimo firaíbitiaioi. ²⁰ Marta Jesús dúciana fidíllano afémiena jino cióizaide. Mei íadi María jofomo fiébide. ²¹ Marta Jesúna daide:

—Ocuíraíma, o nibai benó itíoniadi cue íio tíiñede. ²² Mei íadi onódicue naga raa Juzíñamuimona o jícaadi afémie omo iite, —daide.

²³ Jira Jesús daide:

—O íio meine cáate.

²⁴ Iemo Marta daide:

—Jii, cue onódicueza tíidino cáadinona illíruiimo, énie íirairuimo afémie meine cáate, —daide.

²⁵ Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuena ínotimie ie tíiadi meine cáaiŕe. ²⁶ Nana nai cáadino cuena ínoiadi jaca ninomo tííñeitiaioi. ¿O afefue ínotio? —daide.

²⁷ Jira afengo daide:

—Jii, Ocuíraima, o Crístodio ínoticue. Juzíñamui Jitó ana éniemo bitímiedioza. Afena ínoticue, —daide.

²⁸ Daií dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíiritade, —daide.

²⁹ Afena cacáillano María raire náidacaillano Jesumo eróizaide. ³⁰ Nai Jesús afe jófue mo jofo jáíñede. Marta ie baizájillanomo nai ite. ³¹ Jofo ite judíuai afengo fíraidiaioi. Afengo náidacaillano, raire jino jáillana judíuai cíoillano, aféngodo jáidiaioi. Afémaci comeci facádiaioi, afengo raiafo dinomo éeiaide. ³² Te mei María Jesús illánomo dúcide. Dúciano afémie eiba abimo caiñícido dújuillano daide:

—Ocuíraima, o nibai benó itíonia cue íio tííñede, —daide.

³³ Jesús María éeiana, naa aféngodo bitino judíuari éeiana ciode. Cúano afémie iere zúureficaide. Ie comeci docaide. ³⁴ Jira jicánote:

—¿Ninomo omoi raiga?

Jira daidiaioi:

—Ocuíraima, eróizaibi, —daidiaioi.

³⁵ Jesús eede. ³⁶ Jira mei judíuai daidiaioi:

—¡Ero, nii afémiena izíruilla! —daidiaioi.

³⁷ Iadi afémacimona dámie daide:

—Bímie uina cíoiñedimiena meine cíoitaraima. ¿Nai afémiemo íñede ríino Lázaro tíitañeillena? —daide.

Lázaro tíillamona meine abido cáadimiena jaide

³⁸ Jesús comeci meine iere docaide. Raiáfomo áinozide. Raiáfo idu ana ifo. Ie jofo jáirano daa nofícina ibaica. ³⁹ Jira Jesús daide:

—Nofíci oni ono, —daide.

Tíidimie miringo, Marta daide:

—Ocuíraima, jae íaire jallede. Ráiamona cuatro dígarui íteza, —daide.

⁴⁰ Jira Jesús daide:

—¿Nai ona daiñedicue, o ínoiadi Juzíñamui ebírenafuena cíoitio? —daide.

⁴¹ Iemona nofíci oni otíaioi. Ie mei Jesús monamo érocaillano daide:

—Moo Juzíñamui, iere figura cuemo cacáreifredio. ⁴² Onódicueza cuemo jaca cacáreidio. Mei íadi daií daidicue benó ite comini ñúeillena, daje izói bimaci o cue óriana ínollena, —daide. ⁴³ Daií dáina méifodo jíirite:

—¡Lázaro, dinómona jino bi! —daide.

⁴⁴ Tíidimie jino bite; ua onoi idai diga ferínoraroido maiano jino bite. Uíeco iníroina ibaica diga bite. Jira Jesús íaioina daide:

—Zuíta, zúitanona ie ore, —daide.

Jesús llaitállena jáicina mamértiaioi
(Mt 26.1-5; Mr 14.1-2; Lc 22.1-2)

⁴⁵ Afedo aillo judíuaimona Jesuna ínotiaioi. Afémaci, María ícoinia bitino, Jesús finócafuena ciódimaci. ⁴⁶ Mei íadi afémacimona dáamierie fariséuaimo úrizaide. Ua Jesús finócafuiaí íaioimo lluájide. ⁴⁷ Iemona fariséuái, lletáriraini illaini diga gairírdiaioi naa caifóidillainiri. Daidíaioi:

—¿Nie izói ñéiticai? Bie iima aillo cíofinina onótalle raana finode. ⁴⁸ Fia daíí íena cai fáicanocaiadi nana íena ínoitiaioi. Iemona romano rímaci cai gairíraco táinoaitaitiaioi naa cai náirairi, —daidíaioi.

⁴⁹ Dáamie íaioimona Caifás mámeciredimie. Afémie afe fimónamo lletáriraini illaima. Afémie íaioina daide:

—Omoi minícana onóñediomoí. ⁵⁰ Daa iima comíniri tíia baimo jamánomo ñuera, nana nairai tííñeillena. Afefue nai figo fidíñediomoí, —daide.

⁵¹ Mei íadi Caifás afefue dama ie comécido lloñede; mei jíaífodo afe fimónamo afémie lletáriraini illáimana illamona, Juzíñamui Joreño daináfuedo afemie daide: “Jesús judío náirairi tíizaite.” ⁵² Ua dani afe náirairi tííñeite, mei íadi nana júdaizite Juzíñamui jitóniaí dáanomo meine gairíllena tíizaite. ⁵³ Daíí aféruimona judíuai rímaci Jesús fállena maméritiaioi.

⁵⁴ Jira Jesús ja judíuai cígido uáfodo macáñede. Judea éniemona oni jaillano, táizici áinori ite jófuemo jáizaide. Afe jofue mámece Efraín. Dinomo ie llófuegamaci diga fiébide.

⁵⁵ Judíuai pascua rafue áinozidemo aillo jofue comíni Jerusalemo jáidiaioi, pascua uícomo comeci duáfuaí finóllena. ⁵⁶ Jaillano Jesús jénuaidiaioi. Gairíracomo íaioi illano conímamo jícanoidiaioi:

—¿O nie izói daidio? ¿Afémie ráfuemo biite? ¿Nibai bíñeite? —daidíaioi.

⁵⁷ Fariséuái lletáriraini illaini diga jae ocúdiaioi: “Daa come Jesús illánona onóiaídi lloíri,” ie cai llaitálleza, —daidíaioi.

12

Ringo Jesús jillaide

(Mt 26.6-13; Mr 14.3-9)

¹ Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tíidimacimona Jesús abído cáatagamie.

² Dinomo nauife güillafue finódiaioi Jesumo ñúefuiaina nitállena. Marta güille raizífirede. Güirábanimo ráicana Jesús diga güitino, Lázaro afémacimona dáamie. ³ Iemo María litro átuedo zíoji cáiredena fáíñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daíí ñiano ífótiido zafénaitade. Nana afeco ero zíuena oruibicaide. ⁴ Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

⁵ —¿Nibái mei trescientos dígabe fidi bie cáirediji fécañega, duéredino cai canoi daíí? —daide.

⁶ Mei íadi duéredimaci izíruillamona daíí daííñede. Mei íadi afémie meríriraíma. Nane íaioi úcubellu uícaífirede. Aféllumo jónega raana merífirede. ⁷ Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote.

⁸ Duéredimaci jaca omoi diga ífirede, mei íadi cue jaca omoi diga are íñeiticue, —daide.

Lázaro fállena maméritiaioi

⁹ Aillo judúuai Jesús Betániamo íllana fidídiaioi. Jira dñomo jáidiaioi dama Jesumo éroiñllena, mei íadi daje izói Lázaron a cíoilena, tíidimacimona Jesús abido cáatagamiena jira. ¹⁰ Iemona lletáriraini illaini Lázaro fállena mamé diaioi. ¹¹ Ua Lázaro ícoiniadi aillo judúuai illáicomínimona jírecaillano Jesuna ínotiaioi.

*Jesús Jerusalemo ebire jofo jáillafue
(Mt 21.1-11; Mr 11.1-11; Lc 19.28-40)*

¹² Pascua ráfue mo aillo comíni Jerusalemo jáidiaioi. Ie méidiruido Jesús jófue mo dúcizaillana fidídiaioi. ¹³ Amena rafóruai jaitada jino Jesús uáiduaidiaioi. Caillícana daidiaioi:

—Juzíñamuina ebífue na daíri! ¡Juzíñamui máme cido bitímie caimare comuiri! ¡Israel Illaima caimare comuiri! —daidiaioi.

¹⁴ Iemo Jesús burro baillano afe emódomo ráinade, jai ai Cuegáu ai daína izói; be níu ai:

¹⁵ “Sión comíni o mo í jacíruiñeno.

Erocaí, o Illaima búrrodo ráicabite.”

¹⁶ Nanómona ie llófue gamaci aféfuai na cacáñediaioi. Ie méifodo ebírenafue Moo íemo nitaca mei, ie tíillanomon a meine abido cáatalliruimo, nana afémieri Cuegáuaimo uíbicaidiaioi. Daje izói íemo daíí finócafue mo uíbicaidiaioi.

¹⁷ Lázaro jino raíáfomona uáiduaruido aillo comíni Jesúoiri ite. Ua Lázaro tíidimacimona abido cáanana cíodino afe íaioi cíónafue na llujáidiaioi. ¹⁸ Ie jira comíni Jesuna caimare baizájidiaioi, afe cíofinina ie finócafue íaioi fidina jira. ¹⁹ Jira fariséuai daní daidiaioi:

—Ja cíodiomoí, jaca nie izói íñenide. Erocaí, nana comíni íedo jáidiaioi, —daidiaioi.

Dáarie griego imaci Jesús jenódiaioi

²⁰ Rafue illa dño acádoillena Jerusalemo bitímaci cígimo dáarie griego ímíai ite. ²¹ Afémaci Felípemo ánozidiaioi. (Felipe Galilea ímie; Betsaida jófue ímie.) Ainozillano íemo izire jícanotiaioi:

—O onógamie Jesuna cíóiacadicaí, —daide.

²² Jira Felipe Andrena daízaide. Iemo afe íaillinoí Jesumo llujáide. ²³ Ie jira Jesús ie abina úrillano daide:

—Nanoide Iima Jitomo ebírenafue na nitálliruimo ja dúcide. ²⁴ Uáfue na ómoína dáaiticue, daa güiga raa ido éniemo ríñenia, tíñenia, jaca naí dáajina jóoide; mei íadi afejí ríllamona tíidena eroide zícua mona aillo aite. ²⁵ Daje izói dáamie ie cáaillinona dama íeiena rairuíadi, áfena féitaite, mei íadi dáamie ie cáaillinona bie éniemo jámairuíadi, áfena zííñona cáaillinomo éenoite. ²⁶ Dáamie cuemo jaináiacadímie cuedo jáirede. Cue illínomo dáanomo cuena jaináidímie iite. Dáamie cuemo jaináia, cue Moo afémiemo níufue na nítaite, —daide.

Jesús ie tíillifue na jino llote

²⁷ Jesús naí úrillano daide: Birui cue come cíere lícítaide. ¿Nie izói cue daíri? ¿Níbai bie izói dáaiticue: “Moo birui cuemo zuídífue mona cue jíllota”? Mei íadi cue afe jira biticue. ²⁸ Moo, o máme címo ebírenafue na jóneri, —daide.

Iemona monámona daa uai cácaide. Daide:

—Afená jae ebire íficaitadicue. Iemo meine dáanomo ebire íficaitaiticue, —daide.

²⁹ Afénomō ite comini áfena cacáillano daidíaiōi:

—Mona gíria, —daidíaiōi.

Iemo jíaimaci:

—Juzíñamui abí ímie íemo úrite, —daidíaiōi.

³⁰ Mei jira Jesús daide:

—Afe uai cuemo cácañede. Omoimo cácaide. ³¹ Ja biruimo bie énie comini jenoda facátallaiōi. Jabe bie énie ocuidimie jino dotácana iite.

³² Enie acónimo titállena cue íaiōi raiñolle llezica, nana dama cuemo cue atille, —daide.

³³ Afe dáinamona, ie tílla izóí onótate. ³⁴ Jira comini uai otíaiōi:

—Cai ocuilla uai cuegánicodo caimo llófuega: “Cristo zíñona iite.” ¿Nie izóí daidío: Nanoide íima Jitó titállena caifo raiñóbicaite? ¿Bu mei bie Nanoide íima Jitona? —daidíaiōi.

³⁵ Jira Jesús daide:

—Nai omoí cígiri egáñotimiena izóí nano íanori iticue. Bie cue egáñuana ómoimo illa dino, mai cue llua izóí omoí macari, jíñiredino raire omoí éidafñeillena. Jítinodo macádimie ie jáillana onóñede. ³⁶ Uzefomo ñino, nai ómoimo illa dino, egáñogamacina daíí omoí jáillena, —daide.

Afefue daína méifodo, Jesús afémacimona retáirizaide.

Judúuai Jesuna íñoñediaiōi

³⁷ Jesús íaiōimo eróicana diga cíofininafuiaina finode. Mei íadi íena íñoñediaiōi. ³⁸ Ua íñoñediaiōi, jaiái uai llóraíma Isaías Cuegáuai fuitállena. Isaías daide:

Ocuíraíma, ¿bu cai úrillafue íñua?

¿Bumo Ocuíraíma ie ríinona ácatate? daide.

³⁹ Daiñtana jira íñonidiaiōi. Ie emódomo jíáifodo Isaías cuete:

⁴⁰ Juzíñamui uina cíoiñedimacina íaiōina finode.

Íaiōi ífoci jáiaitate.

Daíí finode uído cíoiñeillena,

daje izóí ífócido ónoñeillena.

Jira cuemo bínidimaci, íaiōi cue jíllotallena.

⁴¹ Isaías aféfuiai llote, mei afémie Jesús ebírenafuena ciódeza. Jira afémiedo úrite.

⁴² Mei íadi aillo judúuaimona Jesuna ínotiaíōi, illáicomínimona jíái dáarie. Mei íadi uáfodo lloñediaiōi, fariséuaina jacíruillano garíracomona jino íaiōi óreñeillena. ⁴³ Comini ñúefuena íaiōimo nítajana jamánomo gáidiaiōi. Mei íadi Juzíñamui ñúefuena íaiōimo nítajana jámairuitaiōi.

Jesús uailai comínimo riire jicánoite

⁴⁴ Jesús aillo uaido daide:

—Cuena ínotimie, dama cuena ínoñede, mei íadi daje izóí cue orédimiena ínote. Ua cue Moona ínote. ⁴⁵ Cuena cíodimie daje izóí cue orédimiena cíode. ⁴⁶ Cue egáñotimiedicue. Ana bie éniemo biticue, cuena ínotino jíñiredifomo fiébiñeillena.

⁴⁷ Dáamieie cue uaina cacáadi íadi jeire ie óñeniadi, ie jicánoraimana íñeiticue. Cue bie énie comínina duere fínuaibíñedicue, mei íadi afémacina jíllotaíbiticue. ⁴⁸ Cuena jámairuitimie, cue uaina jeire oñédimie ja ie duere

finóitímie ite. Cue daina uailai íirairuillaído duere íena finótaite. ⁴⁹ Dama cue comeci izói úriñedicue. Moo Juziñamui, cue orédímie cue dainana llófuellena jae ocuide. ⁵⁰ Moo cuemo ocuícafue zíñona itátate. Afena onódicue. Jira mei, cue daina, jaca cue Moo cue ocuilla izói.

13

Jesús ie llófuegamaci idai jocode

¹ Jae pascua rafue uícodirui. Jesús bie éniena ie fiénocaillana, ie Moo dine jáillirui ánozillana fidide. Ieiena éniemo itínona izíruite. Ua jaca fáicanocaiñeno íaioina izíruite.

²⁻⁴ Taife jae Judas Iscariote comécimo Jesús fecállena lloste. Judas Simón jitó. Afe llezica Jesús Juziñamuimona bitímiena fidide. Daje izói Juziñamuimo meine jáillana fidide. Juziñamui nana ríinona íemo fécajana Jesús onode. Ie mei güillano, güirábanimona náidacaillano jinóidicuiro duiñode. Dúíñuano daa abi doraroi ciráigimo maitade. ⁵ Ie mei jainoi icáífemo tótajano, ie llófuegamaci idai jócuaide. Daí ñiano, afe ciraiigi maitaca abi dorároido íaioi idai zafénaitade.

⁶ Simón Pedro idai ie jócuilla llezica afémie Jesuna daide:

—Ocuíraima, ¿cue ídaina jócoitio?

⁷ Jira Jesús uai ote:

—Birui cue finócafueña onóñedio, mei íadi fui ónoitio, —daide.

⁸ Mei ie jira Pedro daide:

—Jaca ninomo cue ídaina jócoñeitio, —daide.

Jira Jesús íena daide:

—Ona cue jocóñeniadi, cuemo jáinaiñeitio, —daide.

⁹ Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ífo diga jocori, —daide.

¹⁰ Jira Jesús daide:

—Como nóidímie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹ Iena fécaitimiena onona jira, Jesús jae daide “Nana dóñegaomoi.”

¹² Íaioi idai jócu méifodo, Jesús ie jinóidicuiro meine jitade. Güirábani abimo ráinaillanona daide:

—¿Omoimo cue finócafueña onódiomoi? ¹³ Omoi jae Llófueraimana, Ocuíraimana cue mamédiomoi. Daí ñue daidíomoi, nímiedicueza.

¹⁴ Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jitáirede. ¹⁵ Jae ómoína finócafueña onótaticue, cue finua izói omoi finóllena. ¹⁶ Uáfueña dáititue: Táijitatímie baímo jaide jáiénicina íñede. Daje izói orédímie baímo jaide orécamierna íñede. ¹⁷ Aféfuiai omoi onóadi, íemona afe izói ñiano, íóbificaitiomoi.

¹⁸ Omoiri nana úriñedicue. Cue nizécamacina onódicue. Mei íadi Cuegáuai daina ñue fuitállena jitáirede. Cuegáuai daide: “Cue diga güitímie jae cue ícidote.” ¹⁹ Afefue uícomo ómoimo lloticue afe íficailliruiro Crístodicue cuemo omoi íinollena. ²⁰ Uáfueña ómoína dáititue, cue orécamierna llínotímie afe izói cuena llínote. Cuena llínotímie afe izói cue orédimierna llínote, —daide.

Jesús Judas ie fecállifue jino llote

(Mt 26.20-25; Mr 14.17-21; Lc 22.21-23)

- ²¹ Daií daina méifodo, Jesús jamánomo comeci zúucaide. Uáfodo jino llote: —Uáfuenta ómoína dáititue, ómoimona dáamie cue fécaite, —daide.
- ²² Ie jira llófuegamaci jiáimamo eróricaidiaioi, onóñegaza budo úrite.
- ²³ Llófuegamacimona dáamie Jesús iere izíruigamie. Afe güilláruído Jesús abimó ráiide. ²⁴ Simón Pedro íemo onócaido llote: —Mai Jesumo jícano, ¿budo úrite? —daide.
- ²⁵ Jira jofo áinozillano Jesumo jicánote: —Ocuíraima, ¿bu llotio? —daide.
- ²⁶ Jira Jesús uai ote: —Daa pánllicina cue riáitano afémiemo íititue. Afe níimie, —daide.
- Iemona pánllicina riáitano Judas Iscariote, Simón jitomo fecade. ²⁷ Afe pan Judas llínuamona, Taife ie comécimo jofo jaide. Mei jira Jesús daide: —O finóllifuenta raire fino, —daide.
- ²⁸ Júdasna daií daináfuenta güirábanimo güitínomona buna aféfuena onóñena. ²⁹ Ucubellu Judas uícaiga jira dáamierie comeci facádiaioi: Jesús daiíacade ráfuemo jitailla raana íbajitade. Jiáimaci comeci facádiaioi, níbai duéredino úcube afémie íllena. ³⁰ Afe pan güilla méifomo Judas jino jaide. Ja naiona.

Comue ocuúllafue

- ³¹ Judas jino jailla méifomo, Jesús daide: —Jabe Nanoide íma Jitó ebírenafue ácatalle. Afe dainámieditue. Iemo jíai jabe Juzíñamui ebírenafue iedo ácatalle. ³² Nanoide íma Jitó Juzíñamui ebírenafue ácataiadi, íbana ie Jitó ebírenafue Juzíñamui ácataite. Afena raire fínoite.
- ³³ Cue izíruigamaci, omoi diga ja are íñeititue. Cuena jénoitiomoi. Mei íadi nauí judíuaina cue daina izói birui ómoína dáititue: cue jáillinomo jáinidiomoi. ³⁴ Bie comue ocuúllafue ómoimo llotitue: conímána omoi izírui. Cue omoi izíruiilla izói afe izói conímána omoi izíruiillana jítáirede.
- ³⁵ Nana conímána omoi izíruiá, nana comíni cue llófuegamacidiomoi fíditiaioi, —daide.

Pedro Jesuna jáanollifue Jesús uícomo llote

(Mt 26.31-35; Mr 14.27-31; Lc 22.31-34)

- ³⁶ Ie mei Simón Pedro Jesuna jicánote: —Ocuíraima, ¿niné jáidido? —daide.
- Jira Jesús uai ote: —Cue jáillinomo birui bínidido; mei íadi méifoidiruido cuedo bítio, —daide.
- ³⁷ Mei ie jira Pedro daide: —Ocuíraima, ¿níbai mei birui odo bíniditue? Ja finóbiditue o diga cue tíllena, —daide.
- ³⁸ Jira Jesús uai ote: —¿Uáfuenta meita finóbido cue diga o tíllena? Uáfuenta ona dáititue: nai átava úriñeniadi, dacaiñoámani cuena jáanoitio, —daide.

14

Jesús, Moo Juzíñamuimo jaira io

¹ Omoi comeci zúucaifñeno. Juziñamuimo ñno; daje izói cuemo ñno. ² Cue Moo jofomo aillo illánuiái ite. Bifue táinofue íadi, raire ómoimo llóiticue; íadi jaca uafue. Mei jira omoi illíno fñuaidicue. ³ Omoi illíno cue fñuaila mei, abido ómoína uáibiticue, cue illínomo dáanomo omoi íllena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuíraima, o jáillinona onóñedicaí. ¿Ñie izói afe iona ónoiticaí? —daide.

⁶ Jira Jesús uai ote:

—Cue iódicue. Cue uáfuedicue. Daje izói cue cáatatinodicue. Ie jira daa cuedo Moo illánomo dúcirediomoi. ⁷ Cuena omoi onóíadi, daje izói cue Moona ónoitiomoi. Ja biruimo íena onódiomoi. Ja íena ciódiomoiza, —daide.

⁸ Jira Felipe daide:

—Ocuíraima, Moo Juziñamui caimo cíota. Afedo figo baite, —daide.

⁹ Jira Jesús uai ote:

—Felipe, ja are omoi diga iticue, ¿nai cuena onóñedio? Cuena ciódimie daje izói cue Moona ja ciode. ¿Ñibái mei Moona cíotalle cuemo jicádió?

¹⁰ ¿Moomo cue íllana nai ñnoñedio? ¿Daje izói cue Moo cuemo íllana ñnoñedio? Nana cue daináfuiái dama cue comeci izói daiññedicue. Cuemo ite Moo dama íe táijina finode. ¹¹ Cue Moomo cue íllana ñno; afe izói Moo cuemo íllana ñno. Ménaillinoi dáanomo itícocoza. Daií omoi ñnoiacañenia cue finócafueña ñno. ¹² Uáfueña dáititcúe: cuena ñnotimie cue finócafue izói fñoite. Nane afe baimo aillo jáífue fñoite, cue Moo illánomo cue jailla jira. ¹³ Nana omoi cue mámeçido jicaca raa fñoititcúe, Moo ebírenafue íe Jitó ácatallena. ¹⁴ Naga cue mámeçido jicalle raana fñoititcúe, —daide.

Jesús Ñuera Joreño oréllena uafue lloste

¹⁵ Cuena omoi izíruia, mai cue ocuífufuiái cacáfireiri. ¹⁶ Iemo omoi canóraima, omoi firaraima jícaititcúe. Moo ómoimo íena oréllena íemo izire jícaititcúe. Bíitimie uafue Joreño. Afe Ñuera Joreñoña jícaititcúe omoi diga ninomo íllena. ¹⁷ Enie imaci íena llínonidiaioi, afémienna ciónidimaci jira; daje izói afémiemona ónoñedimaci jira. Mei íadi íena ja onódiomoi, omoi diga illa jira. Ua uire jaca ómoiri dájena íte. ¹⁸ Omoína zóofñeititcúe. Abido bíititcúe omoi diga íllena. ¹⁹ Nano nígarui íanori íllamona comini ja cuena cíofñeitiaioi, mei íadi cuena cíoitomoi. Afe jira omoi cáaitiomoi, cue caana jira. ²⁰ Aféruído cue Moomo cue íllana ónoitiomoi. Daje izói cuemo omoi íllana ónoitiomoi; daje izói ómoimo cue íllana ónoitiomoi. ²¹ Cue uaina onódimie, íemo jáí afe uaina jeire otímie uáfueña cuena izíruillana cíotate. Jira cuena izíruitimie cue Moo daje izói izíruite. Cue daje izói íena izíruititcúe; íe mei afémiemo cuena cíotaititcúe, —daide.

²² Iemo Judas (íadi Iscarióteñedimie) íena daide:

—Ocuíraima, ¿ñibái énie cominimo ácatañeno, dani caimo o abina ácataitio? —daide.

²³ Jira Jesús uai ote:

—Cuena izíruitimie cue dainafue jeire ote, íe jira cue Moo íena izíruite. Afe llezica cue Moo cue diga bíitícoco afémie diga íllena. ²⁴ Cuena izíruíñedimie cue dainafue jeire ofñede. Omoi cacana úrillafue dama cúeieñede. Afefue Moo Juziñamui, cue orédimie ífue. ²⁵ Omoiri cue

illa dino aféfuaiaina ómoimo lloticue. ²⁶ Mei íadi Moo cue mámedido Ñuera Joreño óreite, ómoína canóllena, ómoína firallena. Ná gafuiaiaina omoi llófueite. Nana ómoína cue dáinana uíbcataite.

²⁷ Comeci caimare uái illifue ómoimo fiédicue cue jailla jira. Cue comeci caimare uái illifue ómoimo iticue, mei íadi énie comini comeci illifue izóiñede. Omoi comeci zúucañeno. Jacíruiñeno. ²⁸ Jáiticue, cue dáinana cacádiomoiza. Daje izói meine bíticue ómoiri cue íllena. Uáfueña omoi cuena izíruiá, cue Moomo cue jáillifue omoi fidínamona cáimacaitiomoí, mei afémie cue baímo illa jira. ²⁹ Jira áfena uícodo ómoimo lloticue, afefue finuaruimo omoi ínollena.

³⁰ Omoiri ja aillo úriñeíticue, bie éniemo ocuídime ja billa jira. ³¹ Mei íadi afémie cuena ocuínide. Daí írede, énie comini Moona cue izíruiillana íaíoi onóllena. Daje izói Moo cue ocuilla raana cue finuana ónoítiaíoi. Maí náidacai. Benómona cai jáilleza, —daíde.

15

‘Vid’ daina jíricono izoide rao ícairuai rafue

¹ Afe mei nane Jesús úrite; daíde:

—Uáfue ‘vid’ daina jíricono llizítate rao izóidicue. Cue Moo afe rao úíñotimie. ² Llízíacañede rao ícairo jaitade. Nana llízíacade ícairo ie ícoí jáicoide, áfemona jamánomo llízíllena. ³ Omoi cue llófuiáfuedo jae ñue dóficaidiomoí. ⁴ Maí cuemo dáanomo omoi jainairi ómoimo cue jainaina izói. Daa ícairo fia daíngo llízínide. Daje izói cuemo dáanomo omoi jaináíñenia, ñúefuiai omoi comécimona comuítanidiomoí. ⁵ ‘Vid’ daina jíricono llizítate rao izóidicue; afe rao zitaca ícairuai izóidicue. Cuemo dáanomo jaináidime, íemo dáanomo cue jainaila llezica, ua jamánomo aite. Mei íadi cue íñédicuenia minícana finónidiomoí. ⁶ Cuemo jaináíñedime jino faille. Fáiamona zafénaite, rao rábiai izói. Afémacina iraida iraimo jobaica.

⁷ Cuemo ñue omoi jaináíadi, daje izói cue llogáfueña omoi féitañenia, o jitaiga raana jicari. Iemona áfena ómoimo íticueza. ⁸ Aillo llízilla izoide ñúefue omoi finóadi, cue Moomo ñúefueña nítaitio. Afedo cue uáfueña llófuegamacina omoi íllana ácataitio. ⁹ Cue Moo cuena izíruiilla izói, afe izói ómoína izíruiticue. Ómoína cue izíruiticueza; áfedo dinomo omoi jairi. ¹⁰ Cue ocuífaiuina jeire omoi óiadi, daí cuedo izíruiillio. Daje izói cue Moo ocuífaiuina jeire oticue. Iemona afémiedo izíruiagacue.

¹¹ Cue daí úriticue cue dibénedo caimare omoi íllena. Daí íobillafueña oruíbcaitiomoí. ¹² Bie cue ocuífafue: Ómoína cue izíruiilla izói naga come ie conímána izíruiiri. ¹³ Dáamie jamánomo izíruiillafuedo ie abí ie nabáíñiaímo fecárede. Afe baímo iere izíruiillafue íñede. ¹⁴ Cue ocuífafue omoi finóadi cue nabáíñiaídiomoí. ¹⁵ Ja jaénicina ómoína mámeñeíticue, jaénici ie ocuídime finuafueña ónoñena jira. Cue nabáíñiaína ómoína mamédicue, nana cue Moo cuena daínáfuiái omoi cue onota jira. ¹⁶ Omoi cuena nizéñediomoí, mei íadi cue nizécamacidiomoí. Iemona ómoína ocuídicue, aillo llízíe izoide ñúefuiaiaina omoi finóllena. Afe llízíe are íllana ocuídicue. Ie jira daí nana cue mámedido omoi jicaca raana cue Moo ómoimo fécaite. ¹⁷ Jira bifue ómoína cue ocuillafue: Naga come ie conímána izíruiiri, —daíde.

Enie comini Jesuna éoide ie comini diga

Jesús nai úrillano daíde:

18 —Enie comini ómoina éoiadi, nano fueñe cuena íaiói éoillamo omoi úbicairi. 19 Enie comínina omoi íadi, afémaci íaiói comínina izíruilla izói ómoina izíruitiaíoi. Mei íadi énie imácimona ómoina nizédicue. Ie jira énie imaci ómoina éoidiaíoi, éniemo íaiói jainaina jira. 20 Omoina cue daináfue mo uíbicairi: “Nie jaiénici ocuídímie baimo iñede.” Cue duere finóllena íaiói racáoiadi, daje izói ómoina rácaítiaíoi. Cue llófueinafue na jeire íaiói óiadi, ómoiena jeire óítiaíoi. 21 Nana aféfuiaí cue ícoínia ómoimo fínoítiaíoi, cue orédímiena onóñena jira.

22 Iaióimo úrizabiñedicuena íaiói ícoínia iñede. Mei íadi biruí íaiói fiénidífue ícoínia jae ite. 23 Cuena éoidímie daje izói cue Moona éoide. 24 Jaca bu jíáímie íaiói cígiri cue finua izói finóñede; mei íadi afe jíáímie finófinide raana ja íaiói cígiri finódicue. Ie jira íaiói ícoínia íteza. Mei uáfue na aféfuiaína ja cíodiaíoi. Mei íadi afe emódomo cuena éoidiaíoi. Afe izói cue Moona éoidiaíoi. 25 Afefue daí jai de, íaiói cue ga ocuífauiaí uai fuitállena. Afe Cuevaí daide: “Nífueninanomona cuena éoidiaíoi.”

26 Mei íadi Móomona cue oréllímie, afe Ñuera Joreño bíadi, cueri úrite. Afe llezica ómoina cánuano náirecaítaite. 27 Omoi daje izói cueri úritíomoi, nanómona cue diga omoi illa jira.

16

1 Aféfuiaí ómoimo llotícue, fiénidífue mo omoi báíñellena. 2 Juzíñamui uai llófueriracomona ómoina jino dótaítiaíoi. Ua uire jamánomo fiéni illíruimo dúciite. Aféruillaído ómoina fáítimaci, “Ómoina fallífuedo Juzíñamui táíjinana fínoíticai” daí daína ínoítiaíoi. 3 Aféfuiaína fínoítiaíoi Moona jaca ninomo onóñena jira, daje izói cuena onóñena jira. 4 Afena ómoina dáíticue, aféruillaí dúcillemo, cue daináfue mo omoi uíbicallena, —daide Jesús.

Ñuera Joreño finóllífuaí

Jesús nai úrillano daide:

—Aféfuena nanómona ómoimo lloñédicue, omoi diga cue illa jira. 5 Mei íadi biruímona cue orédímie dinomo jáíticue. Omoimona buna cue jáíllinona jicánoñediomoi. 6 Mei íadi bie cue ómoina daináfueri iere zúucaidiomoi. 7 Iadi uáfue na dáíticue: cue jaille ómoimona iere ñuera. Cue jáíñenia, ómoina canoda fíraraima bíñeite omoi diga illena. Mei íadi cue jaía íena óreiticue. 8 Ie billíruído éniemo itino íaiói fiénidífuaína uáfue na onótaite. Daje izói dama daa jáícina ñúfuedo cai jáílliona onótaite. Daje izói Juzíñamui íaíoína duere finóllena onótaite. 9 Afémaci fiénidífuaíredímaci, cuena ínoñena jira. 10 Afe jáícina jáílliona ónoítiaíoi, Moo illánomo cue jailla jira. Afe cue jailla mei cuena cíóñeitiomoi. 11 Juzíñamui facátallífue na ónoítiaíoi, bie éniemo ocuídímie jae duere finóbilla jira.

12 Cue ómoimo lollífuaí nai aillo ite; mei íadi nai onónidiomoi, náinidiomoi. 13 Uafue Joreño bille llezica ómoimo nana uáfuaína afémie llóite. Dama ie comeci jítaina izói úríñeite, mei íadi ie cacana izói dáite. Uire íitífuaína ómoina onótaite. 14 Cúeiemona llínuano ómoina onótaite; onótamona ñúfue na cuemo nítaite. 15 Nana Moomo ite raa daje izói cueie.

Ie jira dáitícue: Ñuera Joreño cúiemona llínoite, áfedo aféfuena ómoína onótaite.

Zúurenafue cáimafuena méidolle

¹⁶ Nano íanori illemona cuena cíoiñetiomi. Mei íadi jabo bai diga iruillai illamona, nane meine cuena cíoiñetiomi, mei cue Moo illa dine cue jáillaza, —daide.

¹⁷ Iemona ie llófuegamacimona dáarie jofo conímamo jicánote:

—¿Afe nie izói daínauai? Caina daide nano nie dino illamona íena cíoiñeticai. Ie mei nane caina daide, báifenemo diga iruí illemona meine íena cíoiñeticai, mei ie Moo illánomo ie jáillaza. ¹⁸ ¿Nie izói aféuai daide: “Nie dino illamona?” Afémie nífuedo úriteza onóñedicai, —daidíaioi.

¹⁹ Jesús íaioi íemo jicánoiagafuena onóillano daide:

—Cue daidícue nie dínó illemona cuena cíoiñetiomi. Nane ie baimo diga iruí illemona meine cuena cíoiñetiomi. ¿Afe cue conímamo jicánotiomi? ²⁰ Uáfue dáitícue: omoi éetiomi. Zuure íitiomi; mei afe llezica énie comini cáimare íitíaioi. Mei íadi omoi zúunaillafue cáimafuena méidoficaite. ²¹ Ringo úrue jocóacania izínaillari zúucaite, afengo izínaillarui dúcideza. Mei íadi úrue jócua méifodo afe izírenamo uíbicaíñede, úrue éniemo jocóinari ie ióbilla jira. ²² Daí biruí omoi izire zúucaitiomi. Mei íadi ómoimo cíoiñebitícue. Iemona omoi coméciai cáimafuena óruite. Afe cáimafuiai bu ómoimona báiroñeite.

²³ Aféruido minícana cuemo jicanoñetiomi. Uáfue ómoína dáitícue, nana cue mámecido omoi jicaca raa, cue Moo ómoimo fécaite. ²⁴ Biruimo cue mámecido minícana nai jicáñediomi. Mai jica omoi llínollena, áferi comeci cáimafuena oruíbicaillena.

Jesucristo, Juzíñamuina éoidinona anáfenodimie

²⁵ Bífui aiillo daje izóidifuiaido ómoimo llotícue, mei íadi daruina daje izóidifuiaido ómoimo úriñebitícue. Aféruimo ja ánozide. Aféruido uáfodo Moodo ómoimo úritícue. ²⁶ Aféruillaído omoi cue mámecido jicaitiomi. Moomo ómoiri izire cue jicállena daíñedicue, ²⁷ mei dama Moo ómoína izíruilla jira. Iemo jíai cuena omoi izíruilla jira, ómoína izíruite. Moo dinena cue bíllana omoi ínua jira, afémie ómoína izíruite. ²⁸ Moo illánomona bíllano bie éniemo bitícue. Biruí énie fiénocaillano meine Moo diné abido jáitícue, —daide.

²⁹ Jira ie llófuegamaci daide:

—Ja biruí daje izóidíuaido daíñeno, jino uáfodo úritio. ³⁰ Biruí naga rafue o onógana onódicai. Ja jíaimie omo llúana jítáíñede. Mei jira Juzíñamuimona o bíllana ínnoticai, —daidíaioi.

³¹ Jira Jesús uai ote:

—¿Biruí cuemo ja daí ínnotiomi? ³² Omoi enénorie júdaizillíruimo ánozide. Ja biruí aferuí. Omoimona nágamie oni eneno júdaizite. Dama cuena fiénocaitiomi. Mei íadi damáñedicue, cue Moo cue diga illa jira. ³³ Nana bífui ai ómoimo llóitícue, cuemo ínua omoi comeci uái íllena. Afe bie éniemo duere zéfuitiomi. Mei íadi, jabí omoi mameri! Ja Juzíñamuina éoidinona anáfenodimiedicueza, —daide.

17

Jesús ie llófuegamaciri Juzíñamuimo jicade

¹ Aféfuiai daina méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúefuena nitari, afe izói o Jitó omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo ziiñona cáaillinona íaioimo cue íllena. ³ Ziiñona cáaillino comini ona íaioi onónamona llínotiaioi. O dama uafue Juzíñamuidio. Daje izói ziiñona cáaillino, o orécamie Jesucristo íena onónamona llínotiaioi.

⁴ Bie éniemo cue illa llezica ebírenafue jae omo nitádicue. Cuemo o ocuícáfue jae fuitádicue. ⁵ Moo, naui o diga cue illáruimo cue ebírenafue dájena birui o uícori meine cuemo ine. Afe ebírenafue nai énie íñena llezica naui cuemo ite.

⁶ Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ínotiaioi. ⁷ O nana cuemo igáfuiai ómona bitífuiaina onódiaioi. ⁸ Jira o cuemo iga úrilla uai bimácimo lloticue. Aféfuena jeire otíaioi. Uáfuena ómona cue bíllana onódiaioi. Daje izói o cue óriana ínotiaioi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie diga. Afe ibana nana óie cueie. Afémacimona cue ebírenano ácataficaide.

¹¹ Cue ja éniemo fiébiñeiticue; mei íadi afémaci afe éniemo fiébitaioi. Cue o diga íllena jáiticue. Jamánomo ñuera Moo, cuemo o igano o ríinodo uíñori, nana dájena cuemo ñue jaináíllena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Íaioi abi ríidoticue. Íaioimona buna féiraiñede. Mei íadi dáamie jaca féiraitimie, Cuegáuai fuitállena. Afémie nanómona féiraitimie.

¹³ Jabe o illánomo jáiticue. Mei íadi nai éniemo cue illa dino aféfuiaina llólllodicue, cuemo ite íóbillafue afe izói afémaci ñue íóbicaillena. ¹⁴ O úrilla uai íaioimo iticue, mei íadi énie imaci íaioina éoidiaioi, énie imaciñena jira. Daje izói cue jái énie ímieñedicue. ¹⁵ Eniemona íaioi o óllena jicáñedicue, mei íadi Taifémona íaioi ríidollena jicádicue. ¹⁶ Enie ímieñedicue; afe izói énie ímaciñediaioi. ¹⁷ Íaioina uáfuedo dama óiena rairuiri. O úrilla uai uafue. ¹⁸ Enie imaci cígimo cue o ória izói, daje izói énie imaci cígimo íaioina orédicue. ¹⁹ Afémaci ícoina cue dama abi rairuídicue. Daí finódicue, uafue uaido afémaci daje izói íaioi rairuíllena.

²⁰ Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádicue. ²¹ Nana afémaci dájena jaináíllena omo jicádicue. Ua Moo, afémaci dájena cócomo jaináíllena jicádicue. Uáfuena o cuemo itio, nane uáfuena cue omo iticue. Afe izói íaioi cócomo íllena jicádicue. Afémaci dájena jainaille jítárede, énie comini cue o óriana ínollena. ²² Cuemo o iga ebíredífue izói, afémacimo jae cue iga, dájena íaioi íllena, o diga dájena cue illa izói. ²³ Afémacimo cue íllena jicádicue, nane o cuemo íllena jicádicue, nana afémaci dájena íficaillena. Daí íaioi íllena jítárede, énie comini cue o óriana fidííllena. Nane áfedo énie comini cuena o izíruilla izói, bimácina o izíruillana ónoitiaioi.

²⁴ Moo, bimaci cuemo itio. Cue illínomo cúeoiri íaioi íllena jítáidicue, cuemo o iga ebíredífue íaioi cíoilena. Nai énie fínoñenia uícomo cuena izíruitio. ²⁵ Moo, jaícina ñue jónetimiedio. Enie comini ona onóñediaioi, mei íadi cue ona onódicue. Bimaci cue o óriana onódiaioi. ²⁶ Búdio,

jae íaioina onótaticue; íemo nai onótaocaiticue, o cuena izíruilla íaioi comécimo fiébilla; daje izói cue dama afémacimo fiébilla, —daide.

18

Jesús maiano úinafue

(Mt 26.47-56; Mr 14.43-50; Lc 22.47-53)

¹ Aféfuiai daina méifodo, Jesús ie llófuegamaci diga jino jaillano Cedrón illétue ruica jáidiaioi. Dinomo ite ocózinairabirimo jofo jáidiaioi. ² Judas afébirina onode, Jesús ie llófuegamaciri, diga ícaño afénomo gáirifirena jira. ³ Jira dinomo Judas fuiríraini diga dúcide. Afe llezica dáarie gairíraco llaizíraini Judas jicácamací bitíaioi. Afémaci fariséuaímona lletáriraini illáinimona oreca. Lloéfaillai diga jacire abi mamédiaioi. Unéruarairi bitíaioi, daje izói lámparaíairi. ⁴ Mei íadi Jesús afémiemo fínuailifueña onóillano, jino billano íaioimo jicánote:

—¿Bu jenódiomoi? —daide.

⁵ Jira afémaci uai ote:

—Jesús, Nazaret ímie jenódicai, —daidíaioi.

Jesús uai ote:

—Níimiedicue, —daide.

Afe llezica éoidimacimo fecádimie, Judas dinomo afémaciri ite. ⁶ Jesús “Níimiedicue” daina llezica, jinófecaíñona éniemo baíidiaioi. ⁷ Ie mei Jesús dánomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíaioi.

⁸ Mei jira Jesús daide:

—Jae níimiedicue daidicue. Cue omoi jenóadi, bie jíaimaci fáicanocai íaioi jáilleza, —daide.

⁹ Afe daí daide Jesús dama ie dainafue fuitállena. Afe dainafue llote: “Cue Moo cuemo igámacimona buna dáamie féiraiñede.” ¹⁰ Iemo Simón Pédro daa lloefai ite. Otá Malco dainámie jefo nabefo ñetade. Malco lletáriraini illaima jáiénici. ¹¹ Jira Jesús Pédróna daide:

—O lloefai ie icomo abido meine joone. ¿Cue Moo cue duere zefuítajana llínoñeiticueza, daí o comeci facádio? —daide.

Lletáriraini illaima úicomo Jesús uitíaioi

(Mt 26.57-58; Mr 14.53-54; Lc 22.54)

¹² Ie mei fuiríraini íaioi ocuiraíma diga Jesuna llaítádiaioi. Nana bimaci judúuai llaizíraini diga Jesús maiano oni uitíaioi. ¹³ Ie méfomo Anás jofomo íena uitíaioi. Anás Caifás jifai. Afe fimona llezica Caifás lletáriraini caifóidillaima. ¹⁴ Bie Caifás nauí judúuaina bie izói daidímie: “Daa come nana cai nairai ícoínia tíllena cai baímo ñue jaide.”

Pedro Jesuna jáanote

(Mt 26.69-70; Mr 14.66-68; Lc 22.55-57)

¹⁵ Simón Pedro jíaie llófuegamie diga nai Jesudo jaide. Jíaie llófuegamie lletáriraini caifóidillaima onóigamie. Jira caifóidillaima jofo ibírimo afémie jofo jaide Jesús diga. ¹⁶ Mei íadi Pedro jino naze fuemo fiébicaide. Ie jira lletáriraini caifóidillaima onoiga llófuegamie jino jaillano, naze

úíñoraimamo jicánuaide Pedro jofo oréllena. ¹⁷ Iemo naze úíñoraima Pédro mo jicánote:

—¿O báimie llófuegamieñedio? —daide.

Pedro uai ote:

—Jii, cúeñede, —daide.

¹⁸ Aféruído rozírena jira, jaiénizai llaizírairai dígá irai bonódiaioi. Dinomo naidáillano irai fuemo agáidiaioi.

Lletárirairai caifóidillaíma Jesumo izire jicánote

(Mt 26.59-66; Mr 14.55-64; Lc 22.66-71)

¹⁹ Lletárirairai caifóidillaíma Jesumo jicánuaillano daide:

—¿Nimaci o llófuegamacina? ¿Nífuiaína llófuetio?

²⁰ Jira Jesús daide:

—Cue nana comini uícomo uáfodo úriticue. Juzíñamui uai llófueriracuaimo jaca llófueñiredicue. Daje izói Juzíñamuimo gairíracomo llófueñiredicue. Jaca afénomo judíuai gáirifirediaioi. Daií báiño nífuena lloñedicue. ²¹ ¿Níbái mei cuemo jicánotiómoi? Cue uaimo cacádinomo jícano. Afémacimo cue dánana jícano. Cue íaioína dánana onódiaioiza, —daide.

²² Jesús daií daina llezica, daa dino ite gairíracó llaizíriraíma Jesús uieco pútanona daide:

—¿Níbái daií lletárirairai caifóidillaíma uai otio? —daide.

²³ Jira Jesús uai ote:

—Fiénidifue cue lloía, áfena cuemo llone; mei íadi cue daina uai ñuera íadi, ¿níbái mei cuena putádio? —daide.

²⁴ Iemona Anás Caifamo íena maitá orede. Caifás lletárirairai caifóidillaíma.

Pedro nane dáanomo Jesús jáanote

(Mt 26.71-75; Mr 14.69-72; Lc 22.58-62)

²⁵ Due jiza bai jáidemo, Pedro nai náidaillano irai fuemo agaide. Afénomo itino íena daidíaioi:

—¿O báimie llófuegamaci iéñedio? —daide.

Pedro jáanuano daide:

—Jii, iéñedicue, —daide.

²⁶ Dinomo Pedro jefona jaitácami come ite. Afémie jíaie lletárirairai illaíma jaiénici. Afe iima Pédro mo jicánote:

—¿Báimie díga dinomo ocózinairabirimo ona ciónedicue? —daide.

²⁷ Pedro dáanomo nane jáanote. Afe llezica átava úrite.

Jesús Pilato uícomo uíga

(Mt 27.1-2, 11-14; Mr 15.1-5; Lc 23.1-5)

²⁸ Iemona Caifás jofómóna oni romano jabóidillaíma áillocomo Jesuna uitíaioi. Ja monáiacademo. Judíuai jofo afécomo jáiñediaioi, íaioi íaicaiñellena. Mei íaicaigamací páscuamo güilláfuena güíndiaioi. ²⁹ Ie jira Pilato jino íaioimo úrizailano daide:

—¿Mínica ícoína bímiemo nitádiómoi? —daide.

³⁰ Jira afémaci uai otíaioi:

—Afémie fiénidimieñedena omo izájiñedicaí, —daidíaioi.

³¹ Jira Pilato daide:

—Íena omoí úi. Omoí ocuícáfue izói afémie omoí riire jicánori, —daide.

Judíuai ie uai otíaioi:

—Cai judíuaidicai, dani buna titánidicai, —daidíaioi.

³² Dai Jesús ie tízaiillinona daina izóidíuai fuitade. ³³ Pilato áillocomo jofo meine jaide. Jaillano Jesús jírrillano jicánote:

—¿O nñ judíuai illáimana? —daide.

³⁴ Jira Jesús daide:

—¿Afe fue dama o comeci jítaina izóí jicánotio? ¿Nibai jíaimaci cueri ona daina jicánotio? —daide.

³⁵ Jira Pilato úrite:

—¿Cuena judío daidio? O náiraimona lletáiraini illaini cuemo ona fecádiaioi. ¿Minica ñetio? —daide.

³⁶ Jira Jesús uai ote:

—Cue illáimana illano bie énie íeñede. Dai ítenia cuedo jáicadino nia fuirídiaioi, cuena judíuaimo fécañeillena. Mei íadi cue illáimana illano benó íeñede, —daide.

³⁷ Jira Pilato daide:

—¿Jí, o dai illáimadio? —daide.

Jira Jesús uai ote:

—Illáimadicue, o daina izóí. Cue, bie éniemo jéiciaibigacue uafue uai llóllena. Nana uáfueo cacáfiredino, cue dainana cacádiaioi, —daide.

³⁸ Jira Pilato jicánote:

—¿Minica uafue uaina? —daide.

Jesús tíillinomo maméritiaioi

(Mt 27.15-31; Mr 15.6-20; Lc 23.13-25)

Afe jicánua meífodo, Pilato meine jino judíuaimo jaillano úrizaide. Iaioina daide:

—Jaca nífuena bie ímamo baiñédicue. ³⁹ Mei íadi ómoimo cue fínofiregafue ite. Naga pascua ráfueo ómoiri daa maigámie zuitafiredicue; mei jira ¿judíuai illáimana ómoiri cue zuitállena jítáidiomoi? —daide.

⁴⁰ Iemona nana meine caillíoidiaioi:

—¡Afémiena zuitáñeno iri! ¡Barrabás zuitari! —daidíaioi. Afe Barrabás meríriraíma.

19

¹ Ie mei Pilato Jesús llíinuano zechétatade. ² Iemo fuiríraini ífo icuífoi eegi nínacuífoi Jesumo jítádiaioi. Afe llezica ráfide illaíma iníroina íemo jítádiaioi. ³ Dai ñiano íemo áinozillano, báíñuano daidíaioi:

—Judíuai illaíma, are íi! —daidíaioi.

Iemona ie uíéco fácoídiaioi.

⁴ Pilato meine jino billano daide:

—¡Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóillena, —daide.

⁵ Jesús eegi icuífoi ífomo jíinari jino bite. Ráfide illaíma iníroina jítaca naari jino bite. Jira Pilato daide:

—¡Benó afe íima ite! —daide.

⁶ Afémie cióillano, lletáiraini illaini, llaizíraini diga caillíoidiaioi:

—¡Ie corai! ¡Ie corai! —daidíaioi.

Iemo Pilato daide:

—Maí íena uillánona omoi corai, mei íadi afémiemo fiénidífueña baiñédicueza, —daide.

⁷ Mei ie jira judíuái uai otíaioi:

—Caímo ite daa ocuica uai. Afedo afémie tíllena jitáirede, dama “Juzíñamui Jitódicue” ie daína jira, —daídíaioi.

⁸ Afena cacáillano Pilato jamánomo jacínaificaide. ⁹ Aillocomo nane jofu jaillano Jesumo jicánote:

—¿O ninó ímiedio? —daide.

Mei íadi Jesús jaca uaina ofede.

¹⁰ Jira Pilato daide:

—¿Cue uaina fairíoñedio? ¿Cuemo ite o tílle ríino onóñedio? ¿Cuemo ite o zuitalle ríino onóñedio? —daide.

¹¹ Jira Jesús uai ote:

—Juzíñamui omo íñenia, o cue ocuille ríino íñede. Ie jira omo cue fecáidino o jinomo afémaci íaifueredino, —daide.

¹² Afe llezícama Pilato, “Nie izói Jesús cue zuitalle” daínano, áfena jenode; mei íadi judíuái caillíoidiaioi:

—Afémie o zuitáadi, romano jamánomoidillaímamo nábairiñeitio. Naga illáimana íacadímie caifóidillaíma dibénedo éoidímiena jáite, —daídíaioi.

¹³ Mei jira áfena cacáillano, Pilato Jesuna otátate. Ie mei comini riire jicánoranomo Pilato ránazaide. Afeno hebreo imaci uaido Gabátana mameide. Jáímaci daína Empedrado, mei nófiaí ie finoina macáranona íllaza. ¹⁴ Jae pascua uícodirui jáiciri ítemo. Jira Pilato judíuaina daide:

—¡Benomo o illaíma ite! —daide.

¹⁵ Mei íadi afémaci caillíoidiaioi:

—¡Dama tíideza, oni ui! ¡Iena coraí! —daídíaioi.

Jira Pilato íaioína daide:

—¿Omoi illáimana córaiticue? —daide.

Jira lletáriraini illáicomini uai otíaioi:

—Jíáie illáimana caímo íñede; dama romano jamánomoidillaíma, —daídíaioi.

¹⁶ Afemona Pilato íena íaioímo ite, afémiena coráíllena. Mei jira íena uitíaioi.

Coráinafue

(Mt 27.32-44; Mr 15.21-32; Lc 23.26-43)

¹⁷ Iemo Jesús jino jaide. Ie coráílibici rocáoicaide Calavéramo; afe daííacade come ífócoraí. Hebreo imaci uaido daína Gólgota. ¹⁸ Afénomo íena coráidiaioi. Afe llezica nágafene jáímie íaillinoi coráidiaioi; Jesuna cígiide. ¹⁹ Pilato afémie mámece íbícimo cuetá ie coráínabícimo jóonetade. Afébícimo cueda daide: “Jesús Nazaret Imie, Judíuái Illaíma.” ²⁰ Aillo judíuái afe cuedábici facádotiaioi, Jesús coráínano jofue áinori illa jira. Afébici daámami comini uáillaído cueda, hebreo, griego, latín diga. ²¹ Ie jira judíuái lletáriraini illaíni Pilátona daide:

—Judíuái illaíma daíí cueñeno. Mei íadi “Judíuái illáimadicue daídímie” daíí cúeri, —daídíaioi.

²² Jira Pilato uai ote:

—Jae cue cuedáuai, dama daíí ite, —daide.

²³ Fuiríraini Jesús coraía mei, ie ínícuro llínuano cuatro fidi tizáruano fecáidiaioi. Afe izói ie caifóferoi llínuano “Iere núeraroí,” daídíaioi. Ua aferoi dájena tifoca, zotáinanona íñede. Caífona aná fuizájide. ²⁴ Jira fuiríraini conímana daídíaioi:

—Dama ite, cúatañeiticai. Bai ñue onótaraji cai dotalle bumo jíiteza, — daidíai.

Daií Cuegáuai daina fuitátataioi. Aféuai daide: “Cue inícuuro dani fecádiaioi. Afemo onótaraji dotádiaioi.” Jira mei fuiríraini daií finódiaioi.

²⁵ Jesús coráinabici áinomo ie ei ite afengo ebuño diga. Dáanomo Cleofas ai, María ite, María Magdalena ingo diga. ²⁶ Jesús ie eina cióillano, iere izíruiga llófuegamie diga, ie eina daide:

—Ei, batí o jítone como maméidimie ite.

²⁷ Iemo afe llófuegamiena ibana daide:

—Afénomo o eina como maméidingo ite, —daide.

Mei aféruillaído afe llófuegamie afengo ie jofomo ñue llínote.

Jesús tállafue

(Mt 27.45-56; Mr 15.33-41; Lc 23.44-49)

²⁸ Afe mei Jesús naga rafue fuitáinana fidide. Fídiano Cuegáuai fuitállena daide:

—Jirócadicue.

²⁹ Afe dinomo iciru rochírede vínona oruítaga rainaca. Ie jira jainoi fillicide raa afe rochíredijina riátataioi. Iemo razi ícoimo jóniano ie fuemo dutádiaioi. ³⁰ Jesús afe rochíredii jirode. Jíruano daide:

—Nana ja fuite, —daide.

Daina mei, ifo ana jíjicailla llezica tíide.

Fuiríraimie ie ducírirado Jesús ciraigi faitade

³¹ Ja pascua uócodirui. Judíuai ocózinallarui mo coráicano íaioi abi coráinabícimo fiébillana jítaiñediaioi. Bie ocózinallarui iere áillue. Ie jira Pilátomo jicádiaioi coráicano idai ditátallena. Iemona íaioi abi dinómone oni óllena jicádiaioi. ³² Jira fuiríraini jaillano nánoramie idai ditádiaioi. Jiáimie, Jesús diga coráicamie daje izóí íena finódiaioi. ³³ Ie mei Jesumo áinozillano jae tíidena ciódiaioi. Ie jira ie ídaina ditáñediaioi. ³⁴ Mei íadi fuiríraimona dáamie ducírirado ie ciraigi faitade. Iemona jainoi die diga tóide. ³⁵ Bifue llotímie áfena ciódimie. Uáfueña daide. Afe uáfueño uai nabaide, omoi daje izóí inollena. ³⁶ Aféfuiaí daií íficaide Cuegáuai daina ñue fuitállena. Afe uai daide: “Bu ie ícuruna dítañeitiaioi.” ³⁷ Jiáinomo Cuegáuai daide: “Íaioi bofécamieño éroitiaioi.”

Jesús raíáfomo jónetiaioi

(Mt 27.57-61; Mr 15.42-47; Lc 23.50-56)

³⁸ Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jácadimacimona, mei íadi judíuaina jacíruillano báinino jaide. Iemo Pilato faíríote; íemona José jaillano Jesús abi uite. ³⁹ Daje llezica nauí Jesumo naióna úrizabitímie, Nicodemo dúcide. Afémie treinta kilos dieze mérede zíochoa atide. Aféchoa mena zióredena ímuica. ⁴⁰ Daií José Nicodemo diga Jesús abi uillano, árerói iníroído ie abi junide. Aferói ziórena, mei diga zióredena fáigaza. Daií tíidino judíuai ráifrediaioi. ⁴¹ Jesús coraia ánorí ocózinairabiri íte. Dinomo daa comue raírafo, come nai ráiíñenafo íte. ⁴² Aféfomo Jesuna jóneaidiaillinoi, ánorí illa jira. Ua dinomo íena jónetiaillinoi, judíuai ocózinallarui tainéacana jira.

20

Jesús meine abido cáadimiēna jaide

(Mt 28.1-10; Mr 16.1-8; Lc 24.1-12)

¹ Semana nanóidiruido Magdalena ingo María jítiramoicana raiáfomo jaide, ua nai jítireoidemo. Dúciillano raiáfo ibaina nofici iñénana ciode.

² Ie jira aizícana jaide Simón Pedro illánomo. Dinomo jiáie llófuegamie Juan ite. Afémie iere Jesús izíruigamie. Iaillinoina daide:

—Jae raiáfomona cai Ocuíraima comini bairódiaioi. Ie íaioi jóniano onóñedicai.

³ Iemona Pedro jiáie llófuegamie diga jino jaillano raiáfo dine jáidiaillinoi. ⁴ Dájena aizídiaillinoi, íadi jiáimie Pedro baimo iere rairede; jira uícomo raiáfomo dúcide. ⁵ Ie abi ana jíjillano raiáfo eromo eroide. Eróillano juníllaroina ciode, mei íadi jofo jáiñede. ⁶ Iemo Simón Pedro afémie óodana dúcide. Dúciillano raiáfomo jofo jaide. Abi juníllaroi dno jóoinana nane ciode. ⁷ Iadi Jesús ifo ibáinaroi ie juníllaroi dáanomo jóoiñede. Afe ifo ibáinaroi jabínota oni eneno jóonega. ⁸ Iemo jiáie llófuegamie, raiáfomo uícodo dúcidimie, jofo jaide. Afe íinócafueña ciode. Cíóillanona áfemona íinote. ⁹ Mei Cuegáuai dáinana nai figo onóñediaioi. Aféuai daide:

“Jesús tíillanomona meine abido cáadimiēna jáite.” ¹⁰ Iemona afe llófuega íaillinoi jofomo jaide.

Jesús Magdalena ingo Maríamo cíocaide

(Mr 16.9-11)

¹¹ Mei íadi María jino raiáfo áinomo éecana ráiide. Eeia llezica abi jíjide raiáfo eromo éroillena. ¹² Dinomo mena Juzíñamui abi ímie íaillinoi ángeles daínamaci úzeroi jítádena ciode. Ua nauí Jesús abi illánori ráidiaillinoi; dáamie ifo illánori, jiáimie idaí illánori. ¹³ Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jónianona onóñedicueza, —daide.

¹⁴ Afe daína llezica afengo gírecaillano Jesuna ciode; íadi íena onóñede. ¹⁵ Jira Jesús jicánote:

—Ringo, ¿nibái éacadio? ¿Bu jenódio? —daide.

Afengo comeci facade, afémie afébirí úíñoraíma; jira íena daide:

—Íima, afémie oni jiáinomo jae o úiadi cuemo llone, meine cue uájilleza, —daide.

¹⁶ Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueráima.

¹⁷ Iemo Jesús daide:

—Cue abi jetáñeno iri. Cue Moo illánomo nai caífo jáiñedicueza. Mei íadi cue amatiaímo lluájiri: “Cue Moo illánomo, daje izói omoi Moo illánomo caífo jáitícue. Ua cue Juzíñamui, omoi Juzíñamui dine jáitícue.” Daí íaioímo lloiri, —daide.

¹⁸ Ie jira Magdalena ingo María llófuegamacímo lluájide. Afengo Ocuíraimana cíóillana llote, nana bie afémie aféngona daínáuai diga.

Jesús ie llófuegamacimo cíocaide

(Mt 28.16-20; Mr 16.14-18; Lc 24.36-49)

¹⁹ Aféruído, semana nanóidíruido afe naio llófuegamaci gairírdiaioi. Naze ibáillano judíuaina jacíruillamona itíaioi. Iemo Jesús jofe eromo cíocaide. Iaiói cigímo náidazaide. Iaiói uáiduano daide:

—Omoimo comeci caimare uái iri, —daide.

²⁰ Daií dainano, ie onoi, ie ciraigi diga íaioimo ácatate. Llófuegamaci íaioi Ocuíraimana cíóillano íóbicaidiaioi. ²¹ Iemo Jesús dáanomo íaioina daide:

—Omoimo comeci caimare uái iri. Moo cue ória izói daje izói ómoína óreitícue, —daide.

²² Afe mei íaioimo jágíilli fúunuano daide:

—Ñuera Joréñona mai omoi ono. ²³ Naga come ie fiénidino omoi fáicanocaiadi fáicanocaite; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana cíode

²⁴ Iadi Tomás, guarámiena maméidímie, doce dígamiedemona, Jesús cíocallaruido íñede. ²⁵ Ie mei jáíe llófuegamaci íena daide:

—Ocuíraimana ja cíódicai, —daidiaioi.

Mei íadi Tomás íaioina daide:

—Ie ónoimo ite boafe, puntilla meifo, cue cíóñenia, cue onocai aféfodo ñuitáñenia, cue onoi ie ciraigi méifodo ñuitáñenia, íñoñeítícue, —daide.

²⁶ Ocho dígamona íllamona llófuegamaci meine gairírdiaioi. Afe llezica Tomás afémaciri ite. Iemo jaca naze ibaica íadi, Jesús jofe eromo cíocaide. Iaiói cigímo náidajano uáiduano íaioina daide:

—Omoimo comeci caimare uái iri, —daide.

²⁷ Iemo Tomásna daide:

—Benomo o onocai ñúitaibi. Cue ónoimo éroi. O onoi cue ciráigímo ñúitaibi. Jáanocaiñeno iri. Ínori, —daide.

²⁸ Jira Tomás uai ote:

—¡Cue Ocuíraima! ¡Cue Juzíñamui! —daide.

²⁹ Jira Jesús daide:

—Tomás, ja cuena cíónamona íñotio. Jamánomo íóbidino cuena cíóñedino íadi íñotiaioi, —daide.

Bibénico nibái mei cuega

³⁰ Bífuiái baímo Jesús aillo jáíe cíofinina raa ie llófuegamaci uícori finode. Aféfuiái bibénicomo cúeñega. ³¹ Mei íadi ja bie llogáuai cuega, Jesús Crístonana omoi íñollena; daje izói afémie Juzíñamui Jítóna omoi íñollena. Ua jae cuega, omoi íñuamona cáaillino ómoimo ie mámeçido íllena.

21

Jesús siete diga ie llófuegamacimo cíocaide

¹ Afe mei Tiberias jorai fuédamo Jesús ie llófuegamacimo meine cíóbicaide. Bie izói cíocaide. ² Ie llófuegamaci dáanomo itíaioi. Dinó ite Simón Pedro, Tomás níímie jáífodo mameina Guarámie, Galilea jofue Caná ímie Natanael, Zebedeo jító íaillinoi, jáí mena llófuegamie diga.

³ Simón Pedro íaioina daide:

—Fácuaidícue, —daide.

Jira daidíaioi:

—Mai nana cai fácuaili, —daidíaioi.

Iemo nocáe eromo caifo jáidiaioi. Afe nairo chámuniaina oñédiaioi. ⁴Jítiramo monáiacademo, Jesús ja jorai fuédamo náidaide. Mei íadi “Jesús” daiñediaioi, llófuegamaci íena íaioi onóñena jira. ⁵Iemo Jesús daide:

—Omoi, ¿chamuna oñédiomoi? —daide.

Uai otíaioi:

—Jii, oñédicai, —daidíaioi.

⁶Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daií finódiaioi. Ie finuamona llóijina jáinoimona caifo zonónidiaioi, iere aillo chámuniái íllaza. ⁷Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús ite daínana cacáillano, ie jínofecuiro jítade, nauí duiñooca jira. Jítanona jóraimo tícacai de Jesumo jaillena. ⁸Jíai llófuegamaci chámuna oruítaga llóijina oni zocana nocaedo uitíaioi. Afe mei afémaci jorai fuédamo dúcidiaioi, nai are íaioi íñena jira. Afémaci cien metros dinó bai itíaioi. ⁹Eniemo dúciillano, chamu pan diga iraimo ruícana ciódiaioi.

¹⁰Jesús íaioina daide:

—Jae omoi oga chámuniaimona atiri, —daide.

¹¹Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáñede, nai aillo chámuniái illa íadi. ¹²Iemo Jesús íaioina daide:

—Mai omoi güizáibiri, —daide.

Llófuegamacimona buna ¿Búdio? daiñide. Afémie Ocuíraimana onódiaioiza. ¹³Ie mei Jesús ánozillano afe pan llíinota íaioimo fecade. Daje izói chámuna fecade.

¹⁴Daií Jesús tíllanomona meine abido cáadimiena jáillamona da-caiñoámani ie llófuegamacimo cíocai de.

Jesús Simón Pédro mo úrite

¹⁵Güilla méifodo, Jesús Pédro mo jicánote:

—Jonás jító, Simón, ¿baimaci baimo cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

¹⁶Jesús meine daánomo íemo jicánote:

—Jonás jító Simón, ¿cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiaí uíñori, —daide.

¹⁷Ja dacaiñoámani Jesús meine abido íemo jicánote:

—Jonás jító Simón, ¿cuena gáidio? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiaí o ecari. ¹⁸Uáfueña ona dáitícue, iere o jítócomena llezica, jaca o comeci jítaina izói iníroina jítafiredio. Daje izói nana o

jáiacananomo jáifredio. Mei íadi o eímaile llezica o onoi oni zítaitio, jíámie o inícuero jitátallena, daje izói jíámie o uíllena o jáiacañenanomo, —daide.

¹⁹ Afe dáinado Pedro nie izói tíitena Jesús daí onótate. Afe ie tílledo Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

Izíruiga llófuegamie

²⁰ Pedro gírecaillano Jesús iere izíruiga llófuegamie Juaana ciode. Afémie óodana bíllana ciode. Afémie nauí íraicaiño güilláruido Jesús abímo ráiidímie. Afémie, “Ocuíraíma, ¿bu o fecalle?” daidímie. ²¹ Pedro Juaana ciona llezica Jesumo jícanote:

—Ocuíraíma, ¿báimie nie izói iite? —daide.

²² Jira Jesús uai ote:

—Afémie cue billíruimo caadi cue óiacaia ¿ómona mei níbai? O cuedo bi, —daide.

²³ Jira Jesús jáináidinori taino daínáfuena fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daíñede. Fia dáideza, “Afémie cue billíruimo caadi cue óiacaia ¿ómona mei níbai?”

²⁴ Bímie llófuegamacimona aféfuiai uáfuena llotímie. Aféfuiai cuetímie. Afémie daina uai uáfuena onódicaiza.

²⁵ Jesús jíáie finócafuiái nai aillo ite. Nana aféfuiai dámierie cúeiadi jamánomo aillo rabénicuaína zúite. Ua níbai afe rabénicuai jónellino nániena báñeite. Jae nie.

JESÚS ORÉCAMACI FINÓCAFUIAI Los Hechos de los Apóstoles

Ñuera Joreño billifue uícodo llogáuai

¹ Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiái ie finócafuiái díga omo cueticue. ² Ua ie monamo jáillarui mo finócafuiái cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena. ³ Ie túlla meífodo, Jesús dáamie cómena íaiommo cíocaide. Cuarenta dígarui uáfori cíocafirede. Afe cíonanuedo ie cáanano ñue uáfueña daítate. Afe llezica Juzíñamui illáimana illíruido íaiommo úrite. ⁴ Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Te Ñuera Joreño ómoimmo fecáacade.” Afe fecállirui omoi úiñori, nauí ómoimmo cue llua izói. ⁵ Uáfueña Juan fia jáinoido báutizade. Mei íadi íanori íllamona Ñuera Joreño ótiomoi, —daide.

Jesús caifo monamo jáillafue

⁶ Jesumo gairíllano jicánotiaíoi:

—Ocuíraíma, ¿ua birui Israel nairai illáimaillena meine caimo itátaitio?

⁷ Jira Jesús uai ote:

—Moo afefue finóllirui ómoimmo ónonide. Dama afémiemo ríino afefue finóllena ite. ⁸ Mei íadi Ñuera Joreño ómoimmo bíadi, ríino ótiomoi. Iemona cuedo úrizaitiomoi, ua Jerusalem, nana Judea éniemo Samaria énie díga. Ua jamánomo jica ite itínuiammo llujítiomoi, —daide.

⁹ Daíí daina meífodo, nana íaiói éroillamo, afémi caifo ráiñuano monamo uiga. Iemo mona ero úillie íena ferínote. Iemona jaca íena cíónñediaíoi.

¹⁰ Jesús caifo jáidemo monamo eróioidiaíoi. Afe llezica mena come úzecuro jítada íaiói abimmo cíocaide. Juzíñamui abi íaillinoi.

¹¹ Daidíaillinoi:

—Galilea íñíai, ¿nibái mei monamo eróioidiaíoi? Dámie Jesús, afe ómoimona caifo úilliedo jáidimie, afémi ie jáillana omoi ciona izói daje izói meine ana biite, —daide.

Judas meífo méidollena Matías nizédiaíoi

¹² Ie mei Olivo ídumona oni jáillano abido Jerusalem bitiaíoi. Jerusalén ánori afe idu ite. Ua ocózinaillaruido macácana jailla daa kilómetro dieze izói ite. ¹³ Afe jófue mo dúcillano caifófecomo íaiói ífirenenemo jáidiaíoi. Bie íaiói mámeiaí: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, ñere Járidotimacimo dúidimie Simón, Santiago ama Judas. ¹⁴ Nana afémaci dáanomo gairífrediaíoi Juzíñamui úrillena. Afénomo Jesús ámatiaí gairífrediaíoi, ie ei María díga naa jíáie ringóniaíri.

¹⁵ Aféruillaido Pedro afe ámatiaí dainámaci cígiri caifo náidaillano úrite. Afe ámatiaí ciento veinte dígamiede. Afémacina daide:

¹⁶ —Amatiaí, Ñuera Joreño Cuegáuaimo Davido llote: “Judas meífo cai cígiri méidolle jítáirede,” daide. David cuegáuai uícodo llote: “Judas Jesús

lláitaitimaci ífoite.” 17-18 Mei jii, afe Judas dani cáimona. Bie cai táijina afémie dibénemo ite. Mei íadi afe meífodo cimoí cúinano ágüicaillano caifona ifo dinena éniemo baiíde. Baiíllamona ie jebe bójicaide. Afemona nana ie eromo itínuiái jino cocide. Afe mei ie fiénidifue iba úcubedo ja ie raillíbiri íbádiaioi. 19 Jerusalén itímaci áfena íaioi fidiáno, afébirina “Acéldama” jitádiaioi. Afe mámece íaioi uaido dibénedo “Die illábiri” dáiaicade.

20 Mei jírari Salmos íbénicomo daíí daide:

Daíí o jofo zóofefiteza

Buna afécomo íñeilleza.

Jíáífuedo daide:

Afémie táijina jíáima ólleza,

—daide.

21 Cai Ocuíraima Jesús nana cai diga illáruillaido cairi macádino birui cai cígimo itíaioi. 22 Jesús báutizaruimona, ie monamo jáillarui mo cairi jáicadiaioi. Mei jira afémacimona dáamie cai dájellena jitáirede, Jesús meine abído cáaillafuemo uai nabáillena.

23 Jira dainámacimona mena come oni naidánetaiaioi. Dáamie daámani mámeceirede: José Barsabás Justo. Jíáimie Matías. 24 Ie mei Juzíñamuimo úritiaioi; daidíaioi:

—Cai Ocuíraima Juzíñamui, nana comini comeci onódimiedioza. Bíailinoimona o nizécamié caimo onótari orécamié táijina finóllena. 25 Afe táijnamona Judas ie fiénidifue ícoinia oni baiíde. Baiíllano dama ie zefuinaillinomo jaide.

26 Iemo onótaraji dotádiaioi. Jae Matíasmo níjide. Afe llezicamona afémie once orécamiaimo dájena jáináicaide.

2

Ñuera Joreño billafue

1 Pentecostés irui ráfuemo jae dúcide. (Afefue güille jofo óinarui rafue.) Afe rafue dúcidemo jae nana dáanomo gairídiaioi. 2 Ie mei rairéfeicana minica izóí ficire monámona cácaicaide. Jairifo riire jáiñua izóí cácaicaide. Nana íaioi ráiinaco eromo cácaizaibite. 3 Iemona ífiaí izóí iráiciaí íaioimo cíocaide. Nana illa dígamierie íaioimo níjizai bitiaioi. 4 Afe llezica nana Ñuera Joreño úicaigaiáioi. Iemona jíáie náiraiaí uáillaído como úritiaioi; mei afe Ñuera Joreño íaioi úritade.

5 Aféruillaido Jerusalemo aillo judíuai náganuiaimona bitiaioi. Ua íaioi Juzíñamuimo jitáirede finóllífuaí finuaí bitiaioi. 6 Afe riire ficírenana cacáillano comini dáanomo ofídiaioi. Níie izóí comeci fácana onóñediaioi nágazie dani íaioi uáillaído íaioi cacana jira. 7 Abí fáigacaidiaioi; daidíaioi:

—¿Nana bie úirairini Galiléamona bitímaci; uáfueñede? 8 Nágamierie dani cai uaido íaioi úrillana ¿níie izóí cacáfiredicaí? 9 Benomo nágaziaí ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, 10 Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídiaioi. Bie románomana dáarie judíona jococa. Jíái romano imaci judíuai Juzíñamuimo ínuaufuena jeire otíaioi. 11 Afe llezica Creta imaci bitiaioi Arabia imaci diga. “Mei íadi Juzíñamui caimare llogáfuaí ñue finócafuaí diga, nágamierie dani cai uáillaído cacádicaí,” daidíaioi.

12 Nana fáigacaidiaioi. Iaiói comeci fácana onóñediaioi; jira jicánotiaioi:
—Nana bie caimo comuídifue, ¿ñie izói caina daiíacade? —daidíaiói.

13 Mei íadi jíáimaci íaiói uai áifeduardo daidíaiói:

—Bimaci jífáidiaioi, —daidíaiói.

Comínina Pedro dainafue

14 Ie mei Pedro once diga orécamaciri náidaillano comínimo riire úrite;
daide:

—Judea comini naa Jerusalemo itínuiari cácarei. Bie ráfueña omoi onoiri. Daiíticueza ñue omoi cacáreiri. 15 Bie íñiaí jífáíñedimaci omoi comeci faca ízoi. Jítoma nai fuiri daídimo. Jítiramo dibénemo comini jaca jífáíñidiaioi. 16 Bifue jíáfodo ite. Afe bifue uai lloraíma Joel jaiái uícodo llogáuái. Afémie daide:

17 Juzíñamui ómoína daide:

“Íraírullaído cue Joreño nana náiraíaina, jainói tua izói fáicanocaiñeno íaíoína úicaitaicue.

Omoi jítotíai jízatíai diga cuedo úritiaioi.

Jítócomini nicaído cónafuiai izói cíotiaioi.

Einamací ñuera nicaído nicáiritiaioi.

18 Aféruillaído cue Joreño cue táijitagamiaina naa cue táijitaga ringóniari ñue úicaitaicue.

Iemona cuedo úritiaioi.

19 Caífo monamo jacínaitadinona cíotaiticue;

Aféruimo ana éniemo onótajafueña fínoiticue.

Afe onótajafue díena cíotaite; iraina cíotaite, jamánomo irai úilliena cíotaite.

20 Afe monado jítoma jíreficaite, fui die izói jáite.

Daií íite caí Ocuíraíma Jesucristo billíruimo nai dúcíñena.

Afémie billírui iere ebíreitírui.

21 Nana Juzíñamui íaíoí canóllena íemo jícadíno jíllobicaítiaioi.”

Aquíe izói Juzíñamui Joeldo daide.

Iemo Pedro nai úrillano daide:

22 ‘Mei jí, Israel náiraí cue daiíllifueño cácarei. Nazaret ímie Jesús omoi uícori Juzíñamui ñue facácamie. Uafue aillo fáigatate ráaniaído ñue facátaga. Daií Juzíñamui omoi cígiri afémiedo finode. Aféfuiaína ñue fidídíomoi. 23 Mei íadi afémie omoi fecállíruimo maiáno uítá fatíomoi, Juzíñamui jaiái uícodo coméitífuiái onótafuiai diga daína izói.

Uafue fiénidimacido íena coráitíomoi. 24 Mei íadi Juzíñamui afe tílla cuinaca raa zuita izói, zúitano íena meine cáatate. Mei tíllafue jaca íena anáfenonide. 25 Mei illaíma David Jesudo úrillano daide:

Ocuíraímana cue uíecori cíófiredicue.

Afémie cue nabézimo izói ite, minícana cue jíacaiticue.

26 Ie jira cue comeci cámafueña iere ite, afe llezica cue fuemo ite cámafuiáido úriticue.

Afe jira daje izói cue íeizi ñue ocózinaitaicue, mei tíllamona meine cue abina cáatatio.

27 Mei jí cue joreñoña tíidinomo fiénocaiñeítio.

Afe izói o izíruga táijitagamie abí rifáillana ráiruitio.

28 Cáatatinomo jóoide ío cue llófuetio.

Cue diga o íllado, cámafueña cue oruítaítio, —daií daide David.

29 ‘Amatiai, cácarei. Cai jáiairagima David tíide raiga uáfodo onórede. Afe raiafo nai cai diga íteza. 30 Mei afe David uai llórama. Jaijai Juziñamui uícodo uafue llóllena ríifuedo íena daide:

—O emódoiziemona dáamie Cristoite. Afémie o illáimana illánomo ráinaite, —daide. 31 Jira daí David, uícomo ciona izói Cristo meine abído cáaillafuedo úrite. Afe izói daide:

—Cristo joreño tíidinomo fiébiñeite. Ie íeizi rifáillana rairuícaza, —daide. 32 Mei jii Juziñamui afe Jesuna meine abído cáatate. Aféfuemo nana cai uai nabáiramacídicaí.

33 Daí Juziñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llínnote. Llínwana nana bie omoi ciona, omoi cacana raa finode. Nana aféfuiai afémiemona bite. 34-35 Mei David monamo jáiñedimie, mei íadi dama David daí daína:

“Caifoide Ocuírama cue Ocuíramana daide:

—Cue nabézimo rainai, o éoidino cue anáfenollirumo, —daide.”

36 ‘Nana Israel nairai, mai comeci jizíñeno omoi onoiri: bie omoi coraica Jesús Juziñamui Ocuíramana itátate: Crístona itátate, —aci dinó Pedro daide.

37 Aféfuena cacáillano, iere comeci llícitagaiaíoi. Afemona Pédro mo jicánotiaíoi jáie orécamaci diga:

—Amatiai, ¿niie izói ñéiticaí?

—daídíaíoi.

38 Ie jira Pedro uai ote:

—Omoi illafue Juziñamui uíécomo meídori. Omoi nágamierie Jesucristo mámecido báutizatari. Omoi íaífuiai oni dófilleza. Daí Juziñamui ie Ñuera Joreño ómoína úicaiteza. 39 Afe bie uícodo llogáuai ómoie. Daje izói o jítótiaí ie. Daje izói nana jácarie itino ie; ua aféuai nana cai Ocuírama Juziñamui uáidogamací íena, —daide.

40 Aféuailaido dáanomo jáie uáillaido Pedro íaíoi lluano daide:

—Bie duere finóbitimacimona omoi jilloiri, —daide.

41 Mei daí afémie úrilla uaina jeire otino diga báutizagaiaíoi. Aféruído Jesumo ínotimacimo tres mil dígamiaí dáaziena jánacaidiaíoi. 42 Nana bimaci orécamaci llófuiafuemo jáicina jáidiaíoi. Afe daí conímamo ñue comécidiaíoi. Afe llezica Juziñamui úrífirediaíoi, ie mei gairíllano Jesús jae íraicaiño güilla izói finódiaíoi.

Nano fueñe ínotino illafue

43 Aféruillaido nana jáicaidiaíoi; mei aillo cíoraininafuiai naa onótate raa diga orécamaci finódiaíoiza. 44 Jae nana ínotino ñue dájena itiaíoi, íemona íaíoi ráaniaí conímamo jeruñeno ífirediaíoi. 45 Mei jii íaíoi illábirí jáie ráifide raa diga fecádiaíoi. Fécanona afe úcube nágamiaí imaci jitailla izói jofo conímamo fecáfirediaíoi. 46 Nágaruillaido gairíracomo gairídiaíoi. Iaíoi jófuemo pan fécano dáanomo cámafuedo, comeci mánainafuedo güítiaíoi. 47 Juziñamui íobitaoidiaíoi. Afe llezica nana comini afémacimo ñue comécidiaíoi. Afe daí cai Ocuírama nágaruido afe ínotimacimo jáie jilloizaíbitimaci dáamacina itátate.

3

¹ Jiáiruido jitoma ana ítemo Pedro Juan diga gairíracomo jáidiaillinoi. Afe Juziñamuimo comécido úrioina llezica. ² Nágaruillaído jocóinamona aidaima dinomo ífirede. Ie comini gairíracomo íena úifrediaioi. Uillano afémiena nazemo ie ráinaifrediaioi, jofó jáioidinomona dúecaillano fecaca úcube jicállena. Afe naze mámecei Ebíredize. ³ Aidaima Pedro Juan diga gairíracomo jofó jáillana cíollano dúecaillano fecaca úcube íaillinoimona jicade. ⁴ Mei jira Pedro Juan diga íemo érocaidiaillinoi. Pedro íena daide:

—¡Caimo éroca!

⁵ Iemona afémie náicaide. Comecei anado daide: “Nibái minícana cue iite.” ⁶ Iemo Pedro íena daide:

—Cue úcubenicue; óronidicue; mei íadi cuemo ítena o íiticue. Nazaret ímie Jesucristo mámeceido náidacai. Maca, —daide.

⁷ Iemo Pedro onoi nabézido íena naidánete. Afe daií finua llezica ie idai mairíbicaide, ie idácoiñuai diga. ⁸ Iemona aidaima caifo tícacai. Caifo náidaillano macade. Afémie íaillinoi jofó gairíracomo jaide. Tícatíacana jaide. Juziñamuimo íóbitaioide. ⁹ Nana comini ie mácana cíodiaioi. ¹⁰ Aferi iere jacinaificaidiaioi naa abi fáigacaillafue diga, afémie daií náidacaillari. Afémiena onódiaioza. Afémie Ebíredize mámeceiredizemo ráifiredimie, gairíracomo úcube jicáfiredimie.

Pedro comínimo Salomón jinófenemo macáranomo llófuete

¹¹ Jíllotaga aidaima Pedro Juan diga íaillinoi níjiniicaide. Aféfuere fáigacaillano nana comini gairíraco dibénemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi. ¹² Pedro áfena cíollano comínina daide:

—Israel nairai, cácarei. ¿Omoi minícari fáigacaidiomi? ¿Nibái mei cócomo erózaibitiomi? Bie ima dama coco ríinodo jíllotano macátaticoco, nibái daií comécido daidiomi. Daje izóí coco Juziñamuimo ñue comécinafuedo afefue finódicoco, daií nibái cócona comécido daidiomi. Iadi aféfuiaído finóñedicoco. ¹³ Mei íadi jáífodo joide. Cai jáiairagima Abraham, Isaac, Jacob diga, íaioi Moo Juziñamui ie Jitó Jesumo baímo ñuefuena nitade. Afe Jesús ríimacimo omoi fecácamie. Pilato ie zuitáacana llezica áfena ráiruitiomi. ¹⁴ Aféruído jaícina nífuenidimie zuitátajana jicáñediomi, mei íadi jáífodo jicádiomi. Come fatímie zuitátatiomi. ¹⁵ Afe daií cáatino fecádimie titádiomi. Mei íadi Juziñamui afémiena tíllanomona meine abido cáatate. Aféfuemo uai nabáiraímadicoco. ¹⁶ Bie dáamie Jesús mámeceido, ie mámeceimo ínuafuedo omoi ciona, omoi onoiga aidaima jae mairíbicaide. Afe Jesumo ínuafue íena ñue jaícina jíllotate, omoi uíe como cíocaidimie illa izóí.

¹⁷ ‘Amatíai, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomi. Uáfueña omoi finócafueña onóñenano finódiomi. ¹⁸ Mei íadi Juziñamui ie uai lloráimado uicodo daina uai bie izóí fuitade. Aféuai daide: “Ie Cristo duere zefuállifue jítaírede.” ¹⁹ Mei ie jira omoi mácafuiái méidori. Omoi illafue Juziñamuimo ñue jaícina jóneri. Omoi íaífuiaí oni muíñólleza. Iemona cai Ocuíraíma Jesús caina cánuafuiái mánainaruillaí izóí caimo orérede. ²⁰ Aféruimo nano uíecodo ómoiena mamécamie Jesucristo Juziñamui óreite. ²¹ Mei íadi birui Jesucristo monamo fiébirede, Juziñamui naga rafue jaícina nai jóoneíñeilleza. Afe daií jaiáidiruillaímo ite ñuera uai lloráini daidiaioi.

22 Mei daí Moisés cai jáiáiragimana daide: “Cai Ocuíraima Juzíñamui omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daináfuiái jeire omoi óiri. 23 Mei afe uai lloráima daínana jeire onédino Israel náiraímona oni táinocaite. Uáfueña íficaite.” Daí daide Moisés.

24 Mei daí nana uai lloráini, Samuélmona batine ite lloráini diga bie írairuillaído úrite. 25 Juzíñamui ie uai lloráinido úcodo daináuailái ja birui ómoiri jino llotátaga. Juzíñamui cai jáiáiragimacimo ibana ñuera raa finóllifue llote ñue omoi íllena. Afefue Abrahamo llote. Daide, “Nana énie nairái o emódomo comuídinodo ñue caimare ífícaítiaíoi,” daide. 26 Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamíiai ie íaífue fáicanocaillena, —daide.

4

Pedro Juan diga ríiredino uíecomo uiga

1 Pedro Juan diga nai comínimo úrioidemo, lletáriraini gairíraco úíñotino illaíma diga bitíaíoi. Daje llezica saduceo comini bitíaíoi. 2 Pedro Juan diga comini llófuetiaillinoi. Iaióina daide: “Comini tíllanomona cáatafue Jesudo ácataga.” Daí llófuiari como bitímaci ríicaidiaíoi. 3 Iemona íaillinoína llaitádiaíoi. Lláitano íaillinoína llavéracomo jítiramoidiruiamo íbáidiaíoi, ja nauzáilla jira. 4 Mei íadi aillo afe úrillauai cacáдино íñotiaíoi. Afena íñotímaci dani íñíai facádua cinco mil áinomo dúcide.

5 Afe jáíruimo Jerusalemo judíuai illaini, éinamaci, naa ocuífue llófuerainiri gairídiaíoi. 6 Afe llezica afénomo lletáriraini illaíma Anás ite. Afe daánomo ite Caifás, Juan, Alejandro naa lletáriraini illaini comíniri. 7 Iemo Pedro Juan diga atítatiaíoi. Atiano íaíoi cígimo naidáneta jicánotiaíoi:

—¿Nie ríinodo bífuiái finódiomícoi? ¿Bu mámecido bífuiái finódiomícoi?

8 Mei jira Pedro, Ñuera Joreño úicaigamienaza daide:

—Nairai illaini, Israel éicomini, omoi cácarei. 9 Mei afe baie íraredimíemo como finoca ññuefueña jicánotiomoí. Mei ñie izói afémie jíllotaga daí daidíomoi. 10 Mei jira omoi uíecomo jino uáfodo llóitico, nana Israel nairái fidíillena. Afémie omoi uíecori Nazaret ímie Jesucristo mámecido, omoi coráicamie mámecido íocire ite. Afe coráicamie (Jesucristo) tíllanomona Juzíñamui meine abído cáatate. 11 Bie Jesús omoi jofo níraini oni dotaca jofocai izóidímie. Mei íadi afecai uálliraina jáizaide. 12 Nie jáímíemo jíllonafue íñede. Jesucristo jáíe daíítade jíllotaraimana caímo íñede, afémiedo cai jílloillena. Ua nana éniemo daíítade jíllotaraimana íñede, —jaca dinori Pedro daide.

13 Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiaillinoi íllana fídia llezica, íere fáigacaidiaíoi, jamámieillinoi illa jira. Iemona ríimaci bíaillinoi Jesudo macáдино daí íaillinoímo úbicaidiaíoi. 14 Afe emódomo jíllotaga aidaíma dinomo íaillinoi abiri naídaide. Ie jira aféfuena jáanoicana daínide. 15 Mei jira gairídinomona íaillinoína oni orédiaíoi, dani jofo conímamo íaíoi úriacana jira. 16 Daidíaíoi:

—¿Bie íima íaillinoína nie izói ñéitícaí? Mei jí, nana Jerusalemo bitino bie cíórainina onótate raa íaillinoi fínuafueña onódiaíoi; mei aféfuena

jáanonidicai. ¹⁷ Mei íadi mai íaillinoi cai jácidolle, afefue comínido jamánomo jalléñellena. Afedo íaillinoina ráruiticai, Jesús mámecido ja benónoma batine úriñellena, —daidíai. —

¹⁸ Mei jira íaillinoina júritiaioi. Íaillinoi dúcidemo ocuúdiaioi:

—Jesús mámecido jii mai due jiza úriñeno iri. Afe daí llófueñeno iri, —daidíai. ¹⁹ Mei íadi Pedro Juan diga uai ote:

—Juzíñamui uiecomo níifue baimo ñuena comeci omoi faca: omoína ñue cai cacárellena, nibai jíáifo Juzíñamuina ñue cai cacárellena. ²⁰ Mei jii cai cionafue cai cacánafue diga aféfuemo úrillana fáicanidicai, —daide.

²¹ Mei jira ríimaci íaillinoína jácidotiaioi. Ie mei íaillinoína zuitádiaioi. Íaillinoi duere finóllifue baiñédiaioi; nana comini afe finua jira Juzíñamuimo íobioidiaioiza. ²² Afe cíoraininafuedo jíllotaga aidaíma, afémiemo cuarenta fimona baimo ite.

Ínotino méaicaiñenafue comeci ríino diga jícadiaioi

²³ Pedro Juan diga íaillinoi zuitaina mei íaillinoi nabáiñiai íllánomo jáidiaillinoi. Dinomo afémacimo nana lletárraini íllaini éinamaci diga íaillinoína dáinana llotíiaillinoi. ²⁴ Aféfuena cacáillano nana dánomo Juzíñamuimo úritiaioi. Daidíai:

—Cai Ocuíraíma, O Juzíñamuina; mona, énie, monaillai naga ráaniairi finódimiedio. ²⁵ O Ñuera Joréñodo, o táijitagamie Davido daidío:

¿Nibái mei náiraiai caillíoidiaioi?

¿Nibái mei comini táinofuíaímo comeci facádiaioi?

²⁶ Enie íllaini Juzíñamuina ie Cristo diga anáfenuaíbitiaioi.

Daje izói jofue íllaini Juzíñamuimo ofídiaioi ie Cristo diga áfede afémiemo fuiríllena, —daide.

²⁷ Uafue bie jófuemo Herodes, Ponico Pilato diga o nífuenide Jitomo fiene gairídiaioi. Afénomo jícanemaci Israel comíniri fiene gairídiaioi, mei íadi omo jaináidimie Jitó ílláimana ja jáitatio. ²⁸ Afe fiene íaioi gairíllafuedo nana o uícomo uaido finócafuaímo dánana finódiaioi. Afe daí ífcaillena jítaíretadio. ²⁹ Cai Ocuíraíma Juzíñamui, mai birui cai íaioi jáciduamo eroi. Jae o táijitagamacidicai. Afemona ñue méaicaiñenafue caímo fecari, o úrillauai jino jáicaiñeno cai llóllena. ³⁰ Afe llezica omo ite ríinodo comini íaioi dúicomona ñue jíllotari. Afe izói o nífuenide Jitó mámecido cíorainina onótate raa finori, —dinori daidíai.

³¹ Juzíñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úcaigaiaioi. Iemona Juzíñamui úrillauai méaicaiñeno jino llotíai.

Ínotimaci íaioi ráaniaína jeruñeno “Nana caie” daidíai

³² Afe aillo íraica ínotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioímo ite. Buna afémie ráaniaína “Dama cueie” daíñede, mei íadi nana comini íaioi ráaniaína “Nana caie” daidíai. ³³ Orécamaci Ocuíraíma Jesús cáanafuemo aillo ríinodo uai nabáioidiaioi. Juzíñamui nana comínina iere caimátaitade. ³⁴ Íaioi cígiri jítairedena ráanidimie íñede. Nana íbácana énieredino jofóredino diga áfeniai fécano afe oga úcube atídiaioi. ³⁵ Atiano orécamacimo izájidiaioi. Iemona orécamaci nágamiériemo íaioi jítaina dieze fecádiaioi. ³⁶ Afe izói íaioi cígiri Leví ízie ímie finode. Afémie mámecí

José. Monáillai zafedu Chípremo jocócamie. Orécamaci íena jíáie mámecina jitádiaioi. Afe mámecei Bernabé daína Fíradímie. ³⁷ Afémie ie illánie fecade, fécano afe iba úcube orécamacimo izáibite.

5

Ananías Safira diga finoca íaifue

¹ Mei jíáimie Ananías, ie ai Safira diga, daa illánie fecádiaillinoi. ² Bímie nano baa nieze úcubena jeruide. Jíáie dájeze úcubena nana ñue ite ízoi orécamacimo izájide. Aféfuena ie ai nana ñue onode. ³ Jira Pedro íena daide:

—Ananías, ¿ñibái mei Taife o comécina féitate, Ñuera Joréñomo taino o llóllena? ¿Ñibái mei o illánie nano nieze feca iba úcubena abimo maiñódio, daí jífueridio? ⁴ ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Ñibái mei daí afe finóllena comeci facáδιο? Comínimo taino lloñedio, mei íadi Juzíñamuimo taino llotio, —daide.

⁵ Ie jira áfena cacáillano, Ananías éniemo baiíllano tíbicaide. Nana afefue fídiaibitino iere jacínaitiaioi. ⁶ Mei jira nano ba niga jitócomini bite. Ie abi jabínota ie raiájidiaioi.

⁷ Afe mei tres horas íllamona Ananías ai jofu bite. Nai ie ini tíllana fidíñede. ⁸ Jira Pedro jicánote:

—Cuemo llone, ¿afe ómicoi daína dieze afe énie fecádiomico?

Jira afengo daide:

—Jii, áfeze.

⁹ Jira Pedro daide:

—¿Ñibái mei dáafueritiomico, Juzíñamui Ñuera Joreño o ico facátallena? Jino batí o ini raiájidino bitíaioi. Jabe daje izói ona úitiaioi.

¹⁰ Afe llezica afengo Pedro anamo baiíllano tíbicaide. Jitócomini jofu billano afengo tíllana cíozai bitiaioi. Mei jira jino uillano ie ini abimo íena raiájidiaioi. ¹¹ Nana Juzíñamuimo ínotino nana aféfuina fidídimaciri iere jacínaitiaioi.

Aillo cíorainina raaniai onótate raa diga

¹² Aféruillaido comini cígiri orécamaci aillo onótate raa, cíorainina ráaniai diga finódiaioi. Nana Salomón jinófenemo macáranomo gairídiaioi. ¹³ Buna jíáimacimona íaioi diga daane gairíllana jacíruitiaioi; mei íadi comini íaioimo ñue izire comécidiaioi. ¹⁴ Aillo comini íñiaí ringóniaí dájeze Ocuíraíma Jesucrístomo ínuaibitiaioi. ¹⁵ Uafue jamánomo ínotiaioi. Mei jira iráredino jofu abi íuemo, naa íaioi bíralluaíri jino bíródiaioi. Afénomo Pedro áfedo jaille llezica afémacimona nano dámierie, Pedro jana anamo itábicaítiaioi. Afedo jílloztiaioi. ¹⁶ Afe llezica aillo ánomo ite jofue comini Jerusalemo bitíaioi. Íaioi iráredinuiaí atídiaioi fiénide jóriaído áfedogamací diga. Nana jíllotagaiaioi.

Ríimaci illaini Pedro Juan diga duere finóllena llaitátatiaioi

¹⁷ Iemona lletáriraini illaíma, afémieoiri ite saduceo imaci iere úradozaidiaioi. ¹⁸ Ie jira orécamacina llaitada afe jófueimo ite llavéracomo íbáizaidiaioi. ¹⁹ Mei íadi Juzíñamui abi ímie naio llavéraco naze tuizáibite. Jino íaioi uánona daide:

20 —Gairíracomo omoi jai. Dinomo naidáillano comínimo nana bie comeci cáataite uáillaído úrizairi, —daide.

21 Aféfuena cacáillano, afe jáírui monáidacademo jofó gairíracomo jáidiaioi. Jáillano llófuiaide.

Afe llezica lletáriraini illaíma afémiemo itínori, Nahíllaini gairíranomo gairídiaioi. Afe Nahíllaini Israel nairai éicomini. Gairíllano llaveca orécamací atítatiaioi. 22 Mei íadi llavérraini llavéracomo dúcillano orécamacina baiñédiaioi. Daa fia afefue abído lluíbitiaioi. Daidíaioi:

23 —Llavéraco ñue riire ibaide naa naze jinófene úínotinori eróediaioi baizájidicai. Mei íadi cai zuitádicaimo afeco eromo buna iñena, —daidíaioi.

24 Aféfuena cacáillano lletáriraini illaíma, gairíraco úíñoraini illaíma, íemo nanoide lletárirainiri ifo júdaizite; jicánotiaioi:

—¿Bífuiai ninomo jica jálleite?

25 Afe llezica daa íima daízaibite; íaioina daide:

—Llavéracomo omoi íbaicogamíai jae gairíracomo comini llófuetiaioi, —daide.

26 Iemona úíñoraini illaíma naa llavérrainiri íaillinoi uájidiaioi. Mei íadi duere finóñeno íaillinoína atídiaioi, “Comínina nófiena cai níjite” daínano jacírúitiaioi. 27 Íaillinoi átianona, Nahíllaini uícomo íaillinoína naidánetaioi. Iemo lletáriraini illaíma íaillinona daide:

28 —Afe mámecido ómicoi llófueñellena jamánomo riire rairuídicaí. ¿Ja minica finódiomicoi? Nana Jerusalén comínimo ómicoi llófuiafuiai jica jalleide. Afe llezica afe íima tílla ícoínia caimo nitácadíomicoi, —daide.

29 Mei jira Pedro jáíe orécamací diga uai ote:

—Juzíñamui uai jeire cai olle comini llogáuai baímo ñuera. 30 Cai jáíairagíma Juzíñamui Jesuna tíllamona cáatate. Bie Jesús coráirabicímo agúínetá omoi fagámie. 31 Juzíñamui caífo monamo uano nabézimo íena rainade. Afe llezica afénomo Illáimana jónete. Dáanomo Jíllotaraimana jónete. Daí Juzíñamui Israel náiraímo íaioi illafue méidóllirui jónete, íaioi íaífuiai dóllena. 32 Aféfuemo uai nabáiraímadicai. Daje izóí Ñuera Joreño aféfuemo uai nabaide. Nana ñue cacáredímacímo afe Ñuera Joreño Juzíñamui iga, —daide.

33 Aféfuena cacana llezica, ríicaidiaioi. Íaillinoína fáiacadiaioi. 34 Mei íadi ríimaci cigíri fariseo ímie ite. Afémie mámecí Gamaliel. Afémie ocuífue llófueraíma. Nana comini íemo ñue comécidiaioi. Afémie náidaillano ocuide:

—Nano dáallegoi bimaci oni jáínomo ui, —daide. 35 Afe ifodo ríimacina daide:

—Israel comini, cacai. Baimácímo omoi finóllifue abí omoi rairuiri. 36 Jáífuemo omoi úbicairi. Naui nígarui íllamona Teudas dúcizaibite. Dúcillano daide: “Jamánomoidímiedícue. Illáimaitícue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide. 37 Afe mei comini mámecí cuiájillaruímo, Galilea ímie Judas dúcizaibite. Aílo comini íedo jáidiaioi. Daje izóí íena fatíaioi. Afe izóí nana íedo jáidino ráidozinaidiaioi. 38 Ie jira bimácina omoi fáicanocai; afémacina áifedoñeno. Mei bifue ííñiai íeza, fuizájite. 39 Mei íadi Juzíñamui ífue,

táinocaitanidiomoi. Abi omoi rairuiri, Juziñamui diga omoi fuirízaiñelleza, —daide.

⁴⁰ Nana jae jiéruificaidiaioi. Mei jira orécamaci júritiaioi. Iaioi dúcinamona íaioina zechénotiaioi. Afe meífodo Jesús mámeçido úrillana íaioina rairuídiaioi. Afe mei íaioina fáicanocaidiaioi. ⁴¹ Orécamaci ríimaci uícomona jino jáidiaioi. Ióbioicaidiaioi, mei Juziñamui íaioimo ñue comeci facáoillaza. Jesudo jaináinamona méaifuedo duere zefuídiaioi. ⁴² Ie mei nágaruido Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiaidiaioi.

6

Juziñamui uai llotino canórainina siete dígamie mámeçiga

¹ Aféruillaído ínotino aillo jebuíoidiaioi. Griego imaci judío imácina zúucaillafuedo jitádiaioi:

—Nágarui güille fécanomo cai fecínguai figo iñégaiaioi, —daidiaioi.

² Mei íemo doce diga orécamaci nana ínotinori dáanomo iráidiaioi. Iaioina daide:

—Juziñamui úrilla uai jino llófueredicaí. Afena cai fáicanocaillena dani omoi güille cai fecállena figóñede. ³ Mei jira, ámatiai, omoi cígimona siete dígamie nize. Nana comínimona ñue coméçidimie izóidena jitaide. Ñue onódimiena jitaide. Ñuera Joreño úcaigamiena daje izói jitaide. Ie mei daiítadimíai güille fecárainina mai jóoneri. ⁴ Mei cai dani Juziñamuimo comeci facáoiticaí. Afe llezica Juziñamui úrilla uaido llófueiticaí.

⁵ Nana aféfuemo ñue coméçidiaioi. Iemona Ñuera Joreño úcaigamie Esteban nizédiaioi. Afémie Juziñamui uaina iere ínofredimie. Daje llezica jáimíai nizédiaioi: Felipe, Prócoro, Nicanor, Timón, Parmenas, Antioquía ímie Nicolás, nauí nano afémie judíuai íaioi ínoga uaimo dáafueriacadimie.

⁶ Ie mei orécamaci illánomo afémacina atídiaioi. Atia mei orécamaci íaioimo onoi bítano Juziñamuimo úritiaioi. Afedo güille fecárainina mamécaiaioi.

⁷ Iemo Ocuíraíma Jesucristo úrilla uai comínido oni móonaioicaide. Jerusalem ínotino aillo jebuídiaioi. Afe llezica aillo judíuai lletáraini aféfuemo ínotiaioi.

Esteban llaitádiaioi

⁸ Esteban Juziñamui izói ríinoredimie Juziñamui ézicigamie. Ie jira comini cígimo aillo ciórainina raa onótate raa diga finode. ⁹ Ie jira Rairuíñegamací llófueriraco ímíaimona dáarie Estébamo como fueñe ie finócafue júfiduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfiduaidiaioi. ¹⁰ Mei íadi íena anáfenonidiaioi. Ñuera Joreño íemo iga úrillana fibíllafuedo úriteza. ¹¹ Ie jira taino lloraini íbajidiaioi. Afémacina llotiaioi:

—Mai omoi daiíri: “Esteban Moisená Juziñamui diga fiénidiuaina dánana cacádicaí,” —dai daiítatiaioi. ¹² Aféfuemo comínina éinamací diga fáillifaillíñeitadiaioi, daje izói ocuícáfue llófueraini. Iemona cirínuano íena llaitádiaioi. Lláitano Caifóidillaini uícomo íena uitiaioi. ¹³ Afe izói taino uailai nabáiraini jenódiaioi. Afémaci daide:

—Bímie cai ñue rairuírede gairíracomo báíñuano fáicanocaitañede. Jaca báíñofirede, daje izói ocuícáfue. ¹⁴ Afémie dánana cacádicaí. Afe daina

daide: “Baie Nazaret ímie Jesús afe gairíraco júdaitaite. Moisés caimo iga finóllifuiái meídotaite,” —daií daidíaiói.

¹⁵ Iemona ríimaci naa dinó ráiedinori, Estébamo eróillano, ie uiéco Juzíñamui abi ímie uiécona eróidena cióidiaiúi.

7

Esteban abi ie ríiduafue lloste

¹ Mei jira lletáriraini illaíma Estébamo jicánote:

—¿Meita nana bífuiái uáfuiái?

² Jira afémie uai ote:

—Ñue coméide ámatiai, móotiai diga, cue úrillamo cácarei. Cai ebíredinoredímie Juzíñamui cai jaiái nanóidímie Abrahamo cíocaide. Ua Abraham Mesopotamia éniemo illa lezica, afémie nai Haramo jaiániñena lezica, ³ Juzíñamui íena daide: “O illánie fiénocai naa o comíniri. Afemona omo cue llole éniemo o jairi.” ⁴ Mei jira Abraham Caldea éniemona oni jaide; jáillano, Harán jófuemo nano nie dino ite. Dinomo ie moo tilla. Iemona Juzíñamui Abraham afe bie omoi illíniemo atide. Ja birui aféniemo itíomoi. ⁵ Mei íadi níie feci raana nai afémie Juzíñamui íena íñede. Afe izói due jiza ie macálliniéna íemo fecáñede. Mei íadi Juzíñamui uícomo uáfueña daide: “Bie énie óieite. O tilla meífomo o jítótiai íeite.” Mei íadi aféruillaído Abraham nai jítónide. ⁶ Nane dáanomo Juzíñamui íena daide: “O uícoidigima jáímaci éniemo onínemaci izói íítiaíói. Dinomo afémaci rairuícamacai izói íítiaíói. Dinomo cuatrocientos fimona duere finólliaíói,” daide. ⁷ Mei íadi nane dáanomo Juzíñamui daide: “Omoi rairuícamacina finódizie íaíói fiénidifuiái cue jicánolle mei, afémacina duere zefuítaiticue. Ie meífomo o comíni afénomona oni jáitiaíói. Oni jaillano, bíniemo cuemo ñue caimare tájizaíbitiaíói,” daide. ⁸ Juzíñamui Abrahamo daínáuai íbana finóllifue lloste. Afe lezica ie jítótiai bacano icoi quetállena ocuúllado afe finóllifue uáfueña onótate. Ie jira ie jitó Isaac jócua mei ocho dígarui íllamona, Abraham ie jitó bacano icoi quetade. Daje izói Isaac ie jitó Jacobona finode. Afe izói Jacob nana ie jítótiaína finode. Afe jítótiai Israel doce diga nairai moona jáidiaíói.

⁹ ‘Bie Jacob jítótiai cai nánoragimaciai. Afémaci ie ama Josemo úradoidiaíói. Afemona afémiena fecádiaíói, Egipto éniemo úillena. Mei íadi Juzíñamui Joseri ite ie canóllena. ¹⁰ Nana ie zefuínailamona zuitade. Ñue úrillana fibíllafue íemo ite. Faraón uícomo ñue coméidimiena Juzíñamui Josena itátate. Afe Faraón Egipto nahíllaima. Afe Faraón Josena Egipto jabóllaimana mamede. Afe lezica daje izói dama Faraón jofo illáimana mameca.

¹¹ ‘Iemona júbietaillafue nana Egipto éniemo baite aillo zefuínailafue diga. Daje izói Canaán éniemo ite. Ie jira cai móotiai güillenidiaíói. ¹² Mei íadi Jacob Egíptomoo trigo íllana fídiano afénomo ie jítótiai orede. Afémaci cai jáiairagima. Bifue íaíói fueñe güille uájillafue. ¹³ Ie mei dáanomo nane jáidiaíóimo, José ie ámatiai ie abina onótate. Afe lezica José ie ámatiai Faraómo cíotate afémie íaíoiña onóillena. ¹⁴ Iemona José ie moo Jacob naa ie comíniri atítate. Afémaci setenta y cinco dígamiede. ¹⁵ Afe daií íaíoiño íficaide Jacob Egíptomoo jaiánillena. Dinomo afémie tíide; daje izói afénomo cai jáiairagimamona dárie tíide. ¹⁶ Afe meífodo íaíói ícuruai Siquém

illánomo uitá raíájdíaiói. Afe dinomo Hamor jitótíai mona Abraham ie comíni ícuruai raillínuai íbade. Jira afénomo raíájdíaiói.

¹⁷ ‘Jaiai ninomo Juzíñamui Abrahamo uire ñue íaiói íllena ríírede uaido uáfueña llote. Afe úicodo daínauai fuizáíllíruí áinoziacademo, Israel nairai Egíptomo ñue jebuídíaiói; ua íere áíllue náiraina jáidíaiói. ¹⁸ Afe llezica Egíptomo jíáie Faraón illáimaizaide. Afémie Josena onóñede. ¹⁹ Aféllaíma cai náiraina jífue; cai jáíairagímacina duere finode. Cai como jococa úruiaína zóofetade íaiói tíllena. ²⁰ Aféruillaído Moisés jococa. Afémie ie dúeza lláruimona Juzíñamuina íóbitade. Afe izói ie moona ie ei díga íóbitade. Afe íaillínoí daámáni fíuí jofomo íena móonaitadiáíllínoí. ²¹ Mei íena zóofetaruí dúcinamona Egípto illaíma nahí jiza íena abímo ote. Afengo jitó izói afézana comúitate. ²² Ie jira afe Moisés Egípto comíni nana onóígafueña llófuegamie. Iemona ie daínauaillai ríírede. Afe izói afémie finócafúíai jamánomoide. ²³ Ja afe mei cuarenta fimona illa llezica, Moisés ie nairai israelita comíni méíñuaíacade. ²⁴ Afénomo Egípto ímie Israel náiraimona dámie duere finóinana Moisés cíozaide. Ie jira Moisés ie nairai ímie rííduai billano Egípto ímie fate afe íba óllena. ²⁵ Moisés comécido daíde: “Cue ámatíai israelita comíni Egíptomona fáicanocaíllí fue onódíaiói. Ua Juzíñamui íaiói cuedo fáicanocaitafueña fídídíaiói,” daíde. Mei íadí áfena fídíñediaói. ²⁶ Afe jítiramoidíruido Moisés Israel ímíiaíllínoí fúíríenaíllana cíode. Íaíllínoí fúíríllafueña llícaítaacanano íaíllínoína daíde: “Omícoí daje ámadiomícoí. ¿Níbái conímána duere finódíomícoí?” daíde. ²⁷ Ie jira nabai duere finódímie Moisés oní ñuídade. Oní ñuíta mei íaíllínoímona dámie Moísená daíde: “¿Bu o cai cígímo illáímana jóonegao? ¿Bu cai fíénídí fue jícanoraímana jóonegao? ²⁸ ¿Nauri Egípto ímie o faaja izói biruí cuena fáíacadio?” daíde. ²⁹ Daí daínana cacáíllano, Moisés botade. Bótano Madián éníemo jaide. Dinomo jícanémie izói íte. Afénomo mená jítórede.

³⁰ ‘Cuarenta fimona méífomo, Moisés amena figo íñénazícímo mácajide. Sinaí ídu ánomo íte. Afénomo Juzíñamui abí ímie boode íázaífedínamo cíocaide. Afe írai bóodínomo cíocaide. ³¹ Afena cíonamona Moisés jabo fáigacaide. Afena ñue cíóíllena áfemo jofó áinozide. Áinozillano Ocuíraíma Juzíñamui úrillana cacade. Afe uai daíde: ³² “O nánoídímací Juzíñamuidícue. Ua Abraham, Isaac, Jacob díeze Juzíñamuidícue,” daíde. Jira Moisés jágíeri cuidírícaide. Iemona daánomo áfemo eróíllana jacírúite. ³³ Iemona Ocuíraíma Juzíñamui íena daíde: “O eiba íco dúíño, benó o naídáíllano cue íllaza jamánomo ñúenoza. ³⁴ Cue comíni Egíptomo duere zefuíllana cíódícue. Íaiói eehe cáíllíana cacádícue. Jira ana íaíoína zúítaíbitícue. Jira cue daínana cacai. Egíptomo ona óreítícueza,” daíde.

³⁵ ‘Ja nano fueñe nana comíni Moísená jámairuítaíaiói. Íena jaíai daízaidíaiói: “¿Bu illáímana mamécao, caímo jícanoraímana o íllena?” Mei íadí bóodínamo cíode Juzíñamui abí ímíedo Juzíñamui Moísená zúítaitímíena orede, íaiói illáímana. ³⁶ Jira Moisés cai jáíairagímací Egíptomona jíno baíródímie. Afémie bie éníemo cíórainína raa onótate raa díga finódímie. Afe izói jíáírede Monáíllímo cíórainína daínamona comuíde raa finode. Afe izói cuarenta fimona íllamona zaféredízícímo íaiói illa llezica cíórainína raa finóírede. ³⁷ Afe dáamie Moisés Israel comínína daídímie: “Juzíñamui daní omíoi ámatíaimona uai llóraímana ómoímo óreíte, cue íe óría izói. Afémiemo jeire omíoi oírí.” ³⁸ Afe Moisés zaféredízícímo comíníri ítímie. Afe Moisés Sinaí ídumo ítímie. Dinomo

Juzíñamui abi ímie íemo úrizabíte. Afemona Moisés cai jáiairagimamo aféuai jino llotímie. Afe Moisés cáatatuauillaí llínnote, afe uáillaina caimo fiénocaillena.

³⁹ ‘Mei cai jáiairagimaci íemo cacáreacañediaíoi. Iena ruifíruillano, meine Egipto mo jáiacadiaíoi. ⁴⁰ Jira Aarona daidíaíoi: “Cai uícodo ífoite juzíñamuillaina caimo finóllena jitáidicai. Baie Moisés Egipto éniemona cai otímie, íemo itífuenta onóñedicai,” daidíaíoi. ⁴¹ Ie jira juráreto jiza jana finódiaíoi; jáie rílleniaí fatíaíoi afe jízato jánaraina finócamo fia fecállena íena ióbitallena. Mei íaíoi ónoído finoca raamo caimátaíoidiaíoi. ⁴² Ie jira Juzíñamui íaíoi mona oni jaide. Afemona Juzíñamui íaíoi na fiénocai de mona úcuaimo íaíoi comeci facáoillena. Mei daíí uai llóraini rabénicomocuegáuai daide:

¡Israel comini, omoi cacai!

¿Cuarenta diga fimona íllamona zaféredizicimo rílleniaí fatíomoi cuemo fia fecállena?

⁴³ Ieñede. Jáífodo finódiomoi.

Taino juzíñamui Moloc ráicaillacoji abimo máíñuano úioicaídiomoi.

Afe llezica jáie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca ióbitalle jánarai.

Ie jira omoi éniemona omoi otá Babilonia batífenemo ómoína óreitícue, daide.

⁴⁴ ‘Cai jáiairagimamo Juzíñamui gairíracocite. Afénomo nofícomo cuega ocuica uallaí éenotiaíoi. Afe gairíracocite Juzíñamui Moísemo ocuilla izóí niga. Nano fueñe Juzíñamui íena daide: “O ciónacocite omoi cue ácata izóí o nitátari,” daide. ⁴⁵ Cai jáiairagimaci afe gairíracocite feci raa izóí llínnotiaíoi. Ie mei Josué diga bitinocite jáie nairai énie báirua llezica afecocite atídiaíoi. Afe éniemocite itínuiaí Juzíñamui oni jiude, íaíoi meífomocite íe comini íllinocite finóllena. Afecocite daíí dinomocite íte David ílláruillaído. ⁴⁶ Illaima David Juzíñamuina ióbitade. Iemona Juzíñamui afe Davidna canófirede. Aféruillaído íe jáiairagimocite Jacob ínoga Juzíñamui íllinocite nitátaíacade. ⁴⁷ Mei íadi íe jitó Salomón Juzíñamui jofocite uai nitátatímie. ⁴⁸ Mei íadi jamánomocite caífoíde Juzíñamui, comini ónoído niga gairíracuaimocite ífnide. Afe izóí uai lloraima daide:

⁴⁹ Caífo bie mona uai cue ílláimana ráirano izoide.

Ie mei bie énie cue ídai bitáoinanie izoide.

¿Ñíie izóídicocite cúeíena nitátatíoi?

¿Nee cue ocózinairano?

⁵⁰ ¿Ua meita nana bie ráaniaína cue ónoído finódicocite?

Jíí finódicocite, —daíí Ocuíraíma Juzíñamui daide.

⁵¹ Naí Esteban afémacimocite úríocai de. Daide:

—Mei íadi omoi comeci jaca Juzíñamuina rairuífirede. Juzíñamuina onóñedicimaci izóí jefónidiomoi. Juzíñamuimocite comecíñedicimaci diomoi. Ñuera Joreño llétafue jaca jeire oñédiomoi. Omoi jáiairagimocite izóidimaci diomoi. ⁵² ¿Ua meita omoi jáiairagimocite nñ uai llórainina duere finódiaíoi? Nana íaíoi na duere finódiaíoi. Nñ fígomie bíllana uícodo llotínona titádiaíoi. Afe fígomie jae dúcide. Iena fécanocite fatíomoi. ⁵³ Omoi Juzíñamui abi ímíiaído llogámaci diomoi, mei íadi ñue cacáreñediomoi, —daíí dinorí Esteban daide.

Esteban tíllafue

⁵⁴ Aféfuiaina cacáillamona, rícaidiaioi. Estébamo fuedo gugúricaidiaioi.

⁵⁵ Mei íadi Esteban Ñuera Joreño úcaigamie. Afe llezica monamo érocaide. Dinomo Juzíñamui ebírenafuena ciode. Afe llezica Jesús Juzíñamui nabézimo naidáinana ciode. ⁵⁶ Ie jira daide:

—¡Ero! Mona túinana ciódicue. Nanoide Hima Jitó Jesús Juzíñamui nabézimo naidaide, —daide.

⁵⁷ Mei íadi afémaci jefo ibáidiaioi. Rírerie caillíoicana illíñana íemo caízaidiaioi. ⁵⁸ Jófueмона oni uitá nófiena ie níjidiaioi. Níjidino íaioi emódodiroillai jítócome Sáulona maméidimiena úíñotadiaioi. ⁵⁹ Nai ie íaioi níjia llezica, Esteban Juzíñamuimo úrillano daide:

—Ocuíraima Jesús, cue joreño oni llino, —daide.

⁶⁰ Ie mei ana dújullano, ríire caillide. Daide:

—¡Ocuíraima! Bie fiénidífue ícoinia bimácimo jítáñeno iri, —daide.

Daí daina meífodo túbicaide.

8

Saulo Jesudo gairirani racade

¹ Fatímaci izóí Saulo afémacimo comécioide.

Aferuimona Jerusalemo ite Jesudo gairirani duere finóllena como fueñe judíuai jénuaidiaioi. Ie jira nana ínotimaci Judea énie fuédado ráidoizítiaioi; daje izóí Samaria éniédo. Dani doce dígamie orécamací Jerusalemo fiébitiaioi. ² Iemona Juzíñamui raana duéruitimaci Esteban raíájidiaioi. Ieri aillo éediaioi. ³ Afe llezica, Saulo gairiramacina nai racáide. Nágacuaído jenode. Afécuaimona íñiaí ringóniaí diga jino zónuano íaioina llavétate.

Jesucristo ñuera uai Samárimo llujidiaioi

⁴ Ja birui Jerusalémona oni jáiredino, Cristo jíllonafue íaioi jáillanuaimo llujidiaioi. ⁵ Afémacimona dámie Felipe Samaria jófueмо jaide. Dinomo Cristo ráfuedo íaioimo úrizaide. ⁶ Afe comini gairillano Felipe dánamo ñue cacáreidiaioi. Felipe finoca ciórainina onótate ráaniaí ciódiaioi. ⁷ Mei jira aillo fiénide jóriaimona jíllotagaiaioi. Afémacimona fiénide jóriai caillícana oni jaide. Afe llezica aillo tizitaimiaí aidáimaiaí diga jíllotagaiaioi. ⁸ Aferi afe jofue comini iere caimátaoidiaioi.

⁹ Mei íadi dáamie Simona mámeciredimie afénomo ite. Afémie úcoidiruillaído aimana jaide. Afe jofue comini jífue. “Jamánomoidimiedicue” daífiredimie. ¹⁰ Nana comini jabóidinomona ua nahíllaimamo dieze íemo iere cacáreidiaioi. Daidíaioi:

—Bímie caifoide Juzíñamui ríinona igámie, —daidiaioi.

¹¹ Iere are ie aimánafuedo afémacina jífue; ie jira íemo jeire otíaioi. ¹² Mei íadi Felipe Juzíñamui illáimana illíruí uai Jesucristo mámeceí diga, íaioimo llote. Aféuailaina cacáillano afemo ñue ínotiaioi. Híñiaí ringóniaíri dájerize ínotiaioi. Inuano báutzagaiaioi. ¹³ Afe dama Simón inuano báutzaga. Iemona afémie Felipe nabaina jaide. Afémie Felipe finoca áillue ciórainina raa onótate raa diga, áferi fáigacaide.

¹⁴ Jae Samaria comini Juzíñamui úrillauai jeire otíaioi. Afe íaioi jeire uáfueña Jerusalemo ite orécamací fidídiaioi. Fídiano afénomo Pedro Juan diga orédiaioi. ¹⁵ Dúciillano Samárimo ite ínotinori Juzíñamuimo jicádiaioi, Ñuera Joreño íaioi llínollena. ¹⁶ Mei afémacimona nímiemo

Ñuera Joreño nai biñede. Dama Ocuíraíma Jesús mámeçido báutizaga.
 17 Afemona Pedro Juan diga íaioimo onoi bitade. Iemona daií Ñuera
 Joreño úicaigaiaioi.

18 Orécamací bimácimo onoi bitamona Ñuera Joreño bíllana Simón ciode.
 Ciónamona úcube orécamié íaillinoimo íoicana
 19 daide:

—Jadíe ríino cuemo ine. Afe izói nie cómemo cue onoi cue jóneadi Ñuera
 Joreño íemo bílleza, —daide.

20 Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo íbárede
 daidío; daií comeci facádío. 21 Bífueмо o dúiñedio. Bie coco táijñafueмо
 jaináñedio, o comeci jaícina Juzíñamuimo jóoiñena jira. 22 Bie o fiénidifue o
 fáicanocai. Juzíñamuimo izire o jicari o fiéni comécido daínafue iba omo
 óñeilleza. 23 Ja onódicueza o comeci fílliru izói eríredeza. Afe íaifuiaido
 cuinácamié izói itíoza.

24 Jira Simón uai ote:

—Ocuíraímamo cuedo jicari, nana o cuena daínáfuiaimona dafue
 cuemo níjñeillena, —daide.

25 Afénomo Crístomo ñúefue nitádiaioi. Daje izói Juzíñamui uáillaído
 úritiaioi. Ie meífodo, orécamié íaillinoi Juzíñamui jíllolluái aillo Samaria
 duera jófuiaimo llófuiaidiaillinoi. Ie mei Jerusalemo meine bitíiaillinoi.

Felipe Etiopía ímiemo úrite

26 Afefue meífodo Juzíñamui abi ímie Felípena daiízaibite:

—Náidacaillano, fuiri batí Jerusalema Gaza jófueмо jóidido o jairi, —
 daide.

Afe zaféredizicido jóidío. 27 Iemona Felipe náidacaillano áfeodo jaide.
 Dinomo uieçodo jaide Etiopía ímie éidajide. Afémie illaíngo abi ríimie.
 Afémie Etiopía illaíngo Candace úcube úiñoraíma. Afe llezica afémie
 óinima. Naui uicodo afémie Jerusalemo Juzíñamuimo cáimadauide.
 28 Afémie abido ie éniemo jáizaide. Ie caballo zonóicaiga ráiralloicimo
 ráicana Juzíñamui uai lloraíma Isaías cuegáuai facádote. 29 Afe llezica
 Ñuera Joreño Felípena daide:

—Jadíllóicimo áinozillano afénomo nabairi, —daide.

30 Ainozillano, Felipe afémie Isaías cuegáuailai facáduana cacade.
 Iemona íemo jícanote:

—¿O facádoga uaina meita onódío? —daide.

31 Jira afémie uai ote:

—Cuemo jino llóitimie iñédeza, ¿nie izói ónoiticue? —daide.

Iemona Felípemo caifo ie diga dáanomo ráiillena jícade.

32 Juzíñamui Cuegáuaimona afémie facádoga uai áfena daide:

Oveja izói tíizaillinomo uiga.

Oveja jiza abi cuidódino uieçomo úriñedimie izói táide,

afe izói afémie jaca níífuedo úriñede.

33 Afémie iere jámairuigamie; jaícinaidifueña íemo rairuídíaioi.

¿Ie ñue illáfuedo mei bu úrille?

Mei ie cáajano bie éniemona niné táinocaide, —daide.

34 Jira illaíngo abi ríimie Felípemo jícanote:

—Cuemo llone, ¿bumo úrite uai lloraíma? ¿Ñibai dama íemo úrite? ¿Ñibai jáimiemo úrite? —daide.

³⁵ Jira Felipe afémie facádoga Cuegáuaimona Jesús úrillauai íemo jino llote.

³⁶ Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidícue? —daide.

³⁷ Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínotícue, —daide.

³⁸ Iemona jáiralloici moziñota ille diné jáidiaillinoi. Dinomo Felipe ie báutizade. ³⁹ Illémona ari abído jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíõñede. Mei dama ie éniemo caimare jaide. ⁴⁰ Felipe nane Azoto jófuemo cíocaizaide. Dinómona naga jófuedo jíllonauai llócade. Ua ba Cesarea jófuemo fuizájide.

9

*Saulo comeci jáífodo méiduafue
(Hch 22.6-16; 26.12-18)*

¹ Afe llezica Saulo Jesumo ínotinona fáiacanafuedo úrioido. Ie jira lletáriraini illáimamo jicánuaide. ² Daide:

—Llavétallibiaína cue ine, Damasco jofue gairíracomo cue jáilleza, Jesús uaimo ínotino cue jénuailleza. Afemona íñiaí naa ringóniari maitá Jerusalem o cue atílleza, —daide.

³ Mei nai iodo jailla llezica, Damasco jófuemo áinozidemo, monámona bite úzefo nágafene ie abímo úzere egáíñocaide. ⁴ Iemona Saulo éniemo baíde; baílla llezica Jesús íena dáinana cacade:

—Saulo, Saulo, ¿ñibái mei cue racáido? —daide.

⁵ Mei jira Saulo uai otá jicánote:

—Ocuíraíma, mei o ¿búdio? —daide.

Jira aféuái ote:

—Cue Jesúsícue. Dama o racácamedícue. Aillue juráreto zaitáacademo jáiredizimo jiide. Afe izói ízitagamedio. ⁶ Mei íemona Saulo jágieri cuidíde; daide:

—Ocuíraíma, ¿ona nie izói finóredícue? —daide.

Jira Ocuíraíma uai ote:

—Náidacaillano baie jófuemo mai jofo jái. Dinomo o finóllifuena omo llóitiaioiza, —daide.

⁷ Sáulodo jaide comíni aféuaina cacádiaioi íadi mei buna cíõñediaioi. Aferi iere jacínaitaioi. ⁸ Ie meífodo Saulo éniemona caífo ráinacaillano, érocaide. Mei ui botáicaide íadi éroinide. Mei jira daí ónoído jainátacana Damasco jófuemo íena uitíaiioi. ⁹ Dinomo daruíamani uina cíõñede. Afénomo minícana güñede, jiróñede.

¹⁰ Afe Damasco jófuemo ínotimie Ananías illa, níimieemo Ocuíraíma nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraíma, benó itícue, —daide.

¹¹ Jira Ocuíraíma íena daide:

—Náidacaillano, Deréchana mámecirede iodo jairi. Dinomo Judas jofomo jicánori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzíñamuimo úrite ¹² Ie úrioina llezica nicáirilla izóidedo ie uimo onoi bitáibitímie, Ananías mámeciredimien a ciode; áfemona nane ie ui ñue cioite, —daide.

¹³ Afe uaina cacáillano Ananías daide:

—Aillo comini baie ímana cuemo llotíai. Afe llezica omo ñnotinuiamo nana Jerusalemie ie fiene finócafui cuemo llotíai. ¹⁴ Ja birui afémie benomo bite. Lletáiraini illaini llavétallibiai diga bite nana o mámecido jicáfiredino maitá úillena, —daide.

¹⁵ Jira Ocuíraima daide:

—¡Mai jai! Afe ímana jae cue nizeca jáie náiraime cuendo úrillena naa íai. ¹⁶ Afémie aillo cue náiraime llóite. Afémie aillo cue ícainia duere zefuillana íemo ácataicue, —daide.

¹⁷ Iemona Ananías Saulo illácomo jaide. Jofe jáillano íemo onoi bitajano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoilena ocuide. Afe dáanomo afémie Ñuera Joreño ona cue úicaitallena cuena daide, —daide.

¹⁸ Afe daí dainamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutzatate. ¹⁹ Afe meífodo güillano, ie riino meine comúate. Afe mei nano nígarui Damáscómo ite ñnotinori fiévide.

Saulo Damasco jófue jino llófuerite

²⁰ Ie meífodo Saulo garíracómo jino llófuerizaide. Afénomo daide: “Jesús Juzíñamui Jitó.” ²¹ Nana afémiemo cacádino fáigacaillano daidíai:

—¿Ua meita bie nímiende, nauí Jerusalemie Jesús mámecido jicáfiredino racádimie? ¿Ñíie nauí benomo bitímie lletáiraini illainimo cai maitá úillena? —daidíai.

²² Mei íadi Saulo jamánomo riire jino llófuerite. Jesús Crístonana jino uafodo cíotate. Mei jira Damáscómo ite judíuai Saulo ífona íritagaíai.

Saulo judíuaimona jillode

²³ Diga iruillai jailla meífomo, judíuai dáanomo comeci fácana Saulo fállena maméritiaí. ²⁴ Mei íadi aféfuena afémie fidide. Naa mona naio diga jofue jino jáirazemo úiñoidiaí ie fállena. ²⁵ Mei íadi ñnotimaci áillue cirígaimo íena jóonetaí. Jóoniano afe jofue jinófene cirínuailla jinomo naio íena agúinetiaí. Afe daí afémie botade.

Saulo Jerusalemie illafue

²⁶ Saulo Jerusalemie dúcillano, Juzíñamuimo ñnotinori garíracade, mei íadi nana afémien a jacíruitiaí. Afémie ñnogafuena nai jeire oñédiaí.

²⁷ Mei íadi Bernabé íena uáidote. Iemona orécamiame íena ácatajide. Afemona Saulo iomo Ocuíraimana cíonafue íaioimo llote. Ie mei Saulo Damasco cominimo méaicaiño Jesús mámecido úrillafue íaioimo llote.

²⁸ Jira Saulo Jerusalemie diga irui ite. Dinomo ñnotimaci diga macácaide.

²⁹ Ocuíraima mámecido méaicaiño úrite. Griego uaido úritino judíuaimo úrite. Conímamo jicánua uai ua daí úrite. Iemona ie fállena mamédiaí.

³⁰ Jáie ámatiaí afefue fídiano, Saulo Cesaréamo uitiaí. Dinómoma Társomo íena orédiaí.

³¹ Ie meífomo nana Judea éniemo ite Jesús mámeçido gairídino fírazitiaioi. Ja íaioi íinogafuemo caimare náireoicaidiaioi. Afe izói Galilea éniemo Samaria énie diga ite ínotino fírazillamona riire náireoicaidiaioi. Ocuíraima Jesús ñúefueri jácicaidiaioi. Ñuera Joreño íaioi cánuamona jebuíoicaidiaioi.

Eneas jae jllotaga

³² Pedro jáie ámatiai uáiduauilla llezica, daje izói Lida jófuemo ite ínotino éroizaide. ³³ Dinomo Enéasna maméidimiena cíozaide. Afémie ocho diga fimona bíramo biide ie tízitailla jira. ³⁴ Iena Pedro daiízaide:

—Eneas, Jesucristo ona jllotaiteza. Náidacaillano o bíra ñue fino, —daide.

Afemona Eneas raire jllobicaide. ³⁵ Lida jofue nairai aféfuena nana cíodiaioi naa Sarón náirairi. Iemona jaiái nano íaioi íinogafuiaí fáicanocaillano Ocuíraima llogáfueмо ínotiaioi.

Dorcas tíide meine abido cáanafue

³⁶ Aféruillaído Jope jófuemo ite ínotingo. Afengo mámeçi Tabita. Afe mámeçi griego uaido Dorcas. Afe ringo ñúefuedo jácade. Jitáidinona canófirede. ³⁷ Aféruillaído afe Dorcas iráreizaide. Iemona tíide. Ie abi jócua meífodo oni caifóidicomo jónetiaioi. ³⁸ Lida áinori ite Jope. Aféruimo Pedro afénomo nai ite. Ínotino afénomo íllana fídiamona, ménamie orédiaioi íena daiíllena:

—Jópemo jizíñeno raire biri, —daide.

³⁹ Iemona Pedro afémie íaillinoído jaide. Pedro dúcinamona, Tabita abi jóoinanomo íena uitíaioi. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tifócacuiruai íemo ácatatiaioi. Emodo íroillai naa jáie iníroillairi íemo ácatatiaioi. ⁴⁰ Afécomona Pedro nana jino íaioi orede. Ie mei caiñici ífodo dújuillano Juzíñamuimo úrite. Tíidingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédroмо érocaillanona caifo ráinade. ⁴¹ Onoído líinota ie caifo naidánete. Afe mei ailli jino oreca fecíngotiai íemo ámatiai dainámaci diga abido jírrite. Iemona afengo caade íaioimo izájide. ⁴² Afefue nana Jope jófuemo jállecaide. Iemona aillo comini Ocuíraimamo ínotiaioi. ⁴³ Afe mei Pedro diga iruí afe jófuemo fiévide. Igorai ídiai jinítaraima Simón jofomo ífirede.

10

Pedro Cornelio uáiduafue

¹ Afe Cesarea jófuemo Cornéliona maméidimie ite. Afémie fuíríraini áillogüelli illaima. Afe áillogüelli mámeçi Italiano. ² Afémie naa dama ie comíniri Juzíñamuimo comeci fácajano caimare úrite. Afe llezica Juzíñamuimo ñue jacíruioides. Daje izói aillo úcubena judíuaimo fecáfirede íaioi canóllena. Iemo Juzíñamuimo nágaruí úrifirede. ³ Ie mei daaruí jitoma ana ítemo nicáirilla izói cíode. Afe nicai anado Juzíñamui abi ímie uáfodo cíode. Afe abi ímie jofu Cornelio illánomo jaide; jáillano íena daide:

—¡Cornelio! —daide.

⁴ Cornelio afe Juzíñamui abi ímiemo jacíruioicana érocaillano jicánote:

—Ocuíraima, ¿bie minica?

Iemona abi ímie íena daide:

—O jicánua Juzíñamui jae jeire ote. Daje izói jitáidino o cánuafuiaina jeire ote. ⁵ Mei jira Jope jófue mo íñiaí ore, Simón jírizaillena. Afémie jiáifodo mameina Pedro. ⁶ Afe Pedro jiái Simón igorai ídiaí jinítaraíma. Afémie jofo monáillai fuédamo ite. Afe Simón Pedro o finóllifue omo llóite, —daí daide.

⁷ Afe íemo úrite Juzíñamui abi ímie jáidemo, Cornelio mena táijitagamie jírrite. Ie mei ie abi ímiáimona daa ñúefue mo ínofirede fuíriraíma jírrite.

⁸ Nana Juzíñamui abi ímie íemo llogafue llua meífomo Jópemo íaioina orede.

⁹ Afe jítiramoidiruimo, nai afémaci iodo jailla lezica, Jópemo áinozidaímo, Pedro jaiciri illa lezica jofo emodo ibánimo Juzíñamuimo úrizaide. ¹⁰ Aillo jufínailamona güíacade. Mei íadi nai güille íaioí fnua lezica, nicáirilla izoide ciode. ¹¹ Afe nicai anado mona tújicaillana ciode. Afénomona áillue iniroi izóidena nágafene zicai ícoínoga ana éniemo agúinana ciode. ¹² Afe agúínega iníroimo naga táide ríllenai ite, jaióniaí féedinuiaí diga. ¹³ Iemona daa uai dánana cacade:

—Pedro, náidacaillano fatá rii, —daide.

¹⁴ Jira Pedro uai ote:

—Jii, Ocuíraima, ríñeiticue. Bácaca ríllena jaca ríñédicue. Daje izói íáirede ríllena ríñédicue naa rairuica rille diga, —daide.

¹⁵ Afe uai nane dánomo íena daide:

—Naga Juzíñamui dogá izói finoca rilleza íáire maméñeno iri, —daide.

¹⁶ Afefue dacaiñoámani íemo íficaide. Ie meífomo afe iniroi meine abido monamo jaide. ¹⁷ Nai Pedro afe nicáirillafue mo comeci facáoido. “Afe cue cíonafue nie izói daíacade,” dáidemo, Cornéliomona orécamiáí nazemo náidazaíbitiaíoi. Simón jofo jicánotiaíoi. ¹⁸ Dúciillano aillo uaido jicánotiaíoi:

—¿Simóndimie bicomio ite? Afémie jiáifodo mameina Pedro, —daíiaíoi.

¹⁹ Nai Pedro nicáirillamo comeci facáoidemo, Ñuera Joreño íena daide:

—Cacai, damieámani o jenódiaíoi. ²⁰ Náidacaillano ana billano jizire úríñeno íaioido jai, mei cue omo orécamiáiza, —daide.

²¹ Mei jira Pedro jofo emódobanimona ana billano Cornelio orécamací, nazemo náidaidinona daide:

—Cue omoi jenócamiedicue. ¿Nibái mei bitíomoi? —daide.

²² Jira afémaci uai otíaíoi:

—Hlaíma Cornelio cai ória jira biticaí. Afémie ñúefuena nitácamié. Afémie Juzíñamuimo ñue jacíruioide. Nana judíuaí íena ñue llínotiaíoi. Iena iere izíruiatíoi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro billeza.” Jira o uáíbiticaí. Dinomo Cornelio íena o daíacallifuena cácaite, —daíiaíoi.

²³ Ie jira Pedro jofo íaioina ote. Afe naio ie diga fiébidiaíoi. Afe jiáiruido Pedro afémaci diga jaide. Afe lezica Jópemo ite ámatiaímona íena nabáioicadiaíoi.

²⁴ Afe jiáiruido Cesaréamo dúcídiaíoi. Dinomo Cornelio íaioina úíñote. Afénomo billena ie llogámaci ie comínimona, ie gaíga nabáíñiaímona dánomo gairídiaíoi. ²⁵ Afécomo Pedro dúcia lezica, Cornelio jino íena llíinuáibite. Jino billano Pedro anamo dújude, ie cáimadollena. ²⁶ Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

²⁷ Nai afémie diga úrioina llezica, jofo jaide. Jáillano aillo gairídinona cíoizaide. ²⁸ Jira Pedro daide:

—Jae onódiomoi, judío ímie ie ínuafuiaido jiáizie ímie diga nabáirinide. Daje izói ie jofomo jaille rairuírede. Mei íadi Juzíñamui jae cuena llófuete. Buna jiáimana comécina íáiredímie daíñide. Daje izói rofócredímie jiáimana daíñide. ²⁹ Ie jira orécamiiai cue jírilla llezica nie izói daíñeno jarire bitícueza. Mei jira nibái mei cue uáidotioza onócadicue, —daide.

³⁰ Ie jira Cornelio uai ote:

—Jae nagaamarui jáidemo, afe bie daje hóramo, benó cue jofomo güíñeno iticue. Aféruimo jítoma ja ana ítemo Juzíñamui comece faiticue. Comece faiano quenírede inícuro jítáoidímie cuemo cíocaide. ³¹ Afémie cuena daide: “Cornelio, o jicánogafuiaina Juzíñamui cacade. Afe llezica jítáiredinomo o cánuafuiaimo Juzíñamui comécide. ³² Jope jófuemo ore Simón uájillena. Afémie jiáifodo mameina Pedro. Afémie jiáie Simón jofomo biruido ite. Jiáie Simón igorai ídiai jínitaraima. Ie jofo monaillai fuédamo ite. Pedro dúcia o diga úrizate,” daide. ³³ Daí raire ona jenótaticue. Jira o bille ñuera. Birui nana benomo Juzíñamui uícomo iticai. Nana Juzíñamui omo llotátagauai caimo o daíllena cacácadicai, —daide.

Pedro Cornelio jofomo llófuezeza

³⁴ Jira Pedro ja úrillano daide:

—Ja birui Juzíñamui jiáimana daa úradotatañedeza onódicue. ³⁵ Mei íadi nizíemo itino íeri jáicaillano ñúefuedo úritinona Juzíñamui íaioina llínofirede. ³⁶ Israel cómogimacimo Juzíñamui úrite. Jesucristodo comece caimare uái illafue íaioimo llote. Afémie nana nairai Ocuíraima. ³⁷ Nana judío éniemo comuídfuena ñue onódiomoi. Juan Bautista jino llujáilla mei, comini báutizailla meífodo afefue Galiléamo como fueñe taineca. ³⁸ Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuídinona ie jíllotafuiaina onódiomoi. Aféfuiaina daí finode Juzíñamui ie diga jáicana jira. ³⁹ Nana Jesús judío éniemo finócafuiái uai nabáiraímacidicai. Daje izói Jerusalén jófuemo ie finócafuiái uai nabáiraímacidicai. Ie méifomo cruzmo íena coráiano íena titádiaioi. ⁴⁰ Mei íadi Juzíñamui daruíamani íllamona abido íena cáatate. Ie mei afémiena caimo cíocaitade. ⁴¹ Nana comínido cíocaitañede mei íadi dani caimo cíocaide, Juzíñamui uícomo nizeca uai nabáiraímacidicaíza. Afe mei afémie tíllanomona meine abido cáanamona ie meífomo, afémie diga güíticai; ie diga jiródicai. ⁴² Afémie Jesucristo rafue jino comínimo caína llotátate. Afe izói jiáífue caína ua nabáiritade. Afefue daide: “Juzíñamui afe Jesús tíidino cáadino diga íaioi fiénidifuiái jicánoitímiena ocuide. Cai aféfuemo uaina nabáitagamacidicai.” ⁴³ Daje izói jaiai ninómona nana uai lloraini Jesudo úritiaioi. Daidíaioi: “Nana afémiemo ínotino íaioi íáiredifuemona ie mámecido ñue dófocaitiaioi,” daidíaioi, —daide.

Judíuainéidino Ñuera Joreño como fueñe úicaigaiaioi

⁴⁴ Nai Pedro úrioina llezica, ie úrillauaimo cacáreidímacimo Ñuera Joreño nana íaioimo ana bite. ⁴⁵ Jira Pédrodo bite ínote judíuai fáigacaidiaioi.

Ñuera Joreño judíuainēdinomo daje izóí úicaigafueri fáigacaidiaíoi. ⁴⁶ Jae jíáizie uáillaído íaiíoi úrillana cacádiaíoi. Afe llezica Juzíñamui íaiíoi íóbioinana cacádiaíoi. ⁴⁷ Mei jira Pedro daíde:

—¿Birui bu mei ráiruille bimaci báutizallena; mei daa cai izóí Ñuera Joreño úicaigaiíoi? —daíde.

⁴⁸ Iemona Jesucristo mámecido íaiíoi báutizazigaiíoi. Ie meífodo Pédro mo izire jícadiaíoi: “Nano nígarui cai diga iri,” daídíaíoi. Daí íena jeruídíaíoi, nano nígarui íaiíoi diga íllena.

11

Pedro Jerusalem o ite ínotinomo llogafue

¹ Judéamo ite orécamací ámatiaí diga, cómoicana jíáifuena fidídíaíoi. Afefue daíde: Judíóñedimaci Juzíñamui úrillauaina jae jeire otíaíoi.

² Pedro meine Jerusalem o jáidemo, judíuaimona dámerie ínotino Pédrona zanódíaíoi. ³ Zánuno daídíaíoi:

—¿Níbái judíóñedino uáiduaidío? ¿Níbái íaiíoi diga güitío? —daíde.

⁴ Ie jira Pedro afefue nanómona nana ie finócafuaí lloste; daíde:

⁵ —Jope jófuemo cue íadi, Juzíñamui úrifredicue. Afe llezica nícaí anado cíódicue. Afe nícaí anado áillue iniroi izóidena monámona ana bíllana cíódicue. Aferoi nágafene zícáimo ícoínoga. Daíí cue illánomo dúcide. ⁶ Afemo ñue eróidicue ie eromo itínuiaina onóillena. Iemona afe eromo ite táicaide rílleniaina cíódicue. Afe dáanomo jacírede rílleniaina cíódicue. Daje izóí afénomo jáizai, íemo féedinuiaí diga íllana cíódicue. Nana afe ciona rílleniái bácaziga. ⁷ Iemo daa uai cuena dánana cacádicue.

Daíde: “Pedro, náidacaillano afe ríllemona fatá rii.” ⁸ Mei jira daídicue, “Ocuíraima, dama ite. Jaca nanómona cue fúedo íáiredena ríñédicue bácaie diga.” ⁹ Ie mei afe monámona cacaide uai dáanomo cuena daíde:

“Juzíñamui dogá rílleza íáirede daííñeno o iri.” ¹⁰ Afefue dacaiñoámani meine íficaide. Afe meífomo dáanomo nana monamo meine jaide. ¹¹ Afe llezica daamieámani cue illánomo dúcide. Afémaci Cesaréamona cue jenóllena orécamací. ¹² Ñuera Joreño afémacido cuena orede: “Due jiza jííñeno afémacido jairi,” cuena daíde. Daje izóí baie seis ámatiaí cuedo jáidiaíoi. Nana cai daaco jofomo jáidicaí. ¹³ Afémie Juzíñamui abí ímiena ie jofo eromo ie cíónafue cáimo lloste. Afe Juzíñamui abí ímie náidailano íena daíde: “Jope jófuemo nano nígamie ore, Simón jírizaillena. Dáamie jíáfodo mameína Pedro. ¹⁴ Afémie ona dáíteza, nie izóí o nana o comíni diga jíllotioza,” daíde. ¹⁵ Cue fueñe íaíoi mo úrizailleza, Ñuera Joreño imaci acónimo bite, nano fueñe cai acónimo billa izóí. ¹⁶ Mei íemona Ocuíraima danáfue mo úbicaidicue. Afefue daíde: “Uáfueña Juan ía íaínoido báutizade, mei íadi Ñuera Joreño úicaigamacina ítiomoi.” ¹⁷ Mei jíi Ocuíraima Jesucristomo cai ínuano Juzíñamui cáimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamái cómedicueza, —Pedro daíí daíde.

¹⁸ Mei ie jira Jerusalem o ite ámatiaí aféfuina ídia llezica, líicaidiaíoi. Líicaillano Juzíñamui cáimátaidiaíoi. Daídíaíoi:

—Ua afe izóí judíóñedimacimo íaíoi mo íieni itífue méidollena jae Juzíñamui íaíoi mo fecade. Afemona daíí jaca zííñona cáailinona íaíoi mo íte.

Antioquíamo ite Juzíñamuimo ínote gairídino

¹⁹ Esteban íaioi faa llezica, jíáie ínotimacimo duere finótatíaoi. Dáarie Fenicia éniemo botádiaioi; jíáimaci Chípreno Antioquía díga botádiaioi. Dínomo afe núefue daní judíuai namácimo llotíaoi. Jíáimacimo llóñega.

²⁰ Mei íadi dáarie Chipre imaci, Cirene imaci díga ínotino Antioquía jófueмо dúcídíaoi. Dúciillano judíoñedinomo úritíaoi. Afemona Ocuíraima Jesús úrillauai íaioimo llote íaioi jíilloillena. ²¹ Afe llezica Ocuíraima ríino íaioimo ite. Mei daí aillo comíni nano íaioi jaiái ínogafuíai fáicanocaillano Ocuíraima Jesumo ínotíaoi.

²² Afefue Jerusalemo ite ínotinomo jállecaide. Iemona afémaci Bernabé Antioquíamo orédíaoi. ²³ Bernabé dúciillano, Juzíñamui cáimadogamací izóí cíode. Aferi afémie iere íóbicaide. Nana íaioi llófue; daide:

—Nana cai Ocuíraimana fáicanocaiñeno ie llogáfueмо jaícina omoí comécíri, —daide. ²⁴ Afe Bernabé comécina fígome, Ñuera Joreño úicaigamie. Afémie Jesucrístomo izire ínofiredímie. Daí aillo comíni Ocuíraima Jesucristo íena náamatade.

²⁵ Afe meífodo Bernabé Társomo Saulo júnuaide. Baillano Antioquíamo íena úite. ²⁶ Dínomo daa fimona namónaze ínotino cígimo ñue fuitádiaillinoi. Afénomo aillo comíni llófue. Afe Antioquíamo ínotino como fueñe Crístomo jaináidinona ja mamécaíaoi.

²⁷ Aféruillaído dámierie Juzíñamuimona llínoga uailíai lloráimaci Jerusalemona Antioquíamo jáizaide. ²⁸ Afémacimona dámie Agábona mámeciredímie. Nana ínotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daí bite Claudio illáimana illáruillaído. ²⁹ Ie jira Antioquíamo ite ínotino comeci facádiaioi Judéamo ite ámatíai canóllena. Naga come íaioimo ite úcube díerize bai jóonetíaoi. ³⁰ Afe daí ñeta, Bernabé Saulo íaillinoído afe iraca úcube Judéamo ite ínotino illáicomínimo orédíaoi.

12

Santiago tíillafue Pedro llavéinafue díga

¹ Aféruillaído Juzíñamuimo jaináidino duere finóllena illaíma Herodes nane júnuaide. ² Iemo Herodes Juan ama Santiago lloéfáido titátate. ³ Afémie titátari judíuai iere íóbídiaioi. Aféfuena Herodes fidínamona nane Pedro lláitajide. Ja birui iráizillaruíllai. Afe iráizillaruíllaído fáitañega pan güítíaoi. ⁴ Pedro llaitada mei Herodes llavéracomo íena íbaicuaide. Dínomo cuatro dígagüelli íena úíñotíaoi. Naga afe güéllimona cuatro dígamírie lláizíriraini ite. Herodes comeci facade pascua rafue meífodo Pédrona jino comínimo cíotallena. ⁵ Ie jira Pedro llavéracomo llaveda ñue úíñoga. Mei íadi Juzíñamuimo gairídino íemo izire Juzíñamuimo jícaoidíaoi.

Juzíñamui Pédrona llavéracomona jino oreca

⁶ Herodes Pedro jino comíni uíécomo óiacanarui uícodo, afe naio Pedro llavéracomo inide ñue úíñoga. Nárafene onoi llóejina maíga úíñoraíma íaillinoi jaináoigari inide. Afe llezica jíáie úíñoraíma íaillinoi jino llavéraco naze úíñoide. ⁷ Iemo Juzíñamui abí ímie raire cíocaizaíbite. Afe llezica

llavéramo ero úzerecaide. Juzíñamui abi ímie Pedro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. ⁸ Afe Juzíñamui abi ímie íena daide:

—Mai o ciraigi tirínorafe jofo riire tirino.

O éiba ico jita, —daide.

Pedro daií abi fínua llezica Juzíñamui abi ímie íena daide:

—O emodo jítaca árerói jítada, cuedo bi, —daide.

⁹ Iemona Juzíñamui abi ímie óodana Pedro jaide. Afe abi ímie finócafue Pedro onóñedeza; nibai uafue nibai táinofue. Comeci façáoide: “Nícaí anado ciona izóidifuena cíódicue.” ¹⁰ Mei íadi fuéñeide jóonetimiemona bai júijicaillano báifeicana jóonetimiemo dúcidiailinoi. Ie mei afémiemona júijicaillano bai nazemo dúcizaidiaillinoi. Afe naze ibaira lloébani. Dúcidiaillinoimo afe naze ibaira daingo túijicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaide.

¹¹ Iemona Pedro ñue onócaillano daide:

—Íco iere uáfueza. Juzíñamui abi ímie cuemo orede Herodes cue llavénamona cue zuitállena. Afe izói nana judíuai cue duere finóacanafuemona cuena zúitaibite, —daide.

¹² Aféfuemo comécaillano Juan ei María jofomo jaide. Afe Juan jáifodo mameide Marcos. Afécomo aillo comíni Juzíñamuimo iere úrillena gairídiaioi. ¹³ Pedro afeco abi ibiri llaveca nazemo náidazaide. Náidaillano jofo ero imaci júirite. Iemona Ródena mámeçirede ringoza bu billa daiíllena eróizaide. ¹⁴ Mei íadi Pédrona uáimona onóillano, nazena tuiñoño, ióbicaillano meine jofo aizida llujáide:

—Pedro nazemo dúcina, —daiízaide.

¹⁵ Jira íena daidíaioi:

—¡Uáiritaidio!

Mei íadi afengo daide:

—Uáfueña ñue lloticue; uáfueña Pedro dinomo ite, —afengo daiíoide.

Mei íadi afémaci íinoñoño daidíaioi:

—Pédroñedeza; fia ie joreño, —daidíaioi.

¹⁶ Mei íaioi úrioina llezica, Pedro nazemo nai júirioide. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidíaioi. ¹⁷ Mei íadi ónoido:

—Mai omoi úriñoño, lliçai, —daide. Iemona Juzíñamui llavéramona ie zúitafue llote. Iemo íaioina daide:

—Bifue Santiágomo llujáiri nana jáie ámatiairi, —daide.

Ie meífodo jino jaillano oni jáinomo jaide.

¹⁸ Jae monáizaidemo, llavécano úiñorainimo aillo riire júfidotiaioi, mei onóñediaioiza; daidíaioi:

—Benó cai úiñoña Pedro çniné jaide? —daidíaioi.

¹⁹ Herodes Pédrona íaioina jenótate. Iena íaioi baiñenamona, nana úiñorainimo jicájicanode. Ie mei Herodes afeúíñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

Herodes tíllafue

²⁰ Jae Herodes Tiro comíni Sidón comíni díga íaioiri icíriioide. Mei íadi afémaci dani começi facádiaioi ie uieçomo cíozaibillena. Illaíma Herodes jabóidillaíma Blasto. Afémiena fairiotarediaioi íaioiri ñue nabáirillena.

Afémiedo ñue caimare illifue Heródemo jicádiaioi. Ua izire jicádiaioi, íaioi gülleniai, illaíma Herodes éniemona íaioi ófirena jira. ²¹ Ie jira Herodes íaioimo úrizailirui íaioimo llote. Aféruimo ebírede illaíma iniroi jítano illaíma ráiranomo ránade. Daí ñiano are íaioimo úrite. ²² Mei íemona comíni caillíoicana íena daidíaioi:

—Bie úritimie fia cómeñedeza, afémie juzíñamui, —daidíaioi.

²³ Afe llezica Juzíñamui abí ímie Heródena iráretade Juzíñamuimo ñúefuena nitátañena jírari. Iemona afe Herodes aíáide tíilla.

²⁴ Iadí Juzíñamui lloga uai oni jalléicaide. Afe jalléinamona náganerie fididiaioi.

²⁵ Bernabé Saulo diga íaillinoi afe úcube fíiaillano meine abído Jerusalémona bitíaillinoi. Aféillinoi bite dáamie, Juan daínámie. Dáamie mámece Márcona.

13

Bernabé Saulo diga como fueñe nágagobíai llócaidiaillinoi

¹ Antioquíamo ite gairíracomo nano niga uai jino llóraini ite naa llófueraniri. Afémaci mámeceai: Bernabé, Simón, Cirene ímie Lucio, Manaén, Saulo dígamiediaioi. Simón jíáifo mameina Negro. Galilea illaíma Herodes Manaén diga, dáanomo comuíaillinoi. ² Aféruillaído afémaci güíñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

³ Güíñeno Juzíñamuimo úrilla meífodo éinamaci íaillinoina ónoído ézicita, daidíaioi:

—Maí, ómicoi jairi, —daidíaioi.

Orécamaci Chipre éniemo llófuiaidiaioi

⁴ Ie mei daí Ñuera Joreño íaillinoimo llúájillamona oni Antioquíamona Selúciamo jáidiaillinoi. Dinómona áillocaedo monaillai cigí záfedu Chipremo jáidiaillinoi. ⁵ Salamina ígobemo dúcizaidiaillinoimo judío llófueriracomo Juzíñamui uaillai jino llotíaillinoi. Afe llezica Juan íaillinoi canócana nabázaide. ⁶ Nana Chipre éniemo llócadiaioi. Iiraínomo Pafó jófuemo dúcidiaioi. Dinomo judío aima Barjesuna mámece redimie baizájidiaioi. Afe aima táinona llófuefiredimie. Afémie daífiredie:

—Juzíñamui dibénedo úriticue, —daide.

⁷ Afe aima ocuídillaíma Sergio Paulo dígamie dáanomo itíaillinoi. Afe Sergio ráfuena ñue onódimie. Aféllaíma Bernabé Saulo diga jírítade Juzíñamui uaillai cacáillena. ⁸ Mei íadí afe aima Bernabé Saulo diga llogáuai uáitano zanode. Ocuídillaíma ínuana aima rairuíacade. Afe aima jíáfodo mameina, Elimas. ⁹ Saulo jíáfodo mameina Pablo. Afe Pablo Ñuera Joreño úcaígamie. Aima daínana cacáillano íemo riire érocaillano ¹⁰ daide:

—¡Jíáíma jífuetimedio! Íába Taife jítódio. Nana ñúefuina uáitaramadío. ¿Ñibái mei ñuera Juzíñamui lloga uai oni cáitano féitaacadio? ¿Ñibái mei o tánofuina fáicanocaiñeno jino llóllodio? ¹¹ Mei jabe Ocuíraíma Jesucristo riire ona duere fínoite. O ui nírite. Nano nígarui jítoma egáíñuana cíoñeítio, —daide.

Daí daínamona ie ui niríbicaide. Jae jítídine taino mellécade. Dáamie íena ónoído jainátacana úite, ie ui cíoñena jira. ¹² Ocuídillaíma Sergio

Paulo áfena cióillano, llogáuaina ñue ínóte, mei Juzíñamui llófueinamo jacíruiocana aféuaimo ñue eroide.

Pablo Bernabé diga Pisidia éniemo ite Antioquía jófueмо jáidiaillinoi

¹³ Pablo ie nabáñiai diga nocaedo Pafo jófueмона jáidiaioi. Dinómona Panfilia éniemo ite Perge jófueмо jáidiaioi. Afénomo Juan íaioina fiénocaillano abido Jerusalemo jaide. ¹⁴ Pablo ie nabáñiai diga afe Pérgemo dúcillano, Pisidia éniemo ite Antioquía jófueмо arido jaicina jáidiaioi. Dinomo ocózinallaruiemo llófueriraco eromo ráinazaidiaioi. ¹⁵ Ocuícafuiái illánicomona fueñe facádotiaioi. Ie mei Juzíñamui uai jino lloránicuaimona facádotiaioi. Afe facádua fúillamona llófueriraco illaini íaillinoina daidíaioi:

—Amatai, ómicoi cacai. Omicoi llóiacaignafuiái íadi comini cacáilleza jino ómicoi llóoi, —daide.

¹⁶ Mei íemona Pablo náidacaillano, ónoído comínina llícaitate. Afe mei íaioina daide:

—Israel nairai, omoi cácarei. Daje izói Juzíñamuina jacíruioidino, omoi cácarei. ¹⁷ Israel nairai Juzíñamui cai jáiairagima nana íaioina nize. Iemona Egipto éniemo ónoñegamacina íaioi illa llezica, aillo náiraína afémie jebuitate. Afe mei aféniemona dama íemo ite ie ríinodo íaioina oni ote. ¹⁸ Ua mei Juzíñamui comeci jitáinafue nai figo fuitáñediaioi, mei íadi afe táizicimo cuarenta diga fimona Juzíñamui íaioina zófeño uíñote. ¹⁹ Afe mei Canaán éniemo ite siete nairai Juzíñamui niné táinocaitaga, afe énie cai jáiairagima maiñóllena. ²⁰ Afe meífodo diga riire jicánoraini cuatrocientos cincuenta fimona ocuíaiaioi. Ua ocuíaiaioi uai llórama Samuel illáruimo. ²¹ Ie mei íaioina ócuíte ríillaima jicádiaioi. Jira Juzíñamui Saúl cuarenta fimona afémaci illáimana jónete. Afe Saúl Cis jitó, Benjamín nairai ímie. ²² Afe mei Juzíñamui Saúlna oni orede. Oni óriano David illáimana ie meífomo jónete. David ífuedo Juzíñamui úrite; daide: “Cuená íóbitadímie David baiticue. Afémie Isaí jitó. Nana cue jitaiga raana jetáfirede,” daide. ²³ Afe David cómogimamona Jesús jococa. Afe Jesús Juzíñamui uícomo daináuai izói Israel nairai jíllotaitimiena íaioi cígiconi Juzíñamui comuitate. ²⁴ Jesús comínimo nai abi báifitañenia Juan nana Israel náiraímo jino lloete; daide: “Nana omoi báutizarediemoi. Omoi comeci ífuiái mai ñúefuena méidoziri.” ²⁵ Juan uícodo llófuiaillafue fúiacademo, daide: “Omoi comeci fácamiñedicue. Jamáimedicue. Mei íadi cue meífodo bitímie cue baimo baitadímie. Afémie idai ico igaina zuitánidicue, (jiba jamáimiedicueza),” daí Juan daide.

²⁶ Cámaci, omoi cácarei. Abraham nairai urúcididiemoiza; mai cácarei. Omoimona Juzíñamuina jacíruioidino, omoi cácarei. Bie ñue jíllotaituái ómoie. ²⁷ Mei Jerusalemo itino íaioi illáiniri Jesús nahí ífueña fidíñediaioi. Daje izói naga ocózinallaruiemo facádoga uai llóraini llogáuailaina cacádiaioi, mei íadi aféuai daináfuena onóñediaioi. Aféuailaina íaioi onóñenado Jesús duere finótataioi. Daí jaiái ninomo mamécafuiái afémieмо fuitádiaioi. ²⁸ Afe Jesús fatátallifueña due jiza jaca baiñediaioi; mei íadi Pilátomo ie fatátallena jicádiaioi. ²⁹ Afe mei nana afémiedo Cueguáuilaimo jaiái ninomo lloga uailai fuitádiaioimo, crúzmona íena ana otá íena raíajidiaioi. ³⁰ Mei íadi Juzíñamui tíllanomona íena meine cáatate. ³¹ Afe mei diga irui íllamona Galiléamona Jerusalemo ie diga

jáicadinomo Jesús íaioimo cíocaide. Afe iedo jáicadino ja birui comínimo afémie llócaigafue llotíaiói.

³² ‘Juzíñamui cai jáiairagimamo uícomo llogáuaido úrite. Ñúefuedo úrite. Ja birui afe ñúefue ómoimo llotícai. ³³ Ja cai bie afémaci cómogimadícai. Ie jira afémie uícodo llogáuai ja caimo fuilla. Afe uai daide: “Jesucristo tídena meine abído cáataitícue.” Daí rúanicomo cuega; segundo ruamo cuega; llote: “Cue jitódio. Birui ona cáataitícue.” ³⁴ Diga ícaíño Juzíñamui ie cáailífueña llote. Ua tíllanomoná íena cáataite, ie íeizi jaca ninomo rífaíñeillena. Juzíñamui aféfuena jaiái ninomo Cuegáuailáido daide. Afe uai ie jitó Jesuna daide: “Davidmo uícodo cue uafue lloga ñue cáimafuíai nahí omo jainaide.” ³⁵ Ie jira rúanicomo jáíruado daide: “O izíruiga ñue canódimie íeizi ráiruitio ie rífaíñeillena,” daide. ³⁶ Afe David ie llezica ígímana ñue canode, Juzíñamui ie ocuilla izói. Afe meífomo David tíllano ie uzútíai cígimo íena raíájidiaíói. Iemo ie íeizi rífaide. ³⁷ Mei íadi Juzíñamui cáatagamie íeizi rífaíñede. ³⁸ Cáimaci, omoí cacai. Afe bie rífaítañeno cáatagamie Jesudo omoí fiénidífuíai íba óñeillífué ja ómoimo jino lloga. ³⁹ Afémiedo nana íena ínotino nana íaíói fiénidífuíaimona dóficaitíaiói. Mei íadi Moisés ocuícáfúai cai fiénidífuíaimona caina zuitáñede, mei cuinaca izói jaináidícai. ⁴⁰ Ñue abí omoí rairuiri uai jino llóraini cuega mamécáfúai ómoimo báíñeillena. Afe mamécáfue daide:

⁴¹ Ínoñeno uáitaoidino, omoí cácarei; cacáillano áferi omoí jacínaifícairi. Iemona niné táinocaitíomóiza, aféruilláido jamánomo ñue jácifue cue fínua jírari.

Aféfuena dámie ómoimo lloía, íadi áfena ínoñeítíomóiza, —daide.

⁴² Pablo ie nabáíñiari judío garíracomona jino jáidiaíói. Jáidiaíomóimo judíoñedino jocócaiaíói íaioimo aféfuena meine abído íaioimo lluíbillena jícaidiaíói. Afe úireite ocózináillaruímo meine lluíbillena jícaidiaíói.

⁴³ Afe llófueriracomo íaíói gairilla záillamona aillo judíuai Pablo llogafue jíruítiaíói. Iemona Pablo Bernabé diga íaillínoido jáidiaíói. Daje izói aillo judío onóigafuena jeire otíno íaillínoido jáidiaíói. Pablo, Bernabé diga íaioimo llote:

—Mai Juzíñamui caina izíruillafuemo nágarui aféfuemo ñue omoí coméciiri, —daide.

⁴⁴ Siete dígarui íllamona ocózináillaruímo, nana jofue comíní dáanomó gairídiaíói, Juzíñamui uailái cacáreillena. ⁴⁵ Mei afénomó aillo comíní gairíllana judíuai cíóillano, úroina izói ítíaiói. Afénomó Pablo uailái uáitano íena báíñotíaiói. ⁴⁶ Ie mei Pablo Bernabé diga abí mámano íaioína daide:

—Judíuai, bie Juzíñamui uai fueñe ómoimo llole íere jítaírede; mei íadi ja aféfuena óiacañediomó; afe ícoínia zíñona cáallínona llínoñeítíomó. Ie jira ja birui judíoñedinomó jáitícai. ⁴⁷ Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamédícue.

Nana énie íraino ímací ñuera jíllonafue llórainmana íitio.

⁴⁸ Aféfuena cacáillano judíoñedino íóbicaidiaíói. Íaíói úrilla fueñe táinia llezica:

—Juzíñamui uáillaina jamánomo ñuera, —daídiaíói.

Afémacimona aféfuena ínotino aillo íte. Zíñona cáatatinona llínoítinona mamécaiaíói. ⁴⁹ Iemona Juzíñamui uailái nana afe énie náiráido jae ñue jalleide. ⁵⁰ Afe jófuemo Moo Juzíñamuímo izire jaináiacade

ringóniaimona dáingorie ite. Afe ringóniai illaingo izóidingotiai. Judíuai afe ringóniaimo úrite, Pablo afe jófuemona oni oréllena. Daje llezica judíuai afe jofue illáinimo daje izói úrizaidiaioi. Iaiói comeci fiēni fínua jira, jiáie Páblona duere finóacanafue comuízailla, Bernabé diga. Afe jófuemona oni íaillinoi orédiaioi. ⁵¹ Afe ória meífodo afe íaillinoi eiba ico íáie íaioimo teténote; afe teténuafue baimaci comeci íaifuiaimo íteza, daíacade.

Daí ñiano Iconio jófuego jáidiaillinoi. ⁵² Mei íadi Jesús llogáfuego ínotino iere íobioidiaioi. Afe llezica Ñuera Joreño úcaigaiaioi.

14

Pablo Bernabé diga Icóniomo itíiaillinoi

¹ Icóniomo dúciillano judío llófueriracomo daane jofo jáidiaillinoi. Dinomo jamánomo ñue úritiaillinoi. Afemona aillo judíuai Jesumo ínotiaioi; judíoñedinomona daje izói aillo afefue ínotiaioi. ² Mei íadi ínoacañede judíuai jiáie judíoñedino comeci íáire finódiaioi. Daí Páblona Bernabé diga éoicana eróidiaioi. ³ Ie jira dinomo diga irui ñue jaícina jacíruiño Ocuíraima Jesús mámedido llófuetiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniai cíorainina ráaniai diga finódiaillinoi. Aféniaido íaillinoi lloga Juzíñamui caina izíruillafue Juzíñamui ñue comínimo fidítate. ⁴ Mei íadi jofue comini bózietaidiaioi. Dáarie judíuai dibénemo jaináiacadiaioi. Jiáimaci Pablo Bernabé diga dibénemo jaináiacadiaioi. ⁵ Afe meífodo ínoacañede judíuai jiáie judíoñedino diga naa íaioi illáiniri nofciaina íaillinoi níjiacadiaioi. Daí íaillinoiña duere finóacadiaioi. ⁶ Mei íadi aféfuena orécamaci uícodo fidídiaioi. Fidiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Listra Derbe diga naa afe áinori itíniaido. ⁷ Dinomo ñue jíllonafue llotíiaillinoi.

Lístramo Pablo nofcina níjidiaioi

⁸ Iemo Lístramo macáñede aidaima ite. Ie jocóinanomona tízitaitie izói macáñede. Jaca ie macánina jira dinomo ráiide. ⁹ Afémie Pablo daináfuego ñue cacáreide. Iemona Pablo íemo érocaillamona, tízitaitimie ñue ínuana Pablo comécido fidide. Ie ínuamona afémie jíllorede. ¹⁰ Iemona Pablo íena riire daide:

—O ídaido caifo jaícina naidai, —daide.

Afénomona afémie tícacaiillano náidacaide; náidacaillano como fueñe macájide. ¹¹ Daí Pablo finócafueña cíoillano, nana comini Licaónia uáillaído caillíoicana daidíaioi:

—Juzíñamuillai jamai comini izói ana cai cígimo billa! —daidíaioi.

¹² Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiaí llotímiena jira. ¹³ Júpiter gairíraco naze fueri ite. Afeco úiñotimie juráretuai atide naa amena záfiaiai diga. Afémie naa comini íaillinoimo cáimadoacadiaioi. Juráreto fáillemona íaillinoína íóbitaacadiaioi. ¹⁴ Mei íadi orécamaci Pablo Bernabé diga fidídiaillinoi. Aféfuena fidínamona, inícuero cúatacaillano, comini cígimo jáidiaillinoi. (Afe iniroi cuata daíacade íaillinoi comeci jamánomo ríicaide.) Jaillano caillíoicana daidíaillinoi:

15 —¡Nana omoi, cácarei! ¿Nibái bie izói finódiomoi? Coco omoi izói jiba cómedicoco. Ñúefue ómoimo atídicoco. Afe bie tánofuiai omoi fáicanocaillena lluíbiticoco. Fáicanocaillano, ua caade Juzíñamui dine omoi jáillena daí lluíbiticoco. Afémie mona, bie énie, monáillai dieze finode naa íaioimo itínuiari. 16 Jáiairagima illa llezica nana nairai íaioi comeci jitáillafodo macáoidiaioi. Aféruillaído Juzíñamui íaioina lletáñede. 17 Mei íadi Juzíñamui ñúemie ífúena ñue ómoimo finócafuiaido ómoina fidítafirede. Ua ñue nocina ómoimo bitafirede. Nana aménaiai llizillajiaina ómoiri llizítate. Afedo omoi güille ñue ite, omoi comeci ióbillena, —daí úrite Pablo.

18 Mei nana afe daínáuailai daína íadi, nana comini íaillinoiri juráretuai nai fáiacadiaioi. Iadi ícoimo afétuai íaioi faana féitadiaillinoi.

19 Afe mei Antioquíamona Icóniomona dáarie judíuai dúcizaide. Listra comínimo júfiduano Pablo fállena mamédiaioi. Iemona Páblona noficiaina níjidiaioi. Níjiano jofue jinófenemo íena zonócaidiaioi. Comécido daidiaioi: “Nibai tíide,” daide. 20 Mei íadi ínotino íemo gairídiaioimo Pablo náidacaillano meine jófúemo jaide. Afe jítiramoidiruido afémie Bernabé diga Dérbemo jáidiaillinoi.

21 Dinomo jíllona uailai jino llotiaillinoi. Afe jófúemo aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi. 22 Nana afénuiai jofue ínotinuiái ñue caimare íociretadiaillinoi. Ñue jaícina ínuafuedo íaioi jáillena llófuetiaillinoi. Iemo íaioina daidiaillinoi:

—Juzíñamui illáimana illíruimo caí jáillena, aillo afe facátafuiai iere caimo jitáirede, —daide.

23 Afe llezica naga gairíracuaimo ócuite illáinina mamédiaillinoi. Afe mei güiñeno Juzíñamuimo iere úrilla meífomo nana como ocuídillainina mamécamiái Juzíñamui úiñuamo jóonetiaillinoi, Juzíñamuimo ñue íaioi ínuajira.

Pablo Bernabé diga íaillinoi nano billánomo abido jáidiaillinoi

24 Afe meífodo Pisidia éniemona jaillano Panfilia éniemo dúcidiaillinoi. 25 Perge jófúemo jíllonafue llotiaillinoi. Afe llua méífomo Atalia jófúemo jáidiaillinoi. 26 Dinómona Siria éniemo ite Antioquía jófúemo nocaedo ruica jáidiaillinoi. Naui afe jófúemo ite ínotino íaillinoína Juzíñamuimo jóonetiaioi. Daí finódiaioi jíáie nairai ñúefúena llófúiaillena. Ja birui afe tájina fuilla. 27 Antioquíamo dúcidiaillinoimo, nana ínotino Juzíñamui garíracomo gairídiaioi. Gairídiaioimo Pablo nana Juzíñamui íaillinoído finócafuiái jino íaioimo llote. Afe llezica judíoñedinomo Juzíñamui ñue jilloille io como túiñua llotiaillinoi. Afe izói áfemo afémaci ínorediaioi. 28 Afe meífomo Pablo Bernabé diga ínotino cígimo are diga irui itíaillinoi.

15

Ínotino illaini Jerusalemo gairídiaioi orécamaci diga

1 Aféruillaído dáarie íñiaí Judea éniemona Antioquíamo ite ínotino llófúiaibite. Íaioina daidiaioi:

—Moisés ocuica íiza bacano icoi quétafúena omoi finóñenia, jílloñeitiomoi, —daidiaioi.

² Ie jira Pablo Bernabé diga íaiοimo riírede uáillaído úritiaillinoi aillo júfiduafuiai diga. Iemona Antioquíamo ite ínotino Pablo, Bernabé, jíámaci diga nizédiaioi, Jerusalemο ite orécamacimo aféfuena jicánuuaillena; daje izói Jerusalemο ite Juzíñamuimo gairídino illáinimo jicánuaitiaioi.

³ Mei daí nízia mei Antioquía ínotino afe nizécanona orédiaioi. Afe oréinamona, Fenicia éniēdo Samaria énie diga jáidiaioi. Jaillano judíoñedino íaiοi jaiái llóinuaillai féitano Juzíñamui dibénedo jáillafue llotíaioi. Nana amatiai aféfuena cacáillano iere ióbidiaioi.

⁴ Pablo Bernabé diga Jerusalemο dúcidiailinoimo, Juzíñamuimo gairíndino caimare uáidogaiaillinoi. Daje izói orécamaci naa gairídino illáiniri íaillinoína caimare uáidotiaioi. Dinomo Juzíñamui íaiοiri finócafuiái íaiοimo jino llotiaillinoi. ⁵ Mei íadi fariséuaimona dáarie ínotino caifo naidáillano íaiοína daide:

—Ínote judíoñedinomo afe cai izói quetáinafue jitáirede. Afe emódomo Moisés ocuífue ñue ínollena jitáirede, —daidíaioi.

⁶ Iemona orécamaci naa ínotino illáiniri aféfuena ñue onóillena gairídiaioi. ⁷ Aféfuiai are íaiοi júfidua meífomo, Pedro caifo náidaillano daide:

—Amatiai, omoi cácarei. Naui Juzíñamui cuemo finócafueña onódiomoi. Juzíñamui omoi cígimona cue nizada judíoñedino cígimo orede. Ua cuena nizede afémacimo ñue jíllonafue uaillai cue llujáillena; afemona afémaci aféfuaiína ínotiaioi. ⁸ Cai comécina onode Juzíñamui cuemo llote: “Afe judíoñedinona ñue llínoitícue,” daide. Afemona Ñuera Joreño íaiοimo fecade caimo ie feca izói. ⁹ Juzíñamui cáimona afémacimo jíáfodo finóñede. Íaiοi ínuado íaiοi comeci íaifue Juzíñamui oni dote caie ie dua izói. ¹⁰ Mei birui çñibái mei Juzíñamui finócafue jeire oñédiomoi? çÑibái mei baie ínotino jamánomo riire ocuífue? Afe ocuínafueña cai, cai jáiairagima diga finónidicai. ¹¹ Mei íadi jíáfodo ínoticai, cai jíllloillena. Ocuíraima Jesús caimo dúecaide. Afemo cai ínuamona íbáñeno jílllobicaidicai. Afe izói judíoñedino Jesumo ínuamona íbáñeno jílllobicaidiaioi, —daide.

¹² Mei jira afémaci llícaidiaioi, Bernabé Pablo diga llogáfuemo cacáreillena. Nana judíoñedino cígimo Juzíñamui finócafuiái llotiaillinoi. Dinomo íaillinoído uaido finoca onótate raa ciórainina raa diga Juzíñamui finode. Aféfuiai jino llotiaillinoi. ¹³ Íaillinoi llogafue fúillamona, Santiago daide:

—Amatiai, cue dánamo cácarei. ¹⁴ Simón Pedro jae Juzíñamui judíoñedinona como fueñe íaiοína izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina. ¹⁵ Afefue ua Juzíñamui jaiái uai llóraini ciegáfuiáimo jáicina dájena jóobide. Afe Ciegáuai daide:

¹⁶ Bifue mei, meine bíitícue.

Ua David jaiái nairai, júdaizitaga íadi, meine dáaziena jofo gairítaitícue.

Aféziemona due fiébidino jaiái íaiοi ízaina izói meine jebuítaitícue.

Ríinidimaci jofo dánonomo otátaitícue, ñue riírediziena íaiοi illena.

¹⁷ Afe daí ínuaiibitícue nana jíáimaciai Juzíñamuimo comeci fácajano íaiοi ínollena.

Daí fínoiticue nana cuena náamarede judíoñede náiraiái cuemo comeci facada ñnollena.

¹⁸ Ua jaiái ñnómona aféfuiai onótate Juziñamui daí daide.

¹⁹ Te jira bifue lloticue. Afe como Juziñamuido jáiacade judíoñedino mai, cai íaiõina áifedoñeiticai. Jae íaiõi jaiái ñnoga táinofuiai fáicanocaidiaõi Juziñamui llogáuaina íaiõi ñnollena. ²⁰ Due llétafue íaiõimo cai cúellena ja dieze figo baite. Afe bífuiai íaiõimo llóiticaí. Mai jánaraimo fia fecaca güllena omoi jetáñeno iri. Mai jiruífuemona abi omoi rairuiri. Dama áiredimie ie ai diga illa ñuena. Mai cimoina cigínoga rílleniai riñeno iri. Afe izói coróbaitaga rílleniai riñeno iri. Daje izói díena omoi jíroñeno iri. ²¹ Daí judíoñede como ñnotimacimo lletádicaiza, ñibai nanómona nana jófuego Moisés ocuífue llófueraini ite. Naga ocózinallaruido llófueriracom oafe Cuegáuai jino facádotiaõi. Aci dino Santiago llote.

²² Iemo orécamaci gairídmaci, nana íaiõi illaini diga, “Jii,” daidiaõi. Iemona íaiõi cigimona dámierie nizéllena maméritiaõi, Antioquíamo oréllena Pablo Bernabé diga íaillinoi nabáillena. Judas dainámie nizédiaõi; afémie jiáifodo mameina Barsabás. Daje llezica Silasna nizédiaõi. Afe íaillinoi ámatiai cigiri illaima izóidiaillinoi. ²³ Iaillinoi do cuegabe orédiaõi. Afébemo daide:

“Cai Antioquíamo ite judíoñede ámatiaimo uai orédicaí. Afe izói Siria éniemo ite ámatiaimo, Cilicia éniemo ite ámatiai dieze nana ómoimo uai orédicaí. Nana orécamaci, Juziñamuimo gairídino illaini, benó ite ámatiai diga, ómoimo uai orédicaí. ²⁴ Cáimona ómoimo nauí bitino finócafue jae fidídicaí. Caimo lloñeno oni jáidiaõi. Cai óreñegaiaõi. Dani imaci uáillaido jae omoi ifoci írínuaidiaõi. Daí ómoína áfeduaidiaõi. Omoi bacano icoi quetállifuiai llujáidiaõi; jiáie Moisés llogáuallai ómoimo ocuízaidiaõi. ²⁵ Te jira cai comécido ñue jaide cai cigimona mena come mamedá ómoimo oréllena. Aféfuena nana jíruiticaí. Bie nizécaillinoi Pablo Bernabé diga omoi éroizaibitiaõi. Pablo Bernabé diga cai iere izíruiga ámaillinoi. ²⁶ Cai Ocuíraima Jesucristo ñúefue íaillinoi llua ícoína, jaci cácatagaillinoi. ²⁷ Daí Judas Silas diga ómoimo orédicaí. Aféillinoi ómoimo jofo úritiaillinoi nana bífuiai jino ñue llóllena. ²⁸ Mei cáimona ñue cioide; afe izói Ñuera Joreñomona ñue cioide riírede rafue ómoimo cai mámeñellena. Dama jítairedifue mámeiticaí. ²⁹ Jánaraimo fia fecaca ríllenaína omoi riñeno iri. Daje izói díena jíroñeno iri; cimoina cigínoga ríllena omoi riñeno iri. Nana jiruífuemona abi omoi rairuiri. Dama áiredimie ie ai diga illa ñuena. Bífuiaimona abi omoi rairuíaí, ñue íitiomoi. Jae ñie.”

³⁰ Daí Jerusalemo ite ñnotino íaiõina Antioquíamo orédiaõi. Antioquíamo dúcidiaioimo, dinomo ite ñnotino dánomo gairítatiaõi afe rabe fecállena. ³¹ Afebe ámatiai facáduamona iere ióbidiaõi. Ua afe caimare llétafueri ióbidiaõi. ³² Judas Silas diga Juziñamuimona oga rafue jino llórediaillinoi. Te jira íaillinoi uáillaido afe ámatiai ñue náirecaitadiaillinoi. Afe llezica íaiõina ñue comeci fírazitadiaillinoi íaiõi caimare íllena. ³³ Dinomo diga irui íllamona, Antioquíamo ite ámatiai comeci jacínaiñenafuedo íaiõina jáitatiaõi. Daí íaiõina uáidonocaidiaõi meine íaiõi orécamaci diné jáillena. ³⁴ Mei íadi Silas Antioquíamo fíbicallena mamérite. ³⁵ Afe izói Pablo Bernabé diga Antioquíamo

fiébidiaillinoi. Afe meífodo, aillo jáie llóraini diga, llófueritiaioi. Cai Ocuíraima Jesucristo uailai jino llotíaioi.

Pablo dánomo nane jáizaide ñúefue llujállena

³⁶ Diga irui illa meífomo Pablo Bernabena daide:

—Mai dánomo meine coco jai, nauí coco llófuegano coco uáiduaili. Nana íaioi jófuedo Jesucristo uailai llófueticoco, ie jira afémaci nie izói itíaioiza coco eróizai, —daide.

³⁷ Bernabé Marcos úiacade íaillinoi jaille dine. (Marcos jáifodo mameina Juan.) ³⁸ Mei íadi Pablo íena úiacañede, nauí Panfilia éniemo íaioina fiénocailla jira. Iemo íaillinoi táijcanado jáíñede. ³⁹ Afefue jamánomo íaillinoi riire júfidua meífodo, dárie enénorie oni jáidiaillinoi. Ie mei Bernabé Marcos uite. Daí ñiano, nocaedo Chípremo jáidiaillinoi. ⁴⁰ Afe llezica Pablo dama íeiena Silas nizada ote. Nízia mei, afénomo ite ámatiai Juzíñamui íaillinoi izíruillena caimare jicádiaioi, daje izói Juzíñamui íaillinoina nabáirillena. Daí jica meífomo, oni jáínomo jáidiaillinoi. ⁴¹ Siria énie, Cilicia éniedo jáidiaillinoi. Afénomo Juzíñamuimo gairide ámatiai náicaitaiaillinoi.

16

Timoteo Pablo Silas diga nabáizaide

¹ Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ñnotimie baizájidiaillinoi. Ie ei judíuaimona Juzíñamuimo ñnotingo. Mei íadi ie moo griego ímie. ² Lystramo ite ámatiai afémiedo ñue úritiaioi naa Icóniomo ite ámatiairi. ³ Pablo Timotéona ie nabaina úiacade. Ie jira ie bacano icoi quetátate, íaioi jáillinomo ite judíuai afémiedo comeci fiéni fácañeillena. Mei afémaci ie moo griego ímienana ñue onódiaioiza. ⁴ Nana íaioi jáillado ite jófuedo lletáinafue llotíaioi. Afe lletáinafue Jerusalem ite orécamaci ocuide éinamaci diga llotátatiaioi. ⁵ Daí Juzíñamuimo garídímaci íaioi ñnuafue ñue oni mónaioicaide. Afemona nágarui aillo jebuíoicaidiaioi.

Pablo Macedonia ímiena nícai anado ciona izói ciode

⁶ Asia éniemo Ñuera Joreño ñúefue íaioi llujállana ráiruide. Ie jira Frigia énie, Galacia énie diga afe éniemo oni llujáidiaioi. ⁷ Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸ Ie jira jica Misia énie fuédado jáidiaioi. Dinómona Troas ígobemo jáidiaioi. ⁹ Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniamo cai cánuai,” —daide. ¹⁰ Daí Pablo nícai anado izói cionamona Macedóniamo cai jáillena mamériticai. Jae Juzíñamui cai jírillaza ua onódicai dinomo ñúefue cai llujállena.

Pablo Silas diga Filipos jófuego illafue

¹¹ Iemona Tróasmona nocaedo monailai cigi idu Samotráciamo jáicina jáidicai. Ie jítiramo Neápolismo dúcidicai. ¹² Dinómona Filipos jófuego jáidicai. Afe Macedonia fueda Filipos jamánomo jalléidigobe. Romano comini afe jofue nauí nitátatino. Dinomo nano nígarui iticai. ¹³ Afe ocózinaiillaruimo afe jofue jinomo jáidicai. Ua imani fuemo íaioi Juzíñamuimo iere úrizafirenanomo jáidicai. Dinomo ráinaillano

ñúefuedo gairídingotiaimo úriticai. ¹⁴ Aféngotiaimona daango Lidia mámeceiredingo. Afengo Tiatira jofue ingo. Afengo jíaire jítirede ñuera iniroi fecáringo. Afe ringo Juzíñamuimo áinozioidingo Juzíñamuimo caimare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuailai jeire óllena. ¹⁵ Afengo naa ie comíniri báutizagaiaioi. Báutiza mei izire jicada caina daide:

—Comeci anado omoi daiíadi, Juzíñamuimo ua ínotingodicue, mai cue jofomo omoi bi, —daide.

Iemona aféngodo jáidicai.

¹⁶ Afe Juzíñamuimo úrizairanomo cai jailla llezica, fiénidena jóriarede ringoza baizájidicai. Afe fiénide joríaido come ónoñega écina raire onófirede. Afengo izire jeruícango. Afe eici báillado aillo úcubena ie náamatiai íena ófirediaioi. ¹⁷ Afe ringoza Pablo diga caido jáizaide. Caillícana jaide; daide:

—Bimaci caifoide Juzíñamuimo dúidiaioi. Omoi jilloille io ómoimo llotíaioi, —daide.

¹⁸ Diga iruillai daií afengo caillide. Are ie caillícana ícoimo, Pablo zefuínate. Meine gírecaillano aféngomo ite fiénide jóriaina daide:

—Jesucristo mámeceido aféngomona ona oni orédicue, —daide.

Daií daina llezicamona afe fiénide joríaí aféngona fáicanocaillano jaide.

¹⁹ Afe ringoza náamatiai daií ie finóinana ciódiaioi. Iemona:

—Jae aféngodo úcubena óñeiticai, —daiídiaioi.

Daií dainano Pablo Silas diga llaitada ríimaci úcomo aillo gairírabirimo uitíaioi. ²⁰ Ríire jicánorainimo íaillinoína izájidiaioi. Daiídiaioi:

—Bíaillinoi, judío ímiai cai jófuego comínina ríicaitabite. ²¹ Caimo lluaíbigafuina jeire ónidicai. Afe izói cai ínidicai, cai bie románodicaiza, —daiídiaioi.

²² Iemona afeno comíni íaillinoimo ríicaidiaioi. Ríire jicánoraini íaillinoi incuirona duiñoda rázido íaillinoína fatátate. ²³ Iaillinoi aillo fáina meífomo, llavéracomo íaillinoína lláviaidiaioi. Afe llavéraco úñoraima ríire ocuítidiaioi íaillinoína ñue rairuillena. ²⁴ Afe ríire ocuínafuena cacánamona llavéraco úñotimie llavéraco jamánomo jofóidicomo íaillinoína orede. Dinomo come idai jítara íredamo íaillinoína jítate.

²⁵ Afe naio dáaferuimo Pablo Silas diga Juzíñamuimo úrillano Juzíñamui ruai rotíiaillinoi. Afécomo jíaie llavécamiíai afe rúana cacádiaioi. ²⁶ Iaillinoi rua llezica afe énie raire iere ríire docáiricaide. Nana afe llavéraco jiaillirai izói ríire mozide noficiai jaidínocaiga izói íficaide. Afe llezicamona llavéraco náziai túicoizite. Afemona nana llavécamiíai llójeuai tícoizite. ²⁷ Iemona llavéraco úñoraima cazide. Cazídemo jae nana náziai túienana ciode. Comeci anado daide: “Nana llavécamaci jae nibai botádiaioi.” Ie jira lloefai ota ie abi faitáacade. ²⁸ Mei íadi Pablo íemo caillide:

—¡Dama o abina fiéni finóñeno iri; nana benó itícaiza! —daide.

²⁹ Mei jira llavéraco úñoraima bobaie jicade. Iemona Pablo diné aizícana bite. Dinomo afe jágieri abi cuidírioicana, Pablo Silas diga íaillinoi anamo dújude. ³⁰ Ie meífomo íaillinoína jino jíainomo uillano, jicánote:

—Pablo, ¿cuemo ite fiénidifuemona cue jilloillena nie izói íiticue? —daide.

³¹ Jira aféillinoi uai ote:

—O jílloillena cai Ocuíraíma Jesucrístomo ñno. Iemona o dama jíllobicaitío. Daje izói o ai nana o úruiai diga ñnuamona jíllobicaitiaíoi, —daide.

³² Iemona Juzíñamui uaillai íemo llotíañllinoi naa ie jofo ero itínuáiri. ³³ Mei íadi daje naio llavériraima íaillinoi fáina boáfiai jocode. Afemona afémie naa íaillinoi úruiaíri báutizaigaiaíoi. ³⁴ Afe mei aféillinoína ie jofomo uillano ecade. Afémie naa ie comini diga Juzíñamuimo ñnuari caimare íóbidiaíoi.

³⁵ Afe jítiramo riire jicánoraini jíáie llavériraini llavéracomo orede, Pablo íaillinoi zuitállena. ³⁶ Iemona llavéraco úñnoráima Páblona daide:

—Riire jicánoraini ómicoína cuena zuitátate. Mei ja birui ómicoi nífuenino uái íllena jino járediomicoi, —daide.

³⁷ Mei íadi Pablo llavérirainina daide:

—Romano ímiedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui bánino cócona zuitátatiomoi? Mei íeñedeza. Coco llavétatino mai coco zúitaíbiri, —daííañllinoi.

³⁸ Afefue llavériraini jicánorainimo llujjide. Lluájillamona jicánoraini jacínaitiaíoi, aféillinoi romano ímienari. ³⁹ Ie jira Pablo Silas diga íaillinoimo jícajidiaíoi:

—Caimo ómicoi dúecai, —daíízaidiaíoi.

Iemona íaillinoi jino uano, íaíoi jófuemona oni jáillana izire jícadiaíoi. ⁴⁰ Afe llavéracomo jino billano, Lidia jofomo jáidiaillinoi. Amatiaína cíoilano íaíoína ñue náicaitadiaillinoi. Daíí ñiano jíáinomo oni jáidiaillinoi.

17

Tesalónicamo comuide aillo úrioínafue

¹ Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófuego dúcidiaillinoi. Afénomo ite judíuai llófueriraco. ² Pablo ie fibilla izói, afe llófueriracomomo jofo llófuerizaide. Daámani ocózinaiillaruido íaíoimo úrite. ³ Juzíñamui jaiai Cuegáuai jino íaíoimo llóollode. Aféuaimona Cristo duere finóínafue jítáirede, daíí íaíoimo jino llote. Daje izói Cristo tíida meine cáallena jítáirede daíí jino íaíoimo llote. Íaíoína daide:

—Be ómoimo cue llogámie Jesús dámie Crístona, —daide.

⁴ Mei íemona judíuaimona dámierie aféfuemo ñnotiaíoi. Afemona Pablo Silas íaillinoi dibénemo itábicaidiaíoi. Afe izói aillo Juzíñamuimo jaináiacade griego ímíiai iere ñue ñnotiaíoi. Afe izói aillo illaingo izóidingotíai aféuaina ñnotiaíoi. ⁵ Mei íadi ñnoñede judíuai aféfuerei úradoilla izói itíaíoi. Iemona cállemo ite fiénide ráiraiedinomo gairídiaíoi. Ie mei judíuai cállemo ite itínori aillo úrioínafue finódiaíoi. Daíí jofue comini comeci fiéni íciritadiaíoi. Jasón jofomo ite Pablo Silas diga llaitállena, afeco cirínotiaíoi, aféillinoi llaitada afeno comínimo izájillena. ⁶ Mei íadi íaillinoína baíñédiaíoi. Ie jira Jasón zocana uitíaíoi, jíáie ámatiaíoi diga. Jofue illaini uiécomo íaíoína uitíaíoi. Daíí caillídiaíoi:

—Bíañllinoi nágagobiaído fiéni faillíñeinafuiaí finódino ja benomo dúcia.

⁷ Ie mei Jasón ie jofomo íaíoína llínote. Nana afe bie bitino cai caífoide romano illaíma ocucafuaí uáitaícana daide: “Jíáie ua cai illaíma ite, Jesús,” —daíídiaíoi.

⁸ Aféfuena cacáillano ríimaci naa comíniri faillíñeidaioi. ⁹ Jasonmo daidíaioi:

—Cai o jífueñellena uícomo o úcube caimo ine. Uire aféillinoi o oréadi o úcube meine omo íiticaí, —daidíaioi. Ie jira afe úcube íaioimo fécamona ja Jasón jíái ámatiaí diga zuitádiaioi.

Pablo Silas diga Berea jófuego dúcide

¹⁰ Afemona afe naio ámatiaí Pablo Silas diga Beréamo raire orédiaioi. Dinomo dúcillano judíuai llófueriracomo jáidiaillinoi. ¹¹ Bie judíuai Tesalónicamo ite judíuai baimo figomaci. Caimare afe úrillauaina jeire otíaioi. Nágari Juzíñamui Cuegáuailaimo jénofirediaioi, íaioimo llogáuailaina uafue daíllena. ¹² Afemona aillo afémacimona ínotiaioi. Daje izói griéguaímona ínotiaioi. Dájerize íñíai íemo jíái ñue caimare jacíruigangotiaí ínotiaioi. ¹³ Mei íadi Tesalónicamo ite judíuai Pablo Beréamo Juzíñamui llogáuai llófueillana fidíillano, dinomo nane comini fieni faillíñaitaitaioi. ¹⁴ Mei íadi ámatiaí dama Páblona raire aféruído monáillai fuédamo orédiaioi. Ie mei Silas Timoteo diga Beréamo fiébaicaide. ¹⁵ Pablo nabaina jáidino Atenas jófuego íena izáidiaioi. Íaioi meine jáidinodo Silas Timoteo diga Pablo íaillinoimo uai orede. Daide: “Cue diné iere raire ómicoi biri, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úiñua llezica, afe jófuedo macade. Macádemo aillo íaioi jánaraiái cióizaide. Aferui Pablo comeci iere zúucaide. ¹⁷ Mei jira llófueriracomo judíuari úrite; daje izói jíáie Juzíñamuimo jaináiacádinori. Nágari jofue gairírabirimo itínuaíimo llote. ¹⁸ Dárie “epicuro” daina llófueinafue facádotino como Pablo diga úrizaidiaioi. Daje izói, dárie “estoicos” daina llogáfuaí facádotino Pablo diga úrizaidiaioi. Dámierie daidíaioi:

—Bie aillo úrifiredimie, ¿nífue caimo llóite? —daidíaioi.

Mei íadi jíáimaci daidíaioi:

—Níbai jíáie juzíñamuillai llotímie, —daidíaioi.

Daí úritiaioi, Pablo Jesús úrillauai, ie meine cáanafue diga íaioimo llóiacana jira. ¹⁹ Ie mei Areópago daina illánomo íena uitíaioi. Dinomo gairífrediaioi llófueinafuena cacáillena. Dinomo íena jíacánotiaioi:

—O atica cómue llófueinafuena cai onóacadicaí. ²⁰ Mei ónoñegafuaí caimo llotio. Afe bífuaí dainana onóacadicaí, —daidíaioi.

²¹ Nana Atenas imaci naa afénomo ite onínemaciri, cómue ráfuiaina cacáillena járitaitaioi. Afe izói cómfuaí llóllena járitaitaioi. Jíáie táijnamo járitañediaioi.

²² Ie jira Pablo Areópago comini cígimo náidaillano daide:

—Atenas imaci, omoi cácareí. Aillo juzíñamuillaido iere jaináidinodiomoi. Daí omoi íllana ciódicue. ²³ Omoi juzíñamuillai ánozillena finócafuaí illánuaíido éroicaídicae. Dinomo daa omoi juzíñamuillaimo comeci facáranó ciódicue. Afénomo cuega uailai daide: “Bie cai ónoñega juzíñamui íe.” Bie omoi onóñoeno jaináiacana Juzíñamui, ua birui ómoimo cue lluaíbigamie.

²⁴ ‘Afe énie finode Juzíñamui naa éniemo itínuaíiri, afémie bie énie Naama, mona diga. Afémie comini nigácomo íñede. ²⁵ Afémiemo cai nífuena finónidicaí. Nífuena llónidicaí. Mei jira dama afémie nana

comínimo cáatatinona fecáfiredede; daje izói afémie jáfaicina cai ite. Ie emódomo nana ite ráaniaina afémie caimo iga.

²⁶ Naga náiraiai fueñe dáziemona Juzíñamui comuítaga, naga illa dígano íaioi éniemo íllena. Iemona dájena diédicai. Nana íaioi íllínuiái mamede. Daje izói nano nié dino íaioi íllíruillaí mamede. ²⁷ Daí afémie finoca afe Juzíñamui íaioi jenóllena, nibai are illa ícoinia ie íaioi báillena. Mei íadi uáfuenta Juzíñamui cai illa dígamíemona jica íñede. ²⁸ Mei Juzíñamuido cáadicaí. Afémiedo cai jetácaga raana jetádicaí. Afe izói afémiedo iticai. Afe daje izói ómoimona dárie rua fínua izoide llote: “Juzíñamui comuítagamacídicaí; ie izíedicaí.” ²⁹ Iemona afe Juzíñamuina fia oro finoina jánarai daí comeci omoi facáñeno iri, mei Juzíñamui comuítagamacídicaíza. Afe izói afémiena plata finoina jánarai, ebírede nofici finoina jánarai, daí comécido omoi daíñeno iri. Nana bie jánaraiaina dani comini comeci faca izói finódiaioi. ³⁰ Naui jáíádiruillaído comini abina onóñediaioi; daí íllaza Juzíñamui íaioimo nai ibana oñede. Mei íadi birui náganomo ítímiiaina Juzíñamui ocuícana daide: “Omoimo fieni itífuiaina méidori,” —daide.

³¹ ‘Nana comínimo itífuiái izire jicánollirui Juzíñamui jae mamede. Aféruillaído afémie nizécamiédo jáicina caimo izire jicánoite. Juzíñamui afe nizécamiéna nana comínimo ñue jino uáfuenta onótate; tíllanomona íena meine abído cáatanado nana comínina uáfodo jino fidítate, —daí Pablo llote.

³² Afe tíidimaci meine cáanafuenta cacáíllano, dárie itínomona Pablo jifánodoidiaioi. Jiáimaci íena daídíaioi:

—Íco jiáíruido aféfuena meine nane dánomo ómona cácaíticai, —daídíaioi.

³³ Iemo Pablo íaioi cígimona oni jaide. ³⁴ Mei íadi dáarie iedo jáidiaioi. Jaillano ínotiaioi. Afe ínotimacimona dámie Dionísio. Afémie Areópago nimáiranimo jáináidimie. Afe ínotimacimona Dámaris mámeciredingo ite, nai bai jiáimaciri.

18

Pablo Coríntomo illafue

¹ Afe meífodo Pablo Aténasmona oni Corinto jófuemo jáizaide. ² Dinomo dúcia meífomo Aquila mámeciredede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itáliamona botádiaillinoi; romano caifóidíllaíma Claudio nana judíuai Roma jófuemona oni íaioi oréina jira. Dinomo Pablo Aquila uáiduaide. ³ Aquila ie ai diga jédaciede iniroi tífuano bizáinicaife nitíaioi. Afe íaioi níllo do úcube otíaioi. Pablo afe táijinana fibídímie. Ie jira Pablo afe íaillinoiri fiébicaide, dájena íaioi táijillena. ⁴ Naga ocózinaillaruimo llófueriracomo Pablo llófuiáifrede. Afemona judíuaímona dáarie ínotiaioi. Afe dájerize judíoñedimacimona ja ínotiaioi.

⁵ Jae Macedonia éniemona Silas Timoteo diga dúcidiaillinoimo, Pablo ie bizáinillaí nilla fáicanocaillano, dama Juzíñamui ñúefue jino llóllena iere izire llocana uite. Judíuaina uáfodo daide:

—Jesús omoi úíñogamie Cristo, —daide.

⁶ Mei íadi judúuai íena uáitaoidiaioi. Iemo fiénide uaillai nitádiaioi. Ie jira Pablo ie inícuro íaioimo faíánote. Afe faíána daide: íaioi íaire finócafue ícoinia afémie ícoiniañedeza, dani íaioi ícoinia.

Pablo íaioina daide:

—Dani omoi ícoinia timáritiomo. Jae ómoiri nífuenidimedícue. Biruímona judíoñedimacimo llujíticue, —daide.

⁷ Llófueriracomona jino jaillano, Justo maméidimie jofomo jaide. Justo Juzíñamuimo ánozillano caimare úritimie. Afémie jofo llófueriraco abimo ite. ⁸ Afe llófueriraco illaíma Crispo. Afémie naa ie comíniri Ocuíraíma Jesucrístomo ínotiaioi. Afe llezica aillo Corinto jófuego itino, Pablo lloga ñúefuina cacáillano áfemo ínotiaioi. Inuamona báutizagaiaioi. ⁹ Afe mei Juzíñamui Páblona nícaí anado daide:

—Jacíruiñoeno iri. Mai ñúefue llícaíñoeno lloíri, mei o diga itícueza. ¹⁰ Fiéndifuenta bu omo jíritanide. Nai bie jófuego aillo cuemo ínoitina ite, —daide.

¹¹ Iemona Pablo Coríntomo nai daa fimona átueto Juzíñamui uaillai comínimo llófullofuede.

¹² Mei íadi Galióna mámeciredimie, Acaya éniemo illáimana illáruído nana judúuai Páblona uáitaocana gairídiaioi. Iemona íena lláitano, ríimaci uíecomo uitíaioi. ¹³ Illáimana daidíaioi:

—Bímie comíni cigido llófuericaide. Jáífodo Juzíñamuimo ánozilli uaillai llófuecaide. Iemona afe uáillimo cacáreidiaioi. Mei íadi afefue caimo ocuica uaillai uáitaocaiide, —daidíaioi.

¹⁴ Pablo como úrizaidemo, illaíma Galión judúuaina daide:

—Judúuai, cue omoi áfedeñoeno iri! Bímie aillo fiéndifue ícoinia íadi, cómena fáfafue izói, come merírafue izói, ua afémie daí íadi ómoimo cacáreiticue. ¹⁵ Mei íadi fia omoi uáillaido, omoi mámeciaído júfidotiomo, ómoimo judúuai ocuícafuaí diga. ¡Mai dani jáicína omoi finori! Aféfuiaimo izire jicánoraimana íacañedicue, —daide.

¹⁶ Ie mei afémie nana íaioina jino jicánoracomona orede. ¹⁷ Iemona nana griéguaí Sóstenes maméidimie llaitádiaioi. Sóstenes llófueriraco illaíma. Iena lláitano, ríillama Galión uíecomo íena fáfadiaioi. Mei íadi Galión afe finócafuaína raa daíñede.

Pablo Antioquíamo meine jaide dinómona ja dacaiñoámani nane llujáide

¹⁸ Dino Coríntomo Pablo diga iruillai ite. Ie jáiacanaruimo, ámatiaí íraicaíño íena facádonocaidiaioi. Afe mei Pablo nocaedo Siria éniemo ruica jázaide. Aquila íe aí Priscila diga Pábloíri jázaidiaioi. Nai Cencrea ígobemona nai jáíñediaioimo, Pablo íe ífo cuidode. Daí finode, jae íe nauí Juzíñamuimo llogáuai fuilla jira. ¹⁹ Ruica jáillano jae Efeso jófuego dúcidiaioi. Dinomo Pablo, Aquila Priscila diga fiénocaillano, llófueriracomo jaide. Afénomo gairide judúuaimo Pablo úrizaide. ²⁰ Afémaci íe íaioi diga are íllena izire jicádiaioi, mei íadi Pablo faíríoñede. ²¹ Iraicaíño íaioina uáidonocaillano íaioina daide:

—Ja Jerusalemo íacade íráizillafuemo raire jáiacadícue, mei íadi Juzíñamui óiacania dáanomo abído ómoína érozaiíticue, —daide.

Iemona nocaedo Efésomona oni monáillaido jaide. ²² Cesarea jófuego dúciillano, Pablo arído Jerusalemo jaide, dinomo ite Juzíñamuimo gairídino uáidollena. Afe mei oni Antioquíamo jaide. ²³ Diga iruillai dinomo illa meífomo, meine nane nana Galacia jófuego Pablo oni jázaide,

Frigia jofue diga. Naga jófue mo dágoberie llófuecade. Daí Pablo nana Juzíñamui mo ñnotimaci comécina ñue náirecaitate.

Apolos Efésomo ñúefue jino lote

²⁴ Aféruillaído judío ímie, Apólona maméidímie Efésomo dúcizaide. Afémie Alejandría jofue ímie. Afe ñma uai jino llúana ñue fibídimie. Afémie Juzíñamui Cuegáuaina ñue onode. ²⁵ Ocuíraima Jesucristo llogáuailaina afémie llófuegamie. Aféfuiaí jino llúana iere méaicaiñeno caimare lote. Jino uáfodo Jesús ífuiaído llófuerite. Mei íadi dama Juan íaioi báutizafuena onode. Afe izói Juan Jesudo llogáfuena Apolos onode. ²⁶ Apolos llófueriracomo comeci jácicañenado úrizaide. Mei jira Priscila Aquila diga Apolos llófueillana cacáillano, ie eneno uitíailinoi, Juzíñamui uailai baímo ñue jino jaícina llólleña. ²⁷ Afe mei Apolos Acaya éniemo jáiacade. Iemona ámatiaí ie abina jafue oñeno, ñue íena náicaitadiaioi. Daje llezica uícomo rabe afénomo ite ñnotinomo cuetíaioi, íaioi afémiena ñue llínollena. Afémie Acáyamo dúcillano, afénomo ite ñnotinona ñue canode. Juzíñamui jae íaioimo dúcaillano íaioina ñnotade. ²⁸ Nana comini eróicana judíuai lloga taino uai Apolos íaioimo cíotate. Afémaci Apolos jamánomo ñue jaícina jóidiuaina jáanonidiaioi. Afémie Juzíñamui Cuegáuailaído ñí íaioi úiñooga Cristo dámie Jesuna jino íaioimo uáfodo llóteza.

19

Pablo Efésomo meine dúcinafue

¹ Apolos nai Coríntomo illa llezica, Pablo Galacia éniemo jaillano, íduai íllado jaide. Jáillano Efeso jófue mo dúcide. Dinomo ite Juzíñamui mo ñnotimacina cíozaide. ² Íaioimo jicánote:

—¿Meita omoi ñnuamona Ñuera Joreño úicaigaomoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedícaí, —daidíaioi.

³ Mei jira Pablo nane jicánote:

—¿Mei bu mámeçido báutizagaomoi? —daide.

Jira afémaci uai otíaioi:

—Juan mámeçido báutizagacai, —daidíaioi.

⁴ Jira Pablo íaioina daide:

—Juan lloga báutizainafue comini comécimo ite fiénidífuiaí méiduana jino náiraímo cíotate. Mei íadi Juan meífodo bitímiemo ñnorediomoí ómoína daidícue. Afe bitímie Jesús; afe Jesús Juzíñamui Nizécamié Cristo, —daide.

⁵ Aféfuena cacáillano cai Ocuídímie Jesús mámeçido báutizagaiaioi. ⁶ Pablo íaioimo onoi bitamona, Ñuera Joreño íaioimo bite. Iemona afémaci jáímaci uáillaído úritiaioi. Juzíñamuimona oga úrilla uailai jino llotíaioi.

⁷ Afémaci ñibai doce dígamiediaioi.

⁸ Pablo afe llófueriracomo daámani fiui jáicade. Dinomo comeci jácicañeno jino íaioimo llófuerite. Juzíñamui illáimana illáfuedo izire íaioimo jino lote íaioi ñnollena. ⁹ Mei íadi dámierie comeci rairuillano aféfuena ñnoacañede. Comini eróicana Juzíñamui ñúefuiaído fiéni úritiaioi. Iemona Pablo íaioi cígimona oni jáícomo jaide. Jaillano Pablo afe

Juziñamui mo ñnotinona jáiie comini llófuera como uite. Afe llófuera como naama Tiranno. Dinomo Pablo nágaruillaído llófuiaide. ¹⁰ Daí dinomo mena fimona llófuera. Iemona nana Asia énie nairai Ocuíraima Jesús llogáfuiamo cacáreidiaioi. Judíuaimona nano diga ímiiai ñnotiaioi. Afe dájerize judíoñedinomona ñnotiaioi. ¹¹ Juziñamui diga áillue ciórainina ráaniai Páblodo finode. ¹² Uiéco dóraroillai Páblomo atidiaioi jinófene jitáaroillai diga. Aféroillai Pablo jétanona iráredimacimo uitiaioi. Afe jetácaroi íaioi llínuamona jillobicaidiaioi. Daje izói jáiimacimo ite fiénide joríaí oni jáizitiaioi.

¹³ Afe mei macáraini judíuai dárie dúcidiaioi. Afémaci:

—Fiénide joríaiai cominimona oréredicai, —daidiaioi. Ja Ocuíraima Jesús mámecido afe fiénide joríaiai jino oréacadiaioi. Jáimacimo ite joríaiaina daidiaioi:

—Pablo lloga Jesús mámecido ja birui ómoína jino orédicai, —daidiaioi. ¹⁴ Afe izói judío ímie Esceva siete diga jitótiai daidiaioi. Afe Esceva lletáriraini illaíma. ¹⁵ Afémie jitótiai daí dáinamona afe fiénide joríaí íaioi uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

¹⁶ Daí daina mei, fiénidena joríairedimie riire íaioína llaitade. Nana íaioína anáfenuano iere duere íaioína finode. Ja iere jamánomo duere íaioi finóinamona, afécomona émuíromaiaí naa boáfiairi jino botádiaioi. ¹⁷ Nana Efésomo ite comini, judíuai naa judíoñedinori aféfuena fidíllano iere jacíruiatiaioi. Iemona Ocuíraima Jesús mámecina jamánomoideza daidiaioi. Afemona aillo ñúefue Jesumo nitádiaioi.

¹⁸ Aillo áfemo ñnotimacimona jaiái íaioi finoca fiénidifuiái uáfodo jino llotiaioi. ¹⁹ Daje llezica aillo nauí aiññiaí uaimo fibídino, íaioimo ite fiénino úrilla rabénicuai átiano nairai eróicana jobáidiaioi. Afe jobáicanicuai comécido facádiaioimo, jamánomo ráifide izoide, daidiaioi. “Cincuenta mil úcubetunillai dieze ráifide,” daidiaioi. ²⁰ Daí Juziñamui lloga uaillai jamánomo oni móonaioicaide. Afedo Juziñamui ríino jino cíotaioicaide.

²¹ Afe meífodo Macedonia éniemo Acaya énie diga dino comini uáiduaillena Pablo mamérite. Afeno comini uáidua meífomo, abido Jerusalem jaízaillena Pablo comécido daide. Afe emódomo daide:

—Jerusalemo cue jaille mei, dinómona Rómamo jáiacadicue, —daide. ²² Mei jira Macedóniamo mena ie canóraíma Timoteo Erasto diga uícodo orede. Mei íadi Pablo nai Asiamo nano nígarui fiévide.

Efésomo fiénidifuedo failíñeidiaioi

²³ Aféruillaído Jesús lloga ñúefuíaíri aillo fiéni failíñeidiaioi. ²⁴ Afe failíñeinafue Demetrio como fueñe taíneca. Afémie aillo ebírede ráaniai plátamona finóraíma. Juziñamuina íaioi mamécango Artemisa, nofici finoina jánarai. Aféngomo gairíraco izói, plátamona ráiracojina finoda, Demetrio fecáfirede. Afedo afémie ie diga tájiraimaci íena aillo úcube otíaioi. ²⁵ Iemo Demetrio naa jáiie daje izói tájijnana fibídnori dánomo gairídiaioi. Dinomo íaioína daide:

—Cáimaci, omoi cácarei. Bie cai tájijnado ñue ráaredicai, onódiomoi. ²⁶ Mei íadi baie Pablo llócaigafuena cacádiomoiiza. Afémie daide: “Comini finoca juziñamuillaina íeñede,” daide. Ie llogáfuemo Pablo aillo comínina

ñnotade. Daa benó Efésomoñede daií ñnotade, mei íadi nana Asia éniédo ñnotaacabite. ²⁷ Afefue iere jacire cacaide. Afedo cai fecácaiganiaina táinocaitaibite. Daje izói cai áillue juzíñamui cai ñainango Artemisa gairíraco jalléinafueña féitaite. Afe izói bie juzíñamui ñainango jamánomo ebírenafueña jámauritaibite. Nana Asia énie naa jáie éñiaíri aféngomo ánozifirediaíoi, —daií Demetrio daide.

²⁸ Aféfuena cacáillano, iere comécido ríicaidiaíoi. Iemona caillíoicana daidiaíoi:

—¡Cai Efeso imaci juzíñamui cai ñainango Diana, jaca ñinomo záíñeno iri! —daidiaíoi.

²⁹ Iemona nana afeno jófuedo aféfuiai iere riire júfidotiaíoi. Aillo afeno comini ífo irínote. Afe llezica mena Pablo nabaide íaillinoi llaitádiaíoi. Afe íaillinoi mámece Gayo Aristarco diga; Macedonia ímie íaillinoi. Íaíoi llaita mei afémaci nairai uícomo íaíoi gairíracomo íaillinoína zocana uitiaíoi. ³⁰ Pablo afeco jofomo comínimo úrizaiacade, mei íadi ñúefueña ñnotino afe jofo jáillena rairuídiaíoi. ³¹ Afe llezica Asia ríimaci Pablo diga caimare úriraini, Pablo afeco jofo jáíñeillena uai íemo orédiaíoi. ³² Íaíoi gairilla llezica, dárie jáíáfodo llotiaíoi; jáíamíai jáíáfodo júrioicana llotiaíoi. Mei aféfuiaíri jamánomo fiéni faillíñeidiaíoi. Ja nabénaírai aféfuena onóñediaíoi, nífuerei gairírdiaíoi. ³³ Mei íadi gairídino cígimona dámerie jino Alejándromo aféfuiai llotiaíoi. Afe Alejándrona judíuai, afeno comini uícomo judíuai abí ríiduaíuedo úrillena, bai íena naídánetaíoi. Bai náidaillano ie ónoído íaíoína, “Mai omoi llícai,” daide. ³⁴ Mei íadi afémie judío ímienana íaíoi comécido onónamona, mena hora nana caillíoicana daidiaíoi:

—¡Cai Efeso nairai naango Artemisa, jaca ñinomo záíñeno iri! — daidiaíoi.

³⁵ Iemona afeno jofue jabóllaíma ícoína comini llícaítade. Llícaítano íaíoína daide:

—Efeso nairai, omoi cácarei. Naga énie náiraíai cai iere jalleide juzíñamui ñainango Artemísamo gairíracona úñnotagamacídicaí, afe cai úíñuaíueña onódiaíoi. Afe daje izói aféngona mameca monámona ana baííde jánaraina úíñnotagamacídicaíza onódiaíoi. ³⁶ Mei bifue buna jaca jáanonideza, mai omoi llícai. Comece facáñeno nífuena lloñeno iri. ³⁷ Mei bie omoi atica íaillinoi, omoi juzíñamui ñainango Artemísari fiénidífuena úríñediaillinoi. Aféngona ríicaítañediaillinoi. ³⁸ Demetrio zúucaíllafue níñmiemo íadi, mai jícanoraímamo lluaíjiri. Daje izói afémieri táíjiraini zúucaíllafue íadi lluaíjiri. Jaca ríimaci uícomo meine abído óllena afémaci llórediaíoi. ³⁹ Mei jáíáfodo omoi jícanoíacaniadi, mai ríimaci ñaina izói omoi gairiri. ⁴⁰ Ja birui jácífuemo baíízaidicaíza. Birui omoi finócafue ícoína, illaíma anáfenuafueña caímo nítaitaíoi. Bie omoi faillíñeinaíue caímo íaíoi jícanoíadi, íaíoi uai cai ollííue jaca due íñede, —daide.

⁴¹ Daií ñaina meífodo, afénomo gairídino oni rainode.

20

Pablo Macedóniamo Grecia diga ñine jáíllafue

¹ Afe íaíoi faillíñeinaíue llícaílla meífomo, Pablo Juzíñamuimo ñnotino ñue llófuellena jíritade. Daií íaíoi llóíua meífomo íaíoi llíñuano íraícaíño uáidonocaide. Uáidonocaillano Macedóniamo jáízaide. ² Nana afénomo

itígobiai comini uáiduaide. Ie uáillaido afénomo ite ámatiai náicaitade. Afe mei Pablo ja Grecia éniemo dúcide. ³ Dinomo daámani fiui llófuete. Dinómona nocaedo Síriamo jáizaidemo, judúuai íena llaitácanafuena fidide. Ie jira ari éniemo Macedóniemo abido jáillena comeci facade. ⁴ Dinómona ie nabáidino: Berea ímie Sópater; Tesalónica ímie íaillinoi Aristarco Segundo diga; Derbe ímie íaillinoi Gayo Timoteo diga; jáie Asia énie íaillinoi Tíquico Trófimo diga. ⁵ Afe bie ámatiai uícomo Troas jófuemo caina uíñuaidiaioi. ⁶ Fáitara jóoneñega pan güilla irázilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

Pablo Troas comini uáiduaifue

⁷ Semana nanóidiruido gairídicaí pan ditada fecállena. (Afe pan ditada güillamona Jesucristo íraicaiño güillamo úbicaidicai.) Güilla mei Pablo Jesumo ínotino llófuete. Afe jítiramo afémie ja jáiacade. Ie jira úrioidemo ja dáaferui ite. ⁸ Caifo jica ite caifóneco ero ico como gairídicaí. Afe dinomo aillo unérachecoí bóotatiaioi. ⁹ Dinomo ite daa jítócome, Eutícóna maméidimie. Afémie jino eróirafomo ráiide. Pablo iere are úrillamona, afe jítócome jamánomo ínietaide. Icoínia izire íniamona, caifona ana baíide. Afécomo dabaniámani ite. Dinómona ana éniemo baíide. Tíide caifo llínotiaioi. ¹⁰ Mei jira Pablo ana afémiemo jáillano, ie acónimo dújuillano íena meníñote. Afe mei ámatiaína daide:

—Cáadeza, omoi jacinaíñeno, —daide.

¹¹ Daí daina mei Pablo meine caifo jaide. Caifo meine dúcillano, pan ditada güillano nai íaioimo nane úrite. Da úritemo monaide. Monáillamo oni jaide. ¹² Afe baíidimiena ñue caade uitíaioi. Iemona nana comini ñue caimare íficaidiaioi.

Pablo Tróasmona Milétomo jáillafue

¹³ Ie meífomo Pablo Asonmo iodo jáiacade. Ie jira cai jáíimaci nocaedo uícomo Asonmo jáidicai dinomo Pablo otá cai úillena. ¹⁴ Afémiena Asonmo cai báillamona, dinómona cai nocaedo nana Mítílenemo jáidicai. ¹⁵ Dinómona jáillano jítiramoidiruido Quío jofue áinodo jáidicai. Afe jáíruido Samos ígobemo zíjidicai. Dinómona Trogíliomo ocózinaidicai. Afe jáíruido Milétomo dúcidicai. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuena cíoillena, íadi níbaí cíoiñeite.

Pablo Efeso éinamacimo úrillafue

¹⁷ Nai Mileto jófuemo cai illa llezica, Efésomo Juzíñamuimo gairíraíni éinamací jírítate. ¹⁸ Iaiói dúcinamona Pablo íaioína daide:

—Nano fueñe Asiamo cue dúcinamona cue ífírenana ñue onódiomoi. ¹⁹ Nágaruillaido comeci mánainafuedo éeiafuedo omoi cigiri iticue. Daí cai Ocuíraíma Jesumo táijifiredicue. Afe llezica judúuai iere aillo duere cuena finócadiaioi. Afedo aillo facátafuíai cuemo nitádiaioi. ²⁰ Mei íadi fáicanocaiñeno nana ómoimo ñue illífuena llófuefiredicue. Daí uáfodo omoi gairíracomo ómoimo llófueriticue. Daje izói naga omoi jofomo llófuefiredicue. ²¹ Judúuaimo lloticue; daje izói judíoñedinomo lloticue. Nana íaioína daidicue: “Omoi fiénidífuíai ñuefuiaina Juzíñamui comeci jitailla izói omoi meídori. Iemona cai Ocuíraíma Jesucristomo omoi íinori,” daí íaioína daidicue. ²² Mei birui benómona Jerusalemo jáitícué;

afénomo cue jaille Juzíñamui Ñuera Joreño cue ocuilla izóí. Dinomo cuemo cómuitifuenta ónoñedicue. ²³ Dama dafue cue comécido onóigafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. ²⁴ Mei íadi aféfuena due lloñédicue. Ocuíraima Jesús cuemo jónega táijinafuena ñue ícoimo cue fuitáadi cue cáanano cúemona ráifiñede. Afe táijinafué Juzíñamui ñue caina izíruillafue comínimo llócadicue. Ua comini áizia izóidinomona cue táijina ícoimo caimare ñue dúcítaiacadicue.

²⁵ ‘Omoí cigido Juzíñamui illáimana illafue llócaidicue; mei birui ua onódicueza, ómoimacimona buna cuena meine cíõeite. ²⁶ Ie jira biruido daiíacadicue, ja ómoimona nífuenidimiedicue. ²⁷ Mei jira nana Juzíñamui caimo llófuegafuiai ómoimo uáfodo lloticue. Nífuena báinino lloñédicue. ²⁸ Ie jira afe izóí dani abi omo rairuiri. (Jae einamácidiomoiza.) Daje izóí nana Juzíñamuimo gairídinona úñori, mei jira Ñuera Joreño íaioina úñotade. Ua Ocuíraima Jesumo gairídino úñotagaomoí. Afe gairídinona Jesús dama ie tíllado, ie die tóillamona dama ie comínina meine maiñode. ²⁹ Cue jailla mei jáímaci Juzíñamuimo gairídinona jífuéridino bíttiaioí. Ua rírede jicóniai ovéjaina fázia izóí Juzíñamuimo omoí íinogafuena féitataibítiaioí. ³⁰ Daje izóí omoí cigiri táinofuiai llóitinaona iite. Afémaci uáfuenta féitajano táinofuiai ómoimo llóitíai, íinotino afe uai jeire otátallena. ³¹ Mei jira abi omoí rairuiri. Naui omoí diga cue illáfuemo omoí uibíoiri. Dafimonaámani, mona naio diga éebicaillano izire ómoimona nágamiíamo fáicanocaiñeno ómoimo jino lloticue.

³² ‘Mei cue ámatiai, ja birui Juzíñamuimo ómoína jóneiticue, omoí úiñollena. Daje izóí Juzíñamui caina izíruilla uaimo omoí comeci uibíoillena jítaidicue. Afe uai ómoína náirecáitaite. Afe daje llezica, aféuaido Juzíñamui dibénemo ñue rairuícamacina ja itíomoí naa jíáie ie rairuícacari. Mei afe rairuícacari Juzíñamuimo ñue finócamaciomoí. ³³ Jáímiemo ite úcubaiíri íaioimo ite iníroillairi dama cúeiena jaca úradoñédicue. ³⁴ Mei íadi jíáfodo, dama cue jitailla raa óllena dama cue ónoído táijidicue. Daje izóí cue diga itino íena oticue. ³⁵ Daií omoí táijillena lloticue. Afe izóí raana jítaidino omoí canóllena ómoína llófueticue, Ocuíraima Jesús daina uaimo comeci omoí facáicaillena. Afémie daina uai daií daide: “Fia iga raa llínotimie baimo, fecáfiredimie jamánomo íóbide,” —daide.

³⁶ Daií íaioína daina meífodo, Pablo cañici ana dújuillano Moo Juzíñamuimo nana afémaciri úrtiaioí. ³⁷ Iemona nana éenaitiaioí. Afe llezica Páblona meníñuano ñítada cáimadotiaioí. ³⁸ Afe llezica Pablo “Ja meine abido cuena cíõeitiomoí” dánari iere zúucaidiaioí. Afe mei fei nocaemo íiraicaiño íena nabáidiaioí.

21

Pablo Jerusalemó jáillafue

¹ Amatai fuénocaillano, Cos jófuemo nocaedo jáicina jáidicai. Afe jítiramo Rodas jófuemo jáidicai. Dinómona Pátara jófuemo jáidicai. ² Afe Pátaramo Feníciamo jáiacade nocáe baiticai. Dinómona afécaedo jáidicai. ³ Jaillano, monaillai cigi idu Chíprena jicana ciódicai. Afe éniena jarífezi dibénemo ííanona Siria éniemo jáidicai. Afe cai jáillacaemo Tíromo fielle

ráaniai illa jira afégobemo zǐjidicai. ⁴ Afégobemo ite Juzíñamuimo ñnotinona cióizaidicai. Dinomo siete dígarui íaiói díga iticai. Dinomo Ñuera Joreño llogáíaiói. Ie jira Páblona daidíaiói:

—Benómona Jerusalemó jáiñeno iri, —daidíaiói.

⁵ Mei íadi afe siete dígarui illa meífodo jáidicai. Cai jáizailla llezica nana Juzíñamuimo ñnotino, íaiói ringóniai naa úruiairi jofue féimo caina nabáidíaiói. Dinomo ite guamáximo ana dújuillano Juzíñamuimo iere úriticai. ⁶ Ie mei meniñota íraicaiño íaiói facádonocaidicai. Daí ñiano nocaemo caífo jáidicai. Afémaci íaiói jofuemo meine jáidíaiói.

⁷ Tíromona biticai Tolemáidamo dúcina. Dinomo ite ámatíai uáidollena darui nabáidicai. ⁸ Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúefue llóraíma Felipe jofomo jáidicai. Afémie siete dígamiede güille fecárainimona Juzíñamuimo gairíracó táijraíma. Dinomo afémie jofomo iticai. ⁹ Afe Felipe jiza nagaámazade. Nai ínindíaiói. Aféngotíai Juzíñamuimona cacana uailai jino llotíaiói. ¹⁰ Afénomo díga irui iticáimo, uai jino llóraíma Agabo Judéamona cai uáiduabite. ¹¹ Afémie Pablo ciraigi ife zuitáicaillano dama ie idai onói díga maíano daide:

—Ñuera Joreño daide: “Jerusalemó judíuai bie ciraigi ife náamana bie izói máite. Maíano íena jicánemacimo fécaítiaíoi,” daide, —daí Agabo llúaíbite.

¹² Aféfuena cacáillano, Cesarea imaci naa cairi, Pablo Jerusalemó jáiñeillana íemo izire jicádicai. ¹³ Mei jira Pablo uai ote:

—¿Nibái cuena zúucaitaiomoi? ¿Minícarí éedíomoi? Cue íaiói maille baimo comédo mamériticue. Juzíñamui jítíadi Jerusalemó cai Ocuíraíma ícoínia tíiticueza, —daide.

¹⁴ Afémie mámiafuena jáanonidicai. Ie jira afefue fáicanocaillano daidicai:

—Juzíñamui comeci jitailla izói omo íficaiteza, —daidicai.

¹⁵ Afe meífodo, Jerusalemó jáillana finóbídicai. ¹⁶ Cesaréamona dárie Juzíñamuimo ñnotino caina nabaide. Afémaci cígimona daa Chipre ímie Mnasón ite. Afémie jae díga fimona Juzíñamuimo ñnote. Afémiemo ite Jerusalemó dúciracomo jáidicai.

Pablo Sanatiago uáiduafue

¹⁷ Jerusalemó dúcidicáimo dinomo ite ámatíai caimare caina llíñotíaiói. ¹⁸ Afe jítiramo Pablo naa cairi Santiago uáiduaidicai. Daje izói nana illáicomini afénomo itíaiói. ¹⁹ Pablo íaiói uáidote. Uáiduano Pablo nana íedo judíoñedinomo Juzíñamui finócafuiái jino illa dígafuiái íaióimo lloste. ²⁰ Iemona aféfuíaina cacáillano Juzíñamuimo caimátaíoidíaiói. Jira Páblona daidíaiói:

—Mii, o llogáfuíai iere ñuera, mei íadi judíuaimona díga mil comini afe ñúefuemo ñnotíaiói ciódioza. Nana afémaci Moisés ocuica uai izói cai íllena iere jítáirede daidíaiói. ²¹ Mei íadi dáarie o nana jica jíánomo ite judíuáimo llogáfuena llúaíbitíaiói. Afe íaiói cacánafue daide: “Moisés ocuica uaina jeire omói oñeno iri.” Afe izói íaiói jítótíai bacano ícoi quetátañedio, daidíaiói. Ie emódomo cai fibíllafuíaina finótañedio, daidíaiói. ²² Iemo bífuíaina cai dibéno ¿nie izói llóitio? ¿nie izói ñéiticai? O billáfuaena comini fidíillano ua dáanomo gáiritíaiói, —daide. Iemo Santiago nai úrillano íena daide:

23 —Cai daináuai jeire o úamona aféuai izói o finolle jítáirede. Cairi benomo ite nagaámamie. Afémiai uícomo Juzíñamuimo nauí íaiói llogáuai fuitáacadiaíoi. 24 Bimaci o uíri. Uillano nana omoi comécimo íaífue múiñuafue mai omoi finuairi. O úcubemona omoi ífue cuidótalle íbari. Iemona dani cuidótaitiaíoiza. Afe daíí o finuamona, benó ite ínote judíuai, o ñue ífírena izói ónoítiaíoi. Moisés ocuífue jeire o úana fídítiaíoi. Daje izói ja ónoítiaíoi nana o rafue benó comínimo jíáimaci lluaíbiga táinofuiai. 25 Mei íadi ínote judíoñedinomo jíáfodo jae cueticai. Aillo judíuai finócafuiaímo íaíoi Jíeruíñeillena lloticai. Daa bifue íaíommo lloticai: “Jánarai izóidemo fecaca llíciaina omoi riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jiruífuaíomona abí omoi rairuiri; dama áiredímie ie ai diga illa ñuena,” —dínóride Santiago llogafue fuilla.

Pablo gairíracomo llaitáinafue

26 Ie mei Pablo afe nagaámamie uite; uillano afe jítiramo, íaíoi comécimo ite íaífuaíai múiñuafue finódiaíoi. Afe meífodo jofu Juzíñamuimo gairíracomo jáidiaíoi. Dinomo íaíoi comécimo ite íaífuaíai muiñóilliruillai fuillírui lluaíjidiaíoi. Afe daíí íaíoi llúamona illa dígamierie íaíoi raa fia íaíoi fecállirui llotíaíoi.

27 Afe siete dígarui ja fúiacademo Asia éniemona bite judíuai Páblona Juzíñamuimo gairíracomo cíozaiíbitiaíoi. Iena cíozaiíbillano nana afeno comínina fieni faillíñaitadiaíoi. Iemona Pablo llaitádiaíoi. 28 Lláitano caillíoidiaíoi:

—Ísrael nairai, cai cano! Bímie nággobiaído nana comíniaímo cai nairai uáitaoicana llófuecaide. Daje izói Moisés ocuífue uáitaoide. Bie cai Juzíñamuimo gairíracona uáitaoide. Ie emódomo jae mena griego ímie íaillínoi jofu uite. Daíí bie Juzíñamuido ñue finócaco ero bácajaíbite, —daídiaíoi.

29 Nauí Pablo afe jófuedo judíoñedímie Trófimo diga nabáirillana íaíoi cíonamona daíí daídiaíoi. Afe Trófimo Efeso ímie. Afémaci comeci facádiaíoi, nibai Pablo Trófimona gairíraco eromo jofu uite, daídiaíoi.

30 Iemona nana afeno comíni aféfuíai júfídotiaíoi; aféfuéri fieni faillíñaidiaíoi. Afe llezica nana comíni áizaiízi bitíaíoi. Billano Pablo llaitádiaíoi. Lláitano gairíraco jinomo zocana íena uitíaíoi. Daíí ñiano afe llezica gairíraco náziai íbáidiaíoi. 31 Ja íena titáacadiaíommo, soldados igüelli illaíma ja afe aillo comíni fieni faillíñainana fídide. Daje izói Pablo ja íaíoi titáacanafuena fídide. 32 Mei jira afe illaíma ie jabóidíllaimaíai naa ie llazírainiri jírrite. Jírillano afe comíni illánomo aizícana jáidiaíoi. Iemona nana comíni llazíraini illaíma naa ie llazírainiri bíllana cíóillano, Pablo fáajana fáicanocaidiaíoi. 33 Afe mei afe illaíma Páblomo ánozide. Ánozillano Pablo llaitádiaíoi. Lláitano mena llóejina íena maitátate. Afe mei illaíma íena daíde:

—O mei ¿búdio? ¿Ñíí fue finódio? —daíde. 34 Mei íadi comíni jamánomo jíáfodo caillíoidiaíoi. Jíáimíai jíáfodo daídiaíoi. Illaíma ífona jamánomo írinote. Jaca jefomo uibíñede, jamánomo íaíoi úrioinaza. Jira illaíma llazíraini gairíracomo íena uitátate. 35 Afeco caífo járabicimo íaíoi dúcina llezica, llazíraini Páblona caífodo rocádiaíoi, comíni íena llaitada íaíoi fáiacana jira. 36 Afémie uilla óodana caillícana daídiaíoi:

—¡Pablo dama tíideza! —daidíaioi.

Pablo ie abi ríidollifue comini uiécomo lloste

³⁷ Afécomo íena uizájjidiaioimo, Pablo afe llaizíraini illáimamo griego uáillaído jicánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónoído? ³⁸ ¿Mei o egipcio ímieñedio? Afémie nauí jíaíe illáimana benó jóonecade. Táizicimo cuatro mil come fáraini uite, —daide.

³⁹ Jira Pablo íena daide:

—Tarso jófuemo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

⁴⁰ Iemona afe illaíma Páblona fairíote. Iemo Pablo afe caífo jáirabicimo náidaillano comínina ónoído llíicaitade. Iaiói úrioína llíicaillamona Pablo afémaci uáillaído íaioimo úrite. (Afémaci úrilla uai ‘hebreo’ daina.) Iaioína daide:

22

¹ —Cai comini naa illáicomini diga, omoi cácarei. Cue abi ríiduafue jino llóiticueza, —daide.

² Hebreo uaido íaioína dáinana cacáillano, iere tii daidíaioi. Iemona Pablo íaioína daide:

³ —Cue judíodicue. Cilicia éniemo ite Tarso jófuemo jocócacue. Mei íadi benó Jerusalemocomuítacacue. Afe mei Gamaliel llófuegacue. Cai jáiáidigima ocuícáfuiái llúana iere áfemo jíeruiticue. Jaca Juzíñamui mo táijinafuemo comeci cue facai izói naa cue ríinodo iere járitafiredicue. Ua ja birui Juzíñamui ocuícáfue mo omoi járitaila izói jaiái daí járitafiredicue.

⁴ Jaiái Jesumo ínotinona daje izói fállena racádicue. Afe dáruido íñíai ringóniári llavéracomo lláviaidicue. ⁵ Lletáiraini illaini nauí comini cue lláviafuemo uai nabáiraini itíaiói. Daje izói nana illáicomini rábiai cue fécomo uai nabáiraini. Afe rábiaído Damáscómo ite cai ámatiaí judíuai jénuaidicue. Dinomo ite Jesumo ínotino jénuaidicue, atida Jerusalemó íaioína duere cue finófallena.

Pablo íemo ite fíénidifue méidua jino lloste

(Hch 9.1-19; 26.12-18)

⁶ ‘Mei íadi Damasco iodo jáidicue mo, ja jáiciri ítemo afe jófuemo dúciacadicue. Afe llezica monámona jamánomo riire cuemo egáñocaide.

⁷ Iemona éniemo baídicue. Afe llezica monámona cuena daina uai cacádicue; aféuai cuena daide: “Saulo, Saulo ¿ñibái mei cue racáadio?”

⁸ Mei jira jicánoticue: “¿O mei búdio?” Jira afémie cuena daide: “Nazaret ímie Jesúdicue. Daa o racácamiedicue,” daide. ⁹ Cuedo jáidino afe egáñuana cíóillano jacínaitiaioi; mei íadi cuemo úrite uaina cacáñediaioi.

¹⁰ Jira íena daidicue: “Ocuíraíma, ¿mei ñie izói íiticue?” Jira afémie cuena daide: “Náidacaillano o jailla Damasco jófuemo jai. Dinomo o finóllifuiaina omo llóitiaioi,” daide. ¹¹ Afe riire egáñua cue ui dúitaga. Ie jira cue nabáñiaí Damáscómo ónoído jainátaoicaigacue.

¹² ‘Aféno mo ite Ananíasna mámeciredimie. Afémie iere Moisés ocuícáfue mo ínofirede. Nana Damáscómo ite judíuai ñúfueña íemo nitáfirediaioi. ¹³ Iemo afe Ananías cue uáiduaíbite. Billano cuena daide: “Cue ama Saulo, o ui meine nane cíoteza,” daide. Daí daina

llezica meine cue ui ñue cíoide. Afémiena cíodícue. ¹⁴ Mei jira afémie cuena daide: “Cai jáiairagima Moo Juzíñamui nizécamedio. Afémie jaiai ninómona ona nizede íemo o táijillifuiái jino omo llóllena. Ua dama Jesús fuémoma ie úrilla uáillaina cácaítio. Afe llezica jaícina ñue finófredimiena Jesuna cíoitio. ¹⁵ Mei o cacánafuiái o cíónafuiái diga nana comini uícomo jino llóitio. ¹⁶ Mei birui ¿minícarí jízídío? Náidacaillano o báutizatari. Ocuíraíma Jesús mámecimo ñue íñori. Afedo o fiénidífue jae muiñócaza,” dinori Ananías daide.

Pablo Judíoñedinomo ie orécaíue jino llote

¹⁷ Pablo nai úrite. Íaíoiña daide:

—Jerusalemo meine cue billa llezica, Juzíñamuimo gairíracomo úrizaidícue. Dinomo nicaí anado cíodícue. ¹⁸ Cai Ocuíraíma Jesuna cíodícue. Afémie cuena daide:

—Jerusalémoma mai raire oni jai. Afémaci cuedo o úrillana jéruíñeítiaíoi, —daide.

¹⁹ Jira Ocuíraímana daidícue:

—Nana afémaci omo íñotinona llófueriracomo cue lláitainafuena onódiaíoi. Llavéracomo íaíoiña fácana cue uilláfuemo uibíoidiaíoi. ²⁰ Esteban o mámecido úrite táijítagamie. Afémie tíide die tota llezica afénomo itícue. Aféfuemo “Jii” daidímiedícue. Ie emódomo Esteban fatímie inícuirona oni llídícue, —daidícue. ²¹ Mei íadi Ocuíraíma cuena daide:

—Mai jai. Judíoñedino cígímo jica ona óreitícue, —daide.

Pablo llazíraini illaíma anamo illafue

²² Afe dinó afeno comini íanori tíi daidíaíoi. Mei íadi dánomo nane caillíocana daidíaíoi:

—¡Bie íima dama tíideza! ¡Afémie cáaillinona íñeíte! —daidíaíoi.

²³ Nai are caillíoidiaíoi. Fere icírillano dani íaíoi inícuiruai cúacoídiaíoi. Afe llezica eníchomaíai caífo táinomo júcoídiaíoi. ²⁴ Ie jira llazíraini illaíma Páblona íaíoi gairíracomo orede. Oriano dinomo zechénotade ie finócaíue jino llóllena, comini riire íemo fienu caillíoinafuena onóillena. ²⁵ Ja maitá fállena naidánega, íemo Pablo dinomo ite jabóllaímana daide:

—¿Jicánoñeno romano ímiena fáredíomoi? —daide.

²⁶ Afena cacáillano jabóllaíma llazíraini illáímamo llujáide; llujáillano daide:

—Bímiemo o duere finóacanafue o jírícaíñeno iri; afémie romano ímieza, —daide.

²⁷ Jira afe llazíraini illaíma Páblomo jicánuaíbite; daide:

—¿Ua romano ímiedío?

Jira Pablo:

—Íe mei, —daide.

²⁸ Jira afe illaíma daide:

—Aillo cue úcube baílla baímo romano ímiena jáidícue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe daíí ie dáinamona, ie zechénotino afémiemona oni raíídiaíoi. Nana afémaci naa aféllaímaoíri jacínaitiaíoi ie íaíoi llaitari; afémie romano ímienana íaíoi fidínamona.

Pablo judúuai Nahí Rííllaíni uícomo naidánetaíoi

³⁰ Afe jáíruido afe llazíraini illaïma Páblomo íaiõi jitácafuaïna ñue jáïcina onóiacade. Ie jira lletáriraini illaïni naa íaiõi ríllainiri dánomo gairítate. Afe mei Pablo llaveina llójei zúitano íaiõi uícomo bai naidánete.

23

¹ Dinomo Pablo Nahí Ríllainimo éroicaillano daïde:

—Cue ámatiai, cácarei. Jaca birui comeci mânainafuedo Juzíñamui uícori caimare iticue, —daïde.

² Ie jira lletáriraini illaïma Ananías Pablo abimo itino fúena putátate.

³ Jira Pablo íena daïde:

—¡Afe izói Juzíñamui ona fátaite! Jae jinóidíuaido ñue úritio, o comeci fiénide íadi. ¿Jadí ráidíio ocuica uai daina izói cuemo jicánollena? Iemona ¿ñibái mei ocuícáfue uáitano cue fúena putátatio? —daïde.

⁴ Iemona afénori itino íena daidíaiõi:

—¿Ñibái daí Juzíñamui caífoide lletáriraimana báíñotio? —daidíaiõi.

⁵ Jira Pablo daïde:

—Amatai, afémie caífoide lletáriraima ie íllana onóñedicue. Onódicueza Cuegáuailai daïde: “O jofue ríimacina báíñoñeno iri,” —daïde.

⁶ Iemona Pablo Nahí Ríllaini cigimo itinona fidíde. Afémacimona dárie fariséuaimo jaináidiaiõi. Jáímaci saducéuaimo jaináidiaiõi. Ie jira íaioina riire daïde:

—Amatai, cue fariséodicue. Afe emódomo fariseo ímie jitódicue. Ja birui cuemo jicánotiaíõi, mei tídimaci meine abído cáailíruimo cue úíña jira, —daïde.

⁷ Daí daina meífomo, fariséuai saducéuai diga conímamo jofu afefue riire júfidotiaíõi. Iemona afénomo gairídino dázierie bozietaidiaíõi. ⁸ Afe saducéuai tídinona meine cááñeite daidíaiõi. Afe emódomo Juzíñamui abi ímácina íñede, daje izói jóriaïaina íñede daidíaiõi. Mei íadi fariséuai nana aféfuaïmo ínotiaíõi. ⁹ Nana caillídiaiõi. Ie mei dárie ocuícáuai llófueraini naídáidiaiõi. Afémaci fariséuai dibénemo jaináidiaiõi. Caífo naídáillano daïde:

—Bímie fiénidífuiaïna caido llócaíñede. Nibai joreño íemo úrilla; nibai Juzíñamui dibénedo úaitañeíticai, —daidíaiõi.

¹⁰ Afe júfiduafue riire anado jaide. Iemo llazíraini illaïma Pablo íaiõi tibéruari jacínaite. Ie jira aféllaïma íaiõi cigimona Páblona llazírainina oni uitátate. Uillano meine íaiõi gairíracomo íena orétate.

¹¹ Afe jáíie naío Ocuíraïma Jesús Páblomo cíocaillano daïde:

—Pablo, jacíruiñeno, abí mame. Benó Jerusalemo cuedo o úrilla izói, daje izói Rómamo úrizaitio, —daïde.

Pablo fállena mámiafue

¹² Afe jáíruido judíuaimona dáarie Pablo fállena maméritiaíõi. Dani íaiõi abi faidódiaíõi. Jira fiénide uáillaïdo daidíaiõi:

—Páblona nai cai fáñeille dino güñeíticai, jóroñeíticai, —daidíaiõi.

¹³ Afe daí úritimíai cuarenta baïmo jaide. ¹⁴ Iemona afémaci lletáriraini illáinimo naa judíuai éinamaciri jáidiaiõi. Dinomo daízaidiaíõi:

—Dani cai abi fiéni danáfuedo faidódicai. Pablo cai fáñeille dino güñeíticai, jóroñeíticai. ¹⁵ Mai omoi naa jáíie Nahí Ríllainiri llazíraini illáimamo Pablo uire jiti atíllifue jica. Fia daí íemo lloíri, meine nane íemo

itífue izire omoi jicánollena. Afémie nai dúciñeite, afe atica llaitada íena títaiticai, —daídíai*oi*.

¹⁶ Mei íadi Pablo comoma afe Páblona íai*oi* fáiacanafuena fidíizaibite. Iemona afémie llazíraini gairíracomo Páblona llujáide. ¹⁷ Mei jira Pablo jabóllaíma jírillano daide:

—Bie jitócome llazíraini illáimamo úi. Afémiemo lollífuena íteza, —daide.

¹⁸ Afe jabóllaíma íena uillano, llazíraini illáimana daide:

—Afe llaveca Pablo cue jírillano bie jitócome benó cue atíllena jicade, afémiemo da lollífuena íteza, —daide.

¹⁹ Afe llazíraini illaíma afémie ónoído oni eneno jicánollena uite; daide:

—¿Níífue cuemo llóiacadi*o*? —daide.

²⁰ Jira afémie daide:

—Judíuai jae nana dáfuerrillano meine comeci facádia*oi*. Uire jiti Pablo Nahí Ríillaini uícomo meine o atítallífue jícaltia*oi*, meine íemo izire íai*oi* jicánollena. ²¹ Mei íadi íai*oi* jicállífue mo íinoñeno iri. Afémacimona cuarenta baímo dígamie báinino Pablo fállena jónetia*oi*. Afe fáiacadino dani íai*oi* abi faidódia*oi*. “Pablo nai cai fáñeille dino, güíñeiticai; daje izói jiroñeiticai,” daídíai*oi*. Ja birui afémie fállena ñue finóbidia*oi*. Mei íadi o uai ollífue mo nai úíñoidia*oi*, —daide.

²² Iemona afe llazíraini illaíma afe jitócomena:

—Mai o jairi, —daide. Afe íemo ie lluaíbigafuena jíáimacimo “Lloñeno iri,” daide.

*Caifóidillaíma Félixmo Páblona orédia*oi**

²³ Mei jira afe llazíraini illaíma mena jabóidillaíma uáidote. Uáiduano íaillinoína daide:

—Mai doscientos díga llazíraini mácaitinona finóbitari. Afe llezica setenta dígamie cabállodo jáitinona finóbitari. Afe emódomo doscientos dígamie zídaíairi jáitinona finóbitari. Nana afémaci nauilla baído Cesaréamo jáitia*oi*, —daide.

²⁴ Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaíma Félixmo uitátate. ²⁵ Afémacido cuegabe orede. Afe cuegabe daide:

²⁶ “Cue Claudio Lisias mamécacue. Jamánomo cámafuerede caifóidillaíma Félix, o uáidotícue. ²⁷ Judíuai bímie lláitano duere finótaacadia*oi*. Iena fáiacadia*oi*. Mei ie romano ímie íllana cue fidínamona cue llazírainido íena riíduaidícue. ²⁸ Iemo íai*oi* jitácafue na onóacadi*o*. Ie jira judío Ríillaini uícomo íena uitátaticue. ²⁹ Ie mei aillo íemo júfidogafue záilla meífomo íemo nífuena baiñédícue. Dani íai*oi*mo ocuica uai ie jeire ie oñena íemo nitádia*oi*. Mei íadi ie cue fallífue na íñede. Daje izói ie cue llavéllífue na íñede. ³⁰ Dani afémie íai*oi* nane fáiacanafuena cue fidínamona, íena omo orédícue. Afe llezica nana íemo fiénidífuiaí nitádinona daidícue: Mai Páblomo nífue o nitáadi caifóidillaíma Félix uíécomo o daízairi. Mai, jae níe.”

³¹ Mei jira nana llazíraini íai*oi* illaíma ocuilla izói Pablo uitáia*oi*. Afe naio Antípatris jófue mo íena uitáia*oi*. ³² Afe jítiramo eíbado jaide llazíraini meine íai*oi* iníracomo bitáia*oi*. Ie mei cabállodo jáidino Pábloori nai

Cesaréamo jáidiaioi. ³³ Dínomo afe Cesaréamo dúcillano, afémaci uiga cuegabe caifóidillaímamo izájidiaioi. Daje izói Pablo íemo fecádiaioi. ³⁴ Afebe facádua meífodo, caifóidillaíma jicánote:

—¿O nino ímiedo?

Pablo uai ote:

—Cilicia énie ímiedicue, —daide.

³⁵ Ie jira íena daide:

—Omo fiénidífueña nitáđino bíadi ona cácaiticue, —daide.

Afe mei Félix Páblona Herodes illaíma illaco áillocomo rairuítatinona uítátate, afécomo íena íaioi ñue rairuúllena.

24

Félix uíécomo Pablo abi ríiduafue

¹ Jubécuiro dígarui illa meífodo lletáriraini illaíma Ananías Cesaréamo bite. Afémiedo dárie énamaci bitíai. Dáruido, caifóidillaíma uíécomo raire úritimie bite. Afémie mámeçi Tértulo. Nana afémaci caifóidillaíma Félix uícomo Páblomo jítacafuiai nítaibitíai. ² Pablo íaioi átia llezica, Tértulo íemo jidífue riire nítade. Félixna daide:

—Cai izíruiga caifóidillaíma, ori ióbiacadicaí. Ñue záillafue caimo ite; íemo caimare llíicallafuemo iticai. O fibíllafuedo nana ñue ocuícacai. ³ Nana bífuiairi nágobiaido ióbioidicaí. Félix o iere jamánomo fígomiedio. ⁴ Mei íadi are o cue áfedoñeilleza cai úrillamo o cacáreillena omo izire jicádicue. ⁵ Bímie fiénide duico billa izói bíllana ciódicaí. Naga éniáido llócaide judíuai oni énenorie bozíetaillena. Afémie Nazaret ímie Jesumo ínotino ífóđimie. ⁶ Icoímo cai Juzíñamuimo gairíraco ero bácajide. Ie llaitáđicaí ñue afémiemo cai ocuina uai daína izói jicánollena. ⁷ Mei íadi llaizíraini illaíma Lisias aféfuemoña caina rairuide. Iemona cai anámona íena ríífuedo oni bairode. ⁸ Afe emódomo caina daide: “Bie cómemo bifue jítáđino odo bírediaioi.” Dama o afémiemo jicánorena, nana íemo cai jítacafue uáfueiteza. Daí áfena uáfueña onóitio, —daide.

⁹ Aféno mo jaide judíuai nana aféfuíaina uáfuiái daídíaioi. ¹⁰ Jira Pablo úrillena caifóidillaíma ónoído llote. Jira Pablo daide:

—O uícori cue abi ríiduafue jino caimare llóiticue. Jaiai díga fimona bie nairai o jicánoraímana o íllana onódicueza. ¹¹ Ja doce dígarui íllamona Jerusalemo Juzíñamuimo áinozillano íemo caimare úrillena dúcidicue. Aféfuena dama o jicánorena, ñue o ónoillena. ¹² Bumo riire cue úrillana cacáñediaioi. Daje izói Juzíñamui gairíracomo comínina fiéni failíñaitañedicue. Iemo jíái Juzíñamui llófuériracomo daje izói júfidogafuiai finótañedicue. Daje izói nairai jófuedo nífuena lloñedicue. ¹³ Nana bimaci cuena nitácafuiaina bu áfena uafue daínina. ¹⁴ Mei íadi dafue jino llóiticue. Judíuai fiéni mameca fiénidíodo jáidicue. Afe como Jesús lloga iodo cue jáillamona cai uzútiaí Moo Juzíñamuimo táijidicue. Mei nana cueda ocuica uáillaina ínoticueza. Afe daje izói nana uai jino lloraini Cuegáncuaimo ite uáillaina ínoticue. ¹⁵ Íaioi Juzíñamuimo úíñoínafue daide: “Tíđino ñúemaci fiénidímaci díga meine abido cáaitiaioi.” ¹⁶ Ie jira Juzíñamui uíécomo nífuenidímiéna cue íllena jaca nágarui cue comeci ñue finófiredicue. Afe izói comíni uícomo nífuenidímiéna íacadicue.

¹⁷ Ja díga fimona jáínuaímo cue maca meífomo, meine cue éniemo Juzíñamuimo fia fecaca úcube izáibitícué. Afe izói dúeredímacimo

dúecaillano úcubena fécaibiticue. ¹⁸ Afe daií cue feca llezica, cue comécimo ite íaifuiái cue múiñuafuemo nícidoticue. Daií cue comeci nícidua meífodo afe úcube cue fecalle llezica, dárie Asia énie judíuai Juziñamuimo gairíracomo cuena baitíaioi. Afénomo nai comínina figo iñena llezica iticue. Afénomo ite comínina jaca buna failíñaitañedicue. ¹⁹ Afénomo cuena ciódino benomo cuemo jítaibirediaioi, cuemo nifue íaioi nitáadi. ²⁰ Mei jiáifodo nauí judíuai Nahí Ríillaini uiécomo cue illa llezica fiénidifue cuemo nauí íaioi báiaidi, benomo ite aféfuena cacáidino mai jino lloiri. ²¹ Aféruillaído íaioi cígiri cue illa llezica dafue riire íaioimo lloticue. Daídicue: “Ja birui cuemo jicánotíomoi tíidimaci meine abido cáaillifuemo cue ínua jira.” Dino Pablo úrite.

²² Félix Pablo daií dáinana cacáillano, aféfuena dinó fiénocaide. Afe Jesucrístomo dibénemo itino finócafuiaina Félix ñue fibídimie. Ie jira aféfuena dinó fiénocaide. Fiénocaillano daide:

—Fui laiíziraini illáima Lisias dúciadi bie ómoimo itifue afémie cuemo ñue jino llóite, —daide.

²³ Iemona Félix, jabóidillaimana ocúide Páblona nai zuitatañellena. Mei íadi ie comini ie uáiduaibillena rairuñede. Afe izóí ie íaioi cánuabillena jeruñede. Afe daií Félix Pablo figo riire llavétañede.

²⁴ Afemona afe mei dígarui illamona, Félix meine dúcide ie ai Drusila diga. Afengo judío ingo. Félix Pablo jírítade Jesucrístomo ínuaufuedo úrillena. ²⁵ Afe ínuaufuedo úrilla llezica Pablo ñue jaícina jáillifuedo úrite. Afe daje izóí ñue comini illena abi rairuínafuiái llote. Ie émodomo írairuimo comini jicánollifue jino llote. Aféfuaiaina cacáillano, Félix jacínaite. Jacínaillano daide:

—Mai birui jai, uire cue jitáilliruido nane ona jíríticueza, —daide.

²⁶ Afe jiáifue Félix, Pablo ie zuitalle úcube fecalle úiñote. Ie jira diga ícaíño Félix íena jíjíríde ie diga úrillena. ²⁷ Mena fimona daií ihidiaioi. Afe mei Félix ie illáimana illano fáicanocaide. Ie meífomo Porcio Festo illáimana jónetiaioi. Félix judíuai uícori ñue íacanamona llavécamie Páblona zuitáñeno oni jaide.

25

Pablo Festo uícori abi ríiduaufue

¹ Ie meífomo Festo ja illáimana bite. Afe mei daruíamani illamona Cesaréamona Jerusalemo jaide. ² Dinomo lletáriraini illaini naa judíuai ríimaciri Páblomo íaioi nitácafuiái nane Féstomo llotíaioi. ³ Jerusalemo abido Pablo oréllena izire jicádiaioi. Pablo io anamo íaioi fallífuenta maméritiaioi. ⁴ Mei íadi Festo íaioi uaimo daide: Pablo nai Cesaréamo llaveca. Nano íanori illamona afénomo nane jáiticue.” ⁵ Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémiemo nifue íadi dinomo íemo nitajirediomoi, —daide.

⁶ Festo afe Jerusalemo nano ocho nibai diez dígarui illa meífodo meine Cesaréamo bite. Afe jiáiruido ie riire jicánoranomo ráinazaide. Páblona atítate. ⁷ Pablo afénomo jofu jáidemo, Jerusalémana como dúcide judíuai íemo ánozidiaioi. Ánozillano aillo fiénide ráfuiái íemo nitádiaioi. Mei íadi aféfuaiimo ínollifuenta iñede. ⁸ Mei jira Pablo ie abi ríiduaufuena daide:

—Cue nie fiénidifuea finóñedicue. Judíuai ocuífauiaí uáitaoiñedicue. Iaiói gairíraco ero bácañedicue. Daje izói romano caifóidillaíma uáillaína uáitaoiñedicue, —daide.

⁹ Mei íadi Festo judíuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuaí dinomo cue jicánolleza? —daide.

¹⁰ Jira Pablo uai ote:

—Ja birui romano illaíma uícomo náidadedicue. Ja benomo cuemo nitácafuaí jicánorede. Mei judíuaimo nífuenidimiedicueza ñue onódio.

¹¹ Cue títaite fiénidifue cuemo íadi, áfemona abí jáanoñeiticue, mei íadi nana cuemo íaiói nitácafuaí tánofue íadi, buna íaióimo cuena ríifuedo izájinide. Dama romano jamánomo ocuídillaíma cuemo jícano daidicue, —daide.

¹² Iemo ie fidítatimíaimo úrilla meífomo, Festo daide:

—Mei “Jamánomo ocuídillaíma cuemo jícano” daidíozá, ie jira afe jamánomo ocuídillaímamo ona óreiticue, —daide.

Pablo illaíma Agripa uíécomo illafue

¹³ Diga irui illa meífomo illaíma Agripa ie ai Berenice diga Cesaréamo Festo uáiduaide. ¹⁴ Aféno mo diga irui itiaíllinoímona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite. ¹⁵ Naui Jerusalemo cue jailla llezica, lletáriraini illáini, naa judíuai éicomíniri íemo íaiói nitácafuaí cuemo llotíaíoi. Ie duere cue finótallena cuemo jicádiaíoi. ¹⁶ Jira íaiói uai oticue. Iaióina daidicue: Romano ríimaci íaiói fibilla izói, afefue nitádimie íemo nitácamie uíécomo conímamo jofo eróicana nai úriñenia, nitácamiena fañediaíoi. Afe daí tánofue nitácamie ie abí ríiduaífuea finórede. ¹⁷ Ie jira afémaci benomo billa llezica, raíre afe jáíruido cue jicánoranomo ráinazaidicue. Ráinazaillano afe cómena atítaticue. ¹⁸ Mei íadi afémiemo nitádino cue comeci daína izói nitáñediaíoi. ¹⁹ Daa íemo íaiói nitácafue fia íaiói ínogafuaímo jaináidífue. Daje izói da Jesudo úritiaíoi. Afémiena tíde daidíaíoi; mei íadi Pablo “Caade” daide. ²⁰ Mei aféfuena onóñedicueza. Nie izói aféfuena níbaíticue, daidicue. Jira Páblomo jicánoticue: ¿Jerusalemo meine jáiacadio dinomo omo nitácafuaí ñue jicánolleza? ²¹ Mei íadi afémie jamánomo ocuídillaíma Augusto íemo jicánolleza jicade. Ie jira nai íena zuitáñedicue. Iena rairuídicue jáíruido afe caifóidillaímamo ie cue oréllena, —daide.

²² Jira Agripa Féstona daide:

—Cue jáí daje izói afe íima uaimo cacáreacadicue, —daide.

Jira Festo uai ote:

—Uire jiti cácaíto, —daide.

²³ Afe jítiramo, Agripa Berenice diga dúcillano, áillue gairíraco nana jofo jáidiaíoi, naa llaíziraini illáiniri, naa jofue ríimaciri. Ua aillo ebire finóbillano jofo jáidiaíoi. Dinomo Festo Pablo jírítade. ²⁴ Afe mei Festo illaíma Agrípana daide:

—Illaíma Agripa, nana cairi benó gairídínori, omoi cácarei. Bímiemo omoi eroi. Aillo judíuai afémiedo cuemo úritiaíoi. Benó Cesaréamo cuemo úritiaíoi; daje izói Jerusalemo izire cuemo jicádiaíoi. Jaca fáinocaiñeno ie titácanafuea cuemo llotíaíoi. ²⁵ Mei íadi afémiemo comeci facádicue, íadi ie cue titállifuea íñede. Mei caifóidillaíma Augusto íemo jicánolleza dama

jicade. Jira afémiemo íena oréllena mamédicue. ²⁶ Mei caifóidillaímamo afémie rafue cue cuellífueña íñede, ¿níífue mei cúeiticue? Ie jira, Agripa, bímie o uíécomo atídicue íemo omoi jicánollena. Afedo caifóidillaímamo cue cuellífueña ónoíticue. ²⁷ Mei cue comeci daide: Da llavécamié cue oréadi, íemo íaíoi nitácafueña ónoñenia, níbai afefue táínofue, —daide.

26

Illaima Agripa uícori Pablo abi ríiduafue llote

¹ Jira afe Agripa Páblona daide:

—O dama o abi ríiduafueña llórena, —daide.

Iemona Pablo como fueñe íaíoimo úrite; daide:

² —Illaima Agripa, cue abi ríidollífue o uícomo cue llólleri íóbidicue. Nana judíuai cuemo nitaca táínofuiai jino jaícina llóíticue. ³ Nana judíuai fibíllafuiaiña ñue onódioza. Daje izóí conímamo cai úrillafueña onódio. Aferi iere íóbidicue. Ie jira fíaicana cue úrillamo o cacáreillena jicádíicue.

Pablo íemo itífue méiduafue uícomo fnócafuiái

⁴ Nai cue úruenamona dama cue éniemo, daje izóí Jerusalemo íaíoi cígiri nana judíuai cue illáfueña onódiaíoi. ⁵ Daje izóí cue jitócomenanomona fariseo ímiena cue illana onódiaíoi. Afémaci jitaia aféfuena jino llóredicue. Cai ínogafuiaiimo afe fariséuai jamánomo riire jaináidino. ⁶ Iaíoi ínogafue izóí Juzíñamui tíidino meine abido cáatallífueño ínoticue. Juzíñamui daje afe cáallífue cai jáiairagímamo llote. Afefue ícoínia birui bie jicánollífueño cuena atídiaíoi. ⁷ Cai Israel doce nairai afe uícomo llogáuai fuizájillinomo úíñoídiaíoi. Ie jira mona naio díga Juzíñamuimo ánozillano caimare úritiaíoi. Afe izóí íemo táíjídiaíoi. Illaima Agripa, afe bie daje úínogafue ícoínia, judíuai fiénidífuiai birui cuemo nitádiaíoi. ⁸ ¿Níbai mei daíí comeci facádiomoi? ¿Níbai mei afe Juzíñamui tíidino meine abido cáatallífueño buna ínonide, daidíomoi?

Pablo nauí Jesucrístomo ínotino rácafue

⁹ Nazaret ímie Jesús mámecimo jaináidino duere cue finótallena, nauí aféfuemo comeci facáoídicue. ¹⁰ Iemona Jerusalén imácina duere finótaticue. Lletáriraini illaini ríibiaido aillo Jesumo ínotinona llavéracomo íbaicotadíicue. Comini afe llavécamací titáacana llezica aféfuena fairíotíicue. ¹¹ Díga icaiño íaíoína duere finóídicue, íaíoi ínogafue féitallena. Afe duere finótafue naga llófueriracuaido daíí finóídicue. Afe ínotinona jamánomo fiéniruidíicue. Ie jira afémacina onínemaci jófuemo racádíicue.

Pablo íemo itífue méidoínafue nane llote

(Hch 9.1-19; 22.6-16)

¹² Bie daíí comeci mamérrillafuedo Damasco jófuemo jáidíicue. Lletáriraini illaini ríibiaido comini llaitállena orécacue. ¹³ Mei íadi jaíciri ía íodo jáidíicueño, jamánomo monámona riire cuemo egáíñoacáide. Afe egáíñua jítoma egáíñua baímo meáírede. Cue abimo egáíñoacáide naa cuedo jáidínori. ¹⁴ Iemona nana éniemo baíídicaí. Hebreo uáillaído monámona cuena daínana cacádíicue; cuena daide: “Saulo, Saulo, ¿níbai mei cue racádío? O dama o abi fiéni finódio. Aillue juráreto jíúrainomo íte

jáirede razi. Afe rázimo juráreto záitacailla jilla izóí, afe izóí dama abi daíí finódio” daide. ¹⁵ Jira uai oticue: “Ocuíraima, ¿mei o búdio?” Jira afémie cuena daide: “O racácamie Jesúdicue. ¹⁶ Mai náidacaillano macácana jai. Jae cuedo o táijillena omo cíocaidicue. Afemona birui o cíonafuemo uai nabáiraímana íitio. Ie meífomo jáíruido jáífuiái omo ácataíticue. Aféfuiaimo nane uai nabáiraímana íitio. ¹⁷ Ja judíuaimona jáíe jicáneziemo ona orédicue. Dinomo ona lláitaitiaíoi íadi ona jíllotaiticue. ¹⁸ Dinó afeno imácimo ona orédicue, íaíoi comeci o zuitállena. Afemona, jítifodo íaíoi macáñeno úzefodo íaíoi macállena o orédicue. Daje izóí nana íaíoiimo ona orédicue Taife íaíoi náamatañellena, mei íadi Juzíñamui dibéfomo íaíoi jaináillena. Afe izóí íaíoiimo ona orédicue cuemo íaíoi ñnollena. Iemona íaíoiimo ite fiénidífuiaí dóficaite. Afe fiénidífuiaína dóficaidino íaíoi feci raa máíñoitiaíoi naa jáíe Juzíñamui ñue finócamaciri,” daíí Jesús cue ocuide.

Nicaí anado Jesús íemo ocuícuaí Pablo jeire ote

¹⁹ “Mei jira, illaíma Agripa, monámona cue cacánafuena jámairuíñedicue; mei íadi áfena jeire uano fueñe Damasco imácimo afe úrilla uai jino lloticue. ²⁰ Afe meífomo Jerusalén comínimo daje izóí nana judea éniédo llócaidicue. Afe izóí jáí judíoñedinomo llócaidicue. Nana íaíoiimo itífuiaí íaíoi meídollena riire lloticue. Iemona Juzíñamui dibénemo íaíoi íficaillena íaíoi llófueticue. Ñúefuiaído íaíoi macállena lloticue íaíoiimo ite meídogafue jino ácatallena. ²¹ Afe bífuiaí cue llua ícoínia, judíuái Juzíñamui gairíracomo cuena llaitada fáiacadiaíoi. ²² Mei íadi Juzíñamui cue cánuado nai biruimo ñue jáicadicue. Naga cómemo, illáicomíni naa jamái comíniri Juzíñamuido úricaidicue. Moisés llua izóí lloticue. Jaiái uai jino llóraíni llua izóí llófueticue. Nana íaíoi lloga caímo ífcaítífuiaí jino lloticue. ²³ Jaiái ninomo uícomo llotíaíoi: “Cristo duere finólleza,” daídíaíoi. “Afe meífomo tíite; tíillano meine abído cáate. Afe daíí fueñe tíidímiemona meine abído cáaitimiena maméllimieite.” Daíí aféfuena daídíaíoi. Afe emódomo jáífue daide: “Cristo cáillemona, comíni jíllóillífue jino llóite. Ua caí náiraímo llóite. Daje izóí jáíe náiraíaina fidítaite,” —dínó Pablo úrite.

Pablo Agripa Jesucristo dibénemo jaináillena llote

²⁴ Daíí Pablo afe abi ríiduafue llua llezica, Festo caillíoicana daide: —j Pablo, o uáírítaidio! Aillo rábiaí o facáduamona o ífoci uáírítaiide, —daide.

²⁵ Jira Pablo uai ote:

—Fígomie Festo, cue uáíricoñedicue. Mei jáíifodo cue daináuai ñue comécido facádorede. Aféfuiaí uafue. ²⁶ Benori illaíma Agripa ite, bífuiaína ñue onódimie. Ie jira comeci mánainafuedo afémie uíécori úriticue. Afémie nana bífuiaína ie onónana ñue onódicue. Afémie nana bífuiaí báinino izúgumo lloñégaza onode. ²⁷ Illaíma Agripa, ¿uai jino llóraíni llogáuaimo ínotio? O ínuana onódicue, —daide Pablo.

²⁸ Jira Agripa daide:

—¿Jesucrístomo afe dibénemo cue jaináillena raíre cuena ífcaítaacadio? —daide.

²⁹ Jira Pablo íena daide:

—Raíre Crístomo jaináidimiena o ífcaíadi, o are íllamona Crístomo jaináidimiena o ífcaíadi, nai birui Juzíñamui uaillaí ñue jeire o ollífue jicadicue. Afe izóí dama óieñedeza mei íadi cue Jesucrístomo ínuua izóí

nana cue úrillamo cacáreidino Crístomo ñue ñnotinona jitáidicue. Mei íadi llójeina cue máina izói ómoina maitátaacañedicue, —daide.

³⁰ Pablo aféfuiai llua meífomo, illaíma Agripa caífo náidacaide, afe caifóidillaíma Festo diga. Afe llezica ie ai Berenice nana dinó ráiiedino diga caífo náidacaidiaíoi. ³¹ Náidacaillano bai eneno jáidiaíoi aféfuiaido úrillena. Dinomo jofo conímana daidiaíoi:

—Baie cómemo ie titállifuena ññede. Daje izói llavéracomo ie llavéillinona ññede, —daidiaíoi.

³² Jira Agripa Féstona daide:

—Bímie nauí jamánomo ocuídillaíma íemo jicánollena jicáñeniadi ja biruí zuitárede, mei íadi báillaímamo jicádeza zuitánide, —daide.

27

Pablo Rómamo oréinafue

¹ Pablo Itáliamo oréillifuemo maméritiaíoi. Iemona Pablo naa jáíie llavécamiiaíri jabóidillaíma Júliomo izájidiaíoi. Afémie Augusto llazíraini iguéllimo jainaide. ² Iemona Adramitio ígobemona áillue nocaedo jáizaidicai. Afecae nana Asia énie ígobiaido zójicana ja jáizaide. Daje llezica Tesalónica ímie Aristarco caído jaide. Tesalónica Macedonia énie jofue. ³ Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuíñeno ie onóigamiaina uáidujitade. Afe daí ie onóigamiaina Pablo jitaica raana fecárediaíoi. ⁴ Sidón ígobemona jáidicai. Jaillano monáillai cigi idu Chipre jarífeximo fiéicaidicai, mei jairifo jáífodo cai ñuitáocaillamona. ⁵ Dinómona Cilicia énie áinodo Panfilia énie diga baído monaillai cigido jaitádicai. Afe mei Licia éniemo ite Mira ígobemo zijidicai.

⁶ Dinomo llazíraini illaíma Alejandríamona bite, Itáliamo jáizaide áillue nocaena cíozaide. Afécaemo afémie caina nana jofo orede, afénomona afécaedo cai jáillena. ⁷ Dinómona diga iruí fíaicana juare jáidicai. Icoímo Gnido jofue féifenemo dúcidicai. Mei jairifo nai jáífodo oni cai ñuitáocaillamona monaillai cigi idu Salmón féifenado jáidicai. Ie jira monaillai cigi idu Creta onido nefícana jáidicai. ⁸ Afe monaillai fue áinodo fíaicana juare jáidicai. Icoímo Buenos Puertos mámeciredinomo dúcidicai. Afégobe Lases jofue áinori ite.

⁹ Jae diga iruillai fia fíaicana jáidicai. Iemo ja uáicimo ánozidicai. Iemona monaillai cigido cai jaitalle jamánomo jacírede. Ie jira Pablo íaíoina izire llote; ¹⁰ daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai nibai coróbaizaiticai, —daide.

¹¹ Mei íadi llazíraini illaíma nocáe naama jáiacanafue Pablo dainafue baimo jeire ote. Daje izói afecae illaíma daina uai llazíraini illaíma jeire ote. ¹² Afégobe uáiciai úñollena figo jínoiñede. Ie jira nana comécido daidiaíoi: “Níbai Fenice ígobemo jáidicaina figura izoide,” daidiaíoi. Afégobe Creta énie mona ícoi dibénemo ite. “Afe dinomo uáici záillena úñoiticai,” daidiaíoi.

Monáillaimo jamánomo rírede jairifo noci diga jáíñuafue

13 Afe jiáiruido mona átue dinena jairifo fáicana fúuoidé. Jira áfemo ínnotiaioi ruica íaioi jáitallena. Afemona jáizaidicai. Afe Creta énie áinodo jáidicai. 14 Mei íadi due afe meífodo riírede jairifo cai jailla nocáe riire ñúitáibite. Ua afecae riire aiñóicaide. 15 Mei cai jáiacananomo jáinina jira, “Dama jairifo niné uigacai,” daidíai. 16 Iemona duera monaillai cigi idu Clauda jinófenedo jáidicai. Dinomo jairifo caina riire fúuoiñede. Ie jira cai abido uiga dúecae, fáicana juare caifo bitádicai. 17 Dúecae bita meífomo, áillocae jéerie ñécigaido riire jofe mozidicai. Afe mei guamáeaimo íaioi bíjizai dáii jaciruitiaioi. Afe guamáeai mámece Sirte. Afe jágiedo íaioi ñuite vela daina áillue iniroi ana zúcoidiaioi, cai nocáe fia jairifo fáicana úillena. 18 Afe jiáiruido afe jairifo riire jáiñode. Ie jira íaioi uiga ráaie como fueñe afécaemona monáillaimo dócoidiaioi. 19 Ja daruiámami íllamo nocáe ero táijina ráaniai dani cai ónoido monáillaimo fádoidicai. 20 Aféruillaido diga irui jitoma naa úcuai diga cióñena. Dinomo afe riírede jairifo llavécamiiai izói duere cai finode. Iemona nana jílloillena cai comécinafuiiai niné táinocaide.

21 Ja diga iruillai güiñeno iticai. Ie jira Pablo íaioi cigimo naidáillano daide:

—Nana omoi cácarei. Naui Crétamona jáiñeiticai cue daina uaina jeire oñédiomoi. Afe cue daina uaina ñue ínnotiomoinia bie izói duere zefuñedicai. Daje izói nana cai atica ráaniai niné táinocaiñede. 22 Mei íadi, birui omoi jaciruiñeno iri. Bie nocaena niné táinocaite mei íadi ómoimona buna tíñeite. 23 Mei ja naio Juzíñamui oreca ie abi ímie cuemo daíizáibite. Afe Juzíñamuimo jáináidimiedicue. Afe izói íemo táijidimiedicue. 24 Afe oreca abi ímie cuena daide: “Pablo, jacínaiñeno iri. Romano jamánomo ocuídillaíma uícomo náidazaitioza. Ie jira o illa ícoinia nana nocaedo odo jáidinona Juzíñamui tíllinomona jílloitaite.” Dinó Juzíñamui oreca ie abi ímie cuena daide. 25 Ie jira abí omoi mameri. Juzíñamui uaimo ínnoticueza. Ie oreca ie abi ímie cuena daina izói bie cai duere zefuñellafuemona ñue jino jáiticaíza. Afe bífuenta ñue onódicue. 26 Mei íadi benómoma daa monaillai cigi ídumo jairifo caina nétaite, —daide Pablo.

27 Mena semana cai jailla meífodo daa naio Adria monaillai cai illa llezica, riírede jairifo meine abido caina úioicaide. Iemo dáaferui illa llezica, marinéruai éniemo cai ánozillana comécido onódiaioi. 28 Jira nié dinó afórede dainano facádiaioi. Facádiaioimo treinta y seis metros afórede. Nane afe baimo dáanommo facádiaioi. Ja veintisiete metros afórede. 29 Nofícaíaimo íaioi ñáijizaillana jaciruillano moi dibécaemona cuatro diga nocáe cuinara lloéloici monaillai anamo dotádiaioi. Afe mei comeci jaciruoicana mona monaille úiñotiaioi. 30 Afe llezica afecae marinéruai “Bie áillocuemona mai cai botallí” dani conímama daidíai. Afe daí íaioi botácanamona emódomo bitaca dúecae ana jáinoimo agúñetiaioi. Afe llezica jáíamacina jífueacana daidíai: “Bie dúecaedo áillocae ifo dibécaemo jáie cuinara lloéloici dótaíticai,” daidíai. Daí afe nocáe ana agúniado jífuercadíaioi. 31 Mei jira Pablo llaizíraini ílláimamo naa ie llaizíraini rílluano daide:

—Baimaci bie nocaemo fiébiñeno botáadi ómoimona buna jílloñeilleza, —daide.

32 Ie jira llaizíraini dúecae agüina ñécigai jaitádiaioi, afecae illemo baíllena.

³³ Afe monáidemo Pablo íaioina daide:

—Mai omoi güiri. Ja mena semana güiñédiomoiza; iniñédiomoi. ³⁴ Izire ómoína güitátaticue. Afe omoi güille jitáirede ñue omoi jilloillena. Uafue ómoimona buna córobaiñeite. Daje izói omoi abímona minícana due jiza báiiñeite.

³⁵ Daií dainano, Pablo daa pan líinuano nana comini eróicana Juziñamuina “fere figura” daide. Daií ñiano afe pan ditade güite. ³⁶ Afemona nana náreficaidiaioi. Afe daje llezica jáino güitíaioi. ³⁷ Afe áillocamo doscientos setenta y seis dígamiedicai. ³⁸ Ja íaioi güíacaga güille güilla meífodo, fiébide trigo illemo dotádiaioi, afecae féecocaillena.

Afecae buíllafue

³⁹ Jae monáidemo, afe éniena onóñediaioi, mei íadi guamai diga ñue itízugaina ciódiaioi. Onóñegaza afénomo íaioi zízizaillena maméritiaioi. ⁴⁰ Iemona afecae cuinaina lloéloici igai jaitádiaioi. Afe lloéloici monáillai anamo fiébicaide. Afecae datara jairábiai zuitádiaioi. Afe mei afecae uite iniroi ifófecaemo caifo jairífomo jóonetaioi. Iemona afecae oni guamáemo áinozioicaide. ⁴¹ Mei íadi mena meine ábiedo totínuaimo dúcidiaioi. Iemona afecae afénori ite guamáemo bíjide. Ifófecae afe guamáemo jamánomo riire bíjide. Mei íadi móifecae nai ñue fairídemo, monáillai bagua niné llazéraga. ⁴² Jira afécaemo ite llazíraini llavécamiiai fáiacadiaioi, “Íihii bótaitiaioi” dainano. ⁴³ Mei íadi afe llazíraini illaíma Julio Páblona jíllotaacade. Mei jira íaioina fatátañede. Jáifodo ocuide nana íiana onódino illedo ícana raire uícomo dúcillena. ⁴⁴ Jáíamaci íiana onóñedino afe nocáe lláicoizillabici emódodo jáitate. Daií nana oni fuédamo dúcidiaioi. Afe daií ñue jíllodiaioi.

28

Pablo monáillai cigi idu Máltamo dúcinafue

¹ Nana ari éniemo ñue jíllobicaidicaimo, afe monáillai cigi idu, comini cai llúamona Máltana mámecirenana onódicai. ² Afedu nairai ñue caina líinotiaioi. Aillue irai bonódiaioi noci jáiñua rozírena jira. Aferai bónuana nana caina: “Mai omoi agáizaibi” daide. ³ Afe llezica Pablo záfegai líinota aférimo jóoniaide. Aferai uzire cácanamona titade jaio jino billano Pablo onoi ainide. ⁴ Afedu nairai afe jaio ie ónoimo agúinana cióillano, conímamo llotíaioi:

—Ñibai baie íima come fáfiredimie. Meiti monáillaimona ñue jillode íadi, Juziñamui jáicina jóidifue nana comínimo onótaiacanamona íena raamo jíritate ie jilloiñeillena, —daií daidíaioi.

⁵ Mei íadi Pablo afe jaio iraimo jaidínota dotade; íena ñue izói ñibáiñede. ⁶ Nírui íena fáitaite dainano afemo nana ocuíridiaioi. Jáifodo nino llezica íena ana dotada títaite daidíaioi. Mei íadi íena ja are úíñodiaioimo ñie izói íena ñibáiñede. Ie jira nano comécido íaioi daináuai jáíifodo meídotiaioi. Iemona bie Pablo Juziñamui izóidimie daidíaioi.

⁷ Afe ánori afedu illaíma Publio illánuii ite. Dinomo daruíamani afe Publio caina ñue líinote. Cai jitaica raana ñue caimo fecade. ⁸ Aféruillaído afe Publio moo irárede. Bírallumo diga irui búifrede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juziñamuimo íena jicade. Daií ie jica mei Pablo onoi íemo bitade. Iemona

afémie jíllobicaide. ⁹ Afena íaioi fidínamona nana afédumo ite iráredinuiaí Páblomo atídíaiioi. Iemona nana jíllozitiaioi. ¹⁰ Aferi íóbillano aillo níúefuiaí caimo nitádiaioi. Afe mei nane dánomo cai jáiacanaruimo, nana cai jitaica ráaniaí caimo atídíaiioi.

Pablo Rómamo dúcinafue

¹¹ Afe monailai cigi ídumo dauíamani iticai. Afe meífodo, jíaíe nocaena cíóizaidicai. Afecae nauí bie ídumo uáici zaille díno úiñote. Dínomona afecae jáillado ruica jáidicai. Afecae Alejandría jófuemona bite. Afecae ífomo mena taino juzíñamui uíecona cuela. Afe íaillinoi mámece Castór Pólux. Afecae aféillinoína náamaredena mameide. ¹² Dínomona Siracusa ígobemo dúcidicai. Afégobemo daruíamani iticai. ¹³ Dínomona fueda áinodo Regio ígobemo jáidicai. Afe jáíruido jairifo mona átue dinena bíllamona Régiomona jáidicai. Ja ménarui íllamona Puteoli ígobemo dúcidicai. ¹⁴ Afénomo ite ámatiaí cíóizaidicai. Iaiioi diga da semana cai íllena jícadíaiioi. Afe mei ja Rómamo jáidicai. ¹⁵ Jae Rómamo ite ámatiaí cai billáfuenta uíodo fidíaiioi. Ie jira io anamo conímamo caimo dúcillena uícomo bitíaiioi. Conímamo íaioi dúcinano “Foro de Apiona” mameide. Jáífodo daina, Apio iomo ite fecáriraco. Jáino mámece “Tres Tabernas.” (Afe mámece dobáíñuano daina Daámani Dúcirachupi.) Afénuiaimo Pablo éroicaillano Juzíñamui “Fere figora” daide. Iemona Pablo comeci caimare íficaide.

¹⁶ Ie mei Rómamo dúcidicaimo llazíraini illaíma Julio ie uiga llavécano rairuídino illáimamo izájide. Mei íadi Pablo oni eneno dama ícomo uiga. Afénomo daa llazíraíma íena rairuide.

Pablo Rómamo Juzíñamui uai jino llote

¹⁷ Rómamo íaioi dúcinamona daruíamani íllamona Pablo Roma judíuai illaini jíiritade. Iaiioi gairilla llezica Pablo íaioína daide:

—Amatiaí, judíuaimo fiénidífue lloñédicue. Afe izói cai jáiaídígima fibíllafuenta uáitaoíñedicue. Mei íadi Jerusalemo romano comínimo lláitano izájigacue. ¹⁸ Dinomo cuemo íaioi jícanua mei, cuena zuitáacadíaiioi cue íaioi titállífue íñena jira. ¹⁹ Mei íadi judíuai jáífodo cuena zuitáañediaioi. Ie jira romano jamánomo ocuídillaíma cuemo jícanorena daidícue. Mei íadi afe llezica cue náiraímo cue jítaíllífuenta íñede. ²⁰ Mei jira omoi diga cue úrillena jíiriticue. Mei cai bie daje Israel náiraídicaí. Daje cai Mesías billífuemo comécidicai; daje izói meine abído cai cáaillífueмо úíñoídicaí. Afe cai úíñoigafue ícoiniadi birui benó llavécamie cue llavéinana ja cíódiomoíza.

²¹ Jira íena daidíaiioi:

—Jaca daabe o finócafuaí lluabe caimo dúciñede. Daje izói afénomona bite ámatiaí judíuai o mámeceido fiénidífuaína nítaíbiñediaioi. ²² O comeci fácafuaímo cacáreacadicaí. Mei náganíaimo afe bie comue Jesumo jáináidinona onódicaíza uáitaoídiioi, —daí íena daidíaiioi.

²³ Ie jira meine íaioi cacáillirui mamédiaioi. Afe maméinaruimo aillo nairai Pablo illácomo nane gairízaíbitiaioi. Jítiramonua nauízaidemo Pablo Juzíñamui illáimana illafue íaioímo llote. Moisés ocuica uáillaído Pablo Jesús dibénemo íaioína ínotaacade. Afe llezica Juzíñamui uai jino llóraini cuela uáillaído Jesumo íaioína ínotade. ²⁴ Dárie Pablo llogáfueмо ínuaidiaioi, ie mei jáímaci ínoíacañediaioi. ²⁵ Mei íadi nana dáafueмо coméciíñenamona raízitiaioi. Como raííacadíaiioímo Pablo íaioína daide:

—Ñuera Joreño cai jaiáidigimacimo uai jino lloraima Isaíado ñue úrite.

Afémie daide:

²⁶ Baimácimo bifue llujáiri, daide:

Omoi uafue aféfuena cácaitiomoi íadi áfena ónoñeitiomoi.

Omoi uáfueña cíoiomoi íadi ñue fídiñeitiomoi.

²⁷ Mei bie comini comeci meine fieni riirenamona bie ñúefuena óiacañediaioi.

Iaioi ifoci jáiainamona fieni cacádiaioi.

Iaioi uíjiai nitáoidiaioi dani íaioi uído áfena íaioi cíoi dáii.

Daje izói íaioi jefodo cácañeilla jefo íbáidiaioi.

Afe izói comécido cacáacañediaioi.

Daje izói meine cuemo bíacañediaioi, íaioi cue jíllotallena, —daí Isaías daide.

²⁸ Bifue omoi onoiri: biruímona bie Juzíñamui lloga jíllouillifue judíoñedimacimo llujáiga. Aféfuemo afémaci ñue cacáreitiaoí, —daide.

²⁹ Pablo daí dáinamona, judíuai aillo conímamo úricana jáidiaioi.

³⁰ Afénomo Pablo ie íbaca jofomo mena fimona fuitade. Nana íemo ráfuiai jícanuai bífiredinona ñue caimare línofirede. ³¹ Aféruillaido Pablo Juzíñamui illáimana illafue jino uáfodo comínimo llote. Afefue ie jino llole rairuide cómena íñede. Daje izói Ocuíraima Jesucristodo diga irui llófuerite. Aféruillaido ie llófuerilla buna llótaidoñede. Mai. Jae ñue.

ROMA COMINIMO SAN PABLO ORECABE La Carta del Apóstol San Pablo a los Romanos

Pablo Rómamo ite Jesumo ñnotinomo cuete

¹ Cue Páblodicue; Jesucristo ocuífregamiedicue. Juzíñamui cuena uáiduano eneno cuena nizede ie jílloa uai jino llóllena. Ua afémie orécacue; Juzíñamui mamécamedicue.

² Afe bie jíllonafue Juzíñamui jaiái ninomo úicodo ñuera Cuegáuaimo, ie uai llórainido jino llotátate. ³ Afe jíllonafue cai Ocuíraima Jesucristodo úrite. Afémie Juzíñamui Jitó. Iemo jiái afémie cai come izóidimie. Afe Jesucristo jaiái illaíma David méifoidigimamona jocócamie. ⁴ Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíllanomona afémie meine cáatateza. ⁵ Juzíñamui Jesucristodo, ñúefuena cuemo itátate. Aferi iere ióbídicue. Afefue cuemo illano, iere cuena canode, ie mámecido oni jiáinomo ie orécamiéna cue íllena. Bie cue ióbillafue ie mámecido oni jiáinomo cue oréllena. Afe cue orénamona naga náiraíaido aillo Jesumo ñnotinona iite. Daje izói ie uaina jíeruitinona iite. ⁶ Afémacimona Crístromo ñnotinona itíomoiiza. Ie jira Jesucristo íeíena omoi íllena, Juzíñamui eneno omoi nizede.

⁷ Mei jira nana ómoimo cueticue Roma jófuemo itínodíomoi. Juzíñamui izíruigamacíomoi. Afémiemo omoi ñue jaináíllena eneno uáidogamacíomoi. Iemo ite caimátaillafue, naa comeci caimare uái illafue diga ómoimo fécaíteza. Nana bífuíai cai Moo Juzíñamui cai Ocuíraima Jesucristo diga, ómoimo mámeíteza.

Pablo Rómamo macáacade

⁸ Nana ómoiri fueñe Jesucristodo “Íere figora,” cai Juzíñamuina daíífiredicue. Ua daí daídicue mei náragobiaíido ómoimo ite ñuera ñnogafuedo úritiaíoi. ⁹ Jaca nana cue comécido Juzíñamuimo tájídídicue, ie Jitó ñuera uai jino comínimo llóllena. Nane daje izói Juzíñamuimo comécido cue úriadi, ómoimo uibíofíredicue. Aferi Juzíñamui cue uai nabáidimie. ¹⁰ Bie ícoi iruimo ómoimo cue jáíllena Juzíñamuimo jíacífiredicue. Ua Juzíñamui comeci jitaía, nibai nibéfodo ñue cuena óreite, ómoimo cue mácajillena. ¹¹ Mei ómoína cíócadídicue, Crístromo omoi ñnogafuíai cue cánuamona, ñue riire jaícina omoi íllena. ¹² Ua bie ñnogafue cuemo íteza ja ómoimo ite. Afe Juzíñamuimo cai ñnogafuedo conímamo cai úrillamona, conímaíaina comécina caimare náiretaítaíai.

¹³ Juzíñamuimo ñnote ámatiaí, diga icaiño omoi diné cue jáiacanafue ómoína cue cíóíllena, ómoimo fidítaacadídicue; mei íadi nai jaca jáinídicue. Omoi diné jáiacadídicue ómoimona jiáímacina Jesumo jaináítallena. Ua jeede ria llízíe jofo ua izói, afe izói Jesús uaimo ñnotinona itátaacadídicue. Oni jiáígoíamona dáarie cue itata izói, daje izói, ómoimona itátaacadídicue. ¹⁴ Mei cue naga cómemo ñúefuena cue llóllena iere jítaírede. Ua iere baitádinomo llóredídicue; daje izói abina onóñedinomo daa fiéñeno llóredídicue. ¹⁵ Iemona afe izói cue dibénedo nana afe jíllóílluíai ómoimo jino ñue llúaíbiacadídicue, jica Rómamo itíomoi íadi.

Núefue riürede

¹⁶ Bie núefue uai jino cue llólleri méairuiñeiticue, mei aféuaimo ite Juziñamui ríino nana áfemo ñnotino jilloillena. Nano fueñe judíuaina jillotaite, ie mei daje izói judíuainñedinona jillotaite. ¹⁷ Bie jillonauai Juziñamui anamo ñue jaícina cai illena caina fidítate. Dama Jesumo cai ñnogafuiaido Juziñamui anamo ñue jaícina íiticaí. (Abi diné jíáiena iñede.) Jaiái Cuegáuai daí daide: “ñnogafuedo Juziñamui anamo ñue jaícina itímie, zíiñona cáaite.”

Nana énie nairai íaioi fiénidífuiaí ícoinia ite

¹⁸ Mei monámona bite Juziñamui iere izire duere fínuafue nana fiénidinomo, naa comécina jaícinañedinomo jaiái zúillana, ja birui fidídicaí. Dani íaioimo ite íaifuedo ua ráfuenta ónuana rairuícaíaoi. Daje izói afémaci jíáimacina ua ráfuenta onóillena jeruídiaoi. ¹⁹ Cai onoiga Juziñamui dibénemo itífuenta daje izói ñue onódiaoi; mei dama afémie íemo itífuenta nana caimo cíotateza. ²⁰ Juziñamuimo ite ie cíóñena raa, ie finócafuiado caimo ónorede. Jaca énie fínuaruimona afémie nahí Juziñamui nana uáfodo ónorede. Daje izói afémie jaca ríinoredeza uáfodo ónorede. Bífuiaina comíni náfueñediaoi; íemona dani íaioi ícoinia daí ite. ²¹ Mei Juziñamuina onódiaoi íadi, íemo nitárede núefuiaina íemo nitáñediaoi. Daje izói íena “Figora” daíñindiaoi. Mei jíáfodo ráfiñede raamo comécidiaoi. Íaioi abina onótatañede comeci jíitífono fiébicaide. ²² “Nimáirañidicaí” daíñirediaoi íadi, abina onóñedinona jáidiaoi. ²³ Ziiño Juziñamuimo ite ebíredífuenta zíiñoñede come jánaraina méidotiaoi. Afe baímo figóñede jánaraina finódiaoi. Féedinuiai jánaraina finódiaoi. Jaizai jánaraina finódiaoi. Táicaide rille jánaraina finoda jeire otíaoi.

²⁴ Ie jira Juziñamui íaioimo ite fiéni comeci óiacanafuemo íaioina zóofete. Daí afémaci dani jofo conímamo méaifuiái finódiaoi. ²⁵ Juziñamuimo ite ua ráfuenta ñnoñeno táinofuiai jeire otíaoi. Afe emódomo ie finoca raamo núefue nitádiaoi, mei íadi fueñe afe finode Juziñamuimo núefue nitáñediaoi. Daje izói ie finoca raamo caímare ánozioidiaoi, mei íadi nahí Juziñamuimo cáimadoñediaoi. Bie Juziñamuina jaca ninomo cáimadoaredicaí. Daí íteza.

²⁶ Mei jira Juziñamui jíáie meáire comeci óiacanafuemo íaioina zóofete. Ríngóniaí daa íaioi ini díga íllana féitatiaoi; féitano aillo méaifuiái jíáinori otímaci. Juziñamui ríngóniaí jóonia izói íacañeno afe jóoniafuenta uátatiaoi. ²⁷ Daje izói íñiaí daa ríngo díga ñue íllana féitatiaoi. Féitano fiéni illáfuedo íaioi abi bóobicaide, conímaíaimo fiéni finóllena. Afe íñiaí conímamo méaifuiái finódiaoi, íemona dani afémaci abímona comuíduferi duere zefuídiaoi. Bie izói Juziñamui íaioina duere finótate, dani íaioi comeci ífue jaícina jóiñena ícoinia.

²⁸ Ja mei Juziñamuina onóacañediaoi, jira íaioi comeci jaícina jóiñenafuemo Juziñamui zóofegaíaoi, Juziñamui rairuícafuiái finódimaci íaioi íllena. ²⁹ Afémaci naga íaifuiaimo itíaioi; comeci jaícinañenafuemo itíaioi. Daje izói jiruírenafuemo itíaioi; fiéni jítainafuiaimo itíaioi; naga ráaniaina óiacanafuemo naa fiénidífuiaí díga itíaioi. Daje izói afémaci úradorífredino; come titáfiredino. Fuiríllafuedo úritiaoi. Jífuemarífrediaoi; núeodo jáiñedinó. Táinona conímamo fiéni úrifredino. ³⁰ Afémaci jíáima jánana

fieni úritiaioi. Juzíñamuina éoidiaioi. Daje izói ríimacimo náfueñediaioi. Táinofuiaimo comécidino. Daje izói fieni abi ínotino. Fiénidifuaiaimo comeci facada finófirediaioi. Iaiói úruiaí móotiai ocuícafuena jeire onédiaioi. ³¹ Afémaci abina onóacañediaioi. Iaiói daina izói finófinidiaioi. Buna duéruíñediaioi. Caimare uáiduanu iba onéllena onóñediaioi. Daje izói afémaci jíáimamo dúecañediaioi. ³² Juzíñamui ocuállana ñue onódiaioi, íadi óiacañediaioi. Afe nana bie fiénidifuaiaimo itino jaca zíñona duere finólliaioiza, áfena jíái onódiaioi. Onódiaioi íadi aféfuiaina féitañeno nai uícadiaioi. Nane bie emódomo jíáimaci afe fiénidifuaiaí fínua llezica, íaioina: “Caimare bie izói cai illi,” daidiaioi.

2

Juzíñamui nahí uafue daina izói comínimo riire jicánote

¹ Jiaíma fieni illafue riire o jicánollena íñede. Naga come “Cue nífuenidícue” daínidiaioi. Nana omoi dáafuemo itíomoi. Mei jíáimamo ite fieni illafue riire o jicánua llezica, dama o abi duere finótaitio. Aféfuena riire jicánotio íadi, o jíái dáafuiaimo itio. ² Mei jíí, bífuaiaimo itino Juzíñamui duere finótaja llezica, afémie nahí uafue daina izói riire jicánoteza, áfena onódicaí. ³ Mei o, jíáima fieni illafue riire o jicánua llezica, o jíái daje izói dáafuiaimo itio. Daí o illa llezica “Juzíñamui ie duere finóllifuemona níbai cuena jíllote,” ¿daídió? ¡jílloteitio! ⁴ ¿Juzíñamui omo zíñona fuiñede dúecaillafuena jámairuitio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úbicaiñedeza, ero ua? ⁵ Mei o, comécina iere riiredioza. O comeci ífuena méidoacañedio. Iemona o duere finóllifuaiaina aillo ofítaocaidio. Ua Juzíñamui ciocaizaibilliruimo o jaícina jóide duere fínuafe jino omo llóite. ⁶ Aféruído naga come dani íaioi finócafuaiaí izói, íaioimo íbátaite. ⁷ Aféruído ebíredifue jenódinomo, zíñona cáataitino íaioimo iite. Daje llezica, nana Juzíñamui íaioimo ñúefue nitállena jenódinomo, naa zíñona illa raa jenódino diga, Juzíñamui zíñona cáataitino íaioimo fécaite. Aféfuiaina jenódiaioi, mei nágarui féitañeno ñúefue dibénemo ífirediaioi. ⁸ Mei íadi aféruillaido nana fieni abi ínotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie ríífuedo duere fínoite, fiénidifuaiaí jeire íaioi ua jira. ⁹ Nana fieni mácafiredinomo aillo duere zefuállifue iite, naa jamánomo íaioi comeci zúunaillifue diga. Nano fueñe daí judíuaimo iite; ie mei jíái daje izói judíuaíñedinomo cómuite. ¹⁰ Mei jíáifodo ñúefuaiaí finódinomo, Juzíñamui íemo ite ebírenafue íaioimo iite, naa comeci caimare uái illafue diga. Daje llezica Juzíñamui íaioimo ñúefue nítaite. Nano fueñe daí judíuaimo iite, ie mei jíái daje izói judíuaíñedinomo cómuite.

¹¹ Comínimona dámie jíáie come baímo Juzíñamui gáigamie íñede. ¹² Nana fieni itino Moisés ocuícafuena nai onóñena llezica, íco níne táinocaitiaioi, aféfuena nai onóñenano. Daje izói nana jíáie fieni itino Moisés ocuícafuena onódiaioi íadi, afe daje bie ocuícafuedo riire jicánolliaioi. ¹³ Mei ocuícafuena táinona cacádino Juzíñamui anamo ñue jaícina íñediaioi, mei íadi ocuícafuena jeire otino Juzíñamui anamo ñue jaícina itíaioi. ¹⁴ Dáarie ocuícafuena onóñede judíuaíñedinu afe ocuilla daina izói dani íaioi comécido jeire otíaioi. Iemona afémaci dani abi íletádinona itíaioi. ¹⁵ Mei jíí, íaioi ñue mácafuedo íaioi comécimo ocuica uai cúeinana ácatafirediaioi.

Afe llezica íaioi comeci úrilla uai ñue íaioi uaina nabaide. Daje llezica íaioi ifoci úrillafue fiénidifue íaioi finóadi, áfena íaiοimo llóite. Fiénidifue nai íaioi finóñenia, ¹⁶ Juziñamui comínimo riire jicánolliruimo íaioi ifoci úrillafue íaiοina ráiruite. Aféruillaído naga comini báinino finoca raana Jesucristodo Juziñamui riire jicánoite, cue lloga jilloilluiai daina izói.

Judíuai Moisés ocuífafuemo figo náfuñediaoi

¹⁷ Mei ja birui, “Judío ímiedicue” daídio. O jilloillena, Moisés ocuífafuemo ínotio; o Juziñamui dibénemo fiени abina ínotio. ¹⁸ Juziñamui comeci jítáinafue onódio; afe ocuífafue omo llote: “Nana o nícdogafuemo ñuera diga o nizeri”. ¹⁹ “Uínidino izóidino ifóllena, ñue uáfueña onódicue,” daídio. “Daje izói jítifodo macádinona ñue egáñollena onódicue,” daídio. ²⁰ “Abina onóñedinona llófueredicue,” daídio. Daje izói, “Urue izóidinona jaícina llófueredicue,” daídio. “Ua nahí ráfueña onótate uai afe cai ocuífafuemo ite,” daífiredio. Afe izói, “Nana ifócido onóigafue caimo ite,” daídio. ²¹ Mei jíáimana llófuetio íadi, ¿nibái mei dama o abina lletáñedio? Omoi meríríñeno iri daíicadio íadi, ¿nibái mei merírífiredio? ²² Omoi jiruífueño iri, dama daíicadio íadi, ¿nibái mei jiruífiredio? Jánaraiaína éoidio íadi, ¿nibái mei íaioi illácomo ite ráifide ráaniai o mériano ráaredimiena jáidío? ²³ Ocuilla uai dibéfodo iere abi ínotio; mei íadi Juziñamuina jámairuitio, afe daje ocuífafueña jeire o oñena ícoinia. ²⁴ Meita Cuegáuai ñue daide: “Judíuaiñedino omoi ícoinia Juziñamuina fiени úritiaoi.”

²⁵ Moisés ocuífafue jeire o oíadi omoi finófirena bacano icoi quétafue uáfueña omo ráifite. Mei íadi afe uai figo o íñoñeniadi, jaca quétañegamie izói íitio. ²⁶ Mei jíáifodo, daa bacano icoi quétañegamie ocuífafue daina izói jeire oíadi, afémie bacano icoi quetácamié izói facádoga, quétañega íadi. ²⁷ Afe bacano icoi quétañegamie, mei íadi ocuífafue jeire otímie, ona riire jicánoite, bacano icoi quetácamiéna o íadi, daje izói cuega ocuífafue omo ite íadi, mei áfena jeire oñédioza. ²⁸ Judíona jáillena dama jinófenemo cíoide ráaiñede. Daje izói bacano icoi quetácamiéna jáillena fia abimo cíoide ráaiñede. ²⁹ Mei íadi nahí ráfuiai jíáifodo jóide. Nahí jáidimie ie comécimo áfena jaide. Daje izói nahí bacano icoi quétafue comécimo dúide. Cuega ocuilla uaimo jáináiñede; mei íadi come joréñodo ie comécimo ite. Bie izói ítimie comínimona jíeruifnegaza, mei íadi Juziñamui jíeruiga.

3

¹ Judío ímiena cue íllemona ¿minica mei baimo óiticue? ¿Bacan quétafue mei nibénemo ráifide? ² Judío ímiena cue íllamona áillofuiai ícoinia ñue íiticue. Daje izói quétafue aillo ráifinafue ite. Nano fueñe Juziñamui ie comeci úrilla uai Judíuaimo orede. ³ Íaiοimona dáarie íaioi ínogafueña féitatiaoi. Féitatiaoi íadi, Juziñamui lloga uai jáanonide, mei afe Juziñamui jaca féitafinidimie. ⁴ Ie íaioi féitaja íena nie izói nibáiñede. Mei jíáifodo íteza: nana comini taino llófiredino ílle llezica, Juziñamui nana ie jetáacaigafueña nai uáfueña jaícina finode. Daí Cuegáuai úrite:

O daina uáillaimona jaícinaidimiena o íllana ónoitiaoi.

Riire o jicánua mei, comini ñue ínogamiéna íitio.

⁵ Mei caimo ite fiénidifuedo Juziñamui jaícinaidimie illáfueña jino uáfomo cíotaiadi ¿nie izói dáiticaí? ¿Mei Juziñamui cai duere finóllena

jaícinaíñedimie? (Jamai come úrilla izói úriticue.) ⁶ Mei íeñedeza. Mei Juzíñamui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

⁷ Mei cue tánofuiaido Juzíñamui uafue nai jamánomo cue ebíruyadi, ¿nibái mei fiénidimiedicue izói Juzíñamui riire cuemo jicánote? ⁸ Bie uáfuenia, ñúefue bíllena nibái mei fiénidifuenta finóñedicaí. Afe bie izóidifue llófuiana dáarie caimo jitádiaíoi. Bifue caimo jitádino comeci fieni jítainafuedo úritiaíoi. Bie izói itino duere finólliaíoi.

Nana caimo ite fiénidifue ícoinia

⁹ ¿Mei níifue? ¿Cai bie judíuai jíáie comini baimo ñuera? Mei ua íeñede. Ja como fidítaticai judíuai naa jíáie comini diga riirede fiénidifue anamo itíaíoi. ¹⁰ Jaiai Cuegáuai daí daide:

Buna jaca íaifuenidimiena íñede.

Jaca ninó daa ñúemiena íñede.

¹¹ Daje izói jaca ninó ñúefuena onóacadimiena íñede.

Daje izói Juzíñamui daa jenódimiena íñede, ie diga íllena.

¹² Nana Juzíñamuimona onido jáidiaíoi.

Afémaci daní fiénidimacina jáidiaíoi. Buna ninó ñúefue finóñena.

Jaca ninó daa íñede.

¹³ Iaiíoi úriragoí íbaiñega raíifo izoide, mei iere íaire úritiaíoiiza.

Iaiíoi fuedo jífuemarifrediaíoi.

Iaiíoi fuemo ite úrilla jaio aífoi izoide, mei jíáima jánana iere fieni úritiaíoiiza.

¹⁴ Afémaci daa faidórafuiaido úritiaíoi, naa íairede uáillaído.

¹⁵ Come titállena jarire ázicaidiaíoi.

¹⁶ Iaiíoi fieni illáfuedo aillo jíáimaci táinocaitadiaíoi.

Daje izói comínina zúunaitadiaíoi.

¹⁷ Afémaci comeci caimare uái illáfuenta onóñediaíoi.

¹⁸ Daje izói afémaci Juzíñamui ñue jacirenafuemo due jiza comeci facáñediaíoi, —daí jaiai Cuegáuai daide.

¹⁹ Nana jaiai ocuífue daína uaina, afe ocuífue anamo itínomo dúide. Bífuena ñue onódicaiza. Daí Juzíñamui mamérite, nana comini úrillana llícaitallena; daje izói naga nairai Juzíñamui riire jicánollifue anamo íaíoi itábicaillena. ²⁰ Ocúica uai jeire cai úado, buna Juzíñamui anamo ñue jaícina íñeite. Ocuífue caina jíllotañeite; daa caimo ite fiénidifuiaina caina onótate.

Jíllollifue cai ínogafuedo comuide

²¹ Mei biruí, jácara ocuífue oni eneno fíano, Juzíñamui anamo ñue jaícina cai íllena afémie cómofuena caimo onótate. Bie cómofuena uai llorainí cuegánico facádoiadi ónorede. Daje izói ocuilla uai cúeinanicomona jíáí ónorede. ²² Juzíñamui anamo ñue jaícina cai illifue bífuedo ite. Dama Jesucrístomo cai ínnuado bie izói íiticaí. Nana ie uaimo ínotinona afémie daje izói fínoite; dáamie jíáimie baimo gáíñeno nana dájerize jaícina jóoneite. ²³ Mei naga come fiénidifuiarede; jíllotaite Juzíñamuimona nana jica itíaíoi. ²⁴ Mei íadi Juzíñamui caimo dúecaillanona, fia íbátáñeno ie

anamo ñue jaícina caina itátate. Mei dama ie jitó Jesucristodo caina jílloate. ²⁵ Cai finoca fiénidifue ibana Juzíñamui Jesucristo tiállamo dane ote. Iemona íaifuenadoga izói iticai. Bie múiñuafue cai ñinogafuedo caimo dúciite. Bifue daií íficaide Juzíñamuina jaícinaidimie daiíllena. Mei jaiái finoca fiénidifuiái ibana raire otátañede; afémie comécina járidoñedimie. ²⁶ Daje izói daií íficaide birui Juzíñamui jaícinaidimie daiíllena. Nana Jesumo ñinotina Juzíñamui nai birui afémie anamo ñue jaícina itátate. Iemona Juzíñamui nai jaícinaidimiena íoicaite.

²⁷ Ie mei ¿come abí ñnuafue mei nie izói ite? Afe abí ñnuafue oni eneno fiébicaite. Ocuicafuiái jeire íaioi úado nai fieni abí ñnuafuemo itíaioi. Mei íadi Jesucristomo ñinogafuemo fieni abí ñnollifuenadine. ²⁸ Nana cai llogáfuiáimona bifue jino llúana ñue baite. Dama Jesumo ñinotimie Juzíñamui anamo ñue jaícina írena. Ocuica uailai afémie jeire ua oni jíáfodo joide. Afena Juzíñamui náfuene, dama íemo ñnuana náfuete.

²⁹ ¿Meita Juzíñamui dama judíuái íena? Ieñede. Daje izói afe Juzíñamui judíuáiñedino ie. ³⁰ Mei jíi Juzíñamui damade. Afémie baímo jíáiéna íne. Afémie nana íemo ñinotina ie anamo ñue jaícina itátate. Afémaci bacano ícoi íaioi quétajana náfuene. Daje izói quétañenana náfuene. ³¹ Ie mei níbai dámie jícanoite. ¿Meita cai ñinogafuedo ocuilla uaina uáitaiticai? Ieñedeza; úaitañeíticai. Mei jíáfodo Jesuna cai ñnuado afe ocuilla uaina uáfuenadine.

4

Abraham Juzíñamuimo ñnuafue izói cai ñnollena cai onótate

¹ Mei áfemona cai jaiáidigima Abraham dibénemo jíáfue jícanoíticai. ¿Afe Abraham mei nie ñúefue ote? Daina uai jeire ie ófrenamona abí dine nífuena óñede. ² Mei Abraham ie finócafuiáido Juzíñamui anamo ñue jaícina ie itábicaíadi, afémie abí ñnorede. Mei íadi Juzíñamui uícori afémie abí ñnonide. Ie finócafuiáido Juzíñamui anamo ñue jaícina itátañega. ³ Mei jíáfodo Cugáuái daina izói, “Abraham Juzíñamuimo ñnote.” Iemona Juzíñamuimo ie ñnuado Juzíñamui íena “Íaifuenidimiedio” daide. ⁴ Da come táijíadi, afe táijína iba ía íemo dúecaillano íne; afe táijítatimie íena íbarede. Mei íadi cai jíllóillifue cai táijícanado iba llínua izói llínnonide. ⁵ Mei jíáfodo, dámie jíllona táijína finóñeno, ie jíllóillena dama Juzíñamuimo ñnorede; mei Juzíñamui íemo ñnote íaifuiáiredimiena llínofiredeza. Mei íemo Juzíñamuimo ie ñnuado, Juzíñamui íena: “Íaifuenidimiedio,” dáite.

⁶ Dama David come cámafuiáido úrite. Dámie ie uíodo finócafuiaina Juzíñamui náfuene. Ua náfuene, mei íadi íemo ie ñnuado Juzíñamui íaifuiáinide dainámiena afe ñnotimie jaide. Afe daiítadimie íere cámare íte. ⁷ David daináuái daide:

Iaioimo íte fiénidifuiaina Juzíñamui dogánona íere íóbidaioi.

Daje izói íaifuiaina oni féitagamiái íere íóbidaioi.

⁸ Daje izói íaioimo íte fiénidifuenadine náfuene íere íere cámare itíaioi.

⁹ ¿Meita bie cámafuiái dama bacano ícoi quétaca judíuaimo duide? Ieñedeza; nana comíni íena mameide. Jira bacano ícoi quétañega judíuáiñedimacimo daje izói afe cámafue íaioimo duide. Jae llóticueza

Abraham Juzíñamuimo ínuado Juzíñamui íena: “Íaífuaiaínidímiedio,” daide. ¹⁰ Mei íadi ¿níruído daíí íena daína? ¿Bacano icoi quetaa mei daíí daína? ¿Ñibai quétañenia daíí daína? Jii, uáfueza, nai quétañena llezica daíí íena daína. ¹¹ Afe: “Íaífuenidímiedio,” daína méifodo, Abraham bacano icoi quétafuena Juzíñamui ocuide. Bie quétañafue onóillena jóonega raa izoide, Juzíñamui ja bímie ie ínuafuedo íaífuenidímie daííllena. Daíí Abraham nai quétañena llezica Juzíñamuimo ie ínuamona, nana judíuainíede ínotino moona jaide. Iemona Juzíñamui daje izói nana afémacina: “Íaífuenidiomoi,” daide. ¹² Uáfueza. Abraham nana afémie dama ie ínua izói ínote quétacano moo. Mei nanoide cai moo Abraham ie bacano icoi nai quétañega ia, ñue Juzíñamuimo ínoteza.

Juzíñamui jica ia raire llogáuai comíni ínuamona ñue ícoimo fuitaca

¹³ Mei jii, Juzíñamui Abrahamana ñuera jica ia raire fidítauai daide. Aféuai llote: “O nana o erófene ígímaiairi nana éniena máíñoitiomoi.” Abraham Juzíñamuimo jaiái uícodo ínua jira, Juzíñamui bíuai íemo llote. Fia ocuilla uai ie jeire úado Juzíñamui daíí íena daííñede. Ua, dama Juzíñamuimo ie ínuado Juzíñamui íena: “Íaífuenidímiedio,” daide. ¹⁴ Mei dani ocuilla uai jeire otino ñúefuena íaioi maíñóadi, íemona ínogafue comínimo figo jínoñede. Daje llezica Juzíñamui jica ia raire llogáuai ráifinano niné feide. Mei íadi daíítañedeza jíáifodo joide. Juzíñamuimo cai ínuafuedo ie caimo lloga ñúefuena maíñóredicai. ¹⁵ Ocuilla uai llóina méifodo aféuai jeire oñédino duere finóttaliaioi. Mei íadi ocuilla uai nai lloñena llezica, aféuai náfuenide.

¹⁶ Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene ígímaiaí afe ñúefue jeire íaioi óllena. Mei jira, afe Juzíñamui lloga ñúefue, fia fecaca raa izói comíni Juzíñamuimo ínuado íaioimo írede, mei áfena íaioi ñéfina cígimona ónidiaioiza. Bífue daííacade, Juzíñamui uícodo raire llogáuai daa ocuilla uai jeire otino íeñedeza, mei íadi nana Abraham ínua izói ínotino ie. ¹⁷ Iemona Abraham Juzíñamui eróicana nana cai moona jaide. Abraham afe Juzíñamuimo ñue ínote. Jaiái Cuegáuaido Juzíñamui Abrahamana daíí daide: “Aillo náiraiaí moona ona jóneticue.” Afémie daíí daíírede, mei Juzíñamui tíidinona meine abído caátaitaredeza. Daje izói íñede ráaniaina Juzíñamui ítátarede.

¹⁸ Aféfuiaimo Abraham fáicanocaiñeno ínoide. Ua comíni daína izói Abraham jamánomo jónaiteza, ja úruenide. Abraham daíí úruereíllinona úíñonina llezica nai Juzíñamuimo ínuano úíñoide. Afe daíí Juzíñamui íena daína izói, Abraham “aillo náiraiaí moona” jaide. Juzíñamui bie izói íena daide: “O uícoide erófene ígímaiaí aillo jébutiaioi,” daide. ¹⁹ Abraham cien fimónamo ánozide íadi, ie ínogafue jaca féíñede. Afémie jónailla izói ie ai jónaillana onode. Ua afengo iere jónaillamona tíiacade. Jae úruena comúitanide. ²⁰ Mei íadi afe llezica Abraham jíziñeno Juzíñamuimo ínofirede. Juzíñamui jica ia raire llogáuaina ruifíruíñeno nai íemo ínoicaide. Mei jíáifodo Abraham áfena féitañeno iere izire ínote. Jaca comeci rairuíñeno Juzíñamuimo úrioicaide. Juzíñamuimo íóbioicana úrite. ²¹ Afémie daide:

—Nana jai ai Juziñamui jica ia raire cuemo lloga rafue Juziñamui uáfue na cuemo zúitaita, —d-aide. ²² Iemona, íemo ie ínuado Juziñamui íena daide: “Íaifuenidimiedio,” daide.

²³ Bie Juziñamui Abrahana daina “Cuemo o ínuado jae íaifuenidimiedio” daa Abrahamo cúeñegaza, ²⁴ mei íadi nana caimo cuega cai ínollena. Mei jira tíllanomona cai Ocuíraima Jesús cáatate Juziñamuimo birui ínoticai. Iemo cai ínuado caina: “Íaifuenidimiedio,” daíte. ²⁵ Afe Jesús caimo ite fiénidifue ícoinia duere finótagamiena jaide. Afe mei Juziñamui anamo ñue jaícina nífuenino cai íllena afémie cáataga.

5

Juziñamui “Nífuenidimiedio” daina méfomo ñue cai illifue

¹ Mei afe jira, dácaño Juziñamui anamo ñue jaícina nífuenino cai illa mei, meine abido Juziñamuina jáciruiñeiticai. Afe comeci caimare uái illa-fue cai Ocuíraima Jesucristo ie tíllado cáiena ote. ² Mei jii, cai ínuado bie afémie cai cánuafue dibénemo jónegacai. Aferi izire jaináidicai. Iemona íóbifredicai, mei Juziñamuimo ite ebíredemona cáiena oni máíñoiticaiza. Afemo ocuíticai. ³ Daa bie cai ocuírillamo íobiñeiticai, mei daje izói duere cai zefuillifue íóbíticai. Mei onódicaiza duere cai zefuillifue cai comeci járitañenafue caimo comuide. ⁴ Iemo afe comeci fígomie dainana caina jáitate. Iemo fígomie dainana mei Juziñamui cáimafueмо úiñoifreiticai. ⁵ Iemo bie úiñoínafue caina zúucaitañeite, mei Juziñamui caina ie izíruillafue ñue caimo llóteza. Bie caina ie izíruillafuena ie oreca Ñuera Joréñodo onódicai.

⁶ Dani cai ñéfina cígimona jíllonidicai. Daíi cai illa llezica, Juziñamui jica ia mamécaruimo, Jesucristo nana fiénidino ífomo tízaibite. ⁷ Biniemo comécina jaícina jóidimie tílla ífomo títimiena íñede. Mei nibai jamánomo fígomie ífomo, daa tírede. ⁸ Mei jáífodo cai fiene illa llezica, Cristo cai ífomo cai jíllóllena tízaibite. Afedo Juziñamui caina ie izíruillafue caimo cíotate. ⁹ Iemona ja birui Cristo tíllamona Juziñamui anamo ñue jaícina iticaiza, ie jira írairuimo ite duere ínuafuemona, Cristo cai rairuillado, jamánomo oni eneno íredicai. ¹⁰ Nai afémie bacáuai imácina cai illa llezica, ie Jitó cai ícoinia tíide. Daíi ie tíllamona, Moo Juziñamui comécina jáciruitañegacai. Ja birui cai comeci íena jáciruiñenamona, birui ie cáanado jamánomo ñue jílloredicai. (Ua caade Cristo Juziñamui uícomo caido úrite. Afe daíi ie úrioinado, íco bite duere cai finóllifuemona jíllóiticaí). ¹¹ Daa bífueñedeza, nane bie emódomo cai Ocuíraima Jesucristodo Juziñamuimo íóbíoiticaí, mei afe Crístodo Juziñamuina cai jáciruiñenafuena oticaiza.

Nanoide Adán caimo comuíttagafuemona Juziñamui caina éoicaide; mei jáífodo Cristo caimo comuíttagafuedo Juziñamui caimare caido eróicaide

¹² Mei onóigaza, dáamiemona fiénidifue nana comínido jaide. Ie mei afe fiénidifuemona tíllafue daje izói naga cómemo comuide, mei naga come fiénidifuiaredeza. ¹³ Moisés ocuilla uai nai íñena llezica, fiénidifue jaca comínido ite. Mei íadi ocuilla uai nai íñena llezica, afe

fiénidifue comínimo nítañega. ¹⁴ Mei íadi jaiái Adán illágitimamona Moisés illágitimamo fiénidifuiái finódino tícoizifirediaioi, mei titade ríino anamo itíaióiza. Juzíñamui jóonega íaióí comeci ñue úrilla uaimo náfueñediaioi. Daí náfueñenamona íaióí fiénidifue comuide. Mei jíáifodo Adán fiénidifue Juzíñamui uáfodo lloga rairuica uai jeire ie oñenamona comuide. Mei íadi bie Moisés úcodo itino fiénidifue jíáinodo comuide. Adán finoca fiénidifue izóí comuíñede. Afe Adán uire biite Cristo jana.

¹⁵ Adán náfueñegafue Juzíñamui caimo fia iga cáimafue izóíñede. Mei dama Adán náfueñegafuedo nana comini timáritiaioi. Mei íadi Juzíñamui raiñóñeno caimo fecaca jíllonafue jamánomo baimo ñuera. Dama Jesucristodo aillo comini canócaiaioi. ¹⁶ Dáamiede finoca fiénidifue jaca Juzíñamui caimo fecaca jíllonafue izóíñede. Mei afe daade Adán náfueñegafuemonaca duere finóbillifue zúide, mei jíáifodo Juzíñamuimona caimo lloga jíllonafuedo, Juzíñamui raiñóñeno aillo comínina ie dibénemo ñue jaícina itábicaitate, aillo íaióí náfueñegafuiái íaióimo ite íadi. ¹⁷ Mei jíí, daa come náfueñenamona titáfiredi ríino anamo nana comini are ninomo itíaióí. Mei jíáifodo dáamiede Jesucristodo nana Juzíñamui anamo raiñóñeno ñue jaícina jóonegano, jamánomo baimo ñuera zúíñona íaióí ille ríino óitiaioi.

¹⁸ Mei dáí Adana náfueñegafuemonaca duere finóbillafue nana comínimo comuide. Daje izóí Jesucristo nífuenide comécimona tízaibillafuemonaca, duere finóbiñenafue nana comínimo zuide. Daje llezica zúíñona caí illifue caimo comuide. ¹⁹ Bie daide: dáamiede jeire óñegafuemonaca nana comini fiénidifuiáiredinona jáidiaioi. Mei íadi dáamiede Jesucristo jeire ogáfue monaca aillo comini Juzíñamui anamo nífuenidinona ñue jóonegaiáioi. ²⁰ Mei jaiái Juzíñamui caí ocuilla uai caimo lloga, caimo ite fiénidifue jino uáfodo caí onóillena. Ua, ocuilla uai llua mei caimo ite fiénidifuiái aillo jebuide. Mei íadi daje llezica Juzíñamui caimo dúecaillafuiái daje izóí afe fiénidifuiái baimo aillo jamánomo jebuide. ²¹ Iemona, fiénidifue caimo íllamona afe ríirede fiénidifue caina titárede. Daje izóí Juzíñamui caimo izire dúecaillano, Juzíñamui anamo nífuenino ñue jaícina caí illa llezica, caí Ocuíraima Jesucristodo, afémie caina zúíñona cáatarede.

6

Comini fiénidifuiáimo íllamona tíidino izóidiaioi, mei íadi daje llezica afémaci Crístomo ínuamona cáadiaioi

¹ Nana bie caimo llógamona ¿nie izóí dáiticaí? ¿Mei níbai fiénidifue finócana uiticaí, Juzíñamui jamánomo caimo ie dúecaillafue caimo ácatallena? ² ¿Mei íeñedeza! Caí bie ja fiénidifue dibénemo tíidinodicaíza ¿mei nie izóí, fiénidifue mo nai íoicaíticaí? ³ ¿Nai bífuena onóñediomoi? Nana caí ie báutizaillaruimona Jesucristomo uáfue na jainaina llezica, dáaruido afe Cristo tíilla dibénemo jaináitagacaí. ⁴ Mei jíí, caí báutizaillaruimona Cristo díga dáafomo raigacaí izóídicaí. Iemona aféruimo tíidinona maméidicaí. Ua tíidinona mamécacaí, áfemona Cristo ie tíillanomona meine abido cáadimiena jailla izóí, birui cáadena caí jáillena. Daí caí jaillano cómofue mo íocairedicaí. Mei jíí, Cristo ie Moomo ite jamánomo ñuera ríinodo meine cáadimiena jáitaga, íemo daje izóí afe daje ríinodo cómofue mo íocairedicaí.

5 Uáfueña dáitice, Cristo tílla izói tíidinona jae mamécacai. Iemona daje izói ie meine abido cáadimiena jailla izói, daní caí tíllanomona meine cáataga izói cómofuiaimo íredicai. 6 Cristo cruzmo coraica llezica nauí fueñe caí illafue dáanomo titácaza onódicai. Uafue, afefue titaca, nanómona caí comécimo ite fiení gáinanó caina anáfenofeillena. Iemona fiénidifue dibénemo rairuicanona íneiticaí. Daje izói riire tájitatimie jainaina izói, fiénidifue jaináiticaí. 7 Mei jíi, Cristo diga tídimie ja íaifuemona oni jírecaide. 8 Iemona dácaíño Cristo tílla izói dáanomo afémie diga, caí comeci fiení óiacanafue tíide izói féitaga. Nauí daí ie diga caí tíllamona, daje izói biruúllaido afémie diga caí íllana ua onódicai. 9 Mei onódicaíza, Cristo dácaíño tíllanomona meine abido cáadimiena jaide. Daí ie meine jaillano ja meine abido dánomo tííneite. Afémie ja ménacaiño tíinide. 10 Mei Cristo ie tíllaruimo, fiénidifue dibénedo dácaíño tíide, jaca ninomo nane tííneillena. Mei íadi afémie meine cáadena jaillano ie cáanano Juzíñamuimo duide. 11 Daje izói, maí fiénidifue dibénemo tíidino izói omoi iri. Mei jíáfodo Juzíñamui íena cáadinona maí omoi iri. Afemo izire comécimo maí omoi facáoiri, mei caí Ocuíraíma Jesucrístomo dájena jaináidíomoi za.

12 Ie jira fiénidifueña omoi abina náamatatañeno iri; afefue omoi zlíñona íñena abí ana úillemona abí omoi rairuiri. Mei Taífe comuítaga caímo ite íaifue caí abí fiení jítainafue jíno déillena ocuíoideza. Afemona izire abí omoi rairuiri. 13 Daní omoi abina fiénidifueña finótañeno iri. Mei jíáfodo daní omoi abina Juzíñamuimo omoi jaináitari; ua, tíllanomona meine cáadena jaide izóidino afémiemo omoi abí jaináitari. Ie jira nana omoi abina Juzíñamui ñúefue finóllena, omoi jaináitari. 14 Ja benómona fiénidifue ómoína ana úíneite. Mei ocuilla uai anamo ja íñedicaíza; mei jíáfodo Juzíñamui caíri dúecaillafue mo itícaíza.

Comini jacire riire rairuúllaruimona daa ráfueña caina onótate

15 Ie mei ¿nie izói íiticaí? Mei ocuilla uai anamo íñedicaíza mei jíáfodo Juzíñamui caíri dúecaillafue mo itícaíza; íemona ¿meita fiénidifue finóredicai? Ieñedeza, finónidicai. 16 Ñue onódiomoi za, ómoimona nágamíai riire ocuídillaimamo fecaca llezica, aféllaíma ocuúllana ñue jeire órediomoi. Daje llezica aféllaímamo izire jaináidíomoi. Bie izói caímo ite fiénidifueíai, jacire ocuídillaima ana uilla izói, nana caina ana uite. Afemona tíllafue naga cómemo comuide. Mei íadi Jesumo caí ínua llezica jíaie caí ocuídillaima Juzíñamuimo dúidicai, comécina jaícina ñue jóidimacina nágarui caí íllena. 17 Mei íadi ómoiri Juzíñamuina: “Íere figura,” daídice. Mei nauí fiénidifue mo izire rairuicanona omoi illa llezica, ómoimo lloga llófueinafueña ja ñue jeire otíomoi za. 18 Afe fiénidifue mona oni omoi jírecaílla mei, jíaie ocuíraíma Juzíñamui rairuicanona jáidíomoi. Iemona comécina jaícina ñue jóidinona nágarui íredíomoi. 19 (Ua omoi onoíga comini ráfueíaido úritice, mei omoi ífoci déíñenamona bífueíaina ñue cacánidi omoi.) Nauí fiení ílláfueíaimo omoi abina jaináitafíredíomoi. Nane afe baímo jíaie jamánomo fiení abí fínuamo abina finótadíomoi. Nauí daí abina omoi finota izói, maí biruí comeci jaícínainafue mo abí omoi jaináitari, dama Juzíñamui íena oni eneno ñue mamécánona omoi íllena.

20 Nai fiénidifuiamo riire rairuicanona omo illa llezica, comeci jaícina jóinafuemo jaináñediomoi. 21 Naui omoi illáfuiaina birui meáiruitiomoi. Mei aféfuiamona ¿nie cánuafuiái otíomoi? Oñediomoiza; tíllafue diné jaca ómoína uite. 22 Mei íadi fiénidifuemona oni eneno omoi jirecaillamona, ja birui Juzíñamui rairuicanodiomoi. Iemona birui afémiemo ñue jaináidiomoi. Bie izói omoi íllamona, Juzíñamui ibana ñue caimare ómoína cánoite. Ua afémie íeiena ómoína oni eneno ñue fínoite. Iemona afe ícoimo zíiñona illáfueña óitiomoi. 23 Fieni cai íllamona daa tíllafue óitícaí. Mei íadi Juzíñamui raiñóñeno fia caimo iga raa, cai zíiñona illífue. Bie zíiñona cai illífue dama cai Ocuíraíma Jesucristomo dájena cai jaináinamona caimo iga.

7

Iima áireinamona ringo iníreinamona daa ráfuena cai onótate

1 Amataí, onódiomoiza, da come dama nai ie tíñeniadi, ocuilla uai nai íemo dúide. 2 Ja omoi onóigafue jino llóitícue, áfedo jíáifuena omoi onóillena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tilla mei, afe íemo jaináitate ocuilla uáimona afengo jae oni jirecaide. 3 Afe llezica afengo jíáie ímamo inírena ñuera. Afengo daí iníreilla jiruñede. Mei íadi ie ini nai ítemo afengo jíáie iima diga illa afengo iere jiruñede.

4 Cue ámatiaí, birui Jesucristo abimo dájena jaináidicai; ua iníredingo inimo jainaina izói jaináidiomoi. Afe Crístomo omoi jaináinamona, ie tíllado tídinona mamécaomoi. Ie jira ocuilla uai dibénemo tídino izói iticai. Fueñe bie ocuilla uaimo, ringo inimo jainailla izói, jaináidicai. Mei íadi ja birui tídino izói cai íllamona afe ocuilla uaimo jaináñedicai. Dama tíllanomona meine abido cáadimiena jaide Crístomo jaináidicaiza. Afe bie Crístomo cai jaináinana Juzíñamui caimo comuítate. Ua comuítate caido ie comeci jíáinafue ñue ícoimo cai fuitállena. 5 Mei nanómona comini comécimo itífue dibénemo cai ífírena llezica, afe ocuilla uai cai abimo ite fieni óíacanafuiaina cazítate. Aféfuiái caina ana tíllinomo uite. 6 Mei íadi ja birui afe ocuilla uai dibénemo tídino izóidicai. Fueñ afe ocuilla uai anamo riire iticai, mei íadi ja birui afe uáimona ñue oni jirecaidicai, Ñuera Joreño cómuena méidoga caimo itífuedo Juzíñamui ocuícamacina cai íllena. Jaiái cuela ocuilla uaido Juzíñamui ocuícamacina ínidicai.

Cuomo ite íaífue cue caimare illafue llótaidote

7 Iemona ¿mei nie izói dáitícaí? ¿Ocuilla uaina fiénidífue daíredicai? ¿Daínidicai! Mei íadi afe ocuilla uaido fiénidífueña onótagacue. Afe uai nai jino lloñena llezica fiénidífueña onóñedicue. Ja omoi onóigafue jino llóitícue, áfedo jíáifuena omoi onóillena. Ocuilla uai nai cuena dáññeniadi, aino come raana óíacanana onóñedicue. Mei íadi afe daí llua mei fieni óíacanana onódicue. 8 Afena cue onónamona, bie ocuilla uai llúado, cue comécimo ite naga fieni jítainana uáfodo cazítaga. Mei ocuilla uai nai cuemo lloñena llezica, fiénidífue tíde izói uái illano figo onóñedicue. 9 Nauídiruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja lluaíbillado fiénidífue meine abido comuide. Afefue meine comuillamona fállena cue orede. 10 Dinómona bie izói cuemo zúide. Daje cuena ñue zíiñona illífuemo úirede uaillai, ñue illífuemo cuena uíñede. Mei jíáifodo cue dibénemo, cuena ana

tíllanomo uite. ¹¹ Mei jii, fueñe fiénidifue cuemo iñede daidicue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoinia Juziñamui fáiacagamiena iticue.

¹² Afemona onoiga, afe ocuilla uai iere ñuera. Daje izói lletara uai jamánomo ñuera. Afe uai ñue jaícina jóidiuai. ¹³ ¿Meita bie ñuera ocuilla uai cuena ana tíllinomo úirede? Ñue onóigaza, únide. Mei jiáifodo cuemo ite fiénidifuedo ana tíllinomo uigacue. Afemona uáfueña cíotagaza, bie fiénidifue ua nahí fiénideza. Afe cuena ana uillafue ñúefuedo finoca. Daí Juziñamui ocuilla uai, nana fiénidifuiái jamánomo íaire nana caina onótate.

¹⁴ Afe ocuilla uai Juziñamui Ñuera Joreño dúi difue. Afena onódicaiza. Mei jiáifodo nanómoma cue comécimo itifue Ñuera Joreño dúi ñede. Mei izire rairuicamie izói íaifue finuanamo fecácamié izóidicue. ¹⁵ Birui cuemo íficaidifueña onóñedicue. Ñue cue comeci jítainafueña finóñedicue, mei íadi cue comeci éoillafueña áfena finóñedicue. ¹⁶ Mei cue comeci jítaiñefueña cue finóadi, afe cue finócafue fiéninana onódicue, mei Juziñamui Ocuilla uai cuena áfemona rairuideza. Iemona afe bie ocuilla uaina nahí ñuera daidicue. ¹⁷ Mei daí áfena dama finóñedicue, mei jiáifodo cuemo ite íaifue aféfuemona comuide. ¹⁸ Mei onódicueza, dama cuemo ñúefueña iñede. Biedo daíacadicue, nanómoma cuemo itifue ñúeñede. Mei jii, cue comeci ñúefue finóacade, mei íadi áfena jaca finónidicue. ¹⁹ Cue jitaiga ñúefueña finóñedicue; mei íadi cue jítaiñega fiénidifuiaina finócadicue. ²⁰ Iemona cue finóacañega fiénidifue cue finóadi, dama cúeñedeza, cuemo ite fiénidifueña comuide.

²¹ Daí jaca bie izói cuemo íoicaide: mei ñúefue cue finóacania, áfena baiñeno dama cuemo ite íaifuiái báifiredicue. ²² Mei jiáifodo cue comécido Juziñamui ocuilla uaina gáidicue. ²³ Mei íadi afe llezica cue comécimo ite jíaie niné cue úiacade uaina comécido onódicue. Afe uai cue ífoci úrilla ñúefueña niné féitaoide. Afe bie fiéni cue rairuíoide uai cue abimo ite. Afe uai cuena llavéoide.

²⁴ ¡Nai iere íobiñedimiedicue! Bie ana tíllamo cue uite abímona, ¿bu oni cue jirecaitalle? ²⁵ Dama Juziñamui ie Jitó cai Ocuiraíma Jesucristodo bífuemona cuena oni jirecaitarede. Iemona, ja birui Juziñamuina “Iere figora” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jónega cue comeci ñue úrillado finóredicue. Mei íadi dama cue abi dibéno nanomo cuemo itifuedo llavécaigacue. Dinómoma fiénidifue cuemo íoicaide. Ioicaillamona fiénidifuiaina jaca finócaidicue.

8

Juziñamui Ñuera Joreño úicaigamie illafue bie izoide

¹ Mei ja benómoma, nana Jesucristomo dájena jaináidinomo duere finótaituai jaca iñede. Afémaci Juziñamui Ñuera Joreño rínodo afe Joreño illa izói ífirediaíoi. Dáanomo afémaci nanómoma comécimo itífuiái izói comécíñediaíoi. Daje izói nánorafuiaina náfueñediaíoi. ² Juziñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómoma cue rairuilla fiénide uáimona cuena oni jirecaitade. Afemona fiénidifue ana tíllinomo cuena úiñeite. ³ Moisés ocuica uáimona finónidifueña, Juziñamui

daade ie Jitó ana óriano áfena finode. Afe caimo ite fiénidifuemona oni cai jirecaillafue Moisés ocuilla uáimona finónide, mei nanómoma cai comécimo fiénidifuiái illado, afe uai rínonideza. Iemona afe uai figo jínoñede. Ie jira Juzíñamui cai oni jirecaitallena, daade ie Jitó jamai cómena bie éniemo jéicidade. Afe mei, cai fiénidifuiái ícoinia cai ifomo Juzíñamui ie Jitó fatátate. Bie izói daina daiíacade, bíníemo ite fiénidifuiái redino comínina íaiói illa izói, afe izói Juzíñamui ie Jitó ana bíníemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie illamona afémie bíniedo ua náfuenidimíena jáicaillado nana caimo ite fiénidifuiái ana anáfenode. ⁴ Mei ocuica uai jeire cai óllena, afémie nana bie izói finódeza, mei ja nano cai comécimo comuídifuiái mo comécíñedicaíza. Afena ja náfueñedicaí. Mei jáífodo Juzíñamui Ñuera Joreño ífuiái mo comécíoidicaí; aféfuíai ana ñue náfueticaí.

⁵ Nano comécimo fiéni comuídifuiái mo comécíidino, daa bie cai abi ífuiái mo izire comécido lícioidiaíoi. Mei jáífodo Ñuera Joreño ífuiái mo comécíidino afe Ñuera Joreño daináuaimo izire comeci fáioidiaíoi. ⁶ Da bie cai abi ífuiái mo comeci izire cai lícioia, ana tíllinomo caina uite. Mei jáífodo Ñuera Joreño daináuaimo izire comeci cai fáioia, zíñona illífuemo caina uite. Iemo daje izói caina caimare uái illínomo uite. ⁷ Daje bie cai abi ífuiái mo izire comeci lícioidino, Juzíñamui uáitatímacina jáidiaíoi, mei afémaci, nana comíni Juzíñamui ocuilla uaina gáíñediaíoi. Afémaci áfena gáíñenamona afe uai anamo índiaíoi. ⁸ Ie jira nano cai comécimo comuídifuiái mo jaináidino Juzíñamuina íóbitanidiaíoi.

⁹ Mei íadi Juzíñamui Ñuera Joreño ja ómoimo íllamona, comécimo fiéni ítfuiái mo, cuinaca izói, izire jaináíñediomoi. Mei jáífodo Ñuera Joreño mo dájena iere jaináidiomoi. Cristo Ñuera Joreño na íñédimie Cristo íeñede. ¹⁰ Cristo ómoimo íllamona ómoimo ite joreño caade. Ua, Juzíñamui anamo ñue jáícina itábicaillamona omoi joreño cazítaga izoide. Mei íadi afe llezica caimo ite fiénidífue cai abina ana tíllinomo uite. ¹¹ Mei jáífodo Jesucristo tíllanomona Juzíñamui Ñuera Joreño do meine abído cáadimíena jáitaga. Iemo afe Cristo cáadena jáitate Juzíñamui omoi tíñíreña abina nane meine cáadena jáitaitate. Ua ómoimo ite Juzíñamui Ñuera Joreño do Juzíñamui cáadena jáitagamacina ómoína fínoite.

¹² Amatíai, mei daií cai comécimo fiéni ífiredifuiái mo comécíñellena, izire ocuicanodicaí. ¹³ Da bie omoi abi ífuiái mo omoi comécíoiadi, tíllinomo ana ómoína uite. Bie cai comécimo ítfue jaca fiénidífueña caina finótate. Mei íadi afe ómoína finótate fiénidífue Ñuera Joreño do omoi anáfenoiadi jaca ninomo cáaitiomoi.

¹⁴ Nana Juzíñamui Ñuera Joreño ífócamaci, Juzíñamui úruiaí. ¹⁵ Mei jíi, ómoimo iga Ñuera Joreño, jacire ráiruite joreñoñede. Daje izói ómoimo ite Ñuera Joreño ómoína meine jacírúitañede. Mei íadi afe ómoimo iga Ñuera Joreño Juzíñamui jítótíai ana ómoína mamede. Afe Joreño Juzíñamuina “Cue Móodio” caina daiítate. ¹⁶ Da bie Ñuera Joreño caimo ite joreño diga, dájena nabáizai bite “Juzíñamui jítódicaí” caina daiíllena. ¹⁷ Afe daií ie jítótíai ana cai íllamona, Juzíñamui raire uícdodo caimo lloga feci raa izoide cáimafue maiñóredicaí. Afe cáimafue dama Cristo ie, mei afémie Juzíñamui nahí jitoza. Mei íadi ja birui áfena daane afémieoiri maiñóredicaí. Afe Cristo

duere zefuilla izói, daane birui duere cai zefuíadi, Juzíñamui caina cóite. Iemona Juzíñamui ebíredifuenta íemo nitalle izói, afe izói caimo nítaite.

¹⁸ Iemona ja biruíllaido duere cai zefuilla figo ráañenamo comeci facádícue. Afefue ráañenari íobidícue. Ua afe aillóñedeza áfena lloñédícue: mei afe uire caimo cómuíte ñue ebíredí fue jamánomoideza. Afe ebíredí fue duere zefuíllafue baímo jamánomoideza, afe duere zefuíllafuena úibiñoñeitícai. ¹⁹ Nana Juzíñamui finoca cómena maméñedinuíai, Juzíñamui jítótíai meine cáadino jaillano jino cótallíruimo íere izire úiñoídiaíoi. ²⁰ Ua comínimo ite fiénidí fue ícoínia, nana afe Juzíñamui comuítaganuíai zuure fíallífuemo mamécaíaiíoi. Dani íaiíoi jítainamona aféfuemo mámeñegaíaiíoi. Mei íadi Juzíñamui daí íaiíoina mamede; afe íe comeci jítaina ízoi mamécaíaiíoi. ²¹ Mei afémíe nana íe finócanona ríire ocuícafuemona oni jirénoiacade. Daje izói íe finócanona niné táinocaitífuemona oni jirénoiacade. Afe íaiíoi jirénollífuemo Juzíñamui ñue coméíide. Daí íaiíoi oni jírecaitaite, Juzíñamui jítótíaiíoi ríe ebire jaícina joide cáimafuena íaiíoi maíñóríllena. ²² Onódícaíza, jaíai fiénidí fue bíniemo táinéinanomona, nana Juzíñamui finoca cáadinuíai abí izírenari murífrédíaiíoi. Ua jaíáimona naí biruímo, ringo úrue jocóacana llezica izínaílla izói, nana íe comínina mámeñega comuítaganuíai izi cócadíaiíoi. ²³ Daa afémací izi cócañenaza; daje izói cai izi cócaíllano, afe caina jaícina ñueítallíruido izire ocuírítaí, Juzíñamui Ñuera Joreño caimo ite íadi. Juzíñamui ícoí aillo caimo fecalle caimátallífuíaimona, bie Ñuera Joreño fueñe raíre úcodo caimo íga. Mei íadi naí bíniemo íere zuure murífrédícaí; mei Juzíñamui jítótíai maméídícaí íadi, móonidíza jíáíe come íena náamataja izói, cai íe náamatallíruimo ocuírítaícaíza. Aféruimo nana fiénidífuíaimona, naa jíáíe cai rairuíoide íaífuíairí, Juzíñamui cai abina oni jírecaitaite. ²⁴ Afe bie cai jíllollífuemo úiñoídícaí. Jesucristo daí caimo llogáuaimo afe jeire cai úamona, áfemo úiñoídícaí. Afemo daí izire cai úiñoínado jíllotagacai. Cai úiñoíga raana cai cónamona, jae afemo úiñoñeitícaí, mei jae íteza. ²⁵ Mei jíáífodo cai cóññena raamo cai úiñoíadi, ja afemo raíre járitaño úiñoíredícaí. Iemona Juzíñamui Ñuera Joreño, Juzíñamui jítótíaina cai maméínamo uaina nabaíde.

²⁶ Daje izói Juzíñamui Ñuera Joreño mei ní fue Juzíñamuimona cai jícállena ñue caina cánuaíbite. Juzíñamuimona jaícina íe jítaílla izói cai jícajana onóñedícaí. Mei daí cai ílla llezica, Ñuera Joreño come uaido jino llónide murílla uaido Juzíñamuimo caído izire jícade. ²⁷ Juzíñamui naga come comeci ífuena ñue onóíllena izire jícanofredímíe. Afemona Ñuera Joreño caído daííacanana Juzíñamui ñue onode, mei Ñuera Joreño, Juzíñamuimo jaínáídnodo Juzíñamui comeci jítaílla izói izire íaiíoi mo jícádeza.

Nana zuure íaífuíaimona caífófecáíredícaí

²⁸ Onódícaíza, Juzíñamui nana cómemo ífícaítífuíaina ñue jaícina mamede, nana íena izíruitino ñue íllena. Ua Juzíñamui comeci jítaina izói, íe jírígano ñue íaiíoi íllena, Juzíñamui ílla dígamíemo cómuítífuíaina ñue jaícina zúítaírede. ²⁹ Mei Juzíñamui nana íe úcodo onóígano nanómona mamede, íe Jító ílla izói íaiíoi íllena. Bie izói íaiíoi íllamona Juzíñamui Jító ámatíaina ítaíoi. Afemona aillo ite ámatíai cógímona Jesucristo dama námiéna jaíde, Juzíñamui jaíai úcodo mámia izói. ³⁰ Nana daí íe

mamécanona, daje izói íaioina jírrite. Nana ie jíriganona, daje izói ie anamo ñue jaícina itábicaitate. Daje izói, nana dai ie anamo ñue jaícina itábicaitagano Crísto nitaca ebíredifuenta afe izói íaioimo nitade.

³¹ ¿Bífuenta nie izói dáiticaí? Juzíñamui cai dibénemo íadi, ¿mei bu caina anáfenolle? ¡Cai anáfenoitena íñede! ³² Juzíñamui dama ie daade nahí Jitona cámona rairuínede. Mei jíáfodo nana ñue cai jíllloilla, ie daade Jitó titállena jeruíneno fecade. Iemona onódicaiza, nana jíaie cai jitaile ríiduana naa ie Jitóoiri nágarui caimo fecáfireite. ³³ Juzíñamui nizécamacimo, ¿bu fiénidifuenta nitárena? Afe izói nitaitimie íñede, mei afémaci nífuenidimona Juzíñamui jae jino uáfodo llógaza. ³⁴ Afe Juzíñamui nizécanona, ¿mei bu duere finótarena? Íaioina duere finótaitimie jae íñede, mei Jesucristo íaioi ícoinia tíizaibiteza. Afe baimo Jesucristo tíillanomona meine abido cáadimiena jaillano, Juzíñamui nabézimo ráinazaide, dinómoma Juzíñamuimona cai ie canóllifuenta izire jíállena. ³⁵ Cristo cai ie izíruillana, ¿bu mei féitarena? ¿Meita duere cai zefuádi, Cristo caina izíruillana féitaite? Féitanide. ¿Meita llotáiredifuaí caina ie izíruillana féitaite? Féitanide. ¿Meita fiene caina finóacadino caina ie izíruillana féitaite? Féitanide. ¿Meita júbietaillafue caina ie izíruillana féitaite? Féitanide. ¿Meita incuironinafue caina ie izíruillana féitaite? Féitanide. ¿Meita jíacifuaí caina ie izíruillana féitaite? Féitanide. ¿Meita tíizaillafue caina ie izíruillana féitaite? Féitanide. ³⁶ Juzíñamui Cueva Uai bie izói dáideza:

Nágaruillai o ícoinia tíillanomo ánozitagacai, mei íadi tííñedicaí.

Daje llezica caina titalle ovéjaiaí izói mamédiaioi.

³⁷ Mei íadi nana bie zúredifuaímona, caina izíruitimie Jesucristodo, caifófeficaidino baimo ñue jino jáidicaí. ³⁸ Iemona ñue onódicueza, Juzíñamui cai ie izíruillana ráiruitena íñede. Naga raamo cai jíriadi Juzíñamui féitañeno caina izíruioide. Cai tíillifue Juzíñamui caina izíruillana cámona feitañeite. Daje izói bíniemo cai cáanafue caina ie izíruillana cámona rairuínide. Daje izói Juzíñamui abi imaci caina ie izíruillana cámona rairuínide. Daje izói fiene ríinorede joriaí caina ie izíruillana cámona rairuínide. Daje izói biruido comuídifuaí caina ie izíruillana cámona rairuínide. Daje izói uire cómuitifuaí caina ie izíruillana cámona rairuínide. ³⁹ Daje izói Juzíñamui abi imácamona ríillaini caina ie izíruillana cámona rairuínide. Daje izói Taífemo jáináidino ríillaini caina ie izíruillana cámona rairuínide. Ua nana Juzíñamui finócanuiaímona buna Crísto caimo jino cíotaga izíruillana cámona rairuínide.

9

Juzíñamui jaiaí uícodo Israel nairaí nizede

¹ Ja birui jíáfue ómoimo llóiticue. Crísto cue jáináinamona táinona llóñeiticue. Daje izói Juzíñamui Ñuera Joreño nabáioicaigacueza cue comece urilla uai ñue jino deide. Afedo bie cue llollifue nahí ua ráfueza, onódicue.

² Be ñie: nana cue nairaí comíniri iere zúruiticue. Afémaci Crísto íñoñenamona zúufueri comécina cuidíridicue. ³ Iemo mei cue dánamona níbai afémacina jíllotareniaí, Juzíñamuina, “Mai fiene cue faido,” níbai raire dáitice. Mei íadi cue daína izói Juzíñamui cue faidódena, cue nairaí imácina cánoñeite. ⁴ Afémaci jaiaí Juzíñamui nizécamie Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íaiói cígimo ie íllado íemo ite áillue ebírede ríino Juzíñamui íaióimo jino ciótate. Daje izói íaióina ie ñuera finóllifuiái Juzíñamui íaióimo llote. Iemo Juzíñamui Moisédo ocuica uaina llogáiaíoi. Daje izói Juzíñamuina nahí caimátaitajana onótageiaíoi. Daje izói Juzíñamui lloga caimare íaiói illíuái íaióimo íteza. ⁵ Bimaci mámecina jica jalleide judíuái jaiáidigimamona comuítagano. Iirainomo íaiói náiraimona Cristo cómena jócuai biga. Bífuiaimona Juzíñamui naga ráfuiái jamánomo ocuillana onódicai. Iemona nana náiraiaimona illa dígamiaí Juzíñamuina jaca ninomo fáicanocaiñeno íobitarediaíoi. Mai daí íteza.

⁶ Díga ñúefuiái cue náiraimo duide; mei íadi Crístona náfueñediaíoi. ¿Mei níbai? ¿Níbai Juzíñamui uícodo lloga Israelna ñuera daináuai figo déizaibiñede? Daí daíñedicueza. Jiáifodo jóide. Nana Israel náiraina maméidinomona dáarie Juzíñamui nízeñegano. ⁷ Daje izói Abraham méifomo comuíno dáarie ie nahí úruiaíñediaíoi. Jaiái uícodo Juzíñamui Abrahana daide:

—Dama Isáacimona cómutino o uáfuenta méifomo comuídinona jaille, —daide. ⁸ Bie uai jiáifuena cai onótateza: Dámie ñuera náiraimo jócuado, dama áfede “Juzíñamui jítódicue” daíñide. Mei jiáifodo Juzíñamui uícodo daina uai fúitamona jocócana, dama afémaci ie uáfuenta méifomo comuídinona mameina. ⁹ Juzíñamui Abrahana uícodo daina uai be ñie: “Uire afe nauí cue mamécaruimo meine bíiticue; íemo o ai Sara jító jócoite,” daide.

¹⁰ Iemo nai jiáifuena ite. Rebeca jító íaillinoí dáamiena móorediaillinoí. Iaillinoí moo cai jaiáidigima Isaac. Afe jító íaillinoí guarázaillinoí. ¹¹⁻¹² Mei íadi íaillinoí nai jocóñeniadi, afe ménailinoí nai nífuenina illa llezica, Juzíñamui Rebécana daide: “O jító nánoramie ie méifoide ama anamo jabóidimiena íite.” Juzíñamui daí daide, bífuena cai onóillena: Afe íaillinoímona dáamiena Juzíñamui nízellena dama Juzíñamui comeci jítaina izói mamede. Afe Juzíñamui íaillinoímona dáamie níziafue íaillinoí finócafueмона comuíñede. Dama Juzíñamui mámiamona íaillinoímona dáamie nízecamiena jaide. ¹³ Juzíñamui Cuegáuai bie izói daide: “Jacob cue nízecamie, íemona cue ízíruigamie, mei íadi Esaú cue ruifruigamie.”

¹⁴ Iemona dáarie níbai dáitiaíoi: “Juzíñamui daí dáamiena fia ruifíruillano jiáimie nízedá máíñua jaícina jóíñede.” Mei íadi bie comini daináuai uáfueñede; jaícina jóíñedifuena Juzíñamuimo jaca íñede. ¹⁵ Mei Juzíñamui Moisená ja dáideza: “Daa cómemo cue dúecaicanadi, afémiemo dúecaíticue. Daje izói daa cómena duéruillano riire íbana cue óiacañeniadi, íemo íbana óñeíticue.” ¹⁶ Bie Juzíñamui daina uáimona onódicaiza: Juzíñamui dáamie eneno nízia afe come óiacanamona daingo comuíñede. Daje izói afe come riire fínuamona Juzíñamui níziafue comuíñede. Juzíñamui afémie nízia dama cómemo Juzíñamui dúecaicanamona comuide. Daje izói afe ímana ie canóacanamona comuide. ¹⁷ Mei jii, Juzíñamui ie Cuegáuaido, Egipto illáimana daide: “Ja illáimana o jóonetice, cuemo ite áillue ríino jiáimacimo odo jino ciótallena. Afe llezica íere duere o cue finóllede cue mámece naga náiraiáido jica jalléitaitio,” daide. ¹⁸ Ie jira onódicaiza: Juzíñamui dama ie óiacana izói, daa cómemo dúecaite; íemo Juzíñamui dama ie óiacana izói jiáie come comécina riireitaite.

¹⁹ Bífuiaimona daa come nibai cuena jicánoite: “Mei Juziñamui afe ie óiacana izói finófiredeza, jáiifodo ínidicai. Iemona ¿nibái mei fiénidifue ícoinia caimo nitáfírega? ¿Bu mei Juziñamui óiacanafuena uáitarena?”
²⁰ ¡Aci! ¡Daií daínámie cacai! ¿O iere ua ímiedicue daidío, Juziñamuimo riire júfidollena? Mei nana Juziñamui comuitagacaiza bie jáiífue mo coméciri. ¿Mei nibái nogo, afe nogo niráingona daíte: “¿Nibái mei cuena bie izói nitio? ¡Dáiíñeite! ²¹ Nogo niraingo daingo ie comeci óiacana izói afe nogóraina nírede. Afe daje nógorafella átuedo daa ebire eroide íciruna nírede, íemo daje nógorafella enéfenemona jamai nogócirina nírede.

²² Iemona daje izói Juziñamui finócafuiai ñuëraza, onódicai. Afémiemo íinoñedinona Juziñamui duere finótaacade, íemo ite fiénidifuena gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fiéni illafue ibana raire otátañede. Ie íciráfue anamo itínomo, Juziñamui raire comeci járitañede. Íaioimo dúide niné táinocaitallifuena nai are ocuñede. ²³⁻²⁴ Daje izói Juziñamuimo ite jamánomo ñuera ebíredinona comínimo jino onótaiacade. Iemona Juziñamui dáarie judíuai, daje izói dáarie judíoñedinona nizada íaioimo dúecaide. Dúecaillano íaioi fiéni illafue ibana oñeno íaioi jíllotate. Afe ie dúecaillado nízecanodícaí. Afémie jaiai uícodo, íemo ite ebíredifuemona afe cáiena oni cai maiñóllena caina mamede. Daií fínuamona, íemo ite jamánomo ñuera ebíredifuijai Juziñamui caimo jino fidítate. ²⁵ Jaiai Juziñamui uai jino llóraíma Oseas cuegánicomo Juziñamui bie izói daide:

Cuemo jaináiñede comínina “Cúeiena” náamataíticue.

Daje izói nauí cue izíruiñega náiraina “Cue izírui gamacina” mámeíticue.

²⁶ Daje izói batí jáiie éniemo itínona Juziñamui daína “Cue comíníñediomoí,” afénomo itínona “Cáataite Juziñamui jítótiaína mamélliaioí,” —daií Oseas daide.

²⁷⁻²⁸ Mei íadi Israel nairai dibénemo Isaías daide: “Israel comini iere aillo jebuídíaioí, ua monáillai fuédamo ite facádonide guamájaíai izói, jamánomo áillomaci. Mei aillo jebuídíaioí íadi, afe náiraimo Juziñamui raire duere finótalle mei, daa dúemacina fiébitiaioí. Dani afe dúemaci jíllotiaioí. Mei jii, Juziñamui ie daína uai izói náiraina duere zefuúillifue jino zuítaite.”

²⁹ Dáamie Isaías afe duere zefuúillifue uícodo llote:

Mei jamánomo riinorede Juziñamui, caina due méifomo cómuitinona níriñeniadi, Sodoma íemo Gomorra diga jofue nairai niné táinocailla izói niné táinocaiticai, —daide.

Jesucristo cai jíllotalle ñúefue daje izói Israel comínimo dúide

³⁰ Cai lloga uaillai bie izói daiíacade. Be ñie: Judíoñedino Juziñamui anamo ñue jaícina íaioi illínona figo jenóñediaioí, mei íadi Juziñamuimo íaioi ínuamona, Juziñamui anamo ñue jaícina itátagaiaioí. ³¹ Mei jáiifodo afe Israel nairai, (judíuaina maméidino) Juziñamui anamo ñue jaícina íaioi itátaite ocuilla uáillaina jenódiaioí, mei íadi afe uáillaina ñue ícoimo figo dúcitañediaioí. ³² ¿Nibái mei afeno baiñediaioí? Mei Juziñamuimo ínuado íaioí comeci ñue jaícina jóillifuena jenóñediaioíza. Dani íaioí nícidogafuiaimo comécidiaioí. “Nibai aféfuiaido Juziñamui anamo ñue jaícina líticai,” daidíaioí. Ie jira Juziñamui oreca jíllotaitimiemo, ñie Jesumo, uíeco riire finódiaioí; fínuano Juziñamui anamo ñue jaícina

iñédiaioi. Come iodo jáiadi éicitaila izói, Jesumo éicitaidiaioi. Afémie iomo éicitaitate nofici izóidimie mei afémie ñúemie, mei íadi ruiffirugamie.
³³ Juziñamui Cuegáuai afémie dibénedo bie izói úrite:
 Omoí cácarei, judíuái iomo éicitaitate nofici izóidimiena jóoneticue.
 Afemo comini éicitailano oni nibéfodo báitíaiioi.
 Mei íadi nana íemo ñnotino íena méairuñeitiaioi.

10

¹ Cue ámatiai, nane ómoína dáitícue: Cue nairai israelitas imaci jilloillena, nana cue comécido izire óiacadicue; íemo áfena Juziñamui jicáfiredicue. ² Bie ñúefue afémacimo nitáredicue: Juziñamui comeci jítainafuemo nágarui iere járidofrediaioi. Mei íadi áfena ñue jaícina íaiioi fidíñenamona daí táinomo járidotiaioi. ³ Comini Juziñamui anamo ñue jaícina ie itátallifuena, íaiioi ifócimo ñue denóñede. Mei jáífodo Juziñamui anamo itábicañeno daní íaiioi mameca comeci ñue jaícina jóitaitífuemo járidotiaioi. Ie jira Juziñamui lloga ñue jaícina itátaitífuena maiñóñediaioi. ⁴ Mei jii, Cristo billano nana íemo ñnotino Juziñamui anamo ñue jaícina itátagaiaioi. Ie jira comini Juziñamui eróicana ñue íaiioi íllena, Moisés ocuica uaimo daní íaiioi níciduafuena Cristo jae féitate.

⁵ Ocuica uai jeire úado Juziñamui anamo ñue jaícina cai illifue dibénemo Moisés bíena daide: “Nana ocuica uailai dáamie ñue ícoimo fuitáadi, áfede afémie are iite.” Mei íadi afe uállaina ñue jeire otímiena íñede. ⁶ Mei jáífodo, Jesumo cai ñnogafuedo Juziñamui anamo ñue jaícina cai illífuena Juziñamui Cuegáuai bie izói daide: “O comeci anado bífuena daí jicánoñeno iri: ¿Bu mei caifo monamo jaille, Cristo ana cai jíllotataíbillena? ⁷ Daje izói bie jáíifue daíñeno iri: ¿Bu mei ana tíidino illánomo jaille, afénomona Cristo caina caifo jíllotataíbillena?” ⁸ Juziñamui Cuegáuai bie izói daide. Be ñie: “Aci, Juziñamui jíllotaja uaina ja cacádiomoi. Ie llógamo ja coméidiomoi.” Bie uailai ómoimo cai lloga omoi ñnollífue. Be ñie: ⁹ O fúedo jino comínimo “Jesús cue nahí Ocuíraima,” o daíadi, nane daje llezica afémie tíllanomona meine abido cáadimiena Juziñamui jáitagamiemo o comécido o ñnoiadi, ua jilloitio. ¹⁰ Mei Juziñamui anamo ñue jaícina cai itábicaillena, afémiemo comécido ñnoredicai; ie mei Jesucristomo nahí cai jaináinafuena, cai fúedo jino comínimo llóredicai, áfede ñue cai jilloillena.

¹¹ Juziñamui Cuegáuai daide: “Nana íemo ñnotino íena meáiruñeite.” ¹² Jesucristo nana náiraímo daje uaido úrite. Judíoñedinona énenoruiñeno daje uaido íaiioimo úrite, naa judíuái diga. Nana nairai Ocuíraima daade Jesucristo; nana afémiemo jicádinomo afémie jaca dúecaífrede. Ja ie jira íemo ite jamánomo ñúefuíaímona íaiioimo fecáífrede. ¹³ Mei Juziñamui Cuegáuai daí dáideza: “Nana cai Ocuíraima Jesucristomo jicaitino jilloitíaiioi.” ¹⁴ Mei íadi Crístomo nai íaiioi ñnoñeniadi, ua afémiemo jicándiaioi. Daje izói afe jíllolle uai nai íaiioi ñue cácañeniadi áfemona nai ñnonidiaioi. Iemo afe uai jino llóraíma nai íñeniadi, afe uaina ua cacándiaioi. ¹⁵ Afe izói, uai jino llóraímana nai íaiioi ocuñeniadi, afe ñúefue uaina ua jino llónide. Jira Juziñamui Cuegáuai bie izói llotte: “Núefue lluaíbitímie billa iere ñuera.”

¹⁶ Mei íadi nana cue nairai imaci, Cristo daina ñúefuena jeire oñediaioi. Jaiaí uai llóraíma Isaías dama bie izói daide: “Ocuíraima,

cai lluáibigafuena ¡jaca buna ¡ñoñena!” daide. ¹⁷ Aféfuiaimona bie izói onódicai: ñúefue fidínamona comíni ¡ñotinona jáidiaioi. Iemo dáamie Cristo daina uai jino lluáibillamona, comíni afe ñúefuena fidídiaioi.

¹⁸ Mei íadi jicánoticue: ¿Mei nibai nana judíuai afe ñúefuena fidíñediaioi? ¡eñede! Ja fidídiaioi. Juzíñamui Cuegáuai daje izói llote:

Afefue llóraini úrilla uai nana énie náiraiaido cácaicaide.

Iaioi daináuauillai nana énie fuédamo jica itínuiaimo ñue jalleide, daide.

¹⁹ Dánomo nane jáífueña jicánoticue: ¿Mei nibai afe cacánafue Israel comíni ifócimo nai figo déiñede? Dáamie Moisés, Juzíñamui dibénedo fueñe uai ote. Moisedo Juzíñamui daide:

Ua comíñedimacimona ómoína úradoitaiticue.

Daje izói abina onóñede nairai icoinia ómoína iciritaiticue, daide.

²⁰ Afe mei Isaías jacíruiñeno Juzíñamui dainafue llote. Be ñie:

Cuena jenóñedino ja cuena baitíaioi.

Cuena jicánoñedinomo dama cue abina ja onótaticue, daide.

²¹ Israel nairai dibénemo Juzíñamui daináuai Isaías llote. Be ñie: “Nágaruillaído cue uaina náfueacañedinona uáidotitue. Mei íadi fairíoñediaioi. Daje izói cuena uáitaoidinona uáidotitue, mei íadi náfueñediaioi,” daide.

11

Israel náiraimona dáarie jílloitiaioi

¹ Iemona nane jicánoticue: ¿Ja nibai Juzíñamui ie nizeca Israel náiraina ruifruiga? ¡jaca ieñede! Mei cue dama Israel nairai ímiedicue. Daje izói Abraham iziedicue. Iemo Benjamín comínimona comuídicue. ² Jaiái ninomo uícomo íeiena onoiga Israel comínina birui ruifruíñeite. Uáfueza, uai llóraini Elías daina uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fieni finócafuiái íaioimo riire jítade. Daide: ³ “Cue Ocuíraima, o uai jino llórainina fatíaioi. Daje llezica o íóbitalle illánuiaina niné táinocaitatiaioi. Afemona dama cue fiébilla. Iemo daje izói nane cuena titáacadiaioi,” daide. ⁴ Mei íadi Juzíñamui ie uai fairíote: “Siete mil dígamaci eneno cúeiena ja níiriticue. Afémaci afe taino juzíñamui Baal jánarai anamo caiñici ifodo dújuñediaioi, ie íóbitallena,” daide. ⁵ Ie jira daje izói birui judíuaimona ¡ñnote dúemacina eneno mamécaiaioi. Juzíñamui nana comínimo dúecaillano daa bimácina oni eneno nizede. ⁶ Bie níziafue Juzíñamui caimo dúecaillamona comuide. Iemona come finóacanamona comuíñede. Mei íadi cai níziafue come finóacanamona comuideniadi, Juzíñamui caimo dúecaillafue nahí caimare dúecaillafueñede.

⁷ Bie daináfue ¿mei nífuena cai llote? Be ñie: Israel comíni íaioi jenoca Juzíñamui anamo ñue jaícifuena baiñediaioi. Mei íadi Juzíñamui nizeca dúemaci afe íaioi jenócana otíaioi. Ie mei baiñédimaci Juzíñamui íaioi comécina riiretade. ⁸ Juzíñamui Cuegáuai daí daide: “Bimácina Juzíñamui comécina tíidino izói finode. Uina cíoiñedino izói íaioina finode. Daje izói jefona cacáiñedino izói íaioina Juzíñamui finode. Nai afémaci jaca biruillaimo bie izói itíaioi.” ⁹ Iemo jáí David Juzíñamuimo jícajano daide: Juzíñamui íóbitallena íaioi finoca guílláfuiái táinona finódiaioi. Afe jira Juzíñamuina daidicue: Mai duere íaioi finoiri.

Iemona aféfuiai tácofo izói íaioimo jáiteza; daje izói llójeji izói jáiteza. Afe táinona finócafuiaimo éicitailano izói duere finólliaioiza. ¹⁰ Daje izói uina niridino izói mai mei íaioi jáilleza, Juzíñamui ñúefuiai íaioi onofeilleza. Iemo nágarui iere baizídaitaganona íitiaioiza, daide.

Judíoñedino jíllofafue

¹¹ Ja birui nane jicánoticue: ¿Ja ñibai judíuai íaioi éicitailamona niné nana táinocaitalliaioi? ¡Jaca íñédeza! Mei jíáifodo judíuai Juzíñamui lloga uaina cacáacañena llezica, judíoñedino aféuai cacáillano íaioi jíllloillifue maiñódiaioi. Afe íaioi máíñua Israel comínina úradoitate, afe jíllonafue otino illa izói íaioi íllena. ¹² Iemona judíuai ínoñenafue írainomona nana náiraiaina canode. Afe judíuai ícoimo fuitáñeno zóofenocaillafue, judíoñedinona ñue canode. Mei íadi judíuai meine abido Jesumo ínuauilla llezica, nana náiraiai jamánomo ñue ézicilliaioi.

¹³ Ja birui judíoñedinomona úriticue. Mai omoi cácarei. Mei judíoñedinomona ñúefue llujillena Juzíñamui orécacueza, afe bie cue llócaillifue mo iere járitaífredicue. ¹⁴ Ñibai afemo riire cue tájinamona, cue naíraí comini, omoi illa izói íacaitiaioi; afe izói íaioi íllena jítaídicue. Afemona afémacimona dáarie ñue jílllobicaitiaioi. ¹⁵ Mei Juzíñamui judíuai ruifíruillamona nana jíáie naíraí Juzíñamuimo comeci caimare uái illáfue na llogáiaioi. Iemo uire judíuaina íaioina Juzíñamui caimare dáanomona uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí. ¹⁶ Mei jíi, Abraham Juzíñamuimo dúidíuaioi. Daje izói da amena jáinao Juzíñamui íeina maméiadi, daje izói nana afe amena ícairuai Juzíñamuimo dúide.

¹⁷ Mei íadi dáarie Abraham anamo comúidino íaioi ínoñenamona Juzíñamui comínina íñeillena ruifíruigaiiaioi; íemo ie uai jeire omoi úamona Juzíñamui comínina itátagaomoi. Afe ruifíruigamaci ífomo jae jóonegaomoi; jóoneficaillano Juzíñamui Abraham imácimo lloga ñúefuiai daje izói llínorediomoi. Ie jira judíuai ñuera olivo amena naa ie ícairuai díga izóidíuaioi. Iemo omoi nano fueñe jazici amena ícairuai izóidíomoi, mei judíoñediomoiza. Jae judíuaimona dáarie íaioi ínoñenamona amena ícairo jaitaina izói jaitacaiaioi. Afe mei omoi ínuamona afe jaitacacairuai méifomo jóonegaomoi. Ua, jaiái jaitaca ícairuai jíáie aménamona méifomo zicóllena jóonegano izóidíomoi. Birui daje moi ícoraimo jaináidíomoi. Afe ñuera olivo íjido cáadíomoi. ¹⁸ Ie jira abina ínoñeno iri. “Olívomona jaitaca ícairuai izóidíumaci baímo ñúeracue” daíñeno iri. Afe izói daíndíomoi, mei ñuera olivo moi ícoraiaina cáatañediomoiza; daní jíáinamona zicóllena jóonega ícairuai izóidíomoi. Mei uáfueza, daní Juzíñamui nizeca comínimo birui omoi jaináinamona ie lloga ñúefuiai llínorediomoi.

¹⁹ Ñibai dáamie dáite: “Dáarie afe ñuera olivo ícairuai jaitacaiaioi, afe méifomo cue jóonellena”. ²⁰ Jíáinamona ñuera olívomona zicódiomoinia ñuera, mei íadi jaitaca izóidíumaci jíáifo joide: Juzíñamuimo íaioi ínoñenamona jaitacaiaioi. Daní omoi ínogafuemona jóonegaomoi. Iemona áfedo daní abina ínonidíomoi. Mei jíáifodo omoi jaitábiza abina ñue omoi rairuiri. ²¹ Mei Juzíñamui nano nizécanona figo íaioi ínoñenamona jíziñeno

íaiolina ruifíruite, afémie daje izói omoi figo íñoñeniadi, amena ícairo jaitaina izói, jizíñeno raire ómoína ruifíruiteza. ²² Mai bífuego omoi coméciri. Juzíñamui daí omoi jóniano iere ñuera. Afedo afémie ómoimo dúecaifrenana fidídiomoi. Mei íadi nane afémie iere riire jaícina ocuídime, mei ie uaimo náfueñedimacina afémie iere duere finode. Mei jíáfodo afémie ómoiri dúecaifrede. Iemo fáicanocaiñeno ie uaina jeire omoi oíadi, ie dúecailla dibénedo ífíreitiomoi. Afefue jeire omoi óñenia, jíái ómoína afémie jáitaita. ²³ Mei jíáfodo judíuai nane abido íñoia, afémaci abido dáanomo jofo jónelliaioi. Mei Juzíñamuimo meine íaioi jónelle riino ite. ²⁴ Mei omo judíoñediomoiza, jica ite onínemaci izóidiomoi; Juzíñamui comínimo due jiza dúíñediomoi. Daí omoi illa llezica Juzíñamuimo omoi ínuado, afémie ie comínina ómoína itátate. Ie jira nano fueñe ie nizécamacimona oni nibéfodo baiídino íaioi íñoiadi, abido daje ie comínina itátallena, Juzíñamui dibénedo jamánomo juánide.

Írairuillaido Israel nairai jíllotiaioi

²⁵ Amatiai, omoi cacai. Afe olivo amena ráfueña ja ómoimo llotice, uáfodo óñoñega Juzíñamui mamécafuena comécido omoi onóillena. Juzíñamui nanómona comécido mamérillafuena ómoína fidítaiacadicue. Aféfuena ónoillano Juzíñamui comínina omoi itátagafuedo abina íñoñeitiomoi. Juzíñamui mamérillafue bie izói joide: Juzíñamui Israel nabémacina comécina riire finode, mei íadi nano íanori íaioi comécina riiretade. Íaioi comeci riireta mei, Juzíñamui nana jíaie náiraina caimare uáidote, íaioimona nana Jesumo ínotino nizéllena. ²⁶ Nana Juzíñamui óiacana dieze íemo ínotimaci ofille mei, nana Israel nairai jíllotiaioi. Mei Juzíñamui Cuegáuai daí daide:

Cai Jíllotaraima dani cáimona cómuite.

Afémie Jerusalén jófueмона biite. (Afe jofue jíáfodo Sióna mameide.)

Jacob meifo igímaiai íaifuiaina afémie múiñoite.

²⁷ Íaioi fiénidifuiái oni cue dolle mei nana uícodo cue lloga ñúfuiaí ñue fuite, daide.

²⁸ Nana comini jíllolle uai dibénedo judíuai fairíoñediaioi. Iemona judíuai Juzíñamui ruifíruigaza, ie bacáuai imácina jáidiaioi. Ie bacáuai imácina íaioi íllamona Juzíñamuimo cai nabáirillino comuide. Mei íadi Juzíñamui nai íaiolina izíruite, íaioi jáiáidigímaiai ie nízia jira. ²⁹ Mei uáfueza. Juzíñamui ja ie fecaca raana abido bairóñede. Daje izói cai ie uáiduafuena jaca jíáfodo méidoñede. ³⁰ Naui Juzíñamui uaina íñoñediomoi; mei íadi jíái birui judíuai daje izói íaioi íñoñenamona Juzíñamui ómoiri dúecaizaide. ³¹ Ja birui nano áinori judíuai Juzíñamui uaina íñoñediaioi, Juzíñamui ómoimo dúecailla izói íaioimo dúecaillena. ³² Bie uáillaimona bífueña onódicai: Nana jíaie comini ie uaina dájerize íñoñediaioi. Ie uaina cai íñoñenamona fiénidifuiái finófredicai. Iemona Juzíñamui nana caina dájerize cai gaiga fiénidifuiaimo llaveca izóidinona jónete. Afémie bie izói caina daide, afe méifomo afémie nana caimo dájerize dúecaillena.

³³ ¡Diga Juzíñamui ebírede comeci ífuiái caimo ie dúecaillena, naa ie onógafuiái diga! ¡Afémie iere ráfueña baitádimie! Uícodo ie mamérillafuiaina cai jino llónidicai. Daje izói eneno dáarie comínina

ie níziafuiaina, onóñedicaí. ³⁴ Cai Ocuíraíma comeci úrillafuiaina buna onóñede. Daje izói afémiena bu llófuetimie iñede. ³⁵ Iemo jíái cai Ocuíraímamo raana izájitimie iñede, afe raa iba llínollena. ³⁶ Mei nana ráaniaí Juzíñamui comuítaga. Nana afémie finoca; daje izói íeiena nana finode. Jaca zííñona Juzíñamuina íóbioitaredicaí. Aquíe izói íteza.

12

Juzíñamuimo ñue jaícina cai dúina uai

¹ Cue ámatiaí, birui Juzíñamui caina dúecaillamona, ómoímo izire jicádicue. Dani omói mai Juzíñamui anamo itábicaíri. (Dani omói comeci gáínafue finóñeno, mai Juzíñamui comeci jítainafue omói finori, cai ie ocuilla izói.) Juzíñamui íóbitalle rille jaiái íemo jaiái feca izói, nai omói caana llezica, Juzíñamui anamo dani omói mai ñue itábicaíri, íena ie ñue facátagamacina omói íllena. Afe llezica dama íeiena eneno ñue finócamaci omói íllamona, omói ie ocuilla uai, mai jeire omói oírí. Nana bífuiái ñue cai ínuamona, cai joréñodo Juzíñamuina caímátaitadicaí. ² Bíníemo ite comíni comeci táinomo facáoidiaíoi. Mai, afe izói omói iñeno iri. Mei jíáífodo, omói comeci ífuiái, mai jíáífodo méidori. Daií omói comeci ífuiái omói méiduamona afe izói Juzíñamui nana o illafue cómofuena méidoite. Afemona Juzíñamui comeci ñue jítainafue ónoiticaí. Daje izói ie jítaina ñúefue ónoiticaí, naa ie cai íóbitallífuiaíri. Daje izói ie ciona jaícina jóidífuiaína ónoiticaí.

³ Juzíñamui cuena dúecaillano cuemo jóonegafuedo, nana ómoína dáitícue. Juzíñamui cai fibítajafuemo da comécina facáredicaí. Afedo abí cai ínnolle ñuera. Mei íadi afefue baimo táinodo ínnonidicaí. Iemona nana ómoimona dámie, afefue baimo dama ie abína ínoñeno iri. Mei jíáífodo illa dígamie comécina ñue jaícina facárede, Juzíñamui íemo lloga ie comécimo Juzíñamui comuítaga ínuafue dáina izói. ⁴ Da come abímo aillo táijide ráaniaí ite. (Onói jíáífodo táijide. Daje izói ídai táijina jíáífoide. Daje izói fue táijina jíáífodo joide. Daje izói jefo táijina eneno jíáífofo joide.) Mei íadi daade cai abí íadi. Naga cai abímo ite raa eneno jíáífofodo caina canode. Daje táijinamo íñédiaíoi. ⁵ Daje izói, áilloziena Jesumo ínoticaí. Aillo cíoidicaí íadi, daade abí izóidicaí. Ua, Crístomo dájena cai jaináinamona, dáamiede abína iticaí. Dáamacidicaí. Afe llezica dáamiedicaí abímo ite táijide raa izói, dani conímamo dájena jaináidicaí.

⁶ Naga cómemo Juzíñamui jóonega táijinana fibíllafue jíáífodo joide. Juzíñamui comeci óiacana izói, afémie naga cómemo fecade. Bie táijinana fibíllafue ñue jeire óredicaí. Dáamíemo Juzíñamuimona onoiga uaillaí jino llóllena fibítaga. Afemona áfena afémie rairuíñeno jíéruírede. Nano ie ínogafue íllaze jino llófuere. ⁷ Jíáímaci cai canófireille fibíllafue Juzíñamui caimo jóoneiadi, áfedo rairuíñeno canóredicaí. Daje izói llófuiana fibítagamie, afe ie llófufirenamo ñue járitairede. ⁸ Afe izói jíáíma comécina náiretallena fibítagamie, áfemo afémie ñue járitairede. Daje izói comíni canolle raa fécafiredimie, afe íbana ie maíñóllemo comécíinide. Fia íaíoímo dúecaillano fecádenia ñuera. Afe izói comíni jetállífuena ocuídímie caimare abí rairuíoicana ocuírede. Duéredino canófiredimie, caimare íaíoína canórede.

Jesumo ínotino finórede uai

⁹ Táinona lloñeno conímana izírui. Iafue bai oñeno iri, mei íadi ñúefue jeire omoí oíri. ¹⁰ Jiáimana caimare nahí ama izóí izírui. Afémiemona raire uícoficaiñeno iri, mei jiáifodo méifomo fiéñeno raire íena o uícode o otátari.

¹¹ Ráiraieñeno jiere omoí iri. Ñue naire cai Ocuíraimamo omoí táijiri.

¹² Cai ocuírinafueмона caimare omoí ífireiri. Duere omoí zefuíadi, áfemo raire járitaiñeno, fáicana caimare úriri. Juzíñamuimo úrillana jaca féitañeno iri.

¹³ Jesumo ínotino jitailla raana, íaioí canóllena jeruñeno fecari. Nana omoí jofomo uáiduaíbitinona caimare uáidori.

¹⁴ Omoí fieni finódinona ñue caimátaitari. Iaioí ibana fieni faidóñeno, íaioí cáimafuiaí Juzíñamuimona jicari.

¹⁵ Caimátaidino diga caimare omoí iri. Daje izóí raamo jírídino omoí dúecari. Eedino diga omo eeri, íaioí fírallena.

¹⁶ Conímana úradoñeno iri, dájena illa dígamíemo ñue coméciri. Daje izóí fieni abina ínoñeno iri, mei jiáifodo comécina mánaidino izóí omoí iri. “Iere baitádimiedue” comécido daíñeno iri.

¹⁷ Da come fieni omo finóadi, afe íbana afémiena fieni finóñeno iri. Mei jiáifodo, nana comini eróicana íba oñeno ñue o finori. ¹⁸ Omoí illa dino, nana comini comeci jacíruiñenafuedo caimare uái omoí iri. ¹⁹ Cue izruiga ámatiai, fiénidifue comuíadi, íbana omoí oñeno iri. Mei íadi aféfuena fáicanocari. Afémie Juzíñamui duere finólleza. Mei jii, Juzíñamui Cuegáuai daide: “Duere finóllifue cuemo dúideza. Daje izóí cue íba ólleza. Daíí cai Ocuídime daide.” ²⁰ Nane dánomo daide: “O bacáuai ímie jufírui, ícíñeno íena ecari. Iemo afémie jirócaniadi, íe o jirótari. Bie izóí íe o fínuamona, izire íena méaicaitaitio,” Juzíñamui Cuegáuai daíí daide. ²¹ Fiénidifue omoí anáfenuamona abí omoí rairuiri. Mei jiáifodo ñúefue jeire omoí úado, fiénidifue mai omoí anáfenori.

13

¹ Nana comini omoí jamánomo ocuídillaima ocuica úíñotillaini anamo ñue omoí itábicari, mei nana ocuídillaini Juzíñamui jónegaza. Afémie jóneñega ocuídimeña íñédeza. ² Iemona afe úíñotillaimana uáitaoidime Juzíñamui jónegamiña uáitate. Nana daíí uáitatino, afe íe uáitaja ícoínia afémacina Juzíñamui duere finótaite. ³ Mei jii, ñúefuena jeire ófiredino ocuídillainina jacíruiñeítai; mei jiáifodo fieni finóidino jacíruiillena jónegaiáioi. ¿Meita ocuídillaimana jacíruiñedimeña íacadio? Mai ñúefuena jeire o oíri. Iemona aféllaima “Facátagamiedo” ona daíte; ⁴ mei afémie Juzíñamui táijitagamieza, ñúefue dibénemo o jaináillena canóllena. Mei fiénidifue o finóadi, aféllaimana jacíruiedio, mei afémie duere finótalle riino táinomona íñegaza. Uafue, afémie Juzíñamui táijitagamie nana fieni itino duere finóallena. Nana íaioí fieni finócafue íllaze ñue jaicina íaioina duere finótaite. ⁵ Íe jira ocuídillaini anamo itábicarediomoí, daa duere omoí finobiñeíllena, mei íadi daje izóí Juzíñamui jónega omoí comeci úrilla uai jeire omoí óllena. ⁶ Afe bie izóí ñue omoí íllena, ocuídillaini lloga gobiérnomo íbarede úcubena íbáfirediomoí. Mei jii, aféllaini Juzíñamui táijitagano. Afe íaioí táijnamo izire járitaioidiaioi.

⁷ Iemona naga cómemo dúide raana, mai jeruñeno ñue íemo íne. Gobiérnomo cai jaináinamona, íaioí ocuica úcubé llínoraima lloga gobiérnomo

dúide úcubena mai omoi fecari. Daje izói gobierno caimo jicana oga raa, emódomo raiñócana áfena mai omoi ibari. Naga ocuídillaímamo dúide ñúefuedo jacíruioinafue, áfedo ñue íena omoi jacírui. Daje izói naga jamánomoidillaímamo dúide ñúefuena, mai áfena íemo omoi nitari. ⁸ Omoi záitaiñega ibállifueña bumo itáteño iri; jiáifodo daa ñue ibállifue ite. Afefue jiáimana cai izíruillifue. Afemona daní conímaiaina izíruiredicai. Mei naga conímana izíruitimie, áfedo Juzíñamui ocuica uaina ñue jaícina fuitádeza. ⁹ Jaiái Juzíñamui ocuica lletara uailai daide: “Jiruífueña finóño iri, cómena titáño iri, meríríño iri, jiáimamo táinona lloño iri, jiáimemo ite ráaniairi úradoño iri.” Mei íadi bie ocuica uailai naa jiáie lletara uáillairi daa bie dáinamo dájena itíaiói: “Dama o abina o izíruilla izói, afe izói o abi cómena izírui.” ¹⁰ Izíruitimie ie abi cómemo fiénidifueña finóñede; íemona izíruillafuedo Juzíñamui ocuilla uailai ñue jaícina jino zuitárede.

¹¹ Nana bífuiaimo jeire omoi ua llezica, birui cai illáruillaímamo ñue mai cai uibíoilli. Ja iere abi cai rairuilliruimo ja dúcidicai. Afemo ñue omoi comécioiri. Mei Jesucristo caína jíllotajano uire jiáiruido caína uáibiteza. Afe ie cai uábilliruimo ja áinozide. Fueñe Jesús uaina cai ínua llezica, afe cai ie uábillirui bai jica ite, mei íadi birui ja aféruimo itícaiza. ¹² Bie énie fiénidifue áreña naio izoide. Afe bie áreña naio ja monáiacade. Jítinomo finoca fiénidifuiái finuana ja fáicanocairedicai. Fuiríraima ie abi ríidua llojeco jítaja izói, afe izói íaifue cai fínoñeilla caí comeci rairuillafueña jeire óredicai. Ie mei ñúefuedo, úzefomo itino izói macáredicai. ¹³ Ua, úzefomo itino izói, mai ñue jaícina cai macalli. Jifáifrenafuemo mai cai íñeilli, naa fiénide aillo güillárenafuairi. Afe izói nana jiruífuaímo mai cai íñeilli, naa jiáie comeci meáire óiacanafuairi. Daje izói dájena comécíñedimaci izói íñoño omoi iri. Iemo jiái fiénide júfidogafuedo mai cai úriñeilli, naa úradoillafuairi. ¹⁴ Mei jiáifodo Jesucristo ñue illa izói, ie cánuado afe ñue illáfuemo mai omoi iri. Omoi comécimo ite fiéní óiacanafuemo, áfemo mai omoi comécíñoño iri. Daje izói, afefue omoi finóllemo maméríñoño omoi iri.

14

O ama jánana fiéni úriñoño iri

¹ Juzíñamui uai como fueñe jabo ínotimíena, ñue jofo omoi cígimo llínori. Afémie ínogafueña féitaicaniadi íena caimare uáidori. Ua, ie ínoga onóñega uáillaímamo aillo omoi úridoñoño caimare íena omoi uáidori. ² Mei jii, “Naga raana íaruiñoño güredicai,” daíñifredinona ite. Daje izói dáarie Juzíñamui jabo ínotino “Rillena riñoño da ria llizíllana güredicai,” daíñifrediaíoi. ³ Ie jira naga raana güítimie mai afe ríllena fímairitimíena jámairuíñoño iri. Afe izói, fímairitimie, mai naga raana güítimíemo comeci fiéni facáñoño iri. Mei Juzíñamui afe íaillínoi, íemo ínuamona, ie comínina caimare íaillínoína uáidoteza. ⁴ Afémaci Juzíñamui ocuicamaciza, íaíoiña fiénidifuedo jicánonidio, mei afémaci óieñedeza. Daní íaíoi ocuídímíemo uai orédiaíoi. Íaíoi illafue riire jicánollena dama íaíoi ocuídímíemo dúide. Ocuicamie illafue ñúenia, ie ocuide Juzíñamui uícomo méairuíñoño náidaite. Ie illafue fiénia, ie ocuide Juzíñamui duere íena

finoite. Mei íadi afémie ñúefue dibénemo féitañeno íite, mei cai Ocuíraima Jesucristo ríinoredeza, afémiena ñúefuemo jaícina jaináitallena.

⁵ Daje izói, dáamie nágaruillai baimo daa illirui eneno rairuide, Juzíñamuina caimátaillena aferui judíuai ráfuenta jira. Jiáimaci naga mona daje izói ñúeruillai, daidíai. Illa dígamie dama ie comeci úrillafuena ñue onótaredeza. ⁶ Daruina eneno ráiruitimie, cai Ocuíraima ióbitallena íeiena íllamona, aféruina eneno rairuide. Daje izói nana raana güitímie cai Ocuíraima ióbitallena íáiruiñeno güífrede, mei afémie afe güílleri Juzíñamuina “Íere figora” dáideza. Daje izói cai Ocuíraima ióbitallena fímairitimie fímairillano Juzíñamuina “Íere figora” daide.

⁷ Nana cáimona buna dama ie comeci ióbillena íinde; daje izoi buna dama ie comeci ióbillena tíñede. ⁸ Cai caana llezica cai Ocuídímie mo jaináidicai. Daje izói cai tíadi, nai íemo jaináidicai. Iemona cai caana llezica, mei nibai cai tílla llezica, jaca cai Ocuíraima íedicai. ⁹ Mei jira Cristo tízaibillano, meine abido cáadímiena jaide, cáadino náamata izói, daje izói tíidinona náamatallena.

¹⁰ Mei íadi comínina náamañedio. Iemona ¿nibái mei o ama jánana fieni úrillano íena riire jicánotio? ¿Níbái mei íena izíruiñeno jámairuitio? Mei jii, nana cai Cristo uícomo ácatallicai. Aféno mo afémie caimo itífuenta riire jicánoite. ¹¹ Juzíñamui Cuegáuai llote:

Uáfuenta jaca ninomo cáadímiena cue íllana onódiomoiza; afe izói uáfuenta nana comini cuemo eróicana íaií cañici ífodo dújuzaibitíaií.

Daje izói nana comini jino uáfodo ñúefuena Juzíñamuimo nítaítaií, daide.

¹² Iemona jae onódicaiza, cáimona illa dígamie dama ie illáfuenta afe Juzíñamuimo jáanoñeno jino íemo llórede.

O ámána ñúefuemona oni nibéfodo baiítañeno iri

¹³ Ie jira benómona mai conímaiaina comécido fieni úriñeno iri. Mei jiáífodo, nágarui omoí finócafuiáido conímana fiénidífue mo omoí baiítañeno iri áfemo mai ñue omoí mamériri. Daje izói omoí illáfuedo afémiena fieni facátañeno iri. Afemona abí omoí rairuiri.

¹⁴ Jae onódicueza, nana güille naa rílleniáiri, dama íainideza. Ua, cai Ocuíraima Jesumo cue ínuamona, ie daína izói, cómena íáiruitaite güille íñedeza, ñue onódicue. Daa “Bíena cue güíadi cuena íáiruitaite” comécido daidímie mo, afe raana afémie güíadi íena íáiruitarede. ¹⁵ Mei jiáífodo, o ama comécilla rairuica güille o güíllamona o ama o rítaiadi, íena ja figo izíruiñedio. Mai daade o güíacaga güíllado, Jesumo o ínote ama íaífue mo féiraitañeno iri; mei afémie jíllloillena Cristo tízaibiteza. ¹⁶ Omo íte ñue finócafuiáido jiáimacina fieni úritañeno iri. ¹⁷ Mei jii, daa cai güiga raado Juzíñamui comínimo jaináíñedicai; daje izói daa cai jiroca raado afémacimo jaináíñedicai. Mei jiáífodo Juzíñamui anamo ñue jaícina cai íllamona Juzíñamui comínimo jaináitagacai. Daje izói Ñuera Joreño caimo comuítaga caimare comeci uái illáfuedo, afe dibénemo jaináitagacai. Daje izói íeri cai ióbioillafuedo, dájena ie comínimo jaináitagacai. ¹⁸ Cristo lloga iodo jailla llezica, nana bífuiaina jeire otímie Juzíñamuina ióbitade. Afe llezica afe izói finófredino comini ñue facátagamaci.

¹⁹ Iemona, naga come conímana caimare uái itátatífuiaina nágarui mai cai jenófireilli. Daje izói conímana Juzíñamuimo baimo izire jaináitaja raa,

mai cai jenófireilli. ²⁰ Daa o óiacaiga güilledo, dani omoi cígiri Juzíñamui comuítaga caimare dájena omoi jainánana, mai fia táinomo fáifitañoeno iri. Uafue, nana Juzíñamui finoca güille güirede, mei ja ñüeraza. Mei íadi daa o güiga güilledo jiáimana ñuera íomona oni nibéfodo o baiítaiadi, afe fiénide. ²¹ Daje izói rille o ríamona jiáimana fiénidifue o baiítaiadi, ríllena o ríñeille, afe baímo ñuera. Afe izói vino o júuamona íena ie ñnogafue o uáitaiadi, vínona o jiróñena afe baímo ñuera. Daje izói nana o fínuafuaimona jiáima ñnogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama ñnogafue o féitañeillena. ²² Iemona bie güillafue, nibai güíñenafue dibénedo o ñuera ñnogafue fáicanocaiñoeno, Juzíñamui eróicana dama óiena ñue o mameri. O comécido mamérimona finóacagafuai dibénedo ñuera o daiíreniadi, áfede caimare itio. ²³ Mei íadi dámie Juzíñamui figo ñnoñenamona ie güille jizíreocana güiadi, afémie fiénidifueo báide. Mei Juzíñamui ñnuamona cai onoiga íena íobitallifue cai finoca ñuera, mei íadi nana aféfuai jinomo cai finócafuai fiénideza.

15

Dama o abina íobitañoeno o ñnote ámana ñue íobitari

¹ Nane Jesumo ñnotinuaimona dámiere ñue ríinorede. Jiáimaci figo comécina náinidiaioi. Cai ja comécina ríinoredinodicai, íemona nai comécina ríinidinona canóredicai. Afefue caimo llonódacaigafue. Afedo dani cai abina íobitanidicai. ² Cáimona illa dígamie ie ñnote ámana íobitarede, afémie ñue íllena. Daje izói íena Juzíñamui aillo ñnotaredicai. ³ Mei Cristo dama ie abiri íobillena jenóñede. Mei jiáifodo Juzíñamui Cuegáuai íemo zúilla. Afe uai daide: “Afe báíñoridino Juzíñamui jiáima báíñoia cuemo baite.” ⁴ Nana jaiái uícodo Juzíñamui Cuegáuillaí cai llófuellena cuega. Aféuaimo cai comeci fíraja uai baiticai. Afe izói bíuai cai facáduamona comeci járitañenafue caimo comuide. Iemona Juzíñamui ico cai nabáirizailliruimo ocuúridicai. ⁵ Juzíñamui afe comeci járidoñenafue llotímie. Daje izói afémie, cai comeci fírajano caina náiretade. Iemona omoi ie canóllena afémiemo jicádicue, illa dígamie jiáimaiaíri dájena caimare omoi íllena. Mei Cristo Jesús daií caina dáideza. ⁶ Afe llezica, dájena omoi comécillena íemo jicádicue, cai Ocuúraima Jesucristo Moo Juzíñamuina dáuaido omoi caimátaitallena.

Judíoñedinomo Juzíñamui ñúefue jae llujáiga

⁷ Mei daií Cristo caimare cai uáidua izói, afe izói conímana caimare omoi uáidori, Juzíñamui ebíredifue nitállena. ⁸ Mei bie cue daina uai: Cristo judíuai ñue fínuaibite. Nana Cristo táijina fueñe judíuaimo dúide, cai nanóidigimona daina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie daina uai jaca jiáifodo méidoñideza. ⁹ Daje izói judíoñedino Juzíñamui íobillena Cristo ana bíniemo bite. Iemona Juzíñamui íaioimo dúecaillari íobidiaioi. Juzíñamui Cuegáuai jaiái uícodo daií daide:

Ie jira afe izói judíoñede náiraiaí cígiri omo caimátaiticue.

Omo ñúefue cue nitalle rua afémaci cígimo róiticue.

¹⁰ Ie mei jiáinomo Cuegáuai daje izói daide:

Judíoñede náiraiái mai omoi cáimacairi, naa Juzíñamui imáciairi.

¹¹ Nane jáinomo Cuegáuai daje izói daide:

Naga judíoñede náiraiái, cai Ocuíraima ióbiri.

Mei afe Juzíñamui jamánomoidimieza, íemo omoi ióbiri.

¹² Mei daje izói Isaías cuete:

Isaí (illaiima David moo) ie méifomo comuídigimamona jamánomoidillaíma cómuite.

Afémie nana judíoñedino cígiri illáímaite.

Afe comíni afémiemo ocuírítiaíoi, daide.

¹³ Juzíñamui caina íemo ocuírítaita. Ie jira íemo omoi ínuamona ñue cáimafue jeire omoi óllena, afémiemo jicádícue, daje izói omoi comeci caimare uái illafue jicádícue. Afe llezica Juzíñamuimo omoi nabáirizaillena birui jabo ocuírídíomoi. Afemona Ñuera Joreño ríinodo ñue izire omoi ocuírillena Juzíñamuimo jicádícue. Mai mei daíí Juzíñamui ómoína ñue éziciíteza.

¹⁴ Cue ámatiaí, ñue onódícueza, ñúefuíaína jeire otíomoi naa omoi fibítainafuíaíri. Daje llezica illa dígamie jáímacína caimare llófuiana onódíomoi. ¹⁵ Mei íadí bie cue cuegábedo, búuailaí ómoímo íere jino uáfodo cueticue, afe uáíllaina omoi féítañeillena. Juzíñamui cuemo dúecaillano cuemo jóonenocaigafue jino llotícue. ¹⁶ Bie cue táíjinafue: Juzíñamui lloga cai jíllóíllí fue ómoímo cue llujíllena. Afefue ómoímo llotícue, Juzíñamui íena omoi maméillena, mei judío imáciñedíomoi. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoi.

¹⁷ Mei daíí dama Jesús cue ínuamona, Juzíñamuimo cue táíjinafuéri ióbillano caimare itícue. ¹⁸ Dama Cristo cuedo finócafuaíri llócaítícue, mei áfede judíoñedíno Juzíñamui uaina jeire otátaticueza. Jáímie táíjinafuena jaca jino llócaíñeítícue. Afe íaíoi Juzíñamui uailaí jeire ua, cue daína uáíllaído jino ñue ícoímo fuitádícue. Daje izói cue ñue táíjinaído íaíoiña ñue jáícína ínotadícue. ¹⁹ Afe izói jino cue cíotaga uaido comuítaga cíóraínina ráamona íemo jáíe onóíllena finócafuaíri, íaíoiña ñue jáícína ínotadícue. Daje izói Ñuera Joreñoite ríinodo íaíoiña ñue jáícína ínotadícue. Bie izói cue fínuamona Jesucrístodo cai jíllóíllí fue llujíllena ja ñue ícoímo fuitádícue. Ua Jerusalémona oni jica nágagobiaído aféfuena llócaídícue. Ua ícoímo Ilíríco éniemo záítajídícue. ²⁰ Afe daíí, nai jaca Cristo mámecína cacáñedinuíaímo, afe ñuera cai jíllonafue llócaídícue. Daíí oni jicado llócaídícue, jáíma jae llógamo dáanomone nane cue llóñeillena. ²¹ Mei íadí Juzíñamui jaíai Cuegáuai daína izói:

Juzíñamui ífuena nai lloñéganuíaí afémiéna ñue ónoítiaíoi.

Daje izói jaca íena cacáñedíno nane aféfuena como fídítiaíoi, daide.

Pablo Rómamo jáíllena comeci facade

²² Díga icaiño omoi uáíduaillena comeci facáfíredícue, íadí jaca jáínidícue. Mei como ómoímo cue lloga oni nágagobiaído cue llócaigafuemo záítaicadícueza; bínidícue. ²³ Mei ja birui bígobiaído cue táíjicana ja fuitádícueza. Jaíai díga fimónaíai omoi díga íacadícue. ²⁴ Ja birui Espáñamo cue jáízaiilla llezica ómoína méíñuáíbiacadícue. Omoi cígiri cue illa llezica, íere caimare ítícue. Afe mei Espáñamo cue jáiacana llezica, omoi cue canóllena jíítaitícue. ²⁵ Mei íadí birui fueñe Jerusalemone ite ámatiaí canolle

raa úiticue. ²⁶ Macedonia énie imaci, naa Acaya énie comíniri, Jerusalemo ite dúeredino canolle úcube ofítallena maméritiaioi. Afe íaioi ofítaga úcube cuedo Jerusalemo óreitíaiioi. ²⁷ Afe bie úcube oréllemo ñue coméciidiaioi. Mei jii, afefue ñue jaícina joidé. Uafue benó itímaci afémacimona aillo comeci cáimafuiai ibáñeno itíaiioi. Iemona birui Jerusalemo ite ñnotinomo raire iballe ite. Ua judíuaimo ite Jesumo ñnotino, íaioimo ite comeci cáimafuiai, jae judíuaiñedinomo dájeze fecádiaioi. Iemona benó Macedóniamo ite ñnotino naa Acaya ñnotinori, judíuaimo ite ñnotinona, afe ibana íaioimo ite úcubedo canócadiaioi. ²⁸ Bie íaioi afémaci cánua mei, afe izói íaioi jónega úcube cue izájille mei, Espáñamo jáiticue. Ua omoi uáidocana afénomo jáiticue. ²⁹ Ñue onódicueza, omoi cígiri cue dúcille llezica, nana Cristo uáimona comuide cáimafuiai ómoimo llófueredicue.

³⁰ Amatiai, cai Ocuíraima Jesucristo mámeçido izire ómoimo jicádicue. Daje izói Ñuera Joreño caimo comuítaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrilla. Juzíñamui cue canólleza, mai izire omoi jicari. ³¹ Dinó Judea éniemo ite ñnoñedino cue íaioi llaitáacanamona cue ie zuitálleza izire Juzíñamuimo jicari. Afe llezica bie cue uiga Jesumo ñnotino canolle úcube caimare íaioi llínolleza, daje izói Juzíñamuimo omoi jicari. ³² Bie Juzíñamuimo omoi jicáfireillifuiái ómoimo jóonenocaidicue, Juzíñamui comeci jítaina izói omoi illánomo caimare cue dúcillena. Afe mei omoi cígiri nano áinori cue illedo cue comeci ñue náireite. ³³ Mai, comeci caimare uái illáfuena fecade Juzíñamui omoi ñue nábaiteza. Daíitadeza.

16

Pablo ie onóigamaci uáidote

¹ Birui cai Jesumo ñnote miríngo Fébena, ómoina caimare uáidotadicue. Afengo Cencrea jófuemo ite Juzíñamuimo gairídímaci canófiredingo. ² Cai Ocuíraima mámeçido aféngona caimare omoi llínori. Mei nana Jesumo ñnotino illa dígamie jíáimana daí caimare llínofiredeza. Daje izói nana afengo jitailla raana aféngomo omoi fecari. Afedo aféngona canóredíomoiiza, mei afengo jaiái aillo comínina canófiredeza. Iemo jíái daje izói cuena canódeza.

³ Iemo Aquílamo ie ai Priscila diga, uai orédicue; mei afe íaillinoi Cristo Jesús uaimo cue tájjicana llezica cuena nabáidiaillinoi. ⁴ Jácinomona cue íaillinoi jllotado íaillinoi illafue jacire fiévide. Aferi afe íaillinoina “fere figura” daidicue. Dama cue daí daíñenaza, nana judíuaiñedinomona gairífirede ámatiai daje izói “fere figura” daidiaioi. ⁵ Daje izói Aquila Priscila jofomo gairífirede cai ámatiai uáidori. Daje izói cue izíruiga nabai Epeneto uáidori. Afémie fueñe Acaya éniemona Crísumo ñnotimie. ⁶ Afe izói ómoido iere tájjifiredingo María omoi uáidori. ⁷ Iemo llavéracomo cue llaveina llezica, cue diga llaveca cue nabai Andrónico, Junias diga, daje izói afe íaillinoi omoi uáidori. Cáizie ímie íaillinoi. Jesús orécamacimona mámeçina jica jalleide íaillinoi. Afe íaillinoi nai Crísumo cue ñnoñenia, raire uícodo Crísumo ñnotiaillinoi.

⁸ Afe izói cue izíruiga nabai Amplias uáidori, mei cue izói cai Ocuíraimamo jaináideza. ⁹ Iemo Cristo Jesumo cue tájjina llezica, cue nabai Urbano uáidori. Daje izói cue izíruiga Estaquísumo uai orédicue.

¹⁰ Afe izóí Apeles uáidori, mei díga ícaiño Crístomo ie ñnogafuena afémie jino comínimo cíotateza. Daje izóí nana Aristóbulo comini uáidori. ¹¹ Cue nairai ímie Herodiómo daje izóí uai orédicue, naa cai Ocuíraimamo ñnote Narciso comíniri. ¹² Daje izóí Trifena ie ai Trifosa díga uáidori. Afe íaillinoi cai Ocuíraima tájijnamo tájifirediaillinoi. Daje izóí cai izíruiga miringo Pérsida uáidori, mei afengo cai Ocuíraima tájijnamo tájifiredeza. ¹³ Iemo mámecina jica jalleide Ocuíraimamo ñnotimie Rufo uáidori, naa ie ei díga. Afengo aillo cuena ie izíruillado cue ei izoide. ¹⁴ Daje izóí Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izóí íaioiri ite ámatiai uáidotícue. ¹⁵ Daje izóí Filólogo, Julia, Olimpas, Nereo, naa ie miringooiri uáidori. Iemo nana íaioiri ñnote ámatiai uáidori.

¹⁶ Mai, illa dígamie Crístomo izíruillamona conímana caimare uáidori. Daje izóí benó Juzíñamuimo gairíracuai imaci ómoimo uaillai orédiaioi.

¹⁷ Amatai, bifue jeire omoi óllena izire jicádícue. Conímaiaina éoitadinomona abí omoi rairuiri. Afémaci jíáimana fiени éicitaila izóí finódiaioi, omoi ñue ñnogafue féitallena. Baimáci jíáimana énenoruitaitaioi. Bie íaioi lloga uai, nauí omoi cue llófuiafuena uáitaacadeza. Afémacimona oni jicado omoi iri. ¹⁸ Afe izóidino cai Ocuíraimo comeci jitaina izóí iñédiaioi. Dani íaioi comeci gáinanomo tájijidiaioi. Afe llezica íaioimo ite caimare ebírerie urilla uaido, comécina nífuenidinona jífuetiaioi. ¹⁹ Nana jíáie comini Juzíñamui uai jeire omoi úana fidídiaioi. Iemona áferi íobidícue. Iemo ñúefue dibénedo iere baitádimacina omoi íllena jitáidícue. Mei jíáifodo fiénidífue finua dibénedo nífuenide onóñedimacina omoi íllena jitáidícue. ²⁰ Mei onódicaiza, comeci caimare uái illafue llote Juzíñamui Taife uaina anáfenoiteza, omoi ie áfedoñeillena. Mei cai Ocuíraima Jesucristo ómoína ñue éziciíteza.

²¹ Cue díga tájiiacade nabai Timoteo ómoimo uai orede. Daje izóí cai nairai ímiiai Lucio, íemo Jasón, íemo Sosípater díga ómoimo uaillai orédiaioi.

²² Pablo ocucia rabe cúeraimadicue; cue mámecei Tercio. Daje izóí Jesumo cue jaináinamona uai ómoimo orédicue.

²³ Benó ite Gayo ómoína uáidote. Birui afémie jofomo iticue. Daje izóí nana Juzíñamuimo gairíacadinomo íaioi dúcillena, afécona nano íanori íaioimo fiende. Daje izóí cai jófuemo ite úcubemo tájijidímie Erasto, uai ómoimo orede. Iemo cai ama Cúartona mámeceiredímie uai ómoimo orede.

²⁴ Mei cai Ocuíraima nana ómoína ñue íllena éziciíteza. Daiítadeza.

Iraicaiño Juzíñamuimo caimátaillafue Pablo úrite

²⁵ Juzíñamuimo mai cai caimátailli, mei afémie omoi ñnogafuena iere izire ñnotaredeza. Cue ómoimo jino lloga cai jílluille uai dai dáideza. Daje izóí Jesucristodo omoi cue llófuiafue dai dáideza. Juzíñamui jaiái ie comécido mamérilla izóí, ja birui judíoñedino comécina ñue náiretade. Ua, bínie nai cómuñenia, bífuena jica ia dai comécido mamede. Ja díga fimona jaide íadi, aféfuena báinino íteza, nai jino comínimo uáfodo llóñega. ²⁶ Mei íadi ja birui Juzíñamui uai llócaidino cáiena fieca Cuegáuaido, afefue jae jino denoca. Bifue ziiño Juzíñamui ocuilla izóí caimo íficaide. Bie fueñe báinino Juzíñamui comécido mamérrillafue, ja birui nana náiraiaimo jino cíotaga, aféfuena íaioi onóillena. Daje izóí afefue jae jino íaioimo cíotaga, comécido ñnota afe uaimo ñue jeire íaioi óllena.

²⁷ ¡Daade jamánomo baitade Juzíñamuimo ebírede ñúefuiai nítaiticaiza!
¡Daií afémiemo Jesucristodo zíñona jaca ninomo llóiticaiza! Mei daiítadeza;
jae ñie.

NANOIDE SAN PABLO CORINTO IMÁCIMO

ORÉCABE

Primera Carta del Apóstol San Pablo a los Corintios

Coríntomo ite Jesucristomo ñnotinomo Pablo cuete

¹ Cue Páblodicue. Ñúefue llujállena Juzíñamui comeci jitaina izói Jesucristo jóonegamiedicue. Bie izói daina Jesucristo orécamedicue. ² Cue, cai ama Sóstenes diga, Corinto jófue mo ite Juzíñamuimo gairífiredino uáidoticoco. Afe llezica bibe ómoimo cueticue. Omoimo Jesucristomo dájena jaináinamona Juzíñamui iédiomoi. Juzíñamui íena omoi jáillena afémieoiri ómoína jírrite. Nágagobiaimo ite cai Ocuíraima Jesucristo mámecido jicáfiredino, daje izói Juzíñamui íeiena uáidogaiaioi. Afe Ocuíraima Jesucristo afémaci ie, daje izói cáie. ³ Cai Moo Juzíñamui, cai Ocuíraima Jesucristo diga, íaillinoína ñue uái illifue dibénemo ómoína jóoneiteza. Daje izói afe íaillinoi ómoína ñue éziciteza.

Jesucristomona comuide caimare illafue

⁴ Nágariu ómoiri Juzíñamuina iere figura daífiredicue, mei Juzíñamui Jesucristodo ñue caimare ómoína itátate. ⁵ Mei jii, Jesucristomo dájena omoi jaináinamona, Juzíñamui nana ie cáimafuiaí ómoimo orede. Nana ie caimare úrillafue Juzíñamui ómoimo llote. Daje izói ie onógafuiaína ómoína onótate. ⁶ Mei daí Juzíñamui Cristodo daina uai ja ómoimo bie nahífueña ite. ⁷ Bie mona cai Ocuíraima Jesucristo cíocaizaibilliruimo nai dúcífueña llezica, nana Juzíñamui lloga uaina ómoimo íteza; abi diné jíáie uaina jítaiñeitiomoiza. ⁸ Afémie ico íirairuimo ómoína náiretaite. Iemona cai Ocuíraima billíruimo dúcille dino buna ninó fiénidífueña ómoimo nitáñede. ⁹ Juzíñamui uícodo ie dáinana jaca ñue ícoimo fuitáfiredede. Afe íinofirega Juzíñamui ie jító Jesucristomo cai nabáirillena caina uáidote. Afe Jesucristo cai Ocuídime.

Cristomo gairífiredino dájena íñeno oni eneno comécidiaioi

¹⁰ Amatiai, omoi cacai. Cai Ocuíraima Jesucristo mámecido izire ómoimo jicádicue. Dájena omoi jainairi. Daje izói eneno omoi bozíetañeno iri. Mei jíáfodo jíáimana énenaruíñeno ñue dájena omoi iri. Daje izói dáafuemo comeci fácaitiomoiza, íemo daje izói dáafuemo omoi maméritiomoiza. ¹¹ Cue ámatiai, bifue ómoína daidicue, mei Cloé comínimona dáarie cuemo llotiaioi, omoi cígiri jíáimana ruifíruillano oni enénorie itíaioi, daí daidiaioi. ¹² Bie izói cue cacánafuedo ómoína daícadede. Omoimona illa dígamiaí jíáfodo úritiomoí. Dáarie cue Pablo iédicue daide, jíámaci cue Apolos iédicue daide, jíámaci cue Pedro iédicue daide, jíámaci cue Cristo iédicue daide. ¹³ Mei íadi nana omoi Cristo abi izóidinodiomoí. ¿Meita afe Cristo abi énenorie fecaca? Daítañede. ¿Meita Pablo omoi méifomo cruzmo coraica? Córaíñega. ¿Meita Pablo mámecido omoi báutizagaomoí? Daítañede. ¹⁴ Cue mena come Crispo Gayo diga báutizadicue. Omoimona abi dine jíáimacina báutizañedicue. Aferi Juzíñamuina “Figora,” daidicue. ¹⁵ Iemona ómoimona buna “Cue

bie Pablo mámeçido báutizagacue,” daiñide. ¹⁶ Iemo jái daa Estéfanas comini báutizaducue, mei íadi cuemo úbicaiñedeza, abí dine jáímacina báutizañeducue. ¹⁷ Mei Cristo cuena “Comini o báutizari,” daiñede. Cuena “Cue ñuera jíllona uai o llócairi,” daide. Mei íadi cue abi ñnotade comini bacácido cuena llotátañede, Cristo cruzmo tíllana cue ráifitañellena.

Cristo llogáfuemo Juziñamui riino ite naa ie baitácafuiari

¹⁸ Afe bie Cristo cruzmo tíllafue, nana ñine táinomo báitino dibénemo ráifñede taino uailai izoide. Mei íadi ñue jíllotino dibénemo, Cristo cruzmo tíllado cai comeci illafue méidorede, mei afe uaimo Juziñamui riino íteza. ¹⁹ Jaiari Juziñamui Cuegáuaido afémie bie izói daide:

—Iere baitádino onógafuiaina ñiné táinocaitaicue.

Daje izói fibídino fibíllafuena ráifitañeiticue, —daide.

²⁰ Ja bíniemo fibídime ¿mei ñífuemo cánoite? Comini comeci ífuena ñue méidoñede. Daje izói fia fibíllafue llófueraima canóñede. Afe izói bínie ráfuiari júfidotimie canóñede. Mei nana bíniemo fibíllafuiari Juziñamui ja jáífodo méidoga. Ráifñede taino uáillaina méidoga. ²¹ Juziñamui nana ie finóllifuiaina onóñirede. Iemona “Fia bínie comini baitajafuedo cuena onóñeitiomoi,” afémie daiñocaide. Mei jáífodo Juziñamui íaioimo lloga uailai íaioi ñnuado afémacina jíllotaacade, afe bie lloga uai jáímacimo ráifñede taino uai izoide íaioimo cíocaide íadi.

²² Iemo Judíuari fia dáinamona comuide cíorainina ráaniaina cíocadiaioi. Iemo judíoñedino iere baitajafue jenódiaioi. ²³ Mei cai, cruzmo coraica Cristo rafue jino llófiredicai. Ie mei judíuari afefue llófuiana meáruitiaioi. Iemo judíoñedino aféfuena “Ráifñede taino uailai,” daidiaioi. ²⁴ Mei jáífodo Juziñamui jíllollena maiñócano dibénemo afe Cristo cairi tilla llogáfuemo Juziñamui riino ite. Daje izói afémaci íena afe llogáfuemo Juziñamui baitaca uai ite. Daa Juziñamui jíirigamie judío ímie íadi, bifue afémiemo ráifide. Daje izói Juziñamui uáidogamie judíoñedime íadi, bifue dájerize íaillinoimo ráifide. ²⁵ Mei jíi Juziñamui lloga uai, ráifñede taino uai izói comínimo cíoide, mei íadi afe uai énie comini baitácafue baimo iere baitade. Daje izói Juziñamui finócafue riinonina izói comínimo cíoide, mei íadi comini máirie baimo jamánomo riirede. ²⁶ Amatiai, mai Juziñamui omoi jíirillafuemo uibíoicairi. Omoinona baitádinona figo íñede, mei íadi nai ie comínidiomoi. Daje izói ómoimona riillainina figo íñedeza. Iemo ómoimona jica jalleide comínina figo íñede, mei íadi nai Juziñamui izíruigamacidiomoi. ²⁷ Mei jáífodo, bínie comini ñaina abina onóñedino Juziñamui jae nizeca, ráfuiaina baitádino méaicallena. Daje izói bínie comini ñaina riinidimaci Juziñamui jae nizeca, nana “Mairíducue” daidino meáicallena. ²⁸ Iemo bíniemo ite jica jalléíñedino naa jamairuigamací daga Juziñamui jae nizede. Nana bie Juziñamui nizécano jamai comini. Juziñamui bie izói jamai comini nizede, abi ñnota “Ail-lomieducue” daidino riinitallena. ²⁹ Iemona buna Juziñamui uícomo abina ñnonide. ³⁰ Mei dama Juziñamui ómoina Cristo Jesumo dájena jaináitate. Daje izói Juziñamui, Jesucristo cai ífoci déitatimiena jónete. Iemo Crístodo, Juziñamui anamo ñue jáicina cai íllena, afémie caimo jónete. Afe llezica Juziñamui íeiena Crístodo caina ñue finode. Afe bie Crístodo daí jíllodicai.

³¹ Afémie daí finode, Juzíñamui Cuegáuai daina izói jaícina jino fuitállena. Afe uai daide: “Dámie abí únioacania, cai Ocuíraimado abí únori,” daide.

2

Dama coraica Cristo rafue Pablo comínimo llote

¹ Birui ómoimo cue llua izói, afe izói nauí Juzíñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “Tere ráfuiaina baitádimedio” cuena omoi dáíñeillena. ² Mei nauí omoi cígiri cue illa llezica daa Jesucristo ráfuena naa ie coráifue diga, abí diné jaífueña ómoína onótaacañedicue. ³ Aféruillaído ómoiri ríinidímie izói iticue. Ie jira benena cue jácieri cuidíridicue. ⁴ Ómoimo jino cue llua llezica fia énie come baitaca uaido ómoína jéruitañedicue. Mei jaífodo Juzíñamui Ñuera Joréñodo jéruitadicue. Daje izói Juzíñamuimo ite ríinodo: “Bífueña omoi jéruiri,” daidicue. ⁵ Daí ómoína daidicue omoi únogafue, Juzíñamui ríino dibénemo illena; daje izói omoi únogafue bínie comíni onógafuemo jáinaiñeillena.

Juzíñamui da ie Ñuera Joréñodo onoiga

⁶ Mei íadi ómoimona Juzíñamuimo únogafuemo ñue mónaitinomo cue baitaca uaido úriticue. Bie cue baitaca uai bínie comíni íeñede. Daje izói bínie uíñote ríillaini uáíñede. Afémaci naa íaíoi uáillairi ñine cíocaiñeítiaíoi. ⁷ Jaíai uáfodo ónoñega Juzíñamui fibíllafuíaído úriticai. Afémie jaíai énie comúacana úicodo báinino mamérrillafuiedo úriticai. Aféruillaído caímo zííñona fuíñeite jíllollifue caímo mamede. ⁸ Nana bínie uíñote ríillainimona bífuena buna onóñede. Bífuena onódiaíoiña cai ñuera Ocuíraíma Jesucrístona coráíñediaíoi. (Aféfuena íaíoi onóñenado íena coráidiaíoi.) ⁹ Mei íadi Juzíñamui cáena mamécaíue ie Cuegáuai daina izói ite. Afe uai daide:

Bínie comínimona jaca buna cíóñena ñuera raa Juzíñamui íena izíruitino íaíoiéna jóonete.

Afe izóidena comíni jaca cacáñediaíoi.

Daje izói áfemo jaca buna comeci facáñena.

¹⁰ Afe bífuiaina Juzíñamui ie Ñuera Joréñodo caímo llotátate, mei afe Ñuera Joreño nana Juzíñamuimo ite uáfodo ónoñega ráfuiaina onóillena izire jicánofiredeza. Iemona afémie cai fidítate.

¹¹ Bíníemo ite comínimona, ¿mei níimie jaíama comeci ífue onona? Dama afémiemo ite joreño ie comeci ífuena onona. Afe izói dama Juzíñamui Ñuera Joreño Juzíñamui comeci ífuena onona. ¹² Bínie comíni fiéni comécíllafuíaí uícaíñegacai, mei íadi Juzíñamui caímo oreca Ñuera Joreño úicaigacai. Juzíñamui ie Ñuera Joreño caímo orede, aillo jeruíñeno caímo ie fecaca ráfuiaina cai onóillena. ¹³ Juzíñamui Ñuera Joreño caímo llófuega uáillaído afe bífuiáído ómoimo úriticai. Dani cai fibíllafuemono cai onoiga uáillaído ómoimo úriñedicai. Afe daí Ñuera Joreño úicaiganomo Ñuera Joreño lloga ua ráfuiái jino ñue llotícaí.

¹⁴ Mei jíi, Juzíñamui Ñuera Joréñona úicaíñegamie afe Ñuera Joreño lloga ráfuiaina jeire oñede. Mei afémiemona bífuiái ráííñede taino uáillai izóideza. Aféfuíai afémiemo jánaide, mei bífuiái cómemo dama Juzíñamui Ñuera Joréñodo llófuegaza. ¹⁵ Mei íadi Juzíñamui Ñuera Joréñona igámie naga ráfuiaimona nífue ñuena, nífue fiénina daírede. Mei jaífodo Ñuera

Joréñona íñegamie afe izói daiñide. Iemona Ñuera Joréñona íñegamie Joréñona igámie mo jaca nñífueña jicánonide. ¹⁶ Mei Juzíñamui Cuegáuai daide: “¿Bu mei cai Ocuíraima comeci fácafueña onona? ¿Mei nñímie Juzíñamuina llófuerena?” Mei íadi ie Ñuera Joréñodo Cristo ifoci úrillafue caimo ite.

3

Dájemo táijidino izói Juzíñamui ocuica uai llujillena canódica

¹ Amatíai, bie lloga Cristo comeci fácafue nai ómoimo figo jóobiñede. Iemona Ñuera Joreño úcaigano izói nai ómoimo úrinidicue. Mei jiáfodo Ñuera Joréñomo nai figo jaináñedino izóidiomoi. Crísto mo jaináñedino dibénemo nai figo onóñede úruiai izóidiomoi. ² Iemona nauí ómoimo ómoimo llófueticue. Nai monoi jirode úruiai izóidiomoi; jáiaide güille nai ómoimo dúñede. Iemo afe izói ñue baitácafue nai ómoimo jaca dúñede. Nai aféfuena jeire ónidomoi. ³ Mei nai Ñuera Joréñomo jaináñena llezica jamaí come izóidiomoiza. Nai birui jáimana úradoidiomoi, íemo icírafueña jenófrediomoi, íemo nai jáimana énenoruidiomoi. Iemona bíniemo ite Juzíñamui Joréñona nai íñegano izóidiomoi. Nana íaioi eneno bozíetaillafuina nai jeire otíomoi. ⁴ Omoimona dáarie “Pablo iédicue,” daide. Jáimaci “Apolos iédicue,” daide. Bie izói omoi illa, nai bíniemo ite Juzíñamui Ñuera Joreño úcaíñega comini izóidiomoi.

⁵ ¿Mei nñímie Páblona? ¿Mei jái nñímie Apólona? Coco bie daa Juzíñamui ocuicamedicoco. Daa cócodo cai Ocuíraimamo innotiomoi. Cai Ocuíraima cuemo jóonega táijnamo táijidicue. Daje izói Apolos dama íemo jóonegamo táijide. ⁶ Cue bie fueñe ritímie izóidicue. Ie mei Apolos afe rigaji jáinoina riáitatimie izoide. Mei íadi afe rigaji zicótatimie daade Juzíñamui. ⁷ Iemona cue bie fia ritímiedicue. Iemo Apolos fia riáitatimie. Bie coco jabóidimedicoco. Mei íadi Juzíñamui jamánomoidimie, mei afémie afe rigaji zairítaiteza. ⁸ Nana ido ritímie, afeji jáinoina riáitatimie nágaillinoi daje Juzíñamui ocuicamie íaillinoi. Mei íadi illa dígamie nano ie táijina dieze Juzíñamui íbaite. ⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jáie raa izóidiomoi. Juzíñamui como nicana uiga jofa izóidiomoi. ¹⁰ Cue bie jofa níraini ocuídimedicue. Juzíñamui cue ocuilla izói, bico jáillirai riire naidánetimie izóidicue. Iemo jáimie afe jáillirai acónimo ticáidimie izoide. Ie jira naga tícaitimie rairuídicue, fiendi ie ticáñeno ñue ie ticáilleza. ¹¹ Mei jii, abi diné jáimie riire naidaide jáilliraina naidánenide. Afe jae riire naidánega jáillirai izóidimie Jesucristo. ¹² Mei naga come bie jáillirai caifófemo ie illínona nírede. Afe bíena daiñede mei naga come illafue bie nillico izóideza. Dámie afe jáilliraina mameide Jesucristo caifófemo oro izóidedo ie illínona nírede, jáimie quenírede llojefe izóidedo ie illínona nírede, jáimie ráifide nofícaí izóidedo ie illínona nírede, jáimie amena iedo ie illínona nírede, jáimie fia uifzaido ie illínona nírede, jáimie zicicai izóidedo ie illínona nírede. ¹³ Iemo ico jáiruido Cristo comínimo itífue riire jicánuabilliruimo naga come ie nigano uáfori cíoite. Aféruido Juzíñamui cai táijina fácaite. Irai izóidedo naga come nigánuai Juzíñamui fácaite. ¹⁴ Irai cúaritañega raado nitímie Juzíñamui ie táijina

íbaja raana jirídoite. ¹⁵ Mei jiáifodo cúarirede raado nitímie minícana jiridoñeite. Nana ie táijina niné táinocaitenza; dama táinori llégite. Mei íadi dama afémie jilloite. Ua, jofu bóoamona nana raaie uzilla mei, dama come jílona izói, afémie jilloite.

¹⁶ ¿Omoí bie Juzíñamui jofu izóidíomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi? ¹⁷ Afe bie Juzíñamui ico íaifuenidíco. Iemona ómoimona dámie bie Juzíñamui jofu eneno botáadi, afe cómena Juzíñamui jiái niné táinocaitaite. Omoí bie íaifuenidíco izóidíomoi.

¹⁸ Nane daa come dama abi jífueiza áfemona abí omoí rairuiri. Omoimona dámie “Bínie ráfueña iere baitádímedícue,” daííadi, afémie meine abido ínoñedíno daína izói ráfueña baitáñedímiena jáirede, Juzíñamuimo ite nahí rafue baitállena. ¹⁹ Mei bínie comíni baitácafuiái Juzíñamuimona ráifíñede taino uailái. Ie Cuegáuai daide: “Iere baitádínona Juzíñamui dani íaioi bífueinamo írebaimo jilla izói jíitate.” ²⁰ Nane dáanomodaide: “Baitádíno comeci fácafuiái ráifíñenana cai Ocuíraima onode.” ²¹ Ie jira jiáimamo jaináillado jaca buna abina ínonide. Afe omoí dáamiemo jaináilla uai jiáifodo jóide. Nana omoí canódíno ómoimo jainaide. ²² Daa cómemo jáinaíñeno nana bimaci ómoimo jainaide: Pedro, Apolos diga ómoimo jainaide, cue jiái Páblodícue ómoimo jaináidícue. Daje izói nana bíníemo ite ráaniai Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoí tíadi, Crístodo afe tíllana jáciruíñeitiomoi. Iemo biruíllaido Crístodo caimare íredíomoi. Iemo uire jiáiruido ómoimo ífcaitífuemo Crístodo jáciruíñeitiomoi. Nana bie ñúefuiái ómoie. ²³ Iemo Cristo íedíomoi, ie mei Cristo Juzíñamui ie.

4

Jesucristo orécano táijinafue

¹ Iemona Cristo canódíno omoí caina daííredíomoi. Daje izói uáfodo ónoñega Juzíñamui lloga uailái jino comínímo llófuetíno omoí caina daííredíomoi. ² Mei jii, táijinana jóonegamie ie ocuídímie ínofírenana afémíemo jino cíotarede; ie ocuállana ñue ícoímo fuitárede. ³ Mei íadi cúemona, omoí cuemo itífue jicánodoiari járitañedícue. Daje izói dáarie cuemo itífue jicánodoídíno cuena dáinana figo náfueñedícue. Afe izói cue itífue dama cue jicánoiadi áferi járitañeítícue. ⁴ Mei cue comeci úrilla nífueña cuemo nitáñede. Mei íadi afe izói cue comeci úria, nai ua Juzíñamui eróicana ua nífuenidímíedio cuena daííñede. Mei cuemo itífue jicánotímie dama Jesucrístoza. ⁵ Mei jira, Cristo nai biñena llezica jiáima táijinafueña riire omoí jicánodoíñeno iri. Daa cai Ocuíraima jicánuaíbillíruí omoí ocuíriri. Aféruído afémie jíitífono báinino itínona bai úzefomo uáfori cíotaitaite. Daje izói aféruído cai Ocuíraima naga come comeci mamérillafuiái uáfodo onótaitaite. Iemona Juzíñamui naga come nano ba íemo dúide dieze ñúefuiái íemo fécaite.

⁶ Amatíai, mei ñue omoí íllena bífuiáido omoí o úritícue. Omoí canódimie Apolos ífue dama cufue diga jae ómoimo llotícue, omoí ñue dájena comécíillífue uáfodo omoí onóíllena. Bífue ómoimo llotícue ómoimo coco cíotagafuiáido Juzíñamui Cuegáuai baimo omoí comécííñeíllena. Afe uai caina daide: Dámie dibénemo gáifíñeno omoí iri. Daje izói jiáimiena

jámairuñeno dájeze nana íaioimo omoi ñnori. ⁷ ¿Mei nie come jíáimaci baimo ómoína ñue fínua? Nana omoi onoiga ññefuiai Juzíñamui fecácaza. Jaca Juzíñamui fecañegana ññede. Iemona ¿nibái mei dáamiedo abina ñnofirediomoí? Abina ñnofiredimie: “Cue comeci jítaina izói cuemo fecácaza,” daíñfiredi. Mei íeñedeza. Omoi dani fécañegaza. Mei jira áfedo abina ñnonidiomoí. Nana caimo ite ráaniaimona dani cai ocuilla izói ññede. Nana Juzíñamui caimo fecaca.

⁸ Birui ja “Nana Juzíñamui caimo fecácagafuiai ja cai ógaza,” daí comeci diomoí. Nana omoi jitaica ráaniai nibai ja omoi oga. Nana omoi onóacaga ífuiaina nibai ja ñue baitádiomoí. Nibai ómoína cai canóñenado ja illáicomínina jáidiomoí. Mei íadi táinodo abi ñnotiomoí. Iemo afe llezica cai bie jalléñedicaí. Mei íadi ómoína: “Ua illáicomínina omoi ii,” daidicaí. Afe daí cai bie omoi diga dájena illáimaiticaí. ⁹ Cai bie Cristo orécamiái jino írainomo Juzíñamui fiécacaí. Cai bie lláviano títino izóidicaí. Jira cai bie nana énie nairai acárilla raa izóidinona jáidicaí. Iemona nana comini naa Juzíñamui abi imáciri caimo éroitiaíoi, mei afémaci abi fáiacaitadinodicaíza. ¹⁰ Cristo rafue cai llócaillamona caina jíáimaci “Abina onóñediomoí,” daidíaíoi; mei afe llezica “Cristodo ráfuiaina baitáidinodicaí,” daidiomoí. Omoi ríiredinona illa llezica, cai bie ríinidinodicaí. Caina comini jámairuilla llezica ómoína ñue jacíruiatíoi. ¹¹ Mei jaiaí nai biruimo júbieri duere zefuídicaí. Daje izói cai jirolle jainoi ññenari jáí duere zefuídicaí. Daje izói figo inícuironidicaí. Daje izói comini caina fieni finódiaíoi. Uái cai illino ññede. ¹² Aillo cai táijinamona iere llégidicaí. Iemo comini cairi jainónaitimaci; mei íadi íaioína Juzíñamui canolle uaido fairíoticaí. Caina fieni finóllena racádiaíoi; mei íadi ocuídicaí. ¹³ Cairi fiénidifuedo úritiaíoi; mei íadi afe comínina comeci mánainafuedo fiaicana llófueticaí. Afe llezica oni dotaca íáirede raa dota izói, afe izói caina ráíññedinona caina mámano náfueñediaíoi. Nai biruimo cuidoda oni faíga íáirede raana caina mamédiaíoi.

¹⁴ Bífuaína omoi meáidallena cueñédicue, mei jíáifodo omoi ñue illena rairuillano, lloticue, mei cúemona izíruiga jítótiaí izóidíomoíza. ¹⁵ Mei cómemona facádonide Cristo ráfuena llófuetino ómoimo ite íadi, nai omoi ñnogafue tainédimie daade. Cristo Jesumo omoi ñnollena, omoi moo izói omoi comuítatimiedicue, mei cai jíllona uaina ómoimo llotícueza. ¹⁶ Ie jira ómoimo cue cíotaga cai ñue illífuedo omoi jáillena, izire jicádíicue. Daje izói cue llogáfuedo omoi jairi daidicue.

¹⁷ Afedo omoi jáillena, Crístomo cue ñnotaga Timoteo ómoimo orédicue. Afémie cue izíruiga jító izóidimie. Afémie, Crístomo cue ñnuamona cue lloga ñue cai illáfueña ómoimo úibicaitaite. Afe bie afémie ómoimo llujáillífue izói, afe izói nágagobiaimo ite Juzíñamuimo ñnotimacimo, cue jáí llófueñefiredicue. ¹⁸ Omoimona dáarie abina ñnuano, daidíaíoi: “Pablo caina éroizaibiñeite,” daidíaíoi. (Afe izói dánado cue uaina uáitaacadiaíoi.) ¹⁹ Mei íadi cai Ocuíraíma Jesucristo comeci jítaiadi raire omoi cue meíñuallena ocuídíicue. Iemo cue billíruimo afe abina ñnotimaci nie ññefue jíáimacimo finódiaíoi, afe fue cue onóillena fácaíticue. Afedo íaíoi ññuera ríino ite, nibai ññedeza, ónoíticue. Aillo íaíoi úrilla uaina náfueñeiticue. ²⁰ Mei jii, fia cai úrilla uaido, Juzíñamui illáimana illáruimo jaináitañegacaí. Mei jíáifodo Juzíñamui Ññuera Joreño ríinodo cai comeci

itífue méiduano ie illáimana illáruimo jaináitagacai. ²¹ ¿Mei nie izói óiacadiomoi? ¿Mei nibai ómoína duere cue fínuaibillana óiacadiomoi? ¿Nibai izíruillafuedo comeci mánainafuedo ómoímo cue érozaiabillana óiacadiomoi?

5

Pablo fiénide meáifue finódimie duere finóllena llote

¹ Ja birui omoi cígimo ite iere fiénide jiruífueña comini cue fidítataioi. Omoímona dáamie ja ie moo ogango dama ie aina ote. Afefue iere jamánomo meáirede. Afe izoide fiénidífueña Juzíñamuina ónoñedimaci jaca rairuídaiioi. ² Mei íadi bie izói ómoímo illa llezica jnai omoi iere abina ínofirediomoi! (Afe izói omoi illa iere figóñede.) Mei jiáifodo áferi iere zuure írediomoi. Daje izói áferi meáidarediomoi. Bie izói jiruiredimie omoi cígimona mai oni ore. ³ Náamiena omoi diga dama cue iñédicue, mei íadi afefue dibénemo cue comeci facáoinana ñue onódiomoiza. Ie jira afe bie jiruiredimie ie duere finóllena jae cai Ocuíraíma Jesucristo mámeçido ocuídicueza. ⁴ Iemona Jesucristo mámeçido dáanomo omoi gairízailla llezica, íemo cue comeci facáoinamo ñue omoi uibíoicailla llezica, íemo jiái cai Ocuíraíma Jesucristo omoi cígiri ríinorena llezica, ⁵ mai afe íimana ómoímona jino dótano Taifena náamataga comínimo íena omoi zóoferi, ie abi fieni jítainafuiai niné táinocaitallena. Afemona cai Ocuíraíma Jesús billíruimo afémie joreño jílobicaiteza.

⁶ Afe íaifue nai ómoímo illa llezica omoi ñue íáiminana illa izói abí ínotiomoi. Afe abí ínuana figóñede. “Mei daa cómemo ite íaifue aillo ie abímo itímacina íáiretaiteza.” ¿Comini daina uaina onóñediomoi? Afe uai daide: “Pan finóadi afe aillo fáitate raa tamédaioi. Due jiza fáitatená jóonega íadi, nana afe magáfecina aillo fáitate.” Afe izói daa come finoca íaifue aillo ie abímo itímacina íaire finode. ⁷ Iemona ómoína fieni finode come ómoímona oni jica oreri, mei afémie jácaie pan fáitara izóidimieza. Ie jira afe fiénide meáifue ómoímona ñue muiñori, ñue jáicina íaifuenidímacina omoi íllena. Iemona fáitatená jóoneñega comue pan izóidinona íitíomoi. Ja onódicueza, afe bie izóidino ua itíomoi, mei Cristo nana cai ícoínia fagámiena jáideza. Afémie cai ífomo fatá Juzíñamuimo fecaca oveja jiza izóidimie, caimo ite íaifue oni dóllena. Afémie pascua rafue illa llezica cai uibíoigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo tíideza. ⁸ Iemona nágarui cai illáfuemo táinona úriñede coméçido mai cai illi. Daje izói ñúefuíairede coméçido mai cai illi. Afe izoide comeci fáitate raa jóoneñega comue pan izoide. Mei jiáifodo íairede coméçido cai íadi, daje izói éoicaide coméçido cai íadi, afe izoide comeci jácaie pan fáitate raa izoide. Afe izói mai cai íñeilli. ⁹ Naui ómoímo cue cuezábemo ómoína daidicue: “Bie izói jiruírede comínimo nabáiriñeno iri.” ¹⁰ Biniemo jaca jiruiredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoi nabáiriñeillena lloñédicue. Aféfuena rairuídicuena biniemo oni jáirediomoi. Mei íadi afe izói ocuíñedicue. Mei íadi onódiomoiza, afémaci illa izói ínidiomoi. ¹¹ Mei ómoína cue daiíacanafue jiáifo jóide. “Cristomo ínote omoi ámadicue” daidímie íadi afémie jiruíreniadi, afémie diga nabáiriñeno iri. Daje izói afémie iere

ránaia cania afémie diga nabáiriñeno iri. Iemo dáamie jánarai ióbitaadi, íemo afémie jáimana fieni úrifireia, ie jáfaireia, íemo ie merírifireia, afe izoide “Crístomo ínote omoi ámadícue” daidímie diga nabáiriñeno iri. Iemo jái bie izoide come diga omoi güñeno iri. ¹²⁻¹³ Biniemo ite ínoñede fiénidinomo itifue riire cue jicánolle cuemo dúñede. Mei íaioimo fieni itífuiai dama Juzíñamui riire jicánoteza. Mei jáífodo omoi dani ómoimo jáináidinona riire jicánorediomoí. Ie jira afe bie fiénidífuiairedímie omoi cígimona oni oreri.

6

Juzíñamuimo ínotino júfidogafuiai oni ínoñedinomo llujínide

¹ Dani ómoimona dámie jáímamo júfidogafue comuíadi, ¿nibái mei oni jáímacimo afefue záitallena jáidiomoí? mei afémaci cai ínogafuemo jáináíñedímaci. Dani omoi cígiri ite Juzíñamuimo dúidinomo jicárediomoí, o júfidogana jáícina záitallena. ² ¿Nai onóñediomoí Juzíñamui iédino nana bínie comíni itífuena riire jicánoitiaíoi? Mei uire bínie comíni riire jicánoitioimoíza, ¿nibái mei omoi cígiri ite dúefuiai raire záitanidiomoí? ³ Iemo jái, ¿nai onóñediomoíza Juzíñamui abí imaci, ángeles daínámaci, itífuiai raire jicánoitici? Mei uafue Juzíñamui abí imaci itífuiai raire jicánoitioimoíza, ómoimo ite bínie ífuiai raire záitallena ómoimona juánide. ⁴ Bie cai illáfueмона comuide júfidogafuiai ómoimo comuíadi, ¿mei nibái mei Juzíñamuimo gairídino dibénemo íñédinomo llujíñediomoí, afefue jáícina ómoimo finóllena? ⁵ Bie izói ómoína daidícue omoi méaicallena. ¿Mei nibai omoi cígiri ámatiaímo comuídufena jáícina finuana baitádimie íñede? ⁶ Ja birui da ama jáímamo júfidogafue comuíadi, Juzíñamuimo ínoñede jáícina finóraíma uícomo llujíñediomoí. ¿Meita bie izói írede? ¡Inide!

⁷ Uáfodo onóigaza, nanómona daa júfidollí fue omoi cígiri comuíadi, jáíe o ñue illáfue tainomo fáíftaite. (Daje izói o júfidogafue Juzíñamui ífuena jámairuitade.) Daa cáimona dámie fieni o finóadi, afe íba o óñeille baimo ñuera. Daje izói daa come cue raa jífuiano bairóadi afe meine cue óñeille iere baimo ñuera. ⁸ Mei jáífodo fiénidí fue fáicanocaiñeno, dani omoi ámatiaímo fieni finódiomoí, íemo jái omoi ámatiaína jífuiano raana bairóñediomoí.

⁹⁻¹⁰ ¿Nai onóñediomoíza? nana jáimana fieni finódino Juzíñamui illáimana illíruimo dúcíñeitiaíoi. Omoi jífueñeno iri, mei naga fiénidino Juzíñamui illáimana illíruimo jáináíñeitiaíoi. Daje izói áireíñeno jáíe ringo jetáidino dúcíñeitiaíoi, íemo jánaraina ióbitadino, íemo jiruífueredino, íemo jáíe íma diga fieni itímiai, íemo merírifiredino, íemo iere ráanaíacadino, íemo jífáíñediño, íemo jáímamo fieni úritino, íemo jífueta bairóñediño; nana éniemo ite bie izoide comíni Juzíñamui illáimana illíruimo dúcíñeitiaíoi. ¹¹ Naui ómoimona dáarie bie izoide. Mei íadi ja birui Jesucrísto ñue íáinino finócaomoi. Daje izói Juzíñamui íeiena ñue mamécaomoi. Afe izói Moo Juzíñamui Ñuera Joréñodo, íemo jái cai Ocuíraíma Jesumo omoi ínuado Juzíñamui anamo ñue jáícina itábicaídiomoí.

Cai abi Juziñamui eróicana iere ñúeraza áfena íaidonidícaí

¹² Comini daiífirediaíoi, “Cue bie cue comeci jitailla izói íredicue.” Afe uáfue, mei íadi naga íaíoi comeci gáínafue íaíoiña ñue finóñede. Uáfueza daa come dama ie comeci jitailla izói írede, mei íadi afe comeci jitáíllafue íena anáfenotanide. ¹³ Mei uáfueza: cai güille, cai jébeíoi ie; daje izói cai jébeíoi güille íena finoca. Mei íadi jíáíruido Juziñamui nágaíllinoí güille naa jébeíoi diga jíáífodo méidoite. Mei íadi “Bie cai abina jiruífue íena mameca,” daiñide, dáarie daií daiífirediaíoi íadi ¡mei afe uáfueñede! Bie cai abi cai Ocuíraíma ie. Afe íbana cai Ocuíraíma cai abímo dúide, cai ñue rairuíoicaillena. ¹⁴ Iemo Juziñamui cai Ocuíraíma Jesús cáadimíena jáitate. Afe daií ie fínua izói, afémie dama ie ríinodo cáadimacina caina mámeite.

¹⁵ ¿Onóñediomoíza ómoímona illa dígamie ie abi dama Cristo abímo dúide? ¿Meita Cristo abímo dúidimie jiruíredíngomo dájena jóneredicue? ¡Jaca jónenide! ¹⁶ ¿Mei níbai jíáífue onóñediomoíza, dáamie jiruíredíngo diga íadi afémie abi daa afengo abi izóicaide? Mei jíi Juziñamui Cuegáuai áirenafue dibénemo bie izói daide: “Íma ie ai diga afe íaíllinoí dámiéna ja mameide.” ¹⁷ Afe izói dáamie cai Ocuíraímamo dájena jáináíadi, afémie dájena joréñoredimíena jaide.

¹⁸ Iemona mei jiruífue mona oni omoí iri. Nana jíáie cai finoca fiénidífue cai abina figo íáiñede, mei íadi áireíñeno jíáie ríngo diga jiruífue cai finóadi, cai abina bácadícaí. ¹⁹ ¿Mei onóñediomoíza, omoí abi Juziñamui caimo íga ie Ñuera Joreño illano? Iemona afe Ñuera Joreño jaca omoí diga íteza. Omoí abi daní ómoíeñedeza, Juziñamui ie. ²⁰ Mei omoí abi Juziñamui jamánomo ráifidena íbácaza. Mei jira cai abído Juziñamuina íóbitaredícaí, íemo jíái daje izói caimo íte joréñodo íena íóbitaredícaí, mei afe bie cai abi naa cai joreño diga Juziñamui íeza.

7

Pablo come áirenafue llófuete

¹ Ja omoí cuemo jíacánoga uaíllai afe íbáíuái llóíticue. Uáfueza dámie áireíacañenia dama illa figora. ² Mei íadi aillo jiruífue íteza, naga íma áirede. Daje izói naga ríngo ínírede. ³ Aíredimie dama ie ai afémie diga íacana díeze, afémie írena. Iemo daje izói íníredíngo ie íní afengo diga íacana díeze, afengo írena. ⁴ Íníredíngo “Cue abi daíngo cuemo dúide,” daiñide. Afengo abi ie íní íeza. Daje izói áiredimie “Cue abi bie dama cuemo dúide,” daiñide. Ie aimo jáináídeza. ⁵ Íma ie ai diga íacania ráiruíñeno jíeruiri. Daje izói ríngo íní diga íacania íní ráiruíñeno jíeruiri. Mei íadi níbai jíáíruido da come ie ai diga nano nígarui iere Juziñamuimo íaíllinoí comeci facáacana llezica, aféruíllaido dájena íñediaíllinoíña ñuera. Afe mei nane raíre meíne dájena írediaíllinoí. Mei are dájena íaíllinoí jáícañenia, abi jítaínafuena ocuíninamona fiéni íllena Taífe íaíllinona facátaíteza.

⁶ Bífuiái caimare ómoie íllena lloticue. Ráíre lletara uai daina izói lloñédicue. ⁷ Cúemona nana comini cue áínino cue illa izói ítíaíoiña, ñuera. Mei íadi Juziñamui illa dígamíaimo jíáífoide ocuilla ríno fecade. Dámie áínino dama illa ocuírede. Jáíamie áínino dama illa ocuínde.

⁸ Ja biruí áínidinomo naa fecínguái diga úriticue. Damádimie dama cue illa izói ítíaíoiña ñuera. ⁹ Mei íadi dámie ie abi jítaínafuena ócuíñenia afémie raíre áirede. Daa come ie abi jítaínafue íena anáfenoa fiénide, íemona raíre áirena ñuena.

10 Mei íadi áiredino iníredino diga afémacina bie izói ocuídícue. Iníredíngo ie inina jaca dotánide. Bie ocuilla uai dama cúeieñedeza, cai Ocuíraima Cristo ie. 11 Mei íadi iníredíngo ie ini dotáadi afengo daíngo írede; mei jiáífodo afengo afe daí íacañenia, afengo meine ie ínimo abído bírede. Daje izói áiredimie ie aina jaca fáicanocainide.

12 Iemo jiáífue dibéfodo cai Ocuíraima úriñedeza, dama cue ñue fibíllafuemoná úritícue. Daa Jesumo únnotimie mo nai únnoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. 13 Daje izói daa Jesumo únnotíngo ie ini nai Jesumo únnoñede íadi afémie afengo diga íacana llezica afengo afémie diga írede. Afengo afe ie inina dotánide. 14 Mei jii, Jesumo únnoñede áiredimie Jesumo únnote aimo jaináíllamona Juzíñamui ñue finócamiena jaide. Daje izói Jesumo únnoñede iníredíngo ie Jesumo únnotimie mo jaináíllamona, Juzíñamui ñue finócangona jaide. Afe izói íñeniadi, omoi jítótiai únnoñedino úruiai izói itíaiíoi. Mei íadi afe izói jóoiñede. Afémaci Juzíñamui ñue finócaiaíoi. 15 Mei íadi Jesumo únnoñedimie izire ie aina oni oréacania, dama daíítadeza; orérede. Daje izói Jesumo únnoñedíngo izire ie ini fáicanocaiacania, dama daíítadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífireiri,” caina dáideza. Bie izói ífcaiaíadi Jesumo únnote ama naa únnote miríngo diga rairuínino afe únnoñedimie mo jaináítanide. 16 Mei íadi Jesumo únnote iníredíngo cácarei. Nai ónoñegaza nibai odo o ini jílloite. Daje izói Jesumo únnotimie cácarei. Nai ónoñegaza nibai odo o ai jílloite.

17 Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai únua llezica aféruimo cai táijina izói, afe izói nai birui táijiredicai. Bie izói nana Jesumo gairídínona ocuídícue. 18 Dáamie Juzíñamuimo únua llezica ie bacano ícoi quetátañenia, dama daíítadeza; quetátañeno iri. Daje izói jiáimie Jesumo únua llezica jaiái quetácaza dama daíítadeza; jiáífodo júfidoñeno iri. 19 Dáamie ie bacano ícoi quetaca nibai quetaña áfena náfuñeno iri. Mei jiáífodo Juzíñamui comeci jítainafue jeire cai olle iere ráifina. 20 Illa dígamie fueñe Juzíñamuimo ie únua llezica aféruimo ie illa izói, afe izói nai birui írede. 21 Aféruimo jiáima jeruícamienna o ia, áfemo járitañeno iri. Mei íadi afe únnamona oni o jáillino o báia, áfena maiñori. 22 Mei jii, dáamie como fueñe Juzíñamuimo ie únua llezica, aféruído afémie jiáima ocuífíregamie. Ja ie únua mei Juzíñamui dibéfomo afémie bu ráiruñegamienna jaide, cai Ocuíraima táijinafue ie finóllena. Mei daje izói jiáimie como fueñe Juzíñamuimo ie únua llezica, aféruído afémie bu ráiruñegamie. Ja ie únua mei Cristo izire ocuífíregamienna jaide. 23 Juzíñamui iere ráifidena íbácaomoiza. Iemona jiáima riire ocuífíregamienna omoi íñeno iri. 24 Amatai, omoi cácarei, ómoimona illa dígamie como fueñe Juzíñamuimo ie únua llezica, nanómona ie táijina izói, Juzíñamui eróicana áfemo táijifireiri.

25 Mei birui nahí áinidino naa inínidingotiai diga afémaci ífue llóitícue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóitícue. Mei Juzíñamui cue cánuado cue lloga uaina únnoñedeza. 26 Mei birui iere jacíredirullaiza, cúemona bifue ñue

cioide: daa come birui ie illa izói jiáifodo méidoñeno írede. ²⁷ Mei birui ja áiredio, afe mei ánidimiena abina maméñeno iri. Mei daje izói, birui nai ánidioza, mai ringona oñeno iri. ²⁸ Mei íadi o áirenia, afefue fiénidifueñedeza. Daje izói daa jitaingo inirenia, fiénidifueñedeza. Mei íadi biruillaído naga áredimie naa iníredingotiai diga íaioi illafue ánidimaci baimo iere Juáreze. Afe bie Juárezefuiaimona ómoína rairuíacadícue.

²⁹ Amatai, ómoína cue daiíacanafue bie izói jóide. Biniemo Juzíñamuina cai ióbitallirui aréñede. Ja benómona cai illífuena jiáifodo maméredicai. Birui áredimie, ánidimie izói írede, raire jiáimaci jacíredifuemona cánuaillena. ³⁰ Daje izói come tíllamo zúunaitino birui zúnaiñedino izói írediomoi. Daje izói caimare iráizizaidino ja birui caimátañedino izói írediomoi. Daje izói nana ráaniai íbáritino ja birui íaioi íbaca raana “Cáieñede” daiífrediomoi. ³¹ Iemo binié ráaniai fecáfiredino, daje izói afe ráaniairi caimátaidino ja birui afe ráaniaimo figo járitainidiomoi. Mei bie cai ciona énie naa ie ráaniairi ja fúioicaideza.

³² Omoi gágudifuiaimona oni ómoína óiacadícue. Dáamie nai áinina llezica, cai Ocuíraima ífuiaimo járitairede, cai Ocuíraima ióbitallena. ³³ Mei jiáifodo áredimie ie ai ióbitallena, binié ráaniairi járitairede. Iemona afémie mena ocuídime anamo ite izóidemona, ie finóacagafuina finónide. ³⁴ Ringónaimo jiái daje izóidifue ite. Nai iníningo cai Ocuíraima ífuiaimo járitaita. Afengo joreño naa ie abi diga Juzíñamui éna iere íacade. Mei íadi iníredingo ie ini ióbitallena bie énie ráaniairi járitaide.

³⁵ Ñue omoi íllena bífuiaí ómoimo llóiticue. Omoi áreiacanafuena rairuíacañedicue. Mei jiáifodo comini eróicana ñue jaícina omoi illífuena jitáidícue. Iemo jiái cai Ocuíraima Jesús ocuífafue jizíñeno jeire omoi óllena, bífuiaí ómoimo llóiticue.

³⁶ Mei ómoimona daa come comécido daiía: “Cue jicánogango dibénedo ñue jaícina finóñedicue,” íemo afe llezica afengo are dinó jitaíngoñeiteza, afémie comeci ñue faca izói, izire ie áreiacana izói árede. Ie jicánogango ie olle fiénidifueñedeza, afe íaillinoi árena rairuínide. ³⁷ Mei íadi jiáimie jiáifodo comeci facáadi, mei afe ñuera. Ie jicánogangona ie aina ie óiacañena daje izói afefue jiái ñuera; mei afémie ie jicánogango raire óñeillena ie comeci ñue daina izói, jica ia ñue mamédeza. Afe izóidifue íaifueñede. ³⁸ Nana bíuailaímona bie izói onódicai. Jicánogango otímie ñúefue finode, íemo jicánogangona oñédimie afe baimo ñúefue finode.

³⁹ Iníredingo, ie ini nai caana llezica, ie inimo cuinaca izói jainaide. Mei íadi ja ie ini tilla mei, afengo bumó jaináñede. Jesumo ñnote afengo gáigamiemo iníreirede. ⁴⁰ Mei íadi cue comeci faca izói, afengo meine nane iníreñedena baimo caimare iite. Bie uai ómoimo cue llua llezica, Juzíñamui Ñuera Joreño cuemo ite izoide daidícue.

8

Jánarai éna mameca rílleniai ífue San Pablo llote

¹ Ja birui omoi jicánoga jiáifue llóiticue. Jánarai ióbitallena fia fecaca rille ífue llóiticue. Iere uáfueza, bífuiaímo fibídicaíza. Mei íadi cai onógafuemona cai abi fiéni ínuana aillo comúitate. Mei jiáifodo jiáimana cai izíruillafue nana comínina náirecaítade. ² “Baitádimiedícue” daidímie Juzíñamui ie

onótaacanaze nai onóñede. Nai abina onóñede. ³ Mei dáamie Juzíñamui izíruiá, afe ibana Juzíñamui ñue afémiemo éroite.

⁴ Mei ja birui jánarai íobitallena fia fecaca rille ifue llóiticue. Omoimona dáarie bie izói daidíaiói: “Afe rílleniaina ríri” daidíaiói. Jiáimaci “Ríñoeno iri” daidíaiói. Fueñe bífuiaimo omoi cácarei. Mei ñue onóigaza bie jánarai nahí raañede, ráifiñede fia raaza. Daje izói ñue onóigaza jiáie Juzíñamui jaca iñede. Juzíñamui jaca daade. ⁵ Mei comini, monamo aillo ite juzíñamuillai daíadi, daje izói bíniemo jiái aillo juzíñamuillai ite íaiói daíadi, íeñede. ⁶ Mei íadi cáimona cai Moo Juzíñamui jaca daade. Afémie baímo jiái juzíñamui iñede. Uáfueza comini juzíñamuina mameca taino juzíñamuillai aillo ite. Daje izói íaiói mameca Juzíñamui jabóidíllaini aillo ite. Mei íadi cai onóiga daade Moo Juzíñamui naga ráaniai finódimie. Iemo bie cai afémie íena iticai. Iemo jiái cai Ocuídimie daade; afémie Jesucristona. Afémiedo naga raa comuítaga. Cai jiái daje izói afémiedo comuítagai.

⁷ Mei íadi nana comini nai bífuiaina onóñediaíói. Dáamierie nai jánaraina íobitajana fibídiaíói. Afémacimona taino juzíñamuimo fecaca güillena, “Bie güille cai juzíñamuillai ie” comeci anado daidíaiói. Daí íaiói comécilla mei áfena ritíaiói. Iemona afe taino juzíñamuillai güilledo íaiói ifoci úrillana bácadiaíói, mei íaiói ñnogafuena nai figo baitáñediaíoiiza. ⁸ Mei uáfueza, fia cai güigado Juzíñamui caimare caina uáidoñede. Cai güia, nibai cai güíñeniadi áfena Juzíñamui lloñede. Cai güíadi, afémie íena caina caimare finoñeite. Daje izói güíñeiticai íadi, caina fienni finoñeite. ⁹ Iemona ja onódicaiza rairuíñoeno güiredicai. Mei íadi áfemona abí omoi rairuíoicairi, mei dáarie íaiói ñnogafuena nai figo baitáñediaíoiiza. Jánaraimo fecaca rille o riana íaiói fidíadi, afémacina fiénidifue mo baítatio. Afemona abí omoi rairuiri. ¹⁰ Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica ñnogafuena nai figo baitáñedimie o güillana cióadi, afémie dáíte: “Cue jiái cue güizájiticue,” dáíte. Mei íadi afémie dibénemo, taino juzíñamuillaina jacíruillano afémacimo fecaca güille güite. Daí ie íllamona dama ie comeci úrilla bácade. ¹¹ Iemona o ñue onóigafuedo, figo baitáñede o ama fiénidifue diné féiraitadio. Mei íadi Cristo jiái afémie jilloillena tiide. Jira o afémie féiraitalle fiénide. ¹² Afe jira, ñnogafuena nai figo baitáñedimie fiénidifue mo afémie o ifóadi, áfedo Cristo fienni finódio. ¹³ Ie jira rille cue ria ícoinia cue ama fiénidifue mo cue baítaiza, ja benómona jaca ríllena ríñeiticue. Daí cue illa jamánomo ñuera, afémie fiénidifue mo cue báítañeillena.

9

Jesucristo orécamie buna ráiruíñega

¹ Ñue onóigaza, nana jiáie Jesús jiáinomo orécamiaí izói, rairuínidicue. Mei cai Ocuíraíma Jesuna afémaci íena ciona izói, íena jiái ciódicue. Iemo jiái omoi dani Jesumo ñnogano cai Ocuíraímamo cue táijinamona comuide. ² Jiáimaci, “Bie Pablo Jesús óreñegamie” nibai cuena daíitiaíói. Mei íadi afe izói cuena daíinidiomoi, ómoína cai Ocuíraímamo ja ñnotadicueza. Iemona omoi dani Jesumo ñnuamona, cuena bie uáfueza Jesús orécamie daítaite.

³ Omoimona cue uáitatino uaina bie izói óiticue. ⁴ Juzíñamuimo gairídino cuemo fecaca güille naa jirolle diga áfena cue llínolle bu

cúemona rairuñede. ⁵ Daje izói jítaidicuena jiáie Jesús orécamie finua izói, Jesumo ñnotingona cue aina óredicue, cue diga jácaillena. Iemo afengo jitaile güille daje izói ómoimona llñoredicue. ¿Ero ua? Ua, cai Ocuíraíma Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. ⁶ ¿Mei omoi nie izói comeci facádiomoi? ¿Ñibai coco dáaillinoi cue nabai Bernabé diga, nanómona coco ónoído táijnafuena fáicanocainidicoco, ñúefue coco llujillena? Mei íeñedeza. ⁷ Mei daje izói ¿nie fuíríraíma dama ie güille diga jáirena? Jáinide. Jaca afénomo ecácaza. ¿Nie come jíriconá ríadi áfemona afe llizillajina afémie riéñede? Jaca afe izóidimie ñede; jaca afémie aféjiaina riéfirede. ¿Mei nie ovéjaiai úiñotimie ie úiñoga oveja monoi omida afémie jiróñede? Jaca afémie áfeji jirófirede. ⁸ Fia come daina izói bífuiai cue llua daí omoi comeciñeno iri, mei jaiai Moisés cai ocuilla uai daje izói dáideza. ⁹ Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioi güilleza fue maiñeno iri. Ñue onóigaza, bífuena Juzíñamui dama juráreto jícana daíñedeza, ¹⁰ mei jiáifodo biedo Juzíñamui cai llote. Bie ocuilla uai cai ñue íllena cueda. Mei jí, jacafai tíeraíma afénomona llizide raana otá güirede. Daje izói trigo gájirillena juráreto zaizítatimie áfemona otá güirede. Afemona afe íaillinoi güillena caimare ocuírídiaino. ¹¹ Iemo ritímie rífirega izoide Juzíñamui uailai ómoimo fueñe lloticue. Ie mei birui ómoimo ite bínie ráaniai abido cue maiñolle figura. ¿Mei ñibai ómoimona bie áillue izói cíoi? ¹² Mei jiáie llófueraíni ómoimona íaioi güillena ófirediaioiza, ie mei bie cai afémaci baimo fia ecáregacai.

Mei íadi bie daina izói cai güillena ocuñedicai. Mei jiáifodo ómoimo ñúefue lluaíbíticue. Nana cue jitaiga ráaniai dama cue íbaca. Ómoimona minícana fia oñedicue, cue lloga Cristo daina uaina omoi ruifruiza daí. ¹³ Mei jí, jiáifue ñue onódiomoiiza, nana Juzíñamuimo gairíracomo tájifiredino afeco ie güilledo írediaioi. Bífue bie izói daíacade; nana Juzíñamui íóbitallena fecaca rille jobáiranomo tájifiredino, afénomo fecaca rillemona come jítáillaze otá rirediaioi. ¹⁴ Mei birui cai Ocuíraíma daje izói ocuide. Nana jíllona uai llócaidino, íaioi llófuega comínimona güillena otá güirediaioi. ¹⁵ Mei íadi cue bie daina izói jaca finóñedicue. Daje izói bie cue cuedábedo ómoimona minícana fia jicáñedicue. Güille ómoimona cue jicáñenamona júbieri tíidicuena, afe figo cuemo ráifñede. Raiñóñeno bie ñúefue cue llujíri iere íóbidicue. Afe bie cue íóbillafue cue tílla baimo jamánomo ráifide.

¹⁶ Jíllona uai cue llócaillado abina ñnonidicue, mei afe llócaillena jóonegacueza. Bífue llócañedicuena ñni duere cue zefuilla! ¹⁷ Ie jira, dama cue comeci jitailla izói bífuena cue llócaíadi, Juzíñamuimona jirídoedicue. Mei íadi afe izóíñedeza. Juzíñamui cue níziano bie ñúefue cue llócaillena cue jóonete. Afena cue jaca jámairuinidicue. ¹⁸ Iemona daí cue llócailla jirídua jiáifodo jóide. Nie afe cue jirídoga daíítana fia cue íóbillafue; mei raiñóñeno bie ñúefue cue llujíllari iere íóbidicueza. Nana cuemo dúide tájinana íbatañedicue. Uai llóraíma izói cue tájnamona, cuemo dúide ráaniai ómoimona raiñóñeno fia oñedicue. Aferi iere íóbidicue.

¹⁹ Mei comínimona buna ráiruñegacue, mei íadi nana comíni ocuillimiena abí mamedicue, baimo aillo comínina Crísto cue

jaináitallena. ²⁰ Judíuai cígimo cue illa llezica, judío ímiena abido jáidicue, afémaci Crístomo cue jaináitallena. Bie izói daina, Moisés ocuica uai anamo itónona Crístomo cue jaináitallena, afe Moisés lloga uai anamo abí jóneticue. Mei íadi uáfueña afe ocuica uaimo dúñedicue. ²¹ Iemo jáínomo, afe Moisés ocuica uai anamo iñédinona Crístomo cue jaináitallena, íaioi izóidimiena jáidicue. Mei íadi uáfueña Cristo uai anamo cue íllamona Juzíñamui uai anamo iticue. ²² Juzíñamuimo íinogafueña nai figo baitáñedino cígimo cue illa llezica, afémaci izói abí mamédicue, afémaci Crístomo íaioi íinogafue cue móonaitallena. Bie izói daina, nana comínimona illa dígamie íaioi illa izói íacadíicue, mei nibai jáífodo íaioimona dáarie cue jíllotallena. ²³ Nana bífuiaína finófiredicue cai jíllona uai jica jalléillena. Daje izói bífuiai finódicue, ñuera cai jíllote uai caimo onótaga núefuiaína cue maíñólleza.

²⁴ Ja onódiomoiza, jáíamacimona aillo comini áizia, illa dígamie fia jirídogá raana oñede. Dáamie jirídote. Maí riire omoi aizi, jirídolle raa omoi jirídolleza. ²⁵ Nana jífanuafuemo maméritino, jífanoiacana uícodo abina náinitade raana fímaidiaioi. Afémaci iere abina fímaidiaioi, raire zábifirede raa íaioi jirídollena. (Mei aféruillaído íaioi jirídogá rábiai finoína ifo icuifoí are íñeno raire etúdeza.) Mei íadi jáíamaciri fuíríenaila izói, riire nícidotícaí, jaca ninomo zábinide raa cai maíñólleza. ²⁶ Cue dibénemona uínidimie izói ebena aiziñedicue. Iere níciduano, come jana fatímie izói táinona fañédicue, mei íadi comini ñue íinotallena riire nícidotíicue. ²⁷ Mei jáífodo abí fímailla izói cue abina duere finódicue. Daíí abí cue rairuíllamona dama cue abina ñue jíeruitadicue. Bie izói finóicaídíicue, jáíamací cue llócailla mei, ruíffruillano Juzíñamui jino cue dótañeillena.

10

Jánaraimo caimátaiñredino lleta uai

¹ Cue ámatiaí, bífueña ómoina fidítaacadíicue. Nana cai jaiáidígima Juzíñamui jónega mona uílliena eroide raa anado jáioicaídíiaioi. Daje izói nana afémaci Jáírede Monáíllaina ruica jaitádiaioi. ² Daíí íaioi jáíllamona afe mona uílliedo, daje izói monáíllaido dájena Moiséoíri jaináitagaiaioi. ³ Daje izói nana afémaci Juzíñamui monámona cocítaga güille güífirediaioi. ⁴ Iemo nana afémaci afe Juzíñamui nofícimona totátaga jainoi jirófirediaioi. Mei íaioi jáioicailla llezica afe íaioi nabáioicaide jamánomo riirede nofici llócuá jiródíiaioiza. Afe nofici daina Cristo. ⁵ Mei íadi afémaci nabézie Juzíñamuína íóbítañede. Iemona zaféredízicimo tícoizítiaioi.

⁶ Nana bífuiai cai onóillena daíí íficaide, afémaci gaíga fiénidífuiaína cai gáíñeillena. ⁷ Afémacimona dámerie jánaraimo caimátaila izói omoi caimátaiñeno iri. Juzíñamui Cuegáuai íaioi finócafueña bie izói daide: “Afe comini fia ráinaillano güífirediaioi, jirófirediaioi. Afe mei náidacaillano rafue finoda záífirediaioi.” (Daíí íaioi jánaraimo caimátaitiaioi.) ⁸ Afémacimona dáarie jiruírena izói, maí cai íñeilli. Daíí íaioi jiruírenamona afémacimona daje monado veintitres mil dígamie titácaiaioi. ⁹ Afémacimona dáarie Juzíñamui afémacimo raire járitañenafueña náfueño, fiéni íena facátatiaioi. Afemona díga comini Juzíñamui oreca jaió ainica íaioi tilla. Mei jira, afémaci Juzíñamui fiéni facátaja izói maí íena cai fácatañeilli. ¹⁰ Daje izói Juzíñamuimo omoi

ríririñoeno iri. Mei afémacimona dáarie Juzíñamuimo ríririllano úrioidino titade Juzíñamui abí ímie titácaiaioi.

¹¹ Nana bífuiái cai jaiáidigimamo íficaide, áfena cíoillano comini bífuiaimona ñue abí cai rairuillena. Afe mei, cai onóillena Juzíñamui afe bífuiái ie Cuegánicomo cuetátate, afe izóidifuiaimona cai bigímaiaí ñue abí cai rairuillena. Mei ja birui úirairuillaímo itícaiza. ¹² Mei áfemona, “Ñue ínotícue” daidímie daiítadífuemona ñue abí rairuiri, afémaci izóí cai báiiñellena. ¹³ Omoímo comuide facátaina duere zefuállafuiái, daje izóí nana jíáímacímo comuide, daní omoíñedeza. Mei íadí Juzíñamui jaca ínofiregamie. Mei onódicaiza, Juzíñamui caímo ite máirie baímo, rírede facátafuedo caína fácatañeite. Mei jíáífodo facátafue comuilla llezica Juzíñamui áfemona omoí jíllolle iona omoína onótaite. Afemona afe facátafuena ja ñue ocuirediomoi.

¹⁴ Ie jira, cue izíruiga ámatiaí, jánaraimo caimátailamona oní omoí jírecairi. ¹⁵ Ráfueña baitádinomo úrilla izóí omoímo úritícue, íemo omoína cue daiíllifuemo daní ñue comeci omoí facari. ¹⁶ ¡Cácarei! Cai Ocuíraíma tíllamo cai úbicaillena, ñue finoca comunión illácurimona cai jíróadi, Cristo díena dájena caimare mamécacai. Daje izóí afe illa dígamíemo fecaca comuniómo jainaide pan, cai güíadi, Cristo abina dájena caimare mamécacai. ¹⁷ Aillomaci cai íadí, daje pan cai güíllamona daade come abina iticai.

¹⁸ Mai Israel nairai finoca ráfuiamo comeci omoí facari. Juzíñamuimo fecaca rílleniaí ritino, afe fecaca ríllemo dájena mamécaciaioi. ¹⁹ Bie cue dáinamona jánarai ua raaza dáíacañedicue. Daje izóí, afe jánaraimo caimátaillena fecaca rille, jíáie rille baímo ráífideza dáíacañedicue. ²⁰ Cue daína bie izoide: Juzíñamuina onóñedino fia iga raa afe jánaraimo íaioí fecallezica, afémaci Juzíñamuimo fecáñediaioí; mei fiénide joríaímo fecádiaioíza. Afe fiénide joríaí anamo dájena caimare omoí itábicairi, daiíñedicue. (Daiítademona omoína rairuácadicue.) ²¹ Fiénide joríaí ichécoimona omoí jírua llezica cai Ocuíraíma ichécoimona jíronidiomoi. Daje izóí fiénide joríaímo mameca rílleniaí omoí ría llezica, cai Ocuíraíma mameca comunióna güínidiomoi. ²² ¿Meita cai Ocuíraímana rícaitaacadiomoi? Jaca daií íacañedicai. ¿Meita cai Ocuíraíma baímo rírediomoi, afémie duere omoí fínoñellena? Jaca daií ríinidicai.

Crístomona comuide conímana cai izíruillafue cai rairuíninafue baímo ñuera

²³ Uáfueña daína. Dámie ie comeci jítaina izóí fínuana rairuínide. Mei íadí afe izóí illa cómena canóñede. Mei uafue, dámie ie comeci jítaina izóí írede, mei íadí afe ie comécina mánaitallena ñue canóñede. ²⁴ Daní omoí ñue illifue jenóñeno, jíáímací ñue illifue jenórediomoi.

²⁵ Fecáriracomó nana fecaca güílleniaí jíáífodo o ífoci úrillado jícanoñeno uái daií omoí güiri. ²⁶ Mei nana bínie Juzíñamuimo dúideza naa áfemo ite rílleniairi.

²⁷ Mei jíáíruido Juzíñamuimo ínoñedímie ona: “Güizaibi” daiíadi, jaillano jíáífodo ífoci úrillado jícanoñeno nana o ie écajana uái daií güiri. ²⁸ Mei íadí dáamie: “Bie lílicai jae jánaraimo fecácaza,” ona daiíadi, áfena ríñoeno iri; daií daidímie comeci fiéni o fínoíza. Daje izóí afémie ífoci úrilla o úaitañelleza. ²⁹ O ífoci úrillana lloñedicueza, afémie ífoci úrilla o zánoñellena, daií daidicue.

Mei nibai dáamie jicánoite: “¿Níbái mei jiáie come ifoci úrillado rairuícacue? ³⁰ Nana cue güügari Juziñamuina: Figura cue daiía, nibái mei jiáima cue güíllari fiēni úrite,” daií afémie dáíte. ³¹ Iemona bizóidifue ñuera: Omoi güilla llezica, omoi jírue llezica, nana omoi jetáacaigafue jeta llezica, mai nana afe omoi finóacaigafuiaina Juziñamui ióbillena finori. Afe daií aillo ñúefue íemo nítaitiōmoi. ³² Ninó jiáimana oni nibéfodo fiēnidifue o illáfuedo baiítañeno iri. Ua, judíuaina baiítañeno iri, daje izóí judíoñedinona baiítañeno iri. Iemo Juziñamuimo ínotinona baiítañeno iri. ³³ Cue dibénemona, nana comínina nana cue finócafuiaido ióbitaacadicue. Dama cue ñue illifue jenóñedicue, mei jiáifodo nana jiáimaci ñue illifue jenódicue, ñue íaiōi jilloillena.

11

¹ Cristo ciótoga ñúefuedo cue jailla izóí, ómoimo cue ciótoga ñue illáfuedo omoi jairi.

Juziñamuimo cai caimátaiñirena llezica, ringóniai jaca jiáimacina lletánidiaiōi

² Cue ámatiai, ómoimo ñúefue nítaiticue mei cuemo uibóifirediōmoi. Daje izóí omoi cue llófuiana jeire uano áfedo jáifirediōmoi. ³ Mei íadi ja birui jiáifueña omoi onótaacadicue. Bifue bie izoide. Cristo nana íññiai ifoci izóí Ocuídime. Iemo nana ringo ie ini ocuica; afémie afengo ifódimie. Afe izóí Juziñamui Cristo ifode. ⁴ Iemona dáamie Juziñamuimo úrilla llezica, ie ifoci ibaia, afe ie ifócina meaire finode, mei ifoci ibailla jiáie come ocuilla anamo illana llóteza. Daje izóí Juziñamuimona onoiga uai afémie llua llezica, ifoci ibailla ie ifócina meaire finode. ⁵ Mei jiáifodo, daa ringo Juziñamuimo úrilla llezica, íemo Juziñamuimona onoiga uai llua llezica, afengo ie ifoci ibáiñenia, afe afengo ifócina meaire finode. Afe ibáiñena afengo ifo itrai nana cuidoca izoide. ⁶ Daa ringo ifoci ibaiacañeniadi mei dáaruído nácina cuidórede. Mei nácina cúidocana, ifoci ibáiñena daje izóí meárede. Mei íadi ringo ie ifoci naado cúiduana meáruyadi, afengo ifoci ibáirede. ⁷ Íññiai íaiōi ifócina ibáinidiaiōi, mei iima Juziñamui jánana eróideza. Daje izóí iima Juziñamui ñue ocuilla ríinona jino ciótatimeza. Mei íadi ringo iima ñue ocuilla ríinona jino ciótaita. Uáfueza, Juziñamui íññiai anamo iñena izóí, afe izóí íññiai ringóniai anamo iñede. ⁸ Mei iima Juziñamui finua llezica, ringómona finóñedeza. Mei jiáifodo ringo ímamona finócaza. ⁹ Iima jitailla jira ringo finoca; mei íadi ringo jitailla jira iima finóñega. ¹⁰ Afe jira ringóniai ifócina ibáirede, afengo ie ini ñue ocuícana anamo illa daiíllena. Daií írediaiōi mei Juziñamui abi imaci eróicana itíaiōiza. ¹¹ Mei íadi Crísto cai jainaina dino iima ringónino ínide. Daje izóí ringo ímanino ínide. ¹² Mei uáfueza ringo ímamona finoca, daje izóí uáfueza naga íññiai ringo jéiciga. Iemo nana Juziñamui comuítacai.

¹³ Bíemona ¿nie izóí coméciidiōmoi? conímamo omoi daiñi. Ringo ifoci ibáiñeno Juziñamuimo úriadi, meita figura, nibai figóñede. Mai daiñi. ¹⁴ Nanómona omoi izóidino griego imaci onógaza: Iima ifótiirena baiñede; meaire cíoideza. ¹⁵ Daje izóí afe abina cai onónafue jiáifueña dánomo cai llote. Ringo ifótiirena ñue baite, mei áfedo aféngomo ñúefue nítaitiōi. Jaca afe ringo ifoci ibáillena, ie ifótií áretiina comuítaga. ¹⁶ Mei dáamie bizóidifue júfidoacaniadi, bie cue llógamo mai cacai, mei Cristo orécamac

cue diga jíáifoidífueña náfuenedicái. Daje izói Juzíñamuimo ínotino bifue baímo jíáífo maméñediaíoi.

Cai Ocuíraímamo cai uibíñoga güilla rafue jíáímaci bácacá

¹⁷ Bie izói cue dáinado ómoimo ñúefuena nítañeiticue, mei omoi gairíllafuíaímo ñue íñeno, conímana fiene finódiomoíza. ¹⁸ Fueñe bifue llóiticue. Dámierie omoi illáfuena cue fídítatíai. Juzíñamui cáímacaillena omoi gairilla llezica, jíáímana énenoruidíomoi, daídíai. Afémaci cuemo llógana jabo ínoticue. ¹⁹ Afe eneno bozíetaillafue comuífiredeza, nibézie Crístomo nahí ínotinona, nibézie íñoñedinona jino uáfodo daíllena. ²⁰ Conímana omoi énenoruillamona, bie izói zúide. Gairíllano omoi güillafue omoi bácacaza, ja birui áfena cai Ocuíraíma íeñede. ²¹ Mei güizájillamo dúcina llezica, illa dígamie dama ie atica güille güizájillena járitaífirede. Iemo dáarie jufíruilla llezica, jíáímaci jífáizaíbitíai. ²² ¿Meita birui omoi jofónidíomoi, afénomo güitá omoi jiróllena? Bie izói omoi illado Juzíñamuimo nahí ínotinona jámairuitíomoi. Afe dáaruido güíllenidínona meáruitadíomoi. ¿Mei nie izói ómoína dáíiticue? ¿Mei ómoimo ñúefuena nitáredicue? ¡Aferi ómoimo ñúefuena nitánidicue!

*Cai Ocuíraíma íraicaiño güíllamo cai uíbicaillafue
(Mt 26.26-29; Mr 14.22-25; Lc 22.14-20)*

²³ Uáfueza, cai Ocuíraímamo cai uibíñoga güillafue fiene omoi ínuamona, ómoimo ñúefue nitánidicue. Mei nauí ómoína cue daina izói, bie omoi cue llófuíafuena dama cai Ocuíraíma llotátagacueza. Afefue be ñue: Cai Ocuíraíma Jesús afe ie Judas fécaja naío, pan llínote. ²⁴ Llínuano Juzíñamuína: “Iere figura” daide. Daina méifodo fécano daide: “Mai omoi güi. Bie cue abi; omoi ñue íllena dítaica izói ómoimo cue fecácaza. Bífuedo cuemo omoi uíbicaífireiri,” daide. ²⁵ Daje izói íai. Güilla méifomo, jiróracuri llínota daide: “Afe bie jiróracuri eromo ite íji, ómoimo cue comuítalle cómofuena ómoína onótate. Afe bie Juzíñamuimo dájena omoi jáináitalle cómofuena cue díe uáfueña ífícaítate. Diga ícaíño bie íjímoma omoi jiróadi áfejido cuemo omoi uíbicaífireiri,” daide. ²⁶ Nana bífuíai jira, Jesucristo nai meine ana biñena llezica, nágaruillai bie pan omoi güíadi, íemo bie jiróracuri ero íji omoi jiróadi, áfedo Jesús cai ícoínia tíllana jino uáfodo llóitíomoi.

Afe bie cai Ocuíraímamo cai uíbicaillafue jaca ñue coméciillamona finórede

²⁷ Mei jira, nie come bie paana Juzíñamuimo ñúefuena nitáñeno güíadi, daje izói afe jirócaji afémie fiene jiróadi, afémie cai Ocuíraíma abi naa ie díe diga fiene finode. ²⁸ Ie jira, illa dígamie nai afe pan güíñena llezica ie ífoci úrillana ñue onórede; daje izói áfeji ie jiróacana llezica áfena onórede. ²⁹ Mei onóígaza afe pan Cristo abina caina onótate. Dámie aféfuena ñue náfuéñeno ebena güíadi, afe daí ie güíllamona dama Juzíñamui íena duere fínoite. Daje izói dama Juzíñamui ie duere finóllíji jírua izoide. ³⁰ Daí omoi íllamona ómoímoma aillo íráredíai. Jíáie comíni náíndíai. Iemo daje izói dáarie tíndíai. ³¹ Mei jíáfodo dani cai ífoci úrillana ñue cai náfuéña Juzíñamui caímo riire jícanoñeite. ³² Mei íadi cai Ocuíraíma riire caímo jícanoíadi, afe jícanuado afémie izire caina lletade bíniemo ite Juzíñamuimo íñoñedíno diga cai duere fínobíñeíllena.

³³ Mei cue ámatiai, bie izóideza: Comunióñ güitállena omoï gairíadi, dámie raire güiñeno dájena omoï güitálleza conima omoï úíñori. ³⁴ Dámie ie juffruiaði dama ie jofomo güizáñrede, fiñi omoï gairílledo Juzíñamui duere omoï fiñoiza daii. Fco omoï cue eróizaille llezica, omoï jicaca jiáifuiái jaícina jóoneiticue.

12

Juzíñamui Ñuera Joreño illa dígamie Juzíñamuimo cai táijinana fibíllena caimo fecade

¹ Amatiai, Juzíñamui Ñuera Joreño illa dígamie fecaca Juzíñamuimo táijinana fibíllena ómoína fidítaacadie.

² Ñue onódiomoiza, nai Juzíñamuina omoï onóñena llezica, úrinide jánarai anamo íllena cuinada zonóicaigamoï. ³ Iemona: “Bífueña omoï onoiri,” daidie. Jesuna faidódimie jaca Juzíñamui Ñuera Joreñodo úrinide. Daje izóï Juzíñamui Ñuera Joreñodo úriñedimie jaca uáfueña, “Cue Ocuíraima Jesús” daiñide.

⁴ Illa dígamie afe fecaca jiáiforie Juzíñamuimo táijinana fibíllena ite. Mei íadi aféfuiai daade Juzíñamui Ñuera Joreño fecácaza. ⁵ Illa dígamie jiáiforie conímana canóredicai, Juzíñamui ocuícamacina cai íllena. Mei íadi daade cai Ocuíraima anamo iticai, ie cai íóbitallena. ⁶ Illa dígamie cai illafue ñue jaícina jóoillena, Juzíñamui diga jiáiforie caina ocuíoide. Mei íadi daade Juzíñamui nana comínina ocuíoide. ⁷ Juzíñamui Ñuera Joreño caido jáicanana cai ónoillena facáfírena raana illa dígamie Juzíñamui fecade, nana jiáimaci cai canóllena. ⁸ Ie jira Juzíñamui Ñuera Joreño dáamie iere baitádimiena jáillena íena fibítate, jiáimaci llófuellena. Iemo jiáimiena daje Ñuera Joreño nimáiraíma úrifírena izóï úrillena íena fibítate. ⁹ Iemo jiáimaci afe daade Ñuera Joreñodo jamánomo Juzíñamuimo ínotagaiaioi, áfedo jiáie Juzíñamuimo ínotino ñue canóllena. Ie mei jiáimaci iráredino jíllotaraimana fibítagaiaioi. ¹⁰ Iemo dáarie uaido dáinamona comuide raa fínuana fibítagaiaioi. Iemo jiáinona Juzíñamui daína uai uáfodo jino llóllena fibítagaiaioi. Iemo jiáimacina nie ua Ñuera Joreñodo úrillana daje izóï nie taino jóriaído úrillana onóillena Juzíñamui fibítate. Iemo jiáimacina nai llófueña jiáiforiede uáillaído úrillana onóillena fibítagaiaioi. Iemo nai jiáimaci afe daína uallai ñue jino dobáíñuana onóillena fibítagaiaioi. ¹¹ Mei íadi nana bífuiái daade Juzíñamui Ñuera Joreño fecaca. Ua dama ie óiacana izóï, illa dígamie jiáiforiede fibíllafuiaina fecade.

Nana cai bie dáamie abímo dúidicai

¹² Bífuiái nana bie izóï jóide, mei Cristo íemo ínotino diga, daade abi izóideza. Afe daade abímo jaináidinuaína aillo ite. Mei aillo ite íadi, nai afe abi daade. ¹³ Afe izóï aillo jiáifoidinona cai íllamona, ñibai judíodicai, ñibai griégodicai afe jaca mámeñega. Mei daade Ñuera Joreñodo nana cai daade abína jaináitagacaíza. Daje izóï ñibai rairuícánodicai, ñibai ráiruífeganodicai daje abina iticai. Ua daade Juzíñamui Ñuera Joreño daade abína finócaí. Afe daade Juzíñamui Ñuera Joreño úicaitagacai.

¹⁴ Cai abi daje izóíñede, mei diga ráaniai daade abímo jaináinaza. ¹⁵ Mei jii, come eiba: “Cue bie ónoñedicueza daje abí íñedicue,” daiíadi, daií

dáinado daje abimo ie jaináinana uáitanide. ¹⁶ Daje izói come jefo: “Cue bie uíjñedicueza daje abí iñedicue” daiíadi, daií dáinado daje abimo ie jaináinana uáitanide. ¹⁷ Mei cai abi nabáinino daa uíjñ íadi ¿nie izói cácaíticai? Daje izói cai abi nabáinino daa jefo íadi ¿nie izói jálliana cácaíticai? ¹⁸ Mei íadi nana cai abimo jaináidinuiaina, afe abimo ñue baitínuiaimo, Juzíñamui ie começi jítaina izói jóonete. ¹⁹ Nana cai abi dáadeniadi afe nabáíñiai illino iñede. Ua abi iñede. ²⁰ Mei íadi ja onódiomoiza, dáamiemo jaináidinuiaina aillo ite, íadi jaca ie abi daade.

²¹ Daje izói nane jiáífue, cai ui ónoina: “Ona jitáíñedicue” daiñide. Daje izói ifoci ébana: “Ona jitáíñedicue” daiñide. ²² Mei jiáífodo cai abimo ite mairíñedino iere jamánomo jitáirede. ²³ Daje izói cai abimo ite figo coméciiñegano áfena iere ñue uíñotícaí. Iemo cai abimo jino uáfodo cíotanidino, áfena iníroido ebire finode. ²⁴ Mei íadi cai abímona uáfóri cíoidino cíotanidino izói ebire finónidiaioi. Bie izói Juzíñamui cai abimo itínuiaina dájemo jofo ñue zorode, cai figo coméciiñegano ñúefuena jamánomo cai nitállena. ²⁵ Juzíñamui daií zorode, cai abimo itínuiaí conímana énenoruiñeillena. Mei íadi jiáífodo illa dígano conímamo começi uírede. ²⁶ Come abimo itínuiaimona daano izi cácana llezica, nana jiáinuiaí daje izói duere zéfuitiaioi. Daje izói dáanomo ñúefue nítano caimare íadi, nana jiáinuiaí dájena caimare itíaiói.

²⁷ Mei jira bie izói nana omoi Cristo abídiomoi. Omoi mona illa dígamiaí daa ie abimo itínuiaí izóidiomoi. ²⁸ Afe jira Juzíñamui jiáífodo táijinana dáarie íemo ínotinomo jóonete. Nano fueñe Cristo orécamaci jóonete. (Afémaci jiáífo mameina ie apóstoles.) Afe mei jiáinona Juzíñamuimona ogáfuiaí uáfodo jino llotino jóonete. Afe mei nane jiáinona ie uai llófueraíni jóonete. Iemo uaido dáinamona raana comuitatino jóonete. Iemo iráredino jíllotaitino jóonete. Iemo jiáímacina canófredino jóonete. Iemo jiáímacina ocuífíreitino jóonete. Iemo nai llófueñega jiáízie uáillaído úritino jóonete. ²⁹ ¿Meita cai nana Cristo orécanodícaí? Ieñedícaí. ¿Meita nana cai bie Juzíñamuimona ogáfuiaí uáfodo jino llotínodícaí? Ieñede. ¿Meita nana cai ie uaina llófuetínodícaí? Ieñede. ¿Meita nana cai bie uaido raana finódnodícaí? Ieñede. ³⁰ ¿Meita cai bie iráredinona jíllotaredícaí? Jíllotanidícaí. ¿Meita cai bie nana nai llófueñega jiáízie uáillaído úritinodícaí? Ieñedícaí. ¿Meita cai bie nana aféuai dobáíñuano jino uáfodo llóredícaí? Jaca nana llónidícaí. Dámíerie dobáíñorediaioi. ³¹ Mei ie jira, nana bie fibíllafuiaimona baímo ñuera fibíllafuiaina Juzíñamuimona omoi óllena afe omoi nícídorí. Mei íadi afe fibíllafuiaí baímo, jiáíe ñúefuena ómoímo llófueíticue.

13

Jiáimana cai íziruíllafue

¹ Mei uáfueza, nai llófueñega jiáízie uáillaído úrillana cue fibíadi, íemo afe baímo Juzíñamui abi imaci úrilla izói úrillana daje izói fibídíicue ia, mei íadi jiáimana cue íziruíñeniadi, fia taino ficírede juai izóidíicue. Iemo jiáíe taia ficírede lloéturu izóidíicue. ² Daje izói Juzíñamuimona ogáfuiaí jino llúana cue fibíadi, íemo nana nai uáfodo onóñegafuiaí llúana cue fibíadi, íemo jamánomo nímáiraimana cue jáíadi, íemo idu jáínua Juzíñamuimo íinogafue cuemo íadi, mei íadi jiáimana cue íziruíñenia, táinomo fáífiticue.

³ Daje izói, nana cuemo ite ráaniai jiáimaci canóllena fia cue fecáadi, íemo Juzíñamui ióbitallena dama cue abi cue jobáitaiadi, mei íadi afe llezica jiáimana cue izíruifiñenia, nana cue finócafuiái cuemo ráifiñede.

⁴ Mei jiáifodo, jiáimana izíruitimie jaca járitaiñede. Afémie dúecaifrede. Daje izói úradoifinide, íemo afémie úcofiñede, íemo fienu abí ñinoñede. ⁵ Daje afe jiáimana izíruifiredimie meáiredifuenta jaca lloñede, íemo afémie ie abina jacire maméñede, íemo afémie jaca riicaifinide. Jiáima fiénidifue íemo finóadi, fienu comécíñeno raire féitate. ⁶ Afe jiáimana izíruitimie jiáimaci fiénidifuiái finuari zúureite, mei jiáifodo ua ñúefueri ióbifrede. ⁷ Nana íemo comuídifuiáiri caimare ocuide. Raire járitaiñeno aféfuiaimo ñue úiñoode. Juzíñamui izire ñnuano aféfuiairi jacinaíñeno ñue ocúirde.

⁸ Izíruillafue zíñona jaca záíñeite. Mei íadi Juzíñamuimona úcodo onoiga ráfuiaí záite. Daje izói jiáimaci uáillaido úrilla llúcaite; íemo daje izói ifócido onóigafuiái záite. ⁹ Mei biruúllaido cai ifócido onóigafuiái ñue ícoimo baitáñedicaiza, jabo onódicaí. Daje izói Juzíñamui úcodo onoiga ráfuiaimona due jino lloticaí, mei due onódicaiza. ¹⁰ Mei íadi uire Juzíñamui nana ráfuiaí caimo baitálliruimo afe ícoimo ñue báitañegafuiái fáicanocaille.

¹¹ Nai cue úruena llezica úruiaimo itífuiaido úriticue. Urue comeci fácaja izói, comeci facádicue, íemo úrue ifoci úrilla izói iticue. Mei íadi ja cue móonalla llezica, úrue illa izói cue illáfuiaina fáicanocaidicue. ¹² Daje izói birui Juzíñamui dibénemo cai onóigafuiái jaicúlbicaide. Dámie jáaira acáranimo figo cíoiñena izói afe izói Juzíñamui ífuiaína birui figo baitáñedicaí. Mei íadi ícojiáiruido nana ñue báitaiticaí. Birui cue ifoci úrilla figo déíñedeza, jabo onódicue, mei íadi aféruído nana ñue ónoiticue. Jií, Juzíñamui cuena onona izoi ñue jaícina ónoiticue. ¹³ Mei daí Juzíñamuimo ñnogafue, íemo jiái ocuúrinafue, íemo jiái izíruillafue jaca zíñona féíñeite. Bie daámanidemonna izíruillafue iere jamánomoide.

14

¹ Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jiáiforie tájijnana fibíllena izire omoi jenori. Omoi jenolle llezica, Juzíñamuimona onoiga uai jino llua baimo izire jicari. ² Mei íadi dámie nai llófueñega jiáizie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritimie Ñuera Joreñodo úrite, mei íadi afémie daína uai uáfodo onóñena báinino jóoide. ³ Mei jiáifodo afe Juzíñamuimona onoiga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jiái íaioi caimare firallena. ⁴ Afe jiáizie uaido úritimie dama ie joreño dibéfuemo móonaite; mei íadi afe Juzíñamuimona onoiga uai llotímie, Juzíñamuimo jaináidinona ñue móonaitaite.

⁵ Afe nai llófueñega jiáizie uaido úrillana nana ómoiena jitáidicue. Mei íadi Juzíñamuimona onoiga uai jino omoi llóllena iere baimo jitáidicue, mei afe onoiga uai jino llua, jiáizie uaido úrilla baimo ráifide, Jesucrístomo ñnotino aillo móonaitallena. Mei íadi afe jiáifoide uaido úritimie úrilla dobáíñoraíma íadi, afefue ñuera; mei áfedo nana Juzíñamuimo jaináidino daní íaioi joreño dibéfuemo daje izói ñue móonaitaíoiiza. ⁶ Ie jira ámatiaí cácarei. Uire omoi cue uáiduaibia omoi cígiri Ñuera Joreño úritate jiáizie

uaido cue úriadi, cue úrilla ómoimo due jiza ráifñede. Mei jiáfodo Juzíñamui caimo onóttagafuiaido cue úriadi afefue ómoimo ráifide. Daje izói omoi ifoci ua uaina cue déitaiadi afefue ráifide. Iemo daje izói Juzíñamuimona onoiga uai ómoimo jino cue lloia afefue jiái ráifide. Daje izói omoi cue llófuia ráifide.

⁷ Mai nana omoi rúado taiga raamo ñue coméciiri, áfemona ñue onóillena. Afe raa jaca comécinideza. Be totíbacui, íemo arpa, íemo juai diga caimare ficire úrite, mei íadi jiáima fieni taia, áfena cacádino afe úrilla uaina ónoñeitiaioi. ⁸ Daje izói comini jobáiriacana llezica, uáidua juai táifñeniadi comini figo áfemo mámeriñeitiaioi. ⁹ Afe izói ómoimo íficaide: dáamie jiáifoide ónonide uaido omoi llófueia ie dánana bu onóñena. Afémie táinomo úrite. ¹⁰ Uáfodo onóigaza; bie éniemo diga jiáie nairai uaillai ite. Afe uáillaina onódinomo nana aféuaillai ñue baite. ¹¹ Mei íadi cuemo úritimie uaina cue ónoñenia, afémiemona jicánemieducue. Daje izói afémie cüemona jicánemie. ¹² Ie jira, afe Ñuera Joréñomona fecaca táijnana fibíllena omoi iere gaina llezica, mai Juzíñamuimo jaináidinona ñue móonaitallifuiaina iere izire omoi jicari.

¹³ Afe jira nai llófueñega jiáizie uaido úritimie afe ie daina uaina ñue jino llúana fibíllena Juzíñamuimo jicárede. ¹⁴ Mei jiáizie uaido Juzíñamuimo cue úriadi, ua cue joréñodo úriticue, mei íadi cue ifoci úrilla, táijiñeno oni eneno ite izoide. ¹⁵ Mei íemona ¿ñifue fñoiticue? Cue joréñodo naa cue ifoci úrillado Juzíñamuimo úrireducue. Daje izói cue joréñodo naa cue ifoci úrillado afémiemo róreducue. ¹⁶ Mei jii, dama o joréñodo Juzíñamuimo o úriadi o áinori ite, áfemo fibítañega cacáreidimie, Juzíñamuina figura o daífrenafue dibénemo ínide. Mei o dánana onóñedeza. ¹⁷ Mei nibai Juzíñamuina figura o daífrena Juzíñamuimo ñue cacáide, íadi jiáimana dama ie joreño dibénedo ñue móonaitañede. ¹⁸ Nana omoi baimo jiáizie uaido úrireducue. Aferi iere Juzíñamuina figura daiducue. ¹⁹ Mei íadi Juzíñamuimo jaináidino gairífrena llezica, ónoñega jiáfodo jóide uaillai baimo, jubeba diga ñue onoiga uai cue dánana gáiducue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáñeducue.

²⁰ Amatai, úruiai comeci faca izói, afe izói comeci omoi facáñeno iri. Mei jiáfodo éicomini izói comeci omoi facari. Mei íadi fiénidifue dibénemo jézinidino izói omoi iri. ²¹ Jaii cai ocuilla uai cugánicomo Juzíñamui íemo cacáacañede Israel náiraina bie izói daide:

—Bie náiraina jiáie uáillaido úritinodo duere fñoiticue; onínemacido íaioi llétaitucue.

Mei íadi afe bie uaido nai cuena náfueñeitiaioi. Daí cai Ocuíraima daide, —aquíe izói ie uai llote.

²² Mei daí afe jiáizie uaido úrillana fibíllafue Juzíñamuimo ínoñedinomo dúide, jiáie onótate raa izói íaioina onótallena. Ínotinomo dúíñede. Mei íadi Juzíñamuimona onoiga uai jino llúana fibíllena Juzíñamuimo ínotinomo dúide, jiáie onótate raa izói íaioina onótallena. ²³ Mei jira nana Juzíñamuimo jaináidino dáanomo gairilla llezica, íemo nana omoi jiáizie uaido omoi úriadi ie mei áfemo fibítañega ínoñedino omoi cígimo bíadi, nibai “Uáiritaidino izóidimoi,” dáitiaioi. ²⁴ Mei jiáfodo Juzíñamuimona onoiga uai jino omoi llua llezica, íemo fibítañega ínoñedimie omoi cígimo bíadi, ie comécimo ite fiénidifuenta uáfodo ónoite. Nana omoi dánana cacáillano afémie dama ie comécina méiñotaite. ²⁵ Afe daí dama ie

comeci onóigafuiai jino cíocaillamona, cañícido ana dújullano Juzíñamuina cáimadoite. Iemona: “Uáfuenta, Juzíñamui omoi cígiri íteza” dáite.

Omoi gairilla llezica nana omo lollífuiái jaicuíñeno jaícina lloiri

²⁶ Mei jira, ámatiai, omoi gairillifuiái bie izói írede: Omoi gairilla llezica ómoimona dáarie Juzíñamuimo rollírua jino llóiacade. Iemo jáímie llófueacade, íemo jáímie Juzíñamui éna onótagafue jino llóiacade, íemo jáímie jáífoide uaido úriacade, íemo jáímie afe jáízíe uaido úrilla jino dobáiñoiacade. Nana bífuiái ñuera. Mai bífuiái daí íteza, Juzíñamuimo jaináidino ñue móonaillena, daje izói íemo nai íinoñedino ínotallena. ²⁷ Jáízíe uaido omoi úriadi mena come dáaruído úrinide. Jáímie úrilla llícailla méifomo úriri. Daámáni come daí úrrede. Naga come jáífoide uaido úrilla fuílamo ie lloga uai dobáiñorede. ²⁸ Mei íadi uai dobáiñoítímie íñeniadi, mai nie izói jáífoide uaido daíñeno iri. Dámie úriacania dama ie comécido Juzíñamuimo úriri. ²⁹ Daje izói afe Juzíñamuimona onoiga uai llotínomona damiéámani úrrede, íadi daje llezica úrinidiaioi. Llotímie fuilla méifomo íemo cacáreidino fairíorediaioi, ie dánana ja Ñuera Joréñomona comuide, ñibai íeñede daíllena. ³⁰ Mei íadi dámie uai jino llua llezica, Juzíñamui jáíe ana ráiidímie mo jáífue éna onótaiadi afémie raire fueñe úritarede. Nano fueñe úritímie ie úrillana fáicanocairede. ³¹ Afe daí nana omoi Juzíñamuimona onoiga uai llotino llórediaioi. Uafue dámerie jino llórediaioi, áfedo nana omoi onócaillena; daje izói áfedo nana omoi comei náirecaillena. ³² Nana afe Juzíñamuimona onoiga uai llotino dani íaioi joréñona rairuédiaioi, nai jáímie úrilla fuiñena dino. ³³ Mei Juzíñamui caimare uái illifue comuítatímie; íemo, úrillana féitate gáguana afémie comuítáñede.

Nana jáínomo ite Juzíñamuimo jainaide gairídino fínua izói birui ómoína finótaiticue. ³⁴ Juzíñamui íóbillena omoi gairilla llezica, cígimo ite ringóniai úrilla rairuédre, íñiaina ie llófuellena. Juzíñamui ocuilla uai daina izói, aféngotiai íima anamo caimare írediaioi. ³⁵ Aféngotiai daa rafue onóacania, jino jofomo íaioi inimo jicánorede. Daa ringo comini gairilla cígiri úria meaire cioide.

³⁶ Mai cácarei, ¿Meita Juzíñamui uai dani ómoimona comuide, daí comei facádiomoi? ¡Daíñede! Daje izói aféuaina dani ómoimo llógaza comécíñeno iri; mei diga jáímaci éna, daje uaina jae llogáiaioiza. ³⁷ Daa come Juzíñamuimona onoiga uai jino llotímiedicue daíadi, bie ómoimo cue cuezáfuiái cai Ocuíraíma Jesucristo cai ocuilla uai afémie daírede. Daje izói daa come Ñuera Joréñodo úritímiedicue daíadi, afémie cue cuega díbénemo Jesucristodo cai ocuilla uai daírede. ³⁸ Iemo afe cúegana ailli cue daina bie izói daíacañedímie mo omoi náfueñeno iri.

³⁹ Cue ámatiai, bíemona Juzíñamuimona onoiga uai jino llua jeire omoi oiri. Iemo da come jáízíe uaido úria, rairuñeno iri. ⁴⁰ Mei íadi afe llezica, omoi lollíuaina jaicuíñeno daje fuémoma jáímamo meaire cíotañeno lloiri. Daje izói nana omoi jetaca raana jaicuíñeno ñue jaícina maméfireiri.

15

Jesucristo tilla meine abido cáadímie illafue

¹ Cue ámatiai, ómoimo cue lloga jíllona uai ómoina uibíñotaacadicue. Afe uaina jae jeire otíomoi. Iemo bie uaido ñue itíomoi. ² Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi naui nibai táinona omoi íinoia jae jíllonediomoi.

³ Cue onoiga jamánomoidifue naui ómoimo lloticue. Juzíñamui Cuegáuai daina izói, Cristo cai fiénidifuiyai muiñóllena tíllafuena jae omoi llófueticue. ⁴ Iemo nane afe Cuegáuai daina izói, Cristo raiga daruíamani íllamona meine abido cáadimierna jáillana ómoina llófueticue. ⁵ Iemo afe Cristo Pédro mo cíocai; afe mei nana jíai ie orécamacimo cíocai. ⁶ Nane afe mei dáaruído quinientos baimo íemo ínotinomo cíocai. Afémacimona aillo nai itíai, íadi dáarie jae tíidiai. ⁷ Nane afe mei Santiagomo cíocai, íemo nane nana ie orécamacimo cíocai.

⁸ Nana jíaimacimo cíocaila mei, íraínomo afémie cuemo cíocai. Iemona úrue jíáfodo jocoina izóidimiedicue, mei Crístomo cue dóbaicallafue jarire cuemo íficaideza. ⁹ Mei Jesús orécamacimona jofófenemo ráifidimiedicue. Juzíñamui jaináidino fállena cue racáfirenamona, naui ie orécamie cuena daínide. ¹⁰ Mei íadi Juzíñamui ñue cuemo íllado, bie izói iticue. Afémie cuemo dúecaillano afémie cue cánuana táinomo fáifitañedicue. Mei jíáfodo jíai ie orécamaci baimo, iere riire táijidicue. Mei íadi afe izói dama táijinidicue. Juzíñamui cuemo dúecaillano cue diga jáicallado daí táijiredicue. ¹¹ Mei birui, afe ñúefue nibai cue lloga, nibai afémaci lloga, afe llúafuena náfueñedicue. Mei íadi bie ñúefue ja ómoimo cai llogafue, daje izói afefue omoi ínogafue.

¹² Mei bie ómoimo cai llogafue Cristo tíllamona meine abido cáadimierna jailla. Afe llogafue bie izói ítena, ¿mei nie izói ómoimona dáarie: “Tíidinomona buna meine abido cáadinona íñeite,” daidíai? ¹³ Meita íai daina izói tíidinomona buna cáañenaza, daje izói meita dama Cristo cáañeite. ¹⁴ Iemo meita Cristo cáañedeza cai llócaiga uai ráifíñede. Daje izói omoi ínogafue ráifíñede. ¹⁵ Iemo afe baimo, cai bie Juzíñamui dibénemo taino llotínodíca, mei Juzíñamui Cristo meine abido cáatate daidícaiza. Meita tíidino meine cáañenaza, daje izói Juzíñamui Cristo meine cáatañeite. ¹⁶ Mei tíidino meine abido cáañeniadi, meita afe Cristo cáañeite. ¹⁷ Iemo meita Cristo cáañedeza, omoi ínogafue ómoina ñue finóñede. Nai ómoimo ite fiénidifuiaimo nai jaináicaidiomoi. ¹⁸ Meita íai daina izói Cristo cáañedeza, Crístomo ínote tíidino táinomo fáifidiai. ¹⁹ Meita Crístomo cai ocúrinafue daa birúllaído biniemo cai illa llezica caimo dúideza, nana comini baimo cai duere finócanodíca.

²⁰ Mei íadi afe izóíñede. Cristo tíllanomona meine abido cáadimierna jailla ñue onóigaza. Amena llizíllajimona jotáiritíji fueñe uaila izói, Cristo nana tíidinomona meine abido caadino ífódimie. ²¹ Mei bie izói daa cómemona, Adán daináimona tíllafue fueñe biniemo comuídeza; daje izói tíidino meine abido cáailfue daa cómemona comuíde. Afémie Jesucristo. ²² Afemona nana comini Adamo jaináideza, tíitíai; íemo daje izói nana Crístomo jaináidino meine abido cáaitíai. ²³ Mei íadi nana nairai daje llezica meine abido cáañeítíai. Nágamíai íaiommo dúide dieze, íai caátalliruido cáaitíai: raire uícodo oga llizíllaji óina izói, Cristo fueñe meine abido cáadimierna jaide; afe mei Cristo billíruimo

dama Cristo iédino cáaitiaioi. ²⁴ Iemo lírairuimo dúcíte. Aféruimo Cristo nana bíniemo ite rírede illáini naa monamo ite ríinoredinuiari niné táinocaitaite. Afe mei nana ie illáimana illa ríino naa ie anamo itínuiari ie Moo Juzíñamui fécáite. ²⁵ Mei jíi, Cristo nai illáimana írede, Juzíñamui nana íena éoidino Cristo anamo itábicaítalle dino. ²⁶ Come túllafue caina anáfenoacade caina éoidimie izoide. Mei íadi afe cai titade ríinona Cristo lírainomo niné táinocaitaite. Afe mei jíaie táinocaitallimiena íneite. ²⁷ Mei Juzíñamui nágafuiaina Cristo anamo jóonete. Cristo ñue afémaci ocúllena. Juzíñamui Cuegáuai bie izói daííadi, Juzíñamui Cristo anamo íñénana uáfodo onóigaza, mei Juzíñamui naga raa Cristo anamo jóonetimieza. ²⁸ Iemo nágafuiái Cristo anamo itábicailliruimo, dama afe Cristo Juzíñamui Jitoza ie Moo anamo itábicaiteza. Juzíñamui nágafuiái Cristo anamo itábicaítaimie. Aféruimo bífuiaido naga ráaniai dibénemo Juzíñamui jamáinomoidimiena íite. Naga ráfuiaí naa ie comuítaga ráaniairi ñue jaícina afémie mo dúite.

²⁹ Nane jíáfue “Tíidinona meine cáañeite” daíífredinona dáitícue. Dáarie tíidino dibénedo báutizatátino ite. Meita tíidino meine cáañeítiaioiza, ¿nibái mei daíí báutizatátiaioi? Iemo tíidino dibénedo báutizafue ¿minícamo ráífide?

³⁰ Iemo cue, cue nabáíñiaí diga, Juzíñamui ñúefue ícoina, nágaruillaído iere caina titáacade jácifue mo ífredicaí. Meita tíidino meine abido cáañeiteza, daíí cai íadi ¿miníca caímo ráífilla? ³¹ Nágarui cue titállena mamédiaioiza jácinomo itícue. Uáfuenta daíí itícue. Cue ámatiaí, cai Ocuíraíma Jesucrístomo omoi ínuari uáfuenta iere íobidícue. Afe uáfuenta cue íobilla izói, daje izói uáfuenta nágarui titáacagacue. Iemona tíidino meine abido caalle uáfodo onóigaza. ³² Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuírillamona ¿miníca cuemo ráífilla? Mei afe izói cue illa cuemo ráííñede. Meita uáfuenta tíidino meine cáañeiteza, afe taino llotino ñue jaícina daídíaioi. Afémaci daína bie izói jóide: “Maí raíre cai güillí, güillano cai jírollí; mei úreitiruimo raíre túticaíza afe mei nina íñeíticaí,” daídíaioi.

³³ Jíáimamo omoi jífuefíñeno iri. Abina ñue onona uai uáfodo jóideza: “Fíénide nabáíñiaí ñue illáfuiaina niné táinocaitate.” ³⁴ Mei jíáfodo, ñue abina omoi onoiri. Omoi illafue ñue jaícina jóoneri. Fíénidífuenta finóñeno iri. Mei ómoimona dáarie Juzíñamui nai figo onóñedeza. Omoi méaicaillena bie izói ómoína daidícue.

Tíidino meine abido cáadinona íllena abí Pablo llote

³⁵ Nibái biruí ja dáarie jícanoite: ¿Mei nie izói tíidino cáaitiaioi? ¿Mei afémaci abí nie izói éroite? ³⁶ Afe izói jícanua abina onóñedimie úrilla izoide. Mei daa rííregají cai ríadi, afejí túide izói énie anamo fíébirede, áfemona ie íroci zicóllena. ³⁷ Eníemo ríga raa, afénomona zicódirociñede, mei jíáfodo dama ie íjí rína. Iemo diga jíáíforiede íjíaí rína: bellají rína, íemo mazácají rína, íemo arroz íjí daje izói rína. ³⁸ Afe rínají zícua llezica ie ciona izói Juzíñamui comuítate. Dani aféjiaí dúina izói zicótate. (Bellájimona bellarí zócaja, íemo mazácajimona mazácari zócaja.) ³⁹ Mei afe izói naga cáadinuiaí abí jíáíforie eroide. Come abí jíáífoide, íemo rille abí jíáífoide. Daje izói fíedino abí jíáífoide, íemo chámuniaí abí jíáífoide. Nana daje izói eróíñede. ⁴⁰ Iemo jíáí monamo ille abí íte, íemo jíáí éniemo illa abí íte. Bíniemo illa abí ebírede, mei íadi monamo ille abí ebire eroína

jiáifoi. ⁴¹ Jitoma egáiñua fiui egáiñuana eróiñede; jiáifodo egáiñote. Daje izói ucudu egáiñua izóiñeno, jitoma jiáifodo egáiñote. Iemo jiái daa ucudu jiáie ucúdumona egáiñua jiáifodo cíoi. ⁴² Tíidino meine cáailifue bie izói jóide. Rífaite íeizi éniemo raiga, íemo tíñeitinona meine abido cáate. ⁴³ Jámairuiga abi éniemo raiga, ie mei ebire cíoitaga abi meine cáate. Daje izói nane ríinide abi éniemo raiga ie mei ñue íocirede abi cáate. ⁴⁴ Bíníemo cai jocoína abi éniemo raiga, ie mei mona dibénemo dúide abi cáate.

⁴⁵ Mei daí Juzíñamui Cuegáuai llote: “Nanóidimie Adana cáadimiena ífícaide. Iiraie Adán daína Cristo zíiñona cáatatena joréñoredimie,” daide. ⁴⁶ Juzíñamui dibénemo cai comúitatimie nano fueñe cómuítañega, mei jiáifodo bíníemo cai nanóidimie Adán fueñe comúitaina. Afe méifomo Juzíñamui dibénemo cai comúitatimie cíocaide. ⁴⁷ Nanóidimie énie ie finóinaza éniemo dúide. Méifoi. Adán daína Cristo mona ie. Afémie cai Ocuíraíma. ⁴⁸ Afe énie finóinamie izói, nana bíníe comíni ie abi izóidiaíoi. Daje izói Jesumo ínuamona monamo dúidino afe monámona bitímie izóidiaíoi. ⁴⁹ Iemona énie ie finócamiena cai eroína izói, afe izói mona ímiena éroíticai.

⁵⁰ Amatíai, omoi cacai, ómoina dáitícue, nana bíníe dúide cai abi die diga jaca Juzíñamui illáimana illánomo jofo jáinide. Daje izói raire táinocaitatífue zíiñona illínomo dúíñede. ⁵¹ Mei íadi nanómona uáfodo onóñega ráfuena ómoina onótaacadícue: nana tíñeiticai; mei íadi nana jiáifodo méidoficaiticai. ⁵² Uáfúena, Juzíñamui íiraie vudugoi fúunua llezica, jarire ui bótacailla izói raire jiáifodo méidoficaiticai. Afe vudugoi ficire cáacaillamona tíidino meine abido jaca tíñeillena cáatalliaíoi. Afe llezica cáimona cáadimaci jiáifodo méidoficaiticai abido tíñeillena. ⁵³ Mei caimo ite raire féitífue zíiñona féíñeitífúena méidoficarede. Daje izói cai tíite abi zíiñona tííñede abina méidoficarede. ⁵⁴ Iemo afe bie caimo ite raire féitífue zíiñona féíñeitífúena méidoficailla llezica Juzíñamui Cuegáuai daína ñue jáicina zúite. Daje izói cai tíite abi zíiñona tííñede abina méidoficailla llezica afe Cuegáuai ñue jáicina zúite. Afe Cuegáuai daína bie izói jóide:

Caimo ite tíillífue,

caína éoidimie anáfenoina izói, anáfenoga; ja táinocaide.

⁵⁵ Cai tíitaitífue caina izi cácatafírena ríino jae íñede.

Caina nie izói níbaiñeite,

mei ie molleroi izoide raa ja birui íñedeza.

⁵⁶ Nana comínimo fiénidífúiai íllamona, tíitaitífue caina jacíruitade. Iemo jaiái Juzíñamui cai ocuilla uai llúamona cai fiéni finócafúiai duere finórede. Iemona tíillífue cai anáfúenuana jaca jacíruiticai. ⁵⁷ Mei Juzíñamui cai Ocuíraíma Jesucristodo áfemo caina anáfenotañenamona íena iere figura daíífiredicai.

⁵⁸ Ie jira, cue izíruiga ámatíai o ínogafúena jiáifodo méidoñeno ñue jeire omoi oiri. Juzíñamui ocuica táijnafúemo nágaruillai iere omoi náfúefreiri. Mei ñue onódiomoiza, cai Ocuíraímamo dájena cai táijnafue, jaca táinomo fáifíñeiteza.

16

Dúerede cai ámatíai canóllena úcube eneno ofítafue

¹ Crístomo ñnote ámatiai canóllena úcube omoi jicánoga eneno ofítallifue llóiticue. Galacia éniemo ite Juziñamuimo jaináidino cue llófuia izói, afe izói omoi ofitari. ² Naga semana tániaruimo, ómoimona illa dígamie omoi oga úcubemona due jiza Juziñamui íena oni eneno jóoneri. Nano omoi llínua dieze oni eneno jóoneri. Daií uícodo omoi ñue eneno éenofireiri, cue billíruimo afe úcube ómoido cue íraíñeillena. ³ Uire cue bille llezica omoi nizada dani baillímiedo afe úcubena Jerusalémo óreiticue. Afe llezica omoi cuelle útimíai mámece illábedo íaioina óreiticue. Afe bie izói omoi ofítaga úcubena Jerusalémo ite ámatiaimo óreiticue. ⁴ Onoñegaza, cue jiéruia afémaci diga dane jáiticaí.

Pablo jáinomo jáillena mamérite

⁵ Cue jáiadi Macedonia éniemo jáiacadicue. Afe méifodo daií Coríntomo dúciiticue. ⁶ Mei nibai nano nié dino omoi cígiri íiticue. Nibai ónoñegaza bie rozírediruillaina omoi cígiri záitaiticue. Afe mei oni jáinomo cue jaille llezica cuena canórediomoi. ⁷ Mei ómoimo fia jaríre érocaillano jáiacañedicueza, cai Ocuíraíma comece jítaia, omoi cígiri are íacadicue. ⁸ Mei íadi Pentecostés rafue dúcille dino, benó Efeso jófuemo íiticue. ⁹ Mei iere ñue Juziñamui uaimo cue tájilliruimo itícueza. Aillo comini birui aféuaimo jiéruiacadiaioi. Mei íadi afe llezica aillo afe uaina uáitatino ite.

¹⁰ Timoteo ómoimo bíadi, mai omoi cígiri caimare íena omoi itátari. Afémiena omoi áifedoñeno iri. Mei afémie daa cai Ocuíraíma ocuícamo cue izói tájideza. ¹¹ Ie jira ómoimona buna afémiena jámairuíñeno iri. Mei jáifodo cue ie éroizabilleza caimare afémiena omoi canori. Mei naa jíáie ñnote ámatiaioiri íena ocuúridicue.

¹² Cai ama Apolos dibénemo llóiticue. Nauti íemo izire jicádicue, jíáie ámatiaioiri omoi érozaillena. Mei íadi afémie birui jáiacañede. Uire ie jáiacalliruimo jáite.

Iraicaiño uáidonocaila uai

¹³ Mai abina ñue omoi onoiri. Crístomo omoi ñnogafue jáifodo méidoñeno jeire omoi oiri. Jacíruuíñeno ñue íociredímie izói omoi iri. ¹⁴ Nana omoi jetáacagafuiai, conímana izíruillafuedo finori.

¹⁵ Amatai, birui onódiomoiza, Estéfnas mámece redímie comini, nano fueñe Acaya éniemo ñuefuemo dóbaicaidino. Dóbaicallano jíáie Crístomo ñnote ámatiai canóllena ja maméritiaioi. ¹⁶ Jira afémaci, naa jíáie afémaci izóidinori anamo omoi caimare itábicaillena iere jitáidicue. Daje izói jáinona canófredino, naa jabo ocuúidinori anamo mai caimare omoi itábicaíri. ¹⁷ Ja Estéfnas, Fortunato, Acaico diga bíllari iere íóbidicue, mei cúemona jica itíomoiza cuena canónidiomoiza. Mei íadi afémaci ómoimona féiredifue cuemo finódiaioi. ¹⁸ Afémaci cue comécina iere náiretadiaioi; daje izói ómoína náiretadiaioi. Afe izoide comínimo ñue omoi jiéruiri.

¹⁹ Benó Asia éniemo ite Juziñamuimo jaináidino ómoimo uailai orédiaioi. Daje izói Aquila ie ai Priscila diga naa íaillinoimo gairíidinori, cai Ocuíraíma mámece uai ómoimo orédiaioi. ²⁰ Nana benomo ite ámatiai oreca uailai, mai omoi llínori. Daje izói conímana caimare uáidori.

²¹ Cue Páblodicue. Dama bie cue ónoído cuega uai ómoimo orédicue.

²² Ninó dámie cai Ocuíraíma Jesucrístona izíruicañedímie Juziñamui faidólleza. ¡Cai Ocuíraíma, mai raire biri!

²³ Cai Ocuíraima Jesucristo ómoina ñúefuena éziciiteza. ²⁴ Nana omoí Jesucrístomo jaináinado, ómoina cue izíruilla uai orédicue. Daiítadeza. Jae ñíie.

MÉIFODO SAN PABLO CORINTO IMACIMO

ORÉCABE

Segunda Carta del Apóstol San Pablo a los Corintios

Coríntomo ite Juzíñamuimo jaináidinomo Pablo cuete

¹ Páblodicue. Juzíñamui comeci jítaina izói Jesucristo orécamedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ² Cai Moo Juzíñamui, cai Ocuíraima Jesucristo diga ómoína ñue éziciteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuállafue

³ Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifirede. Afémie cai Ocuíraima Jesucristo Moo. ⁴ Nana duere cai zefuilla llezica, afémie caimo dúecaifirede. Afémie caimo dúecaide, afe izói jíáie duere zefuídinomo cai dúecaillena. Afemona Juzíñamui caimo lloga dúecaillafue jíáimacimo llóredicai. ⁵ Mei Cristo duere zefuállafue dibénemo cai nabaia izói, afe izói Cristodo caimo iere ie dúecaillafue jeire óiticaí. ⁶ Ie jira, nibai dama duere cue zefuía, bie ómoína cue canóllena. Iemo nibai Juzíñamui cuemo dúecaiaí, áfedo daje izói dúecaillafue, naa jíllonafue diga óitiomoi. Iemona daje cuemo comuide duere zefuállafue ómoimo comuíadi, raíre járitaiñeno áfemo fia ocúirirediomoi. ⁷ Omoi dibénemo uáfodo onóigafuemo ñue ínoticue, mei ñue onódicueza daje zefuállafue dibénemo omoi illa dieze, afe izói Juzíñamui fecaca dúecaillafue óitiomoi za.

⁸ Amatiai, Asia éniemo cuemo comuide féiredifuiaina ómoimo fidítaiacadicue. Aféno cuemo comuide riírede facátafue iere jamánomoideza, áfena ocuinidicue. “Nibai bífuemona jíllóñeno benó tíiticueza,” daíífredicue. ⁹ Aféruimo méinellena llavécamié abi izói cue abi cacaide. Mei íadi tíidino meine abido cáatate Juzíñamuimo cue ínuana cue onóillena, afe zuufue cuemo comuide. Dama cue abí ínoñeillena cue llófuete. ¹⁰ Aféruimo Juzíñamui afe iere jacírede tíillafuemonona cuena jíllotate. Afémie nai birui jaca cuena jíllotaicaide. Daje izói úreitiruillaído afémie aféfuemona cue jíllotallemo ocuícáidicue. ¹¹ Uáfuenta, cuedo Juzíñamuimo omoi jícáfíreiaí afémie cuena jíllotaite. Aillo comíni cuedo Juzíñamuimo úriadi, aillo íena ióbitaitiaíoi. Juzíñamui cue ézicia ñuefuiaíri íena ióbitaitiaíoi.

Pablo Coríntomo jáiñenafue llote

¹² Daa cue comécido onóigafueri iere ióbidicue. Afefue bie izói jóide: cue comeci úrilla uai nífuenino bíniédo cue mácajana llote. Daje izói Juzíñamui eróicana jíáimana jífueñeno cue mácaja llote. Omoi cígiri bie izói riíre iticue. Juzíñamui caimare cue cánuado daí íticue. Dama cue fibíllafuedo daí íñedicue. ¹³ Omoimo cue cugábiamo báinino lloga uaina íñede. Omoi facádoia onuille raa ja uáfodo cuela.

Nane jiáifuena ñue omoi onóillemo ocuúridicue. ¹⁴ Aféfuena jabo onódiomoi. Afefue bie izói dáiiacade: Cai Ocuúraima Jesús billíruimo ómoiri caimare abí cue ínua izói, afe izói cueri caimare abí ínnoitiomoi.

¹⁵ Nana bífuiaí iere cue jíeruillamona, omoi eróizaillena fueñe mamériticue. Daí ménacaiño omoi cue éroizailleri ióbitiomoi. ¹⁶ Macedonia éniemo cue jaille llezica omoi jarire cue méiñonocaillena começi facádicue. Afe mei Macedóniamona abido cue bille llezica nane dáanomoi omoi cue éroizaillena mamériticue. Afe daí afe méifomo judéamo cue jaille llezica cuena cánoitiomoiza. ¹⁷ Bie cue maméřillafuiaí começi cue faca llezica, ¿cuena níbai jiáifodo raire méidofredimie izoide daídíomoi? Bie éniemo ite fiénidino maméřilla izói níbai cuena maméřite daídíomoi. Afémaci “Jii” daídíaioi; íemo méifodo daje llezica “Dama ite” daířirediaoi.

¹⁸ Mei íadi Juziñamui uáfuena daířiredimie illa izói, afe izói táinona “Jii,” íemo “Dama ite” dáaruido ómoina daířinidicue. ¹⁹ Mei Juziñamui Jitó Cristo Jesús jaca táinona “Jii,” íemo “Dama ite” dáaruido daířinideza. Iemo Silvano, Timoteo, íemo cue, Cristo daína uaillai omoi cígiri lloticai. Nana Cristo lloga uai táinoñedeza, ua uai. Ie daínana méidofinide. ²⁰ Mei afémiedo nana Juziñamui uícodo llogáuai ñue jaícina zúideza. Ie jira Juziñamuina cai ióbitaja llezica, Cristo Jesudo “Daířitadeza” daířiredicai. ²¹ Iemo jíai Juziñamui ómoina naa cairi Crístimoi riire jaináitate, nana cai ínogafuemona oni jiáifodo cai báiiñeillena. Daje izói afémie ie táijinafuemo ñue caina jóonete. ²² Juziñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona ío jiáiruido Juziñamui caimo fecállifuena cai llinollena uáfodo onódicai.

²³ Mei jiáifuemo omoi coméciri. Omoina duéruiticueza, ómoina duere cue fiñoñeillena, uícodo cue maméřilla izói nai ómoimo biñédicue. Juziñamui afe bie cue uaina nabáillena jicádicue, aféuai uafue daířillena. Cue daína uai uáfueñenia, Juziñamuina abí fatátaiticue. ²⁴ Omoi ínogafuena riire ocuúacañedicue, mei omoi ínogafuedo Jesucrístimoi ñue riire jaináidíomoiza. Mei jiáifodo conímamo táijina izói, omoi iere aillo ióbillena ómoina canóacadicue.

2

¹ Ie jira omoi cue zúucaitabiñeillena maméřiticue. ² Mei omoi zúucaitadicuena ¿mei bu cuena ióbitalle? Cue zúucaitadino dani cuena ióbitalle, mei íadi cue dinena ómoina zúucaitacañedicue. ³ Ie jira nauí ómoimo cue cuezábemo cue daína izói cueticue. Omoina zúucaitabiacañedicue. Mei jiáifodo cuena ióbitarediomoi. Mei nauí aféruimo uáfuena onódicueza, cue caimare illarui omoi caimare íitiomoiza. ⁴ Omoimo nauí cue orécabe cue cuia llezica, iere cue começi zúurenari éedicue. Mei íadi omoi zúucaillena afébena cueñédicue. Mei jiáifodo ómoina iere cue izíruillana omoi onóillena cueticue.

Fieni fiñofredimie ie illafue múiñua mei, meine caimare uáidua

⁵ Mei íadi ómoimo riire úriacañedicueza bie izói daíitícue. Dámie fieni illa dama cuena zúunaitañedeza, mei jiáifodo cue baimo nana ómoina zúunaitade. Daí daídícue iere riífuena jáiñeilleza. ⁶ Omoi gairilla llezica afe cómemo omoi mameca duere fiñóllifue ja figo báiteza. ⁷ Mei benómona aféniemo jiáifodo úirediomoi. Nauí ie fiñoca fiénidífue omoi fétano caimare íena omoi uáidori. Daje izói íena dúcairediomoi, aillo ie

zúunaillamona afémie jamánomo anado fiēni jáiñeilleza. ⁸ Ie jira ómoimo izire jicádícue, afémie omoí izíruilla meine abido íemo omoí onótallena. ⁹ Nauí uícodo bifue dibénedo ómoimo cueticue. Nauí omoí cue llófuiana nibai jeire ótiomoi, nibai jeire óñeitiomoi; áfena cue onóillena ómoimo cueticue. Daje izóí, omoí comeci ifue onóillena afébedo ómoína facátaticue. ¹⁰ Mei ja benómona, ómoína fiēni finódimie omoí caimare uáidoia, cue daje izóí caimare íena uáidotícue. Meita afémie fiēni fínuado cúemona nino féitalle fiénidino íadi, aféfuena féitaticue. Uáfueza ñue ómoína canóllena Cristo eróicana aféfuena féitaticue. ¹¹ Mei afe zúnaitagamie raire abido íena caimare uáidoredicaiza, afe zúufuedo Taife raire íena ana úiñeillena. Mei Taife comínina bífuefirena uailai ñue onódicaiza.

Pablo Tróasmo uái iñénafue

¹² Jesucristo lloga uai Troas jófuego jino cue lluíbilla llezica, cai Ocuíraima áillomaci cuena jíeruitajamona Juzíñamui cue ocuilla táijinafuena uáfodo caimare fuitáredícue. ¹³ Mei íadi Coríntomona bícade cue ama Tito afémie cue cióñenamona cue comeci uái iñede. Mei jira Troas imácina facádonocailano, oni Macedonia éniemo íena jénuaidícue.

Jesucristo cai jaináinamona buna anáfenoñegacai

¹⁴ Juzíñamuina iere figura daífiredicai; mei Cristo nana éoidinona anáfenua izóí, Juzíñamui dáfeodo, Cristo diga, nágaruillaido caína úicaiteza. Afe llezica ziórede raa caimare jállia izóí, afe izóí Juzíñamui Crístona onóillifuena caido nágagobiaido jica jalléitate. ¹⁵ Cristo Juzíñamuimo fecaca ziórede uguci izóidinodicai. Nana jilloitinomo jallédicai, daje izóí niné féiraitinomo jallédicai. ¹⁶ Afe niné féiraitinomo titade jucui izóí íaire jállecaide. Mei íadi jilloitinomo caimare íocire cáatate jállia izóí jállecaide. Bie Juzíñamui ebire mamérillafue, ¿bífuena bu mei ñue llíinorena? Juzíñamui cuena cánua izóí canóñenia jaca buna figo llíinonide. ¹⁷ Juzíñamui uailai jáíimacimo fécano úcubena llíinoñedicue. Afena jaca raiñóñeno llócaidícue. Jáíimaci úcube óllena afe uai jáífodo méidua izóí méidoñedicue. Mei jáífodo Juzíñamui orécamiē izóí, afémie eróicana jáíama jífueñeno uáfodo úritícue.

3

Juzíñamui comue ñue finóllifue bie izóí daide

¹ Bie izóí cue úrilla, ¿ómoimona nie izóí cacaide? Nibai ¿dama cue abi ínollena meine dánomo ñue úritícue? Mei íadi daítañede. ¿Nibai cue ñue illánona onótatibiai ómoimo izájirede? Mei nibai jáíimaci fínua izóí, ¿ómoimona cue ñue illánona onótatibiai jicárede? ² Mei daítañedeza. Dani omoí cue ñue illánona onótatibe izóidiomoi. Omoí baimo jáíe onótatibena jítaiñedicue. Cue comécimo joide come ñue illánona onótatibe izóidiomoi. Aféuaina nana comini cúemona onórediaíoi. ³ Dama Cristo cueba onótatibe izóidiomoi. Cuedo ciegábai izóidiomoi, mei cuedo ñúefuena llotátagaomoiza. Jamai tintado ciegabe izóíñediomoi; mei jáífodo caade Juzíñamui Ñuera Joréñodo úcaiganodiomoi. Daje izóí Moisés nofícomo ciegáuai fia comini eróicana jeire oñediomoi, mei íadi omoí comeci úrillado Juzíñamuina ióbitaacadiomoi.

⁴ Nana afe bie ñuera cue dánana jacíruiñeno daífiredícue, mei Crísto do Juzíñamuimo daa uai fiéñeno ínofiredícueza. Uáfueza, nana cue dánana

afémie ómoimo zúitaitenza. ⁵ Mei íadi nana cue jetáacagafuiai finolle ríino dama cúemona comuñedeza; mei jiáfodo nana cue finócafuii Juziñamui mona comuide. ⁶ Ie lloga comue finóllifue mo cue táijillena, afémie ñue cuena ríinoretade. Afe Juziñamui comue finóllifue, jaii cueda ocuicafue jeire cai úado caimo zuitánide. Mei jiáfodo Ñuera Joreño comuitaga cai comeci ziiñona cáatatiño caimo illado, Juziñamui comue finóllifue caimo zuitárede. Afe cueda cai ocuilla uai cai titállena llote, mei íadi Ñuera Joreño cai comécina cáataite.

⁷ Afe Moisés lloga ocuilla uai nofici finóinabicimo cueda. Aféuai lluaíbilla llezica, iere riire ebíredifuiiido lloga. Aféuido Israel nairai, mei Moisés uieco jiáfodo iere quenire eróideza, afémiemo eróinidiaioi. Mei íadi afe riire ebíredifue fiaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, ⁸ Ñuera Joreño caimo lluaíbiga uai, ua afe titade uai baimo jamánomo ebírede. ⁹ Bifue bie izói dáiacade: mei cai fiénidifuiiimona cai titállena llote ocuilla uai iere ebíreia, birui aféuai baimo nífunino cai illena Juziñamui llogafue jamánomo ebírede. ¹⁰ Afe ocuilla uai nauí iere ebírede, mei íadi Juziñamui como finoca jamánomo ebíredifue comuillamona, afe nanoide ocuilla uai jae figo ebínide; ja birui ráañede. ¹¹ Iemona nauí lloga are iñeno raire záitifue ebíredenia, afe ziiñona záineitifue nauí llogáuai baimo jamánomo ebírede.

¹² Ie jira afe bífue mo ocuírillano, jacíruiñeno caimare úriticue. ¹³ Mei íadi cue bie Moisés finua izói finóñedicue. Afémie uieco quenire cioina are iñedeza féibicaide. Ie jira afe quenire cioide dúillana Israel nairai cioiñeillena, Moisés ie uieco iníroina ibaide. ¹⁴ Mei íadi dama Moisés uieco ibaina llezica afe nairai, uina cioñedino izói, íaioi ifoci úrilla figo déiñede. Birui afe jaii llogafue íaioi facádua llezica, afe ibaille iniroi izóidifue íaioi onóillifueña jánaide; mei afe ibaille iniroi izóidifue nai oni óñegaza. Afe jizitatifue dama Cristo oni órede. ¹⁵ Nai biruimo Moisés cuedánicuai íaioi facádoia, afe ibáiraroi íaioi ifoci úrillana féitaoicaide. ¹⁶ Mei íadi dáamie cai Ocuíraimamo ínoia, afe ibáiraroi oni oga. ¹⁷ Cai Ocuíraima afe íaioina ziiñona cáatate Ñuera Joreño. Afe ie Ñuera Joreño mo jíruitimie fiénidena finuamona ráiruñegamienna jáite. Daje izói afe Ñuera Joreño mo cai Ocuíraimamo ínoute come, Moisés ocuica uáimona ráiruñegamienna jaide. ¹⁸ Mei iemona cai uieco ibáillaroi izóidifue iñedeza, uáfori cioide acáraní izóidinodicai. Afemona, cai Ocuíraima ebíredifueña acáraní egáñua izói, jáimamo ja ciótaticai. Afe daí cai bie Cristo izóioicaidicai, mei nágaruillado ie ebíredifueña jamánomo náamatafiredicai. Bifue cai Ocuíraima finócafue. Afémie Ñuera Joreño.

4

¹ Afemona cue bie jaca comécina náinidino izóñedicue, mei Juziñamui cuena dúecaillano bie táijinafue cuemo jóneteza. ² Báinino jáima jífuefirenana ruiffuiticue naa jáie meáiredifuiiari. Daje izói jáima caimare bífuii uaido úriñedicue. Afe llezica Juziñamui uaina méidota jáifodo lloñedicue. Mei jiáfodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaioina jíruitadicue. ³ Mei íadi cai llócaiga jíllona uai cominimona nano nígamie mo nai ónonino cacaide. Afefue daí ite, mei afémaci daní ñine

íaioi táinocaillifuemo jáideza. ⁴ Mei afémaci Juzíñamuimo ínoñenamona bínie naama Taiíe, ui nirilla izói, íaioi ifoci úrilla uaina féitate, cue lloga comini jíllotete ebírede Cristo ñúefuena íaioi ónoñeillena. Afe ñúefue ñue úzere egáíñote raa izoide. Iemo afe Cristo Juzíñamuina jino uáfodo ñue onótate cáadímie. ⁵ Jino cue llócaína llezica, dama cue abi íena lloñédicue, mei jíáfodo afe Jesucristo cai Ocuíraíma llócaidicue. Iemo cue dibénedo Jesuna cue izíruillamona ñue omoi íllena canódimiedicue daíífredicue. ⁶ Mei Juzíñamui énie comuítaja llezica, afémie “Mai batí jítino egáíñuairi” daide. Afe daí daídímie, cue comécimo ie ñúefue egáíñua izói jóonete. Afémie daí cuemo jóonete, Crístodo cuemo ácataga Juzíñamui ebírede cáimafuena ñue cue onóillena.

Juzíñamuimo ñue cai ínnuado cai illafue

⁷ Mei íadi afe Juzíñamui ráifide cáimafue cue zíñona íñeite abido onótacue. Bie cue abi are íñeite énie niina iciru izoide; mei íadi afe ñúefuena méidotarede íino bie cue jamai abímo jóonega, afe ríino dama cúemona comuíñenana omoi onóillena; íemo jíáfodo afe ríino Juzíñamuimona comuíllana omoi onóillena. ⁸ Daí cue íllamona díga féirede finónidífuíai cuemo comuíadi, jaca Juzíñamui cánuado aféfuíai ñúeite. Daje izói aillo ónonidífuíai zuure cuemo comuíadi, jaca nai ocuíríñedímie izói íñédicue. ⁹ Mei jíáimaci cuena duere finóllena cuemo racáadi, jaca zóofeñegacue. Fáinamona ana dotaca izói iticue íadi, jaca niné táinocaiñedicue. ¹⁰ Nágaruíaímo cue jailla llezica, Jesús íaioi fállena mámia izói maméíregacue. Nágaruillaído afe titállena mamécámie izói cue illa llezica, afémie ñue cuena náiretade, birui ie cáananona jino comínimo cue onótallena. ¹¹ Mei nai cue caana llezica, nágaruillaído Jesús ícoínia jacire titállena mamécacue, Jesús cáanana, are íñeno tíite cue abido cíotafireillena. ¹² Daí cue zefuíllamona cue dibénedo títaigamíena jáíticue, mei íadi omoi dibénedo dáaruído omoi cáataganona jáítio moi.

¹³ Juzíñamui Cuegáuaimo dáámie duere ie zefuíbicailla llezica daide: “Juzíñamuimo ínoticue ie jira úriticue.” Mei daí cue jíai afémie ínua izói ínoticue, ie jira Juzíñamui ñúefuedo úriticue. ¹⁴ Ñue onódicueza, afe tíide Cristo meine abido cáatate Juzíñamui, afe cáataga Jesúsoiri nane cuena cáataite; íemo daane cue, naa ómoiri, ie illánomo úite.

¹⁵ Nana bífuíai ñue omoi íllena daí íficaide. Iemona nai aillo jíáie comínina Juzíñamui ñue éziciite. Aillo ie ézicia izói afe díeze aillo comini jamánomo ñúefue íemo nítaítaiíoi.

¹⁶ Mei íemona cue jaca comécina náimidino izói íñédicue. Meita cue abi náinioicaide íadi, cue comeci dínenaa jaca nágarui náireioicaide. ¹⁷ Mei íemona bíniemo cue caana llezica duere cue zefuíllafuíaí figo ráañede. Raíre llíicaite. Ie méífomo afe zuufue baímo ite aillo ninomo fúíñeite ebírede cáimafuíaí cuemo cómuíte. ¹⁸ Ie jira uído cue cíonamo ébicaíñedicue; mei íadi cue cíóñenafuíaímo ébicaífredicue, mei afe cíonaraana are íñeno raíre táinocaitéza. Mei íadi afe cíóñena raa jaca zíñona íite.

5

¹ Ja ñue onódicueza, cue caana abi are íñeno zabide jofu izoide. Iemo jíai onódicueza, bie cue abi táinocaille llezica, Juzíñamui cúeíena monamo zíñona zábíñeítico ja nite; afeco come ónoído níñega. ² Uáfueza, cue

caana abido cue illa llezica, monamo itícomo iere cue jáiacana comécido éfiredicue. ³ Afénomo jaiániacadicue, mei afeco iniroi come abi jífua izói, cue joréñona ñue jífoiteza. Afemona come abimo ñede joréñona ñeiticue. ⁴ Bie jofona mameca abimo cue illa llezica iere zúunaillano comue abina izire óiacadicue. Mei, bie cue jácaie abina, iniroi come abímona duiña izói, cue joréñomona duiñoacañedicueza; jífoñega joreño izói íacañedicueza. Mei jíáfodo iniroi jita izói, comue cue abi cue joréñomo jítáacadicue. Daíí cómuena méidoacadicue, bie cue táinocaite abi, comue cue cáaillinodo nine féitallena. ⁵ Dama Juzíñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo illado ñue onódicueza, nana Juzíñamui cuemo fecalle ñue llínoiticue.

⁶ Mei áfemona, comue méidoga abi cue llínollena áfena ñue cue onónamona caimare ocuáridicue. Nai bie abido cue illa llezica, onódicueza, monamo cue illícomona jino iticue. Bie izói daina cue Ocuárima diga íñédicue. ⁷ Afe llezica birui fia cue ciónafuedo ínídicue, mei jíáfodo Juzíñamuimo cue ínogafuedo íredicue. ⁸ Mei jira uáfueña cue llínollena ñue cue onónamona caimare ocuáridicue. Bie cue illa abina fáicanocaiacadicue, monamo jaillano cai Ocuárima diga cue íllena. ⁹ Ie jira bie éniemo afémie diga cue íñena llezica, daje izói afémie diga cue illa llezica, jaca íena cue íóbitallena jamánomo nícidoticue. ¹⁰ Mei comini finócafue Cristo riire jicánoranomo nana cai afénomo ácataredicaiza. Afénomo illa dígamie bíniemo illa abido íaioi ínúa dieze, nibai ñúefue nibai fiénidífue, áfeze jirídoitiaioi.

Juzíñamui meine caina caimare uáiduafue

¹¹ Ie jira afe naga come Juzíñamui riire jicánollemo ñue jacíruioicana comeci facádicue. Afemo cue comécillamona naga cómena Juzíñamui llógamo jéruitaacadicue. Mei íadi cue illáfueña Juzíñamui onode. Afe izói cue ñue illáfueña omoi onóillemo ocuáridicue. ¹² Dáanomo dama ñue cue illáfuedo úriñedicue. Mei jíáfodo cuedo caimare omoi úrillena bie izói ómoína daídicue. Afemona jínoidífuedo abí ínótino uai omoi ollíuái íteza. Afémaci jofu comécimo itífueña náfueñediaioi. ¹³ Mei nibai comínimona dáarie cuena daina izói, uáiritaidímie izói iticue íadi, Juzíñamui íena daíí iticue. Mei jíáfodo uáiritaiñedicueza ñue omoi íllena canódicue. ¹⁴ Mei ñue onódicaiza dama Cristo dainámie nana comini meífomo tíide. Afe caina ie izíruillamo comécillano, nana afémiemo ínótino íaioi fiénidífuiái tíidena mámiño áfena fáicanocaidiaioi. Afemo cue comécillado Cristo caina izíruilla ñúefueña cuena izire llócaitate, ñue omoi íllena. (Daje izói bie Cristo caina izíruilla, ñue illáfuedo cue jáillena cuena ocuíoideza.) ¹⁵ Uáfueza, Cristo nana comini meífomo tíide, nana cáadino daní íaioi jitailla izói íñeillena; mei jíáfodo, afémaci dibénedo tíillano meine cáadímie Cristo comeci jitailla izói íaioi íllena. ¹⁶ Ie jira bínie comini jínoidífuedo comeci faca izói, nino bumo comeci facañedicue. Mei nauí uícodo Crístomo bínie comini comeci faca izói, comeci facádicue, mei íadi ja birui daíí afémiemo comeci facañedicue. ¹⁷ Mei daíí, Crístomo dájena jaináitagamie comue cómena jaide. Jaiái ie illáfuiái fiénocaillano nágafuiái cómfuiaina méidoga.

¹⁸ Nana bífuiái Juzíñamui mámiamona Juzíñamui dama afémiemona Crístodo meine caimare cuena uáidote, íemo jíái nana comini afémiemo

meine caimare úritallena cuena ocuñocaide. ¹⁹ Bie izói daiñacana: Juziñamui ie Jitó Crísto nana comínina íena meine caimare uáidotae. Aféruimo, comini finoca fiénidífue féitano caimare íaioina uáidote. Afe dáruido Juziñamui meine comínina caimare uáiduafue oni llujállena cuena jóonenocaide. ²⁰ Afemona Cristo íena uai llotínona ómoimo biticue. Ie jira birui ómoína cue daina uai, dama Juziñamui ómoimo cuedo jicaca uai izoide. Mei jira Cristo dibénedo ómoimo izire jicádicue. Mai, meine abido Juziñamui caimare uáidori. ²¹ Afe Cristo jaca íaifueña finóñede. Mei íadi cai meífomo Juziñamui afémiena fiénidífuiairedimie izói duere finode. Dai íena finode, Juziñamui anamo ñue jaícina illáfuemo cai íllena; mei ie ñue illa izói cai íllena Juziñamui jitáideza.

6

¹ Afe daií Juziñamui tájinamo afémiena nabáidicue. Ie jira afémie ómoimo lloga ñuera cáimafuiái táinomo omoi fáifitañeno iri. ² Mei Juziñamui ie Cuegáuaimo daide:

Comínimo caimare cue uáidollena cue mamécaruimo ona cacádicue.

Daje izói jíllonaruiimo ona canódicue.

Ja birui Juziñamui caimare o uáiduarui. Daje izói birui o jíllonarui.

³ Iemona Juziñamuimo cue tájina llezica, buna llótáidonidicue, cue tájinafuemo fieni íaioi úriñeilla. ⁴ Mei jíáfodo nana cue jetáacagafuiaido Juziñamuimo tájidimie cue íllana ácatacadicue. Duere zefuidicue íadi comécina raire járidoño fia ocuádicue. Afedo Juziñamui íena cue íllana jino ácataticue. Daje izói cue jitaica raa íñena llezica, íemo llotáiredífuiái cuemo comuilla llezica áferi járidoño ocuádicue. ⁵ Daje izói cuena zechénuano llavédaioi. Cue duere finóllena jacire lléjellejedino cigiri iticue; íemo iere riírede tájinamo iticue. Diga ícaño raire íniana onóñedicue; daje izói jíái jufíruiticue. ⁶ Daje izói íáinidimiena cue íllado Juziñamuimo ñue tájidimiena cue íllana ácataticue. Iemo diga jíáfuiaido daií cue íllana ácatafiredicue. Uafue uaina cue onónado ñue cue illáfuena cíotaticue. Iemo cue járitañenafuedo naa cue dúcaifrenafuiaido áfena cíotaticue. Iemo jíái Ñuera Joreño cuemo íllado, naa jíáimana jífueño cue izíruifrenado Juziñamui íena cue íllana ácatafiredicue. ⁷ Iemo ua uai cue llócaillado, naa Juziñamui ríino cuemo íllado: nana bífuiaido Juziñamuimo ñue tájidimiena cue íllana ácatafiredicue. Afe llezica jaícina joide illáfuedo jíáifiredicue, mei áfedo fiénide uáillaina oni caitáredicueza. Daje izói áfedo cue abina ríidoredicueza. ⁸ Daruírie ñúefuiái cuemo nitádiaioi, mei jíáiruimo fiénidífue cuemo jítdiaioi. Daje izói jíáiruimo cuedo ñue úritiaioi, íemo jíáiruimo cuena íáiruítiaioi. Iemo dáríe cuena comínina bífuetimiena daidíaioi; mei íadi jaca uáfuena úricaidimie iticueza. ⁹ Iemo dáríe cuena “Bu ónoñegamiedo” daidíaioi; íemo jíáimaci “Ñuera cai cómedío” daidíaioi. Daruírie titácámie izói iticue, íadi nai cáaicaidicue. Iere duere finócacue íadi méineñegacue. ¹⁰ Zuure iticue íadi jíáfodo jaca íóbidicue. Mei ráanidimiedicue íadi, aillo jíáimacina ráaredino izói ráanaitadicue. Dúeredino jofófemo dúeredimie izói cue íadi, nai ráaredimie izói nana ráaniaíri íóbidicue.

¹¹ Coríntomo íte cue ámatiaí omoi cacai. Omoi diga báinino úriñedicue, jaca uáfodo úrifiredicue. Cue comécimo itífueña uáfodo jino ómoimo lloticue. ¹² Omoína iere duéruillano rairuíño ómoína caimare

uáidofiredicue. Mei íadi omoi dinena cuena ñue izíruillana ráiruítio moi.
 13 Urue Moo, ie úruena izire jica izói, afe izói ómoína izire jicádicue.
 Omoimo uáfodo jino cue llua izói, afe izói omoi comécimo itífuena jino
 uáfodo cuemo omoi llóllena izire jicádicue.

Caade Juzíñamui illaco izóidicai

14 Juzíñamuimo ñinoñedinomo dájena omoi jaináíño iri. Omoi jaináíadi,
 dájena jaícina iñénafue comuídeza; ómoína jíáifodo itátaite. Mei ¿nie izói
 jaícinaidifue fiénidifue diga dáanomo jaináírede? ¡Jaca jaináínide! ¿Mei
 úzefo naa jíitifo diga dájena nabáírede? ¡Nabáínide! 15 ¿Táife meita Cristo
 diga dájena caimare írede? ¡Jaca ínide! Juzíñamuimo ñnotino ñinoñedino
 diga ¿ñífue dájena íaioimo dúina? Dáanomo dúitífue iñede. 16 Mei dama
 Juzíñamui daina izói caade Juzíñamui illaco izóidíomoi. Afémie daide:
 Íaioimo íitícue; íaioi cígido macácaíticue.
 Cue be íaioi Juzíñamuitícue.

Afe izói cue comínina íitiaioi, daide.

Iemona Juzíñamui illaco jánarai diga ¿ñífue dájena íaioimo dúina?
 Dáanomo dúitífue iñede. 17 Ie jira cai Ocuíraíma bie izói daide:

Juzíñamuimo ñinoñedino cígimona oni omoi jai, afénomona oni omoi ii.

Íáiredifuíai dibénemo iñeno iri.

Iemona ómoína caimare uáidoitícueza.

18 Afe llezica omoi Móoitícue.

Iemo dáaruído omoi cue úruiaína íitíomoi.

Afe bífuena jamánomo riírede cai Ocuide Juzíñamui daí daide.

7

1 Cue izíruiga ámatiai, Juzíñamui jaiái uícodo lloga cáimafuíai bie
 izói joide. Afe daí caimo íllamona nana jíáíforiede cai íaífuiaímona
 muiñócana izói oni íredicai. Abi íaífuena daje izói cai joreño íaífuena
 fáicanocairedicai. Juzíñamuina ñue jacíruillano cai comeci íaininafue ie
 eróicana jaícina jóneredicai.

Corintio imaci comeci méidua

2 ¡Mái cuena caimare omoi uáidorí! Cue bie jaca buna fiéni finóñedicue.
 Daje izói buna íáire finóñedicue. Iemo ómoímona jaca buna jífueñedicue.
 3 Bie izói cue dánado ómoína íáire finótañedicue. Mei nauí ómoína cue
 daina izói, nai cue caana llezica, nágarui ómoímo cue comeci fáíoidicueza.
 Uáfuenta dájena cue túilliruimo ómoímo cue comeci fáíoidicueza. 4 Ómoína
 íere caimare ñnotícue; daje izói ómoíri ñue abi ñnotícue. Iemona diga
 duere zefuíllafue cuemo comuílla llezica cue comeci jaca náírede, íemo
 jíái jamánomo caimare íticue.

5 Mei daí nauí cuemo comuídeza. Nauí Macedonia éniemo cue jailla
 llezica afénomo uái cue illirui jaca iñede. Mei jíáifodo náganuíaido
 féiredifuíai cuemo comuíde. Cuena uáitatino nágafene cue ciríoidiaioi,
 íemo diga jíáífuiaíri comécido jacínaioicaídícue. 6 Mei íadi comécina
 náinidínona nácaítáírede Juzíñamui cuemo dúecaide; cuemo dúecaillano
 Tito dúcinado ñue cuena nácaítade. 7 Daa ie dúcinari íobíñedicueza, mei
 dáanomo omoi méidoga ñue illáfuedo afémiena omoi nácaítari íobídicue.
 Afémie omoi íere cuena cíacana fue cuemo llote. Iemo jíái nauí omoi
 cígimo comuídifueri omoi íere zúunaillana Tito llote. Daje izói cueri omoi

comeci llicitaillari, naa cuemo omoi jieruiacanari ióbidicue. Bífuiaina cue fidínamona jamánomo ióbidicue.

⁸ Mei nauí ómoimo cue orécabe ómoína zúucaitate íadi, biruí áferi zúucañedicue. Mei nibai nauí áferi zúucaidicue, mei íadi biruí Tito cuemo llua izói afebe are ómoína zúucaitañenana fidídicue. ⁹ Iemona biruí ióbidicue. Omoi zúucaillari ióbiñedicue, mei jiáifodo afe omoi zúucaillafuedo omoi comece ífueña méiduári ióbidicue. Bie zúucaillafue ñue omoi ocuillado Juzíñamuína ióbitade. Iemona ómoimo riire cue ciegabe ómoína fiení finóñede. ¹⁰ Mei uafue, Juzíñamui ióbilla ñue cai ocuíoiga zúucaillafuiai cai comece ífue ñúefueña méidotade. Iemo afe ñúefueña méiduado jilloiticaí. Mei íadi bíniemo ite íñoñedino zúucaillafue íaíoína ana tíllinomo úite. ¹¹ Omoimo comuide zúucaillafue ñue omoi ocuillari Juzíñamui ióbide. ¡Iemo biruí omoi cigimo ñue comuídifuiaimo omoi éroi! Afe zúucaillafue nauí ómoimo ite fiénidífueño riire ómoína ñue comécitade. Iemo afe zuufue omoi finoca fiénidífueña jino uáfodo llotátate. Daje izói afe zuufue dani ómoína rícaítade; íemo ómoína jacíruitade. Afe méifomo iere cuena cióacadiomoi. Afe llezica omoi cigiri ite fiení finódimièna duere finótaiacadiomoi. Nana bífuiaimo omoi nífueninana jino ñue ciótatiomoi. ¹² Mei daí afe orécabe cue cuiá llezica afe fiení finódimiemo figo comécíñedicue. Daje izói duere zefuídimiemo figo comécíñedicue. Mei jiáifodo ñue omoi illífueño comécidicue, cuemo omoi comece ñue fáiana, Juzíñamui eróicana, omoi onóillena. Ie jira afebe ómoimo cueticue. ¹³ Iemona bífuiaido cuemo caimare dúecaídimoi.

Mei íadi omoi cuemo dúecailla baímo Tito iere caimare íllari jamánomo ióbidicue. Mei nana omoi afémie ñue uái íllena íena canódimoiiza. ¹⁴ Nauí omoi dibénedo Títomo cue úrilla uai meáiruiñeno jaca ñue cuemo baite. Omoiri abi cue ínuana afémiemo lloticue. Ja biruí, nana ómoína cue daina uai uáfueña jailla izói, afe izói omoiri Títona cue daina uai uáfueña jaide. Iemona nauí afémiena cue daina uai táinomo omoi fáíñitañenari iere ióbidicue. ¹⁵ Ja biruí Tito ómoína iere izíruite, mei nana ómoimo ie dáinado cue ocuífufuiai jeire omoi úamo afémie caimare uibíoideza. Daje izói jacíruioicana caimare ie omoi llínuamo nai comécioide. ¹⁶ Iemona ómoína jaícina ñue cue ínuári ióbidicue.

8

Jeruíneno fecáredicaí

¹ Amatiai, biruí Macedonia éniemo ite Juzíñamui jaináidinomo afémie dúecaífirenamona íaíoí jeruíneno diga raa fecáfirenafue ómoimo llóiacadicue. ² Mei íaíoimo comuide féiredífuiái iere íaíoína jacire facátate íadi, caimare itíaíoí. Daje izói iere duérediaíoí íadi, ráaredino izói raana jeruíneno fecáfirediaíoí. ³ Mei dani íaíoí comece ñue jítaina izói nana íaíoimo ite diezé jeruíneno fecádiaíoí, íemo afe íaíoí írede úcube baímo nane fecáfirediaíoí. Aféfueño uaina nabáidicue. ⁴ Bie Macedonia imaci Judéamo ite ámatiai íaíoí canóllena cuemo izire jicádiaíoí. ⁵ Íaíoimo comece cue faca baímo fecáfirediaíoí; mei fueñe Juzíñamui comece jítaina izói, “Juzíñamui ocuilla raire fñoiticaí,” dainano afémiemo ñue ínotiaíoí. Afe mei daje izói “O ocuilla raire fñoiticaí,” cuena daídíaíoí. ⁶ Afémaci daí daina jira, Títomo izire jicádicue, afémie nauí omoi cigiri taineca omoi jeruíneno fecaca úcube iráíafue biruí ñue ícoimo fuitállena. ⁷ Mei nágafuiai

dibénemo iere ñue finódiomoi: ñnogafue dibénemo jamánomoidiomoi. Iemo ñue llófuiana jamánomo baitádinodiomoi, naa ifoci úrillafuiari. Daje izói ráiraieño locirenafue dibénemo jamánomoidiomoi, naa cuena omoi izíruillafueri. Daií omoi illamona, mai bie jeruñeno raana fécafue dibénemo daje izói jamánomoidinona omoi iri.

⁸ Bie fécafueña ómoína finótañedicue. Daa jáímaci raire raana fecáfirenafueña omoi onótaacadícue, áfena omoi fidínamona íaioi feca dieze raire omoi fecállena. Afe daií raire omoi fecácanado omoi izíruillafueña jáí uáfueña dáitiomoi. ⁹ Mei cai Ocuíraima Jesucristo caimo dúecaillana ñue onódiomoiza. Afémie fueñe monamo illa llezica bínie comíni ráanaila baímo jamánomo ráaredimie. Mei íadi biniemo bíllamo caina izíruillano dama abína dúeredimiena finode, ie dúerenado Juzíñamui dibénemo caina jamánomo cai ráanaitallena. Mei uáfueña, naui Cristo monamo illa izói, afémie caina itátaiacade.

¹⁰ Bie jáímacimo fecáfirenafue dibénemo omoi ñue íllena, cue comécimo ite cue fácaja ñuera uai llóiticue. Naui jaide fimónamona nai biruimo afe jeruñeno fécafueña ñue tainédiomoi. Daa due jiza fécaítino izói, tainéñediomoi, mei jáífodo locire caimare fecáfirediomoi. ¹¹ Jira benómona mai ñue ícoímo omoi fuitari. Nano fueñe omoi táinia llezica, omoi locire caimare fecáfirena izói, afe izói áfena ñue ícoímo fuitari. Omoímo ite dieze, jeruñeno fecáfireiri. ¹² Dámie uáfueña Juzíñamuimo fecácania, afémie Juzíñamuimo fecaca raa Juzíñamui caimare llínoite. Mei uáfueña comínimo ite dieze Juzíñamui caimare llínofiredeza. Afe baímo cómemo íñédena afémie táinona jicáñede.

¹³ Jáímaci omoi canófirenado ómoína dúeredinona finóacañedicue. ¹⁴ Mei jáífodo illa dígazie dájerize omoi ráareri, daídícue. Jáíziena jamánomo baímo ráareri, daiñedicue. Birui íaioi jitailla raana omoi ñue fecárediomoi. Iemo uire omoi jitaílliruimo omoi jitaílle raana afémaci ómoímo fecárediaioi. Afe bie izóidemoná afémaci naa ómoíri jaícina dájerize ráareitiomoi. ¹⁵ Jaiái afe monámona Juzíñamui oreca maná daina pan izóidena dibénedo Juzíñamui cegóuái daje izói daií dáideza: “Aillo ofítatimie mo minícana fiébiñede. Iemo figo ofítañedimie mo ie jitaica raana íñede.” Iemona nana dájerize ráareitiomoiza.

Tito naa ie nabáñiari

¹⁶ Ja jáínodo Juzíñamuina “Figora” daiífredícue. Mei omoi ñue íllena ómoímo cue comeci úina izói, afe izói Juzíñamui Tito comécina ómoímo jóonetadeza. ¹⁷ Afémie mo cue jóonenocaigana afémie ñue jíeruite. Iemo dama ie comeci ómoímo járitáfirenamona, ja birui dama ie comeci jítainado omoi eróizaide.

¹⁸ Tito diga daa ñue mámecina jica jalléidimiena orédícue. Nana gairífirede Juzíñamuimo jaináidinodo ie mámece jica jalleide. Jíllona uaimo afémie iere ñue tájinado ie mámece jica jalleide. ¹⁹ Daa bífueñedeza, mei jáífodo Juzíñamuimo jaináidino afe bie cai ama nizédiaioi cue diga jáillena. Daje izói cue canóllena afe ñue ñnotimiena nizédiaioi. Afe jáímacimo omoi dúecaille úcube cue fecálle mo afémie cuena cánoite. Cai Ocuíraimamo ñuera uai nitállena bie izói finódicue. Daje izói iemo jáí omoi locire comínina canócanana ácatallena, bie izói mamédícue. ²⁰ Bie úcube cue iráiamo buna fieni úriñeíllena bie izói finódicue. ²¹ Bie izói ñue jaícina uáfodo

canóacadicue, Juzíñamui eróicana ñue cue íllena. Dama Juzíñamui eróicana daí íñedicueza, daje izóí jíái comíni eróicana daí íticue.

²² Afe íaillinoído jíáie cai izóí íñnote ámatiaimona dáamie orédicai. Afémie íocire ie mamérrillana diga jíáifuiáido ácatate. Iemo birui ómoimo iere ñue ie íñnuado, ie íocire mamérrillana jamánomo jino ácatate. ²³ Daa come “¿Mei bu Títona?” daííadi, “Jadíe omoí cue cánuamo cue nabáífredimie,” omoí daííri. Iemo afe Títodo jaide íaillinoímo comíni jícanoíadi, “Crístomo jaináidinomona orécaiaillinoí,” omoí daííri. Afe llezica “Bie come íaillinoí ñúefue Crístomo nitáfrediaillinoí,” omoí daííri. ²⁴ Iemona bie oreca íaioímo, uáfueña íaioína omoí izíruifirenana ñue íaioímo ácatari, nana Juzíñamuimo jaináidino onóilleza. Afe izóí bie orécamaci ñue omoí llíñnuado, ómoído abí cue íñnuana, uafue daíítaitioímo.

9

Amatiai íena úcube iráica

¹ Juzíñamuimo íñnotino, cai ámatiai izóidino íaioíena úcube iráia dibenedo, ómoímo uáfueña cúenidicue, ² mei omoí fecállena raire mamérrifirenana ñue onódicueza. Omoí Acaya énie imácidiomoí. Nauide fimónamona omoí fecalle raamo raire mamérrifirenana Macedonia énie comínimo jaca caimare llófredicue. Macedonia comínimona nabézie, omoí íocire mamérrillana fidíllamona comécido náicaidiaioí. ³ Mei íadi bie úcube iráia dibenedo ómoído cue lloga ñúefue táinomo fáíñeíllena, bie cai ámatiai ómoímo orédicue. Daíí íaioína uícodo orédicue, nauí cue daína izóí áfemo ñue omoí finóbillaena. ⁴ Macedonia imácimona dárie cuedo jaia, nai omoí finóbiñenana baizájillena gáíñedicue. Daíí omoí íllana íaioí baizájadi, afe cuena meáidaitade, mei áfedo nano uícodo omoí ñue cue íñnuana táinomo fáíñitaitioímo. Iemo jíái afémaci daíí omoí íllana cíocaizaíbiadi daje izóí dani ómoína meáidaitate. ⁵ Afe bie mono nano uícodo ómoímo bie cai ámatiai cue orelle iere jítaíredeza, daíí comeci facádicue. Iemo daje izóí afémaci nauí uícodo omoí mameca aillo úcube iráiana ñue ícoímo fúitana cánoítiaioí. Bimaci omoí cánuamona afe úcube iráiana fúitano, afe úcube caimare omoí fecállemo ñue finóbítiomoí. Iemona afe omoí fecalle cue riire ocuínidicue. Dani omoí comeci ñue jítainana ácataitioímo.

⁶ Ja cue llolífuemo omoí uibíoíri. Due ritímie jaca due jofo ote. Iemo daje izóí aillo ritímie aillo jofo ote. ⁷ Ie jira illa dígamie ie comeci caimare mamérrilla izóí ie úcube írede. Jeruíllano éoinamona fecánide. Daje izóí jíáima ocuíoíllamona ínide. Mei Juzíñamui caimare fecáfredimiena izíruíteza. ⁸ Cai Moo Juzíñamuimo nana jíáifoide omoí cáimacaitade ráaniai iere aillo íteza, facádoñeno jamánomo ómoímo fecárede. Daíí nana dani omoí jítaica ráaniaina ómoímo nágarui íñreite. Mei íadi dani ómoíeñedeza, mei jíáifodo ómoímo aillo íte ráamona, nana jíáiforiede raado jíáímacina jeruíñoeno canóredíomoí. ⁹ Juzíñamui Cuegáuai bie izóí daide: Dúredinomo afémie jeruíñoeno aillo fecade.

Comínimo afémie ñue finócano jaca are iite.

¹⁰ Iemo afe daade Juzíñamui omoí ríllena jíáie ríamo llízítano ómoímo fecáfirede. Daje izóí afe riga zícua mona, Juzíñamui áfemona omoí güille raana comuítano ómoímo fecáfirede. Iemona nana omoí jítailla ríllena afémie ómoímo fécaite; íemo dáanomo omoí rigánuaína jamánomo aítátaite; áíllamona jamánomo aillo óítioímoí. Daíí omoí jamánomo óllemona jíáímaci

canolle raa diga icaíño ómoimo íteza. ¹¹ Afemona diga jiáiforiedena ráareitiomoi, jiáimacimo jeruíñeno aillo omoi fecáfireillena. Iemo cue uire omoi orelle úcube cue izájillamona jiáie cai ámatiaina Juzíñamuina “Iere figura” daíitate. ¹² Mei jira afe bie cánua Jerusalem ite cai ámatiaimo cai feca llezica, daa íaiói jitaica ráaniai íaióimo fecáñedicaiza, mei íadi afémacina Juzíñamuina “Iere figura” daítaticai. ¹³ Iemona dani afémaci Juzíñamuido ñue úritiaíoi, mei bie cánua Cristo ñuera uaina omoi jíeruillana íaióimo jino ácatate. Daje izói afémacimo íemo naa jiáimacimo jeruíñeno aillo omoi fécajana íaiói ciónamona, Juzíñamuimo ñuera uaina jóoneitiaíoi. ¹⁴ Iemona ómoína iere duéruillano, afémaci afe íbana ómoína Juzíñamuimo jícaitiaíoi. Juzíñamui ómoído jino cíotaga aillo dúecaifrenamona afémaci ómoído Juzíñamuimo úrífirreitiaíoi. ¹⁵ Ie jira Juzíñamui afe caimo lloga áillo dúecaifrenana jamánomo ñuénamona, fia iga raa izóideza, áfena jino uaido jaícina llónidicaiza. Afe caimo dúecaifrenari Juzíñamuina “Iere figura” mai cai daíilli.

10

Cristo orécamiéna íllamona Pablo ocuilla ríino ite

¹ Cue Páblodicue. Cristo caimo dúecaifredeza, íemo jiái afémie iere cáimamieza cue daje izói izire ómoimo jícaíticue. Ómoimo riire cue úrizaibiñeillena ja birui jicádicue. Dáarie cuena uáitatino bie izói cue dibénedo daífirediaíoi: “Pablo omoi cígiri illa llezica afémie iere comécina mánaidimie, mei íadi afémie jica jiáinomo illa llezica afémie abido riire ocuáimiena dóbaicaide,” daidíaíoi. ² Mei jiáifodo, omoi cue eróizabilla llezica, riírede uaina ómoimo cue úrizaibiñeillena izire jicádicue. Mei ómoimona dáarie cuemo fiénide uai jítdino ite. Afe íaiói jítaca uai bie izói joide: “Nana ie finócana daa bínie comini jítaina izói finoca,” daí daidíaíoi. Iemona afémaci cue úritaja, riírede uáillaído íaióimo úriredicue. Mei íadi afe izói cuena úritaño iri. ³ Mei uáfueza, ua cómedicue, mei íadi bínie comini fuirífirrena izói fuiríñedicue. ⁴ Fiénidífuiaí oni cue caitalle raa, bínie comini fuirilla raa izóiñede. Mei jiáifodo cue fuirilla raa Juzíñamui ríinona ríinorede, abí ríidollena riire finócacuai izóidena cue táinocaitallena. ⁵ Mei áfedo cuemo fiéni jítcana oni caitádicue; daje izói cuena íaiói cáitajana oni féitadícue. Nana uáitaiacadino íaiói abí ínuano jiáimaci Juzíñamuina raire onóñeillena jízitafirediaíoi. Ie jira nana íaiói comeci faca uaillaí Cristo anamo itátaiticue, afe Crístona íaiói comeci jíeruillena. ⁶ Cue llógana omoi jíeruilla ñue ícoimo dúcille llezica, nana jiáie uáitafredinona duere fínoíticue, íaiói jíeruíñena ícoína.

⁷ Daa jínofene cioide ráaniaimo eróidiomoi; uáfueza, náinidimiena cue eróinamo eróidiomoi. Nínó dámie “Uáfueza cue bie Cristo íédicue,” daííadi, bífueimo afémie uíbcaitarede: Cristo íena ie illa izói, daje izói cue Cristo íédicue. ⁸ Mei diga icaíño, cuemo ite ríinodo cue llóiaídi nai áferi méaidaiñeíticue. Mei cai Ocuíraíma afe ríino cuemo jónete, áfedo Juzíñamui dibénemo ñue omoi cue móonaitallena. Ómoi níné cue táinocaitallena cuemo íñega. ⁹ Fia rabedo ómoína jácidotimie izói íacañedicue. ¹⁰ Dárie cue cuezábiaído daidíaíoi: “Jamánomo riire ocuífirre; mei íadi afémie comini eróicana úrilla llezica, afémie ríimieñede. Afe llezica ie úrilla uaina iere jáimairiirede,” daidíaíoi. ¹¹ Afe izói úritimie bie izói onótarede: Jicana rabedo riire cue úrilla izói, afe izói

omoi cígiri cue ille llezica riire úriticue. Nane afe dáaruído afémacina riire ócuiticue.

¹² Afémacimona dáarie dani íaioiena ñue caimare úritiaioi. Táinomo abi ínuado úritiaioi. Afémaci illa izói jaca mamériñedicue. Dani táinomo íaioi comécillado conímamo comécidiaioi. Ñuera come daiíllena dani conímamo facádiaioi. Daií fácajamona abina onóñedimacina jáidiaioi. ¹³ Cuemo dúíñede raado abina íñoñeiticue, uai cue llócaillena mózizaillinona llotímie, Juzíñamui. Afémie ñuera uaillaí cue llócaillena omoi illánomo cuena dúcitae. Uáfueza Corinto dinomo cuena jáitate. ¹⁴ Ie jira cuemo dúide táijinafue baimo jáíñedicue. Mei nauí Cristo ñúefue fueñe ómoímo jino dénuabiticueza. Iemona afe omoi cígiri cue táijille cuemo dúide. Nano fueñe lluaíbiñedicuena afe táijille cuemo dúíñede; mei íadi daiítañede. ¹⁵ Jáíimaci táijinana cúeiena abimo maiñóñedicue. Afedo abina íñoñedicue. Mei jáíifodo Juzíñamuimo omoi ínogafue ñue mónaille dinori, omoi cígiri jamánomo cue táijillemo ocuúridicue. Mei íadi cuemo dúide táijinafuedo táijifireiticue. ¹⁶ Iemona afe méifomo omoi illa batífenemo jica itínomo jíllona uai lluaíjiredicue. Mei íadi afe llezica jáíama taineca táijinamo táijíñeiticue, ie táijinado abí cue íñoñeillena.

¹⁷ Mei jáíifodo daa come abí ínoiacania, cai Ocuíraimado abí ínoiteza. ¹⁸ Dama ie abido ñue úritimie, ñuera come daiífirenamiena jáíñeite; mei jáíifodo daa Juzíñamui ñue úrillamie, ñuera come dainámiena jaille.

11

Cristo óreñega taino llotino Pablo diga

¹ Abina onóñedimie izói due jiza úriticueza. Raire cue uai oñeno fíaicana cue úrillamo ómoína cacáretaacadicue. Mai fíaicana abí cue ínuamo omoi cácarei. ² Omoína jere uríoifiredicue. Afe omoi cue uríoilla Juzíñamuimona comuide. Dámie ie áireiacania jétañega jitaingo óllena jica ía mámano jicánote. Afe jicánogango daa afémiemo iníreirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómoiri iere uríoídícue. ³ Mei comíni nánoidingo Evana jaio bífuiano jífuaia izói, afe izói jáíimaci ómoína bífuiana jacíruiticue. Afemona figo abí omoi ráiruiñenia jífuefitiomoi. Iemona Crístomo ñuera comécido omoi comécillana oni jáíifodo féitaitiaioi. Daje izói Crístona nahí omoi izíruillana féitaitiaioi. Afena jacíruiticue. ⁴ Cue llócaiga Jesús izóiñedimiena ómoímo llotíai. Afemo fíaicana caimare ñue cacáreidiomoi. Afemo níbaí omoi ínnollena jacíruiticue. Iemo nauí ómoímo cue lloga o maiñoca Ñuera Joreño izóiñedena jáífoide joreñona abimo maiñódiomoi. Iemo jáíi uícodo cúemona omoi cacana ua jíllona uai izóiñedena jáífoide uai jeire otíomoi. ⁵ Birui baie omoi cígido jáíillamaci “Cai bie Cristo orécamaci baimo ñuemacidicai,” daidiaioi. Mei íadi afémaci jofófenemo ráíñedimiedicue, daií comécioídícue. Iemona ¿nibaí mei cuemo cacáreñeitiomoi? ⁶ Mei níbaí cue úrilla uai figo jínóñeniadi, nai cue onoi ga rafue jino llúana dibénedo iere baitádimiedicue. Nana ómoímo cue llócaillado afe bie cue onóigafuaina jaca nágarui jino ómoímo ácatafiredicue.

⁷ Jíllona uai ómoímo raiñóñeno cue llúado, omoi anamo cue abina itátaticue. Daií iticue cue baimo ñúefuedo omoi jalléillena. Daií cue illa

¿Nibai fiénide? Daiítañede. ⁸ Jiáie Juziñamuimo jaináidino omoi cue canolle úcube ibádiaioi. Omoi cígiri cue íllena afe úcube cue llínua afémacimona cue bairoca izoide. ⁹ Omoi cígiri cue illa llezica, cue jitaica raana ite. Mei íadi áfena jaca ómoimona raiñoñedicue. Aféruillaído Macedóniamona bite cai ámatiai, cuemo iñede raana fecádiaioi. Afe daií cue abina rairuídícue, omoi cígimo nana cue finócafuiai ómoimo juare zúñeillena. Iemo nauí cue illa izói, afe izói omoi cígiri jaca daií ífreiticue. ¹⁰ Cristo ñúefue ua cue onona izói, afe izói nane jiáifuena ua onódicue. Afefue bie izói daide: Nana Acaya éniédo raiñoñeno tájifireiticue. Afe cue tájina cue raiñoñenari cáimacaiticue. Iemo afe cuemo ite cáimafue buna cüemona báiroñeite. Afena uáfodo onódicueza. ¹¹ ¿Nibái mei daií úriticue? ¿Nibai ómoína cue gáñenado daií úriticue? ¡Ieñede! Omoína iere cue gáinana Juziñamui ñue onode. ¹² Mei íadi jaca cue finua izói finócaiticue, cuena uáitatino abí ñnotañeillena. Jaca ómoimo raiñoñeno tájifireiticue, baie abí ñnotino íaioi abí ñnua raa cue bairóllena. Afémaci úcubena ómoimona izire jicáfirediaioi Cristo ua orécamiéna cue illa izói íaioi íllena. Mei úcube íaioi ófrenamo ñnotiaioiza, áfede “Cristo orécanodicaí” daiíllena. Ie jira afe íaioi ñnoga uai oni caitáacadícue. Iemona jaca raiñoñeno ómoína canófireiticue. ¹³ Baie afémaci Cristo óreñega iere taino llotino. Daje izói afémaci jiámacina jífuefiredino. Iemo jiái afémaci come jifeia jiáifo eroína izói, Cristo orécamacina comínina íaioimo comécitaacadiaioi. ¹⁴ Afe bie jiáfodo afémaci eróinafue cáimona jánaiñede, mei dama Taife egáñnote Juziñamui abí ímiéna eróillena méidoficaideza. ¹⁵ Ie jira, Taifemo tájitagano ie méidoficailla izói méidoficaifrediaioi; afe jiáifoide raa ízoíñede. Iemona jifeide come eroína izói bimaci ñue ite comínina eróillena abina jiáfodo méidotiaioi. Mei íadi íaioi finócaiga fiénidífue dúna dieze afémaci táinocaitiaioi.

Cristo orécamiéna ie íllamona Pablo duere zefuide

¹⁶ Nane dáanomo ómoína dáitícue: Bie jabo abí cue ínuamona cue úrillamona bu cuena “Uáiritaidimiedio” daiíñeno iri. Mei íadi daa come daií comécido daiíadi, dama uáiritaidimie izói úriticueza fia omoi eroiri, áfede jabo abí cue ñnollena. ¹⁷ Afe bie abí cue ñnua uaina, cai Ocuíraimamo ite ríinodo cuena daií daiítañede. Mei jiáfodo dama uáiritaidimie izói úriticueza. ¹⁸ Mei dani íaioi daína ñuera uaido abí ñnotinuiái aillo íteza; afe íaioi taino abí ñnuana izói, afe izói abí ñnoiticue. ¹⁹ Omoi zánuaño dáitícue, omoi jamánomo baitádinodiomoiza, mai uáiritaidimie izói cue úrillamo caimare fíaicana omoi cácarei. ²⁰ Mei ómoína baie riire tájitatínona caimare fíaicana cacáreidiomoi. Iemo jiái ómoimo ite raana báiruaibitino uaimo caimare fíaicana cacáreidiomoi. Iemo jiái ómoína náamataibitino uaimo fíaicana caimare cacáreidiomoi. Iemo jiái omoi jámairuitinomo caimare cacáreifrediomoi. Iemo omoi uiécona fatade izóidino, afe ñií ómoína fiéni úritinomo fíaicana caimare cacáreidiomoi. ²¹ Bie izói cue daína cuena meáruitade, mei íadi dama cue jámairuillado dáitícue, cue bie afémaci finua izói, cue finóllena figo ríinidicue.

Mei íadi aillo jiáie comini jacíruiñeno daiífiréna izói, cue jiái jacíruiñeno dáitícue, mei íadi áfede uáiritaidimie izói úriticue. ²² ¿Meita afémaci hebreo imaci? Cue jiái daje izóidicue. ¿Meita afémaci Israel nairai iédiaioi?

Cue jíái daje izóidicue. ¿Meita afémaci Abrahámona comuídino? Cue jíái afémaci izóidicue. ²³ ¿Meita afémaci Cristo táijitagano? Cue bie afémaci baimo Cristo ocuícamedicue. (Bie izói cue dáinado uáiritaidimie izói úriticue.) Cue bie afémaci baimo jamánomo táijidicue. Cue bie afémaci baimo zéchedogacue. Daje izói afémaci baimo llavécacue. Iemo diga ícaíño titáacagacue. ²⁴ Cinco dígacaiño judío nairai duere cue fínua llezica, cuena zechénotadiaoioi. Nágarui duere cue íaioi fínua dáruido treinta y nueve dígacaiño cuena zechénotiaoioi. ²⁵ Iemo dacaiñoámani cuena ragüízido fatíaoioi. Iemo dácaíño nofíciaina cuena níjidiaoioi. Iemo dacaiñoámani cue jailla áillue nocáe buide. Iemo dácaíño cai buíllamona daa naio daa mona diga afórede monaillai cígimo iticue. ²⁶ Dáanori uái iñeno iere macáfiredicue. Iemo diga imani jacíredínuaímo iticue, íemo jacírede merírifiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jíái monáillaimo jaci cácadicue. Iemo jíái taino ámatiaí cígimo jaci cácadicue. ²⁷ Daje izói juárede táijinamo iticue naa féiredifuiái. Diga ícaíño mona naio diga iníñeno táijidicue. Daje izói iere juí cácadicue, íemo jíái jainoi iñénari duere zefuídicue. Diga ícaíño Juzíñamuimo comeci fácano güíñeno jáicadicue. Daje izói róllie mo duere zefuídicue. Daje izói incuíronino jáicadicue.

²⁸ Nane bífuiái baimo jíáifuiái cuemo comuide. Nágaruillaído náganuaímo ite Juzíñamuimo jaináidinomo cue comeci úicaide. Iaoína abíoidicue izói duere zefuídicue. ²⁹ Iemona daa come figo Juzíñamuimo ie íinoñenamona duere zefuíaí, afe cuena duere zefuítate. Daje izói dámie íaífuemo comeci nine féiacaniadi, cue comeci niné féizailla izoide. Iemona afe cuena meáidaitade; daje izói cuena ríicaitade. ³⁰ Mei afémaci táinodo cuena abí ínotaadi bie izói dáititue: Cue mairíñenana jino ácatate raado ñue cue úrillena baimo gáidicue. ³¹ Cai Moo Juzíñamui bie cue dáina ua uaina onode. Afémie cai Ocuíraíma Jesucristo Moo; íemo jíái afémie jaca ninomo íobioitaregaza. ³² Nauí Damáscómo cue illa llezica afe nairai jabóidillaíma naga nazemo úíñorainina jóonete, llaitada cue llavéllena. Afe nairai nahíllaíma Areta mámeciredimie. ³³ Mei íadi jíáie Juzíñamuimo ínotino, eróirafomona cirígaido cuena ana agüínetiaoioi; mei afe jofue onífene cirínua raa caífo jicado íteza. Daí afémacimona botada jíllodicue.

12

Juzíñamui Páblomo nicaí anado ua ráfuedo úrite

¹ Dámie dama abído caímare úria minícana oñede. Ie úrilla jíáie raamo ráíñede. Afefue ñue onódicue ía, cai Ocuíraíma nicaí anado cuemo ácataga raa jino llóredicue. Afe llezica úicodo nai buna ónoñegafuiái cuemo llote. ² Afe cuemo ácataruimona ja catorce fimona jaide. Aféruimo Crístomo cue jaináinamona caífo tercera monamo Jesucristo illámonamo uigacue. Onóñegaza níbai caana abído uigacue, níbai íeízinino uigacue. Afe dama Juzíñamui onoiga. ³ Cue úinaruimo níbai abí diga uigacue, níbai daa cue joreño úina, áfena onóñedicueza; dama Juzíñamui onoiga. ⁴ Juzíñamuimo ínote tíidino jáillinomo uigacue. Aféno mo Juzíñamuimona

dama cuemo duide ebírede uáillaina cacádícue; afe uáillaído Juzíñamui rairuídeza birui úrinidícue. ⁵ Afe cuemo ácataga raado abina ñnoredícue, mei íadí áfedo abina ñnoñeítícue. Dama cue abina ñnoñeítícue. Mei jíáífodo cue mairíñenado ñue cue úrillaena iere gáidícue. ⁶ Mei dama abído cue úriacaniadi, afe abina onóñeno úrilla izoíñede, mei jaícina uáfueña úritícue. Mei íadí áfedo úriñeítícue, mei cue ciona izoí comini cuemo comécillena jítaídícueza. Afe izoí cúemona íaioi cacana izoí áfeze cuemo íaioi comécillena jítaídícue. Afe baímo aillo jíáíforie cuemo íaioi comécillena jítaíñedícue.

⁷ Afe cuemo jino onótaga raa iere jamánomo ebire cioide. Ie jira áfedo jamánomo abina cue ñnoñeillena, duere zefuítagacue. Afe duere cue zéfuilla come abímo eedo llúina izoide. Afe eedo, Taífe come izi cácatate raa izoí, cuena duere finuaíbite. ⁸ Bie duere cue zefuilla raa cai Ocuíraíma oni oréllena dacaiñoámani íemo jícadícue. ⁹ Mei íadí cai Ocuíraíma cuena daíde: Cuemo ite o cue cámadofirena nana omo comuide duere zefuilla o ocuillena ñue cánoite. Mei daa come náinina llezica, cuemo ite ñuera ríino afémiedo ñue jino ácatarede,” daíde. Ie jira cuena náinitade raari ióbídícue, afe daí Crístomo ite ríino cuedo jino ácatallena. ¹⁰ Mei jira cue náininari ióbídícue, íemo comini cuena báíñuari ióbídícue. Daje izoí raana cue jítaíllari ióbídícue. Afe izoí cue duere íaioi finóacanari ióbídícue. Iemo Cristo ícoínia féiredifuíai cuemo comuíllari ióbídícue. Mei jamánomo íaioi cuena uáitaacana llezica, afe llezica Juzíñamui cue cánuado comécina jamánomo íociredimiena jíadícueza.

Coríntomo ite Juzíñamui jaináidinomo Pablo comeci úicafírede

¹¹ Dama cue abi ífuedo cue úricaillamona uáiritaidimiena jáidícue; mei íadí daí cue úrillaena cuena ocuíoide izoí itíomoi. Mei daní omoi ja birui cuedo ñue úriredíomoi; mei ráííñedícue ia, omoi cígído jaide Cristo óreñega jamánomoidino jofófenemo ráííñedícueza. ¹² Naui omoi cígído járitaiñeno íaicana tájídícue. Afe cue tájícaíllaruimo jíáiena onótate raana finódícue naa cíórainina ráaniaíri. Afe dáaruido ebire cáimacaitate ráaniaína finódícue, nana bífuíaido Cristo ua orécamedícue daíllena. ¹³ Jáíe Jesumo jaináidino cígiri cue illa llezica, cue jitaica raana raiñódícue; mei íadí omoi cígiri afe izoí íñedícue. Daa bífuedo jíáie íinotino jofófenemo ómoímo comécídícue. Afe ómoímo cue raiñóñena dibénedo ómoímo fieni cacáiadi áfemona meine caimare cue uáidori.

¹⁴ Ja birui dacaiñoámani omoi cue eróizabíllena finóbídícue. Iemo omoi cígímo cue íllena ómoímo juare fñoñeítícue; mei ómoímo ite úcube cúeiena máíñuaíbíñeítícueza. Mei jíáífodo daní omoi Juzíñamui ñue jaináitallena bíítícue. Mei uafue, éicomini úruíai íena úcubena ofítarena. Uruíai íe moo íena ofítanide. ¹⁵ Omoi comeci ñue íllena dama cuemo ite díga caimare fúitaitícue. Daje izoí ómoíri cuemo ite máiriena jeruíñeno fúitaitícue. Omoína jamánomo cue izíruiadi ¿afe íbana meita omoi jofófenemo cuena izíruredíomoi? Daítañede mei íadí birui afe izoí ómoímona dáarie cuena daí finódiaioi.

¹⁶ Nana ómoína cue llótaiđuabíñedícue. Afena ñue faíríotíomoi; mei íadí afe méífomo dámerie jíáífodo daídíaioi: “Irebaimo jíita izoí caina bífuiano úcube ote,” daídíaioi. ¹⁷ Naui ómoímo cue orécamacímona, ¿meita cuemo izájíllena dámie ómoína bífuiano úcube ote? ¡Oñede! ¹⁸ Omoi méíñuaillena Tito izire jícadícue. Afémiedo daa jíáie ama orédícue. ¿Meita

afe Tito úcube óllena ómoína jífuete? ¡Daiñañede! Tito, ie nabai, íemo cue, cue macáfírena izóí, daje izóí nana macádicaí, ¿ero ua? Dájena ñue comeciillado táijífredicaíza, ¿ero ua?

¹⁹ “Caído abi ríidotio,” nibai caina comécido daidíomoi. Mei íadi afe izóí jóíñede. Mei jíáfodo Juzíñamui eróicana Crísto mo jaináitagamie izóí úriticaí. Mei cue izíruiga ámatiaidíomoi, nana bie izóí cue daina omoi comeci Juzíñamui dibénedo ñue móonaillena lloticue. ²⁰ Mei omoi diné cue bille llezica cue comeci óiacana izóí iñédiomoi cue cóizaibillena jacíruiticue. Iemo afe ibana omoi comeci óiacana izóí iñédicue cue omoi baizájillena jacíruiticue. Iemo dájena ñue omoi jaináñenamo jacíruiticue. Daje izóí omoi íradoifirenamo jacíruiticue; íemo jíáimana omoi ícífírenamo jacíruiticue. Iemo afe llezica jíáimana duéruíñeno dani abí omoi úicoficaillari jacíruiticue. Iemo jíáima uaita uai omoi llófírenari jacíruiticue. Iemo jíámaci jánari omoi úrífírenari jacíruiticue. Daje izóí fiéni abí omoi íñofírenari jacíruiticue. Iemo ocuícana náfueñédino izóí fiéni ebena omoi ífírenari jacíruiticue. ²¹ Iemo jíái uire omoi cue érozaiábille llezica omoi daí íllari cue Juzíñamui ómoído cuena meáidaitalleri jacíruiticue. Iemo afe llezica nibai aillo ómoíri cue éeíari jacíruiticue, mei jaiái nínómona diga fiénidífuiaí omoi fínuari éedicueza. Mei ómoímona aillo nai íaíoímo ite íaífuiaí féitañediaíoíza. Daje izóí íaíoímo ite jiruífúena fáicanocaiñediaíoí, íemo íaíoí comécina jíriíoide fiéni fínócaífuiaí oni nine féitañediaíoí.

13

Pablo íraicaiño íaíoí uáidua uai, íaíoímo llonódacaíga uai diga llote

¹ Nauí ménacaiño omoi méíñuaídícue. Ja biruí nane meine omoi méíñuaíbitícue. Onódiomoi, naga júfidoga rafue mena, nibai daámani uai nabáiraini daje izóí úriadi, afe júfidogafue ñue záide. ² Nauí méífodo omoi cue méíñuaíbillena llezica, nana nauí uícodo fiéni itínona duere cue finóllena llonódacaídícue. Biruí benó jica cue illa llezica daanommo nauí ómoína dama cue dánana llóitícue: “Uire nane omoi cue méíñuaíbia nauí uícodo fiéni itínona naa ómoíri dúecaíñeno duere fínoitícue,” daídícue. ³ Iemona omoi jenoca Crísto cuedo úrilla onótafírena raana ñue ónoitíomoi, mei áfena jenófíredíomoi. Ómoíri Crísto náinidímie izóíñedeza, afémie ríinorede, Crísto omoi diga jífánoñedeza, ríiredímieza. Omoina ñue rairuíoide. Omoi cígiri íemo ite ríino jino cíotate. ⁴ Uáfueza, Crísto náinidímie izóí cruzmo coraica, mei íadi biruí afémie Juzíñamui ríinodo caade. Afe daí Crísto náinina izóí dájena náinidícue, mei íadi dájena afémíemo caí jaináillado Juzíñamui ríinodo íitícue, omoi ñue cue finófíreillena. ⁵ Mai dani ñue abína omoi onoiri. Afemo, mai ñue comeci omoi facari, Juzíñamuimo ñue íñoga uai iere jeire omoi úana omoi onóíllena. Omoi comeci ífue facada ñue jóonefíreiri. Jesucrísto ómoíri íllamo ¿meita áfemo comécíñediomoi? Mei nibai jíáfodo jóide. ¿Meita táinona íñotíomoi? ¡Afe daí íñeíteza! ⁶ Mei uáfueza, caí bie táinona llotímieñedicue. Afemo ñue omoi comécíocaillemmo ocuírídícue. ⁷ Iemo afe llezica fiénidífue omoi fínoñeillena Juzíñamuimo jícáfíredícue. Daa ñúefue dibénemo omoi íllena jícádícue. Mei íadi ñue jaícina llófuefíredímie

cuena daiíllena jicáñedicue. Dámie “Jaícina lloñéδιο” dáiiadi áfena llóñeiticue. Ñúefuemo omoi ille comini cueri dáinana baimo ráifide. ⁸ Jaca ua uai jeire omoi oíadi úaitañeiticue; ómoína lletánidicue. Mei jiáifodo afe uaina nabáiredicue. ⁹ Ie jira ómoína cue lletáninamona náinina cue cíoiadi, áferi caimare ióbidicue, mei afe llezica omoi ñue comécina náirediomoiza. Iemo nífuenino ñue jaícina omoi íllena jaca jicáoifireiticue. ¹⁰ Nai omoi cue méiñuaibiñena llezica, bibe uícodo ómoimo cueticue, uire ómoimo cue bíadi omoi diga riire cue íñeillena. Uáfueza, omoi riire cue lletalle riino Juzíñamui cuemo iga. Mei íadi omoi cue táinocaitallena cuemo íñega. Mei jiáifodo Juzíñamui dibénemo omoi comeci ñue cue móonaitallena cuemo iga.

¹¹ Cue ámatiai, ñue ítíomoiza. Dani nífuenino jaícina omoi illínomo omoi coméciiri. Bie ómoimo cue lloga uai náfuiano, conímana omoi náicaitafireiri. Conímamo dájerize caimare omoi coméciifireiri. Daje izói jiái dájena ñue uái illífuemo omoi iri. Iemo cai uái illífue comúitate Juzíñamui omoi diga ífireite, íemo ómoína ie izíruifirenana ónoitiomoi. ¹² Caimare conímana omoi uáidori. ¹³ Nana benó ite dájena Juzíñamuimo íinote cai ámatiai ómoimo uai orédiaioi.

¹⁴ Ja birui cai Ocuíraima ómoína ñue fínoíteza. Daje izói Juzíñamui ómoína izíruifireíteza. Iemo Ñuera Joreño ómoína nabáioicaíteza. Daiítadeza. Jae níie.

GALACIA ENĒ IMACIMO SAN PABLO ORECABE

La Carta del Apóstol San Pablo a los Gálatas

Pablo, Galacia éniemo ite Juziñamui uaimo ñnofiredinomo cuete

¹ Cue Páblodicue. Juziñamui ñúefue llujállena orécamedicue. Dani comini cuena jóoniamona llujáñedicueza. Daje izói comini cue óriamona llujítagamieñedicue. Mei íadi dama Jesucristo llujítagamiedicue. Daje izói afe Jesús tíidinomona meine abido cáatate Moo Juziñamui llujítagamiedicue. ² Nana Galacia éniemo ite Juziñamui gairífiredimacimo bibe cueticue. Daje llezica nana cue diga ite ámatiai uai órediaioi. ³ Moo Juziñamui fecaca comécina uai illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri. ⁴ Mei afémie, cai fiénidifuiai dóllena, titállimiena dama ie abina izájide. Daií cai Moo Juziñamui jítaina izói, afémie ie abina izájide, bie fiénidiruillaimona oni cai jirecaltallena. ⁵ Juziñamui daií cai jíllotajamona, afémiena “Jamánomo cáimamedio” mai cai daiílli. ¡Afémie jaca daií íteza! ¡Mai!

Abí ñine cai jilloille uaina jaca ñede

⁶ Juziñamuina raire omoi zóofiailla uai, cuena fáigacaitade. Zóofiano, ja jiáie táinomona lloga jiáifodo joide fia daina jíllona uaimo íacadiomoi. Aferi fáigacaidicue. Mei Juziñamui, Cristo caina izíruillado omoi jilloillena, jae caimare ómoina uáidoteza. ⁷ Uáfueña dáiticue: abí ñiné jiáie jíllona uai jaca ñede. Mei íadi dáarie ómoina áifedotimaci, cai bie Crístimo ñnuamona cai jíllona uaina, jiáifodo feire méidoacadiaioi. ⁸ Mei íadi jiáie come afe cai jíllona uaina uáitajano, jiáifoidifue ómoimo llóyadi, mei dama Juziñamui afémiena fáidoiteza. Nibai dama cue daií jiáifodo llóyadi, Juziñamui faidóllicueza. Daje izói monámona biite Juziñamui abí ímie daií llóyadi, mei Juziñamui íena fáidoiteza. ⁹ Naui ómoimo cue llua izói, birui nane daje izói daidicue: Dinó omoi jiáifodo llófueacadino cáimona omoi cacana jíllonafuena afémaci uáitaiadi, mei afémaci Juziñamui faidólliaioiza.

¹⁰ Bie riire cue dáinado ¿mei nibai comini bífueticue cue íaioi cáimadollena? ¡Mei íeñede! Dama Juziñamuina íóbitaacadicue. ¿Mei nibai comini úicori fígomiena íacadicue? ¡Daje izói íeñede! Comini úicori fígomiena nai cue íacaiadi, mei Cristo táijítagamiena ínidicue.

Pablo Juziñamui ñúefuena llujítimiena jáillafue

¹¹ Mei ámatiaina ja maméidíomoiiza, ja bífuena nane omoi úibatitacue: Cue lloga jíllona uai comínimona comuñede. ¹² Daje izói aféuaina comínimona cacáñedicue. Ua áfena bu llófueñegacue. Mei jiáifodo aféuaina dama Jesucristo onótagacue.

¹³ Naui judíuai ñnogafuíaimo cue jainaina llezica, cue illáfueña jae onódiomoi. Aféruido Juziñamui gairífiredinona iere duere íaioi cue finóllena riire cue rácajana fidídiomoi. Daje izói nana íaioina niné cue táinocaitallinona onódiomoi. ¹⁴ Afe llezica, cue uzútiai ñainúauillaimo iere izire cue jaináiacanamona, judíuai ñnogafuemo baimo baitádimiena

jáidicue. Aféfuemo comécina iere fígomiēna jáidicue. Ua aillo cai judúuaimona, daane cue comuállagimamona baimo fibídimiēna jáidicue. ¹⁵ Mei íadi nai cue jócoñenia, Juzíñamui cuēna nizede. Daí níziano, iere cuēna ie izíruillamona, cuēna uáidote. Cue ie uáidua mei, ie óiacana izói, ie Jítōna cue onótate. ¹⁶ Ua, ie Jítōna cue onótate, afe Jitó cue onónamona Juzíñamui ñuera jílona uai judíoñedino cígimo cue llujállena. Daí Juzíñamui cue uáidotemo, bumo nífueña “Mai cue llofue” jicánoño, dama oní Arabia éniemo raire jáidicue. ¹⁷ Ua, Jerusalemo ite nano cue uícomo uáidoga Jesús ñúefue llujájitinomo úrizaiño, raire oní Arábiamo jáidicue. Diga irui dinomo cue illa mei, abído Damáscōmo biticue.

¹⁸ Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrillena. (Afémie jáífo mameina Cefas.) Aféruimo dama Pédrōna ñue onódicue. Quince dígarui ie diga nabáiricadicue. ¹⁹ Aféruillaído jáíe Jesús ñúefue llujájitimacimona dámie ciódicue; afémie Santiago, cai Ocuíraíma ama. ²⁰ Juzíñamui eróicana úriticue: Bie ómoímo cue cuega nahí uáfueza, daidicue.

²¹ Afe méfodo Siria éniemo naa Cilicia énie diga jáidicue. ²² Judea éniemo ite Crístomo gairífredino nai cue uícona onóñediaíoi. ²³ Dáafueña fidídiaíoi. Afefue bie izói daide: “Jaiái cai fállena cai racádmie, ja birui cai ínollifue llocana uite. Jaiái jáíruido aféfuēña afémie ñine táinocaitaacade.” ²⁴ Iemona cuēdo Juzíñamuimo ñúefue jóonetaíoi.

2

Jiáie Jesús orécamaci ja Pablo caimare uáidotiaíoi

¹ Catorce fimona fuilla mei, Bernabé diga meine Jerusalemo jáidicue. Afe dáaruido Tito uiticue. ² Juzíñamui cuēna daína izói dinomo jáidicue. Dino Jerusalemo Juzíñamuimo ínnotino ocuífiredē jalléidino dáarie ite. Iaióiri oní eneno fueñe dáanomo gairídicue. Dinomo judíoñedinomo cue llófirega jílona uai íaíoímo jino lloticue. Bie izói íaíoímo llujáidicue, nana cue llócaigafue táinomo fáíñiēllena; daje izói birui jino cue llogafue táinomo fáíñiēllena. ³ Aféruído cue nabai Títōna judúuai lloga uai izói, finóñediaíoi; afémie judíoñedino íadi, ie bacano ícoi quetátañediaíoi. ⁴ Afe llezica dáarie táinona llote ámatiai, báinino cai cígimo dúcidiaíoi. Afémaci Tito bacano ícoi quetáacadiaíoi. Afémaci cai cígimo uíñodoimaridiaíoi, rairuínino cai íllana onóillena. Mei ja birui Jesucrístomo cai jaináinamona, Moisés ocuica uáimona uáfodo jirénogacaíza. Afémaci nane abído áfemo caina izire rairuícāno izói finóacadiaíoi. ⁵ Mei íadi íaíoí llógana naado jeire onédicai, mei oní íaíoí táino llufuēmo abina uitátañedicaíza. Daí íaíoína jieruñedicaí, mei ua jílona uai jaca jeire omoi óllena, iere jitáidicaíza. ⁶ Mei íadi afe Jerusalemo ite ocuífiredē jalléidino comue jáífuēña cuemo lloñediaíoi. Afémaci jalléinafuēña figo náfuēñedicue, mei onódicueza: Juzíñamui, fia jinofe ífuēña ríire jicánoñede. Mei jáífodo afémie naga cómemo dájerize ñue jaícina jicánoite. ⁷ Ua, jáíe cómofueña cuemo lloño, dama cue llujáigafue ñue jieruitiaíoi. Ñuera jílona uai, judíoñedinomo cue llócaillena Juzíñamui cuemo jóoniana como fidídiaíoi. Afe uícomo daje ñuera jílona uai judúuaimo Pedro jino llócaillena fidídiaíoi. Afe táijina Juzíñamui Pédro mo jóonete. ⁸ Mei uáfueza, Pedro ória izói, cue jáí orécacue. Daje

Juzíñamui Pedro judíuiai cígimo oreca. Ie mei daje Juzíñamui judíoñedino cígimo cuena orede.

⁹ Aféruillaído Santiago, Pedro, Juan diga nanoide ocuídino. Bie ñuera táijinafue Juzíñamui cuemo jóoniana íaiói fidínamona, cócona Bernabé diga caimare uáidotiaíoi. Daií cócona finódiaíoi, ja nana dáamacidicai daiíllena. Iemo, afémaci judíuiai cígimo táijizailla llezica, coco jíái oni judíoñedino cígimo táijizairedicoco. Daií cócona daiírediaíoi. ¹⁰ Daa rafue cócomo jícadiaíoi: “Mai jaca féitañeno, duéredinomo comeci ómicói uíbifireiri,” daidíaíoi. Afefue cue finóllena jaca járitaifiredicue.

Antioquía jófuego Pablo Pédróna lletade

¹¹ Mei jíáiruido Pedro Antioquía jófuego dúcia mei, íemo erócana íena riire lletádicue, mei rairuíredifue ie fínua jira. ¹² Fueñe afémie judíoñedino diga güizájifirede. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abído güizáiñede. Iaióimona jirecaillano oni eneno ífirede; mei Jerusalémona bite bacano ícói quétafue llotínona Pedro jacíruiteza. ¹³ Afénomo Jesumo ínote jíáie judíuiai ite. Pedro oni eneno jáillana íaiói cíoilano, afémaci daje izói judíoñedino cígimona oni jirecaidiaíoi. Iirainomo jíái Bernabé íaiói fiénide oni jirecaillamona daje izói jirecaide. Afefue jíáimacina jífueoicaide. ¹⁴ Mei íadi, ñuera jíllona uai ua daina izói íaiói íñénana cue cíoilano, nana dáanomo gairídino erócana Pédróna daidicue:

—O judíodío, mei íadi benomo judíoñedino illa izói itio. Benomo judío illa izói íñédío. ¿Ñibái mei birui judíoñedínona judíuiai illa izói jóoneacadío? —dino Pédróna lletádicue.

Nana jíáie comini izói, judíuiai Crístomo íaiói ínogafuedo jíllorediaíoi

¹⁵ Cai bie jaca jocóinanomona judíuaidicai. Juzíñamui coméiifiredicai. Judíoñedino Juzíñamui coméina facáñediaíoi. Iemona fiénidifuaíredinona itaíoi. Cai afémaci izóiñedicai. ¹⁶ Mei íadi onódicaiza: Moisés ocuica uai iere ñéfinamona, buna Juzíñamui anamo ñue jáicina índe. Mei dama Jesucrístomo dánirie íaiói ínuado illa dígamie daií jáicina írede. Iemona judíoñedino izói, cai daje izói, Jesucrístomo ínoticai, afe íemo cai ínogafuedo Juzíñamui anamo ñue jáicina cai íllena. Uafue, Moisés ocuilla uai iere ñéfinamona buna ñue jáicina índe.

¹⁷ Birui cai judíuiai cígimona dámie Crístomo íe ínogafuedo Juzíñamui anamo ñue jáicina íacaniadi, bie izói daiírede: “Judíoñedino izói fiénidimiena íticue” daiírede. ¿Meita bífueмона “Cristo fiénidimacina caina itátate” daiírede? ¡Daiíñide! Mei Cristo jaca buna fiénidimiena itátañedeza. ¹⁸ Mei jíáifodo, nauí niné cue táinocaitaga Moisés ocuícáfue, meine abído jeire cue óiaciadi, ua cue fiénidena uáfori jíno cíotaiticue. (Mei afefue iere cue ñéfinamona Juzíñamui anamo ñue jáicina índicueza.)

¹⁹ Afe Moisés ocuícáfue ja cuemo dúíñede. Da afe uai jeire cue oñénamona cuena titade izói finode. Afe Moisés uaimo cue dúíñenamona, ja Juzíñamui dibénemo, tíllanomona meine cáadimie izói íticue. ²⁰ Cristo nauí cruzmo coraica tilla izói, ja birui tíide izói finócamiedicue. Iemona ja birui cue cáanano dama cúeieñede; Cristo cuemo íllado cáadícue. Afe bie éniemo ite bie cue cáanano, dama Juzíñamui Jitomo cue ínuado

ófiredicue, mei afémie cuena izíruillano, dama ie abina cue meífomo cruzmo tízaideza. ²¹ Juzíñamui cue jíllloillena caimare cue cánuafuena jaca ruiffruiacañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tílla ráifiñede.

3

Moisés ocuica uai comini ñnogafue abido joide

¹ Aii, Galacia comini, iere abina onóñedinona itíomoi. ¿Bu aima izói omoi bífuia, ua uaina omoi jíeruiñeillena? Naui ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡Iñega! Mei jíáifodo, ¿omoi cacana uai omoi ñnuado afe Ñuera Joreño nibai ómoimo ite? Jii, áfede ite. ³ ¿Níbái mei iere abina onóñedinona itíomoi? Jesumo omoi ñnua mei, Juzíñamui Ñuera Joreño nanómona ñue omoi canode. Afémie ómoina canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo nibai ñue fúitaitiomoi? ¡Jaca fuitánidiomoi! ⁴ ¿Nana omoi duere zefuillafue jaca ómoimo nibai ráifiñede? ¿Nibai taino abiri aféfuiai ómoimo daí íficaide? Aféfuiai táinona íllamo comécíñedicue, mei daítañedeza. ⁵ Naui Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíorainina raana comúitate. ¿Mei nibái bífuiaina Juzíñamui ómoimo finode? Ocuica uai jeire omoi úamona, afémie aféfuiaina finóñede. Mei jíáifodo dama cúemona omoi cacana uai omoi ñnuamona afémie bie izói finode.

⁶ Abraham Juzíñamuimo ñnote; íemo ie ñnuamona comécina ñue jaícina jóidimiena Juzíñamui íena caimare uáidote. ⁷ Ja bífueмона onórediomoiza: Nahí Abraham erófene igímaiai Juzíñamuimo ñnotino. ⁸ Juzíñamui nana uire ie finóllifuiaina raire uícodo onode. Iemona ie Cuegáuaido aféfuiaina afémie jino lloite. Nana íemo uire ñnotino judíoñedino íadi, Juzíñamui anamo ñue jaícina itátaillifuena Juzíñamui raire uícodo onode. Afena ie onónamona bie ñúefuiai jaiiai uícodo Abrahana daide: “Naga náiraiai ómona ñúefuemo ézicilliaoi,” daide. ⁹ Mei daí nana Juzíñamuimo ñnotino dájena Juzíñamuimo ñnote Abrahámoiri ñúefuemo ézicilliaoi.

¹⁰ Nana íaioi jíllloillena Moisés ocuica uaimo ñnotino ja fieni faidócaiaioi. Mei daí Juzíñamui Cuegáuai dáideza: “Nana Cuegánicomo ite ocuica daínáfueña, nágarui ñue fuitáñedino ua fieni faidócaiaioi.” ¹¹ Bífueмона ñue onódicaiza: Ocuica uai iere ñéfinamona buna Juzíñamui anamo ñue jaícina jóoneñega. Mei jíáifodo Juzíñamui Cuegáuai daide: Juzíñamuimo ie ñnogafuedo Juzíñamui anamo ñue jaícina jóonegamiena jáidimie, afe daa ie ñnogafuedo are ziiñona íite. ¹² Afe Moisés ocuica uai comini ñnogafue abido joide. Bíuailaina ñue ícoimo fuitáacadimie, aféuailaido írede.

¹³ Ocuica uai cai faidóllifueмона Cristo caina oni jírecaitade, mei afémie cai ícoinia faidóbideza. Juzíñamui Cuegáuai bie izói daide: “Naga aménamo agúineta fagámie faidócaza.” ¹⁴ Bifue daí íficaideza, judíoñedino ñúefuemo ézicillena. Ua Juzíñamui Abrahamo lloga ñuera ézicirafue daí

Jesucristodo judíoñedinomo fecaca. Bifue daje izói íficaideza, Juzíñamui uícodo lloga Ñuera Joreño cai ínogafuedo caimo íllena.

Moisés ocuica uai, Juzíñamui Abrahana dainana oni caitánide

¹⁵ Cue ámatiaí, naga come onóigafuemono dafue ómoimo llóiticue: Dámie contrato llínoiadi, ie mámece afébemo cuega, íemo afe ja cúegana buna oni caitánide. Daje izói afe cuega baimo buna jáíuaina zotánide. ¹⁶ Ja onódicaíza: Afe ñuera uícodo lloga uailaí Abrahamo Juzíñamui jaiái llote; daje izói Abraham erófene ímiemo lloga. Aillo ie erófene igímaíaimo Juzíñamui Cuegáuai daiñede, mei jáífodo “O erófene ímiemo llóiticue” daide. Afe dainámie Cristo. ¹⁷ Cue llogafue bie izói joide: Juzíñamui riírede méidoñega uai Abrahamo llote. Afe llezica afefue féíñeíllena Juzíñamui afe uaina riire jónete. Afe lloga uai contrato izóiduai; jáífodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide. ¹⁸ Juzíñamui dainamo ie ínua mona Abraham jíllode. Afe bie méidonide Abraham jílloilluaina Juzíñamui raiñóñeno íemo fecade. Iemona afe jíllona uai, Moisés ocuica uaimo jaináíñede. Moisés ocuica uaimo jaináíadi, aféuai ja uícodo lloga jaca raiñóñeno iga raa izóíñede. ¹⁹ Iemona, Moisés ocuica uai ¿niemo ráifide? Afe ocuica uai méifodo bai nabaica, comíni íaioi finoca fiénidifuiaina onótallena. Afe nabaica uai are íñede. Núefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abí imácido lloga. Iemo íaioi llua mei, Moisés aféuaina jino comínimo llote. ²⁰ Juzíñamui Abrahamo úrilla llezica jáímado Abrahamo lloñede. Dámie daí uáfodo úriadi, jáíe llóitimiena jítaiñede. Bie Abrahamo úritimie daade Juzíñamui.

Moisés ocuica uai ¿nié izói comínina canode?

²¹ ¿Mei níbaí bifue daiíacade Moisés ocuica uai, Juzíñamui lloga ñúefuina uáitaacade? ¡leñedeza! Uáitaacañede. Mei cáataite ocuilla uai ígadenia, aféuai jeire cai úado Juzíñamui anamo ñue jaícina íredicaí. ²² Mei jáífodo Juzíñamui Cuegáuai daina izói, nana fiénidifuemo llavécanodicaí. Daí Juzíñamui uícodo mamede, nana Jesucristomo ínótino jíllobicaíllena. Uafue, Juzíñamui afe bie izói mamede Crístoimo ínótino íaioi ínogafuedo Juzíñamui lloga ñuera jíllonafuena íaioi óllena.

²³ Jesumo cai ínogafuena nai jino déíñena llezica, ocuica uai caina llavécanona finode. Aféruillado Jesumo cai ínollifue jino déíllemo ocuídicaí. ²⁴ Iemona Juzíñamui afe ocuica uaina caimo mamede, cai ñue rairuillena. Ua úruiaí ñue fibítatimie izói caina rairuide. Daí afe ocuica uai caina úíñoide; nai Cristo bíñeílle dinó. Afe daí Cristo bíllemo afémiemo cai ínuaado, Juzíñamui anamo ñue jaícina íredicaí. ²⁵ Birui ja Jesumo cai ínollifue déideza, ja afe Moisés lloga fibítatíuái dibénemo dúíñedicaí.

²⁶ Mei Jesumo omoi ínogafuedo, ja omoi nana Juzíñamui úruiaídiomoi, ja Cristo Jesumo dájena jaináídiomoíza. ²⁷ Omoimona báutiza mei Cristo Jesumo dáena jainaide dieze, nana omoi afémie comece ífueña ja jeire otíomoi. ²⁸ Ja biruímona cai cígiri bie judíona dainámiena íñede, bie Griego dainámiena íñede. Daje izói llavécamiena íñede. Oni eneno jirénoga dainámiena íñede. Afe izói ringo íima diga oni jáífodo

mámeñega. Ja Cristo Jesumo cai jaináinamona nana cai dáamacidicai. ²⁹ Ja Cristo íediomoiza, Abraham erófene igima izóidinona jáidiomoi. Iemona Juzíñamui Abrahamo uícodo lloga ñuera jílloillifuena, feci raa máíñua izói, máíñoitiomoi.

4

¹ Bie izói cue daiíacanafue: Daa come jitó móonaillano, ie moo tíilla mei, moo raana náamatarede. Mei íadi afémie nai úruena llezica maiñónide. Afémie nai jofo eromo ocuífirégamie izoide, afémie nana afeco raana maiñóreite íadi. ² Afémie nai úruena llezica, íena úíñoitino ite, ie moo jáífodo ie úíñotinomona oni olle dino. Daje izói ie jetállifue ocuídino ite. ³ Jaca bie izói caimo comuífirede. Cai jílloilluiuai nai déíñena llezica, nai úrue illa izóidicai. Aféruillaido aillo bínie comini nícidogafuiyai anamo, izire ocuícano izói, iticai. Dáarie cómemona ocuica uáillaido llavécacai. ⁴ Mei íadi nana Juzíñamui mamécafuiyai ñue zuilla mei, jaiyai uícodo ie mámiarui dúciamó, Juzíñamui ie Jitó Jesús orede. Afémie ringómóna jococa. Moisés ocuica uai anamo judío izói comuízai bite. ⁵ Afémie daií bite, nana Moisés ocuica uáillaido llavécano aféuaimona oni jírecaitallena. Daií cai jírecaillamona Juzíñamui dama ie jítótíaina cai jáillena cai mámiumo, caimare caina uáidoite.

⁶ Iemona, ie jítótíai omoi íllana omoi onóillena, Juzíñamui ie Jitó Jesucristo Joreño omoi comécimo orede. Afe caimo oreca ie Joreño riire daiífirede: “¡Cue Moo!” daide. ⁷ Mei daií o ja Juzíñamui jítódio. Ja riire ocuícamiñedio. Ie jítóna o íllamona, ie uícodo lloga ñúefuiaina Juzíñamui Crístodo omo fécaite.

Pablo Juzíñamuimo íñotimacimo comeci úide

⁸ Naui Juzíñamuina nai omoi onóñena llezica, taino juzíñamuillaimo izire ocuífiréganodiomoi. Afe omoi llaveina juzíñamuillai ua juzíñamuíñede; fia jífuia juzíñamuillai. ⁹ Mei birui ja ua nahí Juzíñamuina onódiomoi. Mei jáífodo ñue daina, Nahí Juzíñamui ja ómoina onode. Ja íena omoi onónamona, ¿nie izói meine abido afe ríinide jílloñenafuiaina jeire óiacadiomoi? Dáanomo íaioi llavéinanomo ¿meita abido jáirediomoi? ¹⁰ Diga iruillai oni jáífodo nai comécifirediomoi. Daje izói diga fiuillai eneno jáíifo comécifirediomoi, naa diga fimónaiari. ¹¹ Nibai nana omoi cígiri cue táijiacana táinomo jifánofide izóideza áfena jacíruiticue. (Afe cue comécina líicioide.)

¹² Amatiai, izire jicádicueza: Cue comeci ifue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidifuena finóñediomoiza. ¹³ Cue omoi cígiri nano illáfueña onódiomoiza. Aféruillaido, cuemo comuide duícori duere cue zefuillamona afe jílloña uai jino ómóimo lloticue. ¹⁴ Afe cuemo ite duico cue facátaina, mei íadi afe jira cuena jámairuñediomoi. Daje izói cuena ruifíruíñediomoi. Mei jáífodo Juzíñamui abí ímie izói caimare cuena líñotiomoi. Ua Jesucristo omoi líñolle izói cuena caimare líñotiomoi. ¹⁵ ¿Nee mei afe omoi cacana cáimafuiyai? Afe cue irárenaruimo cuena iere izíruillano, dani omoi uíjina jirénota cuemo fecáacadiomoi, íadi fecánide. Afe ñúefue omoi díbenemo nitáredicue. ¹⁶ Ja ua uai ómóimo cue llúamona ¿Meita ja birui omoi bacáuai ímiena jáidicueza? ¡leñedeza!

¹⁷ Afe baie jicana bite comini ómoimo iere caimare comécidiaoioi. Mei íadi comeci ñue jitaillamo comécíñediaoioi. Omoí bífuellena caimare úritiaoioi. Afémaci cuemona ómoína bairóacadioioi, uire íaioimo omoí jaináillena. ¹⁸ Jiáimacimo ñue íllena caimare comécíllana ñuera. Mei íadi cue illa llezica daje izóí cue íñena llezica come comeci ñue jitaillamo daí comécirede. Daiítadeza. Naui omoí cígimo cue illa llezica, afe onínemacido daí jífueñediomoí; mei íadi birui omoí cígimo cue íñena llezica nágarui jaca daí jífuegaomoí. ¹⁹ Cue úruiai, ringo úrue jocóacania duere zefuilla izóí, nane ómoiri duere zefuídícue. Ua Cristo comeci ifue nai omoí ñue ónoñeille dino, nai ómoiri duere zéfuitícue. ²⁰ Birui izire omoí cígiri íacadícue, jiáifodo ómoimo cue úrillena. Onóñedicueza, nié izóí ómoiri comécitícue.

Abraham ai Sara, ie oga jiáingo Agar íainguai ñúefuena caina onótate

²¹ Ja birui Moisés ocuica uai anamo íacadinomo úritícue. Mai bifue cuemo omoí llone: ¿Afe ocuica uai dáinana cacáñediomoí? ²² Afe uai daide: Abraham mena jitórede. Daa jitó ie táijitafiregango ie. Jiáie jitó ie nahí ai ie. Afengo buna ócuiñegango. ²³ Ocuífiregango jocócatu nana bíniemo ite úruiai jócu izóí jococa. Mei jiáifodo nahí ai jocócatu Juzíñamui uícodo daínauai fuitállena jococa. ²⁴ Bífue cai onoiga ráamona Juzíñamui cai fidítafue. Afe mena ringo mena contrátamo táijina izóidiainguai. Íainguaimona daa Sinaí idu ie contrato izoide. Afe ocuífiregango jitótiai ocuífireillinona jocócaiaoioi. Afe ocuífiregango mámecei Agar. ²⁵ Afe Agar Juzíñamui Sinaí ídumo lloga uai izoide. Afe Sinaí idu Arabia éniemo ite. Afénomo Juzíñamui contrato comínido finode. Biruillaí Jerusalén jofue afe jiaí Sinaí idu izoide, (mei Moisés dibénemo íacadino afénomo gairífirediaioiza.) Ie ocuica uai anamo llavécana itíaoioi, naa aféfuemo jaináiacadinori. Ocuífiregango Agar úruiai izóidiaioi. ²⁶ Mei íadi monamo ite Jerusalén comini lláveñegaiaoioi. Afe jofue cai ei izoide, mei cai bie afe Jerusalemo jaináidinodicaiza. ²⁷ Juzíñamui Cuegáuai bie izóí daide: Oiniño, úruenidio íadi, mai caimare o iri; Urue jócu izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baímo jitótiaireitio, daide

²⁸ Amatai omoí cácarei, cai bie Sara jitó Isaac izóidinodicaí. Juzíñamui uícodo lloga jitótiaidicaí. ²⁹ Mei jiaí aféruillaímo íaillinoi illa izóí, birui afe izóí iticaí. Aféruimo come comeci jítainamona jocócamie Ismael, afe Juzíñamui Joréñodo jocócamie Isaacina fiénidífueña racade. Biruillaí afe izóí iticaí. ³⁰ Mei Juzíñamui Cuegáuai ¿nié izóí daide? Afeuai daide: “Afe jofo ero ocuífiregangona ie jitó díga oni oreri. Mei ocuífiregango jitó, afe ócuiñegango jitó díga dájena jofo naama feci ráaniaína maíñónideza.” ³¹ Amatai, bífueмона onódicaiza: Cai bie ocuífiregango jitó izóíñedicaí, mei jiáifodo cai bie buna ócuiñegango jitó izóídicaí.

5

Izire ocuíñena dibéfuemo omoí ífireiri

¹ Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoí iri. Meine dáanomo izire ocuilla uai anamo abina maitátaiñeno iri, mei lláveñeganona itíomoiza.

² Cuemo omoi cacáreiri. Omoi llotímie Páblodicue; jira ómoína dáitícue, bacano icoi quétafue jeire omoi óiadi, Cristo ómoimo ráifiñeite. ³ Nane ómoína dáanomo daiñacadicue: Omoimona dámie ie bacano icoi quetátaadi, nana jáíe Moisés ocuica uáillaina ícoimo fuitárede. ⁴ Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúñediomoi. Daje izói Juzíñamui caina izíruillafuemona oni eneno itíomoi. ⁵ Mei cai jáífodo onódicaiza: Juzíñamui Ñuera Joréñodo, daje izói ie uai ñue cai íñuado, Juzíñamui anamo ñue jaícina cai illífuemo úíñoidicai. ⁶ Iemona daí Jesucristomo ñue jaináidicai. Iemo cai jaináiadi, afe quétafue caimo ráifiñeite. Cai quetátaadi, nibai cai quetátañeniadi, daje izói ráifiñeite. Mei jáífodo afémiemo cai íñogafue ua ñue ráifide. Afe bie cai íñogafue jáíe cómena naa Juzíñamui diga cai izíruillena canode; áfemona Juzíñamuimo cai íñogafue iere ráifide.

⁷ Fueñe Juzíñamuimo ñue íñofirediomoi. Mei íadi birui, ¿bu afe ua uaina ómoína fáicanocaitaga? ⁸ Juzíñamui áfena ómoína fáicanocaitañede! Afémie ómoína camare uáidofiredeza. ⁹ Bífueña féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate. ¹⁰ Juzíñamuimo cue íñuano, afémie ómoína ñue rairuillena onódicue. Ja onódicueza, cue daináfuemona oni jáífodo comeci fácañeitiomoi. Bífuemona omoi comécina oni nibéfodo féitaitimiena Juzíñamui duere finoiteza. Afefue llotimiena Juzíñamui raa dáiiñeite, afémie nibai illaima, nibai jamáimie.

¹¹ Amatiai, cúemona jáífue llóiticue. Mei bacano quétafuena nai ocuícicuena judíuai nibai cuena fállena rácañeitiaioi. (Mei íadi cue íaioi fállena rácana onódiomoi.) Afe izói cue llóyadi, Cristo cruzmo tílla ñuera rafue íaioina ríicaitañeite. ¹² Mei íadi afe onina bite omoi gáguabitino dani íaioi jiiñijina, comini meróniai ie ñetaina izói ñétaitiaioiza. (Afémaci méicaillena Pablo daí daide.)

¹³ Amatiai, mei jáífodo uáidogamacidiomoi, ráiruiñeganona omoi íllena. Ua ja birui ráiruiñeganona itíomoi, mei íadi afe o rairuñenamona, comécimo fiene itífuaiaina finóñeno iri. Mei jáífodo afe ómoimo ite izíruillafuedo ñuera ocuífíreganona omoi iri; daí conímama cánoitiomoi. ¹⁴ Mei nana jáíe ocuilla uailai daa bie ocuica uaimo dájena itíai. Be níuui: Dama o abina o izíruilla izói, afe izói o abi cómena izíruiri. ¹⁵ Mei íadi ómoimona dani conímama fue erodo omoi éoia, daje izói úradoillano conímamo omoi ríicaiadi, ómoína niné táinocaitaiteza; afe izóidemona abí omoi rairuiri.

Come comécimo fiene itífuiai Juzíñamui Ñuera Joréñomona jáífodo jóide

¹⁶ Ómoína cue dainafue bie izói jóide: Juzíñamui Ñuera Joreño dibénemo mai áfemo omoi illafue jónefireiri. Afedo omoi comeci fiene finóacanafuiái finoñeitiomoi. ¹⁷ Mei dani cai comécimo comuide fiene finóacanafuiái Juzíñamui Ñuera Joréñona uáitafirede. Nane abido dájena Juzíñamui Ñuera Joreño cai comeci fiene finóacanafuiaina uáitafirede. Afe ménafue jaca conímama uáitaoifirede. Iemona omoi comeci jitaina izói figo finónidiomoi. ¹⁸ Mei íadi Juzíñamui Ñuera Joreño ifócaomoi íadi, Moisés ocuica uai anamo íñeitiomoi.

¹⁹ Comini comécimo fieni itífuiái dibénemo jaináidino íaiói finócaigafuiái jino uáfodo onórede. Be nífue: Afémaci jiruífue íemo íaifue finófirediaíói; jáíe fiénidífue rairuilla uaina náfueñediaíói. ²⁰ Afémaci jánaraimo caimátáifirediaíói. Daje izói fue boréfueña finódiaíói; daje izói jáimana éoifirediaíói. Dájena caimare íñediaíói; úradoifirediaíói; ráaiñederi raire iere ríicaifirediaíói. “Fueñe dama cúeiena fínoíticue” daífirediaíói. Comínina boziétaitaíói; jáimana énenoruidiaíói. ²¹ Afémaci jáima raari úradoifirediaíói. Daje izói afémaci cómena titáfirediaíói. Jífairediaíói; fieni jéerie íaiói güilla llezica conímamo riire lléjellejediaíói. Bizóidífuiaina afémaci jaca finócaide. Naui uícodo omoi cue lloga rairuilla izói, nane birui ómoína ráiruiticue. Bie izóidífuiái finódino jaca Juzíñamui illáimana illáruimo jáinaíñeítiaíói.

²² Mei jáífodo Juzíñamui Ñuera Joreño cai comécimo bífuiaina cómuite. Aféfuái bie izói jóide: Izíruillafue, íóbillafue, comeci uái illífue, comeci mánaicana úrillafue, comeci cáimafue; jeruíño fecáfired. Jáima dánana raire jeire ófired. ²³ Afémie comeci mánaífired; comeci dáina izói ie abi járitaiño ñue fáicana ocuífired. Bífuiaina rairuide ocuilla uaina íñede. ²⁴ Nana Crístomo ja jaináidino, íaiói comécimo nanómoma itífuiaina, faga izói, féitaitaíói, naa íaiói comeci fieni finócanafuiári. ²⁵ Iemona Juzíñamui Ñuera Joreñodo íredícaí. Daíí cai íllamona, mei nana cai jetáacagafuemo, afe Ñuera Joreño aféfuemo caína ífoiteza.

²⁶ Cai bie abina fieni ínonidícaí. Afe izói cai íadi, conímaíai díga ícítiticaí, mei íadi afe izói mai cai íñeíllí. Daje izói jáímari úradoíño cai íllí.

6

Conímama omoi canófireiri

¹ Amataí, ómoimona dámie fiénidífueño baíízaidenia omoi cíoadí, ómomona Ñuera Joreño dibénemo izire jaináidino afe baíídímiena omoi canorí, meine ñúefue dibénemo ie ílleza. Jaca comeci mánaínafuedo íena canorí. Naga come afemo baííiredeza, ie jira illa dígamie afe baíífirenafuemona abina rairuírede. Taífe cai facátafue naga cómemo comuífiredeza. ² Illa dígamíai conímama canófireiri, áfedo jáímamo zuufue comuíadi ie comeci náirecalleza. Bie izóidedo Cristo ocuilla uaina ñue ícoímo fúitaitíomoi.

³ Jamáimie illa llezica dámie abi ínota “Jamánomo ímiedicue” daííadi, afémie dama ie abi jífue. ⁴ Omoimona illa dígamie dama ie abi áadorí. Mei aféfuena o jíeruíadi, dama o abi ífuedo íóbitaití; mei o illafue ñuera daííllena jáíima illafue dibénedo abina fácañeítioza. ⁵ Illa dígamíerie dani caímo itífuiáimo náfuefireíticai.

⁶ Juzíñamui aáíllaina llófuegamie nana íemo ite ñuera ráaniaína díeze, meine íbana afe ie llófuetímíemo írede.

⁷ Maí jáíífuereí omoi jífueñeño íri; jaca Juzíñamui buna baíííuano jífueñegaza. Naga come ie rífirega raa ríadi, afe llízíllana dama jofo óite.

⁸ Nanómoma cai comécimo itífuiái íóbitaitífue cai finóadi, afe cai comécimo itífuiáimona cai tíllífue óíticai. Mei jáífodo Juzíñamui Ñuera Joreñoña cai íóbitaadi, afe Joreñoñona zííñoña cai íllífue óíticai. ⁹ Ie jira ñúefue cai fínuana, maí cai zefuíríñeíllí. Mei afemo fáicanocaiño comécina náiredínona cai íadi, úire Juzíñamui mamécaruíno ríga ófírena izói,

ñúefuena maiñóriticaiza. ¹⁰ Afe jira, ñúefue finua llezica nana comínimo, nana cai abi ie máriedo ñúefuena finóredicai. Iemo Juzíñamuimo ñnote cai ámatiaimo, baimo aillo ñúefuena finóredicai.

Abi rairuüllauai, úraicaiño uáiduafue diga

¹¹ Mai ómoimo bie jéerie cue cúegamo omoi eroiri. Afe bie dama cue ónoido cue cuela. ¹² Afe quétafuena omoi ocuidino ñúefuedo lloñédiaioi. Dama comini uícomo ñue íaioi íllena daií daidíai. Daií ómoína ocuidíai, Cristo tílla ícoína jiaímaci afémaci rácaiza daií. ¹³ Mei afe quétacano, nana Moisés ocuica uai ñue ícoimo fuitañediaioi. Mei íadi ómoína quétacacadiaioi, omoi íaioi quétatafuedo abi íaioi ñnollena. Afe quétano omoi abimo íllado iere abi ñnotiaioi. ¹⁴ Mei cúemona dama cai Ocuíraíma Jesucristo tíllado abi ñnoticue. Abi diné jiaífodo abi cue ñnollena ññede. Mei Cristo cruzmo tíllado, nana bíniemo ite fiénidífuiaí faga izói cuemo dúíñede. Afe íbana cue aféfuiaimo faga izói jaináíñedicue. ¹⁵ Mei Crísto dájena cai jainánamona, ja afe quétafue ráííñede. Daje izói íemo cai jainánamona quétáñenafue jiaí ráííñede. Mei jiaífodo cómuena meine abido jocócamiéna cai illa, iere jamánomo ráífide.

¹⁶ Bie izói daináuai jeire otínomo comeci caimare uái illafue íteza. Daje izói Juzíñamui ómoimo dúecaillafuemo ítiomoíza. Bie izói daináuai jeire omoi óiadi, Juzíñamui ua comínina jaitiomoí. Mai mei, Juzíñamui ie ua comínina ñúefuemo éziciíteza.

¹⁷ Ja biruímona buna cuena áfeduabíñeno iri, daidícue. Cue abimo ite boáfiaí méífuai, cai Ocuíraíma Jesús táijitagamiéna cue íllana onótate.

¹⁸ Daje Juzíñamuimo ñnote cue ámatiaí, cai Ocuíraíma Jesucristo nana ómoína ñue éziciíteza. Mai daítadeza. Jae ññe.

EFESO IMACIMO SAN PABLO ORECABE La Carta del Apóstol San Pablo a los Efesios

Pablo Efésomo ite Juzíñamuimo ñnotino rabedo uáidote

¹ Cue Páblodicue. Juzíñamui comeci jítaina izói Jesucristo orécamiedicue. Bie izói daina ñúefue llujállena, ie ocuícamiedicue. Efeso jófuego ite Juzíñamuimo jaináidino bie rabedo uáidotie. Afémaci Jesucristomo ñue ñnotino. ² Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoina bie ñuefuiamo jóneiteza.

Crístomo cai jaináinamona cai comécina náiretatifuia Pablo jino llotte

³ Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñuefuiaina jae caina éziciteza. ⁴ Nai énie comuíñena llezica, Juzíñamui Jesucristodo caina nizede, ie eróicana nífueningo ñue finócamona cai íllena. ⁵ Jaiái uícodo caina izíruillano ie comeci jítaina izói, Juzíñamui caina náamatade Jesucristodo ie jítotiaina cai jáillena. ⁶ Iemo ie izíruiga jítóiri dájena cai íllamona, afémie caimo dúecaifrede. Afe jira nágarui Juzíñamuina ióbitaredicai, caimo ie dúecaillana iere figura cai daiífreillena. ⁷ Caimo iere dúecaillano, Juzíñamui ie Jitó tíllado, ie die tóllado caina jíllotate, mei áfede Juzíñamui cai fiénidifuiaina féitateza. ⁸ Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate. ⁹ Juzíñamui jaiái uícodo mameca ónoñega ie comeci óiacanafue caina ja fidítate. ¹⁰ Bie Juzíñamui uícodo mamécáfue ie fácaruimo dúcia, ñue ícoimo fúitaitate. Aféruimo Juzíñamui dáanomo nana éniemo ite náiraiaina ie Jitó Cristo anamo itábicaítaite, naa bíniemo ite rílleniai, naa jáie ráaniairi. Daje llezica monamo ite riñoredino Cristo anamo ítiaioi naa afénoimo ite jáie ráaniairi.

¹¹ Jaiái uícodo Juzíñamui caina nizede, Jesucristomo dájena cai jaináinado ie comínina cai íllena. Nana bífuia jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófrede. ¹² Ja cai bie nanómona Crístomo ñnotinodicaiza. Juzíñamui daií caina ñue nizede, aféniemo ite áillue ebíredifuiaido ñúefue íemo cai nitállena. ¹³ Daje izói uáfueña lloga, omoi jilloille uaina cacádiomoi. Cacáillano afe uaina omoi ínuamona Jesucristomo jaináitagaomoi. Daje llezica Juzíñamui jaiái uícodo llua izói Ñuera Joréñona igáomoi, dama Juzíñamui íeiediomo daiíllena. ¹⁴ Afe Ñuera Joreño caimo íllado, íco jáíruido Juzíñamui dainafue cai maiñóllena, uáfueña onódicai. Afe ie lloga dainafue cai maiñóllruimo nai dúciñede. Mei íadi nana íemo jaináidinomo, fiénidifuemo jaca due íaioi jáinaiñeillifue afémie llóite. Daií ie llua mei nana afémie cáiena lloga dainafue máíñoiticaí. Ie jira afe Juzíñamuimo ite áillue ebíredifuiaido íena ióbitaredicai.

Pablo Juzíñamuimo ñnotino ifoci ñue denóllena Juzíñamuimo jicade

¹⁵⁻¹⁶ Iemona cai Ocuíraima Jesumo omoi ñnogafuena cue fidínamona, Juzíñamuimo ómoiri “iere figura” fácaíñeno daiífredicue. Daje izói nana

Juzíñamuimo jaináidinona omoi izíruillana cue fidínamona, nane figura daífiredicue. Afe llezica Juzíñamuimo cue jicáfírena dáaruido ómoimo jaca uibíoifiredicue. ¹⁷ Juzíñamui ómoimo jino llogáuaina ñue comécido omoi baitállena jicáfiredicue. Ua, cai Ocúiraima Jesucristo ebírede Moo Juzíñamuimo jicáfiredicue, Juzíñamuina ñue omoi onóillena. ¹⁸ Daje izói Juzíñamui omoi ifoci ñue denóllena jicádícue. Afemona Juzíñamui uáidogano úiñoga ñue cómutifuiaina ñue ónoitiomoi. Daje izói Juzíñamui omoi ifoci denóllemona íemo jaináidinomo, Juzíñamui fecalle ñuera ebírede cáimafuiaina ónoitiomoi. ¹⁹ Iemona bie izói ónoitiomoi: Juzíñamui iere ñúefuiaina ríinoredímie. Afe bie íemo ite áillue ríino ja birui nana íemo íinotínona ñue comécido íaioina canode. ²⁰ Naui Juzíñamui, daje bie íemo ite áillue ríinona cai onóillena, Cristo tíllanomona meine abído cáatate. Daí íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juzíñamui íena rainade. ²¹ Dinomo jamánomo ocuídillaímana Juzíñamui íena jóonete. Iemona nana jíáie ríinoredínuiái Cristo anamo itíaiói, naa jíáie ocuífiredínuiáiri. Daje izói nana illainí Cristo anamo itíaiói naa jabóidillaínaiári. Daje izói nana mona eromo ite ríinoredínuiái, Juzíñamui ie aillo ríinodo Cristo anamo dájena jóonete. Nana jíáie mameca ríinoredino cai comeci facáacana dieze, daje izói Cristo anamo itíaiói. Nana biruimo itínuiái ie anamo itíaiói, naa ico jíáiruillaído íitínuiári. ²² Afe dáaruido Juzíñamui nana ráaniaina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ifócina mameide. Iemona ifoci cai abi ocuilla izói afémie íaioina ocuífiredé. ²³ Mei jíi, Jesucristomo dájena jaináidino ja Cristo abína mamécaíaiói. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatímieza.

2

Juzíñamui caina izíruillado jíllodicai

¹ Omoi fiénidífuiaímona nai tíidino izói omoi illa llezica, Juzíñamui Cristo tíllamona meine abído cáatajado afe dáaruido ómoína cáatate. ² Naui afe fiénidífue dibénemo are itíomoi. Bíníemo ite fiénide nairai illa izói are itíomoi. Afe llezica omoi áinodo lláifoide fiénide joreño jíitáinafue finófiredíomoi, mei afe joreño nana fiénide joríaí nahí ocúiraimaza. (Afe daje fiénide joreño Taife.) Juzíñamuimo jíeruñedínona afémie riire ocuíoide. ³ Naui jíáiruillaído nana cai afe izói fiéni iticai. Cai abi fiéni jíitáinafuiái jeire ófiredicai. Afe nanómona cai comécimo ite cai óiacaiga fiénidífueña fáicanocaiñeno ícoimo finóoicáfiredicai. Daje izói cai comeci fia fácafuiaina jeire oticai. Iemona nana jíáímacina duere finóllemono dúina izói, Juzíñamui iere duere finóllífueño dúidicai. ⁴⁻⁵ Mei íadi Juzíñamui iere caina dúecaillano, nai cai fiénidífuiaímona tíidino izói cai illa llezica, afémie caina izíruillano Cristo cáatajado dáanomo tíllanomona caina cáatate. Mei jíi, dama Juzíñamui ómoiri dúecaillano jíllotaíomoi. ⁶ Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abímo monamo caina rainade. ⁷ Juzíñamui daíí finode, nana íco nínomo illáiruillaído íitínuiáimo afémie iere caina izíruillaífuena onótallena. Ua, Juzíñamui daíí finode afémie Cristodo caina dúecaillaífuena nana uícomo cómutínomo fidíillena. ⁸ Mei jíi, Juzíñamuimo ite ómoína

izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue dani ómoimona comuíñede, mei jíáifodo afefue Juzíñamui ómoimo comuítaga. ⁹ Nñufuemo are cai ñéfinamona afe jíllonafue caimo fécañega. Ie jira áfedo buna abína ínonide. ¹⁰ Mei jíi, Juzíñamui nano fueñe comíni fínua izói, afémie ie joréñodo como jéiciganona ja cai finode. Iemo ja birui, jaiái uícodo ie mámia izói, Crístodo Juzíñamui meine caina cáatate, ñúefuiai cai finóllena.

Ñue uái cai illífue Cristo caimo lloga

¹¹ Iemona nauí omoi illáfuemo mai omoi comeci uibíoiri. Judío náirai íeñediomoi. Ie jira judíuai “Bacano ícoi que táñegamacina” ómoína mamédaíoi. Dani afémacina cai bie “Íezina quetácanodíca” daídíai; mei jaiái íaiói finófirena izói, íaióimona nágamíai íaiói bacano ícoi quetácaza. ¹² Nauí omoi íñoñena llezica, Crístonona oni eneno itíomoi. Israel náiraimo Juzíñamui nízécanomo jaináñediomoi; íemona Juzíñamui íaióimo lloga ie ñuera finóllífuiai fidíñediomoi, naa uícodo ie lloga cámaduafuíai díga. Aféruillaído Juzíñamuina onóñeno, bíniemo zuure itíomoi, mei caimare omoi ocuírillífue íñédeza. ¹³ Nauí Juzíñamuimona iere oni jica itíomoi; mei íadi ja birui Cristo cairi tíllamona, ie die tóillamona, Juzíñamuimo ánozítagaomoi. Ja Crístono dájena jaináídiomoi. ¹⁴ Cristo jíáimana cai ícíñenafue comuítatímie, mei dama afémie judíuai judíoñedíno díga dáaziena finode. Iemona íaiói bacáuai imáciñediomoi. Nauí ómoína oni eneno itátate éoinafuena ja Cristo níne féitate. ¹⁵ Dama ie abi izi cácanado, ua ie tíllado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mej Cristo mena náiraimona, judíuai judíoñedíno díga, dáaziena comue náiraina finode. Afe ménade náiraiái ja dama Crístono dájena jaináitagaíai. Afedo afémie cai conima díga cai ícíñenafue nana caimo comuítate. ¹⁶ Afe bie izói, Cristo cruzmo ie tíllado, bie mena náirai dáamacina fínuaño, nauí íaiói fuírífrenafuena záitate. Afe llezica, Juzíñamui dibénemo ñue uái íaiói illífue Cristo afémacimo jino denode. Dénuano, íaióina jeire otátate. Afemona comínimo Juzíñamui caimare eroide.

¹⁷ Cristo afe ñue uái cai ille uaina nana comínimo lluaíbite. Onínemacimo Cristo afe uaina lluaíbite. Omoi afe onínemaci izóídiomoi. Daje izói áinori ite judíuaimo, afe uaina afémie lluaíbite. ¹⁸ Iemo Cristo cai jíllotajamona, mei níbai judíuidícaí, mei níbai judíuaiñedícaí íadi, nana cai afe daje Ñuera Joréñodo, Moo Juzíñamuimo ánozífiredícaí. ¹⁹ Afe jira, Juzíñamui dibénemo ja onínemaciñediomoi. Daje izói dani íaiói illánomo dúíñedíno izóíñediomoi. Mei jíáifodo nana Juzíñamuimo jaináídíno jainaila izói, uafue íemo jaináídiomoi. Dájena Juzíñamui náiraidíomoi.

²⁰ Nana omoi ebírede níga jíaílliraina dallíraide anáneco izóídiomoi. Cristo oréfiregamaci llófueinafuena iere baitádinona ja jáídiomoi. Ua jáíllirai jáicina mairi naidánia izói, aféfuemo ja riire jóonegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóídimie. ²¹ Bie Nahílliraimo izóídimíemo nana afeco Juzíñamui nicana uite. Afe izói afemo nana jofócaíai ñue jáicina jóonega. Jofócaíai dallírademó dúina izói, daade Jesucrístono jaináídiomoi. Afeco nilla fuilla mei, jae Juzíñamui ñuera íracona jáídiomoi; ñuera gairíraco izóídiomoi. ²² Daje izói Crístono dájena omoi jaináinamona, nana jíáie

Crístomo ñnotinomo dájena jaináidiomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífrenaco izóidiomoi.

3

Jíllona uai judíoñedinomo llujállena Juzíñamui Páblomo jóonenocai

¹ Iemona Juzíñamuimo ómoiri iere cue comeci facáfiredicue. Omoína izíruite Páblodicue; Cristo Jesús ñúefue ómoimo cue llujállena jira llavécamedicue. Omoi judíoñediomoi, íemo ómoína ñue íllena cue cánua jira llavécacue. ² Ja nibai Juzíñamui cuemo jóonega bie táijinana fidídiomoi. Jí, Juzíñamui ie cáimaduafuiai ómoimo cuena llotátate. ³ Juzíñamui ie nai jino lloñega nanómona mamérrillafue cuena fidítate. Ie mei cuemo lluno aféfuemo iere baitádimiena Juzíñamui cuena jóonete. Afe ie mamérrillafuedo ja nano íanori due ómoimo cueticue. ⁴ Aféfuena omoi facáduamona, afe nai jino llóñega Cristo dibene illáfue iere cue báitajana ónoitiomoi. ⁵ Afe báinino comeci ie fácafue nauí jiáiruillaído bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jiáie ie uai jino llórainimo fidítate. ⁶ Afe jaiaí jino raire llóñegafue bie izói jóide. ¡Cácareí! Jíllona uaina ínuamona, judíoñedinomo naa judíuairi daje Juzíñamui cai cáimaduafuiai dájena máínoitiaíoi, mei dáamiemo jaináidiaíoi. Ua Crístomo, dáaziena jaináidiaíoi. Daje izói Juzíñamui lloga Cristo Jesús caina ñue finóllifue judíuaimo dúina izói, birui judíoñedinomo ja dúide.

⁷ Cue jamáimedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jiáimacimo llujállena jóonegacue. ⁸ Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cáimaduafuiai judíoñedinomo llujáitimiena Juzíñamui mamécacue. Afe bie cue llujáille iere cuemo ráifide. ⁹ Juzíñamui jaiaí ninómona jino llóñega mamérrillafue nana comínimo jino llóitimiena dama Juzíñamui jóonegacue. Afe Juzíñamui nana ráaniaí finóraíma. ¹⁰ Juzíñamui nana bífuiaína daí ífícaítate, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaína báitajana onóillena. ¹¹ Juzíñamui jaiaí ninomo uícodo comeci mamérrilla izói, nana bífuiaína cai Ocuíraíma Jesucristodo ñue ícoímo fuitade. ¹² Iemo Crístomo dájena cai jaináinamona Juzíñamuimo ja áinoziredicai, mei cai ínuamona afémiemo meáruíñedinona itícaíza. ¹³ Ie jira izire ómoimo jicádícueza: Birui omoi abiri duere cue zéfuidícueza, mai náinidimaci izói omoi íñeno iri; mei jiáífodo caímare omoi comécíoiiri; mei afe ómoiri duere cue zéfuia afe ómoimo ebírede nitaina izóidífueza.

Cristo iere jamánomo caina izíruitimiena íemo ñnotino onóillena Pablo Juzíñamuimo jicade

¹⁴ Ie jira cai Ocuíraíma Jesucristo Moo anamo caíñícido ana dújullanona nana ie comíni íena íemo izire jicádícue. ¹⁵ Nana éniemo ite ie comíni, naa monamo itínuiaí diga, afémiemona comúidiaíoi. ¹⁶ Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireíllena izire íemo jicádícue. ¹⁷ Afe llezica omoi íinogafuemona Cristo omoi comécímo nabáirifireíllena Juzíñamuimo

jicádícue. Daje izói Juzíñamuina iere omoi izíruillena jicádícue. Iemo afe izíruillafuemo izire omoi jaináillena jicádícue. Nane dáanomo omoi ñnogafuiai jeire oga uaina ñue omoi ifócimo denóllena Juzíñamuimo jicádícue. ¹⁸ Daje izói Cristo caina izíruilla omoi ónoillena jicádícue, naa jiáie iemo jaináidinori. Mei afe ie izíruillafue monáillaji aillona izóideza. Afe monáillaji ruicafene jica illana bu onóñede. Mei íadi afémie caina izíruillafue iere ruica are illa izóinana omoi onóillena jicádícue. Daje izói áillue imani eraí iere fuiri jica illa izói, afe caimo facádonide Cristo caina ie izíruillafue omoi onóillena jicádícue. Afe izói Cristo caina izíruilla iere monáillaji ana jica afórena izoide. ¹⁹ Mei jii, afe bie izíruillafue ñue omoi fidíillena jicádícue. Nana cai onórede aillo ráfuiai baimo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaiina ñue jaícina oruíziitíomoi. Mai, daí íteza.

²⁰ Ja birui ie aillo ñuera ríino, cai comécimo ífirenamona nana cai comeci fácarenafuiai baimo, afémie iere jamánomo ñúefuiai caimo finórede. Daje izói nana cai jicárenafuiai baimo afémie iere finórede. ²¹ Ie jira aillo ebíredifuiai afe cai Juzíñamuimo mai cai nitalli, mei Cristo Jesumo dájena jaináitagacaiza. Mai mei Jesucristodo jaca ninomo naga cómutigimado aillo ñúefuiaiina Juzíñamuimo cai nitalli. Daítadeza.

4

Juzíñamui Ñuera Joreño do dáamacina maméidicai

¹ Nana bífuiaimona, omoi jaícina ñúefuedo macállena riire ómoimo llóitícue, mei cai Ocuíraima Cristo ícoinia llavécamedicueza. Ua Juzíñamui uáidogamací maca izói, omoi macállena izire ómoimo jicádícue, mei uafue ie uáidogamací itíomoiza. ² Nana omoi, mai jiba abina ñnoñedinona omoi iri; daje izói comécina mánaidímacina omoi iri. Dani conímana izíruillano illa dígamie jiáimamo comeci járitaño omoi iri. Afe izói conímana omoi dúecafíreiri. ³ Afe llezica mai Ñuera Joreño ómoimo comútaga dájena jaináinafue ñue rairuíreiri. Ua, omoi dáaziena dani conímana comécina jacíruiñenafuedo dáamacina jaináifireiri. ⁴ Daa cómemo da abi illa izói, daade abi. Afe abi Cristo ie. Afe daade come abi izóidicai. Afe izói Ñuera Joreño daade. Daje izói Juzíñamui nana caina daa uire ñue finóllifueмо úínotagacai. ⁵ Cai Ocuíraima daade. Daje cai ñnogafue jeire oticai. Daje izói dáafueмо báutizagacai. ⁶ Iemo Juzíñamui daade; afémie nana íemo ñnotímací Moo. Afe izói afémie nana comíni Naama. Afémie nana ífícaidífuiai díbénedo ie comeci jítáinafue finode; nágaifuiaimo jetáfírede.

⁷ Mei íadi Cristo comeci jítaina izói, cáimona illa dígamieмо jiáiforiede ñúefue finolle ríinona, Cristo caimo fecade. ⁸ Juzíñamui Cuegáuai daí uícodo daide. Be ñie: Caifo monamo jailla llezica aillo nauí llaveca izóidino afémieoiri uite. Iemo fia iga jiáimací cánuafuiaiina comínimo fecade, daide.

⁹ Afémie caifo jailla daína uai jiáifue caina onótate. Afedo nauí uícodo fueñe afémie monámona ana bíllana fidídícaí. Aféruído bie fiénidífuiairede éniemo afémie monámona iere jica ana bite. ¹⁰ Afe ana bitímie, abido nana caifo ite monániai caifófenemo jáidímie dáamede. Dinomo jaide, afénomona nana ie finócanuiaimo illáimaillena. ¹¹ Iemo afe bie Cristo

illa dígamiena ñue ríinoretade jáiforiede ñúefuiaina finóllena. Dámierie ie orécamacina afémie jóonete. Jáímacina Juzíñamui mona oga uaillai jino llóramana afémie mamede. Iemo jáímacina cai jllonafue uaina llotátate. Nai jáímacimo ie comínina ñue úíñollena ocuide, íaioi llófuellena diga. ¹² Afe daíí cai Ocuíraima nana íeiena ñue fibítate, ie ocuica táijina ñue íaioi jetállena, íemo nana Crísto mo jaináidinona móonaitallena; meí afémaci Crísto abi izóidímaciza. ¹³ Afemona cai íinogafue dibénemo ñue dájena maméidímacina jáíticai. Daje izóí Juzíñamui Jitona cai onona dibénemo ñue dáamacina ííticai. Afe daíí ñúefuiaina ñue izire jíéruitinona ííticai. Uafue, nana ñúefuiaina Crísto izire jíeruilla izóí, afe izóí ñúefuiaina rairuíñeno iere jíéruiticai. Jíeruillamona ñue móonaiticai. ¹⁴ Ja úrue izóidinona íñeiticai. Mei íadi jífueacadino comue llófueinafue llúamona, úrue izoide nai figo baitáñedinona jífueítiaíoi. Íaíoi comeci ñue fácajana raire jáífodo méidoítiaíoi. Bie jífuetino ebire lloga taino llúáfuedo bie úrue izóidino íinoga ñúefuiaina niné féitátiaíoi. ¹⁵ Mei íadi conímama izíruillano, íemo uáfuea cai úrilla llezica, mai Crísto díeze cai móonaili. Crísto mo izire jaináillano nana ie comeci ítífuaíí mai jeire cai ófireilli, mei Crísto afe cai jainaina abi ífoci daínámie. ¹⁶ Afémie, ífócina íllamona, nana caina caimare ocuíoide; ñue daa cómena caina jaináítate, mei illa dígamie jáímiemo ñue dúinaza. Nana afe Crísto dáamiema jaináitagamaci caimare dani jáímaciri táijina llezica, caimare ítíaíoi. Ua Crísto mo jainaide, daade abi izóidino naari conímama izíruillafuedo móonaiocaide. Móonailano caimare ite.

Crísto mo dájena cai jaináinamona comue illáfuedo macáredicai

¹⁷ Iemona bie ómoína cue daííllifue izóí, cai Ocuíraima mámeccido ómoímo jóonenocaidícue. Ja biruímona, Juzíñamui onóñegano illa izóí, mai omoi íñeno iri. Íaíoi taino comeci úrilla uai daina izóí ífirediaíoi. ¹⁸ Íaíoi comeci úrilla uai onóñeno jííifomo fiébicaídiaíoi. Juzíñamui comuítaga comue illafue afémacimo íñede, mei íaíoi comeci rírenamona ja abina onóñedímacina jáidiaíoi. ¹⁹ Ja íaíoi comeci meáífuea lloñédiaíoi. Iemo nana íaífuaíí illa díno, áfemo aillo gáinafuedo iere jeire otíaíoi. ²⁰ Mei íadi afe daíí, Crísto llófueñegaomoi. ²¹ Mei níbai, uáfuea Crísto illafue omoi cacana mei, íemo ite uafue uai dibénedo afémiedo llófuegaomoi. ²² Ie jira nauí omoi fiénide illafue dibénedo izire ómoína dáííticue: Afe nanómona ómoímo ítífuaíí, mai zabide íniroi oni dúíñua izóí omoi meídori. Afe nauí ómoímo ítífuaíí jaca ómoína fiéni finode; mei omoi fiénide gáinafuaíí jífuegaomoi. ²³ Mei jáífodo biruí cómuena méidoredíomoi; nana omoi comeci óiacanafuaíí méidorede. Nana omoi ífoci úrillafuaíí méidoredíomoi. ²⁴ Afe llezica comue comeci ítífuaíí, comue íniroi jíitaja izóí, mai jeire omoi oíri. Afe comue ítífue Juzíñamui illa izóí Juzíñamui comuide. Iemo aféfuena jeire omoi úamona, omoi uáfuea íaidonide ñue illafue otíomoi. Daje izóí afe omoi comue comécimo ítífuaíí omoi úamona, ñue jaícina jóide illáfuedo jáítiomoi.

²⁵ Iemona táínofuaíí lloñeno iri. Mai jáífodo illa dígamie conímamo uáfuea úriri, mei nana cai dáaziena daje abímo jaináídicaíza. Afe abí Crísto ie.

²⁶ Omoi ícíríbicaiadi, afe ícírífue ana fiénidífue mo ómoína uitátáñeno iri. Daje izóí daaruí náaruido are ícíríñeno iri. Raire féitari. ²⁷ Due jiza omoi comécina Taife illáímaíllimo “Jíí” daííñeno omoi iri.

²⁸ Naui meríriraíma bairódimie diga, mai abido merírriñoeno iri. Mei jáífodo zefuíruíñoeno táijizairi. Iemo ñue táijiferenamona o táijina iba óitio; áfedo o jitaille ráaniai íbaitio. O iba mei, ua dúeredimacimo íaioi jitailla raa íaioimo fecáredio.

²⁹ Fiénide uáillaido íaire úriñoeno iri. Mei jáífodo ñuera uáillaido úrifireiri. Cacádinona comeci náiretalle uaido omoi úrifireiri, íaioina ñue ézicitalle uai diga. ³⁰ Daje izói Juzíñamui Ñuera Joréñoa zúuretañoeno iri; mei afémie ómoimo íllado, jae Juzíñamui íeiena mamécaomoi. Ua biruímona Juzíñamui illánomo ñue jáicina ómoina jíllotaliruimo, afe Ñuera Joréñoado Juzíñamui íena ñue mamécaomoi.

³¹ Nana comécimo ite éoinafuiaina oni mai omoi féitari, nana ríufuiai diga. Daje izói nana icírillamona comuide riire úrillafuiai lloñoeno iri, naa jáie báíñuafuiai. Nana illa diga fiénidífuiai niné féitari.

³² Iemo jáífodo, illa dígamie jáímiemo dúecaillano comeci mánaidimiena iri. Cristo íena omoi íllamona, Juzíñamui omoi fiénidífuiai íbana oñede. Afena féitateza. Afémie féitaja izói, afe izói illa dígamie jáíma finoca fiénidífuena omoi féitafireiri.

5

Juzíñamui úruiai izói cai íllena Pablo caímo llote

¹ Juzíñamui izíruiga úruiai omoi íllamona, mai afémie illa izói omoi iri. ² Cristo caína izíruilla izói jáímana omoi izíruifireiri. Mei jii, caína ie izíruillamona Cristo cai jáínona fecácamié. Afémie Juzíñamui íóbitallena titada ía íecaca rille izóidimie. Aferi Juzíñamui íóbide. (Afémie díbénemo afefue ñue ziórede uguci izoide.) Mai afe izói conímana omoi izíruillado Juzíñamuina omoi íóbitari.

³ Ja bie omoi Juzíñamuimo jaináidímoiza, mai ómoimona ninó dáamie áinina llezica jáie ringona jetáñoeno iri. Daje izói nana jáie íaífuiaína finóñoeno iri. Jaca jáie cómemo ite ráaniaimo úradoíñoeno iri. ⁴ Íairede méaífuiaína bummo lloñoeno iri. Daje izói táinodo úrillafuiaiido úriñoeno iri. Iemo jáímamo fiénide llagüeroilla uaina oréñoeno iri. Mei bie izóidífuiai Juzíñamui úruiaimo íeñedeza. Mei jáífodo Juzíñamuina íere íigora omoi daíírereri. ⁵ Jae cue lloga íima ringomo finoca fiénidífuie bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jáie ringo jetáadi, figóñede. Iemo íaífuie naa úradoíllafue diga finóadi, figóñede. (Afe úradoííredimie jamaí jánarai íóbitadimie izoide.) Ja onódiomoiza bie izoide fiénidífuiai ínuana íibídímié, Cristo Juzíñamui diga ílláimana íllíruimo jaináinide. ⁶ Jáímana taíno uáillaido omoi jífueñoeno iri. Mei afe bie fiénidífuiai ínuamona, nana íe uaina cacáacañedinona, Juzíñamui íere duere íinoíteza. ⁷ Iemona, bie izói íte comíni diga omoi nabáiríñoeno iri.

⁸ Naui nai omoi íinoñoena llezica, jítifomo ítiómoí; mei íadi birui cai Ocuíraímamo dájena omoi jaináinamona, ja úzefomo macádiómoí. Iemona ñue uáfodo macádino izói mai omoi ífireiri. ⁹ Cai Ocuíraíma Jesucristo egáíñote raa izoide. Iemona cai comécina ñueítate. Iemo ua uaido caína úritade. Daje izói cai jáicina ñue íllífuie comuíate. ¹⁰ Cai Ocuíraíma ñue íóbitallífuena, mai íere omoi onóicairi. ¹¹ Báinino macádino finoca táínofue díbénemo íñoeno omoi iri. Mei jáífodo afe báinino íaioi íinócafuena

uáfomo omoi cíotari. ¹² (Mei íadi afémaci báinino finócafuiai izói cai úriadi, caina meáruitaitate. Ie jira benomo rabedo jino ómoimo llóñeiticue.) ¹³ Mei íadi nana íaioi illafue jino uáfodo cíotamona, afe fiénidifuiiai iere íáirenana nana comíni ónoítiaioi, mei Cristo egáíña úzefo, nana comínimo ua comécimo itífuiaina jino cíotate. ¹⁴ Ie jira bie izói daina:

Índioza, mai cazí.

Tíidinomona mai náidacairi.

Iemona Cristo ie úzefomo ñue mácaitimiena ona jáitaitate, daide.

¹⁵ Mei íemona, nágarui omoi illáfue mo izire comeci omoi facáoiri. Naga fiénidifuiamona abi omoi rairuiri. Abina onóñedino izói omoi íñeno iri, mei jáífodo ñúefuena baitádinona omoi iri. ¹⁶ Biruido aillo fiénidifue íteza, o illafue táinomo fáifitañeno iri; ñúefuiai omoi finófireiri. ¹⁷ Táinodo úritino izói íñeno iri. Cai Ocuíraima comeci jítainafuena ñue omoi baitáocairi. ¹⁸ Jifáíñeno iri. Mei, afe jifáillafue come comécina aillo íaifue mo ana uitátate. Mei jáífodo Ñuera Joreño abi omoi úcaitari. ¹⁹ Illa dígamie jáímamo Juzíñamui uáillaido caimare omoi úriri, naa Juzíñamui rúairi. Daje izói Juzíñamui Ñuera Joreño lloga rúanai omoi roíri. Daií omoi rúado cai Ocuíraimana iere íóbitaitíomoiiza. ²⁰ Illa dígaruillai cai Ocuíraima Jesucristo mámecido Moo Juzíñamuina naga ráaniairi figura omoi daiífireiri.

Crístomo íñotino cai íllamona Pablo cai jofe eromo cai illafue llote

²¹ Illa dígamie jáíma anamo caimare omoi iri, mei Juzíñamui daií cai ocuídeza.

²² Cai Ocuíraima anamo cai itábicailla izói, naga ringo ie ini anamo itábicairede. ²³ Mei naga ringo ie ini ocuífrega, íemo jáí ie ini ñue úíñogaza. Afe izói nana Crístomo íñotino, Cristo ocuícaiaioi; daje izói Cristo ñue úíñogaiáioi. Afémie afémaci illaíma. Daje izói afémie íaioi Jíllotaitímie. Afémie mo íñotino íemo dájena jáináinamona, ja ie izóidiaioi; ja dáamiede abi izóidiaioi. ²⁴ Iemona Crístomo dájena jáináidinona afémie anamo illa izói, naga ínrede ringo ie ini anamo írede.

²⁵ Cristo íemo jáináidinona izíruilla izói, mai naga íma ie aina izíruiri. Crístomo jáináidinomo Cristo ie abina fecade. ²⁶ Afémie daií ie abi fecade ñue íeiena íaioi íllena. Daje llezica afémie íaioimo ite íaifuiiai jáinoimo jococa muilla izói, ie uaido íaioina muiñode. ²⁷ Cristo daií caina muiñode ñuera nífuenidinona ie uíécomo cai cíocaizaíllena. Uafue, nana mallizai izói abimo comuídena duano ebire eroide, líríñede abi ígoína caina finode. Jaca due jiza fiénidifueña fiéñede. Nana íaioína íeiena iere ñue finode. ²⁸ Afe izói naga íma dama ie abina izíruilla izói, ie aina izíruirede. Ie aina izíruitímie dama ie abina izíruite. ²⁹ Bu jaca dama ie abina éoiñede. Mei jáífodo cai abina ñue ecádicai, ñue úíñotícaí. Afe izói Cristo íemo dájena jáináidinona ñue rairuide. ³⁰ Mei afémaci dama íeieza; ja daa ie abi izóidiaioi. Cai bie afe abimo jáináidicai. ³¹ Bífuiamona Juzíñamui dáina izói, dámie ie moo, ie ei díga, fáicanocaíllano, ie ai díga dájemo jáináicaitate. Jáinaicaíllano, daade come abi izói itíaiíllinoi. ³² Bie daade come abi izói íficaíllafue, jáíamona áíllue báinide rafue. Mei íadi afefue Crístomo dúide; daje izói íemo dájena jáináidinomo dúite, daídícue. ³³ Mei íadi daje llezica ómoimona illa dígamie omoi abina izíruilla izói omoi aina

izírui, daiíacadicue. Iemo naga inírede ringo ie inina ñue jacíruiredeza, daidicue.

6

¹ Uruiai, omoi cacai. Crístomo inotinodiomoiiza, o moo uai jeire omoi olle iere jitáirede, mei afe bifue Juzíñamuimo jaícina jóideza. ² Bie lletara uai llua mei, Juzíñamui dáanomo ñue cai illifue llote. Daií nana ie lletara uáimona dama búaido Juzíñamui cai ñue illifue llote. Afe llétaja uai bie izói daide: “O moo, o ei diga, ñue jacírui, ³ áfedo caimare o íllena, daje izói bie éniemo are o íllena.”

⁴ Ja úruiairedino, mai omoi cácarei. O úruiaina comécina rícaitañeno iri. Mei jáífodo riire llétaja uaido ñue íaioina llófuefireiri. Daií íaioina ñue omoi móonaitari, cai Ocuíraima Jesumo ñue íaioi inollena.

⁵ Ocuífiregano, mai omoi cacai. Biniemo ite omoi ocuídime dánana ñue jeire omoi oíri. Cristo ocuíllamo o táijina izói o táijitatimie ráairuñeno ñue táijiri. Afémie ocuíllana ñue jacírui. O táijitatimie uaina nibéfodo oñeno iri. ⁶ O ocuídime eroille llezica ñue táijiri, daje izói afémie inena llezica náamonaze ñue táijiri. Dama ocuídime eroille llezica, íocire táijidimiena ineno iri. Afe izoide táijide come jamai come íobitade. Afe izói ineno jáífodo omoi iri. Cristo táijitagano izói, Juzíñamui comeci jitáinafuea izire omoi finori, afémie omoi íóbitallena. ⁷ Comeci ñue jitaina izói caimare omoi táijiri. Jamai come íena táijineno, cai monamo ite Ocuíraima íena ñue omoi táijiri. ⁸ Mei ja onódiomoiiza, illa dígamie ie ñue táijifirenado cai monamo ite Ocuíraimamona ñúefuea jirídoite. Rairuícemie, ráiruñegemie diga dájerize nano íaioi tájinaze jirídoite.

⁹ Ocuífredino, mai daje izói omoi táijitaganomo ñue dúecaifireiri. Afémacina fieni omoi jácidoñeno iri. Daade cai Ocuíraima anamo nana dájena itícaiza, omoi úbicairi. O táijitagano monamo ite Ocuíraima anamo illa izói, o jái daje Ocuíraima anamo itio. Afémie da cómena eneno maméñedeza. Illa dígamie dájerize mamede. Aféuemo omoi úbicafireiri.

Jesumo inotino comeci náireitalle abí ríidua uai Pablo llote

¹⁰ Mei ámatiai, cai Ocuíraima Crístomo ite ríinodo benómona mai riire omoi iri. Cai Ocuíraima Jesumo omoi jaináinamona riire abí omoi mameri. Mei, afémie jamánomo riiredeza. ¹¹ Juzíñamui lloga abí ríidua uai, ñue jeire omoi oíri, naa ie ñuera ézicigafuiai. Mei jii, dáarie comini abí ríidollena ñue fuiríllena llojécuiroi jitádiaoi. Afe íaioi jita izói, nana Juzíñamui cai ríidua uai, mai jeire omoi oíri. Afe uaido Taiíe jífuia uaina uáitarediomoi. ¹² Jamai abina mairide come diga fuiríñedicaí. Mei jáífodo fiénide joríaí diga fuirídicaí. Afémaci caifo cai acónimo táifodo macádiaoi. Afe cai diga fuirífirede joríaí nana biniemo ite jítfodo jaide fiénidimacina fieni ocuíoide. Binie comínina “Cáiediomoi” daiícaidíai, mei “Omoi náamadicaí” daiífirediaoi. ¹³ Ie jira Juzíñamui lloga abí ríidua uáillaído abí omoi rairuiri. Afe bie uaido jobáirillaruiño ñue abina ríidoitiomoi. Daií abina ríidotiomoiiza are ñue ríinoredinona ítiomoi. ¹⁴ Ie jira riire omoi iri. Fuiríraima ciraigi ife riire tirinua izói jizíñeno ñue ie fuiríllena, afe izói Juzíñamui lloga ua rafue jeire omoi oíri. Daje izói ñue jaícina omoi íllado nágarui ñue abí omoi ríidofireiri. Afe bie

omoi jaícina illafue, fuiríraima jogobe ríidollena jitaca llojeco izoide. ¹⁵ Afe fuiríraima fuirízailla llezica ie idai ico riire maiga izói, áfedo riire ie naidáillena, afe izói Juzíñamui comécina jacíruiñeno uai jeire omoi oíri. Afedo abina riire mámano, fiénidifuenta ómoína anáfenoñeiteza. ¹⁶ Iemo illa dígaruillaído Juzíñamuimo omoi ínogafuena féitaño iri, mei áfedo Taife caimo mameca fiénidifuiaina oni caitárediomoi. Omoi ínogafue jae fuiríraima abi ríidollena úifirega llojeco finoína escudo izoide. ¹⁷ Iemo Juzíñamui lloga jíllona uai jeire omoi oíri, mei aféuai, ifo ríidollena jitáfirega ifo ico llojeco izoide. Iemo nana Juzíñamui uáillaina mai jeire omoi oíri, mei afe Juzíñamui uai, Ñuera Joreño ómoimo fecaca fuirira llojébici izóideza. ¹⁸ Nana bie cue ocuícáfuiái, mai Juzíñamuimo jícano finori. Jaca Ñuera Joreñodo izire Juzíñamuimo omoi jicáfireiri. Bie izói omoi illena, nana bífuiaina fáicanocaiño ñue abí omoi rairuíoicairi. Daje llezica nana Juzíñamuimo jaináidinomo Juzíñamuimo omoi jicáfireiri. ¹⁹ Daje izói jíái cuemo jicáfireiri; náiraímo cue úria, Juzíñamui cue uai nabáilleza. Iemo jacíruiñeno íocire íaioímo cue úrillena, Juzíñamuimo omoi jicari, nauí báinino lloga jíllona uai jino comínimo cue fidítallena. ²⁰ Bie ñuera uaido comínimo úrillena Juzíñamui orécamedicue. Afe uai ícoína, ja birui llavécamedicue. Iemo, bífuedo ñuera llujáitimie izói jacíruiño naire cue úrillena, mai Juzíñamuimo omoi jicari.

Jiraicaiño uáidua uailai

²¹ Cai izíruiiga ama Tíquico, cai Ocuíraíma Jesumo tájinana fáicanocaiño canófredimie. Afémie nana cuemo itífuiaina ómoimo jino llóite, naa jíate cue finócafuiái díga. ²² Jira, bímie ómoimo orédicue, cue illafue ómoimo jino llóllena. Iemo jíái áfedo omoi náireficaillena, íena ómoimo orédicue.

²³ Moo Juzíñamui, cai Ocuíraíma Jesucristo díga, cai ámatiaímo ñue comeci uái illifue ómoína ñue onótaitenza. Daje izói Juzíñamuína ñue omoi izírullena jicádicue. Ie jira Juzíñamui omoi ínogafuena aillo mónaitaitenza daídicue, afe bífuiái omoi maiñóllena. ²⁴ Nana cai Ocuíraíma Jesucristona féitaño izírúitína, Juzíñamui ñue íaioína ézicíteza. Mai; jae ñue. Daí íteza.

FILIPO COMINIMO SAN PABLO ORÉCABE **La Carta del Apóstol San Pablo a los Filipenses**

Filípomo ite Jesumo ñnotinomo Pablo llavéracomona cuete

¹ Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófueimo ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziana jaináidiomoi. ² Cai Moo Juzíñamui ñue ézicigafueimo omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

Pablo Jesumo ñnotinori Juzíñamuimo comécido úrite

³ Naga ómoimo cue úbicaifrenaruido, cai Moo Juzíñamuina: “Fere figura” daiífiredicue. ⁴ Juzíñamuimo comécido cue úriadi, jaca nana ómoiri caimare jicáfiredicue. ⁵ Mei fueñe tainéinaruimona ua biruimo Juzíñamui ññufuedo dáafueimo naa ómoiri táijifiredicaiza. Afena figura daiífiredicue. ⁶ Juzíñamui nauí omoi comécimo ññufuena déitáte. Afe ññufuena déitallifue tainédimie ua Jesucristo billíruimo fáicanocaiñeno déitaoicaite. Afefue taino daiínideza onódicue. ⁷ Mei ómoína iere izíruillano nana ómoiri daií comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamedicue íadi, omoi cúeoiri jeire oga ézicigafue, ññufue cue llujáillena canode. Iemona cai jílloillifueña comínimo uáfueña ñue fidítaticue. Daje izói bífuena iere nahífueza daiítaticue. Afe izói bie ññufueña uáitaacadino uíecomo daa bífuedo cai jílloillifuedo jaícina ñue úriticue. ⁸ Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. ⁹ Juzíñamuimo comécido cue úrillado ómoína jicádicue. Dani conímána aillo jamánomo izíruillana jicádicue. Daje izói nana ñue fibíllafue abina omoi onóillifue diga, jicáfiredicue. Ua daií ómoína jicádicue, ññufuai omoi níziana omoi fibíllena. ¹⁰ Afe bifue jeire omoi óiadi, omoi comeci ifue íainite. Daje izói Cristo billíruimo nífuenidinona íitiomoi. ¹¹ Daií Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuai omoi illáfueimo Jesucristo mámeite. Afedo Juzíñamuimo ññufue ebíredifue diga nítaitiomoi.

Cristo jítainafue cue ñnuamona cue comeci ifue ráifide

¹² Amatai, omoi cácarei, cuemo zúidifuiaina omoi fidítaticue. Aféfuai Juzíñamui cai jílloalliuai jino llúana nahí uáfueña canode. ¹³ Benomo cue llavéinamona, nana nahíllaíma jofo abi úiñoraini, ññufuedo cue llavéinana onódiaioi; ua Cristo ññufue jeire cue úamona ja llavécamedicueza, áfena nana onódiaioi. ¹⁴ Llavécacueña íaioi ciónamona, ja nana ñnote ámatiaimona nabémaci iere náicaidiaioi, Juzíñamui uai jino llóllena. Ua meáiruñeno uáfori jino llotíaioi. Daje izói cue llavéinamona cai Ocuíraímamo jamánomo ñnotiaioi.

¹⁵ Uáfueña dámerie cuemo úradoillano Crístodo úritiaioi. Afémaci énenoruillano cue baimo jamánomoidimiena íacadiaioi; mei íadi jíaimíllaí

comeci ñúefuedo jino llotíai. ¹⁶ Dáarie daní íai. comeci óiacanafuíado Crístona jíáifo úritíai. Cue llavébillafue baimo jamánomo raamo cuena jíiritaiacadi. ¹⁷ Mei jíáimaci cuena izíruillano Juzíñamui ñúefue jino llotíai, mei nai benó llavéracomo cue íllana onódi. Ua Juzíñamui jíllóilluui uáitañena jira llavécacueza onódi. ¹⁸ Mei íadi ¿cúemona níbai? Dáarie jáicina Crístodo úritíai; jíáimaci Crístodo jízíreicana úritíai. Mei daje ábiedo Crístodo íai úriadi, cuena jaca íóbitade.

Afe cue íóbillu baimo jamánomo nai íóbioicaiticue. ¹⁹ Mei nana bífuaiamona nífuenino záiticueza onódicue. Ua cueri Juzíñamuimo comécido omoi úrillado ñue jíllóiticue. Daje izóí Jesucristo Joreño cue cánuado ñue jino jáiticue. ²⁰ Jesucristodo meáiruñeno cue úrillena cue comei jítaillafue. Afe daje bífue mo iere ocúridicue. Birui cue illáfuedo jíáimaci Crístomo aillo ñúefue nitádia. Afe bie nita baimo, nai jamánomo íai nitállena jítaidicue. Nibai cáaiticue, nibai tíiticue dama mei áfena lloñedicue. Dama Jesucristomo ñúefuina nita daidicue. ²¹ Nai tíñeno cue jáicaiadi, Cristo comei jítainafue cue ínuana jamánomo naga raa baimo gáidicue. Iemona nai cue cáanafue ñuera; íemo jíái cue tülle jamánomo baimo ñuera. ²² Mei íadi bie cue abido nai cue caana llezica, cai Ocuíraima comei jítainafue bíniemo jino denóllena tájifireiticue. Meita bie mena cuemo itífue mona ní fue nizada óiticueza onóñedicue. ²³ Nai feire jánaideza, bie ménafuedemona ní fue óiticue. Aféfuena ñue cue onóille féirede. Mei jíáfodo caífo Cristo diné cue jáillena tíiacadicue; bie izóidifue cúemona jamánomo ñuera. ²⁴ Mei íadi jíáie izóí omoi cígido bie caana abido cue jáicallena, ómoiena iere jítaírede. ²⁵ Mei daa bífuena jáicina onódicue; omoi diga nai cue ícaillena ñue onódicue. Omoi diga cue íllena jítaírede, omoi ñue ínogafue nágarui jeire omoi cue otátallena. Ua ómoiri cue illa jítaírede, jae jeire omoi ua izóí afe baimo jeire omoi óllena. Daje izóí omoi ñue ínogafuedo omoi íóbioicallena, omoi cígiri cue ícaillena nai jítaírede. ²⁶ Mei daí nana omoi cígiri íiticue. Afe uire cue bílledo Jesucristona jamánomo aillo íóbitaiti omoi.

²⁷ Cristo ñúefuiai úbicaillano, afe izóí nágarui omoi illafue ñue jáicina jóneri. Nibai omoi cue éroizaiadi bifue jeire omoi úamona, omoi illa ñúefuena fidíacadicue. Daje izóí ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáaziena caimare omoi jáináillana onóiacadicue. Daje izóí jíllóilluuiamona lloga ínogauaimo izire omoi níci duana fidíacadicue. ²⁸ Daje izóí omoi bacáuai ímíaina due omoi jáicaiñenana cuemo omoi lloiri, daidicue. Afe omoi jáicaiñenafue, níne íai táinocaillifuena uáfodo jino llotátate. Mei íadi daje llezica omoi jíllóillifuena uáfodo jino llote. Bie omoi onóitainafue Juzíñamui díbenemona bite. ²⁹ Mena rafue Juzíñamui ómoimo mamede. Nánorafue daide:

Cristo uaina iere jeire órediomoi.

Nane jíáfue daide:

Cristo ñúefue jeire omoi ua méifomo, afémie ícoiri duere zefuífirediomoi.

³⁰ Cue naa ómoiri daje fuirilla izóidifue mo iticai. Naui cue fuirídime izóí íllana cídi omoi. Ja birui fuirídime izóí, nai cue jáicana ráfuena onódi omoi.

2

Cristo jamánomo uáitagamiena jaide ie méifomo Juzíñamui jamánomo ñue ébifue íemo nitade

¹ Ja birui Cristo ómoína náicaitarede. Afémie ómoína izíruillano, comeci zúurenamonana omoi comécina cáimacaitarede. Ie Ñuera Joreño omoi diga ite. Conímána izíruillafue dúecaillafue diga afe dibénemo itíomoi. Nana bífuaiána omoi onónamonana, mai cue omoi ióbitari. ² Ua caimare ñue omoi illífuedo cuena ióbitari. Afe izói daje izíruillafuemo omoi jaináinamonana cuena ióbitari. Afe mei dájemo comeci jitáinafue jeire omoi úado cuena omoi ióbitari. Afe emódomo dáafuemo omoi comécinado cuena omoi cáimacaitari. ³ Dani omoi comeci jitailla izói mamériñeno iri. Fia abi ínuafuedo nífuena lloñeno iri. Mei íadi comeci mánainafuedo omoi mamériri. Omoimona illa dígamierie omoi aino cómena o baimo comécina ñuera, omoi daiífireiri. ⁴ Dani omoi ñue illáfueña jenóñeno iri. Mei íadi nana jíaimaci ñue illáfueña omoi jenori.

⁵ Cristo Jesús comeci mámia izói, dájemo comeci omoi mameri. ⁶ Nano fueñe ie illa llezica afémie daa Juzíñamui izoide. Juzíñamui izói ie illa ríino afémiemo ite. Mei íadi ie fiénocaiga ríinona “Raíre meine cue olli” daiíñede. ⁷ Mei íadi afémie Juzíñamui izoina llezica afe íemo ite ríinona oni eneno fiénocaide. Fiénocaillanona jiba iima jéicia izói Cristo jéiciga. Daií ie jéiciinamonana fia jamai táijitagamie bie éniemo jáicana izói jáicade. ⁸ Jamai cómena ie illa llezica jamánomo comécina mánaidimíena abí mamede. Daií mámiáno ie Moo Juzíñamui daínáuai jeire uano dama tízaide. Ua aillo meáire cruzmo tízaide. ⁹ Ie jira Juzíñamui jamánomo aillo ñúefue íemo nitade. Ua áfemona nana jíaie mámeciaí baimo jalléidicína Juzíñamui íemo jitade. ¹⁰ Daií bie mámecina Juzíñamui íemo jitade, nana comíni ie anamo dújuillena. Ua afe Jesús daínácina íaioi cacánamonana nana monamo itínuaí, bie éniemo itínuaí, daje izói énie anamo itínuaí cañícido ie anamo dújuitiaíoi. ¹¹ Daií dújuillano nana comíni comécido íena ónuano, Jesucrístona nahí Ocuíraimana dáitiaíoi. Daií daínado Moo Juzíñamui ñúefue nítaítaíoi.

Crístomo jaináidino bínie egáíñotino izóidiaíoi

¹² Mei jira, cue izíruiga ámatiaí, nauí omoi cígiri cue illa llezica jaca ómoimo cue llogáuaina jeire otíomoi. Ja birui ómoimona jica itícuemo, nauí omoi úana izói, afe baimo aillo jeire omoi oíri. Dani omoi jíllonafuemo comécina mánaidimíe izói jacíruioicana áfemo omoi comécioíri. Aféfuena nana comínimo ñue jino omoi denóicairi. ¹³ Mei Juzíñamui afe ñuera comeci óiacanafuaí ómoimo fecádimie. Afémie dama íe comeci ñue jítainafuedo ómoína canófirede, omoi comeci ñue óiacanafuaí jino denóllena.

¹⁴ Bífuai jino omoi denolle llezica nana omoi jetácafuaí fieni úríñeno omoi finori. Daje izói áfena júfidoñeno omoi finori. ¹⁵ Iemona bie izói omoi iri ninena jíaimaci ómoimo íaífue jóoneñellena. Daií nífuenino omoi iri, áfemona íaífuenidínona omoi ílleza. Mei daií omoi íllamona, comécina íaífueño féitáte figóñede comíni cígiri, Juzíñamui úruiaína mamélliomoiza. Íaioi cígiri, ucudu caifona bie jítirede énie egáíñua izói, ie izói comíni comeci jítirenana egáíñoitíomoi. ¹⁶ Afe egáíñuado zíñona cáataite uai

íaiοimo jino llóitiοmoι. Daií Cristo billíruimo ómoiri meáldaiñeno caimare abí ñnoitícue. Daje izóι omoι ñue illáfuedo nauι ómoiri iere cue táijinafue táinomo jifánofiñenana onódicue. ¹⁷ Nauι ññufuena omoι ñnuaruimo dani omoι illáfueña Juzíñamuimo llotíoμοι. Biruι nai omoι ñnogafue ñue jaícina cue jóoniamona, nibai benó cue tíadi, áferi cáimacaiticue. Afe llezica omoι cánuai biga ióbilla fueri ióbidicue. ¹⁸ Daje izóι caimare omoι iri; cue cáimacailla dibéfue mo jeire omoι oíri.

Timoteo Epafrodito diga Filipos comínimo oréillifue

¹⁹ Cai Ocuíraima Jesús comeci óiacania, Timotéona omoι eróizaitaiticue. Omoι illafue afémie abido cuemo lluaíbiadi, iere áferi cáimacaiticue. ²⁰ Cue comeci faca izóι, comeci facade jaíie cómena iñede. Dama Timoteo cue izóι comeci úrilla. Dama afémie omoι ñue illífue mo uáfueña comeci facaoífiredede. ²¹ Nana jaímaci dani íaiοι comeci jítainafue jenódiaioι. Cristo Jesús dibéfueña lloñédiaioι. ²² Afémie cuemo ráifinafueña náganuaímo jino ciótagaza onódiομοι. Ññufue jino cue llócaillado afémie cue diga, jító izóι jaícaide. Ua moο ie jító diga táijicana izóι cue diga táijicaide. ²³ Cuemo ite itífuaí jino déillana ñue cue onóadi, bie Timotéona omoι méiñotaacadícue. ²⁴ Cai Ocuíraima ñue ñnoticue. Iemona nibai ómoína raire dama eróizaibitícue.

²⁵ Daje izóι cúemona uáfodo jóideza, cue ama Epafrodito omoι cígimo jaírena. Afémie cue táijinana nabáífredimie. Daje izóι fuirilla izóι cue llócaigafue nabáífredimie. Mei íadi nauι cue jitaica raamo táijillena omoι cuemo orécamié, abido ómoimo orédicue. ²⁶ Mei afémie nana ómoína izire cióacade. Ie irárenana omoι fidínamona afémie comeci iere járitaide. ²⁷ Uáfueña iere irárede; tíllanomo figo dúcide. Mei íadi Juzíñamui íemo dúecaillano íena jíllotate. Dama afémiemo dúecaíñedeza; mei jaíi daje izóι cuemo dúecaide. Ua Juzíñamui cuemo dúecaide, cuemo ite zúufuaí baímo jaíie aillo comeci zúufuaí cuemo bíñeillena. ²⁸ Iemona íena iere oréacadícue, raire afémiemo omoι érocaillano iere omoι ióbicaillena, cue zúucaillafue raire niné féilleza. ²⁹ Bie Epafrodítone mai jamánomo caimare omoι uáidori, Juzíñamuimo izire jaínaide ámaza. Nana ie illa izóidimíai caimare jacíruiοicana íaiοimo mai omoι cacáreiri. ³⁰ Ua afémie Crístomo táijinafuedo tíllanomo figo dúcide. Dama ie cáanafue jacíredifue mo afémie jóonete cuena canóllena. Ua omoι bíninamona afémie cue cánuai billena iere jamánomo nícidote.

3

Uáfueña Juzíñamui ióbilla cai ñue jaícina illafue

¹ Cue ámatiaí, mai cai Ocuíraima omoι ióbioicairi. Cue cuezafue meine ómoimo cue lolle cuena áifedua izóι iñeite, mei íadi ómoína iere ñue canode. ² Íairuiga jiba jico izóι fiénidifue mo itímacimona abí omoι rairuiri. Omoι bacano ícoi quetáfirediaioι. ³ Cai bie ua quetácamacinaza. Cai bie cai joréñodo Juzíñamui ióbillamacidícaí. Fia jínofenemo cioide raana ñnoñedicai. Cristo Jesús íeiena cai íllari caimátadinodicaí. ⁴ Bífuaímo aillo cue ñnorigafuaí ite íadi, áfena lloñédicue. Cue baímo buna aféfuai mo ñnonide. ⁵ Cue jocóinamona ocho dígarui íllamona cue bacano ícoi quetádiaioι, mei nahí israelita nairaí ímiedicueza. Cue bie Benjamín

izíemo jaináidimiedicue. Cue jocóinanomona hebreo ímiedicue. Ua hebreo ímie jítódicue. Judíuai ocuífue jino cue dobáíñuamona cue bie fariséodicue. ⁶ Jacire ocuíoídimie izóí Crístomo jaináidino fállena íaioina racádicue. Judíuai ocuífue lloga ñue jaícina illafue dibéfuemo, jaca nífuenidimiedicue. Bu úaitañegamiedicue. ⁷ Mei íadi nana bie nauí cúemona aillo ráifidífuaína, ja biruí aféfuaiína Cristo ícoína náfueñedicue. Ua aféfuaiína jamai ráifíñedífuaí izóí áfemo coméiidicue. ⁸ Afe baímo aillo jíáfueemo coméiidicue. Cue Ocuíraíma Jesucrístona cue onóillífue, nana cuemo itífuaí baímo aillo ráífide. Iemona cuemo itífuaína féitaticue. Cristo ícoína naga cuemo itífuaína cue féitaga. Ua aféfuaiína oní dotáacaiga raa izóí coméiidicue, afe íbana Cristo cue náamatallena. ⁹ Daje izóí cue afémiemo jaináiacadicue. Ocuícafuena cue ínuamona ñue illáfueña llínoticue. Mei íadi afe ñue illáfuedo Crístomo jáinaíñeiticue. Jesumo ínotinomo Juzíñamuí iga nahí ñue illáfuedo Crístomo jánaiticue. ¹⁰ Cue comeci jítinaífuemo Cristo cue onóillena. Daje izóí ie tíllanomona meine abído cáatate ríinona, “Cuemo iri,” daídicue. Afémie duere zefuilla izóí duere zefuífue cadicue. Afe daí ie tíllaruímo ie illa izóí íitícue. ¹¹ Afemona tídinuíaí meine cáallífueemo ocuírídicue.

Crísto fueñe cue ocuilla izóí cue jáillena, fúirilla izóí izire nícidocana uiticue

¹² Ja nana afe bie mamérrillafue oticue daíñedicue. Daje izóí comeci jaícina ñue jóidimiedicue daíñedicue. Mei íadi Crísto fueñe cue ocuilla izóí íacadicue. Ie jira nágaruí aféuáímo nícidocana uiticue, afémie cuena daína izóí cue jáillena. ¹³ Cue ámatíai, bífuáímo ja dúcidicue dama daíñedicue. Mei cue nahí finóacaígaífuemo jíáfodo jóide. Nauí cue illáfueña féitaticue. Afe llezica nahí como cuemo déioicaiticueemo ríire coméiidicue. ¹⁴ Aízídino raíre mózizaílla izóidíno ducíacadicue. Juzíñamuímona fía jíridolle raa izoide cue llínuabíllena, Juzíñamuí monámona cuena uáídote. Crístomo cue jáinánamona afe jíridolle raana máíñoíticue.

¹⁵ Cáímona nana ínogafuedo ñue móonaitino, maí bie izóí caí coméioíllí. Jíáfodo omoí coméiadí, Juzíñamuí áfena ómoína fidítaite. ¹⁶ Mei íadi bifue maí caí náfuellí: caí onóígaífuemo izóí maí ñue caí illí. Daje izóí ñue jaícina maí caí coméioíllí.

¹⁷ Cue ámatíai, nauí omoí cígírí cue íllana cíodíomoíza, afe izóí omoí irí. Omoímo cue cíotagaífuemo jeire otínomo izire comeci omoí facáoírí. ¹⁸ Ja aillo Crísto tíllafueña uáítatíno íteza. Iemona díga ícaíño afémacído ómoímo llotícue. Nane zuure éebícaíllano dáanomó ómoímo llóíticue. Afémacímona abí omoí raírurí. ¹⁹ Bie izóí ítíno íraírurímo níne táínocaitíaoí. Daní íaíoí abí jíítinaífuaiína daídíaíoí:

—Bie cue juzíñamuí, —daídíaíoí. Meáírede raana meáíruríñediaíoí. Mei íadi áfedo abí ínotíaíoí. Fía bie énie ífueemo coméiidíaíoí. ²⁰ Mei íadi caí nana caífo mona ímácídícaí. Caí nana, caí jíllotade Ocuíraíma Jesucrísto monámona bíllemo úíñotícaí. ²¹ Caí zúíñoñede abína afémie méíduabíte, afémie íe abí ebíre cíoina izóí caí íllena. Afémiemo íte ríínodo naga raana náamatade. Iemona afe daje íemo íte ríínodo caí abí ífueña méídoíte.

4

Jaca cai Ocuíraimamo caimátaioicairi

¹ Cue izíruiga ámatiai, mei ómoína iere cíoiacadicue. Omoi cue ióbioinamacidiomoi. Iemo cue jirírdolle raa izóidiomoi. Ua cue izíruigamacidiomoiza; mai cai Ocuíraimamo jaícina riire omoi comécioiri.

² Evódiana mámeceiredingo íemo Síntique diga, izire jicádicue, dáafuemo ómingo comécíiri. Mei cai Ocuíraimamo jaináinamona ebúñona maméidiomíngoza. ³ Daje izói jíáimíemo úriticue. O, cue táijinado jaca ñue cuena nabáidío. Ua cue íinoga nábaidío. Jira bie cai miríngotíaina o canótaiticue. Mei afe íainguai cúeoiri afe jíllona uai cue llócaínado nícidocaidiaínguai. Bíaínguai, Clemente diga naa jíáimíeoíri cúeoíri táijicadiaioi. Nana afémaci mámecei ja Juzíñamui ziiñona illino óitino mámecei cúeinanicomo cuega.

⁴ Nágaruillaído cai Ocuíraimamo mai omoi caimátaioicairi. Nane dáanomo daidicue, mai caimátaioicairi. ⁵ Omoi comeci mánaina naga cómemo, mai cíotaitiomoiza. Cai Ocuíraima billíruimo ánozideza. Cai áinori íteza.

⁶ Omoi comeci nífuemo járitaitañeno iri, mei jíáfodo naga ómoímo comuídifuíaina Juzíñamuimo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Iere figura” mai omoi daífireri. ⁷ Ie mei Juzíñamui comeci caimare uái illafue ómoímo íteza. Bie comeci uái illafue comini onoiga táínofue baímo ñuera. Afe caimare uái illafue omoi comécina ñue ráiruíte. Daje izói omoi comeci jarire úrillafuena ñue manánaitaite. Mei Cristo Jesumo daane jáinaítiomoiza.

Ñúefuíaimo comeci omoi facáoiri

⁸ Cue ámatiai, íraicaiño omoi llóitíicue. Nana nahí uáfuíaimo omoi comécíiri. Daje izói nahí caimare jacíruioigafuíaimo omoi comécioiri. Daje izói nana jaícina illáfuíaimo omoi comécíiri. Afe izói nana íainidifuíaimo omoi comécíiri. Daje izói nana ióbillafuíaimo omoi comécíiri. Daje izói nana caimare jalléinafuemo omoi comeci uibíoiri. Nana bie ñúefuíaimo omoi comécioiri. Daje izói nana ñúefuena nitáfíreganomo afémacímomo omoi uibíoiri.

⁹ Omoi cue llófúia izói mai omoi iri; ómoímo cue lloga lletárafuíaimo mai omoi ínnori. Cue dánana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfírede Juzíñamui omoi diga ífíreíte.

Filipo imaci fia fecaca raa Páblomo orédiaioi

¹⁰ Meine nane cuemo omoi comécíillari cai Ocuíraímado iere ióbidicue. “¿Nibái mei cuena féitatiomoi?” ómoína daíacañedicue. Cue omoi canóacana raa átiitimie íñédeza, onódicue. ¹¹ Cue ráaninari ómoína fieri úacaiñedicue; cuemo ite raari cue ióbillana ja fibídicue. ¹² Duere cue íllana fibídicue. Daje izói aillo cue jitaica ráaniai íllana fibídicue. Nífue cuemo comuíadi, afe izóidífue cue ocuállana ja fibídicue. Nibai jeíredicue, nibai juffruiticue; afe izói caimare cue íllana fibídicue. Güiga alla cuemo íadi, mei cuemo íñeniadi daje izói ñuera. ¹³ Naga cuemo eróicana comuíde raana ocuíredicue; mei Cristo cuena ríiduado ocuíredicue. ¹⁴ Mei íadi cue dúerena llezica cuemo omoi dúecaíllamona, cue omoi cánua ñuera. Diga ícaíño duere cue finóinari omoi zúunaila cuena nácaítade.

15 Omoi Filipos imáciomoi, daje izói bífueña onódiomoi. Nano fueñe jállona uai cue llócaína llezica, daade cue canófireñodiomoi. Ua Macedóniamona oni jáinomo cue jailla llezica daade cue canode Jesumo ñinotodiomoi. Fia fecaca ráaniai cuemo oréfireñodiomoi. Afemona comínimo cue fecá izói, íemo íaioimona cue llínua izói, afe dájemo naa ómoiri tájidinodicai. 16 Nai Tesalónicomo cue illa llezica, omoi diga ícaíño, fia fecáfireiga ráaniaína cue jítaicaniána cuemo orédiomoi. 17 Fia ráaniaína cue llínoiacanamo coméññedícue; mei íadi cue comeci jítaillafue, Juzíñamui uíecomó ómoimo aillo íi, daídícue. Iemona daí aillo omoi ofítaga raana uire maiñóritiomoi. Afemo coméññedícue. 18 Mei nana jae cue llínoga. Afena cue jitaica ráaniai baimo ja llínotícue. Epafrodítodo cuemo omoi oreca ráaniai figo baite. Baimo cue jítáillena íñede; ja aillo íteza. Cuemo fia omoi oreca ráaniai iere Juzíñamuina íóbitade. Daí cuena omoi cánuado, Juzíñamui comeci jítaina finódiomoi. Aferi Juzíñamui íóbicaillano aféñie áfena jeire ote. 19 Cue ñnoga Juzíñamui nana omoi jitaica raana ómoimo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo íte ráaniai izói, afe izói ómoimo fécaite. 20 Mei ñuera ebíredí fue cai Moo Juzíñamuimo jaca íoicaideza. Daíítadeza.

Íraicaiño uáidonocailafue

21 Cue dibéñedo nana Juzíñamuimo jaináidino Jesucristo mámeçido omoi uáidori. Cue diga íte cai ámatiai ómoimo uai orédiaioi. 22 Nana benomo íte Juzíñamuimo jaináidino daje izói uai ómoimo orédiaioi. Romano nahíllaíma jofomo ítino iere ómoína izire uáidoiacadiaioi.

23 Cai Ocuíraíma Jesucristo nana ómoína ñue ézicíteza. Mai daíítadeza; jae ñie.

COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

Pablo Colósamo ite Juzíñamuimo ñnotinomo cuete

¹ Cue Páblodicue. Iemo cue nabai Timoteo diga ómoína uáidotico. Juzíñamui comeci jítaina izóí Jesucristo orécamedicue. Afe orécamedicue daiíacana uai, Jesucristo ñúefuena llujítagamiedicue. Cue ama izóidimie Timoteo diga, ² Colosas jófueo ite féitañeno ñnofirede ámatiaimo bibe cuetícoco. Omoi daje izóí Crístomo jaináidiomoi. Cai Moo Juzíñamui ómoimo caimare eróicaiteza. Afe llezica Juzíñamui dibénemo icíriñeno uái illifue Juzíñamui ómoimo fécaiteza.

Pablo Jesumo ñnotinona Juzíñamuimo úrite

³ Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daiífredicoco. ⁴ Mei Cristo Jesumo omoi ñnuana cócona ja fidítatiaioiza. Daje izóí Juzíñamuimo jaináidinona omoi izíruillana cócomo llotiaioi. ⁵ Afe bie izóí itíomoi, mei monamo ómoimo éenoga maiñolle raamo ñue ocuiritiomoiza. Afe ómoimo lloga ua uai omoi cacánamona, ñue ocuiritagoamoi. Afe lloga ua uai ñuera jillona uai. ⁶ Afe daje lloga uai náganuiaimo llócaillado oni aillo móonaioicaide. Ua, ríganiai llizilla izóí, iere jebuide. Mei daje izóí afe uai omoi cacana mei, omoi cígiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷ Cai izíruiga ama Epafras bie ñuera uai ómoimo llófuete. Afémie nauí cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crístomo féitañeno iere ñnofiredimieza. ⁸ Afémie Ñuera Joreño ómoimo comuítaga cuena omoi izíruillafue cuemo lluaíbite.

⁹ Jira áfena cai fidínaruimona biruimo jaca fáicanocaiñeno ómoiena Juzíñamuimo úrifredicoco. Juzíñamui comeci jítainana ñue omoi onóillena afémie jicáfiredicoco. Daje izóí nana jaíáforie ifoci úrillana omoi onótallena jicácicoco, naa Juzíñamui dibénedo onógafuiai. ¹⁰ Afe bíemona cai Ocuíraima Jesumo jaináidino illa izóí, ñue írediomoi. Mei afe izóí omoi ille jítáiredeza. Daií omoi íllamona afémiena nágarui íobitaitiomoi. Afe afémie íobilla raa be ñue: Riga llizíllajiai aillo illa izóí, omoi finoca ñúefuaina aillo omoi jebuítallena; íemo jaíá Juzíñamuina jamánomo ñue omoi onóillena. ¹¹ Daje izóí nana cai ebírede Juzíñamuimo ite ñuera ríinodo omoi ñue náireillena afémie jicáfiredicoco. Daií jicáfiredicoco nana ómoimo cómutifuiaina járitaiñeno fáicana omoi ocuóillena. Daje izóí caimare aféfuaina omoi ocuóillena ómoiena jicácicoco. ¹² Nane daií omoi comeci náireillamona caimare cai Moo Juzíñamuina “Iere figura” omoi daiífireillena jicácicue. Mei nana afémie dúidinomo ie fécalle zíñona illifue ómoiena batí Juzíñamui illa úzeredinomo omoi maiñóllena, afémie ómoína ñue finódeza. ¹³ Mei uáfueza, Taife ocuífrega jítifomona Juzíñamui caina jíllotate. Jílluano ie izíruiga jító illáimana illánomo caina jónete. ¹⁴ Mei afémie jító tíllado, caimo ite íaifuiái féitajano, Juzíñamui caina jíllotateza.

Cristo tñillado Juzíñamui diga icíriñeno dájena uái iticai

¹⁵ Afe bie cai Moo Juzíñamui jaca cíñenamie íadi, comini cíñamie izói ie Jitodo ana bite; íemona afe Jitó Juzíñamui ñie ua izóidena caina onótate, naa ie começi ífuiari. Afe Jitó nana comuitaga ráaniai baimo jamánomoidimie. ¹⁶ Juzíñamui ie Jitodo nana monamo itñuiaiina finótate, naa éniemo itñuiaiari. Cíide ráaniai naa cíñena raa diga, nana afémiedo Juzíñamui finoca. Mei uáfueza, daa fiéñeno, nana afe cai cíñena ríñoredinona naa ocuídillainiri, íemo jíai Juzíñamui abi imaci diga, dáamiedo finócaiaioi. Nana afe ie Jitodo finoca. Daje izói afémie íena finoca. ¹⁷ Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiñeno ñue jaícina itíaiioi. ¹⁸ Afe baimo Cristo nana afémiemo jaináidino afe ifo dainámie. Iemo nane afémiemo ínotino ie abi dainámaci. Afémie afe bie ie abi daina ínotinona ziiñona cáatatimie, mei afémie tiidínomona fueñe meine cáadimienaza. Afémie daí fueñe meine cáadimiena jaide, nana itífuiai baimo jamánomoidimiena íllena. ¹⁹ Nana Juzíñamui ziiñona illa izói, nana afe izói Cristo íllena Juzíñamui jitaide. ²⁰ Nane daje izói afe Cristo tñillado, Juzíñamui nana afémie comuitaganuiaiina icírafuenino dájena caimare uái illífuemo jóneacade. Mei uáfueza, nana bíniemo itífuiai naa comini diga, íemo jíai nana monamo itñuiaiari, Cristo cruzmo tñillado Juzíñamui éoiñeno dájena caimare uái itátaacade.

²¹ Naui diga íaifuiai omoi finuamona Juzíñamuimona iere jicánemaci izóidiomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga ómoina icírafuenino dájena uái illífuemo jónete. ²² Cristo tñizalla llezica ie abi izi cácanado, Juzíñamui daí ómoina caimare dájena uái illífuemo jónete. Afémie bie izói finode, íaifuenidínona, daje izói ñíufuenidínona afémie uíécomo cai ie jóneillena. Uáfueza, afémie bie izói finode íeiena cai íllena. ²³ Bie izói uáfueña omoi íllena, fáicanocaiñeno jaca íñoredíomoi. Afe izói amena ana jica jainade riire illa izói, riire íredíomoi. Daje llezica ñuera jíllona uaina omoi cacánamona omoi maiñoça caimare ocuírillafueña fáinocainidíomoi. Afe bie ñuera jíllona uai ja náragobiaido llócaiga. Iemo afe izói afe llócaigamo cue jíai canódicue, mei afe uai llócaillena Juzíñamui jónenocaigacueza.

Pablo Jesumo ínotino cánoitimiena jónega

²⁴ Birui omoi ícoinia duere cue zefuállari íobidicue. Mei áfedo Cristo abi daina afémiemo ínotinori nana uícodo lloga nai duere cue zefuállana ñue ícoimo fuitáredicue. ²⁵ Mei omoi ñue íllena Juzíñamui cuemo jónenocaigafuedo nana afémiemo ínotino cánoitimiena jáidicue. Mei uáfueza, Juzíñamui nana comínina llóiaçaiga uai, afe uai jino cue llúana ícoimo fuitállena jónenocaigacue. ²⁶ Afe bie ñuera uai jiaiaí ñinómona ua biruimo comini figo onóñediaioi; diga igímaiaí záilla méifomo afe uai nai retáiruiga raa izói joidé. Mei íadi ja biruimo íeiedínomo ja jino báifitate. ²⁷ Juzíñamui ja judíoñedínomo afe bie naui báimino ite uai ñuera áillue cáimafueña jino ómoimo onótaiacade. Bie báinide uai daina, Cristo ómoimo illa lloté. Iemo íco jíairuido ñue caimare omoi illífuemo omoi ocuírillena afémie jino dénoite.

28 Cai bie Crístona jino uáfodo lloticai. Afe llezica nana comínina ñue rairuídicaí. Daje izói nana ñúefuiai ñue íaiói onóillena afémacina nana llófiredicaí. Afe izói naga come Crístomo dájena jaináillamona afémie dibenedo ñue íaiói móonaillena llófiredicue. 29 Bie cue fuitállena, nana Cristo cuemo iga máiriedo fúirienaila izói nágarui Juzíñamuimo izire jicáfiredicue.

2

1 Mei bífuena ómoína fidítaacadicue. Jaca ómoiena iere fuirilla izói Juzíñamuimo riire jicáfiredicue; daje izói Laodicea jófuemo itino íena, íemo jíái nana cue uíécona cióñedino íena riire jicáfiredicue. 2 Afémaci comeci náireillena fuirilla izói Juzíñamuimo riire jicáfiredicue. Iemo afe comeci náireillamona conímána ñue íaiói izíruillena riire níciduano jicáfiredicue. Mei daií dájena omoi jainaina jira, bie nauí figo báitañega uai Cristo omoi íinua mei, omoi diga íllana ñue jaícina onórediomoi. Afe daií uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jíi, nana bie riire nícidoticue, figo ónoñega Juzíñamui ñuera uaina ñue omoi onóillena; mei afe báíñega Juzíñamui uai daina dama Crístoza. 3 Mei uáfueza, nana comeci jamánomo úrillafuiai naa onóigafuiai afémiemo ite. 4 Bu ómoína ebírede uáillaido bífueñeillena, nana bífuiai ómoimo llóiticue. 5 Cue abí omoi cígiri íñede íadí, benómona jicana izire ómoimo comécidicue. Iemona daií cue fídia izói dájena caimare omoi íllari íobidicue. Daje izói fáicanocaiñeno Crístomo omoi íinuari íobidicue.

6 Jae cai Ocuífiredede Jesucrístomo ñue omoi íinuamona ie lloga iodo jáirediomoi. 7 Afe bie daiíacade, amena riire jáinaja izói, Crístomo riire jaináirediomoi. Iemo jíái daje llezica jainónide jáillirai izói omoi íllena, nágarui Cristo uaillai jeire omoi ua baimo jamánomo jeire ófireiri. Mei afe izói llófuegaomoi. Iemo afe llezica nágarui Juzíñamuina “fere figura” mai omoi daiífireiri.

Crístomo cai jaináinamona cai comeci cómuena méidoga

8 Mei birui ñue abí omoi rairuiri, baimaci omoi jífueacadeza. Afémaci táinodo ífoci úrillado, daje izói íaiói lloga taino uáillaimo jífuebiñeno iri. Mei afémaci Cristo dibénemo íñédiaioiza. Mei jíáfodo jaiái ninomo comini lloga taino uai dibénemo jaináidiaioi. Daje izói dama bínie raa dibenedo comini comécillafuiai jaináidiaioi.

9 Mei íadí nana Juzíñamui zííñona ñue illa dieze, afe izói Crístomo nana ñue jaícina ite. 10 Iemona Crístomo dájena omoi jaináinamona, Juzíñamuina oruide comini izóidiomoi. Afe Cristo nana monamo ite ocuídillainina, naa cai cióñena riñoredinona ocuífiredede. 11 Iemo nane daje izói Crístomo dájena omoi jaináinamona ja bacano ícoi quetácano izóidiomoi. Mei íadí ua quétañegaomoi, mei jíáfodo nanómona omoi jocoína llezica ómoimo ite íaífueomona ja jíllodiomoi. Mei ua, bacano ícoi quétaja izói, omoi fiénidífueomona quetaca izói jíllodiomoi. Afe bie quetáfírena Crístonoma comuide. 12 Iemo nane jíáífueo cacáreiri. Mei omoi báutizanamona Cristo éniemo ana raia izói ja raigáomoi. Bie nanómona omoi fiéni finócafuiái titaca izói, ja fáicanocaitiomoi. Iemo Juzíñamuimo ite áillue riñonomo omoi íinuamona Cristo izói cómomiena

afémie diga ja cáadimacina itíomoi; mei Juzíñamui dama íemo ite ríinodo Cristo tíide meine cáatateza. ¹³ Naui jíáiruido ómoimo ite íaifuiamona comeci diné tíidino izóidiomoi. Daje izói quetátañena judíuafinedino omoi illa llezica, omoi fiénide óiacanafue jeire omoi úamona, comeci dne ónonino tíidino izóidiomoi. Mei íadi birui Juzíñamui nana omoi fiénidifuiái féitajano, dájena Cristo diga ómoína abido cáatate. ¹⁴ Caimo ite íaifue íballe raa izoide. Afe cai íbañenia tíiredicai. Mei íadi Cristo tíillado Juzíñamui cai íbácana záitate. Afe cai íbácana Juzíñamui fiébiñeno ñue íbaja Cristo cruzmo coráiado ácatate. ¹⁵ Mei afe llezica Cristo cruzmo tíillado, monamo ite ocuídillainina, naa ciónena ríinoredinona afémie ríinitade. Afémie uáfori íaioi illáiena báiruado, nana afémaci baímo íe jamánomoidimie íllana ácatate.

Monamo ite ñúefuiaina omoi jenori

¹⁶ Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi jírua dibénedo ninó dáamie fiéni ómoína úriadi, áfemo náfueñeno mai omoi iri. Iemo jíái dáarie judíuái lloga ráfuiáimo eneno omoi comeciñenado, ninó dáamie omoi jánana júfidoiadi, áfemo mai náfueñeno omoi iri. ¹⁷ Mei nana bífuiái, uire Cristo billifue dibénedo comini ñue onóillena canódeza. Mei íadi Cristo bíllamona afe cai onótatífuiái jítaíñega, mei dama Crístomo nana uafue raa báífideza. ¹⁸ Iemona nino dáamie ómoína fiéniruiadi, mei afémie táinona mánaidimiena íllana ómoimo ácatateza, áfemo náfueñeno omoi iri. Daje izói afémaci diga Juzíñamui abi imaci ómoína íóbitafireiadi, áfemo náfueñeno omoi iri. Mei afémaci ónoñega nicai anado ciófirena raado úrifirediaíoi. Afémaci jiba come comeci fácafuiaído abi iere ínofirediaíoi. ¹⁹ Afémaci Crístomo dájena jaináíñeno itíaiíoi. Mei jíáfodo Cristo nana íemo ínotino ífódimie. Afe ífo izói mamécámie nana íe abi écaja izói comécina náiretajamona afe abina móonaitade. Afe izói nana íe abimo jaináidino conímamo dájena jaináitajamona, íe abina móonaitade. Afémie Juzíñamui mamérilla izói nana bífuiái ocuífiredé.

²⁰ Mei Cristo tíillaruiamo afémie diga tíidino izói jáidiomoi; bie daííacade nanómona omoi fiéni finócafuiaí titaca izói omoi fáicanocaigaza. Afe llezica bie énie ocuífiredé cai ciónena ríinoredinomona zuitácamací izói jáidiomoi. Iemona ¿níbái mei nai bíniemo dúidino izói ífirediomoi? ¿Níbái mei íe ocuífafuemo jeire otíomoi? ²¹ Dáarie bie íaioi ocuica fímairilla uáimona bie izói daide: “Bie riñeno iri,” íemo jíái “Afeniaina güíñeno iri,” íemo nane jíái “Baie jetáñeno iri,” daide. ²² Nana bie rairuúllafuiái bie éniemo ite jétamona fúioicaite güílleniáimo dúide. Jira aféfuiaímo náfuenidiomoi. Nana afe íaioi ocuica uaíllai íia jiba comini daina uaíllai. Daje izói íia jiba comini llófuega. ²³ Mei uáfueza, afe bífuiái báitafuiái izói cacáreide, mei afe ocuídino, “Bie cai daina izói monamo itínona mai omoi caímátáifireiri” daíí daídíaíoi. Daje izói íia comini daina comécina mánaidinona ómoína oréacadaíoi. Iemo jíái comini íaioi abi táinona duere zefuítatíoi. Mei íadi nana bie íaioi ocuífafuiái cai comécimo ite fiénide óiacanafuiái rairuúllena canóñede.

3

¹ Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juzíñamui

nabézimona illáimana íteza. ² Daje izói mona dibénemo ite raamo comécillano áfemo omoi járitaifireiri. Mei jáífodo biniemo ite ráfuiamo izire comeci uitáñeno omoi iri. ³ Mei Cristo tíllaruimo afémie diga jae tídinona jáidiomoi. Jae omoi jaiái fieni finóacagafue titaca izói afe omoi fáicanocaiga. Iemo ja biruí Crístomo dájena omoi jaináinamona omoi uáfueña cáatagano; íemo jáí Juzíñamui dinomo rairuícaomoi, mei Cristo daje izói Juzíñamuimo dájena jaináideza. ⁴ Dama Cristo cai uáfueña cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiamona ómoiena máíñoitiomoi.

Cai jaiái illafue méiduano cómfuedo jáiredicaí

⁵ Ie jira nauí bie éniemo omoi jainaina jira, ómoimo diga fieni óiacanafuiái ite. Aféfuíái titalle izói mai omoi fáicanocairi. Naga áinidimie ringo diga jaca íñeno o iri. Iemo jáí, áiredimie ie áñídingo diga jaca íñeno o iri. Iemo daje izói jáíe cómemo íaifuiáido comécíñeno omoi iri, íemo jáí omoi abímona comuide jiruífueña omoi finóñeno iri. Daje izói omoi comeci fieni óiacanafueña jeire oñeno omoi iri. Iemo nane jáíe cómemo úradoiñeno omoi iri, mei úradoifiredimie diga raa óiacanamona jánaraimo caimátaidimie izóideza; Juzíñamui ífuiái baímo jamai bínie raana izíruíteza. ⁶ Ie jira nana bífuiamona íemo cacáñedinona Juzíñamui iere duere finófrede. ⁷ Iemo jaiái Crístomo omoi íñoñena llezica, nana bie izóidifuiái finófrediomoi. ⁸ Mei íadi ja biruí nana bie fáicanocairi: Jáímamo icíriñeno omoi iri, íemo rírede uailái bumo lloñeno omoi iri. Daje izói jáíe fiénidifuiái finóñeno omoi iri. Iemo jáíma jánana úriñeno omoi iri. Daje izói jáíma zanóllena fiénide uáillaído íaire úriñeno omoi iri. ⁹ Conímamo táinona lloñeno omoi iri, mei omoi jaiái fieni illafue jae méidogaza. Daje izói nano omoi finófirega jae fáicanocaigaza. ¹⁰ Iemo ja biruí comue iníroi jita izói ñue illáfueña ja méidotiomoi. Iemo afe comue illafue comuítatimie Juzíñamui. Ie jira ie illa izói afémie caina cómuena finótacana uite. Iemona afémiema ñue ícoimo ónoiticaí. ¹¹ Afe jira afe cómomaci judío ímiema ie íllana náfuenidiaíoi. Iemo jáí judíoñedimiena ie íllana daje izói náfuenidiaíoi. Iemo jáí afémaci bacano quetácamiema ie íllana náfuenidiaíoi; daje izói quétañegamiema náfuenidiaíoi. Afe izói afémaci onínemaci íllana, íemo jáí onóñedino íllana, íemo jáí izire ocuífiregano íllana, íemo jáí ocuífinigano íllana náfuenidiaíoi. Mei jáífodo afémacimo Cristo iere jamánomo ráifinamona dama afémiemo náfuefirediaíoi. Mei Cristo naga íemo ínotinomo ífredeza.

¹² Iemona bífueмо cácarei: Juzíñamui ómoína izíruite. Izíruillano afémie ómoína nízede ie íaifuenide comínina omoi íllana. Mei ie jira bie ñúefuiái izói omoi ífireiri: Jáímacimo dúecaifireiri. Jeruíño canófredimiena omoi iri. Comécina mánaidimiena omoi iri, cámafuiáido úrifireiri, járidoño omoi iri. ¹³ Conímamo jaca járidoño fáicana omoi canori. Daa come jáímamo icíríadi afémiemo ñúefuedo omoi jicari, áfedo icírafue záillena. Omoi íaífue ícoínia Cristo oni féitaja izói, afe izói jáímie omoi fieni finóadi afe ícoínia oni o féitafireiri. ¹⁴ Nana bífuiái emódomo iere omoi izíruifireiri. Mei afe izíruillafue cómena dájena jaináitateza, jáímaci diga. Afe daí jáímacina cai izíruillamona, nana afe ñúefuiái jáícina caina finótate. ¹⁵ Iemona Cristo comuítaga caimare uái illafue omoi ífoci úrillana

ífoiteza. Mei dáamací izóí íemo cai jaináinamona afe bie izóí cai íllena Juzíñamui caina uáidoteza. Afe llezica jaca Juzíñamuina “Figora” omoí daiífireiri.

¹⁶ Mai mei nana omoí comécido Cristo daináuai jeire órediomoíza. Afe mei aféuai ñue omoí onónamona conímama omoí llófuerei. Iemo daje llezica áfedo conímama ñue onóicana comécina omoí náiretari. Iemo jíái Juzíñamui íobitalliruai omoí rófireiri, jíáie íena caimátailliruai diga. Daií ruano omoí comécido Juzíñamuina “Figora” omoí daiífireiri. ¹⁷ Mei jíí, nana omoí jetáacaga raa, íemo jíái ómoímo ocuica caimánidifue diga, naa omoí daiíllifuiari cai Ocuíraima Jesús mámedido omoí finófireiri. Afe llezica Moo Juzíñamuina afémiedo “Figora” omoí daiífireiri.

Crístomo ínotinomo dúide comini diga finófirega uai

¹⁸ Daje izóí bie jíái lloífúemo omoí cácarei. Íniredingotiai, mai omoí inítiai anamo ñue ífireiri, mei Crístomo ínotinguaína omoí illa jira, afefue ínoredenza. ¹⁹ Daje izóí inítiai omoí áitaiána ñue izíruiiri; afénguaina fiéniruiño omoí iri. ²⁰ Uruiai, omoí móotaiána nágafuemo omoí cácareiri, mei afe daií omoí íllamona cai Ocuíraima íóbide. ²¹ Móotiai, omoí úruiaína ícidoñeno omoí iri, afémaci jacinaillamona minícana finónide daií íaioí íñeillena. ²² Ocuífiregano, biniemo ite omoí ocuídina nágafuaimo ñue omoí cácareiri. Daa afémaci ñue ómoímo comécillena afémaci fia eroína llezica ñue cácareíño, mei íadi jíái daje izóí afémaci éroiñena llezica ñuera comécido omoí cácareiri, mei Juzíñamuina ñúefuedo jaciruiticaíza. ²³ Daje izóí nana omoí finóacaíga raa, ñúefuedo finori. Comini dibénedo izóí táijíño, Juzíñamuimo o táijina izóí omoí finori. ²⁴ Mei ja onódiomoíza, Juzíñamui ómoímo lloga omoí jirídolle zíñona illifue afémie ómoímo fécaíteza. Mei uáfueza Cristo ocuícamacina maméidiomoíza. Afémie omoí ua Ocuíraima. ²⁵ Mei íadi fiéní finódimie afe íbana íe fiéní finua dieze duere finóbite. Mei Juzíñamui jaca dáamie oni énenorie maméñede. Nana daje dieze jaícina duere fínoite.

4

¹ Ocuíraíni, omoí anamo ite ocuífireganomo ñue jaícina omoí eroiri. Afémaci jitaica raamo uibóicana omoí ocuífireiri. Mei monamo omoí Ocuíraima ítena onórediomoíza.

² Mai fáicaiño Juzíñamuimo omoí úrifireiri. Jaca afémiemo cáaoína izóí úriri. Afe llezica “Figora” Juzíñamuina omoí daiífireiri. ³ Daje izóí cáiena Juzíñamuimo omoí jicáfireiri, cai Ocuíraima uailai ñue cai llócaillena. Juzíñamui bie izóí caina itátallena omoí jicari. Daje izóí nauí comini figo ónoñega Cristo dibénedo uai, uáfori cue llófuellena omoí jicari, mei daií llófuereedicueza. Nauí afefue cue llua jira ja birui llavébidicue. ⁴ Mai omoí Juzíñamuimo jicari, bie ñúefue cuemo dúina izóí, onóreoicana jino cue llóllena.

⁵ Crístomo ínoñedino cígimo jaca ñue onódimie izóí omoí ífireiri. Nágarui Cristo illafue afémacimo raíre omoí ácatafireiri. ⁶ Nágarui cáimafuiaido úriredio. Daje izóí jaca ñue oíacano o úriri, illa dígamie uai ñue o óllena.

Íraicaiño uáidufue

⁷ Cai izíruiiga ama Tíquico, cuemo birui itifue ómoímo llujíte. Afémie fáicanocaiño íere cue canófiredimie. Daje izóí afémie cai Ocuíraima cue diga ocuífiregamiena ite. ⁸ Íe jira afémiena ómoímo óreitícue, birui cai

illafue ómoína onótallena; íemo jíái omoi comeci náiretallena. ⁹ Afe llezica jíáimie Onésimo mámeciredimie Tíquico diga jáite. Afémie cai izíruiga ama, íemo jíái iere ínofiregamie. Afémie ómoimaci ie. Afe íaillinoi nana benomo ífredifuiái ómoimo llóitiaillinoi.

¹⁰ Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibénedo jáie lluáfuiái ja onódiomoiza. Afémie omoi méiñuaiadi, caimare íena omoi uáidori. ¹¹ Iemo jíái Jesús ómoína uáidote. Afémie jíái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue íóbitadino. ¹² Iemo jíái Epafras uaillai ómoimo orede. Afémie ómoimaci ie. Daje izói Cristo ocufiregamie. Afémie ómoiena jaca izire Juzíñamuimo jicáfiredede, fáicanocaiñeno Juzíñamuimo omoi ínollena. Daje izói Juzíñamui dibénedo ñue omoi móonaillena íemo jíái nana Juzíñamui comeci jítaina izói jáicina ñue omoi finóllena, afémie Juzíñamuimo jicáfiredede. ¹³ Afémie iere ómoimo comécíillana uaina nabáifiredicue. Daje izói afémie jíái Laodicea jofue comínimo iere comécíifiredede, naa Hierápolis jofue comíniri. ¹⁴ Iemo jíái izíruiga manóriraima Lucas uai orede, daje izói Demas.

¹⁵ Iemo jíái Laodicea jófueimo ite ámatiai uáidori. Daje izói Ninfas dainámie omoi uáidori, naa ie jofomo gairífredede ínotino diga. ¹⁶ Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi diné dúciadi, nana omoi facádori. ¹⁷ Jíái Arquípomo lloiri: “Mai cacai, Juzíñamui omo jónega ie táijina mai ñue jáicina o fuitari,” daiíri.

¹⁸ Cue Páblodicue. Afena uafue daiíllena, bie uáidua uai dama cue ónoído ómoimo cueticue. Onótiomoiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daiítadeza. Jae ñie.

NANOIDE SAN PABLO TESALONICA

IMÁCI MO ORÉCABE

Primera Carta del Apóstol San Pablo a los Tesalonicenses

Tesalónicamo ite ñnotimacimo Pablo ie nabáññiari rabe cuetiaioi

¹ Cue Páblodicue. Bie rabe Tesalónica jófue mo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafue mo caimare omoi iri. Daje izói Juzíñamui fecaca comeci ñue uái illáfue mo omoi iri. Afe izói ie jitó cai Ocuíraima Jesucristo comeci ñue uái illáfue mo omoi iri.

Tesalónica imaci íaioi Jesumo ñnuafue ñue jino ácatatiaioi

² Nana ómoiri Juzíñamuina “Figora” daífiredicai. Daje llezica Juzíñamuimo cai úrillamo nana ómoina uibíoidicai. ³ Cai Moo Juzíñamui uíécomo ómoina uibíoidicai, jamánomo ñnuafuedo omoi táijina jira. Afe llezica aillo izíruillafuedo comínina canócana tájifirediomoi. Ie emódomo cai Ocuíraimamo omoi úiñuafue jaca fáicanocaiñnediomoi. ⁴ Cai ámatiai, Juzíñamui ómoina izíruite. Afe Juzíñamui nizécamacidiomoi za onódicai. ⁵ Meita nauí jillonafue ómoimo cai lluaíbillaruido aféfuena fia daína uáillaído lloñédicai, mei íadi Ñuera Joreño ríinodo lloticai. Daje izói afefue uáfueña ñue cue onóigamona áfena uai jizíñeno jino ómoimo lloticai. Omoi cígido cai ñue illáfueña, áfede omoi comeci ñue illena onódiomoi.

⁶ Omoimo cai jino cíotaga illafue izói ja daní ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoínia duere finócaomoi íadi. ⁷ Iemona ñuera illafue jino cíotatinona íficaiñnediomoi. Ua nana Macedonia éñemo ite ñnotimacina, daje izói Acaya éñemo ite ñnotinona fidítatiomoi. ⁸ Mei jira Ocuíraima Jesucristo llogáuái ómoimona nana Macedóniamoi éñie Acaya éñie diga jica jalleide. Ie mei afe baimo Juzíñamuimo omoi ñnogafue jae náganñiaimo jica jalleide. Ie jira jae cai jíáifodo daíillifue íñede. ⁹ Mei afeno imaci omoi ñue caina llíñuafue llotiaioi. Ie emódomo jánaraimo omoi ñnuafue fáicanocaillano caade Juzíñamuimo omoi ñnollena llotiaioi. Afe ua caade Juzíñamuimo omoi como fueñe tájinafuedo úritiaioi. ¹⁰ Ie baimo tíllanomona Juzíñamui cáataga Jitó, monámona meine bíllena ie omoi úiñuafue llotiaioi. Afe meine abído cáataga Jesús, cai jíllotaraima; ua uíre biite cai iere duere finóllifueña, aféñie caina jíllotaite.

2

Pablo Tesalónicamo tájinafue

¹ Amataiai, nauí ómoído cue illafue fia táinomo baiññede, daní áfena ñue onódiomoi za. ² Afe cue billa uicodo Filipos jofue comini caina báññota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoimo jino lloticue, jíáimaci caina

uáitaoidiaioi íadi. Afena onódiomoi. ³ Cai comeci jífueinamona ómoimo cai llogáfuiái lloñédicai. Daje izói fienu ómoína maméñedicai. Daje izói ómoína jífueacañedicai. ⁴ Omoimo cai llogafue jíáfodo joide. Cai figomieillena Juziñamui facátagamacidicai. Nue jíllonafue uai Juziñamui ómoimo caina llotátate. Mei jira daí ómoimo jino lloticai. Comini baimo Juziñamuina íobitadicai, afemie cai comeci ífuiái eroille jira. ⁵ Ebírede uáillaido ómoína fia bífueñedicai. Afena onódiomoiza. Iemo fia úcube cai óllena táinofuiaina lloñédicai. Juziñamui bífueimo uai nabáiraimana afefue uáfuellena. ⁶ Comínina ñúefuiaina caimo nitátañedicai. Mei íadi omoi onódiomoiza; daje izói jíáimaci onode, cai Cristo orécamacidicai. Afemona ocuilla ríino caimo ite, omoi cai ocuillena. Aféfuemo ómoína izire cacáreitaredicai. Mei íadi afe izói ómoína ocuñedicai. ⁷ Jááfodo ómoína icíñeno fiaicana omoi cígimo llófueticai. Ua úrue ei úruiaí comútaja úíñua izói, ómoína dúecaillano izíruiticai. ⁸ Omoína jamánomo izíruiticai. Iemona Juziñamui lloga ñúefue ómoimo llóllena ñue ja finóbicai. Afe baimo nana cai comeci ífuiái ómoimo fecáacadicai, ómoína iere cai izíruillamona. ⁹ Amatiai, nauí cai jitaica raa cai óllena izire cai táijina, uibídiomoi. Ua daí riire cai níciduana áfemo uibíoidiomoi. Mona naio diga táijifiredicai ómoimona bu abina jafue fínoñeillena. Mei afe llezica Juziñamui lloga ñuera uai ómoimo jino lloticai. Afe uaina jai ínotimacidiomoi.

¹⁰ Jaca omoi uíécomo íaifuenino macádicai. Daje izói buna jífueño macádicai. Nana omoi Juziñamui diga áfemo uai nabáifirediomoi. Daí buna caimo nífuena nitánidiaioi. ¹¹ Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai. ¹² Juziñamui íeiéna omoi maméinamona omoi jáicina nágarui ñue macállifue jítaírede. Afefue nauí ómoimo ocuídícue. Juziñamui ie náamataganona jírite ie illáimana illánomo omoi jáillena, afe llezica Juziñamui ebírenafuena omoi onóllena.

¹³ Bífuerei iere Juziñamuina “Figora” daífiredicai. Cáimona omoi cacana Juziñamui uai dibéneo, “Afe uai jiba come uai” daíñediomoi. Mei íadi aféuai illa izói, dama Juziñamui nahí uai jeire otíomoi. Afe Juziñamui uai ja omoi ínotino comécimo ñúefuiaina déioicaide. ¹⁴ Amatiai, cácarei. Omoi comínimona duere omoi finóbiadi, jae judéamo ite Juziñamuimo gairídino izói íficaidiomoi. Afémaci Jesucrístomo daje izói jaináidiaioi; mei íadi íaioi éniemo ite judíuaimona daje duere finóinafuemo duere zefuídíai omoi zefuilla izói. ¹⁵ Afe judíuai duere finódino cai Ocuíraima Jesuna fatíai. Jáiaí ninomo daní íaioi Juziñamui uai jino llórainí fatíai. Afe judíuai dáarie jófueimona caina jino jíúdiaioi. Afémaci Juziñamuina íobitañediaioi. Daje izói nana comínina uáitaoidiaioi. ¹⁶ Mei judíoñedinomo bifue cai llóiacaniadi caina rairuácadiaioi. Daje izói aféfuemona afe judíoñedino jíllollena, cai lloi dáí caina rairuácadiaioi. Afe ícoína íaioi fiénidífuiaí aillo ofíoicaide. Mei íadi biruí ícoimo aféfuiaí ícoína Juziñamui íaioína jamánomo duere finode.

Pablo meine Tesalónica comini eróziaicade

¹⁷ Amatiai, ómoimona nano nié dino oni jáidicai. Mei conímana cíoñedicai íadi ómoimo comeci facáoidicai. Afe jira izire ómoína cíoizaíbiacadicai. ¹⁸ Omoi illánomo cai jáillena mamériticai. Cue dama diga ícaíño iere jáiacadícue. Mei íadi naga cai jáiacanaruillaido Taife

llótaidogacai. ¹⁹ Mei ie jira ¿Minica mei cai úiñoigafuena? ¿Minica cai ióbillafuena? ¿Minícamona cai caimátaillafue comuide? ¿Minícamona cai comeci zuitáinafue comuide? Mei cue llófuega Juzíñamui uaina ñue ñnotiomoiza. Ie jira cai Ocuíraíma Jesucristo billíruimo dani omoi, daa bie cai comeci ióbillafuena. ²⁰ Uáfueña, omoi cai comeci zuitáinafueña, cai cámafue diga.

3

¹ Mei jira afe baimo are cue úiñonidicue. Ie jira benó Aténasmo dama cue illífuena mamériticue. ² Afe llezica cai ama Timoteo ómoína eróizaitadicue. Afémie Juzíñamui ñue táijitagamie. Afémie cai diga Jesucristo ñúefue jino llúamo táijide. Omoi ñnogafuemo ómoína ñue riire naire itátaite. ³ Iemona ómoimona buna baie duere omoi finóinamona omoi ñnogafuena féitañede. Mei afe bie zúufuiaido duere cai finóbille jítáirede. Afena onódiomoiza. ⁴ Afe emódomo nauí ómoiri cai illa llezica afe duere cai zefuillífue ómoimo lloticai. Afe daíí ómoimo ja íficaide. Ja onódiomoiza. ⁵ Ie jira áfena ja iere cue ocuínenamona, omoi ñnogafuedo mácajana jicánotadicue. Mei Taiífe ómoína fiénidífue mo baiítate izóinamona cue comeci jacíruioidé. Daíí cai táijina táinomo jifánofide izoide.

⁶ Mei íadí ja biruí Timoteo Tesalónicamona meine dúcide. Afémie ñue omoi ñnuafue izíruiillafue diga cai lluaíbite. Caina izíruiillano caimo omoi uibíoinafue Timoteo lluaíbite. Ie mei ómoína cai cióacana izóí caina iere cióacadiomoi; daíí Timoteo caimo lluaíbite. ⁷ Iemona aillo duere cai finóinafue illa llezica omoi ñnogafuedo ñue jaícina omoi mácajana fidídicue. Aferi cai comeci iere ñue fírazite. ⁸ Cai Ocuíraímamo ja biruí ñue jaináidiomoi. Afena cai onónamona caimo cómofuena comuide. ⁹ Ua ómoiri iere ióbidicai. Juzíñamui uiécomo caina iere ióbitadiomoi. Afe aillo cámafueri Juzíñamuina ibana “Iere figura” fáicanocaiñeno daííredicai. ¹⁰ Mona naio diga conima uiécomo eróicana ómoimo cai úrillena Juzíñamuimo izire jicádicaí. Afe llezica omoi ñnogafue mona nai fiébide uai jaícina cai fuitállena Juzíñamuimo jicádicaí.

¹¹ Omoi cai eróizaillena daa cai Moo Juzíñamui naa cai Ocuíraíma Jesucristori cai canóllena jítáidicaí. ¹² Omoi ñnogafue oni móonaillena cai Ocuíraímamo jicádicaí. Afe izóí conímana omoi izíruiillena jicádicaí; daje izóí naa jíaimacaiari. Omoína cai izíruiilla izóí mai nana jíaimacina omoi izíruiiri. ¹³ Omoi comeci jaícina jóonellena jicádicaí. Daje izóí cai Moo Juzíñamui uiécomo omoi nífuenillena ñue finócafue jicádicaí. Iemona cai Ocuíraíma Jesús billíruimo méairuíñeitiomoi. Aféruimo nana íemo jaináidino afémie diga bené biite.

4

Juzíñamui ióbitade illafue

¹ Cue ámatiaí, omoi cácarei. Biruí cai Ocuíraíma Jesús mámecido izire ómoimo jicádicaí. Daje izóí izire ómoína llétaiticue; nauí ómoimo cai lloga Juzíñamui ióbillá illafue daíí omoi iri. Aféfuena afe emódomo aillo omoi móonaitaocairi.

² Cai Ocuíraíma Jesús ríifuedo ómoimo lloga llétafuena onódiomoi. ³ Juzíñamui dama ie nabaina finócamacina omoi jáillena afémie jítaide. Ie jira nana omoi jiruíreño iri. Dama nahí ai diga illa figona. ⁴ Ua

Juziñamui eróicana áireri. Afengo ua mei íena jámairuiñeno íena o izíruiri. ⁵ Juziñamui onóñedino fia íaioi comeci fiendi óiacanafuedo áirenaza, mei íadi afe izói omoí iñeno iri. ⁶ Daje izói izire ómoína dáitícue, o abí come ie áina jífueta bairóñeno o iri. Daje izói o abí come ie inina jífueta meríñeno o iri. Afe bie izói itínona cai Ocuíraíma Jesús, afémacina iere duere fínoite, ómoímo cai llua izói. ⁷ Juziñamui íaífuenidínomo nágarui cai íllena caina ocuide. Afe daí ie nabaina finócamacina cai íllena ocuide. ⁸ Ie jira bie llogafue jámairuitimie jiba cómena jámairuiñedeza; mei íadi Juziñamuina jámairuite. Daje Juziñamui ie Ñuera Joreño caímo fecaca. Afe bie Ñuera Joreño Juziñamui íeiena caina ñue finode. (Afémie íena ñue finódogacai.) ⁹ Juziñamui ómoína llófueite conímana omoí izíruillena. Ie jira jíaie ámatiaína omoí izíruille cue llóllena jítáinide. ¹⁰ Mei jíi, afe daí nana Macedonia éniemo ite ámatiaína ñue izíruitiomoi. Mei íadi omoí izíruillafue aillo mónaioicaillena izire jícadícue. ¹¹ Caímare ñue illáfuemo maí ríire omoí iri. Daje izói daní omoí nícidogafuíaí izire omoí llínori. Nauí omoí cai llua izói maí ñue izire omoí táijíiri. ¹² Afemona onínemaci omoí uáillaímo ñue cacáritiaioí. Afe llezica omoí ñue tájinamona mínícana jítaiñeitiomoi.

Cai Ocuíraíma billafue

¹³ Amatiaí, tíidino íficaillafuena omoí onóñenana jítáíñedicue. Aféfuena omoí fidíadi zúucaíñeitiomoi. Jíaie cáaillfuemo comécíñedino zuure jáitiaioí. ¹⁴ Afe Jesús tíillano meine abído cáanafuemo cai ínua izói, afe daje izói Juziñamuimo ínnotino tíidiaioí íadi, Jesucrístodo Juziñamui íaioí cáatallífuemo ínnoticaí.

¹⁵ Ie jira cai Ocuíraíma cai llófueinafue ómoímo llóitícue. Afémie billíruimo cáímona cáadímaci tíidímácimona uícoficaiñeíticaí. ¹⁶ Mei dama cai Ocuíraíma ríire ocuille uaido úricana monámona ana bíite. Afe llezica Juziñamui abí imaci illaíma uai cáacaite. Daje llezica Juziñamui fíírede vudugoi cáacaite. Iemona Jesucrístomo ínnotino tíidímaci nano fueñe cáaitaioí. ¹⁷ Afe mei aféruimo caade ínnotino afe cáataga tíidino díga daane úillie cígímo itábicaíticaí. Ua dínomo nana dáanomó itábicaíticaí, cai Ocuíraíma Jesucristo díga caífo táífomo cai cíozáillena. Afemona cai Ocuíraíma díga jaca ua nínomo zúíñona ííticaí. ¹⁸ Ie jira bíuaido conímana caímare omoí fírari.

5

¹ Mei íadi afe íiraíruillaído cue ómoímo cuelle jítáinide. ² Afe afémie billíruina ñue onódiomóiza. Omoí due jiza úíñoillíruimo cai Ocuíraíma dúciite onódiomóiza. Ua merízaiítimie naio billa izói bíite. ³ “Comeci ñue uái illafue nana caímo ite. Cai jacíruillafue íñede,” comíni dáina llezica níne íaioí táinocaíllí fue ónonino íaioímo raíre zúite. Ua ringo úrue jocóacana llezica ero izírena izói, afe táinocaíllí fue íaioímo zúite. Afemona jaca buna oni jíllonide.

⁴ Mei íadi, ámatiaí, omoí cácareí. Jítífomo íñédiomóiza, cai Ocuíraíma bíllemo jáicaiñeitiomóiza. Ua, meríriraíma jacínaila izói jáicaiñeitiomóiza. ⁵ Mei nana omoí úzefomo jáináidínodiomoi. Daje izói monánemacídíomoi. Naio imácíñedicaí; daje izói jítífo imácíñedicaí. ⁶ Ie jira jaca ínínidímacídicaí jíáímací ínia izói. Afe jira cai abina ñue

onónafuedo cáaoiredicai. ⁷ Inídino jaca naio inídiaioi. Jífaifiredino jaca naio jífaífirediaioi. ⁸ Mei íadi monánemacina cai íllamona abina ñue cai onónafuedo cai íllana jítáirede. Jesumo cai ínuafuedo abina dani ríidoredicai. Daje izói jíáimana cai izíruillafuedo abina dani ríidoredicai. Ua fuiríraima ie jogóbemo jítaca llojécodo ie abi ríidua izói, afe izói bífuiaido dani cai abina ríidoredicai. Afe jíáfue, cai jíllollemo cai úiñoínafue ua ífomo jítaca ríidua llojeco izoide. Afedo fuiríraima ie ifona ríidote. ⁹ Mei cai duere finóbilla Juzíñamui caina maméñede. Mei íadi cai Ocuíraima Jesucristodo jíllonafuemo cai dúcinana Juzíñamui caina mamede. ¹⁰ Jesucristo cairi tíide daane afémie diga cai íllena; ua daje izói cai caadi cai tíadi, afémie diga iticai. ¹¹ Ie jira uáillaído conímana omoi náretari. Afe izói mai dani omoi comeci ríiretari. Ja birui afe bifue omoi fínua izói, baímo omoi finóicairi.

Pablo ámatiai cáimafuedo lletade

¹² Amataiai, omoi cígimo Juzíñamui uáillaído táijidino mai uaimo ñue omoi cacáreiri. Daí izire jícadícue. Mei afémaci cai Ocuíraima Jesucristo uai ómoína jeire otátatiaioi. Jesucristo mámedido ómoína lletádiaioi. ¹³ Iaiói caímo táijinamona, íaiói dáinana ñue cai cacárellena jítáirede. Daje izói íaióina cai izíruillena jítáirede. Conima comécina omoi jacíruiñoeno iri.

¹⁴ Daje izói, ámatiai, ómoímo jíáie uai jóonenocaidícue: Afe uailai daí bie izói ite. Táijiacañedinomo íaiói táijilleza ríire omoi lloíri. Comécina náinidinona mai omoi náretari. Juzíñamui uai como jabo ínotinona mai omoi canori iere íaiói ínnollena. Naga cómemo o comeci járidoñoeno mai omoi úriri.

¹⁵ Dámie fieni omoi finóadi afe íba úamona abi omoi rairuiri. Mei abído dájeicana jíáfodo ñue omoi finori. Conímamo ñue omoi finori. Afe omoi finóllifue izire omoi jenori. Daje izói nana jíáimíiaído ñue omoi finori.

¹⁶ Jaca caímare omoi iri. ¹⁷ Fáinocaiñoeno Juzíñamuimo úriri. ¹⁸ Nágarui ómoímo íficaide raana, mai Juzíñamuina “Figora” omoi daíri. Mei Jesucristomo ínotimacina cai íllamona, afe izói cai daífirenana Juzíñamui óiacade.

¹⁹ Juzíñamui Ñuera Joreño cómemo úritallífuea rairuíñoeno omoi iri. ²⁰ Juzíñamui úritagamíiai llogáfuea jámairuíñoeno omoi iri. ²¹ Nana daínáfuiái omoi facátari Juzíñamui llogafue íeniadi onóillena. Facátajamona ñúefuea jeire omoi óiri. ²² Nana figóñedífueмона mai oni omoi iri.

²³ Ja birui Juzíñamuimo jícadícue. Juzíñamui cai comeci ñue uái illafue caímo fecáfírede. Daje Juzíñamuimo, nana omoi ñue íeíena maméillena íemo jícadícue. Daje izói benómona cai Ocuíraima Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoñoeno ñue úínnollena jícadícue. ²⁴ Omoi Ocuíraima Jesús dáinana jaca oni jíáíuaimo únide. Afémie nana bífuiaína dúcitaite.

Iraicaiño uáiduano ézicite

²⁵ Amataiai, mai Juzíñamuido caímo omoi jícáfíreiri.

²⁶ Ñue cáimaduano nana ámatiai omoi uáidori.

²⁷ Cai Ocuíraima ríifuedo ómoímo uai jóonenocaidícue bie ciegabe nana ámatiaímo jino omoi facádollena.

²⁸ Cai Ocuíraima Jesucristo ómoína ñue ézicíteza. Jae ñíe. Mai, daíítadeza.

MÉIFODO SAN PABLO TESALONICA IMÁCIMO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ínotimacimo Pablo ie nabáñiairi rabe cuetáioi

¹ Cue Páblodicue. Bie rabe Tesalónica jófueo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidomoi. Daje izói cai Ocuíraima Jesucristomo jaináidomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfueo omoi iri. Cai Ocuíraima Jesucristo fecaca ézicigafueo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere fñoite

³ Amatiai, ómoiri Juzíñamuina “Iere figura” daiífredicai. Daií ómoína cai daiíllifue ñue jaícina jóide, omoi ínogafue oni aillo mónoaioicailla jira. Dani conímaiaína jamánomo ñue izíruioicaidomoi. Iemona áferi Juzíñamuina “Aillo figura” daiífredicai. ⁴ Ua omoi iere ínogafue jíáie Juzíñamuimo gairidinomo aféfuere íóbioicana úriticai. Jíámaci, Jesumo ínoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreiñenafue jino cíotatiomoi naa ñue omoi ínogafuiairi. ⁵ Ja duere finótagamacidomoi, mei íadi Juzíñamui ómoimo ñue coméciide ie illáimana illíruimo ñue níufuenino omoi dúcillena. Bífueмона Juzíñamui jicánuafue ñue jaícina jóinana jino náiraimo cíotate. Afe Juzíñamui illáimana illíruido duere finócaomoi.

⁶ Mei Juzíñamui ñue jaícina finódime, omoi duere finódino ibana duere íaioína finóallena. ⁷ Ua cai izói duere finócamacidomoi, mei íadi Juzíñamui cai izói ómoína caimare ocózinaitaite. Ua cai Ocuíraima Jesucristo bíniemo cíocallíruimo, afémie caina caimare ocózinaitaite. Aféruimo afémie ie jamánomo rírede abi imáciri monámona cíocaite; ua réiciai izoide cígido cíocaitiaioi. ⁸ Juzíñamuina onóacañedino Jesucristo íaioína duere finótaibite. Daje izói cai Ocuíraima Jesucristo ñúfueña jeire óiacañedino duere finótaibite. ⁹ Nana afe fiénidimacina jaca ninomo jilloñoeno duere íaioína finótaite. Ua cai Ocuíraima uíecomona jica ninomo dótaite. Afémie ebire illánomona jica ninomo íitiaioi. Ie ríinona ónoñeitiaioi. ¹⁰ Aféruido Jesucristomo jaináidino íena “Iere fígomie” dáítiaioi. Daje izói nana ie uaimo ínotino íena caimare íóbitaite. Ja ómoimo cai llogáfueña ñue ínotiomoi.

¹¹ Bífue jira ómoiri Juzíñamuimo comeci úrifredicai. Omoi níufuenino illafue Juzíñamuimo jicáfredicai, Jesucristo jírígamacina omoi illa jira. Daje izói nana omoi comeci jítaina ñue illifue, ñue ícoimo Juzíñamui ríinodo fuitállena jicádicaí. Afe izói Juzíñamui uai omoi jeire úamona finócafuaí fuitállena Moo Juzíñamuimo jicádicaí. ¹² Bífueмона cai Ocuíraima Jesucristo mámecí omoi nícidogafuedo ñue caimare úbicaitaite.

Afe ibana cai Moo Juziñamui cai Ocuíraima Jesucristo diga ómoína izíruillamona ñúefuiai ómoímo nítaite.

2

Iere fiénidifuiaina oruidimie billifue

¹⁻² Amatai, birui jae cai Ocuíraima Jesucristo billifueña ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja ómoímo llóiacadicue. Dáarie taino llotino cai Ocuíraima billirui ja dúcidez daidíaiói. Afemona omoi comécinafueña raire jiáifodo meídoñeilla izire jicádicaí. Daje izói jiáie taino llogafue ite. Afe taino llotino daíifirediaíói:

—Cai llogafue Juziñamui Joréñomona oga. Cristo ja bíteza, —daidíaiói; mei íadi aféfuerei jacínaiñeno omoi iri. Afe izói omoi cacana fia júfidogafuerei jacínaiñeno omoi iri. Ie emódomo nie rabe omoi llínoia cai úrilla izóidibe, aféberi jacínaiñeno omoi iri. ³ Niémoma táinofuemo jífuefiñeno abi omoi rairuiri. Ua Jesucristo billa uícodo, Juziñamuina comíni uáitallifue uícómo cómuíte. Aféruillaído iere fiénidifuiaina oruidimie cíocaite. Afémie dama niné táinocaille. Daí Juziñamui íena mamede. ⁴ Bímie Juziñamuina bacáuaredimie. Nana Juziñamuido mameca ráaniaina bímie uáitano niné táinocaitabite; daje izói nana Juziñamuimo caimátaidinona anáfenuaíbite naa jiáie caimátailla ráaniairi. Afémie Juziñamuimo gairíracomo, afeco naama Juziñamui izói, ráinazaíbite. Dáamie “Cue bie Juziñamuidicue” daíille.

⁵ ¿Nauí omoi diga cue illa llezica bifue ómoímo lloticue, íadi aféfuemo úibicañediomói? ⁶ Afe fiénidifuiaredimie nai bíñeilla jizilla raana onódiomói. Afémie billirui raire cíocaiñeilla Ñuera Joreño nai rairuide. ⁷ Afe jiáinomo lloñega fiéni illa maméinafue bie éniemo ja comuide. Aféfuena rairuidimie cai cígimona oni ógana fiénidifuiái jamánomo jebuíoicaite. ⁸ Aféfuena rairuidimie oni ollíruimo afe jamánamo íaíbadimie cíocaite. Iemo cai Ocuíraima Jesús ana billano, ie fuemo ite faidórafueño afe íaíbadimieña títaite. Ua ie billa meáirenado afémieña niné táinocaitaite. ⁹ Afe jamánomo fiénidimie Taife táijinafueño bite. Aillo íemo ite ríino ácataite. Afedo aillo cíorainina uaido finoca ráaniaído táinona jífueite naa jiáie taino onótate ráaniai diga. ¹⁰ Iemona afe íaíba naga fiénidifuiáido niné táinocaitallimacina jífueite. Jae niné táinocaitallimaci, Juziñamui ua ñúefuena jeire óiacañedino jaca jíllóñeítiaíói. ¹¹ Afe jira Juziñamui íaíói fiénidifue ínuamona íaíoína íaíbado jífuetaitaite. Daje izói táinofuiaina íaíoína ínotaitaite. ¹² Mei fiénidifuiái Juziñamuina ñúefue baimo íaíói gáinamona, Juziñamui íaíoína duere finótaite.

Jíllolla nízécano

¹³ Mei cai benómona jaca ómoiri Juziñamuina “Iere figura” daíifiredicaí. Jae cai Ocuíraima izíruiga daje ámatiaidicaí. Jaca jae nanómona Juziñamui jíllolla nízecamacidiomói. Mei ua ñúefue omoi jeire úamona Juziñamui ómoína nízede. Daje izói caina ñúeitata Joréñodo Juziñamui ómoína nízede. ¹⁴ Afe jira cai ómoímo lloga ñuera jíllona uaido Juziñamui ómoína jíirite, cai Ocuíraima Jesucristo illa ebíredifue dibénemo omoi íllena.

¹⁵ Amatai, mai bífuemo jaícina omoi coméciri. Omoi cígiri dama cue llogáfuiaina, ie emódomo nana rabeo ómoímo cue cuezáuíaina féitañeno

omoi iri. ¹⁶⁻¹⁷ Mai birui cai Ocuíraíma Jesucristo cai Moo Juzíñamui diga omoi comeci caimare náiretari. Mei jira cai Moo Juzíñamui ie comeci cáimafuedo caina izíruite. Afe llezica afémie cai comeci zúurenafue cáimafuena méidofirede jaca ninomo caimare cai íllena. Daje izói Juzíñamuido ñue cai illifue cai úñoillena afémie caimo jino llote. Afe izói omoi comeci jaícina Juzíñamuimo jóillena jicádícue. Afemona bie nana ñúefuiai daiírediomoi. Daje llezica afe ñúefuiai jino comínimo ácataredíomoi.

3

“Cairi Juzíñamuimo omoi jicari”

¹ Amatiai, íraífue ómoimo llotícueza. Cairi Juzíñamuimo omoi jicari, cai Ocuíraíma llogáuai nágagobiaido raire dúcíteza. Afe emodo aféuiai omoi jeire ua izói, afémaci jeire ólleza. ² Juzíñamuimo mai jiáifodo omoi jicari. Bie íairede fiénidino cígimona cai zúitailleza, mai Juzíñamuimo omoi jicari. Mei nana comínimona nai nana ínoñediaíoi. ³ Mei íadi cai Ocuíraíma jaícina uafue llotímie. Afémie jiáino fiénidífue mo omoi báíñeillena ómoína riire jaícina mozíoide. Daje izói íaífuaímona ómoína rairuíoide. ⁴ Cai Ocuíraíma ñue ínogamie ícoínia, nauí ómoimo cai ocuífuaíai jeire omoi úana ñue onódicai. Iemona daje izói aféfuiaína uire nágaruillaído jeire omoi óllena ñue onódicai. ⁵ Mai cai Ocuíraíma ómoína cánoiteza, Juzíñamui ómoína izíruillaífue omoi onóillena. Daje izói Cristo comeci járidoñenafue ómoimo íllena jicádícue.

Naga come dani íaíoi táijinamo táijirede

⁶ Amatiai, birui cai Ocuíraíma Jesucristo mámedido ómoína ocuídícai. Naga táijiacañede ámamona oní omoi iri, mei afémie ómoimo cai llogáfuaíai afe dibéfue mo íacañedeza. ⁷ Mei nauí omoi cígiri ómoimo cai cíotaga táijina izói, afe izói omoi íllena onódiomoi. Cai omoi cígiri fia táijíñeno íñédicai. ⁸ Daje izói omoi güíllena íbáñeno fia güíñédicai. Mei jiáifodo mona naío diga ocózinaíñeno táijífiredicai, ómoímona daa cómena cai llégitañeillena. ⁹ Ua afe omoi caina canolle daií cai jicalle ríino caimo ite, mei íadi táijífiredicai ñue illáfuena ómoimo fidítallena, bie ómoimo cue cíotagafue izói omoi íllena. ¹⁰ Nauí omoi cígiri cai illa llezica, bie lletara uai ómoimo llotícai: Táijiacañedímie jaca güíñeíteza. ¹¹ Mei jiáimaci caimo llotíaíoi ómoímona dáarie táijíñediaíoi. Táijíñeno fia illa llezica jiáie comíni illáfuiaímo afémaci gágutajífirediaíoi. ¹² Afe daií ite comínina cai Ocuíraíma Jesucristo ríinodo ocuídícai. Afe llezica íaíoiña riire daídícai: Mai nífue lloñeno omoi táijíiri dani omoi jitaica ráaniai omoi ólleza, daídícai.

¹³ Amatiai, omoi jetaca ñuera raana zefuírúñeno omoi ñedóicairi. ¹⁴ Ninó dámie bie rabedo cai daináuaina jeire oñéniadi, bu mei afe uaina ínoñedímienaza mai mei omoi eróiri íena onóillena. Ie mei afe comemona ífo oní omoi fáinocairi, ie meáidailleza. ¹⁵ Mei íadi afémienaa uáíogai ímiena maméñeno omoi iri. Afémie ama izói ñue omoi llófuerei.

Iraicaiño Pablo afémaci caimare uáidonocaillafue

¹⁶ Mai cai comeci ñue uái illafue llófirede Jesús, nágaruillaído, íemo náganuaído afe comeci ñue uái illáfuena ómoimo llóíteza. Afe izói cai Ocuíraíma ómoína nabáífireíteza.

¹⁷ Mai, cue Páblodicue. Bie uáidua uai dama cue ónoído cueticue; bie cueticue cue mámeçi diga. Nana cue cuezábiaimo daií jónefiredicue. Bie izóí cúefiredicue. ¹⁸ Cai Ocuíraima Jesucristo ézicigafuemo ítiomoiza. Jae niie. Ja daiítadeza.

NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

Pablo Timotéomo cuete

¹ Páblodicue. Jesucristo ocuícamedicue. Cai Jíllotaraíma Juzíñamui cai Ocuíraíma Jesucristo diga íaillinoi daina uaido orécacue. Afe Jesucristodo cai ñue illifue abi úiñoticue. ² Juzíñamui uai coco ñnogafuemo nahí cue jitó izóidío. Ie jira bibe omo cueticue. Cai Moo Juzíñamui íemo ñue cai Ocuíraíma Jesucristo diga o ézicillena iere jitáidicue. Daje izóí afe íaillinoi omo dúecaillena jitáidicue. Iemona afe íaillinoi o comeci ñue uái íllena óiacadicue.

Jíámaci íaioi taino llufuíaído o jífueñeillena abí o rairuirí

³ Naui Macedóniamo cue jailla llezica Efeso jófue o fiébillaena izire jicádicue. Aféruido afénomo o fiénocaidicue, afénomo itínuaímona dáarie taino llófuiana íaioina o rairuillena. ⁴ Daje llezica íaioi jaiái ninomo lloga ráfuiai naa jagai diga, áfena íaioina júfídotañeitioza. Íaioi jaiáigíma lloga fuiñede ráfuiai llúana ráruitioza. Nana bífuiai taino llufuíaímo cai comécina uite. Mei íadi nana bífuiai Juzíñamui caimo jónega íemo cai ñnogafuena ñue ícoímo fuitáañede.

⁵ Juzíñamui caimo jónega llujíllifue bie izóí joide: Illa dígamie conímana ñue izíruiredicai. Afe bie izíruilla íainide comécímona comuide. Daje izóí afe izíruilla comeci ñue úrillamona comuide; bie izíruilla afe izóí jíáimana jífueñede Juzíñamuimo ñnogafuemona comuide. ⁶ Bie ñue izíruillafue dibénemona dáarie oni táifodo jáidiaioi. Afe taino llua ínota oni jíáfodo féiraitiaioi. ⁷ Afémaci Juzíñamui lletara uai llófuetinona jáiacadiaioi, mei íadi dani íaioi daina uaina onóñediaioi. Iocire llófuetiaioi íadi íaioi llócaiga uaina ñue baitáñediaioi.

⁸ Juzíñamui lloga lletara uai ñúeraza onódicai. Búuaido Juzíñamui naga come lletállena mamérite. Dámie Juzíñamui mamérilla izóí afe uaimo comécíadi ñuera. ⁹ Afe lletara uai ja ñúefuiai finófiredinomo llóñega. Afena ñue onódicai. Mei jíáfodo fiénide comínimo mameca. Bie izoide comínimo Juzíñamui lletara uai dúide. Afe comíni illaíma lloga uaina uáitafirediaioi. Ocuícana náfueñediaioi. Fiénidífuena finófirediaioi. Daje izóí fiéniruidinona itíaioi. Afe izóí Juzíñamuina jacíruiñediaioi. Daje izóí Juzíñamuimo ñnogafuemo náfueñediaioi. Iemo Juzíñamui lletara uai, moo ei diga fatínomo dúide. Daje izóí comínina titáfiredinomo dúide. ¹⁰ Afémaci naga ringomo fiéni comeci fácajano íaire finófirediaioi, afémaci áirediaioi íadi. Daje izóí jíáie ímana íaire finódiaioi. Juzíñamui lletara uai nana bie izoide comínimo dúide. Daje izóí cómena llaitádinomo dúide. Táinona úrifiredinomo dúide. Daje izóí uafue daiíllena táinomo Juzíñamui mámece llínotinomo dúide. Iemo Juzíñamui lletara uai nana jíáfodo jífueñede llófueinafue Juzíñamui cuemo llogafue daje izóí jóoide. Juzíñamui cuemo lloga uai nana comíni ñue jíllona uai. Afe uai oni comínimo cue llujíllena, iere ñuera Juzíñamui jónegacue.

Juziñamui cuena dúecaillari iere figura daidicue

¹² Cai Ocuíraima Jesucristona “Figora” daidicue, mei afémie ie uai jino cue llujille riinona cuemo ígaza. Juziñamui cuemo comécido facade: O táijinana fáicanocaiñeno ñue fuitáfiredio, daide. Jira bie uai llujille táijillena Juziñamui cuemo jóonete. ¹³ Jaiai uíecodo Juziñamuina íaire daiífiredicue. Daje izói íemo ñnotinona duere finóllena racáfiredicue. Afe llezica cue uaido Juziñamuina icídicue. Bífuiaido Juziñamuina duere finódicue íadi, ja birui afe Juziñamui nana bie ñúefuiái cuemo jóonete. Jaiai aféruillaido ie uaimo cue ñnoñena jira Juziñamui iere cuemo dúecaide. Daje izói cue finuafue cue onóñena jira cuemo dúecaide. ¹⁴ Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo ñnogafue naa ie izíruillafue diga caimo comuide.

¹⁵ Bie izóidifue iere uafue. Nana áfemo ñnoredicai. Bifue bie izói daide: Cristo Jesús fiénidino jíllotallena ana biniemo bite. Afe fiénidinomona cue iere jamánomoina. ¹⁶ Mei dai íiticue íadi Juziñamui iere cuemo dúecaide. Are íllamona Juziñamui cuemo dúecaillado náiraímo Jesucristo ie ñue comeci mánainafue cuedo jino íaioímo cíotate. Iemona comínimo ñúefuiái ja cíotatimiena jáidicue, mei fiénidifuiáirede Páblodicuemo Juziñamui iere dúecaideza. Jesumo cue ñnuamona cue comeci ífueña méidotícue. Afena onóíllamona nana zíñona íllifue óiacadino, cue comeci ífue méidua izói, afe izói afémaci afémiemo ñnota íaioí comeci ífue ñúefuena méidoitiaioí. ¹⁷ Ie jira jaca tíñede buna cíóñena Juziñamuina íóbitaacadicaí. Afémie daade Juziñamui, daje izói nana ráfuiaina onódimie. Afe zíñona Jamánomoidillaimamo ñue ebírede uai jaca nágarui íemo jóoneticai. Dai jíoide.

¹⁸ Cue jító Timoteo, bifue omo jóoneticue. Riire fuirídímie izói o iri. Naui Juziñamui mámeçido odo úritino, ñue o íllifue llotíaioí. Afémaci daína izói mai birui o ñnori. O comeci úrillafue ñue o jóoneri. ¹⁹ Dámierie íaioí comeci úrillafuena náfueñenamona nocáe buíllamona táinocaila izói, íaioí ñnogafuemonona oni táinocaidiaioí. ²⁰ Himenéomo Alejandro diga afe izói comuide. Ie jira afe íaíllinoí Taífemo izájidicue, Taife anamo íaíllinoí dai zefuíllena. Dinomo Juziñamui jánana úriñeíllena ónoitiaíllinoí.

2

Juziñamuimo cai úrilla lluaífue

¹ Fueñe ona dáíticue: Mai nana comini íena Juziñamuimo o jicáfíreiri. Afena Juziñamuimo ñnotinona o lloiri. Iemo jíái, izire comínimo ie dúecaílleza mai jicari. Dai nana comini íena Juziñamuimo o úrifíreiri. Afe llezica nana comínido afémiena iere figura o daiífíreiri. Dai féitañeno nana comínido Juziñamuimo ñue úrifíreiri. ² Gobierno oreca omoi úíñotímie íena Juziñamuimo jicáfiredio, naa jíáie jaboide íllaini diga. Afémaci íena izire o jicari, áfedo nífuenino caimare cai íllena. Daje izói comeci ñue uái ílláfueño íredicai. Afe daií cai jícamona nana cai ílláfueña Juziñamuimo ñue mámeíticai. Daje izói conima diga comécina ñúeíticai. ³ Bifue iere ñuera, cai jíllotafírede Juziñamuina ñue íóbitade. ⁴ Mei afémie comeci jítáinafue nana comínina jíllori, daide. Daje izói afémacina ua ráfueña onoiri, daide. ⁵ Cai Juziñamui jaca dáadeza. Daje izói Juziñamui eróicana

caina ñue finódimie caido úritimie daade. Afémie Jesucristo. Afémie íaifuenidimie íadi, cai izóidimie. ⁶ Juzíñamui mamécaruimo dúciamona Jesucristo ie abina éeruñeno nana cai jílloillino ibana izájiga. ⁷ Iemona nana judíoñedinomo afe Juzíñamuimo ínolle ua ñúefue cue llófuiaillena orécacue. Daí jílloa uai llujífiredimiena jónegacue. Crísto mo cue ínuamona táinofue lloñédicueza, uafue lloticue.

⁸ Ie jira nágagobiaido naga cómena: Juzíñamuimo omoí úrifireiri, daidicue. Ñue nífuenide comécido omoí jicari. Jáímamo ríicaiñeno comécido Juzíñamuimo omoí úriri. Daje izói dani ómoímo júfidoñoeno comécido íemo omoí jicáfíreiri. ⁹ Daje izói ringóniai iniroi jítállifue llóiticue. Jabóidingo ringo jita izói, naga ringo jítaiteza. Iima jiruídollena jítaca abina cóitate iníroina, jítáñeno iri. Daje izói comíni códollena ífótirai jamánomo ebire finóñeno iri. Jabo ífo jua figona. Daje izói quenírede raana aillo jiróñeno iri, naa jamánomo ráifide iniroi diga. Jámaicuro jítáoiarena. ¹⁰ Mei jáífodo comínimo dúecailla ñúefuiaido naga ringo finóbiri, naa jáíe caimare uáiduaíuai diga. Mei nana Juzíñamui íeiena ñue finódogango bie izói íteza. ¹¹ Ringóniai llófueinamo uai oñoeno cacáreitiaoiza. Comeci mánainafuedo afe uaina onócaítaiioi. ¹² Nairai cígiri ringo llófuellena rairuídicue. Ringo ímana anáfenotañédicue. Mei jáífodo, ringo iima anamo úriñeno uái iri, daidicue. ¹³ Mei Juzíñamui nano fueñe Adán finódeza, afe méifomo Eva finode. ¹⁴ Adán jífueñega, mei íadi ringo Taife jífuega. Iemo jífuefillamona afengo fiénidifuemo baíide. ¹⁵ Mei íadi naga ringo Juzíñamuimo ínogafuemo jeire oíadi, íemo ei ocuícafuiai ñue ícoímo fuitáadi afengo jílloite. Afe llezica afengo naga cómena izíruirede. Iemo comeci ñue ínuafue dibénemo írede. Daje izói ñue jáicina macállifuemo írede.

3

Ocuídillainimo jítáirede ñue illafue Pablo llote

¹ Ja cue llollifue iere ua rafue. Dámie ocuídillaimana jáiacade ñuera. Afe izói táijiacanafue ñuera. ² Ie jira afe izoide ócuitillaíma mamécamie jáicina ñue írede. Afémie nífuenino macárede. Afe daí afémie mácafue jáímie lletánide. Afémie daango ótena figura. Ménango ónide. Afémie comínimo lloga uaido jifánodoínide. Daje izói ráfuena ñue baitádimiena írede. Naga come afémiena caimare jacíruirede. Daje izói nana afémiemo mácaíbitinona afémie jáífodo comécíñeno ñue caimare uáidorede. Iemo jáímacina caimare llófuerede. ³ Afémie jaca jífáinide. Daje izói afémie fuírínide. Come jífuiamona oga úcubena, afémie llínonide. Mei jáífodo jeruíñoeno raana fecáfírede. Iemo comeci ñue uái illafue dibénemo írede. “Aillo úcubena cue ollí” daínide. ⁴ Dama íe jofe ero comíni ñue ocuírede. Dama íe úrue ñue raire cacáfíreillena lletárede. Daje izói íe úrue jáíe eicomínina ñue jacíruitarede. ⁵ Dámie íe jofona ocuállana ónoñeniadi, ¿mei nie izói Juzíñamuimo gairácona ócuíte? ¡ocuínide! ⁶ Ie jira como fueñe Juzíñamuimo ínnotimie, Juzíñamui íco ocuídillaimana ínide. Como fueñe Juzíñamuimo jainátagamie raire illáimana jóoniamona afémie iere abina ínoite. Iemo fiéni abí ínuamona, Juzíñamui Taife ana duere finóllifuemo dótaja izói, afe izói bímie daí zéfuite. ⁷ Afe Juzíñamui íco ocuídillaima ñue

jacírui gami ena írede. Afémie daií íllamona, Crísto mo nai ínoñedino ñue íena úritiaioi; ie jánana fi eni úrinidiaioi. Afémie afe izói írede, meáí fue dibénemo ie íneillena; daje izói Taífe uai íena jítañeillena.

Jabóidillainimo jitáirede ñue illafue

⁸ Daje izói comini dinena nana jabóidillaini ñue jacírui ganona írediaioi. Daje izói ie úrilla uai jiáifodo méidonide. Iemo afémie jifáinide. Daje izói come jífui amona oga úcubena llínonide. ⁹ Afe izói cai ínollena jino lloga ua ráfue na afémie fáicanocaiñeno jeire órede. Daje llezica afémie comeci úrilla uai ní fuenino írede. ¹⁰ Afémaci ñuera daiíllena facátagamacina írediaioi. Facata mei íaioi ní fuenia jabóidillainina írediaioi. ¹¹ Daje izói aféllaini finódogango ñue jacírui gangona írediaioi. Daje izói aféngotiai jiáimamo fiénidifue na íaioimo llónidiaioi. Iemo lloga uaido jiáimamo jifánodo inidiaioi. Aféngotiai nana ocuica raana fáicanocaiñeno fuitárediaioi. ¹² Afe jabóidillaini dáangona áiredena figura. Ménango ónide. Daje izói íaioi úruiaina ñue ocuírede, naa íaioi jofo ero cominiri. ¹³ Naga jabóidillaima íaioi táijiana ñue fuitá dino ñúefue na otíaioi. Comini iere ñúefue íaioimo jóoneitiaioi. Daje llezica íaioi Cristo Jesumo ínogafue na jamánomo meáíruíñeno llórediaioi.

Cai ínoga jai ai bái nino llogafue ja jino uáfodo denode

¹⁴ Raíre o érozai llena comécidicue. Nai cue biñena llezica, bibe omo cueticue. ¹⁵ Mei nai are cue biñena llezica, Juzíñamuimo jaináidimie jitaiga ñue illí fue na o onó illena llóiticue. Afe Juzíñamuimo jaináidino caade Juzíñamuimo ínotino. Afémaci Juzíñamui ua ráfue na ñue riire úiñotiaioi. Jofo riire mozóide jiaíllirai izóidiaioi. Ie jira afe rafue uaina oni caitánide. ¹⁶ Jai ai bái nino lloga cai ínogafue iere jamánomo ebírede; nana comini ja uáfodo onoiga. Be níu ai:

Juzíñamui cai cígimo cómena jéciaibite. Ñuera Joreño afémiedo úrite; daide: Bímie comécina jaináidimie, daide. Afémie Juzíñamui abi imácimo ácatagamie. Diga náiraiaido ie illafue llócaide. Biniemo aillo comini íemo ínotiaioi. Afe mei afémie caífo monamo abido uiga.

4

Juzíñamuimo ínogafue na féitaitino í fue

¹ Ñuera Joreño jino caimo uáfodo llote, íraíruillaído dá mierie íaioi ínogafue na féitaitaioi. Féitajano cómena jífue te joríaí jítáinafuaí jeire óitiaioi. Daje izói Taífemo jainaide fiénide joría imona onóigafue mo ínoitiaioi. ² Afe izói, comeci ífue na jiáífo jóidino llógana cacáreitiaioi, naa táinona úrillafuaíri. Afe bie jífue firedino ja íaioi ífoci úrillafue na ja niné féideza. Uzírede llojédamo uzide onoi cacáñena izói, bie comini itíaioi. ³ Bie Juzíñamuimo ínogafue na féitate comini jiáimaci árenana rairuíaiaioi; daje izói ringona: “Ínreiri,” daiíñediaioi. Daje izói ñuera cai güillemona dáarie: “Güíñeno,” daídíaioi. Mei íadi afe bie güille Juzíñamui comuítaga, íemo ínotino ecállena, naa ñúefue na onó dinori. Afe güilleri íóbillano Juzíñamuina “Íere figura” íemo jaináidino daiírediaioi. ⁴ Mei nana Juzíñamui finoca güille ñúeraza, bácanide. Iemona afémie caimo fecaca

raana oni fáinidicai. Mei jáífodo Juzíñamuina “Iere figura” dainano, nana ñue llínoredicai. ⁵ Juzíñamui uai afe güüllena ñue finode. Daje izói íena figura cai daiífirrena afe cai güüllena ñue finode.

Jesucristo ñue ocuícamié bie izói trede

⁶ Bífuiái cai ámatiaimo o llófueia Jesucristo ñue Ocuícamiéna íitio. Afe bie llófueinafue jeire o oía bie ñnofirega uai dama ñue ona comécina náiretaite. O jeire oga uaido ñue riire íitio. ⁷ Mei íadi bie fiénide énie ie ráfuiaina náfueñeno o iri, naa jáíe taino jagai izóidifuiairi. Juzíñamui illa izói o íacanamo áfemo nágarui o comeci llícitairi. Afedo riire íitioza. ⁸ Cai abi cai riireta, daa bínie ífue mo caina canode. Mei jáífodo Juzíñamui illa izói íllena cai nícidoia naga ñúefuemo caina canode. Daií cai íllemona biruúllaido caina canode, íemo daje izói uire bíitifuemo jaca caina cánoite. ⁹ Bífue iere nahí ua ráfueza, nana áfemo ñnorediaioi nana cáioiri. ¹⁰ Afe bifue jira iere comeci fácaiticai. Iemo áfemo zéfuidicai. Ua zegóruioicana ñéfidicai. Mei ñue cai íllena caade Juzíñamuimo ocuírídicaiza. Afe caade Juzíñamui nana comini jíllotabite. Iemo ñnotino ja Jíllotatimie.

¹¹ Bífuiáido nana comini o ocuífireri. Daje izói aféfuiai o llófueiri. ¹² O fia jítócomena jira comini o llófuiáfue jáímana jámairuitatañeno iri. Mei jáífodo ñue Juzíñamui izói illafue Juzíñamuimo ñnotinomo jino cíotaitimiená íitioza. Ñue o úrillafuedo afémacina onótaitioza. Daje izói comini eróicana ñue o mácafuedo íaioina onótaitioza. Iemo naga cómena ñue o izíruillado íaioina ñue cánoitioza. Cristo izói o íllamona ñue íaioina llétaitioza. Daje izói Juzíñamuimo izire o ñnogafuedo llófueitioza, naa o comeci íáinidifuiairi. ¹³ Nai cue dúciñena llezica, Juzíñamui cuela uailái comínimo o facádofireiri. Daje izói cai ámatiaina o íociretari. Afémacimo ñue o llófuefireiri. ¹⁴ Juzíñamui omo iga o fibíllafuiái fáicanocaiñeno o iri, mei nauí Juzíñamuimo gairífredino ocuídillaini Ñuera Joreño daina izói, íaioi onoi omo bitádiaioiza.

¹⁵ Bífuiaina fáicanocaiñeno o finófireiri, o jamánomo jáíano baímo íaioi onóilleza. ¹⁶ O illafue ñue abi o rairuiri, naa jáíano o llófuiáfueri. Fáicanocaiñeno riire abí o mameri. Ñue íimana o comuúlleza. Bie cue daina izói o íadi, o jíllotio, naa o uaimo cacáreidinori.

5

Crístomo ñnotino uiecomo ñue o illifue

¹ Eicomemo lléjecaiñeno o iri. Mei jáífodo o moomo o llófuiá izói fáicana o lloíri. Jáíe jítócominina nahí o ama izói llófueiri. ² Ringóniaina jéngotiana dama o ei izói llófueri. Daje izói jítáingotiana nahí o miringo izói o llófueri. Íaioimo ñue comeci o facáfireiri.

³ Uáfue naa jitaide fecíngotiana ñue o canori. ⁴ Mei íadi jáíe jítorede daje izói enáizeñorede fecínguai ite. Afe úruiai íaioi éitiana uzúngotiana fueñe ñue úñnorediaioi. Daje izói nahí ie enáizeño dani íaioi uzúngona úcairediaioi, mei naga jító enáizeño diga íaioi mótiaina izíruirediaioiza. Afe bie izói illáfue mo Juzíñamui ñue íóbideza. ⁵ Ie mei cómenide ua fecingo, dango Juzíñamuimo ñue ie finóllifue ocuírde. Daje izói Juzíñamuimo ie úrillafue naio mona diga afengo fáicanocaiñede. ⁶ Dango ie comeci gáina izói fecingo ite. Caade íadi Juzíñamui dibénemo tíide izoide. ⁷ Bífuiaina íaioi o ocuiri, lletánidingotiana íaioi ílleza. ⁸ Dámie

ie nahí come úcaillana ráairuia ie ínogafue táinomo jifánofide. Dama nahí comínimo ite duéredinona úcaicañedimie, Juzíñamuimo ínoñedino fiénina baimo, afémie fiénide.

⁹ Fecíngotiai íena mámece illabe fínoitio. Bie izói ñuera fecíngotiai mámece afébemo cúerena. Sesenta fimona ite fecíngo mámece cúerena. Afe bie fecíngotiai, daje izói dámiena iníredíngona írediaioi. Afe ízoidíngo mámece cúerena. ¹⁰ Iemo jíái ie illafue ñúeinamona jalléidíngo afengo mámece cúerena. Iemo jíái úruiai ñue comútatíngo mámece cúerena. Jicana jíáima ie jofomo dúcia caimare uáidofíredíngo mámece cúerena. Iemo jíái Juzíñamuimo ínotínomo rairuíño comeci máinano canófiredíngo mámece afébemo jónerena. Mei afengo naga jíáima cánuana idai jócua izóidena caimare finófiredeza. Iemo jíái duere zefuide comini canófiredíngo mámece cúerena. Daje izói nana jíáie ñúefuiai finódingo mámece jónerena. Bie izóidífuiai nana daje fecíngo finórede; íemona afengo mámece cúerena.

¹¹ Mei íadi sesenta fimona jofófenemo ite fecíngo mámece jóneño iri. Mei aféngotiaimona dáarie dani íaioi comeci óiacanamona nibai Crístona zóofeítiaioiza. Zóofiano nane meine iníreiacadiaioiza. ¹² Daí íaioi illa dani íaioi ícoínia daí ite. Mei fueñe íaioi Jesucristodo jáillena mamérillafue ja fáicanocaidiaioiza. ¹³ Afe baimo naga comini jofodo jáicaidiaioi. Jáicaillamona, “Fia táijiño daí cue illi,” daidiaioi. Afe llezica jíáimana úridoicana jáidiaioi. Iaiomo dúñede jíáimacimo itífuiaimo gágutajífrediaioi. Comínimo ñue íñedífuedo úrioífrediaioi. ¹⁴ Ie jira nai fecínaite jítáingona daídícue: Abído iníreiri. Iníreillano úruereiri. Daje izói jofo náangona ñue o iri, Taífemo jaináidino ómoína úridoíñeilleza, daídícue. ¹⁵ Mei fecíngotiaimona dáarie, Juzíñamuina féitano Taífedo jáidiaioiza.

¹⁶ Crístomo ínotínomona daa cómemo úcaille fecíngo íadi, afe fecíngona dama afémie úcairede. Afe fecíngona Juzíñamuimo gairífredinona úcaitaño iri. Mei afe gairífredino ua cómenide fecíngotiaína úcairediaioiza.

¹⁷ Jesúmo gairídino ñue ocuide éicomini, ñue tájídídiaioiza ménacaiño ibárediaioi. Daje izói ñue íaioi tájínamona mai caimare íaioína omoi jacírui. Iere comini ñue llófuetino, iere ñue lletádino díga jíáie come iba baimo ibárediaioi. ¹⁸ Mei Juzíñamui Cuegáuai daide: “Arroz izoide trigo, juráreto gájirillena záizia llezica, áfemona íaioi gülleza fue ibáño omoi iri.” Iemo jíánomo jíáfodo daide: “Naga tájítagamie ie tájínado ñue ibárede.”

¹⁹ Fia da come ocuide éicomemo fiénidífue jóneiadi, áfena náfueño o iri. Mei íadi mena nibai daámami uai nabáidimie afe izói afe cómemo llóyadi, áfemo cacáreiri. ²⁰ Ocuide eicomínimona dáarie fiénidífue finóadi, nana comini erócana afémiena o áadori, nana jíáie comini ñue abi jacínaifcaillena. ²¹ Juzíñamui erócana, daje izói cai Ocuíraima Jesucristo erócana bifue omoi jónetícue. Daje izói Juzíñamui nizeca ie abi imaci erócana omoi jóneítícue. Nana bie omoi cue lloga lletara uai ñue o náfuere. Nana comínimo dájerize jáicina o lloiri. Dámie oni eneno mámeñeítioza. ²² Dámie ie illafue nai figo onóñena llezica, ocuídíllaimana ie o maméllena raire íemo o onoi bitáño o iri. Bie izói o íllado jíáimamo ite fiénidífue raire nábaizaiñeítio. Naga íaifuiaimona oni o iri.

23 Mei o ero izírefireia daa jainoi jiróñeno o iri. Iemo due vínona o jirori.

24 Nai íaioimo riire jicánoñena llezica, comínimona dáarie íaioimo ite fiénidifuiái uáfori cíoide. Iemo jiáimacimo ite fiénidifuiái íaioi duere finoille mámia méifomo onórede. 25 Daje izói jiáie cómemo ite ñúefuiái uáfodo cíocaide. Iemo jiáimacimo ite ñúefuiái cíóñena íadi, dinó íaioi diga báinino íñeite.

6

1 Táijitafiregano íaioi ocuídímiaína ñue jacíruirediaioi, jiáie comini Juzíñamui mámecido fieni úriñeillena. Daje izói cai llófueinafueña fieni íaioi daiñeillena. 2 Afe izói Crístomo ínote ocuífiredímiaína ñue jacíruirediaioi. Juzíñamuimo ínogafuemo daje ámana íaioi maméadi, nai ocuídímie ocuícamié diga conímama caimare jacíruirediaioi. Mei jiáifodo afe Juzíñamuimo ínote ámamo, jiáimaci baimo, riire táijirediaioi. Afe riire táijina ínotino, afe ocuídino izíruiga ámatiai. Afémaci dáamaci. Dájena Crístomo ínotino. Bifue o llófueiri. Daje izói áfedo o lletámairi.

Juzíñamuimo cai ínogana, “Figo baite” cai dánana canode

3 Afe bie cai Ocuíraima Jesucristo lloga jaícina jóide llófueinafueño comécíñedímie, oni jiáifodo táinofuiái llófuete. Daje izói cai ínoga ñuera uaina afémie figo jeire oñede. 4 Daiñtade come nífuena onóñedeza, táinodo abi ínote. Afémaci fia fiénide uáillaimo júfiduana iere gáidiaioi. Afe júfidogafueña aillo úradoillafue comuide. Iemo dájena caimare íñénafue comuide, íemo jiáimana éoinafue comuide, íemo jiáimana caimare uáidoñénafue comuide. 5 Dáanomona féitañega fuiríllafuiái, jiáifodo oni comécina jóidímacimo comuide. Bie comini ua ráfuena onóñediaioi. “Fia cai ínogafuedo iere cai ráanailli,” táinona comécidiaioi. Bie izoide comínimona oni o iri. 6 Ua onóigaza, cai ínogafue jamánomo ráifide. Juzíñamui caimo fecaca raana “Figo baite” daiídímie, ie ínogafue ñue ráifide. 7 Mei jii, bíniemo fueñe cai jocoina llezica minícana atíñedicaí. Afe izói uire cai tíia minícana úiñeitiícaí. 8 Mei biruimo cai caana llezica caimo ite gülleri, daje izói caimo ite iníroiri “Figo baite” daiíredicaí.

9 Mei jiáifodo aillo ráanaiacadino fieni comeci fácafue dibénemo jáidiaioi. Afémaci aillo fieni comeci óiacanafuiáimo raamo jiride izói itíiaioi. Bie izoide fieni óiacanafuiái cómena fieni finode. Daje izói íaioi illafue niné tánocaitate; jofo zabilla méino izói niné tánocaitate. 10 Mei jii, úcubena izíruillafue nana fiénidifuiái comuillano aféfuái jillaci. Dáarie iere izire úcubena óiacanamona, Juzíñamuimo íaioi ínogafueña oni nábéfodo jáidiaioi. Afémaci dani íaioi illáfueña táinona iere duere finódiaioi.

Juzíñamuimo cai ínogana, fuirilla izói riire Íredicaí

11 Mei íadi o Juzíñamui nizécamiédioza, bie ailli cue lloga izóidifuiáimona oni o iri. Ñue comécina jaícina illáfueño o mamériri. Juzíñamui illa izói mai o iri. Afémieño ñue o ínofireiri. Jiáie comínina ñue o izíruiri. Comeci járidoñeno o iri. Comécina mánaidímiena o iri. 12 Mai Juzíñamuimo ínogafueño fuirilla izói nágaruillaído riire o iri. Juzíñamui omo iga ziiñona illafue ñue jeire o oíri, mei afemo Juzíñamui uáidogamiédioza. Afe Crístomo o ínogafueña comini cíocana jino llotio. Afe bie o llúamo o uai

nabáidinona aillo ite. ¹³ Ja birui Juzíñamui eróicana ona ñue ócuiticue. Afe Juzíñamui nana bíniemo itínuiamo íaiói cáananona fecade. Daje izói Jesucristo eróicana ona dáiticue. Afémie daje izói ñúefue jino uáfodo llote. Poncio Pilato uícomo ie illáfuenta jáanoñeno llote. Daí Moo Juzíñamui, Jesucristo diga íaillinoi uícomo ona ócuiticue. ¹⁴ Omo cue ocuícana, jááfodo méidoñeno, ñue jeire o oíri. Aféfuena ñue jeire o oíri, jáíma ona llétañeiteza. Bífuiái ua Jesucristo billíruimo jeire o ófireiri. ¹⁵ Juzíñamui jáiai uícodo mamécaruimo dúcia, Jesucristo cócaizaibiteza. Afémie daade cai iere ñuera rínorede Juzíñamui. Daje izói afémie nana illáicomini ie Illáimaza. Daje izói afémie nana ocuífiredino Ocuidillaíma. ¹⁶ Dama afémie jaca zíñoza, tíñede. Afémie illano jamánomo meáire egáíñoteza, buna ánozinide. Afémiena jaca bu cióñede. Caade come jaca íena ciónide. ¡Jaca ninomo ñúefuiái afe Juzíñamuimo nitácaza! ¡Aillue ñuera ríno jaca ninomo aféniemo dúideza! Aquíe izói íteza.

¹⁷ Bie éniemo aillo ráaredino abi íaiói íñoñeilleza ñue o lloiri. Daje izói íaióimo ite raamo ocuiriñeítiaíoiza, mei afe ráaniai are íñeítiaíoiza. Mei jááfodo: Dama Juzíñamuimo omoí ocuíriri, o daíri. Mei afe Juzíñamui ua cáadimie. Afémie jeruíño nana cai jitailla raana cai cánuano caímo fecade. ¹⁸ Afe ráanaitino ñue íaiói ílleza íaióimo ocuiri. “Omoí ñue fínoítífuiái ráanaitíomíza,” íaióina o daíri. “Omoí ite ráaniaimona jeruíño jítáidinomo jááfodo comécíñeno fecari,” daí íaióina o daífireiri. ¹⁹ Daí íaiói íllamona, íco cómuitífue nahí raana máíñoítiaíoí. Afe maíñoíllena comécido ñue onódiaíoí. Afe dáaruído zíñoña illífuena óítiaíoí.

Iraicaiño Timotéomo jóonenocaigafue

²⁰ Timoteo, nana bie omo cue lloga ñúefuiái ñue o rairuiri. Bíniemo ite táinona úrioinafuiamo cacáreiño o iri. Daje izói Juzíñamuina uáitafuemo cacáreiño o iri. Mei íaiói: “Iere baitádicue,” daina uai taino uaiza. ²¹ Mei bie izóidífuiái ínote comini ja baie Juzíñamuimo ínogafuíaimona oni nibéfodo jáidiaíoiza.

Mai, Juzíñamui ona ñue ézicíteza. Jae ñue. Mai daítadeza.

MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

Pablo Timotéomo cuete

¹ Cue Páblodicue. Jesucristo ñúefue llujillena orécamiedicue. Juzíñamui comeci jítaina izói orécamiedicue. Daje izói uícodo lloga ziiñona cai cáaillifue llujítacacue. Cristo Jesumo dájena cai jaináinamona afe cáaillifueña óiticaí. ² Cue izíruiga jító Timotéomo bibe cuetícueza, ona Juzíñamui ñue éziciiteza, daiíacadicue. Daje izói: Juzíñamui omo dúecaiteza daidicue. Iemo: Cai Moo Juzíñamuimona oga comeci ñue uái illáfueño íitioza, daidicue. Nana bie ñúefuiai cai Ocuíraíma Jesucristodo óredio.

Pablo Crísto uai nabáiacade

³ Juzíñamuimo nágarui comécido úrífiredicue. Mona naio diga Juzíñamuimo cue úrilla llezica omo comeci uibífredicue. Omo cue úbicaillano Juzíñamuina: Iere figora, daidicue. Cue uzútiái Juzíñamui ióbitallena ie ocuífirégana ñue íinua izói, afe izói íáinide comeci úrillafuedo ie ocuífirégana ñue ínofiredicue. ⁴ O comeci zúucaífirenamo uibíoidicue; íemona ona iere jaca cóiacadicue, áfemona caímare cue íllena. ⁵ Taino lloñeno ñue Juzíñamuimo o ínuafuemo uibíoidicue. Afe birui Juzíñamuimo o ínogafue nano fueñe o uzungo Loida ínoga. Daje izói o ei Eunice ínoga. Iemo bífuena o jaca ñue ínofiredioza, ñue onódicue.

⁶ Je jira bie izóidena o ócuíticue. Naui omo onoi cue bítajamona Juzíñamui omo lloga llófuelle ríino féitañeno o iri. Niné ona féiza afefue nágarui meine ríire o uibíoicairi. Irai dúizaide meine boota izói o uibíoicairi. Afemona jamánomo o llófuelleza. ⁷ Mei Juzíñamui comeci jacíruillafuena caimo fecáñede. Mei jíáifodo comeci meáiruiñenafue Juzíñamui caimo fecade; íemo jíáimana cai izíruillafue, íemo abina ñue cai onónafue diga, caimo fecade.

⁸ Je jira cai Ocuíraíma, Crísto uai nabáillana meáiruiñeno o iri. Daje izói ie uai ícoínia llavécacueza, cuena meáiruiñeno o iri. Mei jíáifodo ñuera jíllona uai ícoínia comuide duere zefuillafuena ruifíruíñeno o iri. Omo cómuite duere zefuillifueña rairuiñeno o llíinori. Mei Juzíñamuimo ite ríinodo cai comécina caímare fíraiteza. ⁹ Juzíñamuimo cai jaináillena afémie ñue caina jíllotate, daje izói caina uáidote, ie íaífuénide comínina cai íllena. Dani ñue cai illáfuedo Juzíñamui íena ínidicaí. Mei jíáifodo dama Juzíñamui jaiái uícodo mamérrillado íeiena iticaí. Daje izói Jesucristomo cai jaináillado Juzíñamui caina izíruite. Daií caina ie izíruillado íeiena iticaí. Mei jaiái ninomo nai énie comuíñena llezica, Juzíñamui caina izíruite. ¹⁰ Mei bie caina ie izíruillafue, cai Jíllotaraiíma Jesucristo ana bíniemo bíllado, afefue caimo jino onótate. Afe Cristo cai tíillafuena ja jacínitade. Daje izói jíllona uai llúado, ziiñona cai illafue jino uáfomo cíotate. Ua, íemo ínotino ziiñona itátallena afe Juzíñamui uáfodo caimo onótate. Afe bie ziiñona cai illafue buna jaca niné táinocaitainide.

¹¹ Bie ñuera uai llujillena Juzíñamui jóonegamiedicue. Judíoñedino llófuellena, Juzíñamui orécamiedicue. ¹² Iemo afe bíedo nana bífuiai

duere zefuídícue. Mei íadi áfena meáiruiñedicue. Cue íinoga Juzíñamui comeci ífúena ñue cue onónamona, jacíruiñedicue. Mei afémíe cuemo jóonenocaigafue jaca féíñeiteza. Afe bifue Juzíñamui dama Cristo billíruimo ñue úíñoite, mei afémíe iere ríinoredeza. Afena onódícue.

¹³ Naui jaícina joide llófueinafue o cue llófuia izói, áfena o llófuefireiri. Juzíñamui cai íinogafuena jeire o oíri. Daje izói Jesucrístomo dájena cai jaináinamona caina ie izíruillafuemo o iri. ¹⁴ Cai diga ite Ñuera Joreño canócaza Juzíñamui omo lloga ñuera rafue féítañeno o iri.

¹⁵ Ja onódioza: Nana Asia énie comini ja cuena zóofetiaioi. Afémacimona bie mena iima íaillinoi: Figelo, íemo Hermógenes. ¹⁶ Mei íadi bie afe jíáimíe Onesíforo dibénedo nana ie comini diga, mei cai Ocuíraima afémacimo caimare dúecaiteza. Mei afémíe diga ícaíño cue jitaica raana atífirede. Llavécacue íadi jaca meáiruiñeno cuemo atífirede. Iemona Juzíñamui afémíe comécina náicaitaiteza. ¹⁷ Uafue, Rómamo afémíe illa llezica cuena are jénua ícoínia baite. ¹⁸ Cai Ocuíraima cai comeci ífue riire jicánollíruimo afe Onesíforomo dúecairi, Juzíñamuina daidícue. Ja ñue onódioza, Efésomo cai illa llezica, afe Onesíforo diga ícaíño caina canode.

2

Jesucristo dibénemo itímíe ñue fuirídímíe izoide

¹ Cue jító Timoteo, Jesucrístomo dájena cai jaináinamona Juzíñamui omo ite ñúefuíaímo itícaí. Afedo ñue o náireiri. ² Cúemona o cacánafuemo cue uai nabáidínona aillo íteza. Iemona afefue mai oni jíáie ñue íinofiredímíaimo o jóoneri. Afémaci daje izói oni jíáimacimo llófuiaílleza.

³ Duere zefuíllafue omo comuádi, Jesucristo dibénemo ñuera fuiríraima izói abí riire o mameri. ⁴ Naga jíáimíena anáfenoacade fuiríraima fuiríllena maméroidé. Iemona uícodo nana jetáacaigafue fáicanocaite; afémíe jae náamatagaza. Fáicanocaillano daa ie ocuídillaíma anamo itábicaite, afe ie jíiritillaíma íóbitallena. ⁵ Daje izói naga jífánora raamo jífánotímíe ñue jaícina jífánorede. Jífánua ocuide uai daína izói jífánorede. Afémíe fiéni jífánoia, mínícana jíridoñeite. Táinomo jífánoteza. ⁶ Jacafai ríllamo izire táíjidímíe afe ie riga llizilla jeia llezica, afe ritímíe fueñe ótena figora. Dama íeíena fueñe jofo óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíllanomona meine abido caade Jesucrístomo o úibacari. Daje izói afe Cristo cai jaíai illaíma David uícoidígímamona comuídímíe. Afémíemo ñue o comécíri. Cue lloga ñue jíllona uai aci bie izói joide. ⁹ Bie ñúefue ícoínia duere zefuítacacue. Jíi, fiénidífue finódino izói maíano duere finócacue. Mei íadi Juzíñamui lloga ñuera uai jaca buna llavénide. ¹⁰ Ie jira Juzíñamui nizécamací cue cánua ícoínia duere zefuídícue, mei íadi áferi zúucaíñeno jaca caimare itícue. Afémaci ñue jíllobicaillena duere finócacue. Afe Jesucrístomo dájena cai jaináinamona comuide jíllonafue iere ebírede. Iemo jaca zúíñoa fúíñeite.

¹¹ Bífue táinoñedeza, iere uafue: Afe Cristo tílla izói cai tíadi, afémíe meine abido cáadímíena jailla izói, afe izói dani cai meine cáaillano afémíeoíri íitícaí.

¹² Afémíe ícoínia duere cai zefuíaídi ie illáimana illánomo jáinaitícaí. Afémíena cai jáanoiadi, afémíe jíái caina jáanoite.

13 Afémiemo cai ñnoñeniadi, afémie jaca ie daina izói nai finófirede; Mei Juzíñamui dama ie abina jáanonideza.

Ñuera daiïllena facaca táijiraima

14 Bífuiaimo jáimacina ñue o comécitari. Daje izói bífuiái cai Ocuíraima eróicana íaioimo jóoneri. Iaiói ráifiñede júfidofirega uáillaimo mai afémacina júfidotañeno o iri. Afe bie izoide júfidofirenafue ráifiñedeza, buna canóñede. Afemo cacáreidinona jáífodo oni comécina jóitate. Daje izói íaioi ñnoga ua uaina niné féitateza. 15 Juzíñamui uícomo figura daiïllena facaca táijiraima izói o iri. Iemo afe llezica jáífodo lloñeno daje izói o illáfueña ñue jaícina o jóonefireiri. Daií ñue facácamié ie meáicallafue iñede. Daiítade come Juzíñamui ua ráfueña jaícina comínimo llófuete. 16 Bíníemo ite táinona úrioinafuemonona oni o iri. Daií táinona úrifiredino jamánomo fiénidifuiaimo baiídiaoiza. Anábaitagano izói íficaidiaioi. 17 Fieni íaioi llófueña uai raire jica jalleide. Come abimo comuide fiénide ñozagi jarire oni móonaioicailla izói, bimaci llófueña uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidiaillinoi. 18 Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abido cáaillifue dibénedo llotíaillinoi: Ja záide, daídíaillinoi. Daií jáie comini Juzíñamuimo ñnogafueña uátacana jáidiaillinoi. 19 Mei íadi cai ñnoga uai oni cáitañeïllena, Juzíñamui áfemo jáie rírede uaina nabaide. Iemona féitañeno afe Juzíñamuimo ñnoicaídicaí. Afemona cai bie riire mozíoiga jáillirai izóidicaí. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jáífodo bie izói daide: Nana “Cristomo jaináidicue,” daídino fiénidifueña féitano, aféfuemonona ja oni írediaioi. (Bie ie nabaica uaido, Juzíñamuimo cai ñnogafueña afémie riire finode.)

20 Aillue jofo eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifiñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jáie figo jinoñede jiróracuaido jalleide illáimana ecáñedicai. 21 Afe izói naga jáíimaci canóllena Juzíñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juzíñamui íeiena ñue finóbitade. Ebena ñuera táijinanomo Juzíñamui raire íena órite. Mei afémie íainide ráifide oro finoina jiróraco izóidimeza.

22 Jitócomena llezica comeci fieni óiacanafuiaimona oni o iri. Mei jáífodo come ñue jaícina illáfuedo o jairi. Daje izói Juzíñamuimo o ñnofireiri, íemo jáíimana o izíruifireiri, íemo comeci mánainafuedo naga cómena o uáidofireiri. Iemo, nana comeci íaifuenino Juzíñamuimo úrifiredino diga o nabáiriri. 23 Daje izói táinomo comécilla uáillaina náfueñeno o iri. Mei ja onódioza, bie izoide úrillafuai fúirienaillafue comúitate. 24 Juzíñamui ocuífregamié jaca jáíima diga ícínide, íemo jáíí fuirínide. Mei jáífodo afémie nana comini diga caimare írede. Daje izói jáíimacina caimare llófuere. Iemo afémie jáíimamo jarire úriñeno, íaicana úrrede. 25 Daje izói Juzíñamui ocuífregamié naga ie llófueinana náfuecañedinona comeci manai finuano, íaioina lletárede. Afémie daií íaioina lletárede, íaioi comeci

ifue Juzíñamui méidotalleza. Iemona daje izói ua ráfuenta Juzíñamui íaioina onótateza. ²⁶ Bie izoide llógana jámairuitino Taife írebaimo jilla izói itíai. Iemo afe Taife ie comeci óiacana izói afémacina ócuite. Mei íadi ua ráfuenta íaioi onónamona jillorediaioi. Afénomo jíuzaidinona oni baírórede. Afémaci inídimie como cazilla izói, abina onóitiaioi; íemona Taife anámona jillorediaioi.

3

Comini íirairuillaido illifue

¹ Ja bífuiaina o onótaiticueza. Íirairuillaido jacírediruina caimo mónaite. ² Aféruimo comini dani íaioi abina fiéni íziruitaioi, íemo úcubena íere duéruitiaioi, íemo íere fiéni abi íinoítiaioi. Daje izói “Jamánomoidimiedicue” dainano, cómena canóñede táinofuaimo coméciitiaioi. Iemo Juzíñamuimo fiéni úritiaioi, íemo íaioi móotiaiai ocuilla uaina náfueñeítiaioi. Iemo jáímmana “Íere figora” daiñeítiaioi. Daje izói Juzíñamuimo ínogafuena náfueñeítiaioi. ³ Afémaci jáímmana íziruíñeítiaioi, daje izói féitañeno íaioimo duere finódimie mo dúecaiñeítiaioi, íemo jáímacimo fiéni úritiaioi. Iemo íaioi comeci fiéni óiacanafuena “Dama íte” dáíñeítiaioi. Iemo jáíma íaioi ícíaí ñúefuedo finócañediaioi. Daje izói comínina íere izi cáçataitaioi. Nana ñúefuiaina bacáuai ífuenta mámeítiaioi. ⁴ Afémaci dani íaioi nahí comínina jáíe comínimo fállena fécajifrediaioi. Iemo “Dama cue íacana izói íredicue,” daiífrediaioi; íemo táinomo coméciillano “Íere jamánomoidimiedicue,” dáítiaioi. Daje izói Juzíñamui jenóñeno dani íaioi comeci gáinafuiaina jénoítiaioi. ⁵ Diga jinófene íuaido “Cue bie ñuera Juzíñamui uaina ínotimiedicue,” dáítiaioi. Mei íadi jofona íaioi comeci ráatailla mei, afe ínogafuemo íte méidolle rínona jáanotiaioi.

Afe bie izoide comini diga nabáiríñeno o íri. ⁶ Mei bimácimona dáarie, jáímaci jofomo jaillano comécina rínide ringóniai jífuefrediaioi. Afe ringóniai fiénidífuiaina oruide. Afe ringóniai nana fiéni óiacanafuiaina anáfenogaiáioi. ⁷ Diga ráfuiaí onóiacadiaioi mei íadi Juzíñamui ua ráfuenta baitánidiaioi. ⁸ Jaiái Moisés illáruillaido mena aima Janes, Jambres diga, Moisés daina uai uáitaiillinoi. Afe íaillinoi uáitaja izói, bie comini íirairuillaido ua uaina uáitaitaioi. Íaioi ífoci úrillafue oni níbéfodo jóoide. Juzíñamuimo ínogafuena fáicanocaidiaioiza; afemo índiaioi, táinofue ínotiaioi.

⁹ Mei íadi bimaci are jáímacina jífuecana úíñeítiaioi. Mei íanori íllamona nana comini íaioi jífuefirenafuena fidiítiaioi. Jaiái Moisés uáitate íaillinoi táinona úrilla uaina comini fídia izói, nane afe izói bimaci táinona úrilla uaina nana comini fidiítiaioi.

Íiraicaiño Pablo Timotéomo jóonenocagafue

¹⁰ Mei íadi o cue llófuiaina ñue jeire otio. Cue maca izói jaca ñue macáδιο. Iemo cue mamérilla izói ñue mamérifredio. Iemo Juzíñamuimo cue ínua izói, afe izói íere ínofiredio. Cue comeci jarire úríñena izói, afe izói fáicana úritio. Jáímmana cue duéruilla izói duéruitio. Diga juáredífuiaí cuemo comuide, íadi fáicanocaiñeno Juzíñamui ñúefue llócadicue. Afe cue ocuilla izói ñue ocuíoío. ¹¹ Comini duere cue finóllena cuena racádiaioi,

mei íadi áferi jacínaiñeno caimare iticue. Naui Antioquía jófuego duere cue zefuállana onódio; daje izói Iconio jofue, Lystra diga cuemo íaioi finócafueña onódio. Nana racada duere cue íaioi fínuaíuina onódioza. Mei íadi cai Ocuíraima nana aféíuaimona ñue cuena jíllotate. ¹² Uafue onógaza, nana Jesucrístomo jaináinamona ñue jaícina illáfuego íacadino, nai ínoñedimacido duere zéfuitaioi. ¹³ Iemo afe llezica fiénide jíáimana jífueíredino jamánomo fiénidífuiaimo ana jáitiaioi. Jíáimacina íaioi jíífuia llezica, dani jíáimaci íaioina jífueítiaioi.

¹⁴ Mei jíáífodo omo llófuegafuiaimo riire o comécioicairi, mei aféíuaimo iere ñue ínotioza. Iemo afe bífuiaina o llófuetimiena onódio. ¹⁵ Daje izói o dúemiediomona Juzíñamui ñuera Cuegáuaina fueñe onóicaidio. Aféuaimona llófuegao, jíllonafue o maíñóllena. Afe jíllonafue Cristo Jesumo o ínuado o oga. ¹⁶ Nana Juzíñamui Cuegáuai, Juzíñamui afe cueraini comécimo úrilla izói ñue jaícina cuega. Bie uai iere ráífide comini ífoci déillena. Aféuaido comini llófuerega; íemo afe bíuaido táinomona lloga uaina uáitarede; íemo áfede jíáimacina lletárede; daje izói aféuaido jaícina comini ñue illífuena íaioimo llórede. ¹⁷ Afe daí Juzíñamui Cuegáuaido Juzíñamui ocuícamié ñue baitádimiena írede. Iemona afémie ñue finóbide, nana ñúefuiai ie finóllena.

4

¹ Juzíñamui eróicana, cai Ocuíraima Jesucristo diga, Juzíñamui uaillai o llóíreillena iere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuena riire jícanoiteza. ² Afémie raire bíacana jira, riire ona dáitícué: Nágari Juzíñamui uaillai jino o llóíreiri. Afemo riire o maméioiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juzíñamui uai riire o llóíreiri. Ñue riire llóíreiri Juzíñamuimo nai ínoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaina, nana comeci járitañenafuedo fáicana o llóíreiri. ³ Afe daí llóíreiri, mei diga íruí íllamona, comini ua llóíreinafueño cácañeítiaioiza. Mei jíáífodo dani íaioi fiéni gaina izói dani íaioi cacáacana izói, íaioi llóíreítinona aillo jénoítiaioiza. ⁴ Juzíñamui ua ráfuena fáicanocailano, nana jagai izoide táinomona llogáfuaímo náífuéítiaioi. ⁵ Mei jíáífodo o iri. Cáadimie izói ñue abina o onoiri. Zúufue omo comuáí, áferi jacínaiñeno abí riire o mameri. Iemo jíllona uai o llólleño maméioiri. Juzíñamui omo jóonega táijina ñue ícoimo o fuitari.

⁶ Ja íanori íllamona Juzíñamui íóbitallena fatá fecaca rille izói, fécajigacue. Cue titáillirui ja áinozide. ⁷ Ñuera fuíriraíma izói, fiénidífué anáfenua izói táijinana jae riire ñue ícoimo fuitádicue. Iemo jífanotimacimona riire aizida goal orédimie izói, afe izói cue táijina fuillánomo dúcidicue. Iemo Juzíñamuimo cai ínogafuena fáicanocaiñeno, ja ñue ícoimo ínoticue. ⁸ Iemona ja birui cai Ocuíraíma cuemo fecalle fia jíridoga raa izóidífuemo ocuírídícué. Afe ie billíruimo, Juzíñamui anamo ñue níífenidímacimo dúide zííñona illáfueña afémie cuemo fécaite; mei afémie comínimo itífuena ñue jaícina jícanoítimieza. Dama cuemo fécañeíteza, mei íadi daje izói nana

ie billíruimo caimare ocuírídínomo jirídorede zíiñona illáfuenta afémie fécaite.

Dama Páblomo dúidifuiái Timotéomo lloté

⁹ Timoteo, mai raire cue eróizaibiri; riire áfemo o mamériri. ¹⁰ Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófuemo jaide. Iemo jíáie cue nabai, Crescéntena mámeciredimie, jae Galacia éniemo jaide. Daje izói jíái Tito oni Dalmacia éniemo jae jaide. ¹¹ Dama Lucas cue diga fiébilla. O billíruimo, mai Marcos júnuauillano cue diné ómicoi biri, mei afémie benó cue táijina cuena iere cánoiteza. ¹² Cue nabai Tíquico, Efeso jófuemo jae cue orega. ¹³ O billíruimo cue fieca emódomo jitáraroi o atiri. Naui Troas jófuemo ite Carpona mámeciredimie jofomo cue fieca. Daje izói cue rabénicuai o atiri. Iemo jíáie cuega rábiai féitañeno o atiri, mei afébiaina iere jitáidicueza.

¹⁴ Naui Alejandro aillo fiénidifuiái cuemo nitade. (Afémie lloéfiái fínuamo táijifiredimie.) Nana fiéni ie úrillafuiái dieze cai Ocuíraima afémiemo iba óite. ¹⁵ Afe Alejándromona abí o rairuíoicairi, mei afémie cai lloga uaina iere uáitaacadeza.

¹⁶ Nano fueñe cue abí ríidollifue, ríillaini uícomo cue llua llezica, bu cuena nabáiñede. Nana cuena zóofetiaíoi. Juziñamui afefue iba íaíoi mo óñeilla afémiemo jicádícue. ¹⁷ Mei íadi naui abí cue ríiduaruimo cai Ocuíraima cuena canode. Afémie cuena ñue riire finode, jíllona uai oni nana judíoñedinomo cue llujállena. Afémie afe llujállafue ñue ícoimo cuena fuitátate. Afe daí cai Ocuíraima iere jacíredifuemona ñue cuena jíllotate. ¹⁸ Daje izói nana jíáie fiénidifuiáimona, afémie cuena jíllotaité, íemo dama íeiena cuena ráiruite, monamo ite ie illáimana illánomo cue dúciillena. Ñuera ebíredifue jaca ninomo íemo íteza. Daíitadeza.

Iraicaiño uáiduafuiái naa ézicigafuiái diga

¹⁹ Mai, Prisca, Aquila diga caimare uáidori, naa Onesíforo comíni diga. ²⁰ Erasto Corinto jófuemo fiébide. Cue nabai Trófimo ie irárenamona, Mileto jófuemo cue fieca. ²¹ Mai raire rozírediruillai nai dúciñena llezica benó o biri. Benómona jíáimaci omo uai orédiaíoi, be níimaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiaí o uáidotiaíoi.

²² Cai Ocuíraima Jesucristo nágarui ómoimo nabáirifireilla Juziñamui jicádícue. Daje izói Juziñamui nana omoi ézicilla jicádícue. Mai daíitadeza; jae ñie.

SAN PABLO TÍTOMO ORÉCABE **La Carta del Apóstol San Pablo a Tito**

Pablo Títomo cuete

¹ Páblodicue. Juzíñamui táijitagamiedicue. Jesucristo orécamedicue. Juzíñamui nizécanomo ñnotalle uai cue llujállena ie orécamedicue. Daje izói cai ñnoga ua uai, íaiói onóillena orécacue. ² Afe bie cai ñnoga ua uai, jaca ñnomo ñue cai illínomo cai ocuínanomo móirede. Nai énie cómuñenia uícodo, Juzíñamui afe zúñona cai cáaillinona llote. Juzíñamui jaca táinona llófinide. ³ Ja birui ie llóiacaga uaina, ie mamécaruimo cuemo jóonega llófuecaillado caina onótate. Uafue, cai Jíllotaraíma Juzíñamui afe daje uai cue llófuecaillena cue ocuide. ⁴ Tito, daje izói Juzíñamuimo ñnoticoco, íemona nahí cue jító izóidío. Jira bibe omo cueticue. Afe llezica, cai Moo Juzíñamui cai Ocuífiredicue cai Jíllotaraíma Jesucristo diga o ñue ézicillena jítáidicue. Daje izói omo dúecaillena jítáidicue. Afe dáaruido caimare uái ñue o íllena jicádicue.

Tito Crétamo llófuete

⁵ Monáillai cigi idu Crétamo o cue fiénocailaruido, nai figo finóbiñede raa ñue daje dine jaícina o finózillena ona fiédicue. Aféruído naga diga jofue illánuíaímo ite Juzíñamuimo jainaide gairídinomo íaiói ócuitimiena o jóoneri daidicue. Ñue ócuite eicomínina jenoda o jóonetadicue. Afe izói nauí uícodo omo llonódacaidicue. ⁶ Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiaí Juzíñamuimo ñue ñnorediaíoi. Afe úruiaí fiénidifuenta jóoneñegazana írediaíoi. Ocuilla uaina náfueñedino izói índiaíoi. ⁷ Iemo naga ócuitillaíma Juzíñamui dibénemo ocuíaíoi. Ie jira afémie nífuenino jaícina ñue írede. Daje izói afémie “Cue bie íere ríimiedicue” daíñide. Daje izói afémie comécina éoicainide. Daje izói afémie jífaiñide. Daje izói afémie illáiredimiena ínide. Daje izói afémie fia Juzíñamuimo táijnado úcube otímiena ínide. ⁸ Mei jíáífodo, afémie ie jofomo mácaibitóna jíáífodo comécíñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuídímiena írena. Afe izói afémie comécina jaícina ítimiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletádimiena írena. ⁹ Afémie ñue ñnofirega íemo lloga uaimo íere comécírede, jíáimaci comécina náicaitallena. Iemo jíái afémie daí írede, nana uáitatínona uafue daíitallena.

¹⁰ Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaíoi. Afe llezica comínina jífuetiaíoi. ¹¹ Afémaci úrilla llícaitarede, mei dáarie afézie nana íaiói ñue ñnogafue dobáñnotadiaíoi. Afe llezica llófuerainina uaido llófuefirediaíoi, meáirede fínuado úcube óllena.

¹² Afe Creta énie imácimona daade uai jino lloraíma, ie nabáitaido úrite. Daide: “Creta imaci tánofuerediaíoi, íemo jazici ie ríllenai izóidiaíoi, íemo íere güillárediaíoi, íemo jaca íere ráiraediaíoi,” daide.

13 Afémie uafue daide. Ie jira riire íaioina lletari, Juzíñamuimo íaioi ñnogafuena féitañeno ñue jeire íaioi óllena. 14 Iemo daje izói ñue íaioina lletari, judíuai dani uibica uáillaimo íaioi náfueñeilla. Iemo jíái, ua uáimona oni jíicaidino comuítaga ocuilla uaimo íaioi cácareñeilla.

15 Nana comécina íaifuenidimie naga raa íaifuenide. Mei jíáfodo íadi nana Juzíñamuimo ñnoñedino íaifuiairedinomo naga raa íaifuiairede. Daje izói íaioi ifoci uibíllafue íairede, nana íaioi comeci úrilla uai diga. 16 Afémaci “Juzíñamuina onódicaí” daidíaioi, mei íadi íaioi finócado Juzíñamuina jáanotiaioi. Mei afémaci íaíruigamacina jáidiaioiza. Iemo náfueñedino izói itíaioi; iemo due jiza ñuera raana finónidiaioi.

2

Ñuera uafue llófueina uai

1 Tito, o daiille uaillai ñue uafue llófueina izói jaca jaícina jóirede. 2 Nana éicomini jaca jífaífinidinona írede. Daje izói ñúefuiaido jacíruiregaaioi. Iemo, abina ñue onódimiaina írediaioi. Daje izói Juzíñamuimo íaioi ñnogafuemo iránifinidimie izói írediaioi. Daje izói nágaruillaido ñue izíruicana ífirediaioi, íemo jíái jaca comécina járitaífinidiaioi. 3 Daje izói eiringótiai úrioinide; íemo ñúefuedo jacíruiregaaioi. Afe izói táinona llófinidiaioi. Iemo jíái jaca jífaírado jífaífinidiaioi. 4 Daií ñue íaioi íllana ácatarediaioi, jíaie ringóniai jítaínguai afe izói íllena. Afedo íaioi inítiaina izíruilla lollíaioi. Daje izói jítaíngo íaioi úruiai gáíllena llófueregaaioi. 5 Afe izói íaioi abina ñue onóíllena llófueregaaioi. Daje izói íaifuiaínidinona íaioi íllena llófueregaaioi. Afe izói jofo ero finoca raa ñue úiñollena llófueregaaioi. Daje izói ílláinidíngo izói íaioi íllena llófueregaaioi. Afe izói íaioi ini ocuícana jíruífireilla llófueregaaioi. Be daií írediaioi, buna Juzíñamui lloga fieni úridoñeilla.

6 Daje izói jítócomini ñue íaioi íociretari, abina ñue íaioi onóíllena. 7 Iemo jíái, naga o jetáacaga díbenedo o ñue illa izói íaioi íllena ácatari. Íaioina o llófuelle llezica, taino jífueñeno llófuefireiri. Daje izói jífanodoñeno lloiri. 8 Daje llezica táinodo úrinidío, buna o jánari úriñeilla. Afe daií o uáitaacadino meáiruitaioi, mei ja odo fieni úrinideza.

9 Iemo jíái, nana ocuícana íaioi ocuídino anamo ñue íllena o llófuefireiri. Daje izói cáimamacina íaioi íllena lloiri. Iemo uai ófíreñedinona írediaioi. 10 Afe izói íaioi táijina llezica íaioi ocuídino ráaie meríñedinona írediaioi; mei jíáfodo naga táijinana jetátagamie ñue ñnofiregamiena írede. Afe izói írediaioi, cai jíllotaraima Juzíñamui lloga uai iere ebíredeza, dani afémaci abido onótallena.

11 Mei jíái, Juzíñamui caimo ie dúecaillana caimo cíotate. Afe caimo ie dúecaillado nana éniemo itino jíllorediaioi. Afe jíllorenafue Juzíñamui jae caina onótate. 12 Afe caimo ie dúecaillamo cai comécíadi fieni illafue cai fáicanocaillena caina onótate. Afe izói bie énie imaci óiacaga cai fáicanocaillena onótagacai. Iemo jíáfodo biruíllaido cai illafue ñue úillena caimo llote. Jaca abí ñue cai ocuífírena caimo llote, íemo cai illafue ñue jaícina cai jóoneilla cai llote. Afe izói Juzíñamuimo dúide uaina caimare finóredicaí. 13 Iemo daje izói Juzíñamui uícodo lloga uai, caimare zuíllemo ocuíoiredicaí. Mei aferui iere ríinoredimie Juzíñamui, cai jíllotaraima

Jesucristo caimare billíruiza. ¹⁴ Afémie cai ícoinia tíllinomo uigámie, nana fiénidifuiamona cai jílloilena. Daje izói nana cai íaifuiái muiñóllena uigámie. Afedo afémie íena caina mamede, ñúefue iere íocire cai finóllena.

¹⁵ Be nie o llófuereña uai. Nana náinide comini comécina náicaitari, íemo lletáredino omo ite ocuille ríino dieze íaioina lletáfereiri. Buna ona jámairuitaño iri.

3

Juzíñamuimo ínotino bie izói írediaioi

¹ Jesucristomo ínotino énie illaíma anamo íaioi írena uibíñotari, naa ocuidinuiári. Daje izói aféllaímai ocuica uai íaioi jíeruillena uibíñotari. Afe llezica ebena ñúefuiái fínuamo iere jécairediaioi. ² Daje izói jíáíma jánana fiéni úrinide. Afe izói afémaci comécina caimare uái itínona írediaioi, íemo illáinidínona írediaioi. Iemo daje izói nana comínina omoi uáidua llezica, comécina mánaidimiena o illa jino íaioimo onótari.

³ Mánaidimiena íredicaí. Mei naui uícodo daje izói cai bie jaca abina onóñedinodicaíza. Juzíñamui lloga uaimo cacáreiñedicaí. Aféruimo niné féiraitino izói ífredicaí. Daje izói nana cai comeci fiéni gáinafuiáimo riire ocuicanodicaí; íemo jíái cai íóbitade raamo riire llavécanodicaí; jaca nágarui fiéni ífredicaí, íemo jíáímamo úradoifredicaí. Iemo comécina éoidicaí, daje izói conímana éoicaifredicaí. ⁴ Mei íadi cai jíllotaraíma Juzíñamui íemo ite cáimafue jino caimo cíotate, íemo nana náiraiaina ie izíruifireña diga. ⁵ Afémie caina jíllotaacade, mei íadi jaca nanómoma cai daína ñúefuena cai fínuamona Juzíñamui caina jíllotañede. Mei jíáífodo dama afémie caimo dúecaillado caina jíllotate. Caimo ite íaifuiái dama ie múíñuado caina jíllotate. Afe llezica Juzíñamui Ñuera Joreño afe múíñuado, meine como jéiciganona caina finode. Iemona daje izói afe Ñuera Joreño como comuítaga ñúefuedo caina úicaite. ⁶ Cai jíllotaraíma Jesucristodo, Juzíñamui ie Ñuera Joreño jeruíño caimo fecade. ⁷ Afe daí Juzíñamui caina dúecaillano, nífuenidinodicaí izói caimo caimare éroide. Afémie daí caina itátate, cai ocuirina zíñona cai illino cai maiñóllena.

⁸ Bie uaillai iere uáfueza. Daje izói nana bífuiái jeire íaioi ólleza ona íaioina iere llotátaiticue. Daí ona llotátaiticue Juzíñamuimo ínotino bie ñúefuiáimo nágarui íaioi jíeruillena. Comini canóllena bífuiái nana ñuera. ⁹ Mei íadi abina onóñedino júfidogafuemonona oni o jíicairi. Daje izói jaiáidigima dibénedo lloga íaioi comuilla táinofuiáimona oni o jíicairi. Afe izói jíáímana uáitafirenamona oni o jíicairi. Iemo jíái, Moisés lloga uaimo ite féiredifuiáido fuirídinomona oni jíicairi. Nana bie izóidifuiái cómena canóñede. Daje izói bífuiái ífócina úriñedinomona comuide.

¹⁰ Juzíñamuimo dájena jaináidino cígiri dámie eneno bozíetaiacania, íena uáidota ménacaíño lletari. Daí lletaca cacáacañeniadi, omoi cígimona íena ruifíruiri. ¹¹ Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemonona oni níbéfodo fiénidifueño baíidimie. Iemo dama ie finoca fiénidifuedo duere finóbide.

Pablo naa ie nabáñíairi mamérilla uai

¹² Artémama mámeciredimie, níbai Tíquicono mámeciredimie omo cue óreiaí méifomo, Nicópolis jofue illánomo raire cue eróizaíbiri. Afénono

o jáillena raire mamériri, dínomo dáanomo conímamo dúciiticocoza. Mei afénomo rozírediruillai záitaiacadiqueza. ¹³ Iemo nane jáífue, Zénana mámeciredimie Apolos diga nana omo ite dieze íaillinoína canori. Afe Zena jáímado ñue úrifiredimie. Íaillinoi jaille llezica jitaica raana íaillinoimo fecari, minícana íaillinoi jítaiñellena. ¹⁴ Iemo daa cai Juzíñamuimo jáináidino ñue lloíri, ñúefuiaimo íaioi táijifireilleza; daje izói jáíe come jítáiadi, íaioi jitailla raana fecari. Iemona íaioi illafue ñue ráifiteza.

Iraicaiño uáiduano ñue íaioi íllena Pablo Juzíñamuimo jicade

¹⁵ Nana cue diga itino omo uai orédiaioi. Cai izíruiga nabáiñiaí daje Juzíñamuimo ínotino o uáidori. Mei Juzíñamui nana ómoína ñúefue dibénemo itátaiteza. Daiítateza. Jae ñie.

SAN PABLO FILEMÓMO ORÉCABE **La Carta del Apóstol San Pablo a Filemón**

Pablo Filemomo cuete

¹ Cue Páblodicue. Cristo Jesús ícoïnía llavécamedicue. Cai ama izóidimie Timoteo cue diga illa llezica, Filemomo bibe cueticue. O coco táijnamo izíruiga nabáifiredimedio. ² Afe llezica Juzíñamuimo ínotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáifiredimie Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³ Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izói caimare uái illifue ñue ómoimo itátaiteza.

Pablo Filemón Jesucristona izíruilla íemo íe ínuana llote

⁴ Juzíñamui diga cue úrilla llezica omo uíbicaidicue. Uíbicaillano, jaca Juzíñamuina “Figora” dáifiredicue. ⁵ Mei o ñue o finócafue fidídicueza. Cai Ocuíraima Jesuna o izíruillana íemo o ínuana diga, fidídicue. Daje izói nana Juzíñamuimo jaináidinona o izíruillana fidídicue. ⁶ Juzíñamuimo o ínuado jíáimaci afémie uai jeire o otátallena Juzíñamuimo izire jicádicue. Afémaci o diga nana Cristo Jesúmona comuítaga cai ñue ínofirenafuiai, ñue onóillena jicádicue. ⁷ Afe daí jicáfiredicue, mei ja o izíruillado íobidicueza, daje izói áfedo cue comeci íociredeza. Daí ori íobidicue, mei Crístomo ínotino odo comécina fíracaiáioiza.

Riire ocuícamié Onésimomo Filemón dúecaillena Pablo íemo jicade

⁸ Iemona ja birui, Cristo orécamiéna cue íllado omo dúide finolle raana riire ocuíredicue. ⁹ Mei íadi afe izói ócuíñeíticue. Riire ocuilla baímo caimare jícana gáidicue. Iemo conímana coco izíruillamona omo jicaiticue. Ua ja cue éiromadicue, íemo jíái Cristo Jesús llavécamedicue. ¹⁰ Daí cue íllamona, daa cue onóigamiemo o dúecaillena jicádicue. Benó cue llavéjina llezica afémie cue jító izóidimienaa jaide, mei afémie comécina Jesucristomo ínuua mei afémie jaináitaticueza. Afémie Onésimo. (Jesucristomo íe ráifidimienaa omo íllana jaca comécíñedio.)

¹¹ Naui Onésimo omo ráifíñedimie izoide. Mei íadi birui cue o diga afémie ráifidimie izói táijirede. ¹² Meine abído íena omo orédicue. Afe íe cue óría cue iere izíruiga úrue óría izoide. ¹³ Nai benomo ñúefue ícoïnía cue llavébilla llezica, afémienaa “Benó cue diga fiebí” uáfueña daíacadicue, o méifomo afémie cue canóllena. ¹⁴ Mei íadi nai o jii dáifíñenia mínícana ocuícacañedicue. Daí daidicue, o cue jícajana ocuilla izói íñeillena. Mei jíáifodo dama o comeci jitailla izói cue jícajana o fínuana jítáidicue. ¹⁵ Nibai Onésimo naui fia nígarui fidi oni o abímonaa jaide, meine billano biruímonaa o abímo afémie jaca ninomo íllena. ¹⁶ Iemona birui riire ocuícamié izóifíeno, mei jíáifodo izíruiga ama izóidimienaa afémie o diga írede. Afe jira naui riire ocuícamié baímo ñúemienaa o diga írede. Afe bímie iere izíruiticue, mei íadi o cue baímo íena izíruiredio. Birui daa afe ñue táijitallimie izói íena izíruinidío, mei afe baímo cai Ocuíraimamo jainaide ámana o izíruilla izói, afe izói íena izíruiredio.

¹⁷ Iemona uáfueña cue nabáidimie o íadi, cue o llínua izói, afémie o llínori. ¹⁸ Nibai nano afémie fiénide raa omo finóadi, íemo jíái nibai minica omo íbañenia, cuemo jica, cue íbállena. ¹⁹ Ona uafue cue daiítallena cue ónoído cueticue: Afena íbaiticue. Cue Páblodicue. Mei jíáifodo cue ona uibíñotaredicue, dama o ñue méidoga abi cuemo dúide, mei Juzíñamui omo oná notadicueza. ²⁰ Ua mii, cai Ocuíraimamo o ínuamona, afe bímie o llínuaodo caimare cue itátari. Crístomo dájena jainaide ama izói cue comeci firari.

²¹ Omo cueticue mei o jíeruifireña ñue onódicueza. Jíái onódicue, cue ocuica baímo finóredio. ²² Afe llezica cue iníllico uieécodo raire finori. Mei bie izói ocuírídicue; Juzíñamui omo ícállemona, Juzíñamui omo cue eróizaibillena cuena óreite.

Iraicaiño uáidua, caimare ñúefue dibénemo omoi itátallena

²³ Cristo Jesús ícoínia cue diga llavécamie Epafras uai omo orede. ²⁴ Daje izói jíáie cue táijinamo canódimaci Marcos, Aristarco, Demas, Lucas diga omo uai orédiaíoi.

²⁵ Mai mei cai Ocuíraima Jesucristo ñúefue dibénemo ómoína itátaiteza. Daiítadeza. Jae ñie.

HEBREO IMÁCI MO CUEGABE

(Daa bimaci jiaífodo mameina Judíuai)

La Carta a los Hebreos

Juzíñamui ie Jitodo ja comínimo úrite

¹ Jaiái ninomo cai judíuai jaiáidigimamo Juzíñamui úrite. Ua, ie uai llórainido diga icaiño, diga jiaífodo jóoide uáillaido úrite. ² Mei íadi ja birui íirairuillaído Juzíñamui ie Jitodo caimo úrite. Bie Jitó uaido Juzíñamui jaiái bie éniena naa úcuairi finode. Iemo naga raa íeiena náamatallena Juzíñamui íena mamede. ³ Afe Jitó ie Moomo ite ebíredena jino cíotatimie. Daje llezica afémie jino náiraímo cíotaga; ua daje Juzíñamui izóidimie. Nana finoca ráaniaina afémie dájena jaináitano ie ñue riírede uáillaido nágarui ñue jaícina finócana uite. Bímie, cruzmo dama ie die tótajado cai fiénidífuiaí ñue múiñua mei, caífo monamo ite Juzíñamui nabezi dibénemo ránazaide, dinómona nahí illáimaillena.

Juzíñamui Jitó Juzíñamui abi imáciai baimo figomie

⁴ Afémie afe jamánomo riíredinomo jáillamona, nana Juzíñamui abi imáciai baimo figomiena jaide. ⁵ Juzíñamui ie abi imácimona dáamie jaca “Cue jítódio” daiíñede. Ua, “Cue Jitódio, ja birui illáimana o jóneitícue” jaca daje izóí íaíoína daiíñede. Mei íadi ie Jitó Jesucrístona daí daide. Daje izóí ie abi imácimona dáamiena “O moona lítícue” daiíñede. Dáanomo “Cue jítóitio” daiíñede. Mei íadi Jesuna daí daide. ⁶ Ua Juzíñamui ie izoide daade Jitona bie éniemo comúitajano daide:

Mai, nana Juzíñamui abi imaci, bie cue jitona jacíruioicana ñue omoi íóbitari.

⁷ Mei íadi abi imácina Juzíñamui daide:

Bimaci cue abi canórainina íllamona, íaíoína ocuífiredícue. Iemona jairifo raire náidacailla izóí, bimaci cue ocuícana raire jetáfirediaíoi.

Afe izóí nana cue canófirede cue abi imaci jacírede boode iraci izóí, íaíoína ocuífiredícue, —daide.

⁸ Mei jiaífodo ie Jitona daide:

Juzíñamui o íllamona, o illáimana illirui jaca ninomo zííñona íite.

Ñue comécina jaícinaínafuedo jaca illáimaífireitio.

⁹ Ua, comécina jaícinaínafuena izírúitio, mei íadi fiénidífuiaímo éoicana eróidío.

Iemona Juzíñamui, ua o Juzíñamui, jae ona íóbitade.

Nana Juzíñamui uaina jíeruite o nabáíñiaí cáimadua baimo, cáimatagao, —daide.

¹⁰ Jiáinomo ie Jitona Juzíñamui daide:

O Ocuíraimadío.

Naga ráaniaí o táinia mei, bie énie finódio.

Nana monamo ite naga úcuai o ónoido finócana.

¹¹ Afe énie naa úcuairi niné táinocaitiaíoi, mei íadi o jaca zííñona íitio.

Aféniaí jácara iníroillai zabilla izóí zábítiaíoi.

¹² Iemo inícuro dócoiano oni jóonia izóí, oni eneno íaíoína jóneitio.

Iemona iníroi jíáiroina abimo jita izóí, bínie naa ucúduairi méidoficaitiaíoi.

Mei íadi o jaca méidoñelloza, dinó nímieitio.

Omo itifue jaca ziiñona íite.

¹³ ¿Ñie mei ie abi ímiemo Juzíñamui llogámie:

O fairíconí o anamo cue anáfenotalle llezica mai benó cue nabézimo illaíma nabai izói ráinazaíbi?

Daíí dainámiena íñede. Dama ie Jitó Jesuna daíí daide. ¹⁴ Nana afe Juzíñamui abi imaci Juzíñamui ocuica canófirede jóriaíai. Ua Juzíñamui orécaíaioi, afémiedo jilloitino ñue rairuúllena.

2

Cristo caimo llúaibiga jillona uaimo ñue úiñoredicai

¹ Ie jira Juzíñamui Jitó, Jesucristo daíí naga illaíma baimo jáidimiena illamona, nana Juzíñamuimona cai cacana uailai jeire cai olle iere jitáirede; omoi jefóniaí ñue jinéoiri. Aféuaimo ñue omoi cacáreiri, oni nibéfodo fiénidifue mo cai báiiñellena.

² Mei Juzíñamui jaíai ie abi imácido llogáuai jaca oni caitánide. Naga aféuaina jeire oñédino naa cacáfinidinori raire iere duere finócaíaioi. Mei afe fiénidifue finuamona Juzíñamui íaíoi mo jaícina íbana ote. ³ Mei íadi birui aféuai baimo jamánomo ñue riírede uaina cacádinodicai. Ie jira bie Crístonona cai cacana uáillaina jeire cai óñenia, ¿ñífuedo jaícina íba uáfue mona jilloiticaí? ¡jillonidicai! Afe baimo ñue riírede uai nano fueñe Ocuíraíma Jesucristo caimo llogáuai. Ie mei ie dáinana cacádinodo aféuai jae cai uafue daííllena llotátaga. ⁴ Afe íaíoi daina uaimo onótate raado Juzíñamui ñue uai nabáitate. Iemo jíai jacírede raado, aillo cíorainina raa díga afémie ñue uai nabáitate, íaíoi daináuaimo ñue cai íinollena. Afe llezica Juzíñamui ie jitáinafue izói, ie Ñuera Joreño ñúefuiai finolle ríino, illa dígamierie íaíoi mo fecade, daje izói caimo.

Jesucristo Juzíñamui Jitó íadi afémie cai illa izói, ía cómena íficaide

⁵ Cai úrifirena ñuera úireitiruillaido nímie illáimaillena, Juzíñamui ie abi imácina: “Illáinina jáitiomo?” daííñede. ⁶ Mei jíáifodo comínina illáimaitacade. Jaíai Juzíñamui Cuegáuaimo David Juzíñamuina daide: ¡Ñii naga come Juzíñamui dibénedo jamáimíaina!

¿Ñibái mei íaíoi mo comécidio?

¿Ñibái mei íaíoi jitótiaímo járitaitio?

⁷ Mei uáfue na due jiza o abi imaci jofófenemo comínina comúitatio.

Illáima ebírenano naa ñúefue díga íaíoi mo nitáidio.

⁸ Naga raa íaíoi anamo o itátatio.

Daíí naga raa íima anamo itábicaillamona, jae mínica ie anamo itábicaíñedena íñede. Mei íadi ja birui íima dibénedo naga raana náamatañega. Afe izóiñedeza; afémie nahí náamañede. ⁹ Mei íadi jíáifodo birui Jesuna cai onónamona íemo comécidicai. Afémie nana íanori due jiza Juzíñamui abi imaci jofófemo jónegamie. Aféruido afe Jesús nano cai jíáinona, tílla onóíllena facade; mei afe llezica nana comini fiénidifue ícoínia Juzíñamui zóofegamieza. Ie mei tíide meine abído cáanamona jamánomoidimíena jaide. Afe mei afémie, illáima izói, ñúefuena nitácámie, jae ebire finócamie, mei nauí ie tíllaruímo iere duere ie zefuúllamona. Juzíñamui cairi dúecaillano, nana comini niné táinocaitañellena cai ícoínia Jesuna daíí zefuítate.

¹⁰ Juziñamui daií ie Jitó duere finoille caimare íemo jóbide. Ie jira Juziñamui íaióina jíllotaite ifódímie duere zefuillafuedo nana cai jíllonafuena ñue fuitade. Mei jíi, naga raa Juziñamui íeiena ie ínuamona ja birui itíaióí. Afémie nana comínimona aillo jíttótaí jíllóacade ie caimare ebírenanomo dáanomo íaióí dúcizaillena. ¹¹ Mei Juziñamui dibénemo oni jóonetímie Jesús, nana Juziñamui dibénemo oni jóonegamaci diga daje Juziñamuina móorediaíóí. Iemona, cai baimo jamánomoidímie íadi, Jesús “Cue ámatiaídiómoí” daií dáinana meáiruiñede. ¹² Afémie Juziñamuina daíde:

O mámecei cue ámatiaímo jino llóiticue.

Nana omo gairídino cígiri rocana ñúefue omo nítaiticue.

¹³ Jiáinomo Cuegáuaimo daíde:

Cue Juziñamuidio. Omo ínoitícue.

Ie mei jiáinomo daíde:

Be, benó itícue, Juziñamui cuemo iga naa úruiairi.

¹⁴ Onódiómoiza, nana cai jae cómena comuítagacai. Daií cai íllamona, daje izóí Jesús dama cómena comuíbicaide. (Ua, ía come izóí jéiciga.) Afe mei come abi íemo íllamona, ie tíllado cai títaite Taífena ríinitade. ¹⁵ Jaiáimona nana tílle jágiedo Taífemo rairuícamacidicai. Mei íadi Jesús jae cai jacíruiñeíllena nane ñue cai finode. Ja ráiruiñeganona afémie daií cai ñue orede, nana nauí cai caana llezica tíllena jacíruiticai íadi. ¹⁶ Mei uáfodo onógaza: Jesús ie bíllado Juziñamui abi imácina cánuaíbiñedeza, mei íadi cómena íficaíllano nana Abrahámona comuídigimana cánuaíbite naa jíaie Juziñamuimo ínotinori. ¹⁷ Afémie cai cánuaíbillemona ie ámatiaí nana íaióí illa izóí afémie íficaíllana íere jíttáiredeza, mei dúecaífirede nahí comínimona Juziñamuimo comínido úritíllaímana jáideza. Ua ínofírega Juziñamuimo úriráimana jáiacade, afe daií ie tíllado comínimo íte íiénidífuiaí oni muiñóllena. ¹⁸ Mei Jesucristo íaífue íieni facátafuíaímona duere zefuide, aféfuemo baíñede íadi; íemona ja birui íieni Taífe facátagamacina cánua ríino Crísto íteza, ja caína ñue canórede.

3

Jesús Moisés baimo jamánomoidímie

¹ Ie jira, cue ñue ámatiaí, Juziñamui uáidogamací dibénemo jaináídiómoiza, Jesumo izire comeci omoí facari; ua cai jeire oga ñúefue lluaíbitagamíemo ñue comeci omoí facari. Iemo nane Juziñamui dibénemo caído ñue úritímíemo, maí íemo comeci omoí facari. ² Bie Jesús íena daií mamédímie ocuica uaina jaca nágaruillaí ínofírede; ua, jaiáídimie Moisés nana íemo llogáuaina jeire ófírena izóí, afe izóí bímie nana íemo ocuica uaina jeire ófírede. ³⁻⁴ Jae onódiómoiza naga jofo come niga; dama abina niñedeza. Mei íadi naga ráaniaí finódimie Juziñamui. Iemo daje izóí ja onódiómoiza, naga jofo niraíma afe nigaco baimo ñúemieza. Afémíemo jamánomo ñúefue jóonerede. Ie izóí afe bie Jesús Moisés baimo ñúefuena nítáregamie, mei naga raa afémie comuítagaza; íemo jíaí daje izóí Juziñamuimo cai jainánana Jesús comuíateza. ⁵ Ua, afe Moisés nana Juziñamui íemo llogáuái, Juziñamui dibénemo táijiacadímie izóí, aféuaina ñue jáicina Juziñamui eneno nizeca Israel náiraímo llotátate. Afe daií afémie íe méífodo bite llófuellífuemo uai nabáitate. ⁶ Mei íadi

Cristo, jofona náamataga Jitó izói, nana ie anamo itínona ñue jaícina ocuíoide. (Afe daíi Cristo Moisés báifene ímienaza onódicai, mei naga jitó, jofo ero tájiraima baímo itímienaza.) Iemona Cristo dáinana, cai ínuafue ñue riire itífuedo are illa ícoimo jeire cai oái, Juzíñamui comínidicai. Afe llezica afémiemo caimare cai úíuana jitáirede.

Juzíñamui comini comeci caimare uái illafue

⁷ Ie jira Juzíñamui Ñuera Joreño jaii Cuegáuaido daide:

Birui Juzíñamui daínauai omoi cacana llezica omoi coméciai riiretañeno iri.

⁸ Jaii énie zaféredinodo Israel comini facátaruimo afémaci íaii comeci riire ínuano Juzíñamuina uáitatiaoi.

Jí, afe izói omoi íñeno iri, daide.

⁹ Iemo nane Juzíñamui daide:

Aféruillaído jaii omoi uzútiái Judíuai cuemo íñoñoeno fiéni facátafuedo cuena facátatiaoi.

Cuarenta diga fimónado nana íaii cuemo finócafuiaina ciódiaoi íadi, cuemo fiéni comécidíai.

¹⁰ Ie jira afe bigima cuena ríicaitade.

Afémacido daidicue: “Íaii comeci cuemo figo jaináíñenamona, cue lloga ío onóñoeno oni nibéfodo jáidinona itíaii.”

¹¹ Iemona áferi ícírillano riirede uaido daidicue: “Jaca cue lloga caimare comécina uái ocózinaillana óñeitíaii,” daidicue.

¹² Amatíai, daje izói figóñede, ñúefuena íáiruiga íñoñede comécimona mai abí omoi rairuiri, afe izói omoi íñeillena. Mei afe izóidíe cai caade Juzíñamuimona oni eneno jica íteza. ¹³ Mei íadi nágaruillaído, Juzíñamui ómoína nai uáidua llezica, Juzíñamui dibénemo ñue riire jainairi. Iemo dani ómoimona ñue lletari. Daíi ñue omoi llóiri, fiénidífue ie abi jífuiafuedo buna ómoimona dáamie comécina ríreiñellena. ¹⁴ Mei nanóidemona caimo íte izire ínogafue, riire fáicanocaiñoeno uáfuena cai onóíadi, jae Cristo dibénemo jaináidinodicai. Aféfuemo rairuíñoeno ñue omoi jíruiri.

¹⁵ Juzíñamui Cuegáuai daíi daide:

Birui Juzíñamui daínauaina omoi cacana llezica, jaii Israel Juzíñamuina uáitajarui comeci riírena izói, omoi comeci riíretañeno iri.

¹⁶ ¿Bu mei afe Juzíñamui uai cacádino íadi, nane dáanomo íena uáitate? Mei nana Egíptomona Moisés baírócamaci Juzíñamuina uáitate. ¹⁷ ¿Mei níimaci cuarenta diga fimona Juzíñamuina ícírítate? Mei nana afe Juzíñamui uai íñoñoeno fiéni finódino; níi afémaci ícuruai énie zaféredinomo fiénocaiga.

¹⁸ ¿Níi náiraina riirede uaido Juzíñamui daide: “Jaca cue lloga caimare comécina uái ocózinaillanomo dúciñeitíomoi?” Mei nana afe íe uaina cacádinona íadi aféuaina jeire onédinona daíi daide. ¹⁹ Daíi íaii dáiina dáinana íaii íñoñenado jofo cáimanomo dúcinidiaoi. Ua daíi ñúenomo íaii dúciñenana onódicai.

4

¹ Ja birui Juzíñamui uafue caimo lloga caimare comécina uái ocózinaillana cai olle uai caimo íte. Aféuai nai caimo illa llezica mai ómoimona dáamie aféuai comécimo óñeillena daítadífuemona mai abí omoi rairuiri. ² Mei uafue cai bie ñúefuena llogámacidicai. Ua afe jaii Egíptomona baírócano ñúefuena llóina izói ñúefuena llogámacidicai.

Mei íadi íaioi cacana uai figo íaioina canóñede; mei íñoñediaioiza fia táinona cacádiaoiza. ³⁻⁴ Mei íadi Juzíñamui lloga caimare comécina uái ocózinailinomo nahí jofo jáidinodícaí, mei ie uaina ñue cai ínofirenado. Birui Jesumo cai ínuamona, caimare comeci jacíruiñenafue dibénemo jónegacai. Jira ocózinairanomo táijíñeno cai illa izói, jae caimare uái itícaí. Ie mei uire Juzíñamui illánomo ñue afémie díga caimare uái ítícaí. Jaiái íñoñedinona Juzíñamui daide:

Iaioimo cue rícaillano ñue rírede uaido daídícue, “Afe cue lloga caimare comécina uái ocózinailinomo jaca dúcíñeítiaioí,” daídícue.

Daí Juzíñamui íaioina daide. Mei íadi ua íaioi caimare illí fue Juzíñamui are uícomo mamécaza; mei jae are énie ie comuítajaruímona, nana Juzíñamui ie finócafuíai, naa caimare cai illífuíairi, jae fuitádeza. Mei Juzíñamui jáínomo ie Cuegáuaimo afe ie ocózinailaruído úrite; daide:

Juzíñamui seis dígarui táijide; ie táijina mei siete iruimo nana ie finócafuíaimona caimare uái ocózinaide.

⁵ Afe mei jáíruido ie Cuegáuaimo Juzíñamui daide:

Cue lloga caimare comécina uái ocózinailinomo dúcíñeítiaioí.

⁶ Iemo ñúefuena nanoide cacáдино íñoñenamona afénomo jofo íaioi jáinina méifomo, áfeo nai jáímaci jáillena túide. ⁷ Ie jira Juzíñamui díga fimona jailla mei, David roránicuaído comíni uáiduano meine jáie billirui íaioimo llote. Afécuaimo, due jiza illamona cue lloga izói, Juzíñamui daide:

Birui Juzíñamui daínauaina cacádiomoiza omoí comécina ríretañeno iri, daide.

⁸ Mei íadi Josué afe jaiáidinona nahí caimare come comeci jacíruiñenanomo uíñede. Ie jira díga fimona illa mei Juzíñamui meine abído comíni caimare illíruina úrite. ⁹ Iemona afe nahí caimare come comécina uái ocózinailafue nai ite, Juzíñamuimo jáináidímacina dani íaioiena maíñóllena. Afe ñue caimare cai illí fue ocózinailaruimo cai ocózinaila izoide. ¹⁰ Mei naga afe Juzíñamuimona oga caimare illífuena maíñódímie, dama ie jíllóille naa ie nícidogano fáicanocaillano, caimare uái ite. Ua Juzíñamui naga ráaniai ie fínua fuilla mei, ocózinailano caimare uái ite. Afémie uái illa izói caimare uái itícaí. ¹¹ Ie jira afe caimare cai illífuena mai ñue omoí maíñori. Mai benómona daí omoí ífireiri, ómoimona buna jáíairagíma bífuena íaioi íñoñenado íaífuemo baiílla izói omoí báííñeíllena.

¹² Nana Juzíñamui lloga uai, jaca íocire cáadímie izoide. Afe uai jaca ninomo ríredeza, buna oni caitánide uai. Aféuai comíni ífóciaimo déífirede; ua íaioi comécina zuitáfirede. Mei jí, jáíre jicaíca lloéaído abí ñeta íere jofo ícurumo raíre dúcízaílla izói, afe izói Juzíñamui uai nana cai comeci ífuíai onótate. Uáfuena cai comeci facáduana naa cai comeci jítaíllafuíairi fídiano ñue uáfodo jáicína jino caimo onótate.

¹³ Nana Juzíñamui finócafuíai íemona oni retáidonide. Ua, daa Juzíñamui cíóñenamiena íñede. Nana cai comécíllafuíai cai finócafuíai díga, uáfori cai nahí Jicánoraíma ui anamo ite.

Jesús Juzíñamui dibénemo caído ñue úrifredíllaíma

¹⁴ Jae Juzíñamui Jító, Jesús, mona úíllie íllano íere caífófenemo jaíllano, Juzíñamui íllánomo dúcíde. Dúcíllano Juzíñamuimo dibénemo caído ñue raíre úriraímana jaide; ua afémie caído úrifredíllaímana jónega. Afe bie úriraíma caimo íllaza, mai nana afémiemo cai comécíilli; afémiédo cai

ínogafuiai fáicanocaiñeno jaícina riire ñue íemo cai ínoilli. ¹⁵ Afe caído Juziñamuimo úrifiredillaíma nana cai abi ríidolle ríino iñénana onode. Ua afe cai ríino iñénamona cai féirairēnana afémie onode. Ie onónamona caimo dúecaifirede; mei afémie cai izoide cómena íficaillamona, nana fiēni facátafuaiāna cai cacana izóí cacade íadi afe fiēnidifuiāimo baiñēde. Iemona Juziñamui dīnena jáiredicai. ¹⁶ Ie jira Juziñamui illáimana illánomo cai úrizaiilli; mai omoi jacíruiñeno afe caído úrifiredillaímado Juziñamuimo raire úrifireiri. Daí íemo úriredicai caina ie dúecaillano cai fiēni finócafuiāi íba caimo óñeillena; daje izóí afémie cai jitáilliruido cai canóllena, afēmiemo úriredicai.

5

¹ Naga come dibéfodo Juziñamuimo úritillaíma comínimona nizada oga. Uano Juziñamuimo comínido úrillena mamécamiē. Daje izóí afémie comini dibéfodo Juziñamui íóbitalle ráfuiai finófireillena mamécamiē. Iaióí Juziñamuimo fia iga ráaniai afémie izájite. Daje izóí íaióí fiēnidífue íba otátañelle fia fállena fecaca tóica ríllenīai afémie Juziñamuimo izájite. ² Afémie ríinide cómena íllamona, íaióí illa izóí abīna onóñedīmacīna fīaicana comeci járitañenado caimare fīraizitaite. Daje izóí oni nibéfomo baiídnona comeci járitañeno llétaite. ³ Mei afe nízecamiē cai izóí ríinidīmīe. Iemona dama ie íaifuiāi muiñolle tóica rille jíámāci fécajilla izóí, afémie jíái fécajirede. Ua nana comini dibéfodo izáibilla izóí, dama íeiena afémie izábirede.

⁴ Afe iere ñuera Juziñamuimo úrirāimana íllena, buna dama ie comeci jitaina izóí ínide; dama Juziñamui jóonegamie daí írena. Afémie caimare jacíruiгамīe. Jaiáidīruimo daí Juziñamui Aarona uáidote. Uáiduano, Juziñamui íena nizada úritillaímana jóonete. ⁵ Afe izóí Jesucristo Juziñamuimo comínido úrirāimana íllena raire dama uícoficaiñēde. Mei íadi Juziñamui daí úritillaímana ie jóoniacana llezica íena daide: Cue jitódio; ja birui illáimana o jóoneitīcūe, daide.

⁶ Ie mei daí daināmiēna Juziñamui jíáinomo nane daide:

Jaca ninomo Juziñamuimo comini dibéfodo úrirāimādio. Ua jaiāi ninomo Juziñamuimo úrirāima Melquisedec izóí jaca ninomo Juziñamuimo comini dibéfodo zííñona úrirāimana ítīto.

Aquíe izóí Juziñamui ie Jitó Jesuna daide. ⁷ Cristo cai come izóí bie éniēdo jáicai llaruillaído, izire éecana Juziñamuimo comeci facade. Iemo dáaruído Juziñamuimo izire jícade. Afémie daí íena jíllotaredīmiemo comécido úrite; daide: “Bie cue tíiacanafuemona mai cue jíllota” daide. Iemo Moo Juziñamui anamo afémie ñue itábicaillamona comécido Juziñamuimo ie jícajana Juziñamui cacade. ⁸ Daí Jesucristo Juziñamui Jitó íadi, ie duere zefuúllafuāído ocuilla uai anamo itábicaillana fibide. ⁹ Afemona afémie daí nana cai jíllōillīfue ñue fuitállena jamánomo jáicīna fibítagamīēna jaide. Ie jira nana íemo ínotīmacī dibénemo Jesús zííñona Jíllotarāimana jaide. Ua zííñona jíllonafue tainédīmīēna jaide. ¹⁰ Mei jira Melquisedec izóidīmīe Juziñamuimo comini dibéfodo ziiño úrifireitīmiēna, Jesús jae Juziñamui mamécamiē.

Cai ínogafue meine abido cai jáanolle iere jacírede

¹¹ Bífuiāido aillo úriacadicūe, mei íadi iere cacácañēdiomoi. Iemona nai figo baitáñēdīno izóí itīomoi. Daí omoi íllamona, bífuiāi ómoímo jino

cue lolle iere féirede. ¹² Naui nano Crístomo omoi ñnuaruimona jae diga fimona jaide. Iemona jae oni jáímacimo omoi llófuerizaille iere jitáirede. Mei jáíifodo ja birui meine abido Juzíñamui llogáuai tainéinafuaiaina ómoimo jáíama llófuelle jitáirede. Nai monoi jirode úrue izói meine abido úruetaidiomoi; nai figo baitáñedino izói itíomoi. Ua llíciaina nai rínide izóidinona abido jáidiomoi. ¹³ Mei jii, naga monoi jirófiredino, móonaiñena llezica nai dúetiru. Daje izói naga Juzíñamui anamo ñue jaícina caina móonaitade llófueinafue dibénemo baitáñedimie nai úrue izoide. Mei afémaci nai móonaiñeno úruiai izói baitáñediaioiza. ¹⁴ Mei jáíifodo dama móonaite éicomini llíciaina rírena. Afe izói juárede llófueinafue ñue onona dama comécina ñue jéedimacimo dúide; mei afémaci aillo facáfirenamona ñúefue fiénidifue baímo ñue onónana fibídiaioiza.

6

¹ Ie jira afe nánoide Cristo dibéfodo llogáfuiái ómoimo llúana ja moziñocaidicue, jáíe cómofue ómoimo jino cue llóllena. Omoimo cue lolle bie cómofue, Juzíñamui llogáuailaido ómoína ñue jaícina móonaitaite. Aféfuiai mai jeire cai olli. Nano uícodo lloga ñúefue jillácina meine abido diga icaiño ómoína llófueñeiticue. Afe nanóidifuiái bie izói daide: “Ómoína jílloñaite omoi nícidogafuiái fáicanocaillano ñúefuena méidori. Méiduano, mai Juzíñamui omoi ñinori,” daide. ² Iemo afe nanóidifuiái báutizaafuedo úrite. Iemo dáanomo onoi cómemo bítafuedo úrite. Daje izói come tílle mei, afe tídinomona meine abido cáailifue llote. Afe emódomo, írairuimo Juzíñamui nana comínimo jicánolle mei zíñona duere finótallifuedo úrite. ³ Nana bie nanoide llogáfuiaina meine abido llófueñeiticue. Mei íadi, Juzíñamui comeci jitaina izói, afémie cue canólledo, ñue móonaitadifuiaina omoi llófueiticue.

⁴⁻⁶ Daí birui ómoimo llófueacadicueza, mei nanóidifuiaina uáitajano oni jáíifodo féiraitimiai íaioi illafue nano ñue ñnogafuena jaca méidonide; mei afe ñúefuena nai náfueñediaioiza. ¡Mai, abi omoi rairuirí! Afe daíitadimaci nauí dáaruina Juzíñamui llófuegamaci izóidiaioi; ua Juzíñamui dibénedo ifócina déitaganona itíaioi. Daje izói, monamo ite Juzíñamui daina caimátallifuena facádiaioi. Iemo daje izói afémaci Juzíñamui Ñuera Joreño úicaillana jae facádiaioi. Afe llezica Juzíñamui ebírede daináuai cómena ñúetatifuena afe íaioi fácamona, ñúerana onódiaioi. Afe emódomo, Juzíñamui Jitó uire illáimana illirui llezica, íemo ite comini cáimadolle riínodo jae bimaci canócaiaioi. Jae nana bie núefuaina fibídiaioi. Mei íadi afe mei Juzíñamui ífuaiaina móonaitaoiñeno, aféfuaiaina íaioi uáitaiadi ñúefuena méidofnidinona jáidiaioi; mei daí afémaci illamona Juzíñamui Jitona cruzmo fatátatimaci illa izói afémaci dani itíaiioiza. Ua nairai uíecori éna jifánodoia izói éna meáidaitadiaioi. ⁷ Bie izoide comini comue jacafai aiñena izoide. Juzíñamui bíitaga noci naga éniemo diga ícaíño biide. Iemona afe éniemona ñue ria aite, afe éniemo tájídino güllena. Aféniena Juzíñamui ézicite. ⁸ Iadi jáínomo noci bílla mei, daa figóñede éegiai ailla, naa zaie diga. Afe izóidinie ráifiñedeza; níbaí íanori illamona Juzíñamui fáidoite. Iirainomo afénie jobáillamo dúide, naa afénomo zicódinuairi mei figóñedeza.

Cai úiñoigafue caina riire nabaide cai ñnogafue féiñellena

⁹ Mei íadi cue izíruiga ámatiaidiomoi. Jae cue lloga faidórafue baimo jamánomo ñúefuiaí dibénemo jaináidiomoi. Ua omoi jílloñafuemona comuide caímaduafuiaí maiñófirediomoi. Aféfuena ñue onódicue. ¹⁰ Juzíñamui comécina jaícina jóidimie. Iemona nana íena omoi izíruillamona omoi finoca Juzíñamui comini cánua ráaniaina, afémie féitañede. Daje izói aféfuiaimo nai birui jéruitiomoi. Ua Juzíñamui jaináidinona izíruillano, ñue afémacina riire canófirediomoi. ¹¹ Ie mei birui afe izire omoi nícidua izói, daje izói ómoimona illa dígamieriena Juzíñamuimo ocuíriri daidicue. Iemona omoi ñnogafuiaí jeire ómoína otátaacadicue, omoi úiñoigafue táinomo fáifiñeillena, mei jáífodo ñue jaícina omoi fuitállena. Afemo ómoína nágarui izire coméciiri daidicue. ¹² Daí izire omoi comécioillamona ráiraiédino illa izói ñneitiomoi. Mei omoi ñue coméciillamona, jáífodo daade Juzíñamui lloga ua caimare illafue dibénemo itino illa izói íitiomoi. Afémaci íaioi ñnogafuedo íaioi abina ñue finóñafuena Juzíñamuimona otíaioi. Ua comeci járitaiñeno are illa ícoimo Juzíñamui uícodo íaioimo lloga ñúefuena maiñóroidiaioi. Íaioi illáfuemo ñue omoi coméciiri, íaioi illa izói omoi íllena.

¹³ Mei jii, Juzíñamui iere ñnofiregamie. Jaiaí Abraham illáruimo Juzíñamui uafue uai Abrahamo llote. “Aillo comini jebuítaítio” jaiaí uícodo íemo llote. Llua llezica uafue daíllena Juzíñamui dama ie mámecina llíinote, aféfuena Abraham ñue ñnollena. Ua Juzíñamui dama ie mámecina llíinote, mei jáíe baimo jamánomoidimiena íñédeza. ¹⁴ Daí Juzíñamui Abrahana daide: “Uafue iere ona ñue caimátaitaiticue. Jae cue o jítoretallemona, o erófene igímana jamánomo iere jebuítaíticue,” daide. ¹⁵ Iemona Abraham comeci raire járitaiñeno, diga fimona áfemo úiñooido. Daí ie ocuírina mei, afe Juzíñamui lloga caimare ie nairai jebuíllifueña Abraham ñue maiñódeza. ¹⁶ Bínie comini cígimona dáamie uáfueña daíacana llezica, afémie baimo riíredimie mámecido uafue daítate. Daí lloga uaina buna oni caitáñede. Nana dani íaioi júfidogana záitate. ¹⁷ Daje izói Juzíñamui ie lloga finóllifue, jáíe ñue riírede uaido, aféfuena iere uafue daide. Afémie daí dáideza, mei ie uícodo lloga ñúefuena máíñoitínomo, afefue ua jáífodo méidonidena jino íaioimo uáfodo llóiacadeza. ¹⁸ Daí Juzíñamui mena caitánide uáillaído íaioimo llote. Afe ménacaíño ie daina dibénemo Juzíñamui táinona llónide. Afémie daí daide, áfemona cai comécina ñue íociretallena. Iemona caimo ie lloga ñue cai jílloñafuemo fáicanocaiñeno ñnofiredicai. Mei jii, cai Jíllotaraíma Jesucrístomo jarire jaillano caina ie úiñotaga comeci íaífue dóllena raire íemo jicádicai, caimo ite fiénidífue iba óñeillena. ¹⁹ Afémie cai jíllotallena caimare úiñoídicaí. Iemona afémie caina daináuai cai comeci nífuenina ñue mozóitade. Ua cai úiñoigafue caina riire nabaide cai ñnogafuiaí féñellena. Daí comeci docaíñeno ñue riire nabáitaga jacíruíñedinodicai. Mei cai jíllotaite cai úiñoigamie Jesús, caífo monamo Juzíñamui nahí ie iránomo íteza. ²⁰ Afe Jesús, cai jáillio ífódimiena afénomo jae jaide. Daí íllamona afémie jae comínido Juzíñamuimo ziiñona úritillaímana jaide. Ua, jaiaí Juzíñamuimo úirraíma Melquisedec izóinado, Jesús jaca ninomo caído úrite.

7

Jesús, jaiaí Melquisedec illa izói comínido Juzíñamuimo úirraíma

¹ Afe Melquisedec Salem jofue illaíma. Afe llezica afémie comini dibéfodo jamánomoide daade Juzíñamuimo úrifiredimie. Jaiai illáruimo Abraham jáie aféniemo ite illáinina anáfenuaide. Iaióina anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jicade. ² Afe llezica Abraham nana ie bairoca ñuera ráaniaimona, Juzíñamui íena eneno mameca ráaniaina, Melquisedécimo raiñóñeno fia fecade. Melquisedec nanoide daina mámecei “Comécina jaicinaidillaíma” fueñe daiíacade. Ie mei afémie nane jáíci ote: “Salem Illaíma.” Afeci “Comini comécina caimare uái itátatillaíma,” daiíacade. ³ Afe Melquisedec moo mámecei jaca onónide, naa ie ei mámecei diga. Daje izói ie emódoidigima jái ónoñega. Daje izói afémie jocóinarui ónoñega, ie tíllarui diga. Iemona afémiena comini “Ziíñona itímie” daide. Afe Melquisedec comini cígiri illáfuedo Juzíñamui Jitó ziiñona cai dibéfodo úriraimana illáfuedo caina fidítate.

⁴⁻⁵ Mai bífueño ñue omoi coméciri, Melquisedécimo ite jamánomoidifuedo omoi onóillena. Ua Melquisedec, cai nanoide jáairagima Abraham baimo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jitórede. Iemo afe jitóniai cígimona Leví comuúdeza. Afémie comini dibéfodo Juzíñamuimo úrillena Juzíñamui nizeda ogámie. Ie jira nana judíuai Juzíñamuimo úriraini Leví úicoidigimamona comuítagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jáie judíuai nairai imácimona Juzíñamuimo dúide ráaniaina órediomoi,” daide. Ua Leví náiraímo ibárede, nana jáie Israel nairai daa Abrahámona comuídino íadi. Ie jira Leví comini nana afe Juzíñamuimo dúide ráaniaina llínofirediaioi. ⁶ Mei íadi afe Melquisedec, Leví nairai izie íeñede. Mei íadi afémie áfena llínoñeniadi afe Melquisedec, Leví emódoidigima Abrahámona Juzíñamuimo dúide ráaniaina uáfuedo llínote. Iemona Melquisedec Leví baimo jamánomoidimieza onódicai.

Afe ráaniai ie llínua llezica, Melquisedec Abrahamo úrite. Abraham Juzíñamui íemo ñue finóllifue, uicédo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷ ¿Níbémie mei jamánomoidimiena? ¿Ezicitímie mei níbai ézicigamie? Ua, ézicitímie baimo jamánomoina. Afefue buna jáanoñega. ⁸ Nane jáífue llóiticue. Cai cígimona eneno nizeca Leví comini, Juzíñamui íena nano mameca ráaniaina llínofiredino. Mei íadi afémaci fia comíniza tíffirediaioi. Mei jáífodo afe jáie llínotímie Melquisedécina mámeceiredimie Juzíñamui Cugáuai daina izói, tíñeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino. ⁹ Iemo jáífue Levído daiírede. Leví Abraham erófene igima. Mei íadi afe Juzíñamui íena eneno mameca raana llínofiredimie jaiai uicédo Melquisedécimo ie uzuma Abrahamo Juzíñamuimo dúide raana ibade. Daií Leví comini, jaiai uicédo Juzíñamuimo dúide raana Melquisedécimo íbádiaioi. ¹⁰ Mei Leví nai jocóñena llezica ie comuillino nai Abrahamo íeza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo ite. ¹¹ Israel náiraimona

eneno nizécazie Leví comini. Aféziemona nizeca nanoide Juziñamuimo úriraima Aarón. Afémie naa ie erófene igímairi comínido Juziñamuimo úriraini. Ie jira afe úrirainido Israel nairai Juziñamui ocuilla uáillaina llogáiaioi. Mei íadi nana afe Juziñamuimo úriraini finócafuiai comini ua ziiñona jilloillena figo jinoñede. Comini comécina Juziñamui jítaina izóí nahí jaícina jóoitañede. Aarón naa ie erófene igímairi finócafuiai figo jinoñena jira, jiáie afémie izóíñede baimo jamánomoidimienna jitáidicai, afémaci méifomo jóonellena. Ua Melquisedec ziiñona illa izóidimienna jitáidicai. (Ie jira afe Aarón comini meifo méidoitimienna Juziñamui jae jino náiraimo ciótate. Afémie mámece Jesucristo. Ua Aarón comini méifomo jóonegamie Melquisedec izóidimie Jesús; afémie Aarón dibéfomo jaináñede.)¹² Jae afe jaiái uícomo ite Juziñamuimo úriraini nana dáanomo jiáiena íaioi méidua llezica, afe Moisés íaioimo ocuica uailai daje izóí jiáifodo méidorede.¹³ Juziñamui Cuegáuai daí daínámie cai Ocuíraima Jesucristo. Afe como jóonega Juziñamuimo caído úriraima Jesús, Leví nairai ímieñede. Jiáziemona comuídímie. Ie nairai ímiaina jaca nizéñega, Juziñamuimo comínido úrillena. Ua comini fia fecaca tóica rilleniai naa ráaniai diga Juziñamuimo izájillena, nízeñegaiaioi.¹⁴ Ñue onóigaza cai Ocuíraima Jesús Judá náiraimona comuídímie. Moisés afe náiraimo Juziñamuimo úrirainina illena, jaca lloñede.

¹⁵ Afe jiáie como jóonega comínido Juziñamuimo úriraima Jesús, jino cióillamona, bífuaina jino uáfodo baimo onódicai; mei dama afémie Melquisedec izóinaza.¹⁶ Bímie dama ie ñue ziiñona ífirenamona comínido Juziñamuimo úriraimana jaide. Mei jiáifodo Leví náiraimona jaiái nizeca Juziñamuimo úriraini ocuica uai daínado úrirainina jáidiaioi. Afe uai ñie náiraimona nizéllena llote.¹⁷ Mei íadi como jóonegamie Jesuna Juziñamui ñue rírede nabáitaja uaido daide:

“Melquisedec izóí jaca ninomo Juziñamuimo comínido ziiñona úriraimana ja birui itioza,” daide.

¹⁸ Iemona afe uícodo ite ocuica uai jae oni caitaca, mei afe uai ríñideza. Iemo jiái, aféuai comini comeci nahí duáfuenta figo jínotanideza.¹⁹ Afe Moisés ocuica uai buna comécina nahí jaícina finóñede. Mei jiáifodo jiáie aféuai baimo, ñuera cai jillotaite úiñoigamie Jesucristo jae caimo ciótage. Afémiedo Juziñamuimo ánozifiredicai, uáfodo Juziñamuimo cai úrillena.

²⁰ Afe Jesucristo Juziñamui ríre nabáirede uaido jóonega.²¹ Ie uícodo Juziñamuimo úrirainina jáidino, rírede uaido jóoneñegaiaioi. Mei íadi Jesús comínido Juziñamuimo úriraimana jáillarui, Juziñamui ríre nabaica uaido ja daí mameca. Mei Juziñamui ie Cuegáuaimo Jesudo úrite, daide: “Cue Juziñamuidicue. Bífue ríre cue nabaica uaido daidicue. Cue comeci faca uai jaca jiáiuaina méidoñeiticue.

O ziiñona comínido Juziñamuimo úriraimana itio;

Ua Melquisedec izóidimiedio,” daide.

²² Ie jira Jesucristo, Juziñamui jamánomo ñuera caimo comue finóllifue caina ñue onótate. Ua Jesucristo aféfuemo iere uafue daide. Afe finóllifue Moisés lloga nanoide finóllifue baimo ñuera.²³ Jesucristo uicoidiruillaimo ite Leví náiraimona nizeca Juziñamuimo úriraini ua aillo ite; mei íaioi tícoizifirenamona jaca jiáimiena méidofiregaiaioi.²⁴ Mei íadi Jesús cai dibéfodo Juziñamuimo úrillana, jaca jiáimiena méidonide; mei afémie

jaca ninomo ziiñona itímieza. ²⁵ Iemona Jesús nana íedo Juzíñamuimo úrizabitinona, jaca ninomo jaícina ñue jíllozarede, mei afe Jesús, íaióri Juzíñamuimo ziiñona úriraimana íllaza.

²⁶ Ua, afémie izoide Juzíñamuimo comínido úritillaimana jaiái ninómona jitáidicái. Ñue cai jílloillifue afémie caimo ñue zúitaitimie, mei afémie nahí ñuera nífuenidimieza. Afe llezica afémie nana fiénidimaci íaifuemona oni eneno rairuícamié. Ie mei afémie mona ero úcuai illa caifomo, Juzíñamui nahí illánomo uigámie. ²⁷ Jaiái uícomo ite Juzíñamuimo úritillaini nágaruillaído tóica rílleniana fatá Juzíñamuimo izájifrediaíoi. Nano fueñe dani íaioimo ite íaifue ícoinia áfeniana izájidiaíoi. Afe mei comínimo ite íaifue ícoinia áfeniana izájifrediaíoi. Mei íadi Jesús afe izói fínuana jitáíñede. Afémie dácaño nana comíni íaifue ícoinia dama ie abí Juzíñamuimo fecade. Ua cruzmo ie duere zefuida tíllado abí fecade. ²⁸ Afe Cristo uíecodo lloga ocuíllafuedo llotino, jíaie jamai figo nahí jaícina finótañede comínimona Juzíñamuimo úritillainina mamédiaíoi. Mei jíáfodo, afémaci méifomo jóonega úritillaima Jesucristo, Juzíñamui ñue riire nabaica uaido jóonega. Afémie jaca ninomo nahí jaícinaítaga Juzíñamui Jitó.

8

Juzíñamui caimo cómuena finóllifue, Jesús caimo jino denódimie

¹ Nana cai daináfuiamona llógana bie ñue nahífueña ómoimo llóiticue: Como lloga caimo ñue jóobide caído Juzíñamuimo úriraima birui ja caimo ite. Afémie caifo monamo ite Juzíñamui nabézimo ránazaide. ² Dinomo Juzíñamui nahí illánomo Jesús íllamona, jamánomo ñuera Juzíñamui uíecomo Jesús caído úricabite, cai jílloillifue ñue caimo zúillena. Afe Juzíñamuimo cai nahí ánozirano comíni fínoñega. Jaiái biniemo ite Juzíñamuimo ánoziraco comíni niga. ³ Naga Juzíñamuimo úritillaima, fia iga ráaniai, tóica rílleniai diga Juzíñamuimo fecáfíreitimiéna mameca. Ie jira cai díbéfodo Juzíñamuimo úriraima Jesús, daje izói dama ie fécajille raa jitáirede. ⁴ Biniemo afémie nibai abído ie bia, afémie caído Juzíñamuimo due jiza úriraimañeite, mei Moisés ocuícauai daina izói Juzíñamuimo caído úriraini biniemo nai íteza. Daje izói bimaci nai benó Juzíñamuimo fia fecaca raana íemo izájifrediaíoi. (Ie jira caído ziiño úriraima Jesús, caifo monamo Juzíñamuimo cai ie canólledo úricabite.) ⁵ Biniemo ite Juzíñamuimo úriraini aillo ráfuiaido nícidotiaíoi. Nana íaíoi nícidogafuiái jánana mameide. Íaíoi finócafuiái caifo monamo ite Juzíñamui nahífuaiaina caina fidítate. Daje izói biniemo ite jaiái Juzíñamuimo ánoziraco, Juzíñamui nahífueña cai fidítaraco. Afena onódicaíza, mei Moisés afeco nitáaacanaruimo, Juzíñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶ Mei íadi biniemo ite Juzíñamuimo úriraini nícidogafue iere afe baímo, cai caifo monamo ite úritillaima Jesús caído jamánomo ñúefueña nícidote. Mei jíi, afe Jesucristo caimo zuitaca Juzíñamui ñuera cairi comue finóllifue, jaiái Moisés lloga finóllifue baímo ñuera. Mei Moisés ocuica uai baímo, Juzíñamui uícodo lloga cómfue jamánomo ñuera uáimona comuídeza. ⁷ Afe

Moisés lloga nanoide finóllifue, comini jílloillena ñue jinoiadi, jiáie uire iite ñue finolle uai jítaiñeitiaioi. Mei íadi afe naonide uai íaioi jílloillena figo jinoñede. ⁸ Afe nano ocuica uai jeire otino nahí jaícinaidifuemo figo dúciñediaioi. Dúciñediaioimona, Juziñamui ie Cuegáuaimo íaioina daide: “Uire jiáiruido nana Israel náiraimo comue ñue cue finóllifue ócuiticue, naa Judá náirairi.

⁹ Jaiai íaioi uzútiaimo cue daina ocuica uai izói, ócuiñeiticue.

Jaiai aféruillaído Egipto éniemona afémaci billa llezica íaioina ifódicue:

Ua afémacina izire úcaidicue.

Mei íadi cue lloga ocuica uaina nano íanori fáicanocaillano, áfena figo náfueñediaioi.

Afe jira íaioina zófetícue,” Juziñamui daide.

¹⁰ Nai nane íaioina lluno Juziñamui daide:

“Uíreitiruillaído Israel imácimo bie izói cue ñue comue finóllifue ócuiticue.

Aféruillaído cue ocuica uáillaína íaioi ifócimo jaícina déitaiticue.

Ua aféuaina íaioi comécido jeire íaioina otátaiticue.

Iemona afémacina dama cúeiena nane meine abido máíñoitícue.

Afe llezica íaioi nahí Juziñamuina íitícue.

Iemo cue náiraina íitiaioi.

¹¹ Aféruillaído nana afémaci uáfodo ñue cuena ónodiaioiza, cuena íaioi onóillena abi diné jiáima llónide.

Iemona ie abi ímíaimo buna Juziñamuina onótanide. Daje izói dámie ie ámamo Juziñamuina onóillena llóñeite; mei nana cuena ónodiaioiza.

Naga jamáimie, íemo jiái naga jamánomoide riáredillaíma, nana daje izói cuena ónoitiaioi.

¹² Nana íaioimo cue dúecaillamona íaioi fiéni finócafuiái íbana óñeiticue.

Nana íaioi comeci íaifuiaina jaca ninomo féitaiticue.

Aféfuiaina úibiñoñeiticue,” dinó Juziñamui daide.

¹³ Bie méifodo lloga Juziñamui finóllifue, cómofuena méiduamona, afe uícodo

Moisés lloga finóllifue jae jaiáiza feide. Afena Juziñamui daíí uáfodo llote.

Iemo naga jaiái raa zabízaillamona raire oni dotánocaiga; oni dotánocailleza cíñoñelle.

9

Bñiemo ite Juziñamuimo áinozirano, jana izói jiáie monamo ite Juziñamuimo áinozirano cai fidítate

¹ Afe navi nano lloga finóllifue llua llezica, Juziñamui íemo áinoziraco nitátate. Afe nitátaja dáaruido, comini Juziñamuina íóbitalle uallai afémacimo daje izói lloga. ² Afe lloga Juziñamuimo áinoziraco Moisés nitátaga. Afeco ere niñeno jédaciede iníroina íbáicaco. Afe áreco ero ménaco titaca. Jinóidico Juziñamui Ñúeco daina. Afeco eromo áillue mechera izoide egáñora ite. Siete diga dájemona boode raa ite. Dáanomo Juziñamui dibénemo oni enénorie rairuica pan jóonerabani ite, naa afe páaniairi.

³ Afe áinoziraco jofóidico Jamánomo Ñuera Rairuícaco daina. Afe jofóidico daje izói jédaciede iníroina ruica diné eróicana nacona ibaica. Jédaciede jígaroi izóidena fetaca. ⁴ Afe fetaca jédaciroi abímo uguci jobáirabani ite.

Bibani llíaide órona jinófene aifítaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aifítaga. Afe éenoraco eromo Juziñamui nofici íbícimo cuega ocuica uallai ite. Ie jira afeco nofíbicimo cuega Juziñamui cai ocuilla éenuacona mameina. Iemo

afénomo daa oro finoína nogo ite. Afégomo ite Juzíñamui monámona cocítaga güille. Afe güille mámece maná. Daa afe éenoracomo Aarón jigüida izoide radozi ite. Afe idozi jamai jazici radozi óinaza dúididozi. (Zícorede juzítófe izóñede.) Mei íadi Juzíñamui afe idózina éniemo riñeno, fia táinomona zicótano raire ñue llizítate. ⁵ Afe éenoraco ibáirabici emódomo mena oro finoína Juzíñamui abi imácina eroide jana naidáide. Mei íadi afe íaillinoi íáicorede. (Afe íaillinoi mámece ríaimona “Querubines.”) Afe íaillinoi conima uiécomo eróidiaillinoi. Iaillinoi naidaina cígimo Juzíñamui cíocafirede. Afe Juzíñamuina cíóñenaza; dama ie abi egáñuana cíófrena. Afénomo faga tóiníai díena recuífirediaíoi. Daí recuífirediaíoi, Juzíñamui meine abido comínimo dúecaillano, íaioimo ite fiénidifue iba íaioimo óñeillena, ua afe ícoínia íaioína duere finoñeillena. Nana afe dibénemo ite duera nícidogafuíaia ja birui benomo llónide.

⁶ Afe ocuica ánoziraco nilla mei, íemo naa ie jofe ero ráaniaíri fínua mei, comínido Juzíñamuimo úriraini jinóidicomo jáifirediaíoi. Afénomo íaioimo ocuica comínido Juzíñamui íóbitalle ráaniaí finófirediaíoi. ⁷ Mei íadi afe jofóidicomo, dama Juzíñamuimo úritillaíma jáifirena. Aféllaíma naga fimónaíaido dácaíño afeco jofe eromo jáirede. Faga tóiníai díena jaca jofe úifirede. Dama íemo ite onóñeno finoca fiénidifue ícoínia daí díena Juzíñamuimo izájide. Ie mei nane nana comini íaifue ícoínia jíaíe díena Juzíñamuimo izájide. ⁸ Bífuaíaido Juzíñamui Ñuera Joreño daa jíaífuaena cai fidítaiacade. Afefue daide: “Baie jinóidico nai illa llezica, jofóidicomo jiba comini jaille nai rairuírede. Ua aféruillaído jofe dama Juzíñamui illánomo jáinidiaíoi. ⁹ Nana bie Moisés illágmado nícidogafuíaí birui cai onóillena canode. Ua comínimo ácatafirega raa izoide, aféruído Juzíñamuimo ánozillena nigaco, naa afe eromo íaioi nícidogafuíaíri, ñue jáicína caína onótate. Biruillaído judíuái aillo faga tóiníai jíaíe fia fecaca raa díga, Juzíñamuimo nai izájifirediaíoi. Mei íadi afe bíedo íaioi comeci Juzíñamuimo ñue jáicína jóitanide, mei íaioi comécimo ite fiénidifuaíai nai féitañegaza, fia ibaica izóí íteza. ¹⁰ Nana afe íaioi nícidogafuíaí fia jinófene ífuaíai. Nñe izóí ítiaíoi daide. Dárie íaioi güille, jirolle díga fimairillafuedo úrite. Afe izóí fia emódoide múñuafuedo úrite. Nana bífuaíai fia nano níe díno comínimo ocuica, mei Juzíñamui jíaífuaena méidolliruimo nai dúcíñedeza. Ie jira aféruíaí daa aféruillaí íena ráífide.

¹¹ Mei íadi caído Juzíñamuimo úrifireitillaímo Jesucristo, jae caímo dúcíde. Afémiedo ñuera cáimafuíaí caímo zúide, mei ua nahí Juzíñamuimo ánoziracomo afémie jáináideza. Afe jaiái bíniemo ite comini niga Juzíñamuimo ánoziraco jaboide. Afécomona cai íóbillafue baímo, Jesucristo jamánomo ñuera jíllonafue, caífo monámona ana caímo zúitáibite. Afémie afe nahí Juzíñamuimo ánoziracomo dúide; afeco bínie comini níñega. Dama ie nahico monamo ite. ¹² Nana comini íena, dácaíño afeco eromo ite jofóidicomo afémie jaide. Ie jailla llezica chivo díe, juráreto jiza díe díga uíñede; mei jíaífodo dama ie díe uite. Mei jíi, afémie íaífuenidímiena íllamona, cruzmo cai ífomo tíllano, ie díe tótado zúíñona cai jíllonafue ote. ¹³ Jaiái Moisés daína izóí, íaicaíllamie íemo ite íaífue bie izóí múíñoírede. Múíñoñegamie Juzíñamuimo dúide comini cígido

macánide. Daje izói afémie Juzíñamuimo nabáirinide. Ie jira faga tóinai die atírede. Iemo jáie Juzíñamuimo mameca juráreto jiza jobailla afe jízechoma atírede. Ie mei afe íaicaiillamiemo aféchoma júdairede. Iemona afémie íaicaiñegamiema jaide. Mei jínofena muiñócaza. Ja Juzíñamui comínimo meine abido caimare úrirede. ¹⁴ Mei jii, Juzíñamui dánamona afe tóinai die riírede, come jinóidifue mo muiñóllena. Afefue daiítania, ua onódicaiza. Mei Jesucristo die jamánomo riírede. Ua dama afémie ñue nífuenidimienado Juzíñamuimo ie abi dama izáibite. Afe ziiño Ñuera Joreño ie cánuado Jesucristo dama ie abi Juzíñamuimo izájide. Iemona ie die tótamona nana cai comécimo ite íaifuiaina muiñótate. Ua nana cai jaiáimona nícidogafuiai caina ziiñona cáatañede. Mei íadi Jesucristo díedo cai comeci múiñua mei, ua ziiñona cáatagacai, afe jaca nahí caade Juzíñamui ocuícano ráiruñeno cai jetállena.

¹⁵ Ie jira Jesucristo jae Juzíñamui comue finóllifue caimo jino zúitaitimie. Afémiedo nana Juzíñamui nizécano uafue uícomo lloga ziiñona cáimaduafuena maiñóritiaioi. Juzíñamui daí nana comini jilloillifue uícodo mamede, mei dama Cristo tíllado comini fiénidifuiiai Juzíñamui dote. Ua jaiái uícodo lloga nanoide finóllifue illa llezica, nana aféruimo afémaci fienu finócafuiiai ja birui Cristo tílla jírari, Juzíñamui dote; duano, nana íemo ínotinona jíllotate. Daí Juzíñamuimo ziiñona caimare nabáirillafue maiñódiaioi. ¹⁶⁻¹⁷ Afe maiñórrillafue, come tílla méifomo íitífue izoide. Dámie tíadi ie fiébide feci raa jáimie oni llínoga. Afémie nai tíñenia, feci raa oni llínoitimie minica raana nai llínonide. Ie jira oni llínoitimie íemo dúide raa maiñóllena, afe raa naama tílla jítaírede. Daje izói Juzíñamuimo caimare nabáirillafue cai maiñóllena, Cristo tílla jítaírede. ¹⁸ Afe jira jaiái uícodo lloga Juzíñamui ñue finóllifue tániaruimo díena recuíñorediaioi. ¹⁹ Moisés nana afe ocuica uaillai nana comínimo jino llua mei, afe uaillai cuiábicimo faga tóinai díena cuirínote. Daje izói afe mei nana comínimo cuirínote. Ua llua mei, Moisés duera “hisopo” daína raroci llínote. Llínuano, afécimo jáiarede oveja itáiraina maite. Iemo jáinoína jaicuica díedo afe rarócina riáitate. Ríaitano, ocuilla uai cuiábici naa comíniri díena cuirínote. ²⁰ Cuirínua llezica Moisés daide: “Juzíñamui ómoiena ocuica ie finóllifue bie die uafue daiítate,” daide. ²¹ Daje izói aféruillaído Moisés íaioi iniroi finoina Juzíñamuimo ánoziracomo díena cuirínote. Daje izói nana afeco eromo ite Juzíñamui ióbifirena raamo díena cuirínote. ²² Ua, Moisés ocuica uai daína izói jamánomo díga raa, díedo Juzíñamui dibénemo dua izói ñue finoca. Iemona die tótañegana comini comeci íaifuiai iba jaca órede.

Cristo dama ie abi Juzíñamuimo izájille comini fiénidifuiaina muiñode

²³ Afe comini niga Juzíñamuimo ánoziraco Juzíñamui ocuide, naa afeco eromo ite ráaniairi. Iemona nana afeco eromo ite ráaniairi Juzíñamui dibénemo ite nahífuiaina jánana cai ciona izói caina onótate. Nana biniemo ite afeco ero ráaniai Juzíñamui illánomo nahí íitífuiiai jana. Ie jira biniemo ite ráaniai dibénemo figura Juzíñamui daiíllena, bie die recuille jítaírede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájifireille raa jítaírede, afémacina Juzíñamui iere

figura daíllena. Ua tóinai die baimo Jesucristo jamánomo ñuera die jitáirede. ²⁴ Iemona Cristo tílla lezica, afe Cristo bíniemo ite comini niga Juziñamuimo ánoziracomo eromo jofo jáiñede. Afe bico fia nahico jana. Mei jáífodo Cristo, Juziñamui nahí illánomo caido úrillena jae cíocaizaide. ²⁵ Afénomo Cristo dama ie abina, diga icaiño meine nane izájiñede. Mei íadi bíniemo ite Juziñamuimo comínido úritillaíma, naga fimónado faga tóinai die uillano, afe Juziñamuimo jáiraco jofoidere ñuera rairuíredicomo jaide. ²⁶ Afémaci jáífirena izói Cristo jáífiredena figóñede. Mei nibai afémie daí diga icaiño jáiadi, íemo énie finuaruimona afémie afe izói diga icaiño meine abido tíirede; mei íadi afe izóiñedeza. Afémie cai illáruillaído jaiái lloga Juziñamui finóllifue fuilla lezica, dácaiño fia cómena íficaillano caimo cíocaizaibite. Ua afémie bíniemo cai jáinona ie tíizaibillado, nana caimo ite fiénidifuiái níné féillena oni dote. ²⁷ Ja onóigaza, naga come bíniemo dácaiño tíide. Tíilla mei, íaiói illafue Juziñamui jáícina jicánoite. Aféfuena daje izói ñue onódicai. ²⁸ Daje izói Jesucristo, comini fiénidifuiái oni dóllena dácaiño tíizaibite. Ie mei uire jáíruido afémie fiénidifuiaina duáibiñeite; mei jaiái ie dógaza. Mei íadi afémie uafue meine dáanomo cíocaizaibite, nana íena izire úiñoidinona jíllotano monamo ie illánomo úillena.

10

¹ Mei jaiái Moisés ocuica uai naa ie lloga níciduairi, íco nirui bite caimare illífuíai jana. Afe ie lloga jáiaifue nahífueñede. Moisés bie íco zúitífue cai onóillena jana uícodo llote. Iemona naga fimónaíaido faga tóinai íaiói úífirena, íaiói comécina figo jáícina jóitañede. Mei uáfuenta, afe faga tóinai íaiói úífirena Juziñamuimo ánozidino nahí íaifuenidínona jáitañedeza. ² Mei daí uafue íaifuenidínona íaiói jáiadi, nibai afe tóinai izájifirenana fáicanocaidiaíoi; mei jáífodo fáicanocaiñediaíoi, nai comécina jáícina jóoneñegaiaíoi. Daje izói áfedo Juziñamuimo ánozidino comécina íaifuenta nahí nífuenidínona jáiadi, nibai jae íaiói fiénidifue izire íaíoimo iñede. Mei íadi íaiói fiénidifue jaca izire íaíoimo ite. Iemona onódicai, tóinai fecáfirena íaifuenta figo doñede. ³ Mei íadi afe fatá Juziñamuimo izájitaga tóinai ciónamona, comini íaiói fiénidifue naga fimónaíaido úibicaitagaiaíoi. ⁴ Mei jii, juráretuai, chívuai die diga, jaca come fiénidifuiái dónide. Mei áfemo ua dolle ríino iñedeza. ⁵ Ie jira Jesucristo bíniemo bíacana lezica ie Moo Juziñamuina daide:

Omo fia fecaca faga tóinai gáíñedioza, comínina iere figura o daíllena. Mei jáífodo énie cómena ja cuena jéicitaitio.

Afemona cue tíilledo íaíoína óiena nífuenidínona jáitaiticue.

⁶ Ua comini íaifue ícoinia jobaica tóinai ja birui ona íóbitañede.

⁷ Ie jira cuegánico cuedo úrilla izói birui ona daidicue:

“Moo Juziñamui benó bíniemo o comeci jitáillafue finuaibitícue,” daide.

⁸ Nano fueñe afémie daide, nana afe Juziñamuimo fia fecaca tóinai, íaifue ícoinia jobaica tóinai diga Juziñamui comécina zuitáñede. Ua íena íóbitañede, nana afe nícidogafue jaiái ocuilla uai daína íadi. ⁹ Afe emódomo Jesús daide: “Moo Juziñamui, ja o comeci jitáillafue birui benomo

finuaiticue.” Daií Juziñamui nana afe jaii ocuica nícdogafuiaiina zóofete. Zóofiano, afe méifomo Cristo dama ie abi cruzmo izájillafue Juziñamui jeire ote, ñue comínimo caimare érocailena. ¹⁰ Daií Jesucristo, ie Moo Juziñamui comeci jítainafue izói finode. Daií ie finuamona jae dama Juziñamui nabaina ñue finócamacina jáidicai. Mei jii, Jesucristo dácaiño jaícina nana cai fiénidifue oni eneno féitate. Mei ninomo féiñeitena cruzmo dama ie abi Juziñamuimo izájideza.

¹¹ Naga judío Juziñamuimo comínido úriraima nágaruillaido naidáillano daje izói faga tóiniaina Juziñamuimo izájifrede; mei íadi afe rilledo comini íaifuii dónide. ¹² Mei jáífodo Jesuscristo dácaiño comini fiénidifue ícoinia duere zefuida, tízaibite, afe izói dánomo íñeillena. Ie tílla mei meine abido cáaillano caifo monamo Juziñamui nabézimo ráinazaide, nana comini íaifue múiñuana fuilla jira. ¹³ Dinomo, nana ie fairíconi ie anamo íaioi itábicaillena afémie úiñoide. ¹⁴ Mei jii, Jesucristo, dácaiño ie Moo Juziñamuimo ie abina izájide. Afe izájillafuedo, ñi cruzmo ie tíllamona, nana caina ie nabaina ñue finode. Jae nana cai comeci íaifuena ñue múiñuano jaca ninomo caimo caimare érocaide. ¹⁵ Aféfuemo Juziñamui Ñuera Joreño uaina nabáide, iere uafue cai daíllena. Ñuera Joreño Cuegáuaimo daide:

¹⁶ Juziñamui daide: “Uire jáíruillaido cue comínimo bie izói jáíie como cue finóllifue llóiticue, naa jáíie cuemo ínotinori.

Aféruillaido cue ocuica uáillaina íaioi comécimo jaícina onótaiticue.

Ua afe uallai íaioi ífócimo ñue jino denótaiticue,” daide.

¹⁷ Ie mei nane emódomo daide:

“Nana íaioi fieni finócafuii ibana otátañeiticue.

Daií oñena llezica, íaioi comécimo ite íaifuiaina jaca niné féitaredicue.”

Dinori Juziñamui daide. ¹⁸ Nana comini fiénidifuii daií dua mei, jáí íaifue ícoinia dóllena fatá fecaca tóinai jae jítaiñega.

Juziñamuimo cai áinozillena jítáirede

¹⁹ Iemona, ámatiai, cácarei. Jae Juziñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruíñeno íemo úrizairedicai; mei Jesús cairi tízaibillano caina Juziñamuina éoitadifue oni muiñócaza. ²⁰ Afémie tuiñoca io ñuera rairuiredico jédaciede íbáiraroido joide. Jira Juziñamui illánomo cómena cáataite comue io Jesús tuiñuano, afe íodo afémie caina ífode. Afe io tuiñóllena dama ie abi izi cácatate, íemo cruzmo duere zefuírede. ²¹ Iemona Jesús nana Juziñamuimo ínotinodo Juziñamuimo Uritáillamana jae jaide. ²² Afémie ja cairi úrioinamona, mai Juziñamuimo jacíruíñeno omoi ánoziri, mei íemo ñue cai ínuamona jae meáruíñedinona mamécacaiza. Ie jira jífuenide comécido, mai omoi ánoziri. Ainozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoido jocoína izói comécina muiñócaai. ²³ Afe uáfodo jino comínimo cai lloga Juziñamuimo caimare cai úrillafuena, mai fáicanocaiñeno áfemo izire cai ínofireilli, mei afefue caimo llotímie Jesús jaca ínofiregamieza. ²⁴ Daje llezica illa dígamierie, mai conímamo ñue cai comécilli, conímamo cai izíruillino cai jenóllena.

Daje izói jáimana ñúefuina rairuñeno jiéruillinona jenóredicai. ²⁵ Daje izói omoi Juzínamuimo gairífirenafuena mai féitaño iri. Dáarie aféfuena féitafirediaioi. Daií illa fiénide. Mei jáifodo, Jesucristo meine billirui raire dúciacanana omoi onónamona, mai conimana ñue úrillauaido comécina caimare cai náireitalli, nana cai ñnogafue féiñellena.

²⁶ Juzínamui llogafue daide: Jaca dama Jesús tiillamo cai ñnuamona jílloredicai. Aféfuena cai ie onótaja mei, mei íadi afe uaina nai cai ruiffruioidi jae abi dine jáie cai íaifue múiñoitena iñede. ²⁷ Daií ruiffruioidimacimo jamánomo izire jácifue zúite, mei Juzínamui duere íaioi finóllifue mo jae ánozideza. Afémie iere íaioimo riicaillano iere boode jáifodo joide iraimo íaioina duere zefuítate. Ua nana Juzínamuina bacáuaredinona irai amena cuarita izóidemo, Juzínamui íaioina dinomo ziiñona duere zefuítate. ²⁸ Moisés ocuica uaina ruiffruitimiena raire titádiaioi. Ua, mena nibai daámani uai nabáiraini daina uáimona, íemo dúecañeno íena titádiaioi. ²⁹ Mei Moisés ocuica uaina ruiffruitimiena daií duere finóbiteza, Juzínamui Jitona ruiffruitimie mo jamánomo izire duere finóllifue, afémie mo zúiteza. Afémie Jesús diena jámairuitimie. Afe tiillamo totaca díedo, afémie nauí dácaño Juzínamuimo oni eneno nizécamiena jaide. Mei íadi Jesuna ruiffruitimie caimo dúecaifrede Ñuera Joréñona íaire daiíredimiena jaide. Daií ítimiena iere Juzínamui duere finórede. ³⁰ Ja birui daií ítimie fiénidifue iba ófiredimiena onódicai, níimie cai Moo Juzínamuina. Afémie daide: “Afe iba ófiredimiedicue. Ua nana íaifuiái íbana duere finótafiredimiedicue,” dáideza. Jáinomo Juzínamui Cuegáuai daide: “Juzínamui ie comini comeci ífuena jáicina jicánoite. Jicánvano íaioimo dúide duere finóllifue ócuite,” daide. ³¹ Daií ie úrillana cai onónamona, caade Juzínamuimo duere finóllena izájina jamánomo jacírede.

³² Mei íadi nauí íanori omoi illáfuemo uibóiori. Aféruimo ñúefuena omoi onona mei, aillo duere zefuídimo, mei íadi aféruimo omoi ñnogafue fáicanocañeno ñue ocuídimo. ³³ Dáruillaído uáfori comini eróicana báíñvano duere finócaomoi. Jáíruillaído daií finócamacimo omoi nabáillamona duere zefuítagaomoi. ³⁴ Afe llezica llaveca ámatiaimo dúecaifredimoi. Afe baímo, ómoimo ite ráaniaina jáímaci báruana caimare rairuñediomoi, mei onódiomoiza, biniemo ite raa baímo, jamánomo ñuera jaca bairónide raa ómoiena monamo íteza. ³⁵ Ie jira nauí izire omoi ñnoga uaina mai birui omoi féitaño iri. Aféuaina ñue omoi ñnofireiri, mei ícoimo iere ñuera jirídoga ízoide raa máíñoitiomoiza. ³⁶ Juzínamui jítainafuena omoi jiéruilla llezica raire comeci járidoño íredimoi. Ua, omoi ñnoga ñúefue, omoi are jáicina llocana uille mei, Juzínamui uícodo lloga caimare jíllonafuena máíñoitiomoiza. ³⁷ Mei jii Juzínamui Cuegáuaimo daide:

“Ja íanori íllamona, uícodo lloga bíitimie Jesucristo, jizíño raire dúcizaíbite.

³⁸ Afémie nai biñena llezica, níífenidena cue mamécamié, cuemo ie ñnuado nágaruillaído caimare ie illano, cuena íóbitate.

Mei íadi afémie afe ie ñnoga uaina meine abido féitaiadi, afémieri íobiñeíticue,” díno Juzínamui daide.

³⁹ Mei íadi meine abido féitativo dibénemo jaináíñedicaí. Afémaci daí íaioí íñoñenamona jíllonéitiaioí. Mei jíáífo do cai bie Jesucrístomo ínotinodicaí, daí dani cai jíllotagacaí.

11

Juzíñamuimo cai ínuafue

¹ Mei çminica ínuafuena? Ínuafue Juzíñamui daína uaina jeire cai uafue. Ínuamona cai úíñoga cáimafue jeire cai ollínona onódicaí. Daje izóí Juzíñamuimo ínuamona, ie lloga cáiena mameca ñuera raa cíónena íadi, afefue ua illana comécido ua onódicaí. ² Ua, ínuafuedo judíuai jaiáidigimamona Juzíñamuimo jaináidimíai, Juzíñamui comeci jítaillamacina jáidíai.

³ Juzíñamuimo cai ínuamona, Juzíñamui ie úrilla uaido bíníe fínuana onódicaí. Daí ie fínuado nana bie cai ciona énie, táinomona Juzíñamui comúitate. Ua, minícana íñédeza cíónena ráamona naga ráaniaí comúibacaide.

⁴ Juzíñamuimo ínuano Abel, Caín fecaca baímo, ñuera Juzíñamui íóbitalle raa fécaíbite. Iemona Abel Juzíñamui dibénemo jaícina ítimíena jaide. Juzíñamui jíeruigamíena jaide. Mei Juzíñamui Abel fécaíbiga raa llínuamona, Juzíñamui comeci Abelna jítainana onódicaí. Daí Juzíñamui íena jíeruillafuedo Abel jaícinaidífuemo Juzíñamui uai nabaide. Afe Abel, jaiái uícodo Juzíñamuimo ie ínuado ñue illáfuedo jaide. Aféfuena cai fídíamona, afémíe titácamíe íadi, ie ínogafue, úrillaui izóí caímo úrite. “Juzíñamuimo ñue cai ínolli,” caina daide.

⁵ Iemo Enoc Juzíñamuimo ie ínuado tíñeno caífo monamo uiga. Daí tíllana ie ónoñeillena, cáanori monamo Juzíñamui uiga. Afe mei afémíe bíníemo cíónenamíe, mei afémíe Juzíñamui úgaza. Afémíe nai úíñega Juzíñamui íóbitadímíe daínámíe. ⁶ Mei jíí, Juzíñamuimo cai íñoñenia jaca íena íóbitanídicaí. Dáamíe Juzíñamuimo ánoziacania, Juzíñamui nahí illánona uícodo ie ínolle jítaírede. Nane íemo nana izire íena onóiacadino, ñue íbana dama ie abí ífuena íaioina onótaite. Aféfuemo uícodo daje izóí ínoredíai.

⁷ Daje izóí Noé, Juzíñamui lloga raire bíite nai cíónena duere finóllífuena fídiano Juzíñamuimo ñue ínote. Ínuano áillue jofóredicae finode, áfedo nana dama ie comíni daí jíllóillena. Noé daí dama Juzíñamuimo ínuado, nana jíáíe íñoñede comínímo duere finótatiuai jino íaioímo llote. Afe izóí Juzíñamuimo ínuado Juzíñamui comeci jítaina nífuenidímíena jaide.

⁸ Afe mei jaiáidíruimo Juzíñamui Abrahana jírite, jíáíe éníemo jaiánillena, áfeníena íco jíáíruido íeíena maíñóllena. Abraham Juzíñamuimo ínuamona afe jírilla uaina cacáíllano, raire ie illáníemona oní jíánímo jáizaide, ie dúcillíno nai ónoñega íadi. ⁹ Abraham nai Juzíñamuimo ínuamona, Juzíñamui íemo fecáacaíga éníemo fía jícánemíena díga fimona fía íte. Ua, ínroi níina úcaíírega jofomo aféníemo are íoide. Daje izóí Abraham comúitaga jíto Isaac, dinómona Jacob díga afénímo daje izoide ínroi nillácuaimo are ítaíllínoí naa íe comíníri. Juzíñamui daje éníena fecalle uaina Abrahamo llua izóí, afe íaíllínoímo uícodo llote. ¹⁰ Ua Abraham afe jamái illácuaimo dama íeíeñede éníemo

caimare íoide. Afémie caimare ite, mei Juzíñamui dibénemo ite caimare táinocaitanide illínomo dúcillena afémie úiñoideza. Afe caimare illico Juzíñamui mamérrillano dama ie uaido niga.

¹¹ Daje izói Abraham ai, Sara, Juzíñamuimo ínuamona, jamánomo jónaite íadi, fueñe úruerena ríino ote. Iemona daa jító jocode, mei Juzíñamui aféngona aféfuena uícodo daina uai, afengo iere ñue ínoteza. Afengo bie izói daide: Bímie ie daina uaina jáíifo méidofinidimie. ¹² Iemona Abraham iere jónaite íadi, iere aillo erófene igímaiaina jebuítate. Ua jamánomo diga nairai jebuide; nii ja lloga monamo ite facádonide úcuai izói itíaiói. Nane monáillai fuédamo ite facádonide guamai izói jebuídaiói.

¹³ Nana cai lloga comini Juzíñamuimo nai íaiói ínoina llezica tídiaíói; nana Juzíñamui uícodo lloga ñúefuiaiina nai llínoñediaíói, tílla. Mei íadi afe lloga ñúefuiai ico jáíruimo zúillena jicana fidídiaíói. Fídiano caimare aféfuemo ínuano comécídiaíói, mei bínemo ónoñega jicánemacina íaiói illa raire méaicaiñeno llotíaióiza. Uáfuena bíniedo jaiánicana jáidiaíói. ¹⁴ Nana daí llotino, dani íaiói nahí illínomo íaiói jáiacanana llotíaiói. Ua jáíe éniemo jáillana íaiói úiñoinana caina fidítate. ¹⁵ Daí íaiói dáinamona, mei nibai jaiái íaiói illániemo comécídiaíói. Daí íaiói comécíadi diga icaiño meine abido afénomo jáirediaíói. Mei íadi abido afénomo jáíñediaíói. ¹⁶ Mei jáínomo comécídiaíói. Jáíe jamánomo ñuera illánomo, monamo ite Juzíñamuimo nabáirizailínomo izire úiñoídiaíói. Daí Juzíñamuimo íaiói ínuamona, Juzíñamui iere íóbite. Bie jaiánicana jáidino Juzíñamuina dáiyadi: “O cue Juzíñamuidio,” daí íaiói dánari Juzíñamui méaicaiñede. Mei íaiói jofue izoide ñuera illino, dinomo Juzíñamui diga zíiñona nabáirizaillena, Juzíñamui jae finócaza.

¹⁷⁻¹⁸ Naui Isaac jocoina llezica Juzíñamui Abrahana daide:

“O úicoitigima bie jító Isáacimona aillo jébutiaíóiza,” daide. Diga iruillai íllamona Juzíñamui dáaruimo Abrahana ínuafue facátate. Iemo Juzíñamui ocuilla izói, Abraham nai Juzíñamuimo izire ínuano, ie jító oni uite, titada Juzíñamuimo fecállena. ¹⁹ Mei Abraham Juzíñamuimo ñue ínuano comeci facade: “Juzíñamui jamánomo ñue ríinoredimie; tíide come meine cáataite ríino íemo ite. Cue jító tíidena Juzíñamui meine íena cáatarede,” daí Abraham comeci anado daide. Iemo, Abraham ie jítóna fáiacana llezica Juzíñamui afémiemo raire úrillano, ie daade jítóna jíllotate. Abraham ie jítóna fañede. Ie jira jáíífo do daírede, tíllanomona Abraham ie jítóna meine abido ote.

²⁰ Daje izói Juzíñamuimo ínuamona Isaac ie jító íaillinoí Jacóbomo Esau diga uire Juzíñamui orelle caimátaillifue ua llote.

²¹ Daje izói Juzíñamuimo ínuamona Jacob, ie tíizailliriuimo José jító íaillinoímo úrite. Urillano ie enaize íaillinoímo uire Juzíñamui orelle caimátaillifue jino llote. Afe llezica ie macara jigüida llínota ie abi mozíñuano caimare Juzíñamuimo úrite, ie íóbitallena. ²² Daje izói Juzíñamuimo ínuamona José ie tíizaillirui ánozillano, Israel comini Egipto éniemona uire oni dani íaiói éniemo jáillifue llote. Afe llezica ie ícuruai aféniemo fiéñeno oni úillena, uícodo uai íaíoiimo jónete.

23 Diga fimona jailla mei, Egipto ríillaima nana Israel como jéiciga jitótiaina fazítate. Mei íadi Moisés jocoina mei, ie moo íaillinoi Juzíñamuimo ínuamona, illáimana jacíruiño Moisen a retáidotiaillinoi. Dauíamani íena retáidotiaillinoi, afeza iere ñúezana jira. 24 Aféllaíma jiza Moisen a náamataja mei, Moisés móonaila llezica Moisés aféngomo dúillana ruifíruite; mei afémie Juzíñamui dibénemo jaináideza. Ie jira Juzíñamuimo ínuamona Moisés afe mámece oni faite. 25 Mei jíáfodo Juzíñamuimo jaináidino cígiri íllana, afémie jamánomo gaide, nana duere zefuíaiaoi íadi. Daje izói ie comínina fiene ie zóofiamona raire féite jabo íóbillafue dibénemo íllana afémie gáñede. Moisés Juzíñamuimo ínuano ñue coméciide.

26 Biedo afémie coméciide: “Nana Egipto énie ebírede ráaniai baímo, Juzíñamui dibénemo ie dáme illa jamánomo ráifide, duere afémie zefuide íadi.” Afémie daí comece facade. Ua Moisés, Cristo ícoína zefuillano, féitaño daí coméciioifrede; mei Juzíñamuimo ínuamona baímo ñuera féinide raa izóidífue afe ie jirídollena afémie onódeza. 27 Iemona Moisés Juzíñamuimo ínuamona, afe Egipto illáimamo ite ríinona jacíruiño Egiptomona botade. Ua jacíruiño afe Moisés oni jaide, mei buna cíónena Juzíñamuimo fáicanocaiño ñue nágarui coméciifredeza. Daí ie comécinamona, uído cíónamiemo ínua izói, Moisés Juzíñamuimo iere ínote.

28 Daje izói Moisés Juzíñamuimo ínuamona, Juzíñamui lloga pascua rafue como fueñe finode. Ua Juzíñamui llua izói, Moisés íaioi jofóniai naze fuédamo oveja díena jíritate. Daí ínuamona, Juzíñamui oreca títaite abi ímie nana Israel nano fueñe jococa jitótiaiaimona buna titáñede, aillo Egipto imaci jitótiai tícoizítiaioi íadi. 29 Daje izói Juzíñamuimo ínuamona nana Israel aillo comíni “Jíairede” daína monáillai ñue zaférede iodo ruícafenemo jaitádiaioi, mei afe monáillai jainoi Juzíñamui oni gaitácaza, íaioi ruica jáillio tuiñóllena. Mei íadi Egiptomona racádino afémaci jailla izói jáidiaioimo, meine io jáinoina íbáibicaillari coróbaitaioi.

30 Iemo Israel comíni Jericó jofue anáfenoacadiaioi. Afe jofue riire naídároga nofíbanina cirínoga. Iemo Juzíñamuimo ínuamona ie daína izói, siete dígarui afe riire ibaica jofue jinófenedo ífoína macáoidiaioi. Iemona ícoi iruimo afe caífo nitaca nofici finoina jofue jinófene cirínubani, Juzíñamui ana éniemo caitade. 31 Daje izói Juzíñamuimo ínuamona nauí uícodo fiéndingo, Rahab fañega, nana jíáie afe jófuemo ite íñoñedino fazícaicioi íadi; mei Juzíñamui comínimona oreca éniena ñue onóillena méíñoitínona afengo caímare cánuano jofu uáidoteza.

32 Nai jino lloñega aillo ite jíáie jaiai Juzíñamuimo ínofiredino. Bibedo íaioi ílláfuiaina cue llóllena cue abi juánideza, nana llónidicue. Fia íaioi mámeceiai jino llóiticue, íaioimo omoi ñue coméciioillena. Afémaci Gedeón, Barac, Sansón, Jefté, David, Samuel; daje izói Juzíñamui uai jino llóraini ite. 33 Bimácimona dámerie Juzíñamuimo ínuamona jíáie náiraina anáfenodiaioi. Jíáimaci Juzíñamuimo ínuano Juzíñamui jaína jóidífueña comínimo ocuide. Dáarie Juzíñamuimo ínuamona ie uícodo llua izói, Juzíñamui canócaiaioi. Dáarie Juzíñamuimo ínuamona rírede jánallarillai fueña ibaica izói finode, íena íaioi ríñeillena. 34 Jíáimaci uzírede iraimo

dotácaiaioi ia, nai Juzíñamuimo íaioi ínuado afe iráimona uzíñeno jino bitíaioi. Dáarie Juzíñamuimo ínuamona fuirillafuiaimona otábiñeno jino ñue jíllo diaioi. Iemo jóbairo illa llezica Juzíñamuimo ínuamona dáarie mairíñedimíai ñue máirimíaina jaide. Daí Juzíñamuimo ínuamona onina bite fuirírainina abido rainódiaioi. ³⁵ Daje izói Juzíñamuimo ínuamona dáarie ringóniaimona íaioi úruiai tíide íadi, meine abido íaioimo cáataga.

Mei íadi jíaimaci nai Juzíñamuimo ínua llezica, íbátarede tíide jíllo tafuena lloñédiaioi, mei aféfuedo Juzíñamuina jáanotaiticai, daidíaioi, íadi Juzíñamuina jáanotanidiaioi. Ie jira iere duere zefuítano titácaiaioi. Daí tadena lloñédiaioi; mei afémaci meine abido caana mei, jamánomo ñuera zííñona illáfuena méaicaiñeno maiñóacadiaioiza. ³⁶ Nai jíaimaci Juzíñamuimo ínua llezica, fiénide zánonafuiaimona duere finóbidiaioi. Jáaimaci riire zechénogaaioi. Ua dáarie Juzíñamuimo íaioi ínuamona cúinajano llavécaiaioi. ³⁷ Daje izói jíaie Juzíñamuimo ínotino nofíciaina níjicaiaioi; jíaimaci dáafemíaido amena dera izóidedo ñetácaiaioi; jíaimaci caimare taino uáillaido bífuegaiaioi, íaioi ínuafue facátallena, íemo lloéfaido fagáiaioi. Jíaie Juzíñamuimo ínotino, íaioi íníroinina jira, tóica rille igórainna jítáodiaioi. Daí fia macáodiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéni finócaiaioi. ³⁸ Daí finócaiaioi íadi, Juzíñamuimo íaioi ínogafuena fáicanocaiñediaioi. Iemona bimaci Juzíñamui dibénemo iere izíruiçano; mei íadi bíniemo ite ínoñedino afe Juzíñamui uaina jeire otínona jámairuitiaioi. Ie jira ínotino afe ínoñedimaci cígiri íllena, ínoñedimacimo figo dúíñede, mei ínoñedimaci comeci iere íairedeza. Ínotinona jámairuillano, íaioina oní jíífirediaioi. Iemona ínotinomona dáamíerie zaféredizicimo jáidiaioi. Jáaimaci caifóneduai illánomo botádiaioi. Íaioi jaillánomo ite ífuaiçimo ífirediaioi, naa íduai ana ífuairi. ³⁹ Nana bimaci Juzíñamuimo ínuamona, ñue “figora” daínamacina jáidiaioi. Mei íadi nana Juzíñamui uícodo lloga caimare ñue illífuíaina figo maiñóñediaioi; jabo maiñódiaioi. ⁴⁰ Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jíllloillífué. Daí jaiçai ua Juzíñamuimo ínotino naa cai díga, birui dáanomo jaiçai Juzíñamui mameca nahí jíllloillífuemo dúçiticai. Ua afémaci naa cai díga, Juzíñamuimo caimare nabáirillafuena jeire óiticai.

12

Jesumo ñue jáicína omoi comécioiri

¹ Ie jira, cue ámatiaçai, comécido ñue omoi facari. Ua aillo jamánomo Juzíñamuimo izire ínotino bíniemo cai uícodo macáodiaioi. Afémaci Juzíñamui cai íóbitallífuena caina ífode. Afémaci cai ínogafuemo jáicína ífoite uai nabáiraini. Cai abido ífoina itíaioi. Afémacimo cai comécillamona, nana cai jíízitacana uite fiénidífuiaçai mai oní cai féitalli. Ua, çaimo ite fiénidífué, abi llótaidote íniroi izói çaimo jíide. Jíinamona jaca caina aruire itátate. Afena fáicanocaiçallano, Juzíñamui íóbitallífuemo zefuíruiñeno mai izire cai nícidolli. ² Afe llezica duere cai zefuíllano féitano, mai Jesumo comeci cai facalli; mei afémie Juzíñamui íóbitallíodo,

ñnuafuedo cai jáillena cai ifódimeza. Mei afémie ie Moo Juzíñamuina féitañeno ie fáainaruimo nai íemo izire ñnoide. Daií ie ñnua, afémie izói jaícina cai ñnollena, afémie cai ifode. Iemona afémie cai ñnogafue ñue ícoimo fuitádimie. Ua, Jesús duere zefuide, íadi afe duere zéfuilla méifomo íite cáimafuemo, afémie ñue coméciide. Afemo comécioillano uái daíi cruzmo tízaide; mei áfedo nana íemo ñnotino caimare jíllobicaitiaíza, afémie onode. Íemo afe meáirede tíllana náfueñeno, abído meine cáadimena jaide. Afe daií jaillano caífo Juzíñamui nabézimo Jesús ráinazaide.

³ Ie jira, cai jáinona duere zefuítagamie Jesumo mai ñue omoí comécioiri, omoí duere finóbicaillamona omoí zéfuiruiñeillena. Daje izói Jesumo ñue omoí uibíoiri omoí comeci ñue náireillena. Mei afémie fáicanocaiñeno Juzíñamuimo ñnoicaide, fiénidino íena uáitajano duere ie finódiaíoi íadi.

⁴ Fiénidifue omoí comécina jírioide, íadi nágarui áfemona abí ráiruifrediomoí. Afemona abí ráiruíllano íere juárede. Iemona jabo duere finócaomoí. Mei íadi fiénidifuenta omoí anáfenoacanamona nai tíñnedíomoí. Dama Jesús ícoínia jabo duere zefuídíomoí. ⁵ Afe llezica Juzíñamui caimare llogáuaina nibai jae féitatómoí. Aféuaido Juzíñamui ie úruiaí izói, ómoína llófuete; ona riire daide:

“Cue jíto, o Ocuíraíma Juzíñamui omo oreca duere zefuítajafuena jámairuiñeno iri, mei áfedo afémie ñue ona ráiruíllano lletádeza.

Daje izói fieni o fínuamona afémie duere o finóadi, comécina riínidímie izói íñeno iri.

Mei jáífodo, abí máimiano, ie llétafuena ñue jeire oíri, ññemiena o jáilleza.

⁶ Mei Ocuíraíma Juzíñamui nana ie izíruiganona fáicana lletáfiredeza, íaífuenidínona íaíoi jáillena.

Afe izói nana ie ua onoíga jítoíaina llorebaí mailla izói due ízitate, mei afémaci dama íeíeza,” daide.

⁷ Omoína izíruíllamona Juzíñamui afe daií ómoína duere zefuítate, ómoímo llófuellena, baimo ñuera ie jítoíaina omoí jáillena. Ie jira duere zefuítagaomoí. Mei onódiomoíza, biniemo ite moo llétañega jíto ñue móonaiñeíteza. Iemona afe moo nana ie jítoíaina llorebaí mailla izói ízitate. ⁸ Ie jira Juzíñamui ízitañegamie nibai ie nahí jítoñedeza, móonidíza; mei nana nahí ie jítoíai izi cácatagaíaiíza. ⁹⁻¹⁰ Afe emódomo cai biniemo ite móotiai nauí ñue cai móonaillena, ñue comeci íaíoi fácamona, izire caína lletádiaíoi. Ua nano íanori illáruíllaído caína duere fínuafuedo lletádiaíoi. Ua izi cácatagacai. Afe llezica nai cai moona caimare jacíruíticai; jacíruíoillano ñue íaíoi anamo itábicaídicaí. Daje izói cai monamo ite Moo anamo jamánomo caimare itábicairedícaí; mei afémiemo cai ñnuano, nahí ie jítoíaina comuítagacaíza. Nana afémie duere cai fínuafue cai díbenemo aillo ráífide, afémie ebire ñuera illa izói, daje izói cai íllena. ¹¹ Ua, ja onódiomoíza nana izi cácatafuemo illa llezica, áfena gáíñedícaí. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruíñedínona caimare jíatícaí.

Juzíñamui uaina ruífruilla íere jacírede

¹² Juzíñamui daií omoí lletájana omoí onónamona, mai abí omoí mame. Ja abina náinidino izói omoí íñeno iri. Omoí zúurede comeci náiretari.

13 Afe llezica omoi duere zefuillafuemo, mai bífuemo jaícina comeci facádori. Aféfuemo daiíri “Juzíñamui íóbille jítótiaína móonaitagacai.” Daií o dáinamona, jiáie ómoimona Jesumo ínogana féitaacadino, comécina caimare náiretaitio. Daií ie náireillamona afémie meine abido Jesús uaina izire ínocana jeire óite.

14 Afe emódomo nana comíni cígiri, mai comeci ríicaitañeno cáimafuemo omoi iri. Daje llezica, Juzíñamui ebire ñue illa izói, afe dibénemo mai omoi abi ífuiai nágarui méidocana uiri. Bie izóidifuemo omoi nai íñeniadi jaca buna Juzíñamuina cíóñeille. Mei íadi comeci íaininafuemo cai íadi, íena cíóiticaí. 15 Juzíñamui caimo fecaca cai ie cánuafue aillo ite. Bifue nana jeire omoi ófíreilleza izire omoi coméciri. Daií íllamona buna fiénidifuemo oni níbéfodo báííñeiteza. Daa daií oni fiénidifue dibénemo baíidímie nana jíaimaci comécina fiéni fínide. Mei jíi, duere zefuillamona Cristo dibénemo figo jaináiacañedímie, jucúrede juia izoide. Mei afe juia ille mo totáa, nana áfeji jucúredijina jaide. Daiítade come nana ie aino comínina daje izói figóruiñede. Afemona abí omoi rairuiri. 16 Daje izói nana jiruírenafuíaímona abí omoi rairuiri. Afe llezica ómoimona dámie Esaú illa izói íñeno iri, mei afe Esaú jaca Juzíñamui jítainafuemo figo comécíñedeza. Aféfuena jámairuillano, afémie nánoramie íadi, íemo ite maíñórrille ríino, fia due jiza güille íbana fecade. 17 Afe Esaú ílláfuena ñue onódiomoi;za; mai aféfuemo omoi comécíioiri. Ico íirairuimo ie moo ézicirafuena Esaú maíñóacade, íadi ie moo ja íena ruífruite. Afémie comeci ífue méiduano éecana ie moomo izire jicade; íadi “Jíi” daiíñede. Afe nauí Esaú jámairuillafue jaca méidonide.

18 Ja birui Juzíñamuimo caimare nabáirillanomo dúcidíomoi. Jaiái Juzíñamui comíni áillue caifónedumo áinozidiaíoi, Juzíñamui dáina uaina cacáillena. Afedu mámeceí Sinaí. Afedu náaduna irai izói boode, aillo úillie díga. Afe llezica iere jacire nairíbicaide. Nairíbicaillano, jairifo ríire jaiíñode. 19 Aféruimo bainada izoide ficire cácaicaide. Afe llezica áillue come úrilla uai íaíoimo ficire cácaicaide. Afe uai iere jacirede cacaide. Afemona, áfena cacádino jíáie emódomo lletara uaina llóñellena izire jicádíaiíoi. 20 Afe íaíoí cacana íaíoimo lloga lletara uai jamánomo iere juáredeza. Aféuai daide: “Bie óode íduna omoi jetáiñeno iri. Nínena daa rille bídumo bíadi, raire nofíciáido fáiri. Daje izói nínena bídumo bite come fáiri,” daide.

21 Uafue, afe cacánafue naa cíocaidífue díga iere jacírenamona, dama Moisés uai ua: “Aferi iere jacínaiticue. Jacíruiillano cuidíríticue,” daide.

22 Mei íadi, jae jíáifodo Jesucrístomo omoi ínuamona, ja birui Juzíñamuimo ite jacínide caimare nabáirillafue dibénemo dúcidíomoi. Ie mei ícoímo monamo ite jaca caade Juzíñamui uícomo úrizaitíomoi. Juzíñamui illa jofue, “mona ero ie Jerusalén” mámeceírede. Iemo jíáifodo “Sión Caifónedu” dáina. Afémiemo ja omoi caimare nabáirillamona díga íeza facádonide Juzíñamui abi imaci Juzíñamuina íóbíocana iráízitiaíoi.

23 Ua, omoi ínuamona Juzíñamui ómoína daide: “Ja cue daade Jító Jesucristo izóidinodíomoi. Cuemo ie dúina izói, afe izói ja cuemo jaináidíomoi,” daide. Afemona nana Juzíñamui íena comuítagamacimo jae jaináidíomoi. Nana afe íemo jaináidíno mámeceí jae monamo cueba. Ie jira nana Moo Juzíñamui ie comuítaganona, ñue jicánuana fibídímie izói, ñue íaíoína ríidoite, mei afémie nana nairai Mooza. Jaiái ie anamo ñue

itino, jae tídiaioi, mei íadi íaioi ñuera joreño nai figo caimare iñédiaioi. Ja biruíllaido Cristo cairi tíllano caina jíllotate. Daí nana íemo ínotinona jíllotano, afe tíidino ñuera joréñuai ñue jaícina caimare itátagaiaioi. ²⁴ Uafue, Juzíñamui comue caimare caimo fecállifue caimo llóiacade. Afefue caimo lluíbitimie Jesús, mei ie cruzmo ie die tótajado caimare íafuenidinona finócacaiza. Ie jira ie die, úrilla uai izói jamánomo ñúefue cai ífócimo denode. Mei jíáfodo Abel die tóilla afe izói caimare ñúefuai caimo lloñede.

²⁵ Nana bie caimare Juzíñamui caimo llotátagafuiaina jae onódiomoi. Afena omoi onónamona, afefue ómoimo llotímie mai omoi ruifíruíñoeno iri. Afe íena ruifíruillamona abí omoi rairuiri. Mei jaiai biniemo Juzíñamui jóonega lletárama dánana ruifíruitino, duere íaioi finóinamona jaca jíllóñediaioi. Afe baimo birui monámona caimo llotímie dánana cai ruifíruíadi, daje izói ua jíllóñeiticai. ²⁶ Jaiai aféruimo ie úrilla uai éniena diga icaíño riire docáitate. Mei íadi birui afémie uafue llote: “Nane afe emódomo dáacaiño éniena riire docáitaiticue, naa caifo ite monániairi,” daide. ²⁷ Afémie daína “Nane afe emódomo éniena dáacaiño docáitaiticue” Juzíñamui írairuillaido finóllifue caina daide. Aféruimo nana ie finoca raa, ranítado izírilla izói níraidoite. Afe níraíduado nana nírairede ráaniaina, afémie oni niné táinocaitaite. Mei íadi nírainide ráaniai jaca méidonide; fiébillano zíñona íitiaioi. ²⁸ Ja birui Juzíñamui méidonide illáimana illánomo jaináitagacai. Iemona íena “Íere figura” cai daífireilli. Afe llezica caimare úrillafuedo mai íemo cai íóbilli. Ua, ñue jacíruioicana ie uáillaimo mai ñue cai cacáreilli. ²⁹ Mei jíi, cai Juzíñamui, irai amena cuarilla izói, nana íafueredinona jaca zíñona íaioina duere fínoite.

13

¿Nie izói Juzíñamuina íóbitaredicai?

¹ Amatiai, mai conímana omoi izíruífireiri. ² Daje izói onina bitínona mai dúecaillano ñue caimare uáidori, mei daí dáríe jíáimana íaioi caimare uáidofirenamona ónonino Juzíñamui abi ímiaina jofo llínotiaioi.

³ Íemo Jesumo ínuamona llavécamacimo ñue omoi úibicairi. Ua dájena llavécano izói, mai íaioimo comeci omoi facari, íaioina omoi canóllena. Daje izói duere finoca Jesumo jaináidímacimo, mai omoi ñue comécíiri, mei dani omoi abina jíáimaci duere zefuítarede; íemo bimaci diga daí zéfuitiomoiza. (Dáamacidiomoiza.)

⁴ Daa come daje ringona áireia ñuera. Afémie dama ie ai abina onona ñuera. Iima dama ie ai jeta ñuera. Mai bifue íáiñeno ñue omoi fímairi. Mei Juzíñamui nana jiruíredinona izire jícanuano íaioina duere fínoiteza, naa dama áreiñeno ringo diga itínori.

⁵ Daje izói omoi comeci ífúena ñue onoiri. Ucubena aillo jitailla fiénide. Afemona abí omoi rairuiri. Mei jíáfodo ómoimo due jiza ite ráaniairi júfidoñeno caimare uái iri, mei Juzíñamui uafue dáideza: “Ona fáicanocaiñeiticue. Daje izói jaca ona zóofeñeiticue,” daide. ⁶ Iemona minícana jíziñeno daíredicai: “Juzíñamui cuena canófiredimie; íemona fieni cue finócadimiena jacíruíñeiticue.”

7 Iemo mai Juziñamui uai ómoimo nano fueñe jino llófuetinomo ñue omoi uibóiri, mei ñueodo ómoína ifódiaioiza. Iaióimona comuide ñúfuiamo, féitañeno mai ñue omoi comécioiri. Afémaci Jesús ícoinia titácaiaioi, mei íadi afémaci fáicanocaiñeno Jesumo ínua izói, afe izói féitañeno mai omoi ínofireiri.

8 Mei jii, Jesucristo nanómona ie illa izói, ja birui jiáfodo méidoñeno dáamieoicaide. Ua afémie jaca ziiñona dáamieite. 9 Ja birui diga jiáfodo cacaide onina bite ónoñega fienui llófueinafuiái ite. Aféfuiaí ñueomona oni nibéfodo omoi baiítaiacadeza; áfemona abí omoi rairuiri. Juziñamui cairi dúecaillano cai cánuano cai comeci náirecaitate. Afe ie cai comeci náiretaja ñuera. Mei íadi afe jicana lluaíbiga güille rairuínafuiaina jeire cai óiadi, caina ñue cánoñeite. Daje izói afe uai jeire otínona canóñede.

10 Jesucristo cai ifomo fécafue Juziñamuimo caimare cai nabáirillena dani caimo dúide. Nana Judúaido Juziñamuimo úriraini, ie jaiái gairíracomo aillo Juziñamuimo ánozille nícidogafuiái finódiaioi. Mei íadi afémaci Jesús dibénemo ite cámafuiaina llínonidiaioi.

11 Judúaimona comínido Juziñamuimo úritillaíma dáacaiño naga fimona afe faga rille die Juziñamui icomo uite. Afe Juziñamui icomo ite jofoidé ñue rairuícacomo comini íaifue ícoinia díena uite. Mei íadi afe faga rille, comini illácuai jinomo jobáifirediaioi. 12 Afe izói Jesús Jerusalén jinomo duere zefuide, dama ie die tóillado nana comini fiénidífue oni dóllena. Daií duano íaioina Juziñamui íena mamede. 13 Ie jira nana Judúuai Juziñamuimo ánozille nícidogafuiaina féitajano, mai dama Jesumo jaca cai ínolli. Ua, daií íemo caimare cai jaináinamona jilloiticaí. Ie meáire duere zéfuilla izói, duere cai zefuíaí, áfena náfueñeno nai caimare íemo jáinaiticaí. 14 Ja bíniemo ñuera méidoñega illano caimo íñede; mei íadi Juziñamui finoca monamo ite méidonide cai illínomo izire úiñoidicaí, caimare ziiñona ie diga cai nabáirizaillena. 15 Iemo, Jesús caido Juziñamuimo nahí úriraimana íllamona, mai Jesudo nágaruillaí Juziñamuimo ñúefue cai nitalli. Ua, cai fuemo ite uaido Juziñamuina caimátaitaredicaí. Cai Ocuíraíma Jesús mámedido cai úriadi, jaca Juziñamuina ebire íobitaredicaí. 16 Daje izói nágarui jiáíma canolle ñúefue jeire o úana, mai féitañeno iri. Aféruído jitaídinomo ómoimo ite raana jeruñeno fecari; mei aféfuiaína Juziñamui íere íóbideza.

17 Omoi illaini llogáuaimo ñue omoi cacáreiri. Aféuai anamo ñue omoi itábicaí; mei omoi comeci ñue íllena aféllaini nágarui ómoína rairuífirediaioiza. Ua aféllaini ómoína rairuilla nie izói íadi, afémaci Juziñamuimo jino llórediaioi. Ie jira íaioi táijinana omoi daidóñeno iri; mei jiáfodo ñue íaioi anamo omoi itábicaí. Afedo aféllaini Juziñamui ocuica táijinana caimare fínoite. Mei íadi afémaci afe táijinana zúurecana finóadi, figo cánoñegaomoi.

18 Mai birui caido Juziñamuimo omoi úriri, afe Juziñamui cai canólleza, mei cai comeci ífue íáinideza. Mei jii, nágaruillaí náganuiaimo illa dígamie íaioi eróicana ñue jáícina figomiéna íacadicaí. 19 Ua, cuedo Juziñamuimo comécido omoi úrillena izire jicádicue, raire meine abido omoi cígimo Juziñamui cue orélleza.

Iraicaiño uáidota ñue ézicínocaillafue

²⁰ Ja birui Juzíñamui ñue omoi ézicillena jicádícue; Moo Juzíñamui, comécina uái illafue comínimo fécaitimie. Iemona cai Ocuíraíma Jesuna tíllanomona Juzíñamui meine abido cáatate, mei Jesús ie die tóillado nana caimo ite fiénidifuiaina muiñódeza. Múíñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraima izoide. Afémie ovejai rairuilla izói, caína úiñofirede, comécina uái cai íllena. ²¹ Afe bie Juzíñamuimo omoi comeci náireillena jicádícue. Ua nana ie ñuera ríinodo omoi comécina ñue jaícina caimare náireillena jicádícue. Afe bie cue jicácado ie jitáinafuenta ñue comini eróicana fínoitiomoi. Afe llezica Juzíñamui comeci óiacana izói dani caimo zúillena izire íemo jicádícue. Mei daií jamánomo ebírenafue Jesucrístomo, ninomo fúíñeítana nitáredicaíza. Mai, daií íteza.

²² Amatiai, nana bie ómoimo cue cuela lletárafuiaimo járitaño fia omoi coméciiri. Afena izire ómoiena jicádícue, mei bie ómoimo cue cuela ílanorideza. ²³ Iemo jíáífuena ómoimo fidítaacadícue. Jae cai ama Timoteo llavéinanomona jae jino zuitaca. Omoi dne nai jáíñeíticuemo, afémie cue illánomo raíre dúciadi, níbai daane omoi éroizaíbiticoco.

²⁴ Nana omoi llófuete illáinina cuedo ñue uáidori, naa afénomo ite Jesumo ínotinori. Itáliamona benomo cai bite ámatiai ómoimo uailái orédiaíoi.

²⁵ Juzíñamui nana ñue omoi íllena ñue éziciteza. Mai.

Daiítadeza. Jae níie.

SANTIAGO CUEGABE

La Carta de Santiago

Ráidozitinomo Santiago cuete

¹ Cue Santiágodicue. Juzíñamui táijitagamedicue. Daje izói cai Ocuíraima Jesucristo táijitagamedicue. Israel náiraimona doce dígazie nana éniedo ráidozitinona uáidotícue.

Juzíñamuimona oga onónafue

² Cue ámatiai cácarei, ñie facátafuiai ómoimo jíriadi iere caimare omoi iri. ³ Mei jii omoi ínuafue facátaficaiaidi áfedo baímo comécina járidoñenafuena onótalliomoi. Mei áfena onódiomoi. ⁴ Afe comécina járidoñenafue ñue jeire omoi móonaitari. Afedo jaícina jétagamacina ítiomoi; omoi jitáillifuenta íñeite.

⁵ Omoimona dáamie figo onóñenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruíñeno nágamiáimo onóillifuenta fecáfiredede. Afémie icíriñeno comínimo fecáfiredede. ⁶ Mei íadi ínuafuedo o jicari. Daií jitáiredede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷ Daiítadimie Ocuíraimamona minícana óllena comécimo facáñeno iri. ⁸ Aféfuena onóigaza. Nímie birui bie raa óiacade, uire jíáiena óiacade, ñue jaícina macánide.

⁹ ¡Ráanide ama, caimare o iri! Juzíñamui caifófenemo ona jóonelle jira. ¹⁰ Ráaredimie, o anáfeficaiaidi, áfena náfueñeno caimare o iri. Mei ráaredino ráitie záfia izóideza. Afe záfia are íñeite. ¹¹ Jitoma bíllamona íena iere llirítaite. Caigáillamona afe záfia ana júide. Daií ie ebírenano fuite. Daje izói ráaredimie ie nícidocaigafuiai cígiri táinocaite.

Facátafuiai fiénidemo baítafuiai diga

¹² Dáamie facátafuiai járitañoeno llínoiaidi afémie caimare ite. Facátafuemona ñue oni jaillano ícoinia fia iga raa jirídoite, ñue facátaoicailla jira. Afe ícoinia fia iga raa ñuicirai izóidífue. Afe iga raa ua Juzíñamui ie illa zíiñoona cáataitinona. Ua Juzíñamuina izíruitinomo uícodo lloga zíiñoona cáataitinona íaioimo fécaite. ¹³ Dámie íaifuemo baítafuena cacáadi, afe Juzíñamui orécaza comécina facáñeno o iri, mei jira afe daiítadífue Juzíñamui jaca jitáíñede. Daje izói Juzíñamui bummo afe íaifuemo baítafuena comuítáñede. ¹⁴ Mei afefue jíáfodo bite. Dáamie dama ie comeci fiéni jítainafuiaido comeci óiadi, áfedo íaifuemo báíite. Afe izói dáamie ie fiéni jítainafuiaido jífueficailla; íemo afe jífuiafuedo afémie meine íaifuemo báíite. ¹⁵ Afe bie comeci fiénino jitáinafuiaimona íaífue comuide. Ie mei afe íaífue jae oruíbicaillamona tíllafue comuide. ¹⁶ Cue izíruiga ámatiai jífuefizaiñoeno iri. ¹⁷ Nana ñuera caímo iga raa, nana caímo jaícina jóbidífuijai diga, caífona Juzíñamuimona bite. Afémie nana monamo ite egáíñotínona finode. Juzíñamui jaca dáamie; afémiemo jíáfodo meídogafuena íñede. ¹⁸ Afémie uáfueña úrilla uaido cáatatinona caina comuítate. Afena finode ie finócafuiamona como fueñe oga llízíe izói cai íllena; mei ie comeci jítaina izói finode.

Uáfueña Juzíñamuimo cai comécinafue

¹⁹ Ie jira izíruiga ámatiaí cacai. Omoimona nágamiaí jaca jefo jinéoiri, mei íadi fíaicana o úriri, daje izóí fíaicana ríicairi. ²⁰ Mei jii, ríicaidimie Juzíñamuina ióbitañede. ²¹ Mei daí nana íairedifuaí omoi fáicanocairi, jamánomo móonaioicaide fiénidifuaí diga. Omoi comécimo lloga uai Juzíñamui úrilla uaina comeci mánainafue jeire omoi oíri. Mei jii afe úrillauai ríinorede omoi joreño jíllloillena.

²² Jira úrillauai ómoimo lloga ráfueña fino. Fia aféfuemo táinona cacáreiño. Fia táinona omoi cacáadi dani abi jífueitíomoi. ²³ Afe úrillafue fia táinona cacádimie aféfuena iere cácañenia, afémie acáranimo uíeciona izóidimie. ²⁴ Afémie ie izóidena ciode, mei íadi raire jailla llezica, ie izóidena féitate. ²⁵ Cacánafueña féitañedimie jamánomo ñuera ocuífueña jeire ófirede. Afe jamánomo ñuera ocuífueña caimo rairuíñenafueña itátaga. Aféfuemo méidoño afémie íoide. Afe ocuífueña afémie ínota finode. Daí finódimie nana ie finócafuiaído caimare ite.

²⁶ Dámie Juzíñamuimo comécidimie comeci facáoiadi, mei íadi fueña rairuíño úriadi, afémie dama abi jífueite. Afémie comécinafue táinobicaide. ²⁷ Nífuende comécinafue, Moo Juzíñamuimo eróicana íainidifue bie izóí ite; ñue Juzíñamuimo comécidimie móonidizaí íemo éinidizaí diga, íaioina duéruillano canófirede. Daje izóí fecínguaina íaioi duéruillano canófirede. Afe llezica éniemo ite Juzíñamuina éoidimaci íaifuaído ñuemie abina íaídoñede.

2

Conímana énenoruíño iri

¹ Cue ámatiaí, cai ebíruigamie Ocuíraima Jesucrístomo ínotimaciíomoi. Daí omoi ínuua llezica comínimona dáarie enénotaño iri. ²⁻³ Acatagafuedo dáitícue: Omoi gairíllanomo queniredena onoi icuíforedimie, ráifide inícuíro jítaoidimie bíadi, afémiena daífireíomoi: “Bie ñúenomo ráii.” Mei íadi afe llezica dúredimie tíbaizarodo bíadi, afémiena jíáfodo llínota nibai dáitío: “Batí naidai,” o nibai dáitío: “Ana benó éniemo ráii.” Daí ráanaitimiena raire ñue llínotíomoi, mei íadi dúredimie buna náfueña. ⁴ Ie jira daí dani ómoimona dáarie énenoruidíomoi. Daí cómemo jícanótimiena dani omoi abi maméíomoi, mei íadi fiénidemo comécinafuedo abi maméíomoi.

⁵ Cue izíruiga ámatiaí, bíemo omoi cácarei. Bie éniemo úcubenídina Juzíñamui nizede, íaioi ínuafue jamánomo jebuíllena. Daa afe izóí íaioina Juzíñamui nizede, feci raa izóí ie illáimana illáruina maíñóllena. Juzíñamui ie uícodo lloga uai daina izóí afe illáimainanona íena izíruitímacimo fécaite. ⁶ Mei íadi dúredimacina meáidaitadíomoi. ¿Uáfueñede, ráaredimaci ómoína llégitafirediaíoi? Jii, uafue. ¿Ríiredimaci uícomo ómoína gugúrioicana uitíaíoi? Jii, uitíaíoi. ⁷ ¿Ñíie afe ráanaitimaci Crístona íáiruioidino? Jii, ñímaci. Mei íadi afémie ñue izíruiga mámedido Crísto iéíomoi.

⁸ Cuegáuaímona lloga jamánomo ocuífueña omoi jíeruiadi ñue finóíomoi. Afefue daide: “O aino cómena izíruiri, dama o abina o izíruilla izóí.” ⁹ Mei íadi conímana dámie omoi énenoruia, íaifueño baííomoi. Juzíñamui ocuífueño omoi ícoínia jae daí ite. ¹⁰ Dáamie naga ocuífueña iere cacáadi, mei íadi dáallegoi ocuícallegoi nai fuitáñeniadi dama afémie ícoínia daí ite.

Uafue nana ocuícafuiai fuitáñedimie zefuille izói dáallegoi fuitáñedimie daí daje izói zéfuite. ¹¹ Mei daje Juzíñamui daide: “Jiruíreño iri,” afémie dáanomo daide: “Cómena titáñeno iri.” Daa come jiruireñenia mei íadi cómena fáyadi, jae ocuícafuena iere cacáñede. ¹² Jira ñue o úriri; o illafue jaícina o jóoneri. Caimo rairuíñenafue itátaite ocuícafuedo jicánollícaí, ie jira ñue cai íllana jitárede. ¹³ Mei jii, nana jiáimacina duéruíñedino, afe ibana duéruíñeno, jicánollíai. Mei íadi jiáimacina duéruitino ñie izói níbaiñegaza ñue jáite, duéruíllafue jicánollífue baímo ñue illa jírari.

Ínuafue níciduafue diga jitárede

¹⁴ Cue ámatiai cacai. Dáamie ñúefuena finóñeniadi, mei íadi “Ínoticue” daííadi ¿ñífueña ñuera? ¿Afeue ñúeñeite! ¿Afe daína ínuafue jíllotaite? Jíllotañeite. ¹⁵ Acatagafuedo dáitíicue. Íncuironide güíllenide ama miringo izóidino omoi cígimo íadi, ¹⁶ mei íadi ómoimona dáamie fia uaido daííadi: “Ñue o iri. Rólliemona jíforiri. Mai güiri,” mei íadi aféruimo ie abímo jitaica raa o fecáñeniadi, ¿ñie izói ñue ite? ¿Ñúeñeite! ¹⁷ Cai ínuafuemo daje izói ite. Dáamie ie ínuafuemo níciduafuedo ácatañenia afe ínuafue jae ñine táinocaide, afe ie ínuafue nabáinina jírari.

¹⁸ Mei níbai, dáamie cuena dáíte: “Ínuafue omo ite mei íadi cue nícidofiredicue.” Mei jira cue uai ótíicue: ¿O ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo cíotaitíicue. ¹⁹ Daade Juzíñamui íllana ínotío. Afe díonomo o ínuafue ñue baite. Mei íadi aféfuena fiénide janábaiái daje izói ínotiaí. Iemona afe jácieri cuidíridiaí. ²⁰ Abína onóñedimiedío. ¿Jaícina jáidífueña onóacañedio? Dáanomo dáitíicue: Ñue níciduafuedo cíotañega ínuafue jaca ñine táinocaide. ²¹ Cai jáiáigima ímie Abrahana ie íáífuenidimie izóinado Juzíñamui ñue íena jíéruite. Ua Juzíñamui íáífuenidimiena íena ñue líínote. Mei ie jitó Isaac titada Juzíñamuimo fecaca raana izói fecácana jira, daí íena líínote. ²² Jira Abraham ínuafuemo bie uáfueña cíódío. Abraham ie níciduafuedo ie ínuafuena ñue jino cíotate. Daje llezica afe bie níciduafuedo ie ínuafue ñue jaícina móonaiocaide. ²³ Daíí Cuegáuai dánana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci façade: Afémie cuemo ínuafue ñue baite íena íáífuenidimiena cue líínollena, —daide.” Mei Abraham Juzíñamui nabaina mamécamie.

²⁴ Mei áfemona come níciduafuedo Juzíñamui íena íáífuenidimiena líínuafuena ónoítíomoi; dama ie ínuafuemonna líínoñedeza. ²⁵ Afe bifue izói Rahábamo daí íficaide. Afengo jiruíredíngo. Mei íadi énie fidítaraini caimare líínuamonna, íaíoína canode oni jiáígodo ñue íaíoí jáillena. Afe íaíoimo nícidua jira Juzíñamui aféngona íáífuenidíngona izói ñue líínote. ²⁶ Mei daíí omoi ónoígafuemonna llóitíicue. Naga joréñonide abi tíide, afe izói níciduafuedo nabáinide ínuafue ñine táinocaide.

3

Cai fue rafue

¹ Cue ámatiai cacai. Omoimona aillo llófueraímana íacadino izói íñeno omoi iri. Mei jii, nana llófuéridino, cue izóidino baímo izire jicánollícaí.

Afena onódiomoi. ²Nana cai aillo fiénidillegoi finódicai. Dáamie minícana fiénidillegoi ie daináfue mo iñeniadi, afémie ñue comécina figomie, ñue jaícinaidimie. Afémie nana ie abi rairuillana onode. ³Mozíñoragai caballo fue mo cai jóoneadi caina iere íaioi ñinollena, ie ifo oni datállena finóredicai. Afemona nana ie abi diga dájade. ⁴Daje izói áillue jofóredicaemo comeci omoi faca. Afecae jamánomo áillue íadi, afe llezica riírede jairífodo ñuitáicaide. Mei íadi datáraima duera jiza datárabeñodo ie jáiacana diné datáicaide. ⁵Afe izói cai fue ite. Cai abi aillona mei íadi fue duera. Mei íadi afe fue do jamánomo áillue ráfuiái finórede. Uafue duera jiza réicimona áillue icáiena bóotate. ⁶Jae come fue irai izoide. Afe fue mo jamánomo facádonide íaifuiái ite. Afe bie fue Juzíñamui cai abímo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fue mo fieni úrioidino ite. Iemona nana cai caana llezica finótagafuiái bóobicaide. ⁷Ímado nana riíre rílleníai tóirede, féedino, jaíóniari, naa buináizari. Nana áfeníai fibítagaíai. ⁸Mei íadi fue na buna fibítanide. Cai fue do bite íáirede raana jaca buna llícaitanide. Aillo fieni úritadino, titade juia izói cai fue mo ite. ⁹Afe daje fue do cai Moo Juzíñamuimo caimátaioidicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode. ¹⁰Daje fue do caimátaillafue jino bite faidórillaíai diga. Cue ámatíai, cacai. Bifue izói omoi iñeno iri. ¹¹¿Daje jainoi ifómona toráfomona ñúeji eríredíji diga jino tórede? ¡Tónide! ¹²Cue ámatíai, cacai. ¿Noménamona comájina órede? ¡Onide! ¡Jíriconamo cineci llizírede, meita áfena? ¡Lízínide! Afe daje izói cúeredíji naiméredíji diga daje jainoi ifómona toráfomona jaca jino tónide. (Ie jira omoi fue rairuiri, fieni úrillafue o fue do jino bíñeillena. Mei jira Juzíñamui imáciomoi.)

Uáfue na ñue onónafue

¹³Omoimo dáamie onódimie, ñue baitádimie íadi, afe ie onóigafue nágarui ñue ie illáfue do ácatari. Ua ie fibíllafue do fecaca comeci mánaínafue mo ie finócafuiái ciotari. ¹⁴Mei íadi omoi comécimo izire úradoillafue íadi, afe llezica omoi finoca ráfuiaina járidotomoi; bie omoi fibilla abi ñnuafue mo comécíñeno omoi iri. Afe izóidífuíai táinofuiái, uáfue na jáanote. ¹⁵Afe izoide fibíllafue Juzíñamuimona biñede, mei íadi afe fibíllafue bínie comini comeci úrillafue; Juzíñamuina éoidimaci onóigafue; dama Taife ifue. ¹⁶Aillo úradoillafue, jarire uícodo máíñuafue diga illánomo, afénomo aillo júdaizitífue ite naa fiénidífuíari. ¹⁷Mei íadi Juzíñamuimona fibíllafue otímaci nano fue ñe nífuenino macádiaoi. Ie mei afémaci mánaidimaci; ríífué do ocuínediaoi; jáímiemo uícodo comécitadiaoi. Afémaci dúecaillafue na oruídino; ñúefue na finófrédiaoi. Afémaci uáfodo úritimaci; jífuériñediaoi. ¹⁸Comeci ñue uái illáfue mo comúitatino afefue rigájai izói comínido fecádiaoi. Afemona ria llizilla izoide comeci jaícina ñúeitaitino llínotiaoi.

4

Eniemo ite Juzíñamuina éoidimacimo nabáirillafue

¹Omoimo ite fuiríllafuiái ¿ninena bite, júfiduafuiái diga? Omoi fieni comeci óiacanafuiáimona bite. Aféfuíai omoi comécina jaca éoitade. ²Omoi daa raana jítaiadi, áfena ómoimo llínonina jira fatíomoi. Jáíe raamo

omoi úradoiadi áfena ónidiomoi, jira fuiríllano jóbairitiomoi. Omoi jitaiga raa oñédiomoi, Juzíñamuimo jicáñena jira. ³ Afémiemo omoi jicáadi llínoñediomoi, iaire jica ícoinia. Mei jii áfena óiacadiomoi fia omoi caimare íacanafuaimo dotállena. ⁴ Jiáífodo fiénidimacidiomoi. Biniemo ite Juzíñamuina éoidimacimo nabáriacadino Juzíñamui fairíconina jáite. ¿Omoi meita bífuena onóñediomoi? Níimie éoidimacimo nabaina maméidimie Juzíñamui fairícomana dóbaicaide. ⁵ Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoina izói caina izíruite,” daide. ⁶ Mei íadi Juzíñamui caina ríiduafulo baimo caina cánuaibite. Mei jii Cuegáuai daide: “Juzíñamui afe abi ínotinona rairuide; mei íadi comécina mánaidimacina íaioina ríiduafulo íaioina cánuaibite.” ⁷ Juzíñamui anamo mai omoi itábicaire. Taifemo omoi mameri, íemona ómoimona oni bótaiteza. ⁸ Mai Juzíñamuimo ánozillano caimare omoi úriri; afe íbana afémie ómoimo caimare úrite. Íáifueredino, mai omoi comeci íaifuiaí doíri. Juzíñamuina izíruiacadino íemo dáanomo íena éoidimacina izíruitino, mai omoi comeci íáinitari. ⁹ Omoi zúreficaire; omoi cáillcailli eeri. Omoi zadáilla jeme; jiáífodo meídocaire. Afe izói omoi cáimafue zúucaillano méidori. ¹⁰ Cai Ocuíraima Jesucristo uíécomo omoi manánaire, íemona afémie ómoína caifo naidáneiteza.

Cai ama finócafue fienu jicánuafulue

¹¹ Amatíai, jiáimana fienu omoi úriñeno iri. Amana fienu úritimie daje izói ocuífafuemo fienu úrite. Afe izói ámana fienu jicánotimie, daí ocuífafuemo fienu fairíote. Mei jira ocuífafuemo fienu o fairíoadi, jira ocuífafuena íere cacáñedimiedio. Jae jicánoraímana íitio. ¹² Mei íadi daade ocuífafue llotímie; afe llezica afémie jicánotimie. Dama afémie cai jíllotaraíma, jiáie izói afémie cai tánocaitaraíma. Mei, o, ¿níimiedio jiáimamo itífuiaí o jicánodoíllena?

Úreitirui monaíllirui onónide

¹³ Mai bíemo omoi cacai, omoi úrilla uaina daidino. Bie izói daírfrediomoi: “Birui nibai úire jítramo jiáie jófuemo jáiticaí. Dinomo daa fimona fecárizaiticaí, úcube cai óllena,” daidíomoi. ¹⁴ Mei íadi due onóñediomoi úire jiti caimo íitífuena. Mei jii ¿minica mei cai cáatatinona? Cai cáatatinno daallu cíocaizaibite úillie izói. Iemona afe úillie nane tánoicaide. ¹⁵ Bífue izói omoi daírede: “Juzíñamui jítaidi íiticaí. Iemona aféfuena nibai jiáifuena fínoiticaí.” ¹⁶ Mei íadi afe íbana, o dáinana meídoiacañeno nai abi ínocana úritiomoi. Nana afe abi ínuafue fiénide. ¹⁷ Núefuena fínuana onódimie afefue finóñenia afémie fiénidífuemo báide.

5

Ráaredimaci llétafulue

¹ ¡Ráaredimaci, bífuemo omoi cácarei! Cáillcailli eeri, aillo duere finóbillífuiaí ómoimo íteza. Aféfulo duere zéfuitiomoi. ² Omoi ebírede ráaie jae rifaide. Omoi ñuera ínroíllai ícuai güiga. ³ Omoi úcube quenírede ráaniai diga jae éezite. Afe éeíafue fiénidífulue ómoimo nítaite, ie mei bie éeíafue omoi comeci duere fínoite; irai amena cuarítaoina izói ómoína fínoite. Afe birui íraíruimo omoi ráaeniai jae ofítatiomoi. ⁴ Omoi güíllena ónaruíllaido tájítagamaci úcube jeruídiomoi. Afe jeruica úcube ómoimo riire jiáífodo dájecana úrite. Nana nairai íllaima Juzíñamui

bie táijitagamací éecana dáinana cacade. ⁵ Bie éniemo jamánomo ñue ebírede ráaniai ómoimo ífirede. Dani nana omoi comeci jitailla izói ífirediomoí. Fia güillárenamona mero izói farédiomoí. Afe llezica fazílliruimo dúcizaide. ⁶ Nano fueñe nífuenidímacina titátatiomoí, ie mei afémacina fatíomoí. Afe nífuenidíno ómoimo abí zóofetiaioí, mei íadi íaioimo dúcaíñeno fatíomoí.

Comeci járidoñenafue

⁷ Ie jira, ámatiai, cai Ocuíraíma Jesucristo billíruimo comeci járidoñeno omoi iri. Jacáfaimo táijidímie ráifide llizíllaniaína járidoñeno úiñote. Ua nano fueñeide uáici mei nai úiñoide. Íraíe uáici mei afe llizíllaniaína óite. ⁸ Daje izói omoi járidoñeno. Omoi comeci mame; cai Ocuíraíma billírui jae ánozideza. ⁹ Amatai, conímamo ríiriñeno omoi iri, jicánollímacina omoi íñeillena. Mei jí, Juzíñamui dama Jicánoraíma; afémie cai finócafuiái jicánollírui jae ánozide. ¹⁰ Cue ámatiai, uai llórainímo comeci uibíoiri. Íaioí nágarui ñue illafue caímo ácataíteza. Juzíñamui mámecido íaioí úrillamona iere duere zefuídíaoí, mei íadi jaca járidoñediaioí. ¹¹ Duere zefuillafuemona zefuí cácañedíno caímare itíaoí daíífredicái. Jáiaigíma Job ie járidoñenafuena cacádíomoí. Afe llezica Juzíñamui íemo írainímo finócafueña onódíomoí. Mei jí, Juzíñamui cai Ocuíraíma caímo dúcaífirede, fiénidífuíai íba are nínoimo caímo óñeite.

¹² Cue ámatiai cacai. Jamánomoidí fue llóitícue. Juzíñamui mámecí uafue daííllena táínínoimo llínoñeno iri; afe daíí mona mámecí énie mámecí díga táínínoimo llínoñeno iri, ñie jíaíe raana táínínoimo llínuano uafue daííllena daííñeno iri. “Jí” o daíía ñie izói íteza. “Teñede” o daíía íeñeíteza. Afe izói maí omoi úriri Juzíñamui duere omoi fínoñeilleza.

¹³ Omoímona dáamíe duere zefuíafémíe dama Juzíñamuímo úriri. Dáamíe caímare íadi afémíe ñúfue nitada róiri. ¹⁴ Dáamíe iráreía, gairíracó imácímona eicomínína jírizairi, afémíeri Juzíñamuímo íaioí úrillena. Afe llezica afémíemo Juzíñamui mámecido cáiredíjina jóneítiaioí. ¹⁵ Ínuafuedo Juzíñamuímo íaioí úriadi iráredímie jíllóbicaíte, ie mei Moo Juzíñamui íena náidacaítaíte. Íáiredífuíaimo nauí ie baííadi, afe íaífuíai oní dófinamona, ñue nífuenidímiéna Juzíñamui íena llínoíte. ¹⁶ Ie jira omoi íaífuíai jofo conímamo omoi lloiri. Afena jáanoñeno iri. Afe mei conímamo Juzíñamuímo omoi jícarí, íemona ñue omoi jíllóilleza. Fígómíe izire Juzíñamuímo úrillafue iere ríinorede. ¹⁷ Uai lloraíma Elías jíba cai izóidímie. Juzíñamuímo ie úrillado noci bíñeillena Juzíñamuímo jícade. Jícamona jae dafímonaámani átuédo éniemo nocína bíñede. ¹⁸ Ie mei dáanómo Juzíñamuímo jícamona meíne bízicide; áfemona énie naa llízieri zícide.

¹⁹ Cue ámatiai, ómoímona dáamíe ua uáímona oní fiéní nibéfodo jáiadi, jíamíe íena meíne abído atídéna ñuera. ²⁰ Bífuena omoi onóilleza. Fiénidímie ie íáirede íómona meíne atídímie afe fiénidímie joreño tíllanómona jíllotaíte. Afe llezica aillo íaífuíai oní dóficaíte. Jae ñie.

SAN PEDRO NANOIDE CUEGABE Primera Carta del Apóstol San Pedro

Jesumo ñnote ráidozitinomo Pedro cuete

¹ Cue Pédrodicue; Jesucristo orécamedicue. Bibe Jesumo ñnote ráidozinitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniáido júdaizitagaomoi. ² Mei íadi Moo Juzíñamui nizécamacidiomoi. Jaiai ie mamérilla izói, ja ie nizécanodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juzíñamui eróicana omoi jáillena, jae mamécaomoi. Mei Juzíñamui ómoína aillo ézicíteza, íemo comeci caimare uái illafue ómoímo llóiteza.

Juzíñamui daina ñue uáfuenta zúitifuemo caimare comécifiredicai

³ Cai Ocuíraíma Jesucristo Moo Juzíñamuina mai cai íobioitalli. Mei nano fueñe afémie jamánomo caimo dúecaide. Dúecaillano como meine nane caina jéicitaacade. Ie jira Juzíñamui Jesucristona tíidinuiamona meine abido cáatate. Afe Jesús meine cáanamona Juzíñamui ua como meine jéicigacai. Afe bie cai comue dáanomo jéiciinafue ñue Juzíñamui caimo fecállifuemo caina nágarui úiñotate. (Afe fue cai zíñona illifue.) ⁴ Afe fue amena záfia izóíñede. Amena záfia jaca llirífirede, mei íadi afe fue zíñona jaca ñinomo lliríñede. Ua, Juzíñamui ómoína dainafue, monamo ite ñuera feci raa izóidena ómoína onótate. Afena Juzíñamui ómoíena jóoneoide, omoi como meine jéiciamona ico jáíruido omoi maiñóllena. Afe feci raa izóidena, jaca ñiné táinocaitanide. Daje izói afe raa jaca íaidonide. ⁵ Juzíñamuimo omoi ñnuado íemo ite ñuera ríinodo ómoína ríidote. Ua ómoína ríidote, íemo ite jíllonafue dibénemo omoi dúcillena. Afe omoi zíñona jíllonafue afémie ñue ñnode, íirairuillaído jino ñue onótallena.

⁶ Bífuiáido omoi jamánomo caimare itíomoi. Mei íadi dáaruirie jáífodorie duere zefuirediomoi. Afe fue ñibai jabo jitáirede. ⁷ Omoímo ite Juzíñamuimo ñnogafue, oro izoide. Naga oro iraimo facaca, bie ua oro daiíllena. Afe izói ómoímo ite Juzíñamuimo ñnogafue facárede. Caimo íficaífirede facátafuiai oro zia irai izoide. Nana bie facátafuiai mona ñibáinino ñue jino bite Juzíñamuimo ñnogafue, aillo ráífide. Ua afe ñue ñnogafue oro baímo jamánomo ráífide, mei afe oro fúíteza. Mei jira ja daií facátagamie íemo ite ie ñnogafue ñuera. Ie ñnogafue ja ñibáinino ñue jino jailla, áfemona ja figura. Jesucristo cíocaizaíbilliruimo afémie ñue facátagamiena jáite. Dáaruina Juzíñamuimo ite ebírenafue llínoite. Daje llezica aféruimo ñúefuena Juzíñamui íemo nitárede.

⁸ Jesucristona cíóñnediomoi íadi, íena izíruiomoi. Afémiena cíóñnediomoi íadi íemo ñnotiomoi. Afe omoi ñnuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafueri omoi daiílluai íñede. ⁹ Omoi ñnogafue ícoínia omoi comeci jíllona máíñoitíomoi.

¹⁰ Jáíáidígima illáruillaído Juzíñamui uai jino lloraini afe bie jíllonafue riire jicánotiaíoi. Afe dáaruído bie jíllonafuena uáfodo onóillena jicájicanodiaíoi. Afe uai lloraini Juzíñamui ómoímo ñnóllifue uícodo llote.

Ua uire Juziñamui ómoimo dúecaillano ómoimo fecállifuiái raire uícodo llotíaiói. ¹¹ Cristo Joreño afe uai llórainimo Cristo uire duere finóbillifue raire uícodo fidítate. Afe dáaruido Crísto ebire nitállifueña íaióimo daje izói fidítaibite. Afe íaióimo ite Joreño íaióimo lluaíbigafuiái ñue onóillena, comécido jenódiaíói. “Bie lluaíbigafue ¿bume dúide?” daidíaiói. Afe emódomo: “¿Niruido bie llogáfuiái zúite?” daidíaiói. ¹² Iemona Juziñamui jáífueña íaióimo fidítate. Afefue daide: “Íaiói uícodo llogáuaido aféruído itínuaína figo canóñediaíói. Mei íadi nana caína ñue cánoítiaíói.” Daí Juziñamui íaióimo llote. Jae biruúllaído ómoimo llogáfuiái afe bie jaíai llogáuái izói jóide. Birui ñue omoi jíllóilluaina llotino, Ñuera Joreño ríinodo úritiaíói. Afe Ñuera Joreño monámona ana oreca. Afe bífuiaina Juziñamui abi imaci dani comécido onóacadiaíói.

Juziñamui íaifuenino cai íllena ocuide

¹³ Mei jira nana omoi jetáacaga raamo ñue comeci facari. Omoi comeci ñúefuedo omoi úrífireri, mei Juziñamui íco nírui íeiena ómoína uáidoiteza. Ua Jesucristo cíocailliruido Juziñamui ómoimo dúecailluaimo daa áfemo izire omoi coméciiri. ¹⁴ Ocuíllana jíruite úruíai izói omoi iri. Jaíai Juziñamuina omoi ónoñena llezica ómoimo ite comeci jítaíllafue izói, omoi íñeno iri. ¹⁵ Mei birui jáífodo ñue omoi iri. Nana omoi jetáacagafuiaimo, jamánomo ñue íaifuenino mai omoi iri, mei ómoína uáidote Juziñamui íaifuenidímieza. ¹⁶ Mei Juziñamui Cuegáuái daí daide: “Cue íaifuenidímiedicueza, cue izói íaifuenino omoi iri,” daí Juziñamui daide.

¹⁷ Juziñamui illa dígamie íaiói illáfuiái riire jícanoite. Ua illáicomínimo, jamáicomínimo dámie fiéñeno daje izói nana riire jícanoite. Ja birui afe bie Juziñamuina “Cai Moo” daidíomoi. Afemona afémiena mai caimare omoi jacírui. Ua bie éniemo omoi ille dinó bie izói omoi iri. ¹⁸ Mei Juziñamui omoi illa tánofuiaimona ja ómoína jílloteza. Afe ómoimo ite tánofuiái omoi jaíáidígimamona otíomoi. Afe jíllonafue ráifinana ñue onódiomoi. Bie ráifina órodo íbánide. Daje izói plátado íbánide, naa jíáie úcubetunido. ¹⁹ Afe jíllonafue dama Cristo ráífide díedo íbátarede. Mei Jesucristo cruzmo, íainide boáfenide ovéjatiru izóidímie, Juziñamuimo fállena fecaca. ²⁰ Jaíai nínomo bie énie nai cómuítañenia Cristo daí mameca, mei íadi are illa ícoimo, benó cai illa llezica, afémie cíocaizaibite ñue omoi íllena. ²¹ Afe bie Crísto Juziñamuimo ínotiomoi. Tíidimacimona Juziñamui bie Críston meine cáatate. Afe méifodo Juziñamui ñúefue íemo nitade. Afemona afémiedo Juziñamuimo ínotiomoi. Afe izói ja Juziñamuimo izire coméciidíomoi.

²² Ja birui ua llogáuaina Ñuera Joreño omoi jíeruillamona omoi comeci íaifuiái muiñódiomoi. Afe omoi comeci íaifue múiñuamona omoi ámatiaína uáfueña nahí izíruiediomoi. Afe daí conímana mai omoi comécido, naa omoi ríinodo izírui. ²³ Mei jíi, como meine jéicigaomoi. Come mómona meine jéicíñegaomoi mei tíitíaióiza. Mei íadi Juziñamui uaido meine jéicigaomoi. Afémie uai jaca nínomo féíñeno zíñona ite. ²⁴ Jaíai Juziñamui Cuegáuái daje izói llote. Aféuai daide:

Nana bíniemo ite náraimona illa dígamie jaca ráitíai izoide. Íaiói jamánomo jalléinafue ráitíai záfia izoide.

Afe ráitíai dúifirede; dúillamona ie záfia uaide.

²⁵ Mei íadi cai Ocuídímie uai féiño jaca zíño ite.

Afe bie uai, ua ómoimo lloga ñue jíllona uai.

2

¹ Mei jira nana ómoimo ite éoicana finócafuai fáicanocairi. Daje izói jíaimana o jífueacanafue abido oñeno fáicanocairi. Comeci íáirena mei, emodo ífuedo comínina ñue úritímie izóidífue omoi féitari. Daje izói jíaimamo omoi úradoño iri. Afe mei naga jíaimana ebena úacaillafuiai mai omoi féitaziri. ² Mei afe méfodo como jococa úrue izói comece náiretaite jirolle jenori. Ua, monoí ii jírua izói Juzíñamui lloga íainino, juánide uailai mai izire omoi jenori, nágarui áfemo omoi comécillena. Afedo ñue riire móonaitiomoiza. Daje izói aféuaido nanómona omoi ínoia, jíllaitiomoí. ³ Ua daí omoi jenori, mei cai Ocuíraima comécina ñuenana onódiomoiza.

Jesucristo cómena zíño caátate nofici izóidímie

⁴ Ie jira cai Ocuíraimamo mai omoi ánoziri; afémie cómena caátate nofici izóidímieza. Afémie comínimona fiénide nofici ruifíruillano oni dotaca izóidímie. Mei íadi Juzíñamui dibénedo afémie iere ráífide nizeca nofici izóidímie. ⁵ Afe izói omoi caátate nofici ízóidímaciomoí. Iemona Juzíñamui ómoína óiacade, ie cióñena ua ífrenaco níllena. Afemona abina omoi rairuíño iri. Daje izói Juzíñamui íeiena mameca, Juzíñamuimo comínido úrirainina dáaziena ómoína jóonecade. Daí omoi jáillemona, uaido Juzíñamui íóbillena fecácafue íemo Jesucristodo fécaitiomoí. Afena Juzíñamui jeire óiteza. ⁶ Cai Ocuíraima Jesucristo bie nofici izóidímie. Ie jira Juzíñamui Cuegáuai uícodo daje izói llote; aféuaido Juzíñamui daide: Afe cue irácomo, ñi Sión daínácomo, dámie jóneticue.

Afémie iere ráífide nizeca ñue riire mozóide nofici izóidímie.

Nana afémiemo ínotino meáidaiño táinomo fáifíñeítaióí, daide.

⁷⁻⁸ Ja birui afémiemo ñue ínotímaciomoí. Omoiri bie nofici izóidímie jamánomo ráífide. Mei íadi afémiemo ínoñeite comini, éicitaila izói, afémiemo baídiaíoi. Ua Cuegáuai benomo daína izói ja íaioimo zuide. Aféuai daide:

Afémie éicitaitate nofici izói ite.

Ua áillue nofici mo éicitáide baílla izói afémie íemo ínoñedinona baítate. Mei afe llogáuai jeire oñenamona, éicitaidímie izói baídiaíoi. Afe íaíoi baílle jaiái ninomo daí mamécamaci. Daje izói afe ñue riire nofici izóidímiemo íaíoi ínoñenamona nane jíáie daínáuai íaíoiimo zuide. Íaíoi ínoñegamie dibénedo aféuai daide:

Jofo níraini oni dotaca nofici jae ua riire mozóide nofici izói jaide.

Juzíñamuimo jaináidímaciomoí

⁹ Mei íadi nizécaziédiomoí. Afe izói Jamánomoidillaíma Juzíñamui iédiomoí. Juzíñamui ocuífírega afémiemo comínido úrirainidiomoí. Afe emódomo Juzíñamui ñue finoca ie ocuífírega náiraidiomoí. Daje izói dama Juzíñamuimo jainaide comínidiomoí. Bífuiái bie izói jóide, Juzíñamui cai jíllóillena uaido jamánomo ebire finócafuai jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jíirite. ¹⁰ Jaiái illáruído Juzíñamui ómoína daide: “Cue

comíniñediomoi,” mei íadi ja birui Juzíñamuimo jainaide náiraidiomoi. Jai-
iai ómoimo buna dúecaiñede, mei íadi birui Juzíñamui duéruigamacídiomoi.

Afe jaináidino Juzíñamui tájitagana itáiao

¹¹ Izíruiga ámatiai, Juzíñamuimo ínoñedino cígiri itómoiza, jicánemaci
izóidiomoi. Ie jira izire jicádícue, bie éniemo ite táinomo come abi
jitailla fiénidífuiaimona mai abí omoi rairuiri, mei afe abi jítáinafuiai omoi
comécimo bacáuaina íoideza. ¹² Juzíñamuimo ínoñedino cígiri omoi illa
dinó ñue illa dibénedo mai omoi iri. Mei birui afémaci fiénidímacídiomoi
izói, ómoína uáitaoidíaoi. Mei íadi afe ómoína uáitaoidino, omoi ñue
illáfueña íaoi ciónamona, nibai íaoi comécimo ite fiénidífuiai ñúefuina
méidoitíaoi. Iemona Juzíñamui íaoína dúecaizabillíruimo afémaci daje
izói Juzíñamui íóbioitaitíaoi.

¹³ Cai Ocuíraimana ícoínia, nana comíni jóonega ríimaci anamo, mai
omoi itábicaíri. Daje izói jabóidíllaíma nahíllaíma anamo omoi itábicaíri.
Afe nahíllaíma jamánomo ocuídímie. ¹⁴ Afe nahíllaíma oreca jabóidíllaíni,
fiénidínona duere fínoitíaoi, mei íadi ñúefue dibénemo itínona ébitaitíaoi.
Iemona íaoi anamo ífireíri. ¹⁵ Mei jira Juzíñamui ñue illáfueño omoi íllana
jítai, áfedo abina onóñedímaci, comécínino úritímaci diga íaoi táinodo
úrillauai omoi fáinocaitallena.

¹⁶ Ráiruíñegamaci izói ñue omoi macari. Mei íadi afe omoi
rairuíñenafuedo fiénicana abina omoi ínoñeno iri. Dáarie afe
rairuíñenafuedo abí ínuamona fiénidí fue finóacadaíaoi. Afe izói omoi
íñeno iri. Mei íadi Juzíñamui izire rairuica tájitagano izói omoi macari.
Daí omoi íadi iere ñuera. ¹⁷ Dáamie jámairuíñeno nana íaoi íllaze ñue
caimare jacíruioiri. Nana ámatiaína daje izói omoi izíruiri. Juzíñamuimo
ñue izire omoi jacíruioiri. Daje izói nahíllaímana uáitañeno ñue omoi
jacíruioiri.

Cristo nauí duere zefuúllafue afe izói cai íllena caímo cíotote

¹⁸ Tájitagamací, omoi ocuídímiaina ñue jacíruioicana íaoi anamo
mai omoi itábicaíri. Omóimo dúecaífirede caimare ocuídímiái, mai íaoi
anamo itábicaíri. Daje izói jíaie riire tájítate ocuídímiái anamo mai omoi
itábicaíri. ¹⁹ Nágamiái taino abíri duere zefuútaadí, mei íadi afe llezica
Juzíñamuimo comécínamona afémaci nai caimare ía, afe Juzíñamuina
íóbitade. Juzíñamui ñue facátainafue afémacimo jóoneite. ²⁰ Mei jíaífodo
fiénidí fue omoi finóadí, íemona ómoína duere íaoi finolle llezica nai
járídoñeno omoi ía, onóígaza afefue figo jínoñeite. Mei íadi ñúefue omoi
fínuamona ómoína duere íaoi zefuútaadí nai járidoñeno omoi ía, ja omoi
illafue Juzíñamui eróicana figura. ²¹ Ua afe daí omoi íllena Juzíñamui
mamécamacídiomoi. Mei jíi omoi ícoínia Cristo iere duere finócaza. Afe
ie duere zefuúllafue omoi fidítate, afémie illa izói omoi íllena. ²² Afémie
jaca due fiénidí fue finóñede. Daje izói jaca buna jífueñede. ²³ Fiénidíuailíai
Jesumo íaoi nita llezica, íba olle fiénidíuailíaina afémie lloñede. Izire
íena zefuútatíaoímo, Jesús riire íbana otátañede; mei íadi dama afémie
Juzíñamuimo dama íe uai jóonete, mei Juzíñamui ñue jaícina jóonefirede
riire jicánoraímanaza. ²⁴ Daje Cristo cruzmo illa llezica, dama íe abído cai
fiénidífuiaína abíocaiga izói uite. Ua afémie cai fiénidífuiaí uiga, aféfuiaí
dibénemo tíidínuaí izói cai íllena. (Daí aféfuiaína fínoñeíticái.) Mei afe

méifodo, nífuenino Moo Juziñamui io dibénemo ñue jaícina íredicai. Afémie aillo bofécamiéna jaide ñue jíllotagamacina omoi jáillena. ²⁵ Naui úiñoñega júdaizite ovejai izói ebena macádiomoi; mei íadi birui Crístomo ja meine abido dúcdiomoi. Ovejai úiñoñeima izói afémie ómoína úiñoñefrede. Afe izói afémie omoi comeci rairuítagamie.

3

Airedino iníredino diga íaioi ñue íllena llétafue

¹ Nana ríimaci anamo cai itábicailla izói, nana ómoimona iníredingotíai dani omoi inítíai anamo ñue omoi itábicairi. Mei omoi inítíaimona níbai dáríe Juziñamui llogáuaina nai íinoñediaoi; mei íadi omoi ñue illáfuea íaioi cíónamona, íaioi comeci ífue níbai ñúefuena méidotaite, jíáie uáillaina nai omoi llóñeniadi. ² Ua omoi íaioi anamo ñue íáinino itábicaillafue áfena íaioi cíónamona, daje izói Jesumo ínoítíai. ³ Jamáingotíai fiérilla izói mai omoi fiériri. Mei aillo jino abimo jitaca raa izóidedo fiériñediaoi. Mei jira fia abi fiédua ráifide oro finoína raana jíatáñeno omoi iri. Afe izói jamánomo féirede ífótíi nállado fiériñeno iri. Daje izói aillo ráifide iníroína jíatáñeno iri. ⁴ Mei íadi omoi comécina ebire fiérilla izói ñue omoi finori. Afe omoi comécina mánainafuena járidoñenafue diga omoi fiéríta afe iere ñuera. Afe bie féíñede ebíredíufue Juziñamui eróicana jamánomo aillo ráifide. ⁵ Afe daí íaiáidinomo ite Juziñamuimo ínoñefrede íáífuenidingotíai comécina ñue fiéritadiaoi. Afe llezica íaioi inítíai anamo ñue itábicaidiaoi. ⁶ Ua daí Sara Abraham daináfuea jeire ote. Afe daí úamona afengo íena: “Cue ocuíraimadio,” uáidoñefrede. Ja birui nífueo omoi jacínaiño, ñúefue omoi jeire oía, Sara izóidingotíaina jáitiomoi.

⁷ Afe dáanomo nana ómoimona áiredimíai cácarei. Caimare omoi áítíaimo comécíillano, dani íaiomoi dúide ñúefuena íaiomoi nitari. Mei ringóníai íima jofófemo jabóicana mairídeza. Daje izói Juziñamui ómoimo dúecaillano fecaca zíñona illífue, dájeze ringóníaimo fecaca. Afemona cáimafuedo íaiomoi úrredíomoi. Afe izói omoi iri, omoi Juziñamuimo úrilla uai jíziñeilleza.

Ñue omoi illa ícoínia duere zefuítagaomoi

⁸ Nana bífuiaimona daa ráifíduaido nana ómoimo úritíue. Mai dáafueo comeci fácano, conímana caimare omoi canori. Daje izói conímana omoi duérui. Ua nahí ámatíai izói conímana omoi izírui. Come dúecaillano comécina mánaidimacina omoi iri. ⁹ Daje izói fiénidífue comuía afe íbana oñeno iri. Afe izói báíñuafue comuía, íbana báíñoñeno iri. Mei jíáífo dájecana ñúefue íba íaiomoi oíri; Juziñamui ómoína íe ñúefue llínollena mamédeza. ¹⁰ Mei jíi; Juziñamui Cuegáuai bie izói daide: Biruílaido ñue illáfuea ízíruitímie, caimare are íacadímie diga, fiéni úrillafueomona mai íe fue ráíruíteza. Afe izói dámie caimare íllado are íacade íe fue rairuúdeza. Iemo daje izói táinofuíaina mai afémie llóñeíteza.

¹¹ Fiénidífuiái afémie fáicanocaillano mai ñúefueo comécíteza; Iemo conímana comeci caimare uái illafue jenórede. Afe mei afémie nágarui áfeodo jáiredeza.

¹² Mei cai Ocuíraíma comécina jaícina jóidimacina rairuíllano ñue úiñoñeteza. Daje izói afémiemo íaioi úriadi, íaiomoi cacáreide. Mei íadi fiénidífue finódinomona íe uíeco oni jíicaide.

13 Jáiimamo ñue finóllino jaca izire omoi jenóadi, ¡raamo omoi jírítaitimiena íñeite! 14 Mei íadi omoi jaícina ñue illáfuedo omoi duere zefuí daií, caimare ítíomoi. Buna jacíruiñeno iri; daje izói áfedo comeci llícitaiñeno omoi iri. 15 Mei íadi Cristo omoi comécido nahí Ocuídillaimana mai omoi mameri. Mai uícomo ñue omoi finóbiri, ómoimo ite úiñogafue jicánótímaci uai omoi ólleza. Mei íadi jacíruióicana comeci mánainafuedo afe fairíoina uai omoi óiri. 16 Omoi illafue ñue jaícina mameri, omoi comeci úrillafue nífuenino uái illena. Ja Crístomo omoi ínuamona, omoi illafue ñuera. Afe omoi ñue illáfuedo fiени úritino ite. Ie jira ua omoi abi illafue ñue jaícina jónefireiri, ómoimo fiени úritino dani íaiói fiени úrilla uáillaíri meádaillena. 17 Juzíñamui jítáiadi ñúefue ícoínia duere omoi zefuíadi afefue ñuera. Juzíñamuina íóbitade. Mei íadi omoi fiени finócafue ícoínia duere omoi zefuíadi afefue figo jínoñede. Afefue Juzíñamuina íóbitañede.

18 Mei dama Cristo cai fiénidífue ícoínia, dama abido tíiñellinomo, dácaíño duere zefuúllano tíide. Afémie iere fígomie, mei íadi cai fiénina ícoínia cáiconi duere zefuízaíbite, Juzíñamui illánomo cai jáillena. Ie abi íeizi dibénedo titácámie, mei íadi Juzíñamui Joréñodo meine abido cáadímie. 19 Ie mei Cristo ie joréñodo, nai meine caífo náidañena llezica, jáiinomo íbaicoga tíidino joréñuai afémie llétajide. 20 Bimaci jaiái ninomo Noé illáruido llogáuaina jíeruiñedino. Aféruillaido áillue nocáe Noé finua llezica, fiénidino duere finólliruimo Juzíñamui comeci raire járidoñeno, fíaicana áfemo úiñoide. Afe áillue nocaedo nana dane ocho dígamie jíllodiaíoi. Ua Juzíñamui izire comini duere finuamona, afe aillo jainoi cígimona jíllodiaíoi. 21 Afe jáinoimo cai uibíllano, íaiói jílluafue caina onótate. Ie jira afe jainoi báutiza jainoi izoide; mei báutiza jáinoido fiénidífuemona cai jílluana onótagacaíza. Bautismo ráifinafue fia abi íaífue duáfueñede. Mei íadi ñue íainide comeci úrillafue Juzíñamuimo cai jícafue dibénemo bautismo ráifinafue comuide. Afe íainide comeci úrillafue afémiemo jicáredicai, mei Jesucristo tíide meine cáanafuedo jíllotagacaíza. 22 Afémie meine cáaillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaiói, naa jíaíe ríimaciri. Ua nana máirimaci baimo afémie ríinorede.

4

Juzíñamui caimo fecaca eróicana, come máirie illa dieze, íemo tájiredicai

1 Mei jira, Cristo dama ie abido duere zefuilla izói, dani omoi abina Crístodo duere zefuúllena daií finóbirediomoi. Afena rairuíñeno omoi iri. Mei Cristo ícoínia abina izi cácatagamie abido fiénidífuiaina finóacañede. 2 Iemona nana ie cáanaruillaido Juzíñamui comeci jítainafue izói iite. Afémie bie éniemo jaináidino comeci jítáioinafuiaina fuitállena jénoñeite. 3 Afe Juzíñamuina onóñedino gáinafuiái izói jamánomo jaiái ninomo are omoi illa ja daií itíomoíza; meine daje izói iñeno omoi iri. Naui aféruillaido fiénidífue diné jaináidiomoi. Omoi comeci fiени jítainafuiaimo íoidiomoi. Daje izói jamánomo fiénidífuiái omoi jíruamona jífáifirediomoi. Omoi dáanomo aillo güilláruillaido fiénidífuiáiri failíñafirediomoi. Daje izói jánaraimo gairífrediomoi, afe jánarai íóbitallena. Daií gairíllano aillo bie izoide

íaiſuiai finóſirediomoí. ⁴ Ja birui bie Juzíñamuina onóñedino, ja aillo jamánomo íaiſue dibénemo itíaiói. Iemona íaiói omoi fieni nabáñenari, fáigacaidiaíói. Iemona ómoímo fieni úritiaíói. ⁵ Mei íadi afe fiénidimaci íaiói comeci ífue jino Juzíñamuimo llórediaíói naa íaiói finócaſuiaiíri. Ua cáadino tíidino diga afémie íanori íllamona iere riire jicánoite. ⁶ Mei jii, Juzíñamui daina jíllona uai tíidimacimo uícodo llotátaga, afe tíidino joreño dibénedo Juzíñamui illa izóí íaiói íllena. Jíái íemo baimaci, nana bínie comini tíilla izóí tíítiaíói íadi, ja Juzíñamui illa izóí cáaitimacina írediaíói.

⁷ Ja naga ráſuiai fuizáíllinomo áinozide. Mei jira ñúefuemo coméíidimacina omoi íri. Afe izóí Juzíñamuimo ñue úrillafuemo jifánodoñeno izire omoi facáoiri. ⁸ Omoi finoca naga jíáie raa baimo, conímana iere omoi izírui; mei izíruiſue aillo íaiſuiaiina enínaitaga izóí niné féitateza. ⁹ Conímaíaina ómoímo mácaíbitinona diga, omoi jofomo comécido ruifíruíñeno caimare llínofíreiri. ¹⁰ Illa dígamaci Juzíñamui ómoímo iga táijina ríino daina izóí jíáimana canórediomoí. Afe izóí omoi íllamona Juzíñamui ómoímo fecaca jíáfodo onóígaſuiaiina ñue dájerize fecáramacina ítíiomoí. ¹¹ Dámie uailai jino llóiacania, comini llóſuellaena, Juzíñamui daina uailai jino llórede. Dámie jíáimana canóadi, Juzíñamui fecaca ríinodo canórede. Nana omoi táijinaſuedo ñúefue Juzíñamuimo nitárediomoí. Jesucristo cai diga íllamona daíí Juzíñamuina íóbitaredicai. Mei afe Críſtomo nana ebirede ñúefue, daje izóí ríino diga jaca afémiemo zíñona dúideza. Aqué izóí jóideza.

Jesucristo cai jainaina ícoínia duere finócanodicai mei íadi meáíruíñedicai

¹² Izíruiſa ámatiai, ómoímo cómuite izire facátainafueri fáigacaiñeno íri. Aféſuiaiina jánaídíſue daííñeno íri. ¹³ Mei jíáfodo aféſuemo omoi caimátaíoiri; ja Críſto duere zefuíllaſuiai dibénemo dúirediomoíza. Afe izóí omoi íadi, Jesucristo ebire bíllana omoi cóíllemona jamánomo íóbicaitíiomoí. ¹⁴ Críſto ícoínia omoi íaiói báíñoia, cáímafue dibénemo ítíiomoí; mei Juzíñamui ebírede joreño úicaígaomoíza. Omoi báíñotino Críſtori fieni úritiaíói, mei íadi omoi dibénomona ñúefuedo íemo úritíiomoí. ¹⁵ Omoímona dámie duere zefuíadi, come fáſíredímie, mei níbai meríríſíredímie dibéſuemo duere zefuíñeno íri. Daje izóí íáíbadímie, jíáie come íſuemo gágutajidímie dibénemo duere zefuíñeno íri. ¹⁶ Mei jíáfodo, Críſtomo íñotínona omoi mameína ícoínia, duere omoi zefuíadi, áfena meáíruíñeno íri. Ua meáíruíñeno aféſuerei Juzíñamuina omoi íóbioitari.

¹⁷ Mei ja Juzíñamui cai lletállíruimo dúcizaide. Ua dani Juzíñamuimo jáinaídínomo jáicina llétafue fueñe táiniaide. Mei afe jáicina llétafue daíí caimo tainéiadi, ¿nie izóí Juzíñamui llogáuaina jeire oñedino, íraíruimo dúcille llezica, íítiaíói? Afémaci lletállíſue jamánomo riire zúite. ¹⁸ Fígomaci dibénemo jíllóillíſue juare ia, Juzíñamui ñue jacíruiñedino jíllóillino iere féirede. ¿Nie izóí níbaílliaíói? ¡Níbaíñeítiaíói! ¹⁹ Ie jira Juzíñamui comeci jítailla izóí duere zefuídino, naga ñúefuiaiina finócaícaírediaíói. Afe llezica íaiói coméciaí Juzíñamuina rairuítaírediaíói. Mei Juzíñamui méidoñeno íñofíredímieza, íaiói comuítatímieza.

5

Crístomo ñnotino llóina uai

¹ Omoi gairífrena cígimo ite ocuide eicomínimo cue llóina uai llóiticue; cue ja afémaci izóí eicómedicueza. Daje izóí Cristo duere zefuilla uai nabáidimiedicue. Ico nírrui Cristo bille llezica ie ebíredifue cíocailliruimo, afe ie ebi omoi cácaille izóí, afe izóí ie ebi cácaiticue. ² Nana omoi uai anamo itínuiái ñue íaioina omoi úiñori, oveja úiñoraíma ie ovéjaíai úiñua ízoí. Ráairuñeno, Juziñamui jitailla izóí, omoi comeci figónamona íaioina omoi úiñori. Jiáima izire ocuilla izóí íaioina omoi úiññoeno iri. Dama úcube óllena úiñua izóí íaioina omoi úiññoeno iri. Dama omoi comeci óiacana izóí caimare omoi táijiri. ³ Omoi uai anamo itínona riírerie comécina éoide comini úiñotimie úiñua izóí omoi úiññoeno iri. Mei jiáfodo omoi illafue ñue jaícina omoi mameri, omoi illa izóí íaioí ílleza. Mei daií ñue illafue fueñe íaioimo jino llotímiediomoíza. ⁴ Afe jira Nahí Uiñoraíma Cristo cíocailliruimo ebírede ñúefue ómoimo nítaite. Afefue jaca nínomo féiñeite. (Comini dibénemona cómemo fecaca raa, jamánomoidimie daiíllena, fia rábiai finoína ífo icuifoí. Afécuifoí etuda niné táinocaite, mei íadí omoi maiñóredifue jaca niné táinocaiñeite.)

⁵ Afe daje izóí, jitócomini, mai omoi ocuide éinamaci ñuera ríuiai anamo itábicairi. Ua nana omoi conímana comeci mánainafuedo daje anamo dájena itábicairediomoí. Mei jaíai Juziñamui Cuegáuai daide:

Juziñamui, nana fieni abí ñnotinona uáitaoidé; ua íaioímona ie uíeco oni jícaide.

Mei íadí nana comécina mánaidinona afémie dúecaifirede.

⁶ Mei jira Juziñamui ñue riírede uai anamo riíriñeno comécina mánaidimiena omoi iri. Afemona ie comeci daiílliruido afémie ómoína jamánomoidimiena jóneite. ⁷ Nana omoi izire comeci líicidífuíai Juziñamuimo uáfodo lloíri; mei afémie ómoína iere rairuúdeza.

⁸ Ñue cáadimie izóí abí omoi rairuíoíri; mei cai bacáuai ímie Taife caina jenódeza. Ua jufíruite jánallari rille jénua izóí afémie caina jenódeza. Ua jenode caina fiénidífuemo ífóllena. ⁹ Afémiemo omoi ñnogafuedo izire uáitaocana abí omoi mameri. Mei nágagobiaímo ite omoi ámatíai dáafueri duere zefuídíaoíza onódiomoíza. ¹⁰ Mei íadí nano íanóri duere omoi zefuilla mei, Juziñamui meíne abido caimare duere zefuñena dibénomo ómoína itátaite. Afe llezica íaífuemo comécina féitanide cómena ómoína mámeite. Ua dáaruido ómoína riire nibáñino nabéfuena náretataite. Afe daje Juziñamui fiénidífuemona abí rairuillafuena cai íte, naa jiáie canóinafuíairi. Dáamie íemo ite ziiño ebírenafuemo ebi cai cácaillena, afémie áfemo caina mamede; mei Jesucrístomo cai jaináillamona, áfemo ebi cácaíticai. ¹¹ Uafue, afe Crístomo nana ebírede ñúefue, ríino diga jaca ziiñona dúide. Aquíe izóí íteza.

Iraífuena facádua uai

¹² Bie íanóri cue cuegabe Silvánodo ómoimo orédicue. Afémie ñue ñnofirede ámaza comécido onódicue. Afe bibedo ñúefuemo omoi íllena omoi llófueticue. Ja aillo Juziñamui ézicígafuíaína jeire otíomoi. Iemona afémie ómoína iere izíruíteza ua onódiomoi. Aféfuedo riire nibáñino ómoína mamédicue, uáfodo omoi onóíllena. Bífue nágarui jaícina jeire omoi oíri.

¹³ Babilonia jófuego ite Juzíñamui gairídino, Juzíñamui omoi izói eneno nizécano, ómoimo uailai orédiaioi. Daje izói cuedo jáicadimie Marcos ómoína uáidote. ¹⁴ Nahí ámana izíruilla izói caimare conímana omoi uáidori. Nana omoi Jesucristomo jaináidinodíomoiiza, mai caimare uái omoi iri. Mai; jae nñe.

SAN PEDRO MÉIFODO CUEGABE Segunda Carta del Apóstol San Pedro

Jesumo ñnotinomo Pedro cuete

¹ Cue Simón Pédrodicue. Jesucristo ocuífregamiedicue. Daje izói ie oréfregamiedicue. Iere ráifide ñnuafue jeire otinomo bibe cueticue. Omoi ñnogafue daa cai ñnogafue izói ráifide. Aféfuena ja fairíotiomoi, mei cai Jíllotatimie Jesucristo Juzíñamui diga comécina ñue jaícina jóidimieza. ² Cai Ocuíraima Jesús, Juzíñamui diga, omoi onónamona diga éziciafuiai, daje izói comeci caimare uái illáfuiai dibénomo omoi iri.

Crístomo jaináidinomo ite nie izóidifuiai

³ Nana cai comeci jitaica raa, Juzíñamui iodo caimare cai jáillena Juzíñamuimo ite rínodo caimo fecaca. Afémie cai ie fidítamona bífuiaina caimo ite. Ua dama íemo ite ññuefuiaido afémie caina íemo ñnotade. Daje izói ie fáigacailla ebire finócafuiaido íemo caina ñnotade. ⁴ Iemona ie jífueñeno fecalle uai caimo llote. Bie caimo llogáuai iere aillo ráifide uai. Afe uáillaído Juzíñamui illa izói íitiomoiiza. Nana comini íaifue dibénemo fieni comeci jítainafuiaido uigámaci; mei íadi Juzíñamui ómoimo llogáuaido afe íaifuemona jae jíllodiomoi. Iemona Juzíñamui ñue illafue dibénemo íitiomoi. ⁵ Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶ afe caimare fibíllafuemo, dama abina rairuillifue omoi nabáicana uiri; afe dama abina rairuillafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare coméçillifue dájemo nabáicana uiri; ⁷ afe Juzíñamuimo caimare coméçillafuemo ámatiaina duéruillafue dájemo nabáicana uiri; afe ámatiaina duéruillafuemo nahí izíruillafue mai izire dájemo nabáicana uiri.

⁸ Nana bie izói daináfuiai jeire omoi óiadi, afe llezica aféfuiai ñue omoi mónaitaiadi, omoi illafue táinomo báiiñeite. Daje izói cai Ocuíraima Jesucrístona omoi onónafue táinoñeite. ⁹ Mei íadi bífuiaina jeire oñédino uínidimie illa izói ite; jica cióñeno áinori ciódimie izói ite. Jaiái ie finoca fiénidifuiai dóinamo ja coméçíñede. ¹⁰ Mei jira, ámatiai, Juzíñamui uáidota eneno nizécamacidiomoiiza onódiomoiiza. Iemona jíeredimaci izói omoi iri, aféfuiai omoi comécimo riire amena jáinao izói illena. Afe izói omoi íadi, jaca Cristo íomona oni ñibéfodo jáiñeitiomoi. ¹¹ Bifue daína izói omoi íadi, cai ocuide Jíllotaraíma Jesucristo zíñona illáimana illánomo, rairuñeno caimare jofu uáidolliomoi.

¹² Mei íemona bífuiaimo omoi coméçioitaiticue; aféfuiai onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina coméçioitaiticue. ¹³ Bie ñue llóinafue uáfodo ómoimo cue lletalle nai cue jáicana llezica, cüemona ñue jaícina cíoide. ¹⁴ Mei jii, nauí cai Ocuíraima Jesucristo benó illa llezica, raire cue tállano bie éniemo cue íñeillaena cuena daide. Afémie cuemo llua izói ja raire íficaite. ¹⁵ Ie jira birui nana cue rínodo llófueriticue, cue tilla méfomo bífuiaimo jaca ñue omoi coméçillena.

Pedro Cristo jamánomo ñuera ébifueña ciónana jino llot

¹⁶ Naui cue nabáñiaí cue diga cai Ocuíraíma Jesucrístomo ite ñuera ríino ífueña omoí llófueticaí, ie meine abido billífue diga. Nana afe llófueinafuaí dani cai comécimo comuídifueñede. Táinofueña lloñédicaí, mei íadi dani cai uído ie jamánomo ñuera ébifueña ciónodicaí. Iemona uafue lloticaí. ¹⁷ Te Moo Juzíñamui íemo ñúefue nítana, jíaíe ebíredífue íemo fécana dani cai uído ciódicaí. Juzíñamui ebire ie uáido daide: “Bie cue izíruiga jító. Afémieri iere íóbioídícue,” daide. ¹⁸ Aquíe izóí monámona Moo dáinana dani cai jefodo cacádicaí; mei afe ñue eneno nízeca ídumo afe cai Ocuíraímaíori jáídicaíza.

¹⁹ Bie como cai llogafue baimo, jíaíe nahí ua llogafue ite. Bie nahí uafue jaíai uícodo uai jino llóraini lloga ciegáuai. Afe ciegáuai cai llogáuaina nabaide. Bínie nai jítífomo illa llezica bíuaina ráiruñeno iere jeire órediomoi. Aféuai mechera naio bóua jítífo egáñua izoide. Ua aféuai nai mona mónañenia, jítífo egáñua izóí omoí comécina egáñote. Afe mona monailla llezica monáiracudu izóídimie billano, omoí comécina ñue jáícina déitaite. ²⁰ Mei fueñe bífueño omoí coméciri: Ciegáuailaimo ite uícodo jino lloga daínafuaí dama afe uai lloráimamona llóñega. ²¹ Mei onódicaíza, uai llóraini jaca dani íaíoi comeci jítainafuaído úríñediaíoi. Mei jáífodo afe Juzíñamui íeíena maíñócamaci afémie dibéfodo úritiaíoi; mei Ñuera Joreño ífócaíaióiza.

2

Táinofuíaína llófueñiredino
(Jud 4-13)

¹ Mei íadi afe dáaruillaído Israel comini cígiri táinofuaí jino llóraini ite. Afe izóí omoí cígiri táinofuaído llófueritino íite. Afémaci dani fieni finode ífoci úrillafueña báinino omoí llófueítiaíoi, comini Juzíñamuimo íaíoi íinogafue féitallena. Daí aféuáido íaíoiña jíllotaite Ocuíraímana jáanoítiaíoi. Afemona íaíoi niné raire táinocaillífue dani íaíoiño zúite. ² Íaíoiño ite féñidífue dibéñedo aillo comini jáítiaíoi. Dani afémaci ícoínia cai ua ñue jaille iori fieni úritiaíoi. Bie ñue ua cai jaille io Juzíñamui ñúefue. ³ Íaíoi aillo úcube llínoiacanamona, táinofuaído omoí íaíoi jífuiado úcubena llínoítiaíoi. Mei íadi íaíoi niné táinocaitaimie, íaíoi finócafuaína cíoiñano daí íaíoi táinocaillífueña fáicanocaiñeno maméoi. Mei jaíai ninomo íaíoi duere finóllena mamécaíaióiza.

⁴ Juzíñamui abi imácimona dáarie fiénidífueño baídíaíoi. Afémaci íaíufueña Juzíñamui doñede. Doñeno duere zefuille iraimo íaíoiña orede. Jítífomo íaíoiña fiénocaide. Dinomo íco izire jicánolliraimo baí óllena cuinácaíaióoi.

⁵ Daje izóí Noé illágima llezica fiénide comini íaíufueña Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náiraímona dama Noéna naa siete diga ie comíniri Juzíñamui jíllotate. Afe Noé jáícina ñúefuedo íaíoiña lletade íadi jamáiena faitíaíoi.

⁶ Bífue mei, daje izóí Juzíñamui Sodoma jofue, Gomorra jofue imaci diga niné táinocaitate. Ua nana íaíoi jofue bóua mei, daa ímuícaí fiébilla. Ua daí izire niné táinocaitate, ie méífodo fieni íitino, bífueña cíoiñano, Juzíñamui fiénidino izire duere finófirede daíllena. ⁷ Afeno bóocuamona

Lot dainámie comeci ñuénado íena jíllotade. Lot afe íáirede comini fieni illáfueña ie cionamona ie comeci jamánomo zúucaide. ⁸ Bie comécina ñúemie Lot, nágarui fiénide comini cígiri ie íllari, íaioi fieni finócafuiaína ciode; íaioi fieni úrillafuiaína cacade. Aféfujai ie ñuera comécina zuure finode. ⁹ Daií cai Ocuíraima nana íena ñue jacíruintino íaioi comeci fieni facátafuiaimona íaioi jíllóillena ñue onode. Daje izói afémie nana fiénidino ico íraicaiño iere jicánolliruimo duere finóllena oni eneno jóoniana ñue onode.

¹⁰ Nana íaire comeci jítainafue jeire óiacadinona Juzíñamui iere duere fínoite. Cai Ocuíraima ríinona jámairuitinona daje izói duere zéfuitaitiaioi. Afémaci llétana cacáacañedino. Illáimana jacíruiñedino. Daje izói monamo ite jóriai izoide ríinoredinona báíñuana jacíruiñediaioi. ¹¹ Juzíñamui abi imaci afe fiénidino baimo ríinorediaioi. Daií íaioi illa íadi, afémaci afe jóriai izoide ríinoredinona fieni daiíñediaioi. Ua cai Ocuíraima uíecori afémacina báíñuafuedo “Duere zéfuitiomoi,” daiíñediaioi.

¹² Afe fiénidino ríllenjai izói abina onóñediaioi. Afe ríllenjai da ebena illáfueño itíaiioi. Ñúefue dine comécíñediaioi. Fia llaitada fállena jocócaiaioi. Bie izói itímíiai ónoñegafuedo fieni úritiaioi. Mei íadi afémaci jiba rille izói tíitíaiioi. ¹³ Jiáie comini duere íaioi zefuítado duere finóbitiaioi. Ianori caimátaillifuedo jíáie iere íóbitadinodicai, daiífirediaioi. Afémaci meáidaitadimaci. Comeci fieni finode raa izói omoi cígiri itíaiioi. Daje llezica omoi finoca ráfuiaido nabáiriacadiaioi ómoína íaire finóllena. Táinona jífue te caimátailla raado jífánotiaioi.

¹⁴ Afémaci nana ciona ringomo fia érocaineno llaitada jiruifue finócadiaioi. Afémaci fiénidifue fínuana iere gáidiaioi. Afena fáicanocaiacañediaioi. Comécina náinidinona bífueta íaifueño uítíaiioi. Naga raana izire máíñuana iere fibídiaioi. Afe izoide comini íaire faidócano. ¹⁵ Afémaci Moo Juzíñamui ñuera íómona oni fiénidiodo jáidiaioi. Jaiiai uai llóraima Balaam ífuedo jáidiaioi. Afe Balaam Beor jító. Afe Balaam fiénidifuiái ie fínuado aillo úcubena llínoiacade. ¹⁶ Mei jíáfodo áfemona uáinide burra Balaam fiénidifuiái diné íena lletade. Afe burra come izói úrillano, Balaana uáiritaidímie úrilla izói rairuillano íena úritañede.

¹⁷ Nana bie táinofuena llófueridino jainoi íñeno jainoi orano zafénailla izóidiaioi. Jairífodo oni niné ñaitaca mona úillie izóidiaioi. Jamánomo jítrede jítinomo zíñona íllena riire faidócaiaioi. ¹⁸ Mei aillo abi íinua uáillaído naa taino uallai diga, ñúemacina jífuecana uítíaiioi. Iaiioi íaifuiáido, comini abi jítainafuaii diga jíáimacina bífuetiaioi. Ua íaifue dibénemo itínomona uáfueña jíllodinona meine íaifueño nane bífuiaidiaioi. ¹⁹ Uícode raire llotíaiioi: “Uafue ráiruiñega comini izói íitíomoi,” daiífirediaioi. Mei íadi afe daina llezica, dani afémaci íaifue dibénemo izire jaináitagana itíaiioi. Iemona afémaci fiénidifue fínuana fáicanocainidiaioi. Illa dígamie íena anáfenode raa íena náamatade. Iemo áfemo izire jaináitagamiéna jaide. ²⁰ Mei cai jíllotate Ocuíraima Jesucrístona onódimaci, éniemo ite íaifuiaimona oni jíllodiaioi. Bimácimona dáarie íaioi jíllua mei nauí íaioi anáfenogafueño abido íaioi baííadi, nano íaioi illa baimo, jamánomo figóñeite. ²¹ Juzíñamui ñuera íona íaioi onóñenia afefue afémacimona figóñede. Mei íadi ja Juzíñamui íona onona mei, íaioimo iga ñuera lletárafuiaína féitaadi, afefue jamánomo fiénide. ²² Jaiiai daina

ua uai como afémacimo zúilla. Aféuai daide: “Jico ie cicúecana abido güüzajide. Daje izói mero abina ñue jococa nane dama ie íaibimo nane jabíjabiizaide,” daide.

3

Cai Ocuíraima billifue

¹ Cue izíruiga ámatiai, omoi cácarei. Bie méifoidibe ómoimo cueticue. Ménacaño ómoimo cue orécabedo ómoina abi jífueñeno bífuego coméciitaacaducue. Ñue llófueinafuedo ómoina coméciitadicue. ² Afe jira jaiái ñuera uai lloraini caimo llogáfuego omoi uibíoiri. Daje izói Cristo orécamaci ómoimo lloga jíllotate Ocuíraima lletara uaimo féitañeno áfemo omoi coméciri.

³ Nano fueñe bífuego omoi uibíoiri: ico írairuillaido Juzíñamui lloga ñúefuaina zanófredino bíltiaioiza. Afémaci dani íaioi comeci fieni óiacanafuaido itíaiói. ⁴ Afémaci ómoimo zanoda jicánoitiaoí: “¿Ninomo ite ómoimo lloga meine bite Cristo? ¿Némei afe? Cai jáiaigima tilla méifomo naga raa daje izói ite. Ua énie comuillarumona naga rafue daje izói jáioicaide.” ⁵ Daií llóitiaoí, mei jaiái ninomo monana Juzíñamui ie uaido fínuafuego coméciacañediaoiza. Afe izói Juzíñamui uaido ocuillamona, zocade raa zocái izói, bínie jáinoimona comuide. Iemo jainoi cígido bínie Juzíñamui ie uaido riire itábicaitate. Aféfuena náfueñeno bie zanófredino onóacañediaoí. ⁶ Afe mei daje izói énie anábaitade áillue noci aféruillaido bie éniemo ite cáadinuaina niné táinocaitaíbite. ⁷ Mei íadi birui ite mona énie diga daje Juzíñamui daina uaido táinocaitalle irai iena oni jóoneoiga. Afe irai fíenidinuiaí niné táinocailliruiamo ico íraicaíño iere jicánolliruiamo afe bíniena naa mona diga cuarítaite.

⁸ Izíruiga ámatiai, bie emódomo ífuena omoi féitañeno iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. ⁹ Cai Ocuíraima ie daináfuaí fuitálliruiamo dúcia bai jáíruimo dúñoñeite. Dámierie afémiena jáíruimo dúñoite daiírediaoí. Mei íadi afémie cairi járitañede. Afémie buna oni fáiaacañede, mei jááfodo caimo ite fíenidifuaí ñúefuena méidollena afémie iere jitaide. Afémie aféruina bai jáíruimo dúñoñeite. Féitañeno ie mamécaruimo zúite.

¹⁰ Cai Ocuíraima billirui meríriraíma naio billa izói, nai due ócuriñeitiaioímo déizaíbiteza. Afe billíruimo mona naa íemo ite ráaniaíri jacire niné táinocaitaí; áfena iere ficire cácaite. Nana afe mona fínua ráaniaí naa úcuairi iraimo niné táinocaitaí. Afe llezica bínie naa íemo ite itínuiaíri cúarite.

¹¹ Ja nana daií táinocaillifueña omoi fidínamona, nana íaífueña abi omoi rairuúllifue iere jítárede; benómona afémiena caimare íóbitaredicaí. Ua Juzíñamui íeiena omoi illifue iere jítárede. ¹² Mai Juzíñamui ie nahí illáimana cíocaizaíbilliruiamo omoi úiñori. Uíñua llezica, omoi onóigafuedo aféruina raire mai omoi járidori. Aféruillaido mona ero iraido niné táinocaitaí. Nana énie fínua ráaniaí iraimo niné íbina jáitiaioí. ¹³ Mei íadi Juzíñamui uícodo caimo lloga comue monamo comue éniemo ocuúridicaí. Afe comue éniemo mona diga, nana raa ñue jaícina jóite. Naga raa náífuenite.

¹⁴ Izíruiga ámatiai, mei benómona nai bífuemo omoi úiñoína llezica, nana ómoimo ite ríinodo omoi illafue jaícina jóoneri. Daií omoi comeci caimare uái illafue dibénemo íllamona Juzíñamui ómoimo eróicaizaibilleza. Afe izói omoi comeci íaicaiñeno nífuenino Juzíñamui ómoimo cíoizaibilleza.

¹⁵ Nane jíáifuemo omoi comécioiri. Afefue daide: Cai Ocuíraima comínimo járitaiñenafue, ua cai jíllloillifue. Daa búuai cai izíruiga ama Pablo ómoimo cuete. Juzíñamui íemo lloga comeci jaícina fibíllafuedo cúefirede. ¹⁶ Nana afémie orécabiamo daa bífuiái llofe. Mei íadi dáarie ie uailíai ñue onóillena íere féirede. Abina onóñedino afe féireduaina jíáifodo mamédiaioi. Afe izói jabo ínotino aféuaina jíáifodo dobáiñotiaioi. Daje izói jíáie Juzíñamui Cuegáuai lloga uáillaina oni jíáifodo áifedotiaioi. Afemona afémaci dani abi niné táinocaitaitiaioi.

¹⁷ Izíruiga ámatiai, nana bífuiaina ja uícodo onódiomoiza, mai fiénidinomona abí omoi rairuiri, afémaci jífuerillafuedo meine abido íaifuemo omoi báizaa; omoi jeire oga ñúefuena niné féiza. ¹⁸ Mei jíáifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ífue aillo oni móonaitaocairi. Íere ebire ñúefue dama Jesucrístomo mai birui omoi nitari. Daje izói zíñona ebíredifue afémiemo mai omoi nitáfireiri. Mai. Jae níie.

NANOIDE SAN JUAN CUEGABE

Primera Carta del Apóstol

San Juan

Cáatate úrilla uai

¹ Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai úido cai ciónana lloticai. Afémiemo eróidicai. Afémiena dani cai ónoído jetádicai. Afémie Juzíñamuiemona uailai lluáibitímie. Afémie uai caina cáatate. ² Afe cáatatena itímie cai onóillena caimo cíocaide. Afémiena cíoillanona íemo uai faiticai. Afémie fecalle zíiñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. ³ Jira cai cacánafue cai ciónafue diga uáfuenta jino lloticai, daaco comínina omoi cai diga íllena. Ua afe izói uáfuenta Moo Juzíñamui dájena jaináidicai. Daje izói ie Jitó Jesucristomo jaináidicai. ⁴ Jira aféfuiaina ómoimo cueticai aféuaido jamánomo caimare ñue omoi íllena.

Juzíñamui nairai comeci egáioidímie

⁵ Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidímie. Afémiemo jaca jítinona íñede. ⁶ Dájena afémiemo jaináidicai cai daiíadi, íadi afe llezica jítifodo cai macáadi, taino lloticai. Daje izói táinona finódicai. ⁷ Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo táillamona, ie die tótajamona nana cai fiénidifuiái dote.

⁸ Cai fiénidifue íñede cai dáiiadi, cai abi jífueticai. Táinofuefiredimacidicai. ⁹ Mei íadi Juzíñamui ñue jaícina finóllifue mo afemo íinoredicai cai fiénidifuiái jino cai llóadi, uáfuenta afe fiénidifuiaina afémie dóite. Nana íemo fieni cai finócafue ibana caimo óñeite. ¹⁰ Cai fiénidifuiái finóñedicai cai daiíadi, Juzíñamui táinofueredena ciotataiticai. Ie úrilla uaina uáfuenta jeire oñédicai.

2

Cristo cáiconi ñue úriraíma

¹ Cue jítótiai, bífuiaí ómoimo cueticue, íáiredifuiái omoi báiiñellena. Mei íadi dámie íáiredifuiái finóadi, Moo uíecomo cáiconi ñue úritímie ite. Afémie Jesucristo. Ñue jaícina itímie. ² Jesucristo cai fiénidifuiái ícoinia fagámie. Dama cai ícoiniañedeza, mei íadi nana énie comíni fiénidifuiái ícoinia.

³ Juzíñamui ocuífufuiai iere cai cacáreadi íena onódicaíza fídiiticai. ⁴ Mei íadi dámie “íena onódicue” daiíadi ie ocuífufuiai iere cácareñeniadi, afémie taino lloraíma, ua táinofuefiredímie. ⁵ Mei ie ibana Juzíñamui ocuífufuena finódimie, jae Juzíñamuina nabéfuena izíruite. Daií áfedo íemo cai jaináinana fídídicai. ⁶ “Juzíñamui jaináidicue” dámie daiíadi Cristo maca izói ie macállino jítáirede.

Comue ocuífufue

7 Cue izíruigamací, comue ocuícáfue ómoimo cueñédicue. Afefue nanómona ómoimo itífue. Afe jaiái rafue daje omoi cacana úrillafue. 8 Mei íadí ómoimo cue ciegáfue comue ocuícáfue izóí ómoimo íficaizaíbite. Bie ocuícáfue Crístome nahí ua ráfuena ite. Afe izóí bie ocuícáfue ómoimo nahí ua ráfuena íite. Afefue ua nahífue, jítino oni jáioicaideza. Jae ua comécina egáinollena ñue egáioinaza.

9 Dámie “úzefomo iticue” daiíadi, íadi jáimana nai éoia, afemie nai jítifomo ite. 10 Ie ámana izíruitimie úzefomo ite. Afémiemo minícana fiénidifuiaimo baiítaitena íñede. 11 Mei íadi ie ámana éoicaidimie nai jítifomo ite; ua jítifodo macade. Niné jáideza onóñede, jítino uina cíotañena jira.

12 Jitótiai, ¡omoi cacai! Juzíñamui Jesucristo titáinanomo omoi fiénidifuiái ibana ote. Ie jira bifue ómoimo cueticue. 13 Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. 14 Móotiai, ómoimo cueticue, nano tainéinanomo itímie omoi onóicailla jira. Jitócomini, daje izóí ómoimo cueticue omoi ríredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

15 Biniemo ite Juzíñamuina bacáuairédino finócafuiaina izíruiñeno omoi iri. Daje izóí íaioimo itífuiaína cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina izíruiñeite. 16 Nana íaioimona lloga ráfuiái minícana Juzíñamuimona biñede. Fia daní íaioí cígimona comuide. Comécina íáiredemona fiéni óiacanafue bite. Cai ui ióbicailla jítaillamona jáie fiéni óiacanafue bite. Caimo ite ráaniaimona fiéni abí ñnuafue bite. Nana afe billáfuiái biniemo ite Juzíñamuina bacáuairédino llóolloga. 17 Afena bacáuairédino fúioicaide, naa íaioimo ite fiéni óiacanafuiái diga. Mei íadi Juzíñamui jítínafue finódimie jaca ninomo zíñona ite.

Uafue tánofue diga dájemo jaináñede

18 Jitótiai, jae írairuimo dúcidez. Cristo uáitaoidimie bíllana cacádimoi. Ja birui aillo Cristo uáitaoidino cíocaide. Ie jira birui írairuina onódicai. 19 Afémaci cáimona jino jáidiaioi. Mei íadi uáfuenta cáieñediaioi. Uáfuenta cáiena íaioí íadi, cairi fiébite. Ua afémaci cáimona jino jáidiaioi nana cáieñetiaioiza uáfodo daií áfedo onóillena.

20 Mei íadi Cristo Ñuera Joréñona igáomoi; íemona afémiedo onótagaomoi. 21 Omoimo cueticue mei, uáfuenta omoi onona jira. Uáfuenta omoi onóñenamona cueñédicue. Uáfuemona jáie daa tánofuena comúinide. Jae onódiomoiza.

22 ¿Bu tánofueredimie? Jesuna Crístoñede daidímie, afemie dama tánofueredimiena. Níimie Crístona uáitaoidimie. Afémie Moo Juzíñamuina jáanote. Afe izóí ie Jitona jáanote. 23 Jitona jáanotimie afémiemo daje izóí Moona íñede. Mei íadi Crístona jírúitímie daje izóí Moona onode.

24 Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi comécia Juzíñamui Jitome dájena íitiomoi. Afe llezica cai Moori dájena íitiomoi. 25 Jesús uáfuenta uícodo llote, zíñona cáananona caimo fecállena.

²⁶ Omoi jífueiacadinodo bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; táinofueñede. Jira daí Crísto dájena omoi iri, Ñuera Joreño ómoimo llua izói.

²⁸ Jitótiai, mai birui Crísto dájena jaináicari, afémie cíocailliruimo ie dánana ñue cai ínollena. Daí ie bíllemo ie uiécona méairuñeiticai. ²⁹ Ja onódiomoiza Jesucristo ñue jaícina finódimie. Afemona daje izói nana jaícina finódino Juzíñamui jitótiaiza ónoitiomoi.

3

Juzíñamui jitótiai

¹ Mai ¡comécimo faca! Nii jamánomo Juzíñamui caina izíruilla. Iemona ie jitótiaina maméidicai. Jae áfedicai. Ie jira éniemo ite Juzíñamuina éoidino cai izói comécíñediaioi, mei Juzíñamuina íaioi onóñena jira. ² Izíruiga ámatiai, jae Juzíñamui jitódicai. Iirairuimo cai ífcaillifuenena nai caimo ácatañega. Mei íadi onódicaiza, Jesucristo cíocaia afémie izói íiticaí, ie illa izói námiena cai ciona jira. ³ Nana afémiemo daí comécídimaci dani dáamací nana íaifuiaimona ñue dóficaitadiaioi, mei Jesucristo íáfuenidimie illa izói íiticaí.

⁴ Mei íadi nana fiénidifue finódimaci Juzíñamui ocuícáfue uáitajano jámairuite. Mei jira fiénidifue ocuina ráfuenena uáitaoina. ⁵ Jae Jesucristo bie éniemo cai fiénidifue oni duábillana onódiomoi. Daje izói afémiemo nifue iñénana onódiomoi. ⁶ Mei jira nana afémiemo dájena jaináioicaidimaci fiéni macánidiaioi; mei íadi nana fiéni macáfiredimaci afémiena jaca cíóñediaioi; íena onóñediaioi. ⁷ Cue jitótiai cacai. Buna ómoina jífueñellena nane dáitice; ñúefue finófiredimie ñúemie, Jesucristo ñúemiena illa izói. ⁸ Mei íadi fiéni macáfiredimie Taifemo jaináidimie, mei nanómona Taife fiénidifuiaredimiena ite. Uafue Juzíñamui Jitó Taife finócafuiái táinocaitaíbite.

⁹ Juzíñamui jitótiaimona jaca buna figóñeno macáocaiñede, Juzíñamui íemo iga cáanano íemo illa jira. Afémie fiénidifuenena finófinide, Juzíñamui jitoza. ¹⁰ Afedo bu mei Juzíñamui úruaiánaza, bu mei Taife úruaiánaza onódiomoiza. Uafue níimierie ñúefuenena finóñenia, ie ama íziruiñenia, afémie Juzíñamui dibénemo íimieñede.

Conímana cai izíruillafue jitáirede

¹¹ Mei jii nanómona omoi cacana úrilla uai, be nie uai: conímana cai izíruillafue jitáirede. ¹² Caín izói omoi iñeno iri. Afémie Taife dibene ímie, íemona ie ama titade. ¿Níbái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

¹³ Cue ámatiai, Juzíñamuina bacáuaredino ómoina éoinamona fáigacaiñeno iri. ¹⁴ Jae tíizaille íomona zíñona cáailliommo dóbaicaidicai. Afena onódicai, Jesuna ínnotinona cai izíruilla jira. Mei íadi izíruíñedimie tíizailliodo jaide. ¹⁵ Nágamie ie abi cómena éoidimie cómena titádimie izói ite. Iemo come titádimie comécimo zíñona cáanano iñénana onódiomoi. ¹⁶ Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínnotinori daí abina zóoferedicai.

17 Dámie ie illínomo jitáirede raa ítemo, ie aino come jitaica raa iñénana cióillano, mei íadi íemona jeruide, ¿ñie izóí Juzíñamuimo izíruillafue ie comécimo íteza? ¡Iñede! 18 Cue jitótiai, ¡fia fuena daina uaido mai cai izíruíñeno iri! ¡Mei íadi ñue finóllifuiaido uafue izíruillafuedo mai conímana cai izíruiri!

Juzíñamui uíécomo ñue íena ínofirenafue

19 Jira daí uáfueimo jaináidimacídicaí onódicaiza; nane aféfuemona Juzíñamui uíécomo ñue íena ínofiredinodicaí. 20 Cai comeci cai ícoinia llóíadi, Juzíñamui cai comeci baimo aillo ñúemienaza onódicaí. Afémie nágaíuiai onode. Iemona afe ícoinia caimo íbana óite. 21 Mei jira, izíruiga ámatiai, cai comeci cai ícoinia lloñéniadi Juzíñamui uíécomo ñue íena ínofiredinodicaí. 22 Nana íemo cai jicaca raana fécaite, ie ocuífauiaína jeire cai úamona; ua íena cai íóbitamona áfeniaína caimo fécaite. 23 Afémie ocuífafue daide: “Ie Jitó Jesucrístomo cai íñori. Afe emódomo cai conímana cai izíruiri afémie cai ocuilla izóí,” daí daíñocaide. 24 Ie ocuífauiaína iere cacáreidimaci afémieoiri itíaiói. Daje izóí afémie nágarui íaióiri ite. Afémie jaca caimo íllana onódicaí. Ua áfena afémie caimo iga Ñuera Joréñodo onódicaí.

4

Ñuera Joreño Crístona uáitafirede jóríaiína anáfenocade

1 Bie énie táinofuiai llotínona oruízaideza. Afémaci “Juzíñamuimo úriticaí,” daidíaiói. Izíruiga ámatiai, ¡omoi cacareí! Naga “Juzíñamui dibéfodo úriticaí” daidímiena íñoñeno iri. Mei íadi íaióina facátari, ñie joreño íaióimo íllana onóillena, Juzíñamui ie, ñibaí íeñede. 2 Juzíñamui Joréñona itímie omoi onóillifue llóiticue. Nágamie Jesucristo ua cómena bíníemo bite jino onótatímie, afe cómemo Juzíñamui Joreño ite. 3 Mei íadi daí jino onótañedímie Juzíñamui Joréñoñedímie. Afémíemo Crístona uáitafirede jóríai ite. Afe izóidena fiénide jóríai bíllena ja cacádiomoi. Mei afe jae bie éniemo ite.

4 Jitótiai, omoi Juzíñamui iédiomoi. Omoi itímie baimo ríinorenamona, afe táinofiredinona jae anáfenodiomoi, mei íaiói daináfuiái omoi íñoñena jira. Bíníemo ite táinofiredinori itímie jabóidímie. 5 Afémaci Juzíñamuina bacáuaredinomo jaináidino, ie jira Juzíñamuina bacáuaido úritiaí. Iemona bíníemo ite Juzíñamuina íñoñedino afémacimo cacáreidiaí. 6 Mei íadi cai Juzíñamui iédicaí. Juzíñamuina onódimie caimo cacáreide. Mei íadi Juzíñamui íeñedímie caimo cacáreíñede. Afedo uafue uaina llófueinafuena onódicaí; daje izóí jífuetena llófueinafuena onódicaí.

Juzíñamui izíruitímie

7 Izíruiga ámatiai, conímana cai izíruilla jitáirede; izíruillafue Juzíñamuimona bíteza. Nana izíruillafuiairedino Juzíñamui jitótiai. Afe llezica Juzíñamuina onódiaí.

8 Juzíñamui jamánomo izíruillafuiaína oruídímie, ie jira izíruillafuenidímie Juzíñamuina onóñede. 9 Juzíñamui daade ie Jitó ana éniemo orede afémiedo cáananona caimo íllena. Afedo ie caina izíruillafue caimo ácatate. 10 Afe óriado uáfueina izíruillafuena cai fíditate. Juzíñamuina cai duéruia nahí izíruillafueñede. Mei íadi afémie caina dúcaillano cáiconi ie Jitó ória, afe

nahí izíruillafue. Ua Juzíñamui cai fiénidifuiái ícoínia cai jiáinona duere finóllimiena ie jító orede.

¹¹ Izíruiga ámatiai, Juzíñamui daií caina izíruillamona, afe izói conímana cai izíruillafue jítáirede. ¹² Juzíñamuina jaca buna cióñena; mei íadi conímana cai izíruiá Juzíñamui cai comécimo ite. Afe illa dáaruido Juzíñamui izíruillafue caimo ñue riire comuíoicaide. ¹³ Juzíñamui dibénemo cai íllana, cai comécimo Juzíñamui íllana ónorede. Afena ie Ñuera Joreño caimo fecáinado onódicai. ¹⁴ Moo Juzíñamui ie jító orede afémiedo comini jíllloillena. Iena dani ciódicai. Afena jino uáfodo lloticai. ¹⁵ Nágamierie Jesús Juzíñamui Jitona onótatímie, jaca Juzíñamui diga ite. Daje izói Juzíñamui afémie comécimo ite.

¹⁶ Daií Juzíñamui caina izíruillana fidítagacai. Aféfuena ínoticai. Juzíñamui jamánomo izíruillafuiaina oruídímie. Izíruillafuemo itímie Juzíñamuimo ite. Afe izói Juzíñamui afémie comécimo ite. ¹⁷ Daií jamánomo ñuera izíruillafue caimo comuíoicaide. Iemona írairuimo facátalliruido ñue íena ínofiredinona íiticaí. Mei Jesucristo bie éniemo ñue cáimamiena illa izói afe izói iticai. ¹⁸ Izíruinafuemo jacíruillafue íñede. Mei jira ñue jaícina izíruillafue jacífuena jino orede. Mei jacífuemo duere finótajano ite. Ie jira jacínaitímie ñue jaícina izíruiocaiñede.

¹⁹ Cai Juzíñamuina izíruiíticai, nano fueñe caina ie izíruilla jira. ²⁰ Dámie daiíadi “Juzíñamuina izíruiíticue” mei íadi afe llezica ie daano cómena éoia, afémie táinofueredímie. Uafue dámie ie ciona daano cómena izíruiñede, afe llezica cióñena Juzíñamuina izíruiñide. ²¹ Juzíñamui caimo iga daa ocuícáfue. Afe bie ocuícáfue daíde: “Juzíñamuina izíruiítímie daje izói ie aino cómena izíruiiri,” daíde.

5

Cai dinena bíniemo ite fiénidifuiaina anáfenoiticai

¹ Nágamie Jesús Crístona ínotímie Juzíñamui jító. Dámie come moona izíruiítímie afe izói afe moo jítótiaína izíruite. ² Moo Juzíñamuina cai izíruiá, afe llezica ie ocuícáfueña cai finóadi, Juzíñamui jítótiaína cai izíruillana ja ónoíticai. ³ ¿Minica Juzíñamuina izíruillafueña? Mei ie ocuícáfuiaina jeire cai ua. Ie ocuícáfuiái llégienide; ⁴ mei naga Juzíñamui jító éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicaí. ⁵ Dama Jesús Juzíñamui Jitona ínotímie éniemo ite fiénidifuiaina anáfenorede.

Juzíñamui Jitomo uai nabáillafue

⁶ Jesucristo jainoi die diga ciócaizaíbitímie. Ie báutizaillaruimo Juzíñamui Jitona comini fidítagaiaíoi. Afe izói ie tíizaillaruimo, dama ie abi zóofiano, ie die tóillamona áfedo comini onótagaiaíoi. Fia jáinoíñedeza, íadi jainoi die diga bite. Jesús Juzíñamui Jitónafuemo Ñuera Joreño uai nabáiraíma. Ñuera Joreño llogafue uafue. ⁷ Afe Jesús Juzíñamui Jitónafuemo damiéamani uai nabáiraíma monamo ite: Moo Juzíñamui, Juzíñamuimona Uaillái Lluáíbitímie, Ñuera Joreño diga. Bie daámani come daináuai dáamiemo jainaide. ⁸ Eniemo daje izói daámani uai nabáiraíma ite: Ñuera Joreño, íemo Jesús báutizaja jainoi, íemo ie tíillaruiimo totaca die diga. Bie daámanide dane dáamiede.

⁹ Comini uai nabáillafue llinofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai únolle iere jitárede. ¹⁰ Juzíñamui Jitona únnotimie bie uai nabáillafue dama ie comécido úcade. Juzíñamui únnoñedimie Juzíñamui tánofueredena cíotote, Juzíñamui ie Jitori uai nabáillafue dánana ie únnoñena jira. ¹¹ Afe daináfuedo Juzíñamui daide: zíñona cáanano afémie caimo iga. Afe cáanano ie Jitodo bite. ¹² Juzíñamui Jitona comécido llinnotimie afe zíñona cáanano ite. Mei íadi Juzíñamui Jitó comécido llinnoñedimie afe cáanano íñede.

Juan úraicaiño llúafuiai fuizáillafue diga úrite

¹³ Ja Juzíñamui Jitona únnotimoi. Jira bifue ómoimo cueticue zíñona cáanano ómoimo íllana omoi onóillena.

¹⁴ Juzíñamui uáfueña caimo cacáfirenana únnofiredicai. Daa minícana cai jicáadi ie comeci jítaina izói, afémie cai daina cacana onódicai. ¹⁵ Mei jira afémiemo cai úrillana Juzíñamui cacáfirenana onódicai. Afena onónamona cai jicácana afémie caimo fécana daje izói onódicai.

¹⁶ Cómena títañeite fiénidifue ite. Dámie ie aino come afe fiénidifue finuana cíoadi, Juzíñamui afémieri jicari. Iemona Juzíñamui cáananona íemo fécaite. Títade fiénidifue ite. Afemo Juzíñamui omoi jicari daiñedicue. ¹⁷ Nana fiénidifuiái íaifue; come comécina titade. Mei íadi jíaie íaifue ite; afefue cómena títañeite.

¹⁸ Juzíñamuina Móoredimie íaifuedo macáñedeza onódicai; mei Juzíñamui Jitó íena únñoteza. Ie jira Taife íena ocuínide.

¹⁹ Juzíñamui íedicaiza onódicai. Afe izói nana bínie comini Taife ocuícáfue anamo itíaióiza onódicai.

²⁰ Juzíñamui Jitó jaiái bíllana onódicai. Afémiedo ua nahí Juzíñamuina onótagacai. Afe Uámie jaináicana iticai. Afefue daiíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi zíñona caina cáataite. ²¹ Jitótiai, mai jánaraimo caimátaiñeno omoi iri; daje izói nana jíaie jífujete jóríaimona abi omoi rairuíri. Jae níie.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹ Ja éicomedicue; ocuíraimadicue. Jae Juzíñamui nizeca cue miringo izóidingodio. Bie rabe ómoimo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfueña izíruiticue, mei dama cúdeñeza. Nana uáfueña onódino daje izói afémacina naa ori izíruitiaioi. ² Ñue uafue ícoinia ómoína izíruiticue. Afe uafue cai comécimo ite; ie mei afefue jaca ninomo cairi iite. ³ Moo Juzíñamui ie Jitó cai Ocuíraima Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci caimare uái illafue diga. Izíruillafueña uáfueña nana aféfuiaína cai onótate.

⁴ O jítótiaimona dáarie uafue daina izói mácana fidídicue. Afefue cuena ióbitade, mei Moo Juzíñamui daií cai ocuídeza. ⁵ Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícafueñede. Mei íadi afefue nanómona caimo ite. ⁶ Bie izíruillafue daiíacade Juzíñamui ocuilla izói cai finóllena. Ja nanómona omoi cacana izói afe ocuícafue daide: “Izíruillafuedo omoi macari.”

Jífueriraini ifue

⁷ Mei jii, aillo jífueridino bie éniendo macádiaioi. Afémaci Jesucristo ua come izói billana uáitatiaioi. Daiítadimie jífueriraíma. Afémie Crístona uáitaide. ⁸ Afémiemona abi omoi rairuíoiri o táijinamona oga comeci ñúefue táinocaiñeillena. Iemo jiaí afémiemona abi omoi rairuiriri nana o táijina iba ñue Crístomona jaícina óllena.

⁹ Níimie Cristo llogáfuemo comécíñeno nibéfodo jáidimie, afémie comécimo Juzíñamui iñede. Mei íadi Cristo llogáuaimo comécidimie comécimo Moo Juzíñamui ite, ie Jitó diga. ¹⁰ Dámie ómoína llófuiaíbiadi, íemo bie Cristo llogáfuena atíñeniadi, íena uáidoñeno, jofe eromo llíinoñeno omoi iri. ¹¹ Iena uáidotimie, afémie lloga íaifue dáafueña llíinoiteza.

Fuizájidíuui

¹² Ómoína aillo daiíacadicue, mei íadi rabedo cúeiacañedicue. Omoi dani conima uíecomo cue úrizaillena úiñoiticue. Afe daií cai cáimafue jaícina íficaite. ¹³ Omoi ebuño izoide benomo ite iglesia daina Juzíñamuimo jaináidino daje izói Juzíñamui nizécamaci. Afémaci omo uai orédiaioi. Jae ñie.

IIIRAIBE SAN JUAN CUEGABE Tercera Carta de San Juan

Gáyodo ñuefuenta úritimaci

¹ Ja éicomedicue, ocuiraímadicue. Cue izíruiga nabaimo bibe cueticue. Bímie mámece Gayo. Afémiena uáfuenta izíruiticue.

² Cue izíruiga ama, ori Juzíñamuimo jicáfiredicue áfedo nana o finócafuiaí ñue móonaillena. O abi caimare náireillena jicádícue, o joreño ñue nífuenina izói. ³ O ñúefuedo macáfirenafue dáarie ámatiaimona cue fidiámona, afe cuena iere ióbitade; mei ua onódicueza o jaca ñúefuedo macáfiredio. ⁴ Ua ie baimo cue ióbillena íñede. Afe cue cacana cue jitótiaí uáfue mo comécidíai; áferi jamánomo ióbidicue.

⁵ Izíruiga ama, o illánomo ite ámatiaína o canóllena figura. Ie mei oni jáinomona bite ámatiaína o canóllena jamánomo ñuera. ⁶ Juzíñamui mámeceido gairídímaci uícomo íaioína o izíruillafue jino llotíaioi. Izire daidicue: Mai íaioi cano; íaioi jáilliruimo jitaica raana íaioimo ine; áfedo caimare íaioi jáilleza. Ua Juzíñamuimo ióbilla izói íaioi cano. ⁷ Mei jira afémaci Jesucristo táijinafuedo jáizaidiaioi. Afe cánuana Juzíñamuina ónoñegamacimona llínoñediaioi. ⁸ Ie jira íaioi jitaica raana cai finóredicai, afémacina cai canóredicai. Afedo íaioi uáfuenta llúana canódicai.

Diótfes fiénino mácafue

⁹ Juzíñamui mámeceido gairífredinomo cuegafue llua be nauí orédicue, mei íadi Diótfes cai ocuilla ríinona óiacañede, íaioi cígimo úcofiacadímie illa jira. ¹⁰ Ie jira cue jáiadi ie fiéni mácafue jino uáfodo onótaiticue, nana ie fiéni úríoínafue, ie táínofuerena caína uáítaoínafue diga. Ie mei afe baimo bitino ámatiaína afémie llínoñede. Afe llezica afe bitino llínoacadímacina rairuillano, afémie gairídímacimona íaioína jino juide. ¹¹ Izíruiga ámatiaí, fiéni onótarafuiaído jáíñeno iri. Ñúefue finori. Ñúefuenta finódímie Juzíñamui ímie, mei íadi íaífuiaí finódímie Juzíñamuina jaca onóñede.

Demetrio ñuera onótafue

¹² Nana comíni Demétríori ñue úritiaioi, mei afémie ñue mácafue uáfori cíóideza. Dani cai nane aféfuemo ñue uai nabáiraímacidicai. Iemona uáfuenta cai daífirenana onódiomoi.

Uai Fuizájillauai

¹³ Ona aillo daííacadicue, mei íadi rabedo cúeiaañedicue. ¹⁴ Ona raire cíoillena úíñoticue. Aféruído conima uícomo eróicana úriticoco.

¹⁵ Comeci caimare uái illáfuemo o iri. Benomo ite nabáíñiaí omo uai orédiaioi. Izire daidicue nágamierie coco nabáíñiaímo conima uícomo o uáidori. Jae níie.

SAN JUDAS CUEGABE

La Carta del Apóstol San Judas Judas Juzíñamui uáidoganomo cuete

¹ Jesucristo táijitagamie Júdadícue. Santiago ámadícue. Bibe Juzíñamui mamécanomo cueticue. Ua cai Moo Juzíñamui uáidoganodiomoi, íeiena ñue finoda maiñócanomo omoi íllena. Jesucrístomo omoi jaináinamona ñue eneno rairuícanodiomoi. ² Mei Juzíñamui jamánomo aillo caimo ie dúecaillafue, íemo jíái ñue uái omoi illífue, íemo jíái ñue izírullafue, dígafue ómoimo llóiteza.

Táinofuiaina llófuefiredino
(2 Pe 2.1-7)

³ Izíruga ámatiai, cai comeci jíllouillfuedo izire ómoimo cúeiacadicue; mei afe jíllouillena Juzíñamuimo cue ínua izói, afe izói iere ínnotiomoiza. Mei íadi ómoína jíáifuedo rabedo llóredícue. Táinofuiái lluíabitino omoi jeire ogáfueña féitaiacadiaíoiza; ie jira izire ómoína daidícue: Ráire abí omoi mameri. Íaiói diga fuirilla izói omoi iri, omoi ínogafue íaiói féitañeilleza. Afefue nauí nana Juzíñamuimo jaináidinomo dácaíño iga.

⁴ Mei omoi cigímo ninena dámierie táinofue lluíabitiaío. Afémacina Juzíñamui Cuegáuailai jaiái uícodo íaiói olle duere finóllifueña llote. Afémaci íáibaníai. Afe íñíai daide: “Juzíñamui ñúefueña jeire óíticai;” mei íadi afe dáinado rairuíñeno fiénidifueña iere nícidotiaío. Afémaci daade cai Naama Juzíñamuina ruifíruitiaío. Daje izói cai Ocuíraima Jesucristo llogáuaina uátitaiái.

⁵ Mei ja onódiomoi íadi, como cue daííacanafueño ómoína uibíoitaacadícue. Juzíñamui Israel comínina Egipto éniemona oni orede. Oni uano daí nana íaíoína ñue jíllotate. Mei íadi, íaiói cigímona dáarie ínnoñena jírrari, Juzíñamui afe ínnoñedinona jíáiruido niné táinocaitate.

⁶ Afe izói Juzíñamui abí imácimona dáarie Juzíñamui anamo ñue íaiói illáfueña fáicanocaiacadiaío. Afe mei daní íaiói illánona fáicanocaillano oni jíáinomo jáidiaío. Ie jira Juzíñamui íaíoína íco izire íraicaiño iere jícanolliruimo íaíoína maítá jae íbaica. Afémaci jae jítinomo iere zábíñede llójejina maigáiaío.

⁷ Daje izói Juzíñamui Sodoma jofue íemo Gomorra jofue diga bóotate, naa afe áinori íte jófueníari. Mei afécuai comíni Juzíñamui abí imácimona fiénina jira dáarie llavécamací izóidiaío. Afe bimaci jamánomo daní jofo conímari ébecotáifrediaío. Naga Juzíñamui comínimo mameca ñue illáfueña jíruíreillena uátáifrediaío. Daí íaiói illamona ziiño iraimo duere finócaiaío. Afe bifue, afémaci izói cai íñeillena, caimo cíotaga.

⁸ Afe emódomo bie taino lluíabitino íaiói táinomo comécíllafuiaído daní íaiói abina bácadiaío. Daje llezica cai Ocuíraima rímona uátitaiái. Caífo monamo íte jóriaí izoide ríinoredinona íaire dáíifrediaío. ⁹ Mei íadi Juzíñamui abí imácimona illaíma Miguel, Taífe diga fuirízailla llezica ñúefodo úrite. Tíide Moisés abina júfidotiaillinoi. “¿Buna náamareite?” daídiaillinoi. Aféruimo Miguel íáirede uaido íena faidóñede, mei íadi ía íena daide: “Ocuíraima Juzíñamui ona izire llétaíteza,” daide. ¹⁰ Mei bie

táinodo llotínuiái íaioi ónoñega ráfuedo fiéni úritiaioi. Mei íadi comécina onóñede rílleníai izóí itíaiói. Fia íaioi abí jítaina ráfueo comécioidiaioi. Daí comécillano áfeodo jáillamona daní íaioi niné táinocaitalliaioi.

¹¹ ¡Níí íaioina dúerena! Caín dibéfuedo jáidiaioi. Aillo úcube óiacanamona Balaam izóí oni íaifuemo baízaidiaioi. Daje izóí jaiái ite Corena mámeceiredimie, Moisés dotáacanamona niné táinocaita naa íemo jaináidinori. Afe izóí biruí omoi cígiri ite fiénidifuiái llotino llícaitiaioi.

¹² Omoi finoca conímána izíruilla ráfuiái cígiri meáire finódinona itíaiói. Juzíñamuina jacíruiñeno omoi cígiri caimare güillano jifáizaibitiaioi. Jáímacina ñue úiñoñoeno daní íaioi abí úiñotiaioi. Jairifo oni niné ñaitacamoná úillie izóidiaioi. Ríaniaimona daana llizíllaruimo dúcide íadi llizíñede zena izóidiaioi. Afe izóí bie comíni itíaiói. Afe amena are llizíñenia dúilla llezica aiñoda dotácaza. (Daje izóí bimaci ráifiñenamona táinocaitiaioi.)

¹³ Monáillai jacire bagua izóí itíaiói. Iaiomimo ite meáire fiénidifuiái bagua mulle izóí, comíni eróicana jino cíotafirediaioi. Daje izóí úcuai íaioi íomona oní jáíomimo féiraila izóí itíaiói. Jamánomo jítirede jítinomo zlíñona íllena riire mamécaiaioi, dinomo duere zefuállena.

¹⁴ Ua bimáciri jaiáidígima Enoc úrite. Adán jító dinómona ie jító, dinómona nane ie jító, siete dígafue daí illa emódomo, bie Enoc mámeceiredimie jocoína. Afémie bie taino llófuetinodo uícodo úrite. Juzíñamui Joreñodo úrillano daide: “Cai Ocuíraima jamánomo aillo ie abí náirairi bíllana cíódicue. ¹⁵ Afémie nana fiénide comínimo ite fiénidifuiái iere riire jicánuaibite. Daje izóí nana íaioi íaire illáfuiái iere jicánuano duere íaioina finótáite. Fiénidino riire daináuaido cai Ocuíraimana uáitaoidiaioi; bífueomona daje izóí duere zéfuitalliaioi.” Daí Enoc bie fiénidimácido úrite. ¹⁶ Afémaci iere fiéni cáillirediaioi; ñue caimátaiñediaioi. Daní íaioi comeci fiéni jítáinafuiái jino denóllado úritiaioi. Urillano aféfuiaína uáfuea finódiaioi. Daní abí íaioi ínua uáillaído ficire úritiaioi, “Aillo jácimacídicaí,” daíllena. Daje izóí caimare comínimo úritiaioi, íaioina bífuellena.

Crístomo ínotino ñue lleta uailai

¹⁷ Cue izíruiga ámatiaí, cai Ocuíraima Jesucristo orécamaci ómoína daináfueo omoi coméciri. ¹⁸ Afémaci ómoína daide: “Íco íraíruiillaído ñúefuiaína zánoitinona íiteza. Iaiói comeci íaire óiacanafuiaído íitiaioíza.”

¹⁹ Bimaci dáanomimo ñue ítinomona oní eneno bózietaidiaioi. Daní íaioi abí óiacanafue jeire otíaioi. Mei afémaci Juzíñamui Joreño úicaiñegaiaioíza.

²⁰ Mei íadi izíruiga ámatiaí, omoi jeire Juzíñamuimona ogáfueo riire omoi jaináicairi. Daje izóí Ñuera Joreño ríinodo Juzíñamuimo omoi úrifreiri.

²¹ Juzíñamui omoi izíruillafue dibéfueo omoi íri. Cai Ocuíraima Jesucristo caimo dúecaillano zlíñona cai illíruimo omoi úiñoiri.

²² Nai jabóicana jizire ínotinona jáicina llóiri, ñúefuea jeire íaioi ólleza.

²³ Iráimona bairoca izóí íaioína jíllotari. Jáímacimo omoi dúecairi; mei íadi íaioimimo ite íaifuemo jíricaiñeno omoi íri. Afe fiénidifue íairede iniroi izoide. Iaiói abímo jíideza; áfemona iere abí omoi rairuiri.

Juzíñamuimo íraícaíño cai caimátailafue

²⁴⁻²⁵ Cai daade Juzíñamui jamánomo nágafuiái baitádimie. Afémie Jesucristodo cai Jíllotaraima. Iemona cai fiénidifueo báíñelle rairuilla ríino íemo ite. Daje izóí afémie caina íaifuenino caimare dama ie ebírede uíécomo caina izájirede. Afe Juzíñamuimo ebire ñúefuiaí íeza. Jamánomo

ñuera ébifue íemo íteza. Daje izói nana ñuera ríino íemo íteza. Daje izói nana riire ocuúllafuiaí íemo íteza. Nana bífuiaina caí Ocuíraíma Jesucristodo nauí, íemo biruí, íemo jíái uire daí jaca ninomo, Juzíñamuimo dúicaiteza. Mai. Jae níie.

IIRAI RUILLADO ITIFUIAI JINO CIOTAINA

Juziñamui San Juaamo Jino Ciotagafue

EL APOCALIPSIS

O Revelación a San Juan

Jesucristo jino onóitagafue

¹ Bifue uire itifuiyai jino ciotainafue. Juziñamui bifuiaina Jesucristomo ciotate, afémie ie ocuífireganomo ácatallena. Daií Cristo uáfue na raire ífícaítífue na jino íaíoimo ácatate. Jesucristo ie ángel daina abi ímiedo bie jino ciotagana ie ocuífiregamie Juaamo onótate. ² Afe Juan nana ie cionana uáfue na jino llote. Daje izói afémie Juziñamui lloga uaina nabáífirede. Afe Juziñamui lloga uai Jesucristodo ñue jaícina llócaiga. ³ Bie Juziñamuimona oga uaina jáímacimo facáduana cacáđino caimare itíaiói. Daje izói bie rabénicomo cuega uaina cacáillano ñue náfuetino caimare íóbitiaíoi. Mei bie rabénicomo llogáfuiyai zúitirui ja ánozideza.

Siete dígade iglésiai daina Juziñamuimo gáirífiredinomo Juan cuete

⁴ Asia éniemo ite siete dígade iglésiai daina Juziñamuimo gáirífiredinomo cueticue. Cue Juáadicue. Mai Juziñamui ñúefuiyai dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiyai itímieza, íemo uire jaca ninomo íitímieza. Daje izói ie ráírano uícomo siete dígade ñuera jóriai ite. Afe jóriai Juziñamui Ñuera Joreño jana. Afémie ñúefue dibénemo omoi iri. ⁵ Iemo daje izói Jesucristo lloga ñúefuiyai jeire omoi oíri. Afémie jáífo méidofinide uai nabáiraíma. Daje izói afémie nano tı́llanomoná abı́do meine tı́ñellena cáatagamie. Iemo jáí afémiemo bınie illáıcomını ocuilla rı́no ite. Afe Cristo caina izıruillano ie totaca díedo cai fiénidifuiaina oni dote. ⁶ Iemo nane illáıcomınina caina itátate ie Moo Juziñamuimo cai jaináillena. Daje izói comınido Juziñamuimo úrifiredinona caina jóonete. Afe Juziñamui íena jóonegacai. Ie jira jaca ninomo áillue ébifue naa ocuilla rı́no diga afémie íena íteza. Aquíe izóideza.

⁷ ¡Ero, Cristo mona uı́lliedo bite! Nana comını íena cíoitiaíoi. Daje izói ie fatino íena cíoitiaíoi. Iemo nana bınie nairai afémie bıllana cíoilano éenaitiaíoi. Jı́ı, uafue daıtadeza.

⁸ Cai jamánomo riire Ocuı́dmie bie izói daıde: “Nana ráfuiyai nai cómuıñenia uı́codo itı́medicue. Daje izói fuizájıllanomo itı́medicue. Abecedario A-do táinia izói nánoramı́dicue. Daje izói abecedario Z-mo fuizailla izói íraııı́medicue,” daıde. Afémie birui itı́mie, íemo jaca nanómona itı́mie, íemo uire jaca ninomo íitımieza.

Ebírede Cristo nicáırilla izói ciona

⁹ Omoi ama Juáadicue. Omoi duere zefuilla izói daane duere zefuı́dicue. Daa omoi izói Juziñamui illáımana illánomo jaináıdicue. Iemo Jesucristo omoi úıñotaja izói daa omoi diga úıñotagacue. Jesucristodo fairı́otaga Juziñamui ñuera uai jino cue llócailla jira llavécacue. Pátmosmo mámeıre de monaıllai cigı́ ídumo llavécamı́dicue. ¹⁰ Iemo aféno mo cai

Ocuíraima cai ocózinaitaruimo Juzíñamui Ñuera Joreño náamatagacue. Afe llezica vudugoi fúunua izoide ficírede uaina cue méifomo cacádícue. ¹¹ Afe uai cuena daide:

—Naga ráfuiái uícodo itímiedícue. Daje izói fuizájillanomo itímiedícue. Abecedario A-do taineca, íemo Z-mo fuilla izóidímiedícue. Mai nana o ciona díga daa rabénicomo cúeiri. Cuiano, Asia éniemo ite siete dígade iglésiai daina Juzíñamuimo gairífredinomo o oreri. Afe jófueniaí mámeaciaí: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹² Bu cuemo úrilla daííllena abído gírecaidícue. Gírecaillano, siete dígade oro finoina mechérana cíodícue. ¹³ Afe cígimo cómemona comuídimiena eróidena cíodícue. Afémie jítaoigaroi éiba ícoimo dúcide. Ie jogóbemo lláiidife oro finoina. ¹⁴ Afémie ífótirai iere úzere, jaillíci úzereza izói úzere. Iemo jíái nieve izói úzere. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie ídai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete díga ucudu lláide. Ie fuémoma iere jáirede llojéfaí izoide raa jino billa; afefai nágafene jáirede. Ie uíeco jícoma iere riire egáíñua izói riire egáíñote.

¹⁷ Afémiena cíoillano, ie anamo tíidímie izói baíidícue. Mei íadi afémie ie nabezi cuemo bítano cuena daide:

—Jacíruiñeno o iri. Cue bie nanóidímiedícue; dáamiedícue fuizájillanomo ítímiedícue. ¹⁸ Birui cáadímiedícue. Mei nauí tíidícue, mei íadi birui jaca ninomo cáaitícue. Tíilla zuitara llave izoide raa cuemo ite; daje izói tíidino illano lláveniaí cuemo ite. ¹⁹ O ciona díga mai cúeiri; birui ítífuaí cúeiri, íemo uire cómutífuaí cúeiri. ²⁰ Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígaze Juzíñamuimo gairídino uai llócaítino jana. Iemo afe siete dígade mechera siete dígaze Juzíñamuimo gairífredino jana, —daíí afémie cuena daide.

2

Siete dígade iglésiai daina Juzíñamuimo gairífredinomo lloíluai: Efésomo ite ínotinomo llogáuai

¹ Cue cíonamie dáanomo cuena daide:

Efésomo ite Juzíñamuimo gairídino úíñoraímamo búuai cúeiri: “Afe nabézido siete dígade ucúduai llíidímie daje izói siete dígade oro finoina mechera cígido macáfírede. (Afémie mechera cígido macáfírena izói, comíni ñue úíñolle jana.) Afémie afe úíñoraímama bie izói daide:

² Nana o finócafuaína onódicue. O riíredemo táijidízoa onódicue, naa o comeci járitaiñedeza. Daje izói fiénidino fiéni illáfuaína iere izire o rairuíllana onódicue. Iemo jíái táinona “Jesucristo orécanodícaí” daídínona facátatízoa onódicue. Afemona afémaci táino llúana baítízoa.

³ Jaca o comeci járidoñedio, íemo iere cuedo o táijina llezica cue ícoínia iere duere zefuúidízoa. Afe llezica zefuúíñeno ñue táijidí. ⁴ Mei íadi daa figóñedífuena omo ite. Nano fueñe cue o izíruílla izói birui cuena izíruíñedio. ⁵ Ie jira ninómona oni nibéfodo baíidízoa comeci uibi. Mai

omo itífue méidori. Fueñe o illa izói o iri. Bífuenta o méidoñenia omo raire bíitícue, omo ite egáñote raa oni óllena. ⁶ Mei jáífodo, daa ñúefuena nai omo ite. Afe nicolaítas fieni finócafuiamo naa íaioi fieni jáífodo llógamo éoicana eróidio. Cue daje izói áfena éoidícue. ⁷ Ñuera Joreño Juzíñamuimo jaináidinona dáinamo cacáacadimie áfemo cacai. Afe Ñuera Joreño bie izói daiíacade: “Fiénidena anáfenodinona jáidimacina Juzíñamui nífueninano ite cáatate amena llizíllana güitátaitícue,” daide.

Esmírnamo ite ñnotinomo llogáuai

⁸ Daje izói Esmírnamo ite Juzíñamuimo gairídino úiñoraimamo bíuai cúeiri: “Nanóidimie dáamie íraimiena ómoimo úrite. Naui bíniemo tíidimie, íemo meine abido nane cáadimiena jaide. Afémie ona daide: ⁹ Nana o finócana onódicue. Daje izói o duere zefuíllana onódicue, naa o ráanina diga. Mei íadi uáfueza Cristo dibénedo iere ráaredio. Jáímaci fieni omo úrillana onódicue. Afémaci, “Juzíñamui nizeca Judíodicai” daidíai, mei íadi íeñediaioi. Afémaci dani Taife dibénemo jaináidino. ¹⁰ Duere o zefuíllemo jacínaiñeno o iri. Mei ómoimona dámierie Taife llavéracomo llavétaiteza, nana omoi facátallena. Daií omoi comeci ifue onóillena facátalliomoi. Diez dígarui duere zefuirediomoi. Mei íadi o tíillinomo zóofeñeno ñnofireiri. Daií o íadi zíñona cáallena o jirídotaitícue. ¹¹ Ñuera Joreño Juzíñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daiíacade: “Fiénidena anáfenodinona jáidimaci nane méifodo tíillamo raamo jiríñeitiaioi,” daide.

Pérgamomo ite ñnotinomo llogáuai

¹² Daje izói Pérgamomo ite Juzíñamuimo jaináidino úiñoraimamo bíuai cúeiri: “Afe nágafene jáirede lloefai llíidimie bie izói ona daide: ¹³ Nana o finócana onódicue. Afe izói Taife ocuícana cígimo itioza onódicue. Afénomo itio íadi zóofeñeno cuemo ñue o ñnuana onódicue. Daje izói cuemo o ñnuana fáicanocaiñedio. Afe izói Antipas mámeciredimie cue ñue jáicina cue uai nabáífredimie. Afémie omoi cígiri fatíai. Ie fáinaruido, cuemo omoi ñnuana zóofeñediomoi, Taife illánomo itíomoi íadi. ¹⁴ Mei íadi cue lletárafuiaina ómoimo ite. Omoimona dáarie jadí Pérgamomo Balaam llófuiana fáicanocaiacañediaioi. Afe Balaam jaii Balacna llófue Israel comini fieni fñuallena. Afe Balac Balaam llófuiamona Israel comínina jánaraimo fecaca rilleniaina ritátate. Afe dáaruido afémacina iere jiruíretade. ¹⁵ Nane jáíe cue lletárafuena ómoimo ite. Omoi cígimo dáarie afe nicolaítas lloga uaina féitaiacañedio ite. Afémacina éoidícue. ¹⁶ Ie jira mai omoi comeci ifue méidori; mei íadi omoi méidoñenia, raire omoi diga fuirízaibitícue. Uáfueza cue fuémoma bite jáirede lloéfado omoi fieni finóidinona fáziaibitícue. ¹⁷ Ñuera Joreño Juzíñamuimo jaináidinona dáinamo cacáacadimie, áfemo cacai. Afe Ñuera Joreño bie izói daiíacade, “Fiénidena anáfenodimiena jáitimie afe báinino ite maná daina monámona cocide güíllena güitátaitícue. (Bie maná Juzíñamui íaioi comécina náiretallena jana.) Iemo afémiemo úzerede nofítofena fécaítícue. Afe nofítofemo buna ónoñega comue mámecei cuelle. Dama afe nofítofe llíinoitimie áfena onóille.” Aquíe izói daide.

Tiatíramo ite ñnotinomo llogáuai

18 Daje izói Tiatíramo ite Juzíñamuimo jaináidino úiñoraimamo bíuai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide. 19 Nana omoi finócana onódicue. Cuen a omoi izíruillana onódicue, naa cuemo omoi ínua diga. Daje izói cue dibénedo ñue omoi táijicaillana onódicue, naa omoi comeci járitañena diga. Fueñe omoi táinia baimo birui jamánomo finócaidiomoi. 20 Mei íadi ómoimo daa cue lletárafuena nai ite. Afe Jezabel mámearedingo llógana rairuíñediomoi. Afengo, “Juzíñamui dibénedo úriticue,” daíífirede, mei íadi fiene ie llócaigafuedo cue ocuífiriganona jífuete. Afe jífuia uaido íaioina iere jiruíretade. Daje izói jánaraimo fecaca rílleniaina íaioina ritátate áfemo camátaillena. 21 Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífueña fáicanocaiacañede. 22 Mei jira birui afémaci afengo finócafuena fáicanocaiñenia, aféngona iere izire iráretaiticue. Daje llezica nana afengo diga jiruíredinona duere zefuítaiticue. 23 Afengo úruiaina titaiticue. (Afe úruiai daña afengo llógamo jíruitino.) Afemona naga come ífoci úrillana, ie comeci ifue diga ñue ícoimo cue onónana, nana Juzíñamuimo gairídino fídítiaioi. Iemo ómoimona illa dígamie fiene omoi finuaze ómoína duere finoiticue. 24 Mei íadi ómoimona Tiatíramo ite jíámaci afe Jezabel omoi llófuiá fiénide uaina náfuñediomoi. Afe Jezabélmo jaináidino íaioi llófueinana daidíaiói, “Cai llófueina uai Taife ie, iere báinide nai uáfodo ónonidífuiai,” daidíaiói. Afe llófueinana onótañegaomoi. Iemo ómoimo ite nauí cue lloga baimo jíáiena ómoína ócuíñeiticue. 25 Daa bie llóiticue: Omoimo ite ñúefuiai ñue rairuiri, nai cue bíñeille dino. 26 Fiénidena anáfenodinona jáitínona náiraiai ócuitimacina jóneiticue. Afémaci cue jítainana ñue ícoimo fuitáidino. Ocuille ríino íaioimo jóneiticue, 27 mei daí cue Moo cue ocuille ríinona cuemo jóneteza. Iemona náiraiaina rírede lloébici izóidedo ríire ócuitiaioi. Íaioimo cacáreaañedinona íciruai lláia jéeninno llairúngotailla izói, afe izói íaioina duere finoítiaioi. 28 Daje izói monáiracudu iere ebire egáíña izói, afémacina ebire fínoiticue. 29 Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

3

Sárdismo ite ínnotinomo llogáuai

1 Daje izói Sárdismo ite Juzíñamuimo jaináidino úiñoraimamo bíuai cúeiri: “Afe siete dígade Juzíñamui jóriaredimie, ñi afe Juzíñamui Ñuera Joréñoredimie Cristo, íemo afe siete dígade ucúduai llíidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izói itio. 2 Come cazilla izói mai abina onoiri. Nai omo due jiza fiébide ínogafuiaina meine ríire finori, mei aféfuiai jae táinocaiacadeza. Eródicuemo o finócafuiai cue Juzíñamui erócana ñue jaícina jóíñedeza. 3 O fueñe ínoga íaioi llófuiamo uibíoicairi. Afena jéire o oiri. Afe llezica o comécimo itífue ñúefuena méidori. O abina ñue onóñenia, merírífiredimie ónonino billa izói, duere omo finuaibiiticueza. Cue billíruina ónoñeítio. 4 Mei íadi ómoimona jádí Sárdismo dáarie comécina ñúemacina ite. Afémaci ínóina íáíñedinno

izoide. Afémaci úzecuiruai jitada cue diga jáitiaoí, mei afe daií íaioimo dúideza. ⁵ Fiénidena anáfenodinona jáidino úzecuirona jítaitiaoí. Iemo ziiñona cáaitino mámeçi cuiániçomona íaioí mámeçiana dóñeticue. Iemo daje izói cue Moo Juziñamui uícomo “Bie cüemaci” daíticue; daje izói ie abi imaci ángeles dainámaci uícomo “Bie cüemaci” daíticue. ⁶ Ñuera Joreño Juziñamuimo jaináidinona dánamo cacáacadimie mai áfemo cacai.” Aquíe izói daide.

Filadélfiamo ite ñnotinomo llogáuai

⁷ Daje izói Filadélfiamo ite Juziñamuimo jaináidino úiñoraímamo bíuai cúeiri: “Afe ñíuenedimie omo úrite. Afémie uáfueña úrifiredimie. Afémiemo jaiái illaíma David naze tuiñora llave ite. Afémie Juziñamui illáimana illano tuiñóadi buna íbáinide. Daje izói afémie íbáia, buna zuitánide. ⁸ Bímie bie izói ona daide: Nana o finócana onódicue. Buna íbáinide túide naze o uíçori jóneticue. Mei figo maíñíedio, íadi cue uaina náfuetio; cuena jaca jáanofinidio. ⁹ Iemona Taífemo jaináidinona o anamo caiñícido ana íaioí dújutano óreiticue. Afémaci táinona úrillano bie izói daiífirediaoí: “Cai bie Juziñamui nizeca judíuaidicaí” daidíaoí, mei íadi íeñediaoí. Nana baimaci o anamo dújutaiticue, íemona ona cue izíruillana fidiítiaoí. ¹⁰ Cue ocuica uai jeire o úamona aféuai daina izói comécina járidoñedio. Ie jira nana bíniemo bite facátalliruimona ona ñue ráiruiticue. Aféruído nana bíniemo ite comini facátalliaoí. ¹¹ Raire biticue. Omo ite ñúefuiai ñue rairuiri, o jirídolle raa bu báiroñilleza. ¹² Fiénidena anáfenodinona jáitínona cúeiena máíñoiticue. Máíñuano cue Juziñamui gairíracomo ite maíride jáállirai izói íaioina óreiticue. Iemona Juziñamui illánomona jaca jino jáíñeítiaoí. Íaioimo cue Juziñamui mámeçi cúeiticue. Daje izói cue Juziñamui jofue mámeçi íaioimo cúeiticue. Afe jofue mámeçi “Comue Jerusalén.” Afe jofue cue Juziñamuimona caífo monámona ana bite. Daje izói afe fiénidena anáfenodinomo cue comue mámeçi cúeiticue. ¹³ Ñuera Joreño Juziñamuimo jaináidinona dánamo cacáacadimie mai áfemo cacai.” Aquíe izói daide.

Laodicéamo ite ñnotinomo llogáuai

¹⁴ Daje izói Laodicéamo ite Juziñamuimo jaináidino úiñoraímamo bíuai cúeiri: “Uáfueña llotímie omo úrite. Afémie jaícina uai nabáifiredimie; daje izói jaca méidoñeno uáfueña úrifiredimie. Afémie nana Juziñamui finócana tainérama. ¹⁵ Afémie bie izói ona daide: Nana o finócafuiaina onódicue. Ráairuillano figo o íñoñenana onódicue. O ínoga ñue uzírediji izóiñede. Daje izói o ínoga caímare mánaidiji izóiñede. Ñue o uzírenana jítáidicue, nibai jáífodo o mánaínana jítáidicue. ¹⁶ Mei íadi jabo uzírediji izóidio. Iemona jabo uzírediji jino tua izói ona jino dótaíticue. ¹⁷ Bie izói daiífiredio: “Ráaredimiedicue,” daidío. Iemo “Nana cue illafue ñue jóide. Cue jitaica raana íñede,” daiífiredio. Mei íadi jáífodo o illana onóñedio. Juziñamui eróicana bu cáimadoñegamiedio. Iemo daje izói iere duere zefuítagao, íemo iere dúeredimiedio, íemo uina cíoiñedimie izóidio. Iemo jáí ínícuironino emuíromade izóidio. Afe bie izói o illana jaca onóñedio. ¹⁸ Mei jira omo llóiticue, “Iraimo ñue finoca órona cüemona íba, uáfueña ráaredimiena o jáillena. Daje izói cüemona úzerede ínícuirona íba, o meáire emuíromana íbáillena. Daje izói ui manórajina cüemona íba, o uimo jóoniamona ñue o cíoiillena. ¹⁹ Nana cue izíruiganona

lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o ínofireiri. O comeci ífuiái méidori, ona duere cue fínoiza. ²⁰ Ero cacai, come comeci naze ízoinamo iticue. Dinómona jíríticue. Cue uaimo cacáreitimie ie naze tuiñóadi cue llínollena, afémie illánomo jofo jáitícue. Jaillano dájena afémie diga nabáiriticue. Daje izói conima diga caimare úriticoco. ²¹ Fíenidena anáfenodinona jáitinona, illáimana cue ráiiranomo afémiena cue diga ráitaiticue. Mei daíí fíenidena cue anáfenuamona cue Moo illáimana ráiiranomo ráinazaidicueza. ²² Ñuera Joreño Juzíñamuimo jaináidinona dáinamo cacáacadimie, mai áfemo cacai.” Aquíe izói daide.

4

Monamo Crístomo lloga cáimafuiai

¹ Bie méifomo éroidicuemo, monamo ite naze túinana ciódicue. Fueñe cue cacana uaina meine nane cacádicue. Afe uai vudugoi ficírena izói cacaide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataitícue, —daide.

² Afe llezica Ñuera Joreño anamo itábicaidicue. Iemona monamo ite illaima ráiiranona ciódicue. Afénomo dáamie ráiinana ciódicue. ³ Afémie iere quérede ‘jaspe’ daina ráifide nofiji izói éroide. Aféjina jáifo daina ‘cornalina.’ Afe ráiirano abido róziguëo nágafene ífoina ite. Afe róziguëo ‘esmeralda’ daina ráifide nofiji quenírena izói quenírede. ⁴ Iemo afe ráiirano abido veinticuatro diga jáíe illaima ráiiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráiidiaioi. Afémaci úzerede iníroillai jítádiaioi. Iaiói ífomo oro finoina illaima jítáfiregacuífoi júiena. ⁵ Afe áillue ráiiranomona aillo boride. Afe llezica afénomona iere ficire mona gíría cacacaide. Iemo afe ráiirano uícomo siete dígade áillue bobáieniai bóoide. Afe siete diga bóoide bobáieniai Juzíñamui Ñuera Joreño jana. ⁶ Dáanomo afe ráiirano uícomo, daa monáillaina eroide illa. Afe monáillai anáfenemo ñue cíoide vidrio izoide.

Afe ráiirano abido cuatro diga cáadimíiai ífoina itíaiói. Afémaci erófene dibénemo aillo uíjiai ite. Daje izói emodo dibénemo ite. ⁷ Bimácimona daa jánallarina eroide. Iemo jáíe juráreto íitona eroide. Iemo jáíe uíeco, come uíeconero eroide. Iemo jáíe feede máajaiñona eroide. ⁸ Afe cuatro diga cáadimíiaimo illa dígamie seis diga íaicuai ite. Afe íaicuai erófenemo uíjiaina oruide; daje izói emodo dibénemo ite. Afémaci mona naio diga llíicaiñeno úritiaioi; Juzíñamuina daííoidiaioi:

¡Iere íaifuenidio! ¡Iere íaifuenidio! ¡Iere íaifuenidio!

Iere ñuera cai Ocuíraimadio.

Jamánomo ríinorede Juzíñamuidio.

Jaca nanómona ítimiedio,

Iemo nai birui ítimiedioza,

Iemo uire jaca ninomo zííñona ítimiedioza, —daíí daííofirediaioi.

⁹ Illa dígacaiño afe cáadimaci, ráiiranomo ráide Moo Juzíñamuimo ebíredifue nitáadi, íemo ñúefue jóoneadi, íemo jáíí figura íena dáiiadi, ¹⁰ afe llezica afe veinticuatro diga ocuide éicomini áillue ráiiranomo ite Juzíñamui anamo dújufirediaioi. Iemo afe jaca ninomo zííñona ítimiena

caimátaiðiaioi. Afe llezica íaioi oro finoina illaíma ifo icuífui ráiirano uícomo jónefireðiaioi. Jóoneta daiífireðiaioi:

11 Cai Ocuíraíma Juzíñamui,

Iere ebíredifue omo nitáregaza,

Daje izói ñúefuiyai omo jónefiregaza.

O jamánomo ríinorenana omo nitáregaza.

Nana aféfuiyai ona náamaredeza.

Mei naga ráaniai o comuítaga.

Iemo o comeci jítaina izói itíaioiza.

Daje izói o comeci óiacanamona finócaiaioi.

Aquíe izói daiífireðiaioi.

5

Ráiðimie llíga rabénicono ciódicue naa Cordero dainámie Cristo diga

¹ Afe méifomo illaíma ráiiranomo ráiðimie nabézimo ite rabénicono ciódicue. Afénico ferinoga rabe. Erófenemo cuega, daje izói jinófenemo jiái cuega. Afénico siete diga sello daina ñue ibaira raado ibaica. ² Iemo ríirede ángel daina Juzíñamui abi ímiena ciódicue. Afémie ficírede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? —daide.

³ Mei íadi afénico tuiñoitimiena iñede. Caífo monamo iñede. Biniemo iñede, íemo bínie anamo tíidino illánomo jiái daje izói iñede. Daje izói afénicomu buna eróinide afe facádollena. ⁴ Afénico tuiñoite comécina ñuemienna baiñenamona iere éedicue. Daje izói afénico facádoitimie iñenamona, íemo jiái afénicomu eróillano ónoitimie iñenamona, iere éedicue.

⁵ Iemona veinticuatro diga eicomínimona dámie cuena daide:

—Mai benómoma éeñeno o iri, mei Judá nairai illaíma Jánallarina mamécamie, fiénidena jae ñue anáfenotateza. Afémie jaiái illaíma David erófene igímamona comuídimie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

⁶ Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga éicomini cígimo, Cordérona mameca Crístono ciódicue. Afémie táide, mei íadi Juzíñamuimo fia fecállena ie íaioi fáina meífo cíoide. Afe Cordero siete diga zícairede, íemo ie ui siete dígade. Afe siete dígade uíjiaí naga éniáimo oreca Juzíñamui Ñuera Joreño jana. ⁷ Afe Cordero illaíma ráiiranomo ráiðimie nabézimo ite rabénicono llínuaide. ⁸ Afémie afénico llínua llezica afe cuatro dígade cáadimíai, íemo afe veinticuatro dígade ocuide éicomini afe Cordero anamo dújudiaioi. Afe eicomínimona illa dígamie ‘arpa’ daina rua roia taiga raa llíiediaioi. Daje llezica afémaci oro finoina ugúciaina oruide ichecoí llíidiaioi. Afeniaí Juzíñamuimo jaináidino afémiemo jicara uailaí jana. ⁹ Afe éicomini bie comue rua rotíaioi:

O iere comécina ñuemienamona bie rabénico llínnota tuiñolle omo dúide.

Mei nauí Juzíñamuimo fatá fecácamiedioza.

Caina o ðie tóillado Juzíñamui íena ibáðioza.

Uáfueña nágaziemona,

Iemo nana jiáífo úritinomona,

Iemo naga comini jófuaiaimona,
Iemo nana náiraiaimona Juziñamui íena caina ibádioza.
10 Cai Juziñamui ie illáinina caina jáitatio;
Daje izói comindo Juziñamuimo úrifireitinona caina jónetio;
Iemona énie náiraiaina ócuiticai.
Aquie izói rotiaioi.

11 Afe mei eróidicue. Iemo aillo afe illaíma ráiranomo ífoina ite ángeles
daina Juziñamui abi imaci úrilla uaina cacádicue. Daje llezica afe cuatro
diga cáadimíai uaina cacádicue. Iemo dáaruído éicomini uaina cacádicue.
Afe Juziñamui abi imaci iere jamánomo aillo itiaioi. Ua millones y millones
dánaze itiaioi. 12 Afémaci fícirerie úritiaioi; daidíaioi:

Fatá Juziñamuimo fecaca Cordero comécina iere ñúenamona ñuera ríino
mañolle afémiemo dúide.

Daje izói aillo ráifide ráaniai dáamiemo dúide.

Iemo ifoci déillafuiai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

13 Afe llezica nana Juziñamui comúitaganuiai úrilla uaina cacádicue:
nana monamo itínuiái, daje izói éniemo itínuiái, daje izói énie anamo
itínuiái, daje izói monáillaimo itínuiái, naa afénuaímo itínuiái úrilla uaina
cacádicue. Daidíaioi:

Nana caimátaille uaillai illaíma ráiranomo ráiide Moo Juziñamuimo
íredeza,

Daje izói jái Cordéromo íredeza.

Afe izói ñúefue afe íaillinoimo nitáredeza, naa ñuera ébifue diga,

Iemo ñuera ríino íaillinoimo íredeza.

Nana aféfuiai íaillinoimo nana fimónaíaido, jaca ninomo zíñona daí
daírenaza.

14 Iemo afe cuatro diga cáadimíai aíaírilla izói daidíaioi:

—¡Daítadeza! —daíoi-firediaioi.

Iemo afe veinticuatro dígade éicomini ana dújuillano, jaca ninomo
zíñona cáadimiemo caimátai-firediaioi.

6

Siete dígade sello daina rabénico ibaira rafue

1 Cordero afe siete dígade séllomona nánora tuíñuana ciódicue. Daje
llezica cuatro dígade cáadimíaimona dáamie dánana cacádicue. Ie úrilla
uai, mona gíria fíciarena izói fícirede. Daide:

—Mai eróizaibi, —daide.

2 Cue eroilla llezica úzerede cabállona ciódicue. Afe emódomo
ráicaidimie zicuirá lliicaide. Iemo illaíma ífo icuífoina ie jítdiaioi. Jita
mei afémie naga náiraina anáfenocana jaide. Ie mei nágaruillaido afémie
íaióina anáfenofirede.

3 Méifoide séllona Cordero cuata llezica, tórona éroide cáadimie úrillana
cacádicue. Afémie:

—Mai eróizaibi, —daide.

4 Afe llezica jáirede caballo jino bíllana ciódicue. Afe emódomo
ráicaidimiemo féitalle ríino afémiemo iga. Afémie nana nairai caimare

uái illa féítaite, comini conímána fazítallena. Afe llezica áillue lloébicína afémiemo iga.

⁵ Iemo Cordero nane jíáie tercer daina sello cuata llezica, jíáie cáadimie úrillana cacádicue. Afémie:

—Mai eróizaibi, —daide.

Jira eróidicue. Eróidicuemo daa jítirede cabállona ciódicue. Afe emódomo ráicaidimie mérenana onóillena facara raa líicaide. ⁶ Iemo cáadimíai cigimona dáamie úrilla uai cacádicue. Aféuai daide:

—Daa kilo trigo daa mona táijina fidi. Iemo daámáni kilo cebada daa mona táijina fidi. Iemo aceite vino diga jaca jeruíredeza, mei afe íballe úcube íñédeza, —daide.

⁷ Afe mei Cordero jíáie ‘cuarto’ daina sello cuata llezica, cáadimíaimona íraimie úrillana cacádicue. Afémie:

—Mai, eróizaibi, —daide.

⁸ Eróidicuemo borárede cabállona ciódicue. Afe emódomo ráicaidimie titáfiredimie dainámie. Afémie óodana tiidino illano jana maméidimie bite. Enie cuatro diga fecácamona dáanie íemo iga, afénomo riire ocúllena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúcuaido íaioina tícoizitaite. Iemo éniemo ite illáirede rílleniai íaioina tícoizitaite.

⁹ Afe mei Cordero jíáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicue. Afémaci Juzíñamui uai llócailla ícoinia titácaiaioi. ¹⁰ Afe bimaci ficire úritiaioi; daidíaiioi:

—Íafuenide cai Ocuídímie, uícodo o llógana méidoñeno ñue fuitáfiredio. Eniemo ite cai titádino iere jicánota duere o finóllena, ¿níé dinó nai mozíñoitio? Cai fatino iba o ollirui, ¿nígarui nai bai dúíñoitio? —daidíaiioi.

¹¹ Mei jira afe altar anamo ítmaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tílla izói uire titállino, Juzíñamui mámanomo nai dúciñede. Afe titállino, nauí íaioi titaca ámatiaí izói, Cristo uaimo táijífrediaioi.

¹² Cordero nane jíáie ‘sexto’ daina sello cuata llezica, eróidicuemo, énie iere jacire docaide. Iemo jitoma zúunaillana, jítaca jítiroi izói éroide. Afe llezica fuí náauina jáirede die izói méidoficaide. ¹³ Afe dáaruido mona ero ucúduai cocídiaioi. Ua, higuera daina amena llizilla, jairifo riire beguíñuamona cócia izói, afe izói ucúduai ana bíñiemo cocídiaioi.

¹⁴ Afe llezica, rabe jofo ferírioicailla izói, mona ferírioicaide. Iemona cióbicaíñena. Iemo dáaruido nana caifóneduai naa monáillai cigi íduai íaioi illánomona oni jírecaide. ¹⁵ Iemona nairai illaini caifóneduai anamo ite ífuaimo, naa jéerie nofíciái cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuiríraini illáicomini, íemo iere ríredinuiái, íemo nana jacire rairuícana, daje izói buna ráiruiñegano, nana afénomo retáiritiaioi. ¹⁶ Afémaci caifóneduaina jéerie nofíciaina daíífrediaioi:

—¡Mai caimo bai! Mai caina jiita, baie illaima ráiranomo ráide Juzíñamuimona caina rétaido. Cordero finolle jacire cai duere finóllifuemona caina rétaido, —daíífrediaioi. ¹⁷ Mei jíi, iere jacire comini duere finóllirui jae dúcidez. ¿Bu mei áfena mozíñorena?

7

Israel náiraimona náamana onóillena cuegámaciai

¹ Bie méifomo bínie fuédaiaimo cuatro dígade ángeles daina Juzíñamui abí ímíai, naidáienana ciódicue. Afémaci nágafenaiamona jairifo jáiñuana moziñotíai. Afe éniemo jairífona jáiñótañediai, daje izói monáillaimo jáiñótañediai, íemo jíái aménaiaimo jáiñótañediai. ² Iemo jíáie Juzíñamui abí ímiena mona móimona bíllana ciódicue. Afémie caade Juzíñamui íeie daíllena sello daina jóonelle raa líicabite. Afémie ficire úrite. Enie fuédaiaimo cuatro díga naidáidimíaimo úrite. Afémaci bínie fiéni íai. Finolle, naa monáillai díga ríinona igámaci. Afémacina bímie daide:

³ —Cai Juzíñamui ocuífreganomo, íai. Ozócimo náamana onóillena mámecei nai jóoneña llezica, nai bíniena duere finóñeno iri. Daje izói monáillai naa aménaia raire duere finóñeno iri.

⁴ Jóonia mei, nígamaci náamana onóillena mámeceina jóonegano íai. Número cacádicue. Nana Israel náiraimo itíziaimona afe cuegano ciento cuarenta y cuatro mil dígade.

⁵ Judá izíemona doce mil díga cúefide.

Iemo Rubén izíemona doce mil díga cúefide.

Iemo Gad izíemona doce mil díga cúefide.

⁶ Iemo Aser izíemona doce mil díga cúefide.

Iemo Neftalí izíemona doce mil díga cúefide.

Iemo Manasés izíemona doce mil díga cúefide.

⁷ Iemo Simeón izíemona doce mil díga cúefide.

Iemo Leví izíemona doce mil díga cúefide.

Iemo Isacar izíemona doce mil díga cúefide.

⁸ Iemo Zabulón izíemona doce mil díga cúefide.

Iemo José izíemona doce mil díga cúefide.

Iemo Benjamín izíemona doce mil díga cúefide.

Aillo dáanomo úzecuiruai jitada gairídino

⁹ Afe méifomo eróillano jamánomo aillo comínina ciódicue. Nana náiraiaimona dáanomo bitíai. Daje izói nágaziemona bitíai. Iemo daje izói jíáifo úritinuaiaimona bitíai. Iemo daje izói naga jófuaiaimona bitíai. Nana bimaci illaíma ráirano úcomo naidáidiai. Daje izói Cordero úcomo naidáidiai. Aféno aillo itíai. Buna facádonide. Nana afémaci úzecuiruai jítaidiai. Daje llezica afémaci rafóruai líiediaí. ¹⁰ Nana fíicirerie daidiai:

Cai jíllonano, illaíma ráiranomo ráide cai Juzíñamuimona comuide.

Daje izói cai jíllonano Cordéromona comuide, daidiai.

¹¹ Afe llezica nana Juzíñamui abí imáciai, illaíma ráirano onido ífoina naidáidiai. Daje izói veinticuatro dígade éicomini onido ífoina naidáidiai. Iemo jíái cuatro díga cáadimíai onido ífoina naidáidiai. Afémaci afe ráiranomo ráidimie anamo éniemo fueco díne bíjicaidiai. Bíjicaillano Juzíñamuimo caimátaidiai. ¹² Daidiaí:

¡Bie izóideza! Núefuai nitalle cai Juzíñamuimo dúide, ñue ebíredifuaí díga.

Daje izói nana ñue onóigafue íemo dúide, naa figura daífiréna díga.

Daje izói afémiemo nitárede ñúefue dáamiemo dúide, naa áillue máirie díga.

Nana bífuiai cai Juzíñamuina jaca ninomo ziiñona daií daiírenaza. Aquíe izóideza, —daiíaiíoi.

¹³ Afe mei afe eicomínimona dáamie cuemo jicánote:

—¿Baie buoi úzecuiruai jitáoina? ¿Afémaci mei ninena bitíaiíoi? —daide.

¹⁴ Jira íena daiídicue:

—Afena onóñedicue. O ñue onódio, —daiídicue.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íaiíoi íllena ja Cordero díedo muiñócaza. Afémaci iere úzecuiro ínucuiro illa izói itíaiíoi. ¹⁵ Ie jira Juzíñamui ráirano uícomo itíaiíoi. Afe llezica nágaruillai, mona naio diga, Juzíñamui gairíraco ero ie ocuillana finófrediaíoi. Iemo afe ráirano mo ráide Moo Juzíñamui, íaiíoi diga íllado jácifuemona íaiíoina ráiruite. ¹⁶ Afémaci jaca júbiemona duere finóbifeitiaíoi. Daje izói jiróacanari duere zéfuiñeitiaíoi. Iemo jitoma íaiíoina jíái úzitañeite. Daje izói uzíredirui mo na uzírena íaiíoi mo uzire cácañeite. ¹⁷ Mei illaíma ráirano abimo ite Cordero, ovejai uíña izói íaiíoina uíñoiteza. Afe llezica ñuera jainoi jino toránuaído íaiíoina ífóicaite. Afe jainoi ziiñona cáatatiji. Iemo afémaci éeadi Juzíñamui íaiíoi ui jeme nana oni dóite.

8

Iraie sello cúatajana cióide, oro finoína uguci uillítara diga

¹ Iemo Cordero llíga rabénicomo ite íraie sello daína íbaíoi de raa cuata llezica, daa hora átuedo mona tí daiíñoaíde. ² Afe mei siete dígade Juzíñamui abi imaci Juzíñamui uícomo naidáienana ciódicue. Afémaci siete diga vudugoi izoide raana igáiaíoi. ³ Afe mei jíaie ángel dainámie Juzíñamui abi ímie oro finoína uguci uillítara llíicabillana ciódicue. Afémie altar daína Juzíñamui caimátairano uícomo naidaide. Iemo aillo ugúciai afémiemo fecácaza, áfena Juzíñamuimo uillítallena. Mei nana Juzíñamuimo jaináidino afémiemo íaiíoi jicáfírena uailai llua llezica, bímie dáanomo afe ugúciai Juzíñamuimo uillítaiteza.

Afe Juzíñamui ráirano uícomo ite oro finoína ie caimátairanomo, bímie afe ugúciai jutade; íemo afe llezica afe Juzíñamuimo jaináidino jicáfírena uailai llócaigaza. ⁴ Afe uguci uillíe, Juzíñamui abi ímie áfena altarmo juta mei, Juzíñamui uícomo caífo uillíoi caide, nana Juzíñamuimo jaináidino jicáfírena uailai diga. ⁵ Afe mei Juzíñamui abi ímie uguci uillítara raa llínote. Llínvano altármona oga caade iráiciaína áfena oruítate. Daií fínvano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

Siete dígade vudúgoína eroide raa

⁶ Iemo afe siete dígade vudúgoína eroide llíide Juzíñamui abi ímáciai afe vudugoi fúunollena maméritiaíoi.

⁷ Nanóidímie fúunua llezica, jéerie nocíjiaí éniemo cocítate. Afe dáaruído réici diga díe taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaíai boode. Daje izói nana caade ráitiaimona jarífene boode.

⁸ Afe meifo Juziñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide. ⁹ Afemona nana afénomo ite caade chámuniaimona jarífeniaí aillo tícoizitiaíoi. Daje izói afénomo ite jéerie bárconiaimona jarífenedo aillo niné táinocaidiaíoi.

¹⁰ Iemo jiáie Juziñamui abi ímie ie vudugoi fúunua llezica, áillue ucudu monámona éniemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuaímo baiílla. ¹¹ Afe ucudu mámece Eríredicudu. Iemona nana imánillaimona jarífemanillai eríriede. Iemona afe jainoi eríre jáillamona aillo comini tídiaíoi.

¹² Ie mei nane jiáie Juziñamui abi ímie ie vudugoi fúunua llezica, jítomamona jarífetomado jítirecaide. Daje izói fiuimona jarífeuido jítirecaide. Iemo jiái ucúduaimona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáíñoñediaíoi.

¹³ Afe méifomo caifo monamo éroidicue. Afe mona erodo feede Juziñamui abi ímienna cacádicue. Afémie ficire úrioicaide. Daide:

—Aii. Eniemo ite comini nii dúerena; mei Juziñamui abi imácimona daámami nai fiévide vudugoi fúunollena. Afémaci fúunua llezica énie imaci, ¡Nii duere zéfuitiaíoi! —daide.

9

¹ Iemo nane jiáie Juziñamui abi ímie ie vudugoi fúunua llezica, daa ucudu monámona éniemo baiillana ciódicue. Iemo fiénide joríaí íbárafo zuitara llave afe ucúdumo iga. ² Afemona afécudu aféfona tuiñode. Tuiñuamona aféfomona jacafai bóua uíllia izói caifo uíllide. Aféfomona caifo uíllide uíllie jítomana dúitate. Afe llezica mona erona jítire finode. ³ Afe uílliemona bíniedo feede fiuai comuide. Afémaci, éniemo ite acáiduai izói molléroirediaíoi. ⁴ Afémaci ráitie güíllena rairuicaiaíoi. Daje izói nana amena rábiaína guitatañegaiaíoi, naa jiáie mócore zicode ráaniaí diga. Daa comini duere finóllena orécaiaíoi. Mei íadi dani Juziñamui ie daítate mámece ozócimo cúeñeganona, afe fiuai duere fínoitiaíoi. ⁵ Mei íadi afe fiuai comínina titatañegaiaíoi. Mei jiáfodo afémaci cinco diga fiui comínina izi cácataitiaíoi. Afe fiuai mailla, acaido come mailla izói izíreite. ⁶ Iemona aféruillaído comini, “Raíre cue tílli” dáíitiaíoi, mei íadi tííñeitiaíoi. Iere tíiacaitiaíoi íadi, titáfiredede raa afémacimona oni jica jáite.

⁷ Afe fiuai jóbairizaillena mamérilla cabállona eróidiaíoi. Iaiíoi ifócimo oro finoina illaíma ífo icuífoína éroide jíina. Iemo íaiíoi uíeco come uíeconna éroide. ⁸ Iaiíoi ífótií ringo ífótiína éroide. Iaiíoi ízie ‘león’ daína jánallari íziena éroide. ⁹ Iemo llojécuiroi izoide abi ríidote icogí íaiíoi jogóbemo jíide. Iaiíoi féeoína jamánomo ficírede. Uafue, jóbairizailla caballo zonóicaiga ‘cárronia’ ficírena izói ficírede. ¹⁰ Iemo afémacimo ite ooda acaido ooda izói molléroirede. Afe óodamo cinco diga fiui comini duere finolle ríino ite. ¹¹ Afe fiuai illaíma ite. Afémie fiénide joríaí íbárafo uííñotímie. Afémie mámece hebreo uaido Abadón; íemo griego uaido Apolión. Afeci daííacade “Niné táinocaitímie.”

¹² Nanoide jacire izi cacánafue jae záaide. Mei íadi nai mena fiévide.

¹³ Iemo nane jiáie Juzíñamui abi ímie ie vudugoi fúunua llezica, Juzíñamui uícomo ite oro finoina altar daina afémiemo caimátairanomona úrilla uaina cacádicue. Afe uai afe caimátairanomo ite cuatro dígade caifo fáide zicai cígimona cácacaide. ¹⁴ Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abimo cuinaca ángeles izóidino mai zuitari, —daide.

¹⁵ Jira zuitacaiaioi, nana comini jarífenairaido titállena. Mei aféruimo dúcinamona bai óllena eneno mamécaiaioi. Daje izói biruimo dúcinamona mamécaiaioi. Daje izói bie fiui íena mamécaiaioi. Iemo daje izói bie fimona íena mamécaiaioi. ¹⁶ Afe cuatro diga ángeles ocuillino aillo ite. Nana afémaci cabálloniai emódomo ráiiediaioi. Iemo afémaci dígadiaoí dáinana cacádicue. Afémaci doscientos millones dígadiaoí.

¹⁷ Bie izói éroide cabálluai nicaido çiona izói ciódicue. Afe cabálluai emódomo ráiidino jogóbiaimo llojeco jitáoidiaioi. Afe llojúcuromo jáire, mócore, borare cuega. Iaiói cabálluai ifo ‘leon’ daina jánallari ifona éroide. Afémaci fuémoma irai izói jino bite, íemo uíllie bite, íemo daje fuémoma nairai iere uzire cóonaitalle raa jino bite. ¹⁸ Afe cabálluai fuémoma bite daámani jacire tánocaitate ráamona aillo nairai fuite. Uafue, nana comínimona jarífenairai tídiaioi. ¹⁹ Daje izói afe cabálluai óodamo jacire títaite riino ite, mei afe ooda jaiona eróideza; ifóredeza. Afedo comínina ainízicana uite.

²⁰ Mei íadi tíidinomona fiébidino, baie daámani jacíredemona tíñedino, íaioi finófireiga fiénidífuiaí féitaacañediaioi. Daje izói fiénide joríaimo caimátaitajana fáicanocaiñediaioi, naa jiáiforie finoca jánaraiaina. Dáarie afe jánaraiaí oro finoina, jiáie plata finoina, jiáie bronce finoina; íemo jiáie nofici finoina, íemo jiáie amena finoina. Nana bie jánaraiaí jaca cióñede; daje izói minícana cacáñede, íemo daje izói macáñede. ²¹ Afe fiébidino jiáimaci méiniana fáicanocaiñediaioi. Daje izói jiáima fue gáiana fáicanocaiñediaioi. Daje izói íaioi jiruúrenana féitañediaioi. Daje izói íaioi merírifirenana féitañediaioi.

10

Daa ángel dainámie Juzíñamui abi ímie duera rabénico llíide

¹ Afe méifodo riirede Juzíñamui abi ímie monámona ana bíllana ciódicue. Afémie uíllie cígido bite; íemo afémie ifomo rózígüeo izoide jína. Ie uíeco jitoma egáñua izói quenírede. Iemo ie ídai boode jáillirai izói éroide.

² Afémie daa duera rabénico tuiñoda llíide. Ie ídai nabezi monáillaimo bitade, íemo ie jarífezi éniemo bitade. ³ Iemo jánallari ficire irilla izói ficire úrite. Afémie úrilla mei, mona siete dígacaiño giride; ie gíría come úrilla izói cácacaide. ⁴ Afe siete dígacaiño mona gíría llíicailla mei, íaioi daina uaillaí cúeiacadicue. Mei íadi cúeiacadicuemo monámona daa uai cuemo úrillana cacádicue; daide:

—Afe siete dígacaiño mona gíría uaillaí rabemo cueñeno iri; báinino comécimo o jóoneri, —daide.

⁵ Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáoide. ⁶ Afe llezica zíñona ite Juzíñamui mámecei llíinuano riire úrite. Afe dáaruido énie comúitatímie mámecei, daje

izói monáillai comuítatimie mámecei, íemo nana afénomo ite cáadinuai comuítatimie mámecei llínnota riire daide:

—Benómona jaca ja móziñoñelleza. ⁷ Jabe siete dígademona íraimie Juzíñamui abi ímie ie vudugoi fúunolliruimo dúcille llezica, Juzíñamui jaca ía comécido báinino mamécáfue, ñue ícoimo zaite. Daií Juzíñamui ie uai jino llórainimo jaiái uícodo llote. Afémaci dani ie ocuífíregano, —aqué izói daide.

⁸ Naui monámona cue cacana uai nane meine cuemo úrite. Cuena daide:

—Afe éniemo monáillaimo naidáidimie ónoimo ite túide duera rabénico mai llínuai, —daide.

⁹ Jira afe Juzíñamui abi ímiemo afe duera rabénico jícajidicue. Jicádicuemo afémie cuena daide:

—Llínnota mai güi. Afe duera rabénico o fuemo cíiji naimérena izói cácaite, mei íadi o jébemo erire cácaite, —daide.

¹⁰ Mei jira Juzíñamui abi ímie ónoimona afe duera rabénico llínnota güiticue. Güiticuemo cue fuemo cíiji izói naimere cácaide. Mei íadi afe ja cue güilla méifodo cue jébemo erire cácaide. ¹¹ Afe mei cuena daidíaioi:

—Juzíñamui daina aillo comini jófuiaimo cómuitifuiái, meine dáanomo llóredioza. Daje izói aillo náiraiaina Juzíñamui dáinana llóredioza. Iemo daje izói jáíforie úritinona Juzíñamui dáinana llóredioza. Iemo jáí aillo illáinina Juzíñamui dáinana llóredioza, —aqué izói daidíaioi.

11

Uai nabáífírede íaillinoi

¹ Afe mei árrera rázina cuemo itíaioi. Afezi jofo facáradozina eroide. Afezi cuemo fécano cuena daidíaioi:

—Mai náidacaillano dama Juzíñamui gairíraco nie dinóride fácaji. Daje izói Juzíñamui caimátairano o fácaji nie dinóride. Afe llezica afénomo nieze afémie caimátaidimacina ite mai fácado. ² Mei íadi afeco jinófebiri facáñeno o iri; mei afeno jicánemacimo dúideza. Afémaci Jerusalén daina íaífuenide jófuena cuarenta y dos díga fuído fieni anáfenoitíaioi. ³ Iemo cue dibénedo úrillaena uai nabáífírede íaillinoína óreiticue; come zuure ía jítaca jíticuiro, jítaitiaillinoi. Afe íaillinoi mil doscientos sesenta dígaruillai cuedo úritiaillinoi. (Afe mil doscientos sesenta dígarui, cuarenta y dos díga fíui.)

⁴ Bie cue uai nabáífírede íaillinoi ménade olivo amena izóidiaillinoi. Daje izói afe íaillinoi binie comuítate Juzíñamui uícómo jónega mena boode áillue lámpara izóidiaillinoi. ⁵ Dáamie íaillinoína fieni finóacaniadi, afe íaillinoi fuémona irai orédiaillinoi, afe íaillinoi fáiacadinona náamiena cuarítallena. Nana íaillinoína fieni finóacadinona daií títaíteza. ⁶ Bie cue uai nabáífírede íaillinoimo monámona noci bítañede riino ite. Afe íaillinoi Juzíñamui dibénedo úricaille dinó, nocina bítañeitiaillinoi. Daje izói jainoi díena ória riino íaillinoimo ite. Iemo jáí comini duere fínoite nana jacírede duico comuítaja riino afe íaillinoimo ite. Afe íaillinoi comeci ójacana dinori comínina duere finórediaillinoi. ⁷ Mei íadi afe íaillinoi táijina fuilla mei, iere jacire éroide caade rille afe fiénide jóriai íbáirafomona jino bite. Jino billano afe íaillinoi díga fúirite. Fuirillano íaillinoína anáfenoite. Anáfenua mei íaillinoína títaíte. ⁸ Íaillinoi tílle mei, cai Ocuíraima coráinanomo, ní afe Jerusalem, afe áillue jofue cigi iomo,

íallinoi tíide abi fiénocaigaiaillinoi. Afe jofue mámecei, fiēni íllana onótate uaido Sodoma daína. Daje izói jíái Egípto daína. ⁹ Iemo daruíamani átuedo díga jófuiái nairai afe íallinoi abi tíillamo acáritiaíoi. Iemo íallinoi abina raitátañeítiaíoi. Daje izói dígazie íallinoi abi bíinamo acáritiaíoi, naa jíáifodo úritinuiáiri. ¹⁰ Bíniemo ite comini afe íallinoi tíllari iere íóbidiaíoi. Daje izói caimare íitiaíoi. Afe caimare íaíoi íllamona conímamo ráaniaína raíñoñeno fécaítiaíoi. Mei afe íallinoi Juzíñamui dibénedo úricailla llezica, bimácina iere duere zefuítatiaillinoíza. ¹¹ Mei íadi daruíamani átuedo jailla méifomo Juzíñamui afe íallinoína meine abido cáatate. Iemo meine abido íallinoína macátate. Iemona íallinoímo acáritino jamánomo jacínaitiaíoi. ¹² Afe mei afe uai nabáifirede íallinoi monámona ficírede uaina cacade. Aféuai íallinoína daide:

—Caifo bené bi, —daide.

Jira íallinoína éoidino éroidemo, caifo mona uílliedo monamo jáidiaillinoi. ¹³ Afe íallinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaíoi. Afemona fiébidino iere jacínaitiaíoi. Jacínailano monamo ite Juzíñamuina caimátadiaíoi.

¹⁴ Méifoide iere jácifue ja záide, mei íadi íraie bille ja rairedo.

Siete dígade vudugoí fúunotinomona ja íraímie fúunote

¹⁵ Siete dígade ángeles daínamaci Juzíñamui abi ímíaiamona íraímie ie vudugoí fúunote. Fúunua llezica, monámona díga ficire úrilla uailla cácailla; daidíaíoi:

—Nana bínie íllaini ílláimaillano naa íaíoi ocuícánuiári ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuifireite, —daidíaíoi.

¹⁶ Iemona Juzíñamui uícomo ráide veinticuatro dígade éicomini íaíoi illaíma ráiranomona ana bíjicaidiaíoi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaíoi. ¹⁷ Iena daidíaíoi:

Ona figora daidícai.

Jamánomo ocuide Juzíñamuidíoza.

Birui ítimiedíoza, íemo jaiái nanómona ítimiedíoza, íemo jíái jaca ninomo zíñona ítimiedíoza.

Figora ona daidícai, mei o áillue ríino maíñódíoza.

Máíñuano ja nane como ocuízaidíoza.

¹⁸ Náiraíai ícírinaizitiaíoi, mei íadi íaíoi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibénedo úrite o ocuífirganomo íaíoiēna o mameca ñúefuiaína íaíoiimo fécaítio.

Daje izói o uaina ñue íñofirede ñue finócanomo íaíoiimo dúide ñúefuiaína fécaítio;

íemo daje izói o mámeceína jífánodoíñeno ñue llínotinomo íitio.

Uáfueza, jamánomoidímiemo,

daje izói jamámiemo íaíoiimo dúide raana íaíoiimo ífiredio.

Daje izói bínie ñúemacina fiéniruitadino o tánocaitalliruimo ja dúcizaide.

Aquíe izói afe éicomini daidíaíoi.

¹⁹ Iemona monamo ite Juzíñamui gairíraco tújicaide. Afénono Juzíñamui comini díga caimare úrira raa uáfori cíocaide. Afe úrira raa emodo órona

ibaica caja. Afe eromo Juziñamui lloga uailai éenotiai. Afe gairiraco tújicailla lezica améuai riire llairide, íemo ficiriede ráaniai cacaide; íemo mona ficire giride; íemo énie iere riire docaide; íemo iere mairide nocíjiai cocide.

12

Ringo íemo jacirede zicínaimana eróidímie diga monamo cíocaide

¹ Afe mei monámona jacirede onótate raa cíocaide. Afénomo iníroido ferínua izói, jítómado ferínoga ringo cíoina. Afengo idai anamo fiui cíoina, íemo afengo ífomo doce dígade ucudu illácuifoí, illáima jítáfiregacuifoí izoide jítáoidé. ² Afe ringo úrue jocóacade izínailla. Afe iere izírenari caillícade; mei afengo úrue jéiciacana llezica iere duere zefuídeza. ³ Afe méifodo jíáie jacirede onótate raa monamo cíocaide. Afénomo áillue jíairede jacirede zicínaimana eróidímie cíocailla. Afémie siete diga ífórede. Iemo afémie diez diga zícairede. Afe ífóciaimo illa dígcacimo illáima jítáracuifoí jíina. Daa ie mámecei Taife. ⁴ Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daina zicínaimana éroidímie, afe úrue jocóacade ringo uíecomo jóoneoide, afe ie jocóacaga úrue jócua llezica raire ríllena. ⁵ Iemo afe ringo íza jocode. Afémie uire móonaia nana náiraiaina llojébici izóidedo riire ócuifireite. Afe úrue jócua méifodo Juziñamui bairoca. Bairoda ie illáimana ráiiranomo uiga. ⁶ Afe llezica afe ringo táizicimo botade. Afe dinomo afengo retáirillino uícodo Juziñamui finoca. Afénomo mil doscientos sesenta diga mona afengo ecáecaille.

⁷ Afe méifodo áillue fuiríacana caífo mona eromo comuide. Afénomo Juziñamui abi imaci illáima Miguel naa jíáie Juziñamui abi imáciairi afe dragón diga fuirídiaoí. Daje izói afe dragón naa ie abi imáciairi fuirídiaoí, ⁸ mei íadi afémaci Miguel náiraina anáfenonidiaioí. Iemona dragón imaci illino monamo íñede. ⁹ Afe ie illino íñena jira afe riirede dragón monámona ja jino dotaca. Afe jaiái nínomo ite jaio dainámie jíáfodo mameina Taife, íemo Satanás, íemo dáamie nana náiraina jífuefiredímie. Afémie naa ie abi imáçiri ana éniemo dotácaiaioí.

¹⁰ Afe méifomo monámona ficirede uaina cacádicue. Afe uai daide:

—Cai Juziñamui bínie comíni jíilloillena mámiaruiimo ja dúcide. Daje izói íemo ite riino facálliruimo ja dúcide. Iemo daje izói illáimana ie illíruimo ja dúcide. Daje izói ie jító Cristo riire ocuilliruimo ja dúcide. Mei cai ámatiaimo fiénidífue nitáfiredímie ja jino dotácaza. Afémie nágaruillai, mona naio diga cai Juziñamui uíecori afémacimo fiénidífue nitáfiredé. ¹¹ Cai ámatiai Cordero díedo fiénidífueana anáfenodiaioí. Daje izói íaioí jino meáiruíneno lloga Juziñamui uáillaido caifófeficaidiaioí, mei jaca túllana jacíruíñediaioiza; mei jíáfodo jaca túllemo ñue finóbidiaioiza. ¹² Iemona, mona naa afénomo ite cáadinuiaiari mai omoi íóbiri. Mei íadi éniemo itino ñi dúerena, naa monáillaimo itínuaiaari, mei Taife ómoimo ana iere icírrillano jáideza. Afémie nano íanori ie íllena onódeza.

¹³ Afe dragón ana éniemo ie dótajana onóillano, nauí íza jocódingo racade. ¹⁴ Mei íadi afe ringo mena áillue máajaiño íáicono iga, áfedo afe jaio dainámie dragómona jica táizicimo afengo féllena. Afénomo daámani fimona átuedo afengo ecáecaiga. ¹⁵ Iemo jaio dainámie áillue

jainoi ie fuémona orede, imánina comuállena, mei afe imánido afe ringo coróbaitallena. ¹⁶ Mei íadi énie ringona ríidote, mei afe dáaruído énie bócocaillano, afe dragón fuémona oreca imánina naitateza. ¹⁷⁻¹⁸ Afe bíemona afe dragón ringomo iere ríicaide. Ríicaillano aféngomona fiébide ie erófene igímaiai diga fuirízaide. Afémaci Juzíñamui ocuica uaillai jeire otíai. Daje izói afémaci Jesucristo lloga ua ráfuenta fáicanocaiñeno nágarui jeire ófirediaoi.

13

Mena áillue jacire eroide rille cíocaide

¹ Monáillai fuédamo cue naidáillano monáillaimona iere jacire eroide rille caifo bíllana cíodícue. Afémie ifo siete dígade, daje izói afémie diez diga zícairede. Afe illa diga zícaimo illaíma jítáracuifoí jíina. Afémie ifóciaímo Juzíñamuina fiendi dáina mámeceí cúeina. ² Afe cue ciona jacírede rille jánallarina eroide. Ie ídaiai oso ídáina eroína, íemo ie fue león fuena eroide. Bímiemo dragón íemo ite ríino naa ie illáímaillano diga afémiemo fecade. Afe llezica ríire ocuífírenafue afémiemo lloga. ³ Afe jacírede rille ifóciaímona daaci titade áillue boáfena eroide illa. Mei íadi afe titáacade áillue boafe raíre jacaide. Iemona nana énie náiraiai áferi iere jacínaitiaoi. Jacínailano afémiemo ínotiaoi. ⁴ Afémaci dragón uícomo éniemo fueco diné bíjicaillano íemo caimátaidiaoi, mei dragón ríire ocuille ríino afe jacírede ríllamo ígaza. Iemo daje llezica jacírede ríllamo caimátaidiaoi. Caimátaillano daidíaoi:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! —daidíaoi.

⁵ Afe llezica afe jacírede rille afémie úrilla bu llétañega. Iemona Juzíñamuina íaire dáina uaina llote, naa fiendi abi ínuafuiaíri. Afe izói cuarenta y dos diga fiui, daíi ie ocuilla buna ráiruíñega. ⁶ Iemona afémie bie izói finode; Juzíñamuina uáitano, ie mámeceína íaire daíioide. Daje izói Juzíñamuimo úriranona íaire daíioide. Iemo monamo ítinuíaína daje izói íaire daíioide. ⁷ Iemo jíai daje izói Juzíñamuimo jaináidino diga ie fuirilla buna ráiruíñega. Daje izói afémaci ie anáfenolle buna ráiruíñega. Iemo nágazie ocuille ríino afémiemo fecaca. Daje izói nana comini jófuiái ócuífíreite, íemo daje izói nana jíaífodo úritinuíaí ócuífíreite, íemo daje izói nana náiraiaína ócuíte. ⁸ Nana bíniemo ítino afe jacírede ríllamo caimátaidiaoi. Afémaci mámeceiaí zííñona ítino rabénicomo cúeñega. Ua énie taineína llezica baimaci mámeceiaí afénicomo cúeñega, mei afémaci íinoñena jira. Afénico nauí titaca Cordero ie.

⁹ Bífuemo cacáacadimie maí bíemo cácarei. ¹⁰ Jíaimacina maitá uitino méifodo nane maitá uille. Iemo jíai lloéfaido jíaimacina titádino méifodo afémie daje izói lloéfaido titalle. Mei jira Juzíñamuimo jaináidino coméceína járidonidiaoi; daje izói jíai ñue ínnorediaoi.

¹¹ Afe méifodo jíaie jacire eroide rille éniemona caifo bíllana cíodícue. Afémiemo mena zicaí ite; cordero zícaina eroide. Mei íadi afémie dragón úrilla izói úrite. ¹² Nauí monáillaimona bite nanoide jacire éroide ríllamo ite ríire ocuille ríino, daje izói bie méifoidimíemo ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie

nana éniemo itínuiái, nanoide jacírede ríllemo caimátailena ocuide. Afe nanóidimie ifomo ite áillue boafe raíre jacáidimie. ¹³ Iemo afe méifoidimie daje izói iere jácimie daiítate raana ciótate. Mei uafue, afémie nana comini eróicana monámona iraiçi ana éniemo cocítate. ¹⁴ Iemo afe nanoide jacírede rille uícomo buna ráiruñega ie finócaigado nana bíniemo itínuiaina jífuate. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloéfaido aillo bofeca, mei íadi nai caade. ¹⁵ Iemo afe méifoide jacírede ríllemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátañedinona afe jacírede rille jánarai íaioina fatátate. ¹⁶ Nana afe baímo, nana náiraiaina bie izói itátate; nana jabóidimaci naa jamánomoidimíiai diga, nana ráaredino naa dúredino diga, nana ráiruñegano naa rairuícano diga, íaioi onoi nabézimo daa onótate número jóonetade. Afe onótate número nabézimo jóoneñenia íaioi ozócimo jóonerede. ¹⁷ Naga afe onótate número na cúdeñegamie jaca íbárinide, daje izói raana fecánide. Afe número nanoide jacírede rille ie. Afe número afémiemo dúide mámeçi daiíacade. ¹⁸ Bífue onóillena iere báitajamo dúide. Afena onódimie, mai afe jacire eroide rille número faca. Afémie número iima ie. Afe número seiscientos sesenta y seis.

14

144,000 dígadoño roga rua

¹ Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámeçi naa ie Moo mámeçi diga cúdeina. ² Iemo monámona ficírede raana cacádicue. Afe ficírena aillo imánillai nofíco tua ficírena izoide. Jíái riire mona gíría ficírena izoide. Iemo jíái aillo arpa daína, rua roia taiga ráaniai ficírena izoide. ³ Afe llezica illaíma ráírano uícomo afémaci comue rua rotíaiói. Daje izói cuatro diga cáadimíiai, íemo éicomini uícomo rotíaiói. Afe rúana jaca buna ónide. Dani afe ciento cuarenta y cuatro mil diga éniemona jílode comini afe rúana onona. ⁴ Afe bimaci ringomo jíriñedino, mei afémaci jaca íaífuenidino; dani íaioi abi rairuídíaiói. Daje izói afémaci Cordéromo jaináitagamací. Afémaci cominimona jíllotagamaci, Juzíñamuimo nanóidino ie dúidimacina íaioi íllena. Daje izói Cordéromo nanoide dúidino itíaiói. ⁵ Afémaci jaca táinona úriñediaói, mei afémaci Juzíñamui illáimana ráírano uícori íaífuenino itínoza.

Daámami ángeles daínamací Juzíñamui abi ímíai llócaiga uai

⁶ Afe mei jíaie Juzíñamui abi ímie mona dáafenedo féiana ciódicue. Afémiemo zíñona jíllollíuai illa, bíniemo itínomo llóllena. Nana énie náiraiaimo llórede, íemo nana jíaíziemo. Daje izói nana jíaífodo úritinomo llórede, íemo daje izói nana comini jófuiaido. ⁷ Afémie ficírede uaido daide:

—Juzíñamuina ñue omoi jacíruiiri; ñúefuíaína afémiemo omoi nitari, mei afémie iere riire jicánollíruimo ja dúcidez. Mai mona finódimie, daje izói énie finódimie, íemo monáillai finódimie, íemo éniemona jainói jino torano finódimie; afémiemo omoi caimátaífíreiri, —daide.

⁸ Iemo nane jíáie Juzíñamui abi ímie méifodo cíocaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruífuiái izoide íaífuiái omoi fínofirenado, nana nairai jífáidino izói itátatiomoiza, —daide.

⁹ Afe méifodo íraie Juzíñamui abi ímie ficire daíioicaide:

—Dáamie jacírede ríllemo caimátaiadi, íemo jíái afe jánaraimo caimátaiadi, íemo daje izói afe rille mámecei ozócimo ninena ónoimo cuetátaiadi, ¹⁰ afe izóidino Juzíñamui lloga jamánomo duere finóllinomo orélliaioi. Mei afe izóidinomo afémie iere rícaide; rícaillano afémie duere íaioi finolle, féiñellena riire íaioimo mamécaza. Iemo Juzíñamui abi imaci uícomo, daje izói Cordero uícomo, iraido íaioina iere izi cácatalliaioi. Iemo daje izói nairai iere uzire cóonaitalle raado afe izóidinona iere izi cácatalliaioi. ¹¹ Duere íaioi zefuítate irai uíllie jaca ninomo llícaíñeno caifo uíllíode. Afe jacírede ríllemo caimátaitino mona naio díga afe duere finóinamona jaca ócozinaiñeitiaioi. Afémaci naa afe ríllena eroide jánaraimo caimátáidinori, íemo jíái ie mámeceina onótate número otino díga nana jaca ócozinaiñeitiaioi. ¹² Mei jira Juzíñamuimo jáinaide ie ocuica uaimo jíeruitino, naa Jesudo fáicanocaiñede jáidino díga, comécina járidonidiaioi.

¹³ Nane afe méifomo monámona daa uai cuemo úrillana cacádícue; daide:

—Bie cúeiri: “Benómona cai Ocuíraimamo íinote títino caimare íitiaioi.” Afena Juzíñamui Ñuera Joreño “Jii” dáideza, mei afémaci íaioi táijinamona ocózinaitiaioiza. Daje izói íaioi finócana, jíáima díga nabáirilla izói féitañegaza, —daíi daide.

Ria llizilla óina izói, énie comini jofo ollíruimo dúcide, Juzíñamui duere íaioi finóllena

¹⁴ Afe mei eróillano úzerede mona ero uílliena cíodícue. Afe uíllie emódomo Nanoide íima Jitona Jesuna éroidímie ráina. Ie ífomo oro finoina illaíma jítaracuífoi jíina. Daje izói hozna mámeceirede arroz izoide llízie ñetara llíide. (Afe raa jofo icuífoina néfide jáirede lloefai izoide.) ¹⁵ Iemo nane jíáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O llíiga llízie ñetara raado táijíiri. Ja jeede díga mai jofo ono. Ja jofo ollíruimo dúcideza. Enie comini finócafuiai ja jeede ríaniai izói fiénidífuenta iere oruídeza, —daide.

¹⁶ Afe mei uíllie emódomo ráiidímie ie llíiga llízie ñetara raado énie comínimo táijizaide. Afedo fiénidífuenta oruidino jofo ote.

¹⁷ Afe mei jíáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízie ñetara raa llíicabite. ¹⁸ Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitalle ríinona ite. Iemo afémie, jáirede ñetara raa llíidimiena ficire jíirillano daide:

—Mai omo ite jáirede ñetara raado táijíiri; éniemo ite jíricoillai ollíruimo ja dúcideza. (Afe jíricoillai fiénide comini jana.) Mai jofo ono, mei afe jíricoillai ja iere jiduídeza, —daide.

¹⁹ Iemo afe jáie Juzíñamui abí ímie, ie jáirede ñetara raado énie comínimo tájizaide. Afedo éniemo ite jeede jírcoillai izoide fiénidino jofo ote. Uano áillue iduíriraco izóidinomo jofo dite, afénomo riire iduílleña. Bie iduilla Juzíñamui bie izóí duere afémacina finolle jana. ²⁰ Afe jírcoillai izoide fiénidino áillue comíni jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dínorí afórede. Daje izóí áfeji trescientos kilómetros díno tote.

15

Tiraie siete dígade jacírede duere finóllifuiái Juzíñamui abí imaci mameca

¹ Iemo monámona jáie jacínaitade áillue raa jánana ciódicue. Siete dígade Juzíñamui abí imaci íraie siete dígade jacírede duere finóllifuiái lluíbitiaíoi. Afedo Juzíñamui ríicaillana záaite.

² Daje izóí, vídriona finóinana eroide monáillajina ciódicue. Afeji réici diga taméricaide; daí eroide. Jacírede ríllena anáfenodino afe fuédamo naidáiediaíoi; daje izóí ie jánaraina anáfenodino; íemo jáí afe ie número mámecina ozócimo cúeñegano diga. Nana dáanomo afe vídriona eroide monáillai fuédamo naidáiediaíoi. Nana bimaci Juzíñamui íaíoiimo fecaca ‘arpa’ daina rua roia taiga raa llíiediaíoi. ³ Afémaci Juzíñamui jaiái ocuífregamie Moisés rua rotíaíoi. Daje izóí jáí Cordero rua rotíaíoi. Aférua bie izóí daide:

Ocuíraíma, nana o finócanuíai iere ebíriede.

Jamánomo ríinorede Juzíñamuidio.

Náiraíai llaíma, nana o jáífírena io uáfúena jáícina jóide.

⁴ Ocuíraíma, ona ñue jáciruíñeitimíena íñede.

Daje izóí omo ñúefúena jóoneñeitimíena íñede.

Mei dama o íaífúenidimíenaza.

Naga náiraíai omo camátaizai bitiaíoi, mei o jáícina finófiregafuíaina ciódiaíoi za.

Aquíe izóí rotíaíoi.

⁵ Bie méifodo, monamo ite Juzíñamui gairíraco tújicaillana ciódicue.

Afeco nofíbícimo cuela Juzíñamui ocuica uailai éenorano. ⁶ Afécomona

Juzíñamui siete dígade abí imaci jino bite. Afémaci siete dígade jacírede

duere finóllifuiái uite. Afémaci ráífide íáinide queníredicuiruai jítáoidiaíoi.

Iaíoi llaitáoi oro finoina ciraigi ife jogóbemo dúcide. ⁷ Ie mei cuatro

dígade cáadimíaimona dáamie afe siete dígade Juzíñamui abí imácimona

illa dígamíemo oro finoina ichecoí fecade. Aféhecoí jaca nínomo zííñona

ite Juzíñamui ocuica duere finóllifúena oruide. ⁸ Iemo afe Juzíñamui

gairíraco uílleña oruide. Afe uílle Juzíñamui jamánomoidimíena íllamona,

daje izóí ie iere ríinorenamona comuide. Afe llezica afécomo buna jofo

jáinide. Nai afe siete dígade Juzíñamui abí imaci siete dígade jacírede

duere finóllifuiái záíñena llezica buna jofo afécomo jáinide.

16

Juzíñamui duere finóllifúena oruide ichécuai

¹ Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abí imácina daide:

—Juziñamuimona bite siete dígade duere fñuana oruídichecuaí ana éniemo tótaji, —daíde.

² Nanoide Juziñamui abí ímie jaillano, afémiemo ite ichecoí ana éniemo totade. Afemona nana jacírede rille mámecina cuegánomo jacírede duico comuide. Afémacimo izírede jíllotañede ñozagí izoide duico comuide, daje izóí afe rille jánaraimo caimátaiñedinomo.

³ Iemo méifoide Juziñamui abí ímie afémiemo itíchechoí monáillaimo totade. Tótamona afe monaillai jainoi tíidímie die izóí jaide. Iemona nana monáillaimo ite cáadinuai tícoizite.

⁴ Iemo nane jíáie Juziñamui abí ímie afémiemo itíchechoí imánillaímo, daje izóí éniemona jainoi jino toránuaímo totade. Iemona afeno jáinoillai díena jaide. ⁵ Afe mei jainoi fiéni finótate Juziñamui abí ímie dáinana cacádicue; daíde;

—Ocuíraíma, íaífuenide Juziñamuidío. Bie izóí comíni duere o finóllena iere comécina jaícina jóidímiedío. ⁶ Mei omo jaináidinona títano íaíoi díena nauí totádiaíozia. Daje izóí o dibénedo úritino díena totádiaíozia. Iemo biruí afe íbana o afémacina díena jirótatio, mei daí afémacimo dújdeza.

⁷ Afe mei nane Juziñamuimo caimátairanomona dámie dáinana cacádicue; daíde:

—Jíi, uáfueza, caí Ocuíraíma, o jamánomo riírede Juziñamuidío. Uáfuena ñue jaícina iere riire jícanotío, —daíde.

⁸ Ie mei nane jíáie Juziñamui abí ímie afémiemo itíchechoí jítomamo totade. Afemona afe jítoima comíni cóonaitalle ríino iga. ⁹ Iemona nana comíni jamánomo cóonazitíaoí. Mei íadi íaíoi comeci itífuiaina méidoñediaíoi. Daje izóí Juziñamuimo caimátaiñediaíoi. Mei jíáifodo afe jacírede duere finóllífuíai ocuídímiena faidóñediaíoi.

¹⁰ Iemo nane jíáie Juziñamui abí ímie afémiemo itíchechoí jacire eroide rille illáimana ráirranomo totade. Afe llezica afémie náamataga illano jítrecaide. Iemona nana comíni afe uícodo íaíoi mo comuide dúícuai izírenari daní abí aínízitíaoí. ¹¹ Mei daí itíaoí íadi, íaíoi finoca fiénidífuíai fáicanocaiñediaíoi. Mei jíáifodo, izi íaíoi cácana ícoínia, daje izóí jacire íaíoi ñozánaillamona, monamo ite Juziñamuina íaire daídíaoí.

¹² Iemo nane jíáie Juziñamui abí ímie afémiemo itíchechoí áillue Eufrates mámecirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaíoi fuírírainiri jítoima caífo biránomona bitíaoí.

¹³ Afe mei dragón daínámie fuémoma, daje izóí jacire eroide rille fuémoma, daje izóí taíno uai jino llóñíredímie fuémoma daámanide cúuraícina eroide fiénide jóriai jino bíllana cíódicue. ¹⁴ Afe daámanidíno Taífe jóriai. Afémaci cíórainina raana cíotafiredíno. Bie damieámanidíno nana énie illaini naa íaíoi fuírírainiri dáanomo gaírítaite, jamánomo ríñorede Juziñamui díga fuíríllena. Aferuí Juziñamui aillo íba olliruí.

¹⁵ Aféruído monámona Cristo úrillana cacádicue; daíde:

—Ero, cacai. Merírizaíbitímie billa izóí, comíni nai cuemo comécíñediaíoi mo déizaiíbiticue. Cue bille llezica íniño cuemo comeci facáoidímie caímare íite. Daje izóí emuíroma mácañeíllena íníroina ñue úíñotímie izóí, íaífuemona abina ráirruitímie méairuíñeite, —daíde.

¹⁶ Iemo afe daámanide fiénide jóriai, nana illáinina dáanomo gairítate. Afeno mámeçi hebreo uaido daína Armagedón.

¹⁷ Iemo siete dígademona íraie Juzíñamui abi ímie afémiemo itícheçoi caifo táifomo totade. Tota llezica monamo ite gairíracomona ficírede uai cácaçaide. Afe uai illaíma ráíranomona jino bite; daide:

—Ja fuite, —daide.

¹⁸ Afe méifodo, améuai llairilla. Mona gíría naa ficíriede ráaniai diga cácaçaide. Afe llezica énie iere riire docaide. Nanómona bíniemo comini ía docáifirena baimo, jamánomo riire docaide. ¹⁹ Iemona afe áillue comini jofue daámani dieze bójicaide. Jáie bíniemo ite jofue jáicoizite. Afe llezica Juzíñamui áillue Babilonia jófueмо úbicaide, duere íaioina finóllena. Afe duere finóllifue comini títaite ríjii jírúa izói íte. Afémie ríicaillano daí íaioina fínoite. ²⁰ Afe dáaruido nana monáillaji çigi íduai naa jáie caifóneduairi niné táinocaide. ²¹ Afe llezica aillo jéerie nocíjiaína monámona comínimo cocide. Aféjiaimona dáarie cuarenta kilos méere. Iemona afénomo ite comini afe áillue nocíjiaí cóçiarí Juzíñamuina íaire daídíai, mei afe bimaci duere fínua iere jamánomoideza.

17

Jamánomo jiruúredíngo duere finóinafue

¹ Afe méifomo siete dígachecoí llíide Juzíñamui abi ímacimona dáamie cuemo úrizaibite. Cuena daide:

—Eróizabi. Jamánomo jiruúrede izoide íaifueredíngo duere finóinana omo ácataitíue. Afengo monáillajillaimo ite. Afe bie izói daífacade aillo nairai afengo anamo itíai. ² Bínie illaini afengo diga aillo fiénide íaifuiái finófirediaí. Iemo bínie comini afengo íaifuerenamona jifáifiredino izói íaire jáidiaí, —daide.

³ Afe mei Juzíñamui Ñuera Joreño nicáirilla izói cuemo ácataja llezica, daa Juzíñamui abi ímie táizicimo cue uite. Afénomo daa ringo jáiarede jacire eroide rille emódomo ráinana ciódíue. Afe rillemo diga Juzíñamui íaire daína uailai cúeina. Afe rille siete diga ífóçirede, daje izói afémie zicai diez dígade. ⁴ Afe ringo jítáoigacuiro jáiarede, íemo morádoneroide. Afengo oro finoina íena ebire finóbide, íemo ráifide ñue finoca noficiaína, íemo ‘perla’ daína zíriona finóbide. Iemo afengo oro finoina ichecoí llíide. Afécheçoi íairede raana oruide, íemo jái afengo jiruúrena llezica finoca íaifuiaina oruide. ⁵ Afengo ozócimo cuetá jóonega ónonide mámeçi illa. Afeci bie izói daide: “Aillue Babilonia jofue, nana fiénidífuiaí jillaci, aféfuiaí ei daína izói mameide. Iemo nana bíniemo ite éoigafuiaí ei daína izói mameide.” ⁶ Iemo diga Juzíñamuimo jaináidino afe ringo ícoinia fazícaiaí. Afémaci Jesús uai llóçaina jira afengo titácaiaí. Iaií fazícanori afengo, come jifáifirena izói, iere íóbide. Afena çioillano iere jacire fáigacaidíue. ⁷ Ie jira Juzíñamui abi ímie cuena daide:

—¿Miníçari jacínaitio? Afe ringo ónonino daíacanafue jino omo onótaitíue. Daje izói afengo uífirede jacirede rille maméinafuena omo onótaitíue. Afe rille ifo siete dígade, íemo diez diga zíçairede. ⁸ Afe ociona jacirede rille jaiái nino íimie, mei íadi ie tílla mei jae íñede. Mei

íadi afémie íraicaiño ie tílle uícodo meine abido fiénide jóríai íbáirafomona caífo biite. Mei íadi billano ziiñona ie duere finóllinomo orelle. Eniemo ite comínimona ziiñona ille rabénicomo énie taineina llezica mámecina cúeñegano, afe rillena cíoullano iere jacínaificaitiaíoi, mei afémie jaiaí íteza, íemo biruí jae íñédeza, íemo meine abido uire bíiteza.

⁹ Biruí cai uaina féiruñedinomo nai benó jíaie lollífuena ite: Cácarei. Afe siete dígade ífóciaí baie ringo ráina siete dígade caifóneduai jana. ¹⁰ Iemo afe llezica afe siete dígade ífoci daje izóí siete dígade illaini jana. Afe siete dígade illáinimona cinco diga ja dotácaiaíoi. Afe mena fiébidemona daa nai illáimana ite. Iemo jíaimie nai illáimaizaibiñede. Afémaçimona íraillaima bíadi are íñeno táinocaite. ¹¹ Nauí caade íocirede rille, tíide íadi, nane biruí caade illaima. Afémie siete dígademona afémaci emódoídillaima. Mei íadi afémie siete dígademona dáamie. Afe mei afémie íraicaiño ie tíillinomo jáite.

¹² Afe o ciona diez dígade zicaí, diez dígade nai illáinina jáiñedino jana. Mei íadi jacírede rille diga dáaruido afémaci nano íanori dieze illaini ocuífírena ríino llínoítiaíoi. ¹³ Bie diez dígade illaini conímamo daje izóí comécidiaíoi. Iemo íaíoiimo ite ocuille ríino jacírede ríllemo fécaítiaíoi. ¹⁴ Iemona Cordero daína Jesucristo diga fúiritiaíoi; mei íadi Cordero íaíoina anáfenoiite. Mei afémie nana ocuidinomona Jamánomo Ocuídímieza. Daje izóí afémie nana illáinimona Jamánomoidillaimaza. Afémie diga jáicadino Juzíñamuí nizada júrigano. Daje izóí afémaci fáicanocaiñeno Juzíñamuimo ñue íinofiredino, —daí afémie cuena daide.

¹⁵ Juzíñamuí abi ímie nane dáanomo cuena daide:

—O ciona monáillajillai, níi afe íaífueredíngo illano, afe monáillajillai aillo jófueniaí jana. Daje izóí aillo comíni jana, íemo jíáíforie úritino jana, íemo aillo náiraiaí jana. ¹⁶ Jacire eroide ríllemo o ciona zicaíniaí jíaie illáimaiaí jana. Afémaci bie jiruífíredíngona éoitiaíoi. Eoillano aféngona zóofeítiaíoi, íemo jíáí aféngona emuírogi óreitiaíoi. Afe mei afengo íeizina ríítiaíoi. Iemo jíáí aféngona iraimo cóonaitaitiaíoi. ¹⁷ Juzíñamuí comeci jíitaina izóí afe ringona duere íaíoi finóllena ónonino íaíoi comécimo úrite. Ie jira dájena comécidiaíoi íaíoiimo ite jacire ocuille ríino jacírede ríllemo fecállena. Iemona afémie jamánomo ríirede. Daí Juzíñamuí daína uáillaina fuillíruimo dúcia llezica finófírediaíoi. Iemona afémie daína uaina ñue ícoímo záitaitiaíoi. ¹⁸ Afe nauí o ciona jiruífíredíngo, nana énie jamánomo ocuífíredillaima illágoibe jana, —aquíe izóí daide.

18

Babilonia jofue táinoicailla

¹ Bie méifodo monámona jíaie ángel daínámie, Juzíñamuí abi ímie ana bíllana cíódicue. Afémie aillo ríino diga bite. Afe llezica ie quenire bóodedo bínie egáíñote. ² Afe llezica afémie ficire úrite; daide:

—Aillue Babilonia jofue ja jáicoízite, ja táinocaide. Taife ocuífíregano illánona jaide. Daje izóí nana jíáíforiede íáirede jóríai uíñoracona jaide. Afe izóí nana íaire féedíno jilláíllinona jaide, naa jíáí cai éoiga féedinuíaíri. ³ Mei aillo fiénide íaífuaí afengo finófírenado, nana náiraí jífáidino izóí itíaíoiiza. Iemo naga énie illaini afengo diga aillo jiruífue izoide íaífuaína

finófirediaioi. Biniemo ráaniai fecáfiredino iere úcuberedinona jáidiaioi. Mei uafue, afe áillue jofue comini izire jicaca táinomo faitátate ráaniai íaioi jácáfirenmona bimaci aillo úcubenaidiaioi.

⁴ Afe mei monámona jáiae uaina cacádicue; daide:

—Omoi cúeiedioimoiza bie jófuemona oni omoi jai; íaioi finoca fiénidifue afémaci finua izói omoi finoñelleza. Daje izói íaioimo zúite jacíredifuiái ómoimo jíriñelleza. ⁵ Mei afémacimo ite fiénidifuiái ofilla ja monamo dúcidez. Íaioi finoca fiénidifuiáimo Juzíñamui ja ubicaidez. ⁶ Iemo Juzíñamuina daide:

—Jiáimacimo íaioi feca izói, afe izói íaioimo fecari. Íaioi fiéni finua izói, afe baimo ménacaiño afémacimo finori. Afémaci ñúemacimo eriredena jóoneta jirota izói duere íaioina finódiaioi. Afe íaioi finua izói, afe íbana ménacaiño afémacimo riire duere íaioina finori. ⁷ Aillo táinodo abi íaioi ínua dieze, íemo cómena canóñedemo fáififirena dieze, áfeze afémacina duere finori; afe izói íaioina duere zefuítari. Mei bie ringo izoide jofue comini afengo ie comécido daiífiredeza: “Benomo illáingona ráidicue. Jaca fécinaiñeiticue; jaca dúenitícue,” —afengo daide. ⁸ Ie jira bie izói úrillamona, dáaruído omo dúide jacíredifuiái cómuite: tíilla íemo duere zefuilla, íemo júbie. Iemo iraimo cóonaitio. Mei o duere finótate Juzíñamui jamánomo riinoredeza. Afémie jaca cai Ocuíraima.

⁹ Afengo diga jiruúde binié illáicomini, daje izói afengo diga cómena canóñedemo fáifidino aféngori iere éenaitiaioi. Mei uafue, afengo cóonaila uílliena cíóillamona aféngori cáillicailli éeitiaioi. ¹⁰ Afengo iere duere finóinari jacinaillamona oni jica íitiaioi. Afemona dáitiaioi:

—¡Aii, nii o dúerena! Jamánomo riirede Babilonia jófuedio, ¡nii duere o zefuilla! ¡Mei riire dáaruído o duere finoína comuíbicaide! —dáitiaioi.

¹¹ Binié ráaniai fecáfiredino aféngori cáillicailli éenaitiaioi, mei ja íaioi atica ráaie íbaitino íñede. ¹² Íaioi atífirega ráaniai, be ñue: Oro, plata, ráifide noficiai, ‘perla’ daina ráifide zírío, ráifide úzecuiro, íemo jáiarede ‘sédacuiro,’ morádon a eroide seda diga, íemo jái diga jáífodo zióriede aménaiái, íemo ebírede ‘marfil’ daina elefante zicai finoína ráifide raana, íemo ráifide amena finoína raa, íemo ‘bronce’ daina borárede lloébici finoína raa, íemo jamai lloébici finoína raa, íemo ‘marmol’ daina nofici finoína raa, ¹³ daje izói ‘canela’ daina gúillemo faiga raa, íemo jáíforie ráifide ziórede raa, íemo ziórede uguci, íemo ‘mira’ daina ziórede raa, íemo come abi jilláiranaiái, íemo ‘vino’ daina jirórají, íemo cáiredijí, íemo ñuera pan finófírena harina, íemo trigo, íemo daje izói abífirede cáadino, íemo ovéjaiai, íemo cabálluai, íemo ‘carros’ daina arínellaiai, daje izói jacire rairuica comínina fecádiaioi. Bie izói daina cáadino íima ringo diga jáimacimo fecádiaioi riire íaioi ocuúllena. ¹⁴ Afe jofue comínina dáitiaioi:

—¡Baie omoi gaiga caimárede amena llizíllanaiái izoide ráaie jae íñede. Nana omoi ofitaga ebíriede ráaniai ja táinocaide! —dáitiaioi.

¹⁵ Afe ráaniai fécajano íba úcube ófiredino bie áillue jofue comínimona otíaioi. Uano aillo úcuberediaioi. Mei íadi aféruído afe jofue iere duere finóinari jacinaillamona oni jica íitiaioi. Afénomona aféngori cáillicailli éeitiaioi. ¹⁶ Iemo dáitiaioi:

—¡Aii. Aillue jófuedio nii dúerena! Naui ñuera ráifide úzecuiro jitádingo izóidío. Daje izói o comini jáiarede ráifide íniroi, íemo morádon a eroide

ráifide iniroi jitáfirediaioi. Afe llezica oro íena finóritiaioi; daje izói ráifide nofici finoina raana finóritiaioi, íemo jíái ‘perla’ daina zíriona jitáfirediaioi. ¹⁷ Iemo dáaruido naado aillo ráaniai niné táinocaide.

Daje izói nana ‘barco’ daina áillue nocáe ocuidillaini, naa afécaedo jáidino diga, áfena jacíruillano oni jícarie itíaioi; daje izói afécaedo táijidinori naa jíáifodo monáillajimo táijide comíniri oni jícarie itíaioi. ¹⁸ Iemo afe jofue bóua úilliana cióillano caillidiaioi:

—Bie izoide nauí áillue jófueña, ¿Ninomo cióiticaí? Bie izoide jofue jaca íñeite, —daidiaioi.

¹⁹ Iere zúucaillano íaioi ifomo énie júdaidiaioi. Daí ñiano cáillicailli éediaioi. Daidíaioi:

—¡Aii! ¡Aillue jofue níi dúerena! Nana monáillajido ráaniai fecáfiredino afe ráaniai o comini úamona afémaci aillo úcuberediaioi. ¡Mei íadi dáaruido afe áillue comini jofue ja niné táinocailla! —daidiaioi.

²⁰ Afe mei áfena ciódimie daide:

—Monamo itínuaí, mai afe áillue jofue táinocaillari omoi íóbiri. Uáfueza, Jesucristo orécano, naa Juzíñamui dibénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

²¹ Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoina eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cióñeille. ²² Benómona jaca o cígido joide iomo ‘arpa’ daina rua roia taiga raa rúaniana meine cácañeille. Daje izói totíbacui uai naa bainada uai diga ja meine cácañeille. Afe izói nana jíáiforie táijiana baitádinomona buna fiébiñena. Iemo daje izói dobérilla ficírena izói ‘molina’ daina nofici uaina cácañeille. ²³ Afe daje llezica o jófuaí eromo bóofirede mechera izói boode ráaniai abido bóoñeite. Iemo aféruimo áirena llezica irázie caimare ficirerie íaioi úrilla uáillaina meine jaca cácañeille. Mei nauí omo íte ráaniai fecáfiredino bínie comínimona jamánomoidiaioi íadi, ja birui afe caimárede uailai cácañeille. Nauí aféruimo aima bífuefirena uai izóidedo náiraiana jífuefiredio; mei íadi afe jífuefirena ona nabáñede.

²⁴ Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jíáie bínie fagano díena afénomo ciona. Afe ciona die, afe jofue comini jíáimaci títaja ícoinia daí illa jana, —daide.

19

¹ Afe bie méifomo monamo íte aillo comini ficírede uáillaina cacádícue. Daidíaioi:

¡Aleluya! Cai jíllonano cai Juzíñamuimo dúide.

Daje izói iere ebíredifue afémiemo mamérede, íemo naa ñuera ríino diga.

² Mei afémie ñue jaícina ua uaido iere riire jícanofiredeza.

Afe iere jiruíredingona afémie riire duere finótateza.

Afengo iere ie jiruírenado énie comínina íaire finode.

Juzíñamuimo táijitagano tilla iba aféngomo oga, daidiaioi.

³ Nane dáanomo daidiaioi:

—¡Aleluya! mei afengo jobailla uillie jaca ninomo llícaifñeno uillíoite, — daidíaiói.

⁴ Afe llezica veinticuatro dígade éicomini, íemo jíái cuatro diga cáadimíai diga, ana éniemo bíjicaillano, Juzíñamuimo caimátaidíaiói. Illaíma ráiiranomo ráide Juzíñamuimo caimátaillano daidíaiói:

—¡Daíftadeza! ¡Aleluya! —daidíaiói.

⁵ Nane afe mei illaíma ráiiranomona jíáie uaina cacádícue; aféuai daide:

—Cai Juzíñamuimo nana afémie ocuícano aféniemo ñúefuiai omoi mameri. Daje izói íena caimare jacíruitino, illáicomini naa jiba comíniri, ñúefuiai aféniemo jónefireiri.

Cordero daina Cristo áirena rafue

⁶ Nane daje izói aillo comini uallai izóidena cacádícue. Afe uallai aillo imánillai ficirena izói ficírede, íemo jíái afe uallai ficire mona gíría ficirena izói ficírede. Afe uallai daide:

¡Aleluya! Jamánomo rírede cai ocuide Juzíñamui nane meine como ócuite.

⁷ Mai cai íóbilli; daje izói iere caimare cai illi.

Aféniemo ebíredífue cai mamelli.

Mei Cordero áirena izóidíruimo ja dúcidez.

Afémie ai izóidinona jáitino ja ñue finóbidíaiói. Afémaci Crístomo ua íinotímaci.

⁸ Ráífide úzecuirona jítáredíaiói.

Mei uafue, íáinino queníredíroi Juzíñamui afémacina jítátaga.

Mei afe ñuera ráífide úzecuiro Juzíñamuimo jáináidino comécina jáícina jóoina jánaza.

⁹ Iemo Juzíñamui abi ímie cuena daide:

—Mai cúeiri: Cordero áirena ráfue mo uáidogano ja caimare itíaiói, — daide.

Nane cuena daide:

—Bíuai Juzíñamui lloga ua uai, —daide.

¹⁰ Iemona afe Juzíñamui abi ímiemo cue caimátaillena ie anamo dújudícue. Mei íadi afémie cuena daide:

—Cuemo daí íñeno, mei o izói cue Juzíñamui ocuícamedícueza. Jii, Jesús llócaiga ua uaimo féitañeno íinote o ámatíai izóidícue. ¡Cuemo caimátaíñeno; Juzíñamuimo cáimataí! —daide.

Mei afe Jesús llócaiga ua uai, Juzíñamui díbénedo lloga uallai jino llotino comeci úritade.

Úzerede cabállomo ráicaidímie

¹¹ Nane afe méifomo mona tuíñuana cíodícue. Afénomo úzerede caballo cíocaide. Afe emódomo ráicaidímie mámecei “Fiel” íemo jíái “Verdadero” daínámie. Mei afémie ñue jáícina illáfuedo ocuúdeza; daje izói áfedo fiénidino diga fuirítateza. ¹² Ie ui irai bóua izói quere cíoide. Ie ífóximo diga illaíma jítáracuífoi jítáoide. Daje izói afénomo dama ie onoíga mámecei cúeina. ¹³ Afémie jítácacuíro díemo mutácaroi. Afémie mámecei Juzíñamui Uai. ¹⁴ Afe llezica nana monamo ite Juzíñamui ocuica fuirídino afémie óodana jáidíaiói. Afémaci ráífide úzecuiro jítáoidíaiói. Aferoi jaca íáinide. Baie nana afémiedo jáidino úzerede cabállomo ráicaidíaiói.

¹⁵ Afémaci ífódimie fuémona jáirede lloefai jino bite, áfedo nana nairai boféllena. Afe llezica afémie lloébici izóidedo náiraíaina ócuite. Vino

finóacanomo úvaiaí iduállena riire záizia izóí, afe izóí afémie afémacimo iere riire jicánoite. Iemo jamánomo ríinorede Juzíñamui ríicaillamona cómuite iere duere finóillifue, vino jirótaja izóí afémacina duere finótaiteza. ¹⁶ Ie inícuero emódomo jítacacuiromo cuega mámece illa. Daje izóí ie riázimo cuega. Afeci daide: “Nana illáinimona Jamánomoidillaíma,” iemo jiáí “Nana Ocuídinomona Jamánomo Ocuídime.” Afémie nii cai Ocuíraíma Cristo.

¹⁷ Afe mei Juzíñamui abi ímie jitoma riire egáíñuanomo naidáinanana ciódicue. Afémie nana mona erodo féedinuiai ficire jírrite; daide:

—Juzíñamui finoca áillue güille nana dáanomo omoi riáibi, ¹⁸ mei benomo illaini íeizi ríitiomoiza, naa fuiríraini illáicomini íeizi diga. Dáanomo íocirede fuiríredino íeizi ríitiomoi, naa caballo íeizi diga. Daje izóí afe emódodo ráicaidino íeizi ríitiomoi. Iemo nana fiébidino íeizi ríitiomoi. Buna ráiruiñegano, daje izóí jacire rairuícano, iemo jiáí jamáimaci íeizi, naa jamánomoidimaci diga daje izóí ríitiomoiza, —daide.

¹⁹ Afe mei afe jacire eroide ríllena ciódicue naa bínie illáicomini naa íaioi fuirírainiai diga. Nana bimaci fuiríllena dáanomo ofídiaoí. Afémaci afe úzerede cabállomo ráicaidime diga fuirízaibitiaioí. Afémie “Juzíñamui Uai” dainámie. Daje izóí afémie canode fuiríraini diga fuiríllena maméritiaoí. ²⁰ Afe mei afe jacirede rille, taino uai jino llócaidime diga ja llaveca. Afe taino uai jino llotímie, jacirede rille eróicana, jacínaitade ciórainina raa ciótate. Aféfuiaido afe taino uai jino llotímie, nana afe jacirede rille mámece cuetátaganona jífuete. Daje izóí afe jacirede rille jánaraimo caimátadinona afémie jífuete. Iemona ‘monstruo’ daina jacire eroide rille, daje izóí taino uai jino llotímie, cáanori dáanomo duere finolle jorai izoide bóodiimo dotácaiaillinoí. Afe jorai izoide duere finóllino iere uzire boode. ²¹ Nana áfemona fiébidino úzerede cabállomo ráicaidime fuémona bite lloféaido titácaiaioí. Iemona nana féedinuiai bie titácano riáibillano íaioí íeiziri jéirediaoí.

20

Mil diga fimona dino comini caimare útiaoí

¹ Bifue méifomo ángel dainámie Juzíñamui abi ímie monámona ana bíllana ciódicue. Afémie afe fiénide joríaí íbárafo zuitara llave naa áillue llójeo diga llícabite. ² Afe bie Juzíñamui abi ímie ‘dragón’ daina jáiaira áillue jaio lláitano anáfenode. Afe jaio jiáfodo mameina Taife, dáamie Satanás. Anáfenuano afémiena mil diga fimona llaveca. ³ Ana fiénide joríaí íbárafo óriano íena llavede. Lláviano afe nazemo ‘sello’ daina “buna zuitánide” daide raa jónete. Daíí finoca náiraíaina mil diga fimona dinori jífuéñeíllena. Afe mil diga fimona jaille méifomo, afémie nano íanori zuitalle.

⁴ Afe mei illaini ráiranuaina ciódicue. Afénomo ráíiedino iere riire jicánolle ríinona igáiaoí. Afe dáaruído ífóciaina jáicoicano coméciaina ciódicue. Afémaci Jesús jáicina lloga Juzíñamui uai íaioí llócailla ícoinia ífócina jaitácaiaioí. Afémaci afe jacire eroide ríllemono caimátaiñediaioí; daje izóí afe jánaraimo caimátaiñediaioí. Daje izóí afémaci ozócimo ie mámece cuetátaiñediaioí, iemo daje izóí íaioí ónoimo. Afémaci abi meine abido cáaillano mil diga fimona dino Cristo diga illáimaitiaoí. ⁵ Afe bie meine

abido cáadino, nanóidino meine cáailiruimo abido cáaitiaioi, jae cai daina Cristo diga illámaillena. (Mei íadi jíáie tíidino mil diga fimona záifhena dino meine abido cáaiñeitiaioi.) ⁶ Nana afe nanoide cáailiruimo meine abido cáaitino caimare itiaioi. Daje izói afémaci Juzíñamui ñue finócano. Afe meífoide tulle afémacimo jaca jíriñeite. Mei íadi afémaci comínido Juzíñamui úrifreitinona íitiaioi; daje izói Cristo íeiena zíñona íitiaioi. Iemona mil fimona dino afe Cristo diga illámaitiaioi.

⁷ Afe mil diga fimona záilla méifomo, Taife ie llavéinafomona zuitalle. ⁸ Jáillano nana énie náiraiaina jífueite. Aféruido “Gogna” mámeçirede náiraina jífuiate, “Magog” daina náiraina diga. Afe náiraiái fúiritinuiaina Taife dáanomo jofo óite, íraicaíño fuiríllena. Afémaci monáillajimo ite guamai dígadeza facádonidiaioi. ⁹ Afemona énie nániena afémaci iere orúbicaite. Iemona Juzíñamui jaináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámona irai afémacimo orede. Afe iraido fiébiñeno cónaitiaioi. ¹⁰ Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidimie naui dotaca. Afénomo mona naio diga jaca ninomo zíñona iere duere finócaiaioi.

Aillue úzerede ráirano illaíma ie, íemo afe uícomo iere riire jícanollino cioina

¹¹ Afe méifodo áillue úzerede ráirano illaíma íena ciódicue. Iemo afénomo ráiidimiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi. ¹² Daje llezica Juzíñamui uícomo naui Juzíñamui íñoñeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuiaí cuiánicuaí túide. Daje izói afénomo jíáie zíñona íitino mámeçi cuiánico túide. Bie tíidino íaioi finócafuiaí íllaze riire jícanogaiaioi, mei afe íaioi finócafuiaí cuiánicomo cúeina dieze riire jícanogaiaioi. ¹³ Afe llezica monáillajimo báide tíidino meine abido Juzíñamui uícomo caífo náidacaitagaiaioi. Daje izói nana jíáiforie tíidinuaí íaioi tíillanomona meine abido Juzíñamui uícomo caífo náidacaitagaiaioi. Afe nana náidacaitagano íaioi finócafuiaí íllaze afémacimo riire jícanogaiaioi. ¹⁴ Afe mei ‘muerte’ daina comini tíillafue boode jóraimo dotaca, ie mei niné táinocaide. Daje izói dáanomo naui tíidino íbáinaco afénomo dotaca. Dotaca mei niné táinocaide. Afe bie boode jorai, íraie tíillana mameide. ¹⁵ Iemo afe zíñona íitino mámeçi cuiánicomo mámeçina cúeñegano afe boode jóraimo dotácaiaioi.

21

Comue mona comue énie diga

¹ Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaíñenaza. Daje llezica monaillai jae íñede. ² Afe llezica comue Jerusalén daina íaífuenide jofue, Juzíñamui uícomona monámona ana bíllana ciódicue. Afena ciódimedicue, Júaaducue. Afe jofue, óllena jícanoga ringo ebire finóbina izói ebire cíoide. ³ Iemo monámona ficire dáinana cacádicue. Afe uai daide:

—Ero, comini cígiri birui Juziñamui illa. Afémaci diga ífireite, íemo afémaci afémie comínina íítiaioi. Ja birui dama afémie afémaci cígiri íite, afémaci Juziñamuina ie íllena. ⁴ Juziñamui afémaci ui jémena zafénaitaite. Aféruimo tílle íñeite. Daje izói eia íñeite, íemo jíái duere zefuíllamona eia íñeite. Daje izói comini abi izírena íñeite, mei jáiai ítífuaiaí jae záaideza.

⁵ Íemo illaíma ráiiranomo ráiidímie cuena daide:

—Ero. Nana cómuena méidotícue.
Íemo nane daide:

—Bie uai iere ua uaiza, mai cúeiri. Daje izói bie uai iere íinofiregaza,
—daide.

⁶ Nane afe mei cuena daide:

—Ja ñue ícoímo finócaza. Cue bie naga ráfuaiaína nai cómuíñenia uícodo ítímiedícue. Daje izói dáamiedícue fuillínomo ítímiedícue. Abecedario A-mona táinia izóidímiedícue. Daje izói abecedario Z-mo fuizajilla izóidímiedícue. Jáinoína jiróacadímie ñúejina jirótaja izói, afe izói ñúefuaiaí dibénemo íacadímíemo raíñóñeno afémíemo zíñona illáfueña ífireítícue. ⁷ Fíénidena anáfenodímie nana bíena feci raa fia máíñua izói, máíñoite. Afe llezica afémie Juziñamuitícue, íemo daje llezica afémie cue jítoite.

⁸ Mei íadi nana íñoñedíno dibéfodo duere zefuille afémacimo dúide. Uáfueza, ñúefueña jacíruitino daje izói íñoñedíno, íemo jíáimana éoidíno, íemo jíáimana tíadíno, íemo jíái jiruífueña finófiredíno, íemo jíáima fue gáiana fibídíno, íemo jíái jánaraimo caimátaidíno, íemo nana táinona úritino; nana bie izóidíno boode jóraimo dotárediaioi. Afe jorai iere uzire boode. Afe bie boode jorai íraie tíllana mameide, mei afénomo dotácano jaca ninomo Juziñamuimona oní eneno duere finócanona íítiaioíza.

Comue Jerusalén

⁹ Afe mei siete dígade ángeles daínámaci Juziñamui abi imácimona daa cuemo úrizaibite. Afémie nauí Juziñamui ocuica siete dígade íraie jacírede duere finuana oruide ichecoí uitímie. Afémie cuena daide:

—Ero, Cordero aí izóidena jáítinona o ácataítícue, —daide.

¹⁰ Íemo Juziñamui Ñuera Joreño bie izóidena nícaí anado cuena cíotate. Afe Juziñamui abi ímie áillue caifónedumo cue uite. Afénomo monámona Juziñamui uícomona ana bite jamánomo ñuera Jerusalén jofue cuemo ácatate. ¹¹ Juziñamui abi ebire quenírena izói afe jofue quenírie cíoide. Daje izói iere ráífide nofici quenírena izói queníriede. ‘Jaspe’ daína nofici vidrio enéfecomo cíoina izói cíoide. ¹² Afe jofue jinófenedo nágafene áillue cirínubairo raa íte. Afe cirínogamo doce dígaze naze íte. Íemo illa diga nazemo Juziñamui abi ímie naidaina. Íemo afe náziaimo doce dígade Israel nairai mámeciaí cúeina. ¹³ Afe jofue náziaimona, fuirífenemo dazeámani íte. Íemo jíáie dazeámani onífenemo íte; íemo jíáie dazeámani féifenemo íte; íemo jíáie dazeámani afáífenemo íte. ¹⁴ Afe jofue jinófene cirínua anamo nofici finoina mozíoidíbani doce dígade. Illa dígabanimó Cordero nágagobiaimo orécano ‘apóstoles’ daínámaci mámeciaí cúeina.

¹⁵ Afe cue diga úrite Juziñamui abi ímie, oro finoina facáradozi líide, afe jofue facállena. Daje izói ie náziaí facállena, íemo jíái afe jinófene cirínua facállena. ¹⁶ Afe jofue fueda nagaámariede; nágafene daje dinóriede. Íe árrera dibene daje dinóriede; íemo íe ruica dibene daje dinóriede. Afe

Juziñamui abi ímie ie llíga radózido jofue facade. Facádemo dos mil doscientos kilómetros árrera. Daje izói ruica diné eróicana dos mil doscientos kilómetros. Iemo caifo diné eróicana jái daje izói dos mil doscientos kilómetros. Nágaferienai daje dinóriede. ¹⁷ Afe mei jinófene cirínubani facade. Facádemo sesenta y cuatro metros caifo ite. Afena Juziñamui abi ímie come facáfrena izói facade.

¹⁸ Afe jinófene cirínubani ‘jaspe’ daina nofici finoína. Afe jofue iáinide oro niina. Ñue enéfecomó cíoide vídriona eroide. ¹⁹ Jinófene cirínua anamo mozioidibanillai nana jáiforiede ráifide noficiáido ebire ñue finoína. Nanóidibani ‘jaspe’ daina noficiado ebire ñue finoína, íemo jáibani ‘zafiro’ daina noficiado ebire ñue finoína, íemo jáibani ‘ágata’ daina noficiado ebire ñue finoína, íemo jáibani ‘esmeralda’ daina noficiado ebire ñue finoína, ²⁰ íemo jáibani ‘ónice’ daina noficiado ebire ñue finoína, íemo jáibani ‘cornalina’ daina noficiado ebire ñue finoína, íemo jáibani ‘crisólito’ daina noficiado ebire ñue finoína, íemo jáibani ‘berilo’ daina noficiado ebire ñue finoína, íemo jáibani ‘topacio’ daina noficiado ebire ñue finoína, íemo jáibani ‘crisoprasa’ daina noficiado ebire ñue finoína, íemo jáibani ‘jacinto’ daina noficiado ebire ñue finoína, íemo jáibani ‘amatista’ daina noficiado ebire ñue finoína. ²¹ Afe doce dígade naze ibáirabici áillue perla. Illa dígaze daa perla ie finoína. Afe jofue cígido joide áillue macárao iáinide oro finoína. Afe macárao enéfeomó ñue cíoide vídriona eroide.

²² Afe jofue eromó Juziñamuimo gairíracó jaca ninó daa cíoñedicue; mei jamánomó ríinorede Juziñamuimo ebena nágaferienaimó caimátaidiaioiza. Afémiena jáifodó daina cai Ocuíraíma. (Afe jofue gairíracó Juziñamui abiza. Daje izói jái Cordero abiza.) ²³ Afe jofue jítómado egáñuamo dúñede; daje izói fiuido egáñonide. Mei afe jofue Juziñamui abímo ite ebírede quenírededó egáñogaza. Daje izói jái Juziñamui Cordero afe jofue egáñogaza. ²⁴ Nana jillotaga nairai afe jofue egáñuado mácaitiaioi. Bínie nairai illaini afe jófueo íaioímo ite aillo ebíriede illaíma daíllena ráaniaína átíitiaioi. Atiano Juziñamuimo, íemo jái Crísmo izájitiaioi. Daje llezica afe jofue ocuídímie íaillinoímo aillo ñúefuena mámeitiaioi. ²⁵ Afe jofue naze jaca monari íbaiñelle. Iemo afénomó jaca mona náuíñeite. Jira náziai íbaíllirui íñeite. ²⁶ Enie náiraíai íaioímo ite ebíriede ráaniaína afénomó átíitiaioi. Daje izói afénomó aillo ñúefuíaí mámeitiaioi. ²⁷ Mei íadi comécina íáiredino jaca afénomó jofo jáinide. Daje izói comécina éoidino dinomó jofo jáinide, naa taino llotínori. Dama zíñona ítino mámeceí cueránicomó mámeceína cuezámaceí dani afénomó jofo jaille. Afénico Cordero daina Jesucrísmo ite.

22

¹ Afe mei Juziñamui abi ímie iáinide imánina cue ácatate. Afémiani jainoi cómena zíñona cáatate. Afeji vidrio enéfenemó uáfori cíoina izói cíoide. Afe imani Juziñamui illáimana ráiiranomona tote. Afe ráiirano daje izói Cordero ie. ² Afe jofue cígido áillue macárao illa. Afe macárao dáafenedo comínina zíñona cáatate aménaíai riina. Daje izói afénomó ite imani fuédado nágaferne daje ie aménaíai riina. Afe aménaíai illa díga fiui llizífiredé. Iemo jái afe aménaíai íbai nairai ñue manóllena ite. ³ Aféruillaido afénomó faidórafuena jae íñeite. Juziñamui

illáimana ráirano afe jófuego ite; daje izói Cordero ráirano afénomo ite. Ie ocuífregano daa afémiemo caimátaitiaioi. ⁴ Afe llezica afémaci Juzíñamui, meáiruñeno jofo conímamo éroitiaioi. Afémaci ozócimo afémie mámei cúeina. ⁵ Afénomo mona jaca náuiñeite. Afénomo itino mechera izoide egáñuana jítañeitiaioi. Daje izói jítoma egáñuana jítañeitiaioi, mei cai Ocuide Juzíñamui íaioina egáioite. Iemo afémaci jaca ninomo zíñona illáimaitiaioi.

Jesucristo billirui ja ánozide

⁶ Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómuitifuiaina onótallena, —daide.

⁷ Iemo Jesucristo daide:

—¡Raíre biticue! Binícomo cuega Juzíñamui uáillaina jíeruitimie caimare ite, —daide.

⁸ Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, íemo daje izói cue ciona méifomo, cuemo ácatate Juzíñamui abi ímie anamo dújudicue afémiemo caimátaillena. ⁹ Mei íadi afémie cuena daide:

—Jadí izói cuemo íñeno. O izói Juzíñamui ocuícamiedicue. Daje izói Juzíñamui dibénedo úrifirede o ámatiaí izóidicue. Iemo jíái binícomo cuega uáillaina náfuetino izóidicue. Cuemo caimátaiñeno; dama Juzíñamui caimátaiñeiri, —daide.

¹⁰ Nane dáanomo cuena daide:

—Binícomo cuega Juzíñamui uaina báinino o comécimo jóoneño o iri. Mei bífuiái ícoímo ñue fuizájillirui ja ánozideza. ¹¹ Nai bie fuiña llezica, fiénidimaci íaioi finófirega fiénidifuenta dama íaioi finócaza. Fia eroi, mei afe izói íaioi illado jamánomo duere finólliaioiza. Daje izói comécina íáiredino dama comécina íáireoicaideza. Fia eroi, mei áfedo duere finólliaioiza. Mei íadi ñue itino íaioi illa baimo ñue iri. Daje izói Juzíñamui íena ñue finócamie fáicanocaiñeno afémie íena ífireiri, —daide.

¹² Iemo Jesucristo daide:

—Jíi, raíre biticue. Illa dígamíemo cue fecalle fia jíridoga izoide raa atídicue. Illa dígamíemo afémie finoca dieze fécaiticue.

¹³ Nanódimiedicue. Iemo jíái íiraimiedicue. Daje izói naga ráfuiái uícodo itímidicue. Daje izói fuizájillanomo itímidicue. Iemo jíái abecedario A-mona táinia izóidimiedicue. Daje izói abecedario Z-mo fuizájilla izóidimiedicue.

¹⁴ Íaioi iníroina jocófiredino izói, comeci ífue ñuérana méidotino caimare itíiaioi. Íemona cáatate amena llizíllana gürediaioi. Afe bie izói daíacade zíñona íaioi íllena. Daje izói íaioi iníroi ñue jócuamona, afe jofue nazedo Juzíñamui illánomo jofo jáirediaioi. ¹⁵ Mei íadi comécina íáiredino afénomo jofo jáinidiaioi. Iemo daje izói jíáima fue gáiana fibídino, íemo daje izói nana jíáíforiede jíruífue finódino, daje izói cómena méinetino, daje izói jánaraimo caimátaidino, daje izói jíáie comínina iere jífuefiredino, naa afe izoide fibídnori; nana bie izoide comini afe jófuego jofo jáinidiaioi; jáíñeno jino fiébitiaioi.

¹⁶ Cue Jesúsicue. Juzíñamui ua jáináidinomo nana bífuiái jino llóllena cue abi ímie ja cue oreca. Jaiái illaima David comuilla moi ímidicue;

daje izói afémiemona jebuídino comuítagamiedicue. Iemo iere egáiñote monáiracudu izóidimiedicue, —daide.

¹⁷ Iemona Juzíñamui Ñuera Joreño daide:

—Mai bi, —daide.

Daje izói Cordero ai daina afémiemo ua jaináidino íena daide:

—Mai bi, —daide.

Daje izói bíuailaina cacádino afémiena:

—Mai bi, —omoi daífri.

Iemo Cristo daide:

—Jiróacaitimie zíiñona cáataite jáinoína ibáñeno mai fia jíruaibiri. Afe bie izói daíacade zíiñona illáfuena óiacadimie mai cuemo bi; raíñóñeno omo fécaiticueza.

¹⁸ Nana binícomo cuega Juzíñamui uaimo cacáreidínona bie izói lléaiticueza, cacai: Dáamie bie ráfuena baimo zotáadi, Juzíñamui binícomo cuega jacírede duere fínuanaiína afémiemo jóoneite. ¹⁹ Daje izói binícomo cuega Juzíñamui uáimona dáamie daa uai oni óiadi, Juzíñamui afe zíiñona cáaitino mámeçi cuiánicomo cuega afémie mámeçina oni óite. Daje izói binícomo lloga nífuenide jófuemo Juzíñamui afémiena jofo jáitañeite.

²⁰ Bifue jino llotímie nane dánomo llote:

—Jii, raire biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

²¹ Cai Ocuíraíma Jesucristo nana ómoina ñue fínoiteza. Daítadeza. Jae níie.